

七十二峰足徵集八十八卷  
文集十六卷（文集卷三  
未刻）（一）

〔清〕吳定璋輯

北京大學圖書館藏清乾隆十年吳氏

依緣園刻本

序

周禮職方氏所載東南曰揚州其澤藪曰具區具區卽禹貢所云震澤左氏所云笠澤史記所云五湖而勾吳於越間總謂之太湖也湖跨江浙二省連蘇常湖三府袤延五百餘里中有七十二峰星羅棋布而東西兩洞庭馬蹟實為之長其濱湖諸峰左右列者均不與焉夫九州山水中如長江九江彭蠡以水名者不能無山匡廬羅浮黃山天台以山名者不能無水而具區七十二峰山水無之

沈序

其秀靈所鍾自鉅儒名臣遺逸寓公與夫仙真佛子閨房之秀接時而生旣已代有其人矣然而三不朽之一惟德之碩功之顯者載於史書焯焯不可湮沒而立言自見者苟無人焉搜討而表章之其不同煙雲之變滅花草之榮萎者幾何夫具區為揚州之勝七十二峰又為具區之勝而人文之擅秀靈於七十二峰者不能使之必傳卽湖山亦有因而減色者此吾友吳子友篁不能已於足徵集之葺也友篁產具區之武山夙擅風華煙霞成

性固無心於經世理物矣因思徵文考獻本儒者責而身為山澤之臞無由論列朝家故典乃采掇湖山前哲存其言行選其文辭或本諸史傳或求之家乘殫見洽文元元本本信者傳焉疑者闕焉於揚風扞雅之中寓知人論世之旨其用心可謂勤且專矣嘗考前代太湖詩文有具區洞庭等志有洞庭清氣集有續集有震澤編有包山集有湖山風雅紀諸書然所編始於唐宋未探徃古又所收多東西兩山其餘莫由徧及友簞扁舟簞笠徃

沈序

二

來於七十二峰之間詣荒僻訪燼餘枯禪野樵相與諮詢即殘編零落一二語可傳者兼收並畜而使之俱傳豈山水靈秀之氣散焉而晦聚焉而顯編書之功幾與造化分權者耶抑此書之成前後歷二十餘稔意有積之彌久斯發之彌光者耶既又思職方所掌具區而外如雲夢圃田望諸大野以暨弦蒲緱嶽揚紆昭餘祈之地皆澤藪也倘得有心如友簞者起而採遺書訪故老勒成一編以備九州掌故將足徵者獨在東南之域也耶而此

書則九州之先聲也是為序

乾隆甲子夏五長洲同學弟沈德潛題於燕臺容舍之夷白齋

沈序

三

序

扶輿雄剛清淑之氣凝而為山融而為水崇隆澄涵巍峨渾茫故兩間靈都與區輒以山水為職志英才秀民亦以山水為孕育而山水又必相麗山得水而滋水近山而潔隨山廣川陵阜沼沚每不可得蕪然僅曰相麗已耳山臨水濱水傍山麓樓指宇內小大近遠之境相麗者便為佳絕惟吾吳具區汪洋演迤以頃計者萬有六千七十二峰浮青插翠歷落布置於煙光浩淼中而全湖如鏡沉

泰序

一

浸而範圍之間遊湖濱漱灑空濛極望無際若不  
可一葦杭而策足至及泛澄波登東西洞庭峰迴  
路移平疇茂林桑麻廬舍與丹葩綠藻掩映如畫  
村落經行一重一掩俄頃已忘涉川偶凌陂陀陟  
岑岡松梢屋角之外忽如天門中斷水盡雲連盪  
胸決壑震駭慄慄始知渺焉一身泛重溟而離人  
世生長此邦習焉不察昧昧思之庶幾海上神山  
有此異境方隅之內匹此者誰所夫水流山峙其  
氣清爽水匝山重其神寧固又城市遙隔在彼一

方其習樸茂而靜安故此中人咸敦本力穡慈謹

儉勤而秀良俊彥則浸淫卷軸被服古人發為文  
章言有根柢蓋茲山夙蘊靈蹟在道書為第九洞  
天靈威丈人曾得禹書於林屋真仙高隱如劉根  
角里之徒載在前志流風所漸山癯澤叟清修介  
節代有其人至明季如施槃王荅吳惠蔡羽陸治  
輩詩篇翰墨猶映照藝林其間讀書續言修業立  
名處為碩儒出為良吏者志乘所書更僕難數大  
抵素封則好行推解寒畯則力砥廉隅賦詠見風

泰序

二

雅之代興稽古幸斯文之不墜地深境阻居然名  
獻之區川泳雲飛蔚爾詞宗之藪所謂雄剛清淑  
之氣鍾於山水即毓為人文不信而有徵乎兩山  
去予家百里而近曩顧未暇一遊客冬省假南旋  
今春有東西山宗人來謁邀余戾止其川原風物  
習俗之美良如前所云徧晤諸士夫復曾好學能  
文數典而不忘其祖因與考遺編之著述訪先詰  
之流風竊欲薈粹一書為是中文獻而友篁吳子  
適以斯集見貽其編纂至百餘卷首詩次賦次詞

次文略仿昭明太子例詩八詞賦合得一文一人以氏族序不限時代各系一小傳畧仿遺山中州虞山列朝例東山西山外旁及他山去取精嚴蒐羅詳到積數十年之力以潰於成名其集曰足徵斯殆雄剛清淑之氣實式憑於友篁而七十二峰文獻之傳不能不取徵於友篁也予故樂為序之乾隆乙丑新秋錫山同學弟秦蕙田拜手書

恭序

三

凡例

是集表太湖之凡也太湖詩文有選肇自前明吳隱君思政之洞庭清氣集嗣之者為孔叅軍道行之續清氣集皆始於宋南渡迄明之中葉入集不過三十餘人人不過數首未嘗有漢唐以上作也其後予從祖不官暨秦存古兩先生選兩山風雅而傳人寢廣然亦未及馬蹟長沙橫澤諸山也自是聞風興起者慎在茲有太湖詩選陸仲飛有洞庭明詩選葉石君有東山詩紀凌聖功有金庭合

凡例

一

選葉蒼舒有兩朝國雅席貢湖有湖山靈秀集大槩權輿於清氣取材乎風雅而各出手眼以成一家之選第諸先生意在傳其詩予則意在傳其人入繫小傳廣采七十二峰不拘一隅務為吾鄉先詰存其言行於什一云爾

徵文以詩為主次以賦以詞至於散體之文名家具有專集美不勝收止採其有關湖山風物足備考稽者錄焉

徵獻五湖七十二峰世家大族高人逸士多矣史

有傳家有乘或本事有關佚他書載其首尾或學士大夫所未悉而山臞澤叟能道之叅互考訂闕疑傳信皆有原本非敢鑿空杜撰以誣前詒而欺斯世

貢湖靈秀集凡例仿元遺山中州集今仍之獨不以時代為編次而以氏族作類叙者竊取世家世本之意著其來歷以見家學淵源相承有自而門第之甲乙箕裘之隆替亦可考世次而得之

湖山荒僻前輩詩人吟嘯隱居者止以自怡不求

凡例

二

人知其梓稿問世者十無二三故列朝詩選明詩綜兩書臚列一代人物而所載太湖詩人不滿數家予從事此書數年來叢糧移棹於七十二峰古里荒村無遠不到殘編剩卷無有不搜得二百八十餘種姓名可考者六百餘人苦力不能合梓僅節鈔十之五六非敢云選也

前輩遺稿十亡六七間有流傳一二又非若楓落吳江長笛倚樓之句足以千古葉石君東山詩紀中有僅載姓名而削其詩句者恐久之并姓名亦

歸湮沒今以氏族類編其中必有魁然傑出者為文采風流之冠而殘膏賸馥亦足沾溉其餘則亦兼存而節取

閨秀出於名家巨族咏絮吟風綽有風範者固不乏人而衡門靜女夙具慧心無所師承天籟自鳴亦復不少或偶爾識字便學吟詩宜為桐城方夫人所嗤者若出於苦節奇烈之筆雖句不諧律辭未雅馴而其中有意味是在以詩傳人以為後來賢女子勸不得不存

凡例

三

寓公前代俱不可考南渡後頗有聞人有明以來必故老見聞歷歷可據者方存疑者寧闕

方外小傳悉本靈濟曹洞諸山塔銘賢首宗乘其餘林栖雲卧聲出金石者採錄其尤以登集

詩人小傳於他山頗畧而東山馬蹟較詳東山故家大族遺者多聞可以諮詢博採考訂成文馬蹟一山得徐君起田搜羅事實佐我不逮若他山既鮮同志又無好事家有藏書可就鈔借讀依據立傳是以僅紀姓名者居多

立傳有蓋棺論定之義故止錄先詰詩賦文詞而  
現在者不與惟是年高德劭鄉推祭酒可卜其晚  
節之無他者自古稀以上附載各姓之後

是集七十二峰詩人之詩七十三卷閨秀三卷寓  
公四卷方外五卷仙鬼僕伎一卷賦三卷詞二卷  
文十三卷但世遠年湮恐多遺漏竚望同志君  
子鑒此區區之誠倘有珍藏前輩遺集出以見示  
當即補入

凡例

四

七十二峰足徵集目錄

武峰吳定璋友篁菟錄

卷一

濮 婪

濮 孟初

濮 肅

濮 本

吳 百生

吳 澤

吳 壽寧

吳 壽昌

吳 惠

吳 曷

吳 鎮

吳 懷

吳 恪

吳 庸

卷二

周 術

周 遠

周 嵩

周 頌

麴 信陵

麴 貞

俞 躍龍

俞 琰

俞 仲溫

俞 貞木

俞 詰

卷三

許 必勝

許 琮

許 理

許 銓

許 道中

許 繩武

許 鼎臣

許 鼎元

許 新民

許 世泰

卷四

賀 廉

賀 元忠

賀 泰

賀 承宗

賀 萬初

史 昱

史 緯

孔 聞微

孔貞行 孔貞明 孔尚素 孔尚達

卷五

秦欽 秦辰樞 秦嘉銓 秦文超

秦國珍 秦元熙 秦之鑑 秦澂

秦翰 秦式金 秦之琦 秦崇瞻

謝穉修 謝復 謝尚義 譚道原

卷六

葉顥 葉謙一 葉德聞 葉德新

葉廉 葉漢 葉祚 葉具瞻

葉齊芳 葉應奎 葉良輔 葉宗直

葉宗德 葉珙 葉勤民 葉詩

葉延祖 葉傑 葉茂榮 葉胤祖

葉遐章 葉昭夏

卷七

蔡宗善 蔡旭 蔡昭 蔡昇

蔡蒙 蔡雲程 蔡德馨 蔡惟忠

蔡善道 蔡一心 蔡淦 蔡旅平

蔡湛 蔡汝嘉 蔡簫 蔡元宸

蔡士祿 姚起蛟 姚珏 姚元會

卷八

吳信 吳敏 吳天禴 吳大江

卷九

施槃 施鳳 施中 施王宣

施元善 施大用

卷十

王琬 王鏊 王銓 王延陵

卷十一

鈕慶 鈕仲玉 鈕國蕃 鈕王綸

鈕雲

卷十二

陸治 陸文組 陸鍾呂 陸伯相

陸漢昭 陸生鳳 陸一寧 陸有餘

卷十三

嚴經 嚴果 嚴倫 嚴宗顯

嚴茂初 嚴大本 嚴始 嚴允弘

嚴兆名 嚴自成 嚴簡 嚴灘

嚴 樞

卷十四 上

蔡 羽

卷十四 下

蔡 羽

卷十五

丁致祥

丁 翰

丁復初

丁 辛

丁 澈

黃 訓

黃光宅

黃文漢

黃 河

杭 渭

杭 澤

杭岱宗

四

杭 玄

杭銘鑑

杭源濬

杭 檀

魯 釗

魯 鉉

卷十六

張 本

張希甫

張正春

張 列

卷十七

徐 際

徐 察

徐 輝

徐 鑑

徐 章

徐 震

徐 鐘

徐 琦

徐 璉

徐 珍

徐 璿

徐 瓊

徐 縉

徐 璘

卷十八

葉初春

葉正春

葉奕春

葉逢春

葉子循

葉灼棠

葉壽棠

葉芾棠

葉令遐

葉 經

葉 鑣

葉汝賢

卷十九

李 顥

李 濬

李 鼎

李 鼎

李 備

李 奐

李高桂

李盛時

李 敬

李 珍

李仲芳

薛 南

薛 直

馮 晁

馮世祿

馮思正

五

馮 儒

馮 霖

馮兆占

馮兆賜

殷 鈇

管默思

魏惇徵

魏倫標

魏名大

魏余棟

卷二十

鄒 倫

鄒之翰

鄒斯盛

鄒 儒

鄒 賓

鄒弘志

慎在茲

慎 康

費而廉

費世榮

卷二十一

葛 佩

葛 符

葛一龍

卷二十二

姜節

姜大謙

姜曦徵

姜立寬

姜森玉

勞珊

勞遜志

勞遜膏

勞激

邱文化

邱時學

邱民誌

邱國浩

卷二十三

劉敏

劉鳳舉

劉昭文

劉薰

劉仁啓

錢孝

錢球

錢豫謙

錢國珩

錢憲祖

錢松

錢憲默

六

錢淵

卷二十四

許曄

許志問

許明輔

許元功

許汕

許濠

許元

許振光

許聚

許永鎬

卷二十五

吳文之

吳絳

吳九達

吳縉

吳潔

吳情

吳愷

吳悌

吳瑞

吳之申

吳之華

卷二十六

朱右

朱昱

朱魯

朱璜

朱良佑

朱鳳章

朱明

朱枝昌

朱鳳起

朱汝龍

朱輔世

朱永譽

朱必振

朱宗蕃

朱世榮

朱鶴

朱秉貞

朱繼夔

朱濟世

朱謙

朱紹

朱如英

卷二十七

陳睿謨

陳康謨

陳咨稷

陳玉璫

七

陳志浚

陳瓊

陳所知

陳履儀

陳履儼

陳璠

陳世祉

卷二十八

陸廓如

陸樞

陸奮飛

陸翮

陸繼蒙

陸鳴皋

陸經

陸寧國

陸燾

陸維

卷二十九

鄭準

鄭泰勇

鄭坤

鄭香祖

鄭溥

鄭元亨

周公贊

卷三十

湯 幘 湯祖武 湯承彝 湯 沐

湯學修 湯國璟 湯 齊

卷三十一

顧 綬 顧 超 顧 元 顧輝祖

卜有徵 卜 相

卷三十二

周 琬 周 宸 周惟正 周 謙

周 欽 周 雅 周 南 周 魯

八

周、師 周 淙

卷三十三

葉善道 葉 松 葉 源

卷三十四

翁 廉 翁 鉞 翁 藹 翁 彬

翁世琦 翁應玄 翁天章 翁 誥

卷三十五

施大政 施 珵 施 逸 施弘道

施大經 施應登

卷三十六

吳 橋 吳 棟 吳大本 吳 崙

吳嘉禎 吳安伏 吳景霄

卷三十七

葉 崙 葉程南 葉弘祖 葉有馨

葉 英 葉澄高 葉世偶

卷三十八

席 沔 席學武 席本廣 席啓紘

席啓鳳 席啓圖 席 濤 席敬泰

九

席啓吉 席啓疇

卷三十九

陳愛民 陳之桂 陳啓寅 陳復新

陳 綸 陳 蘭 陳 椿 楊允魁

楊 匡 楊一鶚 楊信圭 高鴻舉

高學渭

卷四十

葛彌光 葛御夏 葛昭夏 葛行夏

葛承章 葛 畊 葛之耆

卷四十一

許之漸

許之溥

許之澍

許惟挺

許惟楫

許麟耀

許璿耀

許台耀

許元愷

卷四十二

葉蕃

葉闇

卷四十三

金信

金繼昌

金燭

金冶

金鼎臣

金令

金鼎

金礪

十

卷四十四

王禹聲

王晉

王嘉衡

王尊賢

王憲度

王武

王祚謙

王希

王來誥

王熙祖

王奕達

王就學

王需

王奇佶

王世庸

卷四十五

鄭階

鄭圃

鄭逸

鄭華晟

卷四十六

吳鼎芳

吳士竑

吳玄齡

卷四十七

葉時蕃

葉繼忠

葉時育

葉元發

葉之恒

葉之倫

葉聲

葉芳嘉

葉萬年

葉萬里

卷四十八

徐復陽

徐國瑞

徐震陽

徐騰暉

徐騰暉

徐騰照

徐兆鼎

徐兆貞

徐兆衡

徐佩

徐承中

徐庚體

十一

徐臨

徐龍乾

徐又彬

兆龍

卷四十九

蔣璇

蔣秀

蔣之綏

蔣尚義

蔣粲

蔣湛

蔣瑛

蔣琦

蔣應期

凌諍臣

凌啓蒙

卷五十

湯濩

湯大任

湯大訓

湯一麟

湯一騏

湯輅

湯光

沈本

沈餘烈

沈啓元

沈啓明

沈謙用

沈維璜 沈國元 沈希孟 沈璣

沈世宏 沈莊 沈高桂

卷五十一

翁天游 翁澍 翁文梓 翁士芬

卷五十二

周采 周而淳 周官 周維新

周恒 周吉 周五基 周祖典

周德新 周斐仲

卷五十三

十二

吳暘 吳惺 吳伯尚 吳仲正

吳渭 吳軫 吳翼 吳夢青

吳彥深

卷五十四

葉芳標 葉良楨 葉聯璧

卷五十五

周建鏡 周建銘 周沈祿 周禹

卷五十六

馬雲程 馬篴 馬春 徐偉

徐璋可 徐瑜可 徐玠可 徐志宏

徐廷珂 徐三函 鄧旭 鄧秉鉅

蘇一善 孫治 曹鼎新 曹允昇

卷五十七

葉弘勛 葉英 葉澄高 葉之廉

葉兆昌 葉張綏

卷五十八

翁美 翁泰 翁大賚 翁大貴

翁旭 翁守神 翁校 翁格

十三

翁棧 翁紹臺 翁國權 翁國相

卷五十九

葛峻 葛喬年 葛士範 葛士邁

葛國榮

卷六十

蔡維寧 蔡開 蔡士吉 蔡疇

蔡集

卷六十一

許元愷 許彰 許彩 許彩

許元弼

許章光

許光炳

許昌岳

卷六十二

許官

許成才

許朝元

許志明

許鍾乙

許濬

卷六十三

翁志琦

卷六十四

葉樹廉  
葉善徵

葉奕

葉修

葉裕

卷六十五

十四

席啟疆

席永昂

席永思

席永觀

夏校

夏銘

邱廣熙

邱

吳中朗

吳兆麟

吳兆鯉

吳克昌

葉德大

葉近

萬延卷

秦中泰

陸瑞鶴

陳猷

鄭茂協

鄭棟

卷六十六

金友芳

金汝劬

金植

金士衡

卷六十七

吳之昌

吳中才

吳浩

卷六十八

張振先

張善道

張明俊

張鼎

張御探

張震亨

張

鼎

卷六十九

吳高

吳從聖

吳從明

吳嘉銘

吳時德

吳時升

吳時雅

吳永順

吳永減

俱同上

吳克恭

卷七十

余弘道

潘坤元

戴銘

戴紀

卷七十一

張延基

張士枋

張尚綸

王奕仁

卷七十二

十五

席敖

席後沆

席永鏗

席紹雄

席錢巖

席玗

席王芳

席陸蕤

卷七十三

蔡士寧

葉從時

葉青

葉金鑑

葉夢林

葉士奇

卷七十四

閨秀

葉正甫妻劉氏

蔡橋洲妻吳氏

朱瀾

施素秋

張武峰妻孔氏

周孔嘉妻葉氏

葉氏

沈載公妻張氏

卷七十五

鄒延珍妻吳氏

黃玉章妻吳氏

鄭量如妻嚴氏

吳翰章妻施氏

貞烈女王氏

貞烈女席氏

錢澄之妻方氏

卷七十六

閨秀

許冰素

吳淑賢

延陵葉氏

翁駕徵妻葉氏

唐屏山妻葉氏

席淑媛

陸瑞玉

金峴亭妻陳氏

葛孺人

席允成妻吳氏

席大業妻吳氏

周五瑞妻翁氏

周月貞

潘御雲妻姚氏

菱湖茹芝

附

蔡靈州夫人鄒氏

附

卷七十七

寓公

張祐

孫覲

葉夢得

李彌大

胡松年

王逢

王鵬

卷七十八

寓公

莫士龍

路振飛

路澤濃

侯性

侯藏

張虎

吳鵬

金印

金印

馬同春

唐大卿

徐家

龔源

龔瑞

張玉

卷七十九

寓公

徐乾學

葉燮

周金然

張恒

歸莊

柏古

高溶

周南

周際昌

周宸錫

沈峻

卷八十

寓公

陸燕詰

陸瑞麟

嚴振

卷八十一

方外

重顯

義懷

大香

通潤

卷八十二

方外

正觀

超輪

慧曉

廣成

靜安

慧澄

真諦

照乘

顯謨

通乙

大幻

實訥

原淨

成德

明隱

文玠

營 澈 心 淨

卷八十三 方外

弘 儲 式 謙 紀 蔭 超 揆

曠 蹤 志 獎

卷八十四 方外

南 潛 則 遠 大 涵 祖 涵

元 燈 明 惠 靜 睿

卷八十五 方外

大 燈 德 濟 元 祚 通 明

太

延 音 衍 皓 山 灝 席 應 珍

徐 穎 陳 忱 安 生 僧 鑒

宛 仙

卷八十六 仙鬼僕伎

吳 童 子 杜 蘭 仙 蔡 經 震 澤 龍 女

張 志 和 夷 叔 羅 陰 長 生 夏 顏

橘 社 鬼 仙 終 南 道 凌 波 葉 祖 仁

吉 小 乙 鳳 筠 碧 雲 附 王 六 娘

卷八十七

詞

卷八十八

詞

目錄

充

七十二峰足徵集卷一

武峰吳定璋友篋蒐錄

虞山陳祖范見復編訂

濮 婪

公吳延陵季子之孫也當越入吳之際邂逅五湖  
變姓名爲濮婪居東洞庭之虎山有土阜負石而  
出相傳爲濮公墩云按延陵祖德錄有高山詩三  
章採之以爲太湖文獻之首也

高山三章

七十二峰  
足徵集

武山  
吳氏合編

卷一

爰有高山洪湖襲之龍蛇既遠夕月朝曦穆然而  
靜淳風未漓我安適歸載歌採薇  
爰有高山可立室家藏器奠主心靡有涯傷羽投  
林窮魚赴洿祖澤下泯身隱焉嗟  
爰有高山以望故都螭首蛾眉毒竟沼吳至德弗  
祀傷如之何我爲臣僕其傷孔多

濮孟初

公字元善延陵之裔唐德宗時人學於魏宗魏詩  
尚簡淡有陶謝風骨

濮公墩晏坐

愛茲碧山靜獨坐澄清興日落松風生雲光滿蘿  
逕

記別三首

媧腹阻行遊廣粟去天咫尺晨風飄往路千里從茲  
始悠悠山川邈冉冉青陽駛剡溪無返棹結戀懷  
吾子

桑弧四方志跼踖我非夫今譽掇安寢閱躬得新  
儒文酒招近局戰勝彌形癯不辭垂下澤焉用歎

七十二峰  
足徵集

武山  
吳氏合編

卷一

交衢

淪羈定山外迴矚固陵東遙空天水碧海岸扇和  
風露花香欲泣苞綠間殷紅縱得春林意遲歸賞  
未終

濮 肅

公字端士宋仁宗時人志趣高潔與吳門范仲溫  
研精參同契直造玄室年九十無疾莊坐而逝

知足

知足自不辱古人乃患辱但安童叟嬉寧與紛華

瓶白日一卷書興來還秉燭

述懷

人生天地間自顧一何小  
寧同避釣魚敢學驚弓鳥  
物理自悠悠世情多擾擾  
桃源眼底是何必尋雲表

濮本

公字君立宋神宗時人生而岐嶷性不嬉戲十歲能文博覽羣書既壯歷遊名區作時事策謁蘓老泉議論深切蘓大奇之延陵祖德錄載詩一首

七十二峯足徵集

武山吳氏合編

卷一

偶感呈蘓先生

好手不甘袖日對棋一枰雄爭漢楚壘秘逞孫吳兵  
債着還自錯先機非偶贏古今多少事落盡此空聲

吳百生

公字承榮少有器識舉止過人嘗慨歷世冒濮姓祖宗讓德氓焉廼輯延陵祖德錄宋高宗南渡赴臨安叩闕陳情有旨行本路勘實復吳姓酌免其居址地畝糧稅以報伊上祖墾闢之功今濮公墩

季子祠是

宮詞四首

妙選昭陽進羞花妬六宮行階蓮落地隨御柳含風按舞天光近徵歌燭影紅夜深金殿合環珮月明中

阿嬌金屋閉羣玉奉龍舉夜色明光酒春風長信裾傳宣嚴仗合應侍冶容虛笑簇嫣然地名花總不如

釣樂雲中動鑾輿天上行百花齊醉日孤月獨明

七十二峯足徵集

武山吳氏合編

卷一

更玉漏頻催酒金爐細結夢春秋有常幸日日調

清平

中使質明催珠宮寶扇迴髻雲雙鳳攤歌雪百花堆競立微殊寵群趨望獨魁壽陽春夜額貼盡一庭梅

莫釐遠眺

金庭隔塵聳玉柱插天浮石古不知歲谿虛長欲秋繡重紅錯翠錦簇閣兼樓望裡三州遠吟邊松月留

烏夜啼

夜夜烏東啼未央明月出戶空飛霜吹笳征夫不  
就寢宮筵列燭輝滿堂

吳澤

公字兌夫天性慈祥氣量純雅通周易春秋善以  
義理開導愚情人宋德祐初舉為宣政教官

古有所思

我思至人遊心唐虞之帝廷上下數千載迥如雲

霄疇與京輦夔禮樂表世則克紹周孔流芳聲斯

七十二峯

武山  
吳氏合編

卷一

五

文在茲幸不墜亘古永懷惟六經

吳壽寧

公字逢辰號蘭坡宣教公仲子元至正間於先壠

之右建祠堂像設季子合族人歲時祭祀旁構精

舍曰壽寧庵鑿泉於道以飲渴者曰壽寧泉范敬

之為記稱其世有積慶云卒年九十有七

錄譜示後

世家最重延陵譜脫屣吳宮讓德存祖澤源深流

自遠宗支派衍本須尊光榮一字褒尼父隱遯三

傳著濮墩老眼閒窓勤校覈后昆師法耻爭喧

得泉

濮公墩下古祠邊疏剔雲根碧盎然廉讓之間分  
一脈任人喚作壽寧泉

吳壽昌

公字逢午號桂坡宣教公叔子恭兄友弟家庭雍  
穆績學力行不求聞達有讀史諸作趙子昂亟稱  
之

陽春歌戲贈吳興趙王孫

七十二峯

武山  
吳氏合編

卷一

六

天孫年年織花錦萬紫千紅春管領春風裁剪春

鳥引芊眠芳草金杯飲金杯飲花正濃晴空飛燕

游絲中美人玉貌花一同自憐容易繁華空良辰

不肯枉拋擲日日高樓校女紅

讀史吟

椎埋屠狗是何人一一都教作漢臣莫道英雄獨

劉季白蛇當道意無秦

萬事由天不可知旺衰氣數作安危崖山颶覆渚

沱凍一局興亡着定棋

吳惠

公字孟仁號東麓東洞庭岱心人宣德丁未馬愉  
榜進士由行人歷官桂林府知府廣東右參政使  
占城賜一品服致仕後自號天樂翁外孫蔡羽爲  
之傳震澤編云公使占城時海風暴作同行者倉  
皇泣下公操筆爲文投洋水中風濤頓息在桂林  
義寧峒賊首楊文伯煽湖湘苗寇爲亂兩廣將會  
兵討之公曰論之不從進兵未晚乃單車抵賊所  
撫諭之賊羅拜歸欵修仁荔浦猺獞數剽掠道梗  
七十二峯

武山  
吳氏合編

卷一  
七

投洋詩

公召諭以威福人給郡符使佩之自是不爲害前  
後所上章疏皆鑿鑿可行爲人有氣節遇事敢爲  
好賦詩善行草山人登進士第自公始也

跨海宣皇仁非同估販客使臣雖渺軀威靈挾玉  
冊颺母胡然來奔濤儼肆厄我無子玉弁我無滯  
瑩壁往返袖清風寸心矢精白煌煌大明詔海若  
敢失職中國有聖人智何遜重譯告爾應有知安  
瀾送飛驛

入義寧峒

天設此邦險乃爲蠻獠窟亂峰青入天萬石雲中  
突峭壁矗崇墉古洞嵌碑砣關門守一夫仰面攻  
豈得從來詐力徒恃此每狂悖撫馭失其宜禍作  
勞剪伐嗟彼蠻獠人生亦具膚髮天性匪盡乖順  
逆理可奪單車抵其壘開誠破迷惑涕泣盡投刃  
盟心性載割居然赤子懷南人戴諸葛兵氣潛以  
消約束鮮睢刺頓覺噉噉處嵐光堪拄笏迺知邊  
囂開十五激之發柔遠有經綸禁網尚疎濶

七十二峯

武山  
吳氏合編

卷一  
八

水災後過淮作

聞道淮安富開倉復賑貧不知荒冊上活得幾千  
人老弱流離衆朝廷法令新江南半天地小惠莫  
言春

奉使占城

玉節龍旗奉寵靈衣冠遠錫慰來庭中天皎日消  
蜃氣萬里長風送使星荒服子孫承貢獻嘯夷德  
化本朝廷行程聽徹銅龍漏簫鼓來迎出浩溟

占城元旦

占城宣詔度新年萬里蠻邦景可傳日着紵衣三  
伏候夜聽銅鼓八更天山雞啼處聲猶小海鯉供  
來味頗鮮當晝日輪如火蓋庶民常自沐清泉

學舍夜課甚賴火石燈檠二物各賦一詩以  
贈

一點靈光隱璞中敲金戛出落星紅形分五嶽山  
林氣神助千家日月功舉手不煩鑽燧力傳薪還  
藉運斤風寒窗賴爾相磨勵夜半聞聲起伏龍

韓縈不論短和長夜夜芸窓一樣光吐出丹心垂

七十二峯

武山  
吳氏合編

卷一

汗簡放開春色煥文章照殘萬卷月猶白看盡五  
車花自香慙媿世家無異物此君奕葉耀華堂

度梅嶺

梅嶺重關聳碧岑逶迤石徑畫長陰梵王宮殿碑  
文古丞相祠堂歲月深萬里風烟連絕頂滿山霜  
葉墮疎林帝鄉北去雲霄迥翹首時懸一片心

喜雨

山城五月土欲焦浮雲瀾漫橫西郊昏黑須臾失  
天地滂沱傾刻平塘均及時萬畝播嘉穀鼓腹億

兆歡衛茅張燈置酒晏賓客醉翁亭記當筵苑  
無題效李義山體

曾倚清酣奏綵毫象牀冰簟玉樓高徐娘老去風  
情在班女愁來詞賦勞秦柳日斜傷渭曲楚蘭春  
暮怨湘皋仙根寂寞崑崙遠浪說人間有碧桃

春日漫興

十日不出花盡開城南城北錦成堆即教閉戶從  
花盡莫遣看花不醉歸

秋夜登樓

七十二峯

武山  
吳氏合編

卷一

天高涼月浸山樓萬綠盈疇一色秋寄語桓伊休  
弄笛梅花落處使人愁

吳昂

昂字景東號武峯參政公兄弟行嘗卜牛眠於高  
峰之俞塢形家言葬此當出一品王文恪公元配  
吳夫人公長孫女也以夫貴誥封一品夫人而吳  
氏子孫迄未有登第者至今土人稱之曰女貴墳  
其詩筆古淡耐尋味

鳴鴈

鳴鴈嘹嘹嗟爾霜宵北來雲遙寧防射鴈 鳴鴈  
侶侶聯翩其舉豈無虞羅吾則懼汝 南方之風  
今也不同深機葦叢驚爾幾空 爾其飛只無戀  
安渚適彼遠天何及也矢 相彼鳴鴈律我友朋  
知幾高蹈雲霄鳳皇

雨望

望久雲霓今始得高閣登臨喜無極油油禾黍風  
雨中老農憂色變歡色

寄山莊先生以沈啟南画索題因為絕句貽

七十二峯

武山  
吳氏合編

卷一  
十一

之并似啟南未知於造意處曾道着否

行雲無定踪流水向何處中有得道人無來亦無

云

半壁捲飛濤寒江忽移此正當酒渴時一杯漱吾

齒

秋水高數尋石壁落千丈時有蕩舟人間來坐天

上

五柳陰一溪柳畔茅齋露讀巖山海經先生正高

卧

林空落葉乾石瘦苔花冷嘿行觀道心碧澗流雲  
影

樹暖雲皆靱山春草欲香石門卧馴鹿不識歲華  
長

竹林知姓字領畧見風神荷鋤誰能事乾坤一酒  
人

對雨空明閣夕陽開遠岑返照石壁上寒潭深樹  
陰

清霜肅林樾江靜水聲悠寒鴉棲不定漂泊楚天

七十二峯

武山  
吳氏合編

卷一  
十二

秋

遙觀山中雲吞吐無已時人家住山下不知知不  
知

吳鎮

鎮字友山景東之子王文恪鑿外父也博學工文

尤寢食於三傳公無嗣著作化為烏有祇傳快壻

詩三首故老猶有能誦之者

南京鄉試喜濟之壻發解

月桂高攀第一枝紅羅傳報老夫知今朝展齒應

為折使堦乘龍破壁時

濟之會試聯捷得元

文戰風雲早著鞭巍然名姓冠羣賢生平溫飽曾  
非志好把功名繼孝先

濟之殿試欽賜探花及第

金門對策絲綸手玉殿傳臚台鼎司點得探花應

一笑太湖原欠狀元旗

王氏祖塋在化龍池形為鳳皇展翅湖中紫山稍偏地師云可惜狀元旗不正

他年應作探花郎今竟符其言亦奇矣哉

吳懷

七十二峯

武山吳氏合編

卷一十三

懷字鳴翰以字行別號東峰叅政長子與王文恪

鑒同時有文名兼能武事所與交皆一時豪雋嘗

為同庠生所疾羣聚於文廟前侮之東峰樞衣奮

臂人皆披靡從空踴躍如草上飛鷹翩然而逝莫

如之何也累舉不第鬱鬱以死生平嘗語人曰吾

文有金聲吾詩唐正音也有東峰集行世王文恪

題其像云於乎東峰天之生才將必有為有才如

君卒以不試君之為詩高視寰中天與之豪神助

之工瘦逾賈島險過盧仝狂書細札或整或斜細

入蚊睫勇拔鯨牙流落人間吁其怪耶誰云屢試

不聞一遺一目之網冥鴻飛高衡鑒之責吾徒所

叨於乎東峰今其亡矣吾疑猶在鬱碑之氣埋而

不壞廬山竹林自許生前於乎東峰然乎不然忽

覽遺像淚若迸泉文恪公之推許如此

友人以筇杖遙贈寄答

烟霜已蜀遠忽至洞庭陰蒼古一枝玉殷勤萬里

心懷君時悵望扶我日登臨山郭多遊興柳瓢契

共深

七十二峯

武山吳氏合編

卷一十四

龍頭雲

觸石纔看出遠岑飛來龍上作輕陰能同吾道卷

舒意惹起斯民仰望心忽落水田迷白鷺又歸樵

徑護青林明朝便見從龍去不獨商家有傳霖

贈王侍御

繡斧南巡幾歲華中都新拜寵恩加客邊貯橐應

無研海上遺民盡有家紫禁雪寒辭帝里黃河春

暖候仙槎共傳召伯重來日千載甘棠一樣花

詠南都鄉試

千里攜書上帝鄉紅羅先勝開雞場芙蓉獨占秋  
江色桂子高攀月殿香纔向鳳樓呈大手又從龍  
袞獻長揚明年走馬東華道萬樹宮花遶建章

下第還家

殘燈無焰一尊傾骨月難爲此夜情野岸西風宿  
雁度破窓落葉草蟲鳴飄零江海身何定點檢年  
華夢亦驚今日寒塘家獨在絲綸高捲釣船橫

過包山汎湖而歸

久知林屋勝蓬萊此日登臨霽色開戲踏金鰲齋

七十二峯

武山

吳氏合編

卷一  
十五

壯志醉題玉柱試仙才已無商叟知龍隱只有山  
霧識鳳來報道五湖風浪息獨乘蘭棹鏡中迴

登西湖小洞庭

春波飛雪打芳汀扶醉來登小洞遮金闕芙蓉千  
疊嶂玉壺天地一孤亭直須橫槩歌明月更擬浮  
槎作使星不獨坡仙誇嶺海茲遊還許冠平生

鍊墩

三江引去桃花水露出波心小玉屏四面海天涵  
地白一方烟薺破湖青登臨有客驚浮世今古無

人詠落星若使湖州仍見此便應添個看鷗亭

上王尚書恕

紛紛朱紫列朝端誰似尚書老豈冠報國不知雙  
鬢白仰天惟有寸心丹一封書奏龍顏院六月霜  
飛虎面寒願祝遐齡長不老扶持社稷萬民安

郡侯李廷美致仕還閬

春城冠蓋曉紛紛送別紅亭酒半曛每愛丹心常  
捧日不知孤嶂易生雲賢臣去國真堪惜野老吞  
聲不可聞見說鄉村衆兒女上書直欲見明君

七十二峯

武山

吳氏合編

卷一  
十六

湖上見梅

湖上尋梅雪未乾一枝攜向畫堂看還吟夜月尋  
常句重整春風十二闌瑪瑙坡前珠珮冷水晶宮  
裡玉妃寒湯誇鼎鼐君從事暫借園林賓主歡

王濟之及第歸以詩贈之

冠蓋從容訪舊知九重天上試歸期賢良久際風  
雲會懷抱同沾雨露滋雁塔題名君獨早螢窓脫  
跡我偏遲門前楊柳籬邊菊春色秋香各有時

遊湖東鮑庵太史

行樂人生第恐遲新晴先遣報君知未論姓氏通  
青瑣且對風花散酒卮吳國江山渾勝画梁園賓  
客總能詩綠陰處處堪維棹正是黃鸝百轉時

### 太史銘

關西一去楊夫子留得乾坤舊草亭當道正收高  
士傳大碑曾打史官銘光華自信留千載風雨應  
知護百靈實錄于今歸直筆幾多冠蓋挹芳馨

### 送思復之淮上次施宗銘韻

誰向東風折柳條征帆一夜泊河橋天涯草色愁

七十二峯

武山  
吳氏合編

卷一  
十七

春遠別路鶯聲入夢遙縱酒秦淮鳴俠劍狂歌吳  
楚過歸潮丈夫自挾封侯志豈獨三江送客橈

### 送思德北上

蕩漾春光逼柳絲宮鶯飛出上陽時王孫蚤賦江  
南草帝子纔歌冀北詩汎宅人分林屋棹買山家  
擅橘官貲荷衣暫解休思隱且聽花朝玉漏遲

### 題扇頭黃葵花贈鄭令尹軾

乾坤正氣非凡色浪蝶狂蜂不敢侵一朵自擎承  
玉掌萬花爭避向陽心暫傳春意來吳苑還添天

香到上林預飛名公朝闕去帶圍應賜此花金

### 與王翰林華嚴寺夜宿聯句

隔窗風雨夜潺潺濟往事驚心感慨間滿地江湖

成汗漫鳴終宵燈火說閒關山中自愛眠雲冷濟

林下誰容鶴夢閒便欲促君同起舞鳴早來青瑣

付朝班濟

### 吳恪

恪字承翰號東澗叅政次子謹於事兄不私其財

志趣高潔愛翠峰悟道泉日晷茗嘗之曰此陸鴻

七十二峯

武山  
吳氏合編

卷一  
十八

漸未喻也汲以餽名人吳匏庵沈石田王守溪皆

咏之傳為吳中韻事所著有東澗集散佚無存

其傳者一斑片甲而已

### 酌悟道泉

久踏翠峰路今嘗悟道泉淡中偏有味妙處欲生

蓮石鼎誰聯句松根手自煎堪嗟陸鴻漸未喻雪

公禪

### 睡燕和謝宗可

風前收翦倦啣泥日午歸簾羽翼低垂首欲教辭

客至無言如恨有鶯啼神遊杏花苑春元在曉  
塘路不迷若見陳君論滋味也應移壘華山西

吳庸

庸字仲思號平齋鳴翰之孫與吟壇葛鳴玉爲中  
表兄弟日相切磋有平齋集十卷

還山有懷子喬諸君子

芳草天涯歌王孫秋暮歸吳楓霜未落江雁雨初  
飛卽壑閒情在親朋勝會稀何時一樽酒相與話

睽違

七十二峯  
足徵集

武山  
吳氏合編

卷一  
十九

怡園

授老百年計忘情五畝園好花經雨艷芳樹護雲  
繁坐嘯寂群響行吟成獨言最憐風景別人世有  
桃源

句容道曉行

曉起碧山行霏微路未明星河垂地白風露滿天  
清氣肅寒初重秋高物自穠依稀見京國回首日  
華生

感時

乘槎擬欲渡天河身世無憑發浩歌坐對落花愁  
不盡靜聞流水意如何天邊避弋冥鴻遠江上忘  
機野鳥多甘以一身虛歲月可堪雙鬢老干戈

冬日華嚴寺作

衝寒扶策過青山古寺斜陽尚閉關雙舄入虛騷  
客到四花飛雨定僧閒石潭雲暗龍應伏鈴閣風  
生鶴未還坐久焚香轉幽寂恍然身世有無閒

吳欽

公字宗堯號東溪郡庠生以歲貢入京試太學易

七十二峯  
足徵集

武山  
吳氏合編

卷一  
二十

藝第一授江西贛州府推官以廉惠稱

酒城

霸主昔耽飲割地五湖傍遷徙善釀者居此各獻  
長至今得其術以業交四方吾廬隔世里無乃是  
醉鄉嗟哉池與城曷不爲金湯

七十二峰足徵集卷二

武峰吳定璋友篁菟錄

玉峰蔡爾浚繡壑編訂

周術

術字元道周泰伯之後居洞庭西山嘗與綺里季東園公夏黃公隱商雒年皆八十餘稱四皓作歌以見志漢高帝時留侯張良爲太子畫計以禮招致卒定國本蘇州志云先生居舟里故號舟里先生子孫遂以爲氏漢有舟叔者其後

七十二峰足徵集

西山周氏合編

卷二

紫芝歌

莫莫高山深谷逶迤曄曄紫芝可以療饑唐虞世遠吾將何歸駟馬高蓋其憂甚大富貴之畏人兮不若貧賤之肆志

周達

達字鶴在舟里先生之裔黃冠周隱遙之姪也隱遙得太陰煉形之道四十年中死而復生者三度名聞宇內隋煬帝徵至東都尋放還鶴在作桃源詩爲諷隱遙欲授以道術亦不願學

桃源詩

緬昔避世人幽尋得荒路山川旣修阻雲物還交臂奇蹤五百年漁艇率然繫驚問所從來黃緣夾溪樹淳薄雖異源外人已傳語繽紛徒悅目曷若藝稷黍丁寧喻桃花勿更流紅雨

自省

芳草易云歌鵲鳩滿空原徂年已如此鬼窟況堪捫顧我學輕舉脫屣諒非難偷生旣不敢亦重棄天倫

七十二峰足徵集

西山周氏合編

卷二

周嵩

嵩字喬年西山人宋末諸生

山樓秋夜

孤形侶雲漢涼思滿山樓高樹自吟簾清樽聊賞幽檢書初志動撫劍壯心留蟋蟀不知事喧聲何不休

訟風

西風雲戰急殺氣橫干戈有客懷鄉坐無隣送酒過布袍欣豫煖凍筆苦新呵默訴官冥后天涯征

成多

近聞

斜陽淡紫弄暉暉澤國霜前落木稀遠憶東皇沉  
羽駕近聞山鬼泣蘿衣画谿黑夜雙龍吼霞幕清  
秋一鶴飛送盡海天千里目伶仃洋裡有誰歸

晚菊

落日西風弄晚晴東籬曲曲燦金英先生茅舍終  
年淡惟有寒芳不世情

周頌

七十二峯

西山周氏合編

卷二

頌宇德揚元至大間以學行徵不就隱居教授兼  
以醫道濟世

陌上桑

陌上桑心憂傷國鄉不來桑葉黃秦家女兒鎖洞  
房何不顧盼生輝光

蒲生行

青蒲散野沼非由擇地生淺水身可依托根良有  
情水涸霜復降蒲質何其輕小草感造化年年發  
春榮蒲根能自植沼水常盈盈

魏信陵

信陵字宗魏唐貞元乙丑進士爲舒州望江縣令  
有惠政白居易美之以詩其精神請雨文略云必  
也私欲之求行於邑里憐贖之政施于黎元令長  
之罪也神得而誅之豈可移于民而害其歲旣卒  
百姓留葬祠祀之能福其民宋崇寧四年敕賜靈  
施廟額其故宅在包山王文恪震澤編志之

移居包山

重林將疊嶂此處可逃秦水隔人間世花開洞裡

七十二峯

西山魏氏合編

卷二

春荷鋤分地利縱酒樂天真萬事更何有吾今已  
外身

吳門送客

亂山吳苑外臨水讓王祠景是傷情處春非送客  
時不須愁落日且願駐青絲千里會應到一樽誰  
共持

贈苗員外

朱戶敞高扉青槐礙落暉八龍承慶重雙虎候朝  
歸坐久人聲絕琴橫鳥語稀花慚潘岳貌年稱老

來衣葉暗新櫻發風暄粉蝶飛誰憐魯儒賤獨與  
故山違

春雪和韓吏部韻

江南春意滿見雪起農謠正喜陽方長猶嫌陰未  
銷密來還沒瓦積久不平腰修竹皎清節垂楊裹  
綠條酒寬江上閣詩澁灞東橋玉帶隔年瑞華飛  
新歲瑞剪絨吹散夜殘甲戰酣朝雅素閒情放悠  
揚逸思飄山川千里練天地一囊綃萬樹凌寒後  
尋梅興獨饒

七十二峯  
足徵集

西山  
趙氏合編

卷二  
五

長安道

朱門映綠楊雙闕抵通莊玉珮聲逾遠紅塵猶自  
香

酬譚上人詠海石榴

真僧相勸外浮華萬法無常可嘆嗟但試尋思堦  
下樹何人種此我看花

題漁樵意圖

天晴偶作溪山行二老相遇談平生山經水注要  
相訂釣竿樵斧俱忘情

趙貞

貞字抱一龜山人宋隱士也

雪霽月明獨步梅花下

雪晴月白梅花芬朗行恍在瓊瑤京光搖燦燦玉  
宇淨香浮霽霽銀河明乾坤元氣正澄澈林巒景  
色何晶瑩風神韻我精爽逼襟懷頓覺塵囂清憑  
高忽爾發長嘯千山響振鸞鳳鳴夜深一望五湖  
白何當跨鶴遊蓬瀛

歲暮篇寄無礙居士

七十二峯  
足徵集

西山  
趙氏合編

卷二  
六

義和不停馭年華迅轉轂春陽萬卉菲忽驚遂淒  
肅人生那能壽盈百轉眼光陰如過客夙齡壯志  
日蹉跎黑鬢蕭蕭又云暫年來年去機中梭去日  
苦多其柰何君不見古來神智稱姜公賣漿屠肆  
成竒窮岐周王氣時不發渭濱槁死終漁翁人生  
代謝如四序陵陽松喬在何許功名富貴一浮塵  
濩落饑寒向誰語向誰語為君言寒氣凜冽陽和  
旋得失不羈大化全樽前有酒同偓佺明朝且笑  
雲山巔

俞躍龍

躍龍字禹門葉山人宋末諸生

憶佳山

佳廬一掬裡雪眼嗽天根時落凍僧影不逢飛鳥  
痕夢中石門路月照柴桑村春水自茲遠幽期空  
復存

俞琰

琰字玉吾先世自河南扈宋南渡家洞庭之西山  
風宇清峭博通經籍好鼓琴尤精於易自言遇隱

七十二峯

葉山西山  
俞氏合編

卷二  
七

者授讀易法得環中之義其闡發演繹參同陰符  
卦苟知之蓋嘗試之手鈔諸家易說百卷名曰會  
要註易纂圖考證古占法凡四十卷名曰集說參  
同契發揮三篇陰符經解一卷陰補空同道士鄒  
訢之不足易外別傳一卷融貫性命推行程邵張  
朱言外之意常疑近代琴操有譜無字失古指制  
作之原研究音調述絃歌譜四十餘篇寶佑間名  
籍甚阮狀元菊存馬右丞齊王參政都中皆白  
首北面稱為石礪先生年七十自知時至沐浴更

衣整襟危坐命子仲溫進卮酒飲畢曰吾與汝訣  
矣神采不移儼然而逝

感興

道在太極先鴻濛本無質自一而生二陰陽乃噓  
吸乾坤既奠位人極所由立列而爲三才萬化從  
此出羲皇始畫卦道體日已析西伯重六爻仲尼  
作十翼廣大靡不備精微孰事測偉哉魏伯陽獨  
能探其賾參同契一書豈曰無前識妙理繇斯存  
萬古如一日胡然今之人弗能踐其實紛紛學仙

七十二峯

葉山西山  
俞氏合編

卷二  
八

出閉氣以數息口吸日月光以爲長命術區區學  
仙客窮年坐面壁其中無運化頑空亦何益是皆  
昧其本可爲長太息吾讀聖人書期入聖人域此  
心會此道此道貫乎一靜觀天地初抱而弗敢失  
不論如虛無不論如空寂凡百主乎敬罔爲衆形  
役由今返厥初渾然一太極

石澗吟

山居得岩穴結屋傍林樾游息在其間聊以傲風  
月好風泠然清霽月朗然明入目無惡色入耳無

惡聲山間有奇石落落處荆棘含貞不呈露寧無  
夜光璧道人心如愚身與天爲徒其中懷至寶其  
外如狂夫山間有深澗涓涓清日渙源頭活水來  
萬古流不斷道人方寸中欲盡天理融念念常相  
續妙用無終窮安然于此隱所得日已稔間來石  
上眠渴向澗邊飲不憂囊無錢不愁坐無檀富貴  
人所欲於我何加焉田園差可恃萬事足乎已可  
食無不鮮可茹無不美逍遙天地間此身終日閑  
往來無罣碍佳處任盤桓靜則石爲伍動則澗爲  
七十二峯

西山  
俞氏合編

卷二  
九

擬古

青青庭前竹密葉光離離主人弗剪伐愛護日以  
滋蕭蕭河邊柳攀折無完枝風波蕩其根戕害日  
以衰人生天地間榮悴諒如斯其居使之然造物  
無偏私

家藏小玉缶

家藏小玉缶歲月亦已久溫純無瑕疵樸素不矯

操君子謹言語監此常守口置之几案傍以爲筆  
硯友嬌癡三歲女戲弄舞於手墮地聲琤然竟歸  
無何有信哉天地間惟理獨不朽

送洪養源編修還京

鄱陽山水秀秀氣鍾三洪咳唾成珠璣錦繡蟠心  
胸文章特餘事高節凌衡嵩姓名千古香炳炳方  
策中箕裘傳裔孫文史富三冬學問日以博名位  
日以崇我昔遊芝山一見嗟莫從今茲歸吳門避  
逅俄相逢傾蓋如故交笑語春融融歲晚天正寒  
七十二峯

西山  
俞氏合編

卷二  
十

秋夜長

漫漫秋夜長皎皎秋月光游子思故鄉輾轉在床  
牀豪家年少郎月下飛瓊觴但愛秋月光那知秋  
夜長

閒居偶成

新年五十五健如少年時束起兔園冊細玩周易  
辭兒女自團圓臧獲自驅馳靜喜庭草綠閒愛春  
日遲琴彈一兩操酒酌三五卮無人惱我懷無事  
攢我眉一卷參同契數篇康節詩素願行須酬眼  
前聊自怡

癸未中秋分韵得宵字呈諸友

秋高氣肅夜寂寥一輪皓月行清霄清霄冥冥望  
不極崑崙山影何岩堯一年月滿十二度孤光燦  
爛尤今宵銀河隱晦不敢現北斗回折沉璿杓蚌  
胎生珠兔懷孕海門拍岸東奔潮道人端坐南窗  
下但覺銀海光搖搖神凝氣定寂不動俗塵萬斛  
俱全銷颯然天闕來金飈仙花散亂飛瓊瑤

題靈隱寺冷泉亭壁間

去城十二里地僻絕氛埃寺是晉朝建山從佛國  
來亭虛攢綠蔭澗冷浸蒼苔驚嶺吟詩者而今安  
在哉

憇雙鳳道中井亭

徐行到井亭渴喜井泉清雲散天無翳風來樹有

七十二峯

西山  
俞氏合編

卷二  
十一

聲枯田晴鳥聚濕壤早蛙鳴信道豐年樂人人說  
太平

窓孔

疎櫺誰擊破破處紙飄飄斜月穿金線微風響玉  
簫窺晴憐客悶避冷惜兒嬌最喜梅花近飛香入  
酒瓢

送吳蘭谷歸澧州

此去過衡湘悠悠道路長幾年倦爲客今日喜還  
鄉春浦芝蘭秀秋山橘柚香無由重面會別後漫  
相望

七十二峯

西山  
俞氏合編

卷二  
十二

用韓昌黎韵餞王本齋

濛濛曉色霧連天南望雷州路八千此去不知行  
幾驛便歸可待滿三年山遙鴈斷衡陽外地暖梅  
開臘月前早晚朝堂聽天檄願傳回信到吟邊

九日舟過彭澤縣懷故鄉

大江西望水茫茫蘆荻蕭蕭兩岸霜喜有順風連  
十日恨無好酒過重陽歸來陶令今何在老去杜  
陵空自傷回首姑蘇白雲下籬花今夕爲誰香

福山館中書懷

半生落魄走江湖對月臨風酒一壺  
自笑竊脂脂豈啄粟誰云老馬願爲駒  
薄租稅稻今秋熟本分漁樵何處無  
趁早束書歸舊隱閉門閒坐守丹爐

秋夜偶作

縛却心猿不動搖坐來方覺夜迢迢  
錫鑒膏盡燈花落瓦鼎灰寒香篆銷  
滿院西風吟蟋蟀半窓斜月印芭蕉  
靜中識破紛華境萬事從今付一瓢

送王本齋宣副赴江陵

七十二峯

西山  
俞氏合編

卷二  
十三

大江西望水悠悠三楚南來第一州  
寶布不勞將錦換丹砂可待致書求  
閒時須運陶公甕獨夜莫登王粲樓  
見說東湖多好景藕花香裡恣清遊

次韵答孟能靜總管

猶記對牀風雨夜西窗剪燭話綢繆  
重來彈指十年夢老去嗟余兩鬢秋  
唱和共添新賦詠情懷不減舊風流  
明朝有約須沉醉預折花枝當酒籌

冬日與邱竹徑陸萬閒行至和靖書院見壁間楊中齊詩次韻題其側

山村欲雪景淒涼寂寂書堂草樹荒  
獨坐空齋琴一曲隔牆風遞煮茶香

暮春有懷

碧桃落盡春歸去處處樓臺鎖綠陰  
終日倚闌空悵望遠山重疊暮雲深

贈雙鳳普福觀道士唐梅月

精神灑落如寒月標致孤高似老梅  
半夜玉壇瀟影下天風吹送暗香來

贈華陽道院琴士商碧山

七十二峯

西山  
俞氏合編

卷二  
十四

來往晴嵐縹緲中滿身空翠濕衣濃  
相尋欲聽蓬萊曲還在華陽第幾峰

題新里孫上人禪外樓

香篆消來日未曛數聲啼鳥靜中聞  
山僧定起應無事閒倚闌干看白雲

俞仲溫

仲溫字子玉石澗之子淵源家學湛深  
經術於丹砂化煉之方嘗試確驗終不肯授人元時舉爲平江路醫學錄

答二子

二子來問道道豈可空言細而入芥子大而妙無  
垠共參造化妙直窮天地把握精守元海放神超  
崑崙于焉識坤復玄理函貞元既知火候秘清濁  
辨水源至道原不遠至言本不繁要子釋衆惑與  
子鄭重論我家林屋山白芝燦朝暾陰森橘柚林  
窈窕舟里村緬茲湖山勝足避人世宣歸歟媿遲  
暮猿鶴候山樊

答僧問

七十二峯  
足徵集

西山  
俞氏合編

卷二  
十五

衲子問儒理頗知墨卑卑不知道在心見心即見  
尼如求性空外片心還自癡

擬題桃源石壁

世已非秦世人猶是古人爛柯還有奕煮石向無  
薪流水長存月桃花不記春乾坤自然別雲卧息  
諸塵

俞貞木

貞木初名楨以字行號立庵又稱洞庭外史石澗  
之孫修身砥行績學能文無忝乃祖家聲洪武中

仕樂昌都昌二縣丞以終

包山精舍屢縈余懷賦示止敬

精舍包山側綠厓曲路微到池雲弄影入戶月流  
輝烟靄青蘿屋山圍白板扉松杉寒愈秀猿鳥靜  
相依境勝忻神適情忘與世違莫爲簪紱累期與  
爾同歸

太常高先生與僕別久矣音問不通者餘三  
十年喜聞還朝入翰林升太常身登青雲每  
垂念故舊觀其贈孟敷之什眷眷而不相棄

七十二峯  
足徵集

西山  
俞氏合編

卷二  
十六

雅度如此何可得乎孟敷俾余次韻余病不  
作詩久矣喜公之情懷意氣勉用韻以寓我  
思非敢云詩也

太常列仙侶職優遂初心置身清切地思遠豁塵  
襟相違三十載媿我雪盈簪雲泥渺相望一升還  
一沉自憐老疾并昏眊非所任林卧咏太平時時  
自哦吟賴有同里士乘閒每過臨

題畫二首

澄江積雨霽蒼茫澹秋色蒹葭映洲渚烟消水光

白漁舟日夕歸却載幅巾客扣舷歌滄浪月上楚天碧

青山映嘉木烟光涵碧虛偶來憇石上綠陰落衣裾流水屢曲折飛雲還卷舒凝望不可極佳趣與道俱

洞庭兩山圖題贈葉煥章

差我洞庭山峙立太湖上巨浸三萬六千頃七十二峰森相向烟濤雪浪相擊撞晴嵐昏旦千萬狀重重嘉樹靄碧雲杳杳窈窕連深邨我聞月明無

七十二峯

西山  
俞氏合編

卷二  
十七

犬吠民安樹藝課子孫洞天龍宮深莫測石燕拂雲不可入毛公壇上松風寒時有仙人相對奕莫矍將軍膽氣雄奉檄坐鎮東西峰將軍好文不好武時聽父老歌年豐旌旗輝日照岩谷角弓弛絃矢在服山民無事若桃源由來淳朴成風俗我本西山小步民結綬去家今幾春先人古墓在陳巷只今誰爲掃墓人將軍愛民恤勤苦山民戴之如父母嗟余何日歸去來結廬仍住山之巒

送顧新民之京師

好雨初晴春水生江邊送客上神京沙鷗泛泛背人去官柳青青拂棹輕離燭已殘猶惜別深杯欲盡若爲情此行早寄登瀛信衣錦重沾雨露榮

顧定之墨竹

風林秋影亂月浦夜光清知是湘君過雲中環珮鳴

歸來

歸來三徑未荒蕪古木幽篁宅一區老去揮毫忘世事清風依舊滿南湖

七十二峯

西山  
俞氏合編

卷二  
十八

題倪雲林畫

棲神山下玄元館華表巍然鶴未歸寂寂小亭人不見夕陽雲影共依依

趙仲穆畫馬

房星方墮墨池中飛出蒲梢八尺雄想像關元張太僕朝回騎過午門東

俞喆

喆字希孟號釣月叟石澗之後成弘時人

客中寫懷

客裡逢春只自悲  
小窓獨坐嘆支離  
人情已覺非  
前度物色還看似  
舊時幽谷遷喬鶯  
出早空梁別  
墨燕歸遲不多  
鏡裡青青髮誰  
道年來半似絲

七十二峰  
足徵集

西山  
俞氏合編

卷二  
十九

七十二峰足徵集卷三

武峰吳定璋友篁菟錄

夫椒徐兆龍起田編訂

許必勝

必勝字克之馬蹟山人登宋紹興乙丑科劉章榜  
進士殿試第三人太守李餘慶號其鄉曰迎春以  
榮之仕至顯謨閣待制方正忤時拂衣歸里始居  
大墅灣

山中雜咏

七十二峰  
足徵集

馬蹟山  
許氏合編

卷三  
一

久病鮮塵事溪山遂相安  
欲知生息意自樹庭中  
蘭靜睹花葉榮春風吹亦難  
新禽弄佳吹小水生  
微瀾同在天地中  
安能測其端夜澄衆境寂  
月小松聲寒言念御風人  
感茲清露漙悲來心自微  
淒然竟長嘆

月至林木異心空來遠聲  
草根幽響奏小葉孤螢  
明靜念既有在久之無可  
名輕雲自閒暇坐久山  
風鳴微雨偶然過清心相  
向生

鳥亂南山雲日照南山  
綠東風語流鶯相吹還斷

續撫彼石上泉平生自云足浮榮不常御迴薄無  
停矚苟非女蘿枝焉能事屈曲我歲高山松漾漾  
深溪淥持此雲外心一謝西飛鵠

灼灼山半花閒閒水中藻苟無松栢心飄零向誰  
道蜉蝣炫衣裳楚楚苦不保野老惜春色閒籬薤  
青草青草忽已繁蘭蕙日已老蘭蕙日已老我心  
當柰何人生貴適意所樂豈在多卓然負書翁悠  
悠謝山阿

憶舊遊二首

七十二峯

馬蹟山  
許氏合編

卷三

懽遊成逝波盛華落殘照每憶清池遊幽魂夜相  
弔與君攜手時雲林正清妙天空露光動襟衫見  
高調及來愁病侵瘦骨冰稜峭君如鏡中花獨向  
春光笑荒村酒味薄沉憂何時瘳日色不入夢高  
星凍青耀空枝吟霜風永夜興悲嘯嵯峨金張第  
忽成野田燒安得明月中長見君年少

孤桐飽秋風響作霜天鴻手翻九嶷色下墮瀟湘  
中誰言一寸路不成西與東誰言少年時不成衰  
老翁欲使膠漆意通君山水衷嘗恐金石奏復爲

東衛工所悲百年內徒然羨華嵩華嵩有終極  
淚終難窮愁淚一入地春風無碧叢

舟行

雨脚天東來驚鳥烟中起須臾四山合萬象空濛  
裡孤行念遠村見樹聊自喜浪遊豈無因遇山則  
知止稜稜雲外峰與我心終始日暮宿田家田歌  
正清美何以途路心歷亂如流水始疑車馬上未  
必見君子行當弄輕舟隨風問蘭芷

除夕

七十二峯

馬蹟山  
許氏合編

卷三

多病成懶疎日月忽驅逐家人歇陳迹灑掃新我  
目爭此須臾閒擾擾競多福習氣變性情不復生  
慚惡幸有一樽酒可以寄清穆夜靜天四垂星光  
就簷屋燈燭忽空曠琴書轉幽獨休心薇蕨內庶  
免營旨蓄鳳凰鳴高岡貽笑于雞鶩得終歲寒心  
尚愧庭前竹去去天台山幽蘭會當馥

春日作

雨過驗庭樹始知春氣還造化不相限隨意成斑  
斕蒙蒙一寸枝新故傷其間四時遞相見花葉了

不閒安能待頭白然後凋朱顏陽春久斷絕夢想  
見弓彎醉後發高唱狂句請莫剛不貴文字奇貴  
使耳目類從來賢智出不與庸俗關性情通草木  
差辨醜惡奸周道滿荆棘岐路盈海寰舉足何所  
蹈歸去天台山

苦雨

積憂遂成陰昏色遍蒼莽我醉憂已忘天地當開  
朗何以酒醒後猶然在簷上云是方春時暗助草  
木長凝陰而無陽亦非善培養豈因世道非寰宇

七十二峯  
足徵集

馬蹟山  
許氏合編

卷三  
四

盈翹颺日月不照臨星辰羞布象每睹萬類心俱  
轉二天廣移轉亦何難夢夢如抱快地底周雷聲  
駭鳥絕心想四望如無餘舉意同羅網安得最高  
峰雲外獨來往

睡起

睡起日滿窗蒼蠅黃蜂如沸江莫言閑人得睡足  
夢到封侯亦勞碌隔壁棋客時落子功名事業此  
中已巫山洛水香成陣天上曉雲爲翠鬢

新月

偶向樹中見知從水際生葉翻寒不定雲去意無  
成亂石流泉影空山落子聲當年眉黛在定見可  
憐情

寄山中老稚

客久歸無計家書懶再看寄聲花鄭重爲報竹平  
安詩酒吾能老饑寒汝自寬今年新釀熟收拾釣  
魚竿

閑怨

房櫳微雨過蟲思草根深門外青苔色無人閑到  
足徵集

馬蹟山  
許氏合編

卷三  
五

今換衫依暮冷開鏡倚秋心別意猶能在應來夢  
衣尋

贈友山二姪

聞道春來解問經整衣矩步學趨庭雨餘應惜堦  
前蟻月落休輕案上螢自笑顛毛容我白且留衰  
眼爲伊青熟精文選吾家事早向秋空試鳳翎

祥符寺得句

安疏自足慰平生峰靜松閒澗水平山意悟時僧  
不語落花聲聞梵音清

題画

傍岸參差築小亭山深樹暗水泠泠此間應有神  
仙語先向圖中試一聽

許琮

琮字季玉號默齋克之之子年甫十八登宋乾道  
丙戌科蕭國榜進士擢知制誥後忤權貴謫知汾  
州

感秋詩

風動蘋起雲光在水荇添有心清我眸子白露在

七十二峯

馬蹟山  
許氏合編

卷三  
六

衣秋心易微冠兮佩子君子當饑

小草在砌顏色常好豈無嚴霜先彼長栲寄言青  
松斧斤自從子不在山直節安庸

風起木悲苑焉者欲故鄉在念何以視月衆念思  
歸鳥情望碧嗷嗷鳴雁集彼中澤我獨伊何懼此  
網羅父兮母兮生我實多

淥水詞

綠沼迴波漾青艸鷓鴣聲緊蓮枝老苔陰欲上簾  
影低鳥語催人天未曉曉起輕寒柰薄羅風前縷

不勝波練裊香動竹葉小玉燕斜簪霧色多霧  
色花光鏡裡過年年歌吹復如何妾身不及桃花  
葉猶逐輕風渡隔河

憶遠曲

露下花寒香不起單羅輕薄如秋水梧桐聲定金  
鋪關長省對月青天閒淚眼看春不知處楊花化  
作浮萍去可憐環珮參差光采蓮獨自艷南塘菖  
蒲如劍南塘曲亂割波文碎空綠今夜音書欲寄  
君莫教疑殺鯉魚羣

七十二峯

馬蹟山  
許氏合編

卷三  
七

山中懷故人

歡多清景略會數別離輕病骨無人問空山正月  
明落花懷舊韻鳴鳥感新晴再看思君處流泉石  
上平

連雨有感

酒醒雨聲至新歡不可尋美人惟草色故國聽歌  
聲日月何處盡荆榛連夜深開門謝天末從此罷  
登臨

草長城南地愁人看自深白雲偏向淚青鬢獨驚

心久病畏陰濕家中歡苦吟今宵酒不盡應有杜鵑聲

### 江上對月

今夜江邊月光輝分外明一輪懸碧漢百里見山城  
岼岸花添白層層浪轉清遙憐閨閣裏相對重離情

### 夜宿祥符寺曉鐘有感

一枕松風入夜寒曉窗殘月隔簾看夢回竹榻聞鐘後  
悵絕浮生出世難還念將軍能捨宅何妨陶

七十二峯

馬蹟山  
許氏合編

卷三

令未之官此身合向山中住邱壑由來號易安

### 阻風渡頭見楊柳

古渡疎楊數樹青孤村細草凍還醒風光直欲催頭白  
樽酒何人肯放停小院腰肢今寂寂天涯魂夢幾冥冥  
閨中莫道長相憶客路悲風徹夜聽

### 雲山閣

雲山依舊接清秋高閣荒榛悵舊遊二十四橋何處所  
西風吹盡白蘋洲

### 隋堤用羅昭諫韵

萬樹青青入望遙行人猶自說隋朝啼鶯不管繁華歇  
還帶春風上柳條

### 感舊

捲簾新月在簾鉤花氣同風過小樓為憶昨宵燈下事  
不將紅燭照梳頭

閒窓落葉掛蟲絲坐久還疑是舊時記得欄杆垂手處  
梅花明月第三枝

### 許理

理字輝之號懷古克之十二世孫少游郡庠博學

七十二峯

馬蹟山  
許氏合編

卷三

工詩有近山草堂集

### 舟過梁溪望錫山不及登二首

古寺隣愚谷浮圖踞碧岑鐘聲林際出山色望中深  
歸楫煩相待名泉喜獨尋倚舷愁欲絕搔首羨長吟

錫山許絕勝蒼翠倚雲巔鳥沒寒烟外僧歸夕照前

松濤聞隔塢梵韻散諸天幾載登臨約從今更惘然

### 孤邨即事

新堤圍斷岸疎柳傍孤村沙路多連水渙舟半熱  
門風輪雲影亂牛背笛聲喧努力勤耕作妻孥幸  
共存

渡湖

帆輕風正便百里一時間落日明寒浪輕煙起暮  
山村低紅樹隔沙靜白鷗閑遙望峰巒美分明列  
翠鬟

夏日久雨

五月龍行不受律離披二麥隴頭橫野塘蛙黽繁  
七十二峯

馬蹟山  
許氏合編

卷三  
十

音亂山徑莓苔厚綠生風勢急吹雲外點雷鳴猶  
帶水中聲如何八口嗷嗷日偏吝吳人十日晴

遊蓼莪古剎

到來杳霭午鐘深石磴無人覆綠陰紺宇重重雲  
外現泉聲細細澗邊尋廊迴曲徑通春殿苔護殘  
碑倚暮岑竟日登臨憑弔處天清雲影落衣襟

暮雪

霑灑寒霄隱碧蘿迷漫何處辨岩阿讀書此夜臨  
窓好高卧頻年閉戶多空憶閒庭吟道韞却留禪

相伴維摩徘徊欲採幽蘭曲極目關山奈晚何

寒夜歸咏

細竹覆簷深清池曲廊繞踏月醉歸來寒林驚宿  
鳥

許銓

銓字文衡懷古之子力學尚志不屑浮名每與知  
己徜徉山水棋酒爲歡自號半閒居士

過棲雲禪院

閒居無一事隨步到禪林竹密侵雲影風清散梵  
音息機情自澹閱世感何深美爾披緇侶幽棲近  
碧岑

七十二峯

馬蹟山  
許氏合編

卷三  
十一

重九遇雨午後忽霽擬欲登山未果

天際浮雲捲清光雨後生雁翻沙浦淨日出翠微  
明興欲登山醉朋無落帽羣遲遲黃菊下搔首獨  
長吟

深秋

風聲獵獵響林端舉目蕭疎不忍看野外飛鴻歸  
別渚庭前落葉繞欄杆芙蓉帶雨秋江冷籬菊迎

霜夜月寒不是秋來憐宋玉祇應風景易凋殘

許道中

道中號賢齋必勝之裔永樂乙酉舉人任河南衛輝府新鄉縣縣丞始遷耿灣

華州道上見落花

長安行近始知春更惜飛花點陌塵秦苑綠蕪芳草路鄭亭紅醉曲江濱雲歸泰華晴初轉風入咸林氣已新却憫道旁扶杖者犁頭無雨正含顰

寒食次韻

七十二峯

馬蹟山

許氏合編

卷三

十二

炊烟帶雨柳絲輕斷壠荒畦細草生麥飯悲同離黍夢杏餠愁入賣花聲爭持社瓮尋陶令擬補山厨醉步兵鼙鼓江關正蕭瑟幾回吟望暮雲行

却笑二首

却笑囊空看一錢饑餘曾不受人憐三條枯篾圍便腹幾點疎星憶比肩從者病如陳蔡日兒曹車發鴈鴻前以溝獨耻人饑溺贏得香厨減爨烟却笑閒堆百屋錢人憎鬼瞰得誰憐印利不與終隄目買菜求添任聳肩蠅蝨腎腸安所見驛驢道

路獨無前玉魚銀雁成灰燼都付咸陽一炬烟

七夕集明月堂即事

風吹荷浦早秋生細雨輕雲取次行河鼓似催星駕近月弦疑避燭光盈一尊獨酌判花醉再拜非因送巧情冷淡為歡還我輩促將新句破愁城

過韓侯嶺

嶺上有淮陰侯廟土人祀之相傳首丘於此

弓藏鳥盡事如茲俛首初非失路悲食德已酬垂釣日論功庸數立壇時楚平未許留人傑漢沒還存異代祠獵獵靈旗孤嶺上忍將成敗問雄雌

七十二峯

馬蹟山

許氏合編

卷三

十三

三山感秋

雲封疊嶂遶巖城帶礪初開玉帳營海國塵清皆嚮內流亡土著盡安耕輕寒莫畏青裘敝殘暑能催白髮生極目關山恒北望雁飛今已向南征

許繩武

繩武字作求號惺叻道中五世孫天資穎敏讀書過目成誦為諸生詩古文辭矩矱於荆川先生而時有自得之趣與人交誠樸無偽嘗以附近廬舍典于醫者毛敬宇得價四十千敬宇不戒于火燬

焉恐恐然懼懼劬之責償也懼劬往慰之曰君家  
所失吾不能計典價吾當奉還已而遺書與子鼎  
臣曰毛敬宇屋失火吾爾自當再造耳其厚道如  
此後以子鼎臣貴封行人司行人兩舉鄉飲大賓  
年逾古稀猶嗜學不倦吟咏不輟其遊兩洞庭諸  
記世尤稱之

洞山

雲為邱星為典天地大文舒復卷龍威丈人竊素  
書逃入洞中時獨展穿雲穴海霄漢連七十二山

七十二峯

馬蹟山

許氏合編

卷三  
十四

收一繭閨間小兒不解事強求百六知深淺浪打  
梧宮日夜秋石頭自語無人篆

石公山

蛟腥龜沫鼓擊鼉三萬六千爭錯磨屹爾中流戰  
白波寧龍睨之無敢何噫生萬鼻雲歸頰一夜雷  
雨神靈呵卓哉壁立真丈夫端笏拜之汗浹膚與  
汗上下胡為乎

渡太湖

天水一相接雲日吞吐之浪底吳王宮浪頭西子

眉當年樂事幾銷沉惟有浪聲悲不止我今乘月  
掛孤帆胥耶蠡耶問諸此

震澤歸舟遇雨

為踐湖山約歸舟巨港東一番花信雨兩听石尤  
風水濺春衣濕溪環晚樹蔥石根維短攬覓火坐  
談空

寄鄭季真

季真恬雅士邱壑在胸中遠憶千竿竹高情半嶺  
松尋山先拜石落筆每生風別後相思處難忘縹

七十二峯

馬蹟山

許氏合編

卷三  
十五

細峰

包山寺

入山不見寺行行疲石齒何處有聲來輕風落松  
子

龍渚

雪浪啣雲根風來石愈怒空山何處鐘水月奏韶  
箋

許鼎臣

鼎臣字爾鉉號定于萬曆丁未進士初授行人司

行人遷吏部時端拱日久中外泄泄鼎臣于宗社  
安危諸大政言之剴切致愠群小堅請歸養家居  
十載起光祿丞會璫用事鼎臣抗疏論之忤旨予  
閒歸里崇禎初起本寺少卿諸璫聞其名莫敢橫  
索節省歲以萬計既而受命撫晉陳便宜六事首  
列蠲租以恤窮民使不從賊未幾寧武遂平罪帥  
尤某以金賂要人欲飾敗以為功鼎臣獨持不可  
由是失當事心凡上疏請賑請蠲皆不報未幾有  
協勦豫寇之命鼎臣以和順等縣處山谷間接壤  
足徵集

馬蹟山  
許氏合編

卷三  
十六

華陽玉柱二洞

混沌既已死人生竅有七山乃仙之身竅穴亦匪  
一華陽與玉柱鼻孔雙呼吸王母宴其中群真往  
來密秉燭叩玄扃俯躬慙肉質息念定神光罡風  
吹豈燭諒無元放勞天門開且必

左元放瞻禮五  
年洞門始開

喜客泉

仙人唾沫皆成珠谷底倒傾如沸爐鏡光濯濯清  
我汗觀者各自鑒眉鬚孰為道釋孰為儒衣裳楚  
楚冠纓徒徘徊照影慙非夫夜行不止何其愚垢  
穢滿腹痂滿膚泉將厭客何喜乎客來問取壺公  
壺洋洋可樂忘饑飮一瓢暮一盃與泉終始  
相歡娛泉之喜客乃不誣莫令移文嘲客逋

過乾元觀

夕陽迷鳥夢紫杖可能逢只似花流片依然路未

七十二峯

馬蹟山  
許氏合編

卷三  
十七

通茶香蕭寂處山色有無中信步穿雲入摩碑數  
落紅

禮大茅峰

年將五十漸知非稽首名山息世機青鳥代傳瑤  
島信白雲裁作混元衣月懸鐘磬諸天寂語接星  
辰列宿依九障何能從此闢不妨白日遂同飛

小遊仙

玉局諸曹少靜居孤茅無繫即清虛不希天上瑤  
姬樂願讀人間未見書

藍珠仙品級何多浪滾青山日夜波緩尋一片閒  
閒地不屬諸天自唱歌

許鼎元

鼎元字爾調鼎臣胞弟為縣諸生鼎臣既貴顯鼎  
元益奮志攻苦若欲與兩蘓二宋爭馳而數奇不  
售老於青衿

探華陽玉洞仙人三洞

大地本來空人盡空中翕五濁攝心腑妄自相搬  
拾如蟻攀壁行一步一迴吸維仙示身外權將空

七十二峯

馬蹟山  
許氏合編

卷三  
十八

洞蟄偕地表虛明豈真於掛笠愚人多妄想指為  
仙靈集雲端白鶴回長嘯數聲泣

送友歸江右

西江才子南蘭客歸倚蓬牕問水程五柳宅餘風  
氣古小姑山擁髻鬟清恰當飛閣流丹處何限停  
撓把酒情一路綠楊深樹裏新蟬無數續啼鶯

許新民

新民字化成號慕齋克之後裔明嘉靖間補邑弟  
子員食廩餼讀書南監六蹶場屋齋志以沒所著

有麟經宗旨四書說約左氏要語通鑑舉要焚餘  
草

謁丁大參墓

人向翠微行穿雲遇曉晴碑殘苔有色春去鳥無  
聲徃昔登科晚於今宿草生大參如可作國計定  
關情

菩提樹子為祥符寺僧賦

靈根原是上方來疑是彌陀佛手栽顆顆圓通真  
舍利纍纍西向自天台馬君薏苡空生謗石氏珊

七十二峯

馬蹟山  
許氏合編

卷三  
十九

瑚有後灾惟此菩提真色相明光一點照靈臺

寄弟

飄蓬書劍各天涯雁帛重封未到家吟到草塘頻  
入夢有懷清夜落燈花

許世泰

世泰字時雍號桂軒克之十四世孫少與荆溪杭  
濟兄弟同學杭深服其才數奇不售隱居課徒深  
究理學著有桂軒集

寄食

謾寄食郊西晨昏得笑啼堪歌楚狂鳳誰話丈人  
雞尤怨心將民險夷道可齊試看春水發屈曲盡  
成溪

石宕晴雲

天然古宕逼雲端半點塵喧迫不干出岫影隨飛  
鶴去隋巖腥逐老龍蟠濕涵花露侵衣潤輕帶松  
陰落簾寒老我不時為樂去放懷詩酒稱盤桓

七十二峰  
足徵集

馬蹟山  
許氏合編

卷三  
二十

七十二峰足徵集卷四

武峰吳定璋友篋

同里陳猷漱霜編訂

賀廉

廉字以清東洞庭查灣人邃於易學永樂癸卯中  
京闈第二授連江縣儒學訓導陞代府紀善仕至  
福建按察司知事為人方嚴簡靖與時不諧故官  
不大願歸吳杜門不出以經義教授鄉里多所成  
就所著居樂集

七十二峰  
足徵集

東山  
賀氏合編

卷四  
一

讀易感興

羲皇始設卦立象本無言文周興中古繫辭何其  
繁拘美與徂東雲水同覆翻矧伊衆庶士擾擾憂  
患纏君看夏王鼎早已鑄神姦泗水一淪沒魍魎  
誰爲分

元公繫爻辭一一剖吉凶三百八十四擬議將誰  
從宣尼戒觀玩獨以七爻論樞機榮辱地語默禍  
福門謙恭與慎密一篇三致言智哉辛憲英讀易  
明大原生逢變亂日訓子尤諄諄如何冠冕士迺

不肯書紳

季主昔高蹈率然栖卜肆翩翩二大夫退食枉車  
騎從容開道論與世豁蒙蔽公明云善易直談幸  
不墜哀哉郭景純竟受奸豪斃我欲效龐公攜家

鹿門住

九日次懷玉韵

客窗風雨夕孤戍海峰邊九日無萸菊三秋有瘴  
煙浪聲雄拍岸蜃氣暗連天剪燭欣同爾東閣話  
不眠

七十二峯

東山  
賀氏合編

卷四

賀元忠

元忠字澤民廉之子成化辛卯舉于鄉壬辰成進  
士官行人御史巡視漕河歷廣西河南按察司僉  
事雲南按察司副使備兵金齒所至著風節多惠  
政歸日滇人醢金爲臚悉不受諸蠻爲作却金亭  
山人朱鳳章有詩云吏勅如公著汗青空山誰勒  
使君銘辭金又復同場震留取乾坤一草亭林居  
二十四年而卒年七十有八

遊彌勒寺

踪跡年來隘九州飯峰回首重追遊榻前燈影詩  
仍在世上塵勞役已休野鶴莫疑心未穩懶禪真  
與性相投更添天竺先生訣浪蕩乾坤得自由

送郭子聲朝天

子聲名鐘恩縣人

平生清望重臺綱勁節稜稜百鍊鋼西蜀有聲傳  
白雪滇南無地不春陽

聖朝當宇躬宵旰廊廟超資拔俊良此去萬年稱  
慶後漢廷指日起馮唐

賀泰

七十二峯

東山  
賀氏合編

卷四

泰字志同號古迂元忠之子成化癸卯鄉榜弘治  
己未進士由衢州推官遷至廣東道御史武宗初  
太監谷大用劉瑾等專權亂政導上盤遊公疏糾  
六奄直指君失上怒予杖罷歸直聲震一時後瑾  
等敗起南京刑部郎中尋以御史按閩累遷至廣  
東布政使司公敷歷中外不畏強禦人聞其名曰  
此彈皇賀御史也歛跡避之引年致仕歸構三卯  
堂以誌祖孫父子皆以郊年登賢書之瑞云

王少溪招隱園成賦贈

移得淮南招隱山林泉幽意便相關凌空巖岫雲  
隨起倒影樓臺水自環画裏蓬壺餘想像會中看  
舊共躋攀興來擊壤歌成處彩服爭趨鳩杖間

園有擊壤草堂

### 遊彌勒寺

暮春猶是踏青期古寺重來滿目詩山水有名從  
禹貢庵寮重建紀梁時黃金地上侵花雨白鳥天  
邊妬鬢絲簫鼓相將歸已晚舞雩高咏未應疑

### 贈周春山

七十二峯

東山賀氏合編

卷四

春山巖巖點滄溟一朵芙蓉玉削成燕國漫誇鄒

氏律草堂合擬大裘名採芝遠躡雲霞影倚杖間  
聽鳥雀聲從此棲心忘歲月塵氛應不亂中情

### 賀承宗

承宗字宗振父公宣學行為三吳先進明初以文  
學徵授江陰訓導歷南京大理評事卒于官承宗  
方齟失怙恃困窮砥礪時舅氏錢紳以訓導司鐸  
蘓學承宗歸從之游江陰薛伯潤憐其才妻以女  
授以田廬承宗耕讀無斯須自佚宣德初朝令勾

缺伍命御史李立至吳清稽赤籍持法峻同知張  
徽以暴濟之有伍符者與賀氏素有隙嗾里胥搆  
之徽逮承宗加酷刑焉伏闕上疏者再事雖白猶  
引例充蘇州衛歸則士子受業者盈門教授于家  
三十餘年年八十餘子二甫庸俱有文行孫恩領

### 鄉薦第一

### 桔槔歌

機不必朝與市桔槔設于野無逍遙  
機不必市與朝桔槔設于野無君子

七十二峯

東山賀氏合編

卷四

### 閒居偶題

地幽三徑僻廬結水雲鄉樹密山藏秀花繁草亦  
香腫腫旭日影藹藹生林光主人恒睡起朗誦聞  
茆堂

### 賀萬初

萬初字南宮

### 桃花澗社集壽吳餘生

洛社高風憶昔時耆年讌集酒同持幻觀天地心  
非醉蹴脫功名寄以詩最少彌生皆白髮長貧杜

老却有隨羨君獨識桃源路攜手相從愜所期

七十二峯  
足徵集

東山  
賀氏合編

卷四  
六

史昱

昱字元愷東山岱心人景泰庚午舉人江西南安府學教授

送杜進士父赴京

八月秋高雁影斜行人一騎上京華三杯綠酒官亭別千里青山客路賒子顯不須娛綵服親榮應喜侍烏紗懸知到日如相問為說春來擬種花

史緯

緯字佐經杜圻洲人南京禮部儒士

七十二峯  
足徵集

東山  
史氏合編

卷四  
七

題張果入山圖壽姚叟

筇杖蕭蕭鶴髮翁霞裾渺渺珮環同人間原有夫諧婦世外休談色即空笑跨白驢尋玉洞聞呼青鳥度瑤宮傍人若問還丹訣渡口漁歌霜葉紅

孔聞徵

聞徵字宗周號鳳崗武山人遊於王姚江之門嘉靖初爲諸生有聲庠序間王文肅錫爵延之主家塾鳳崗嘗語人曰吾生平無佚遊無博戲無耽飲舉業之暇陶情於詩吾以詩爲佚遊博戲飲具也取自適焉爾又曰詩心聲也自古作者皆自寫其心而托之於比興豈花鳥風月云哉有鳳崗集十卷子貞行編次手錄并識生平大略於後

感遇

七十二峯

武山孔氏合編

卷四

鬱鬱久不釋懷忠竟誰陳江湖世逾變當代陋漢秦天子曰明聖廊廟云有人皇風播沕穆統馭寰無垠經緯策盡效山林容隱淪燕石與楚璞明珠各自珍大道天畀重吾儕守其真狂波日汶汶生齒時鱗鱗感此百歲內嘯歌呼蒼旻崆峒一訪道顏貌多千春曳杖脫屣去終然謝獲麟

耿耿照我心今夜青天月月輪轉西傾我心還不沒雲蘿萬里淨獨坐見少微歷歷上指斗星漢交流輝相映在短褐潤露寒生霏解囊張寶琴今是

還昨非何時與世濶一着蓬壺衣

綴衣

東家紈袴子楚楚行雕鞍西家綺羅兒奕奕馳雲端爭誇四時樂服美居長安長安聚游俠誰曾問饑寒老夫一布衣十年猶自看補納百結固老妻爲心酸不知丈夫志外物非所懽於世苟無補錦衣慙素餐綴綴亦何害針燈坐夜殘衣完不覺喜老妻猶嗟歎言長終不解援琴取次彈曲罷發清嘯慷慨五更闌

七十二峯

武山孔氏合編

卷四

南山採豆

寒暄方息暇逍遙上南山奚僕且不命親將筐篚間往探地尋丈花落豈已斑白雲蕩湖壩晚風吹潺湲入豈一小摘自嗟筋力艱不知陶淵明當日能幾還我齒四十七五斗非所關治農性與契垂老聊乘閒落日涼月上炎威歛置頑持筥下山去詩懷取次刪

讀西金吳氏競爽集

誰云武山恥從來有耆舊運當文昌時二難天所

授開口吐雲霞隱身動星宿氣凌金張前才駕晁  
董後震仰一世豪典型多士秀詎知相國王而亦  
贊匪謬吾儕今晚生拜賜聞韶奏安得作九原末  
學盡成就

再讀吳氏婉美集東柱岳

嘉爾延陵宗先後耀才美何處瑞鳳麟相繼出周  
宇內翰絕代無少微亦何此分明韶漢音瓦缶忽  
捐耳請君世珍藏莫謂已登梓歲歲有風雷驪珠  
懼見取

七十二峯

武山  
孔氏合編

卷四  
十

幽興

幽興莫可適入竹尋新詩題多命不得一鳥鳴高  
枝感此遂成句相與當墳簾清風來爽骨明月已  
如期

荆山遺玉

君不見荆山玉天精天粹光在璞世人肉眼莫識  
之石也卞遭三刖足玉亦不解語依然寶自蓄神  
呵鬼護日月相珍重人世何知此玉終大用吁嗟  
混世玉常同砒砒傳貴賤由人不自由帝王神璽

何時收

延平遺劍

君不見延平劍精光躍躍如飛電一朝埋沒入豐  
城屈抑雙龍不能變劍亦不解語寒芒凜常現蛟  
藏龍伏風雲日護持人世何知此劍有飛時吁嗟  
混世劍利與鉛刀同干將莫邪空自雄神物終化  
冲蒼穹

焦尾遺琴

君不見焦尾琴析薪入爨無知音高山流水泯意  
趣中郎不遇叔灰沈琴亦不解語鍾期難自尋蔡  
邕識取一鑿然桐窟人世何知此琴終古調吁嗟  
混世琴師襄去我遠繁音促節新聲轉何處焚香  
對嵇阮

義皇歌贈吳柱岳

義皇上人產林屋太阿在匣玉在櫝乾坤隱隱寒  
光芒布帛深山侶麋鹿經綸養成補衮手文章藻  
麗慚四六青年吐氣吞韓蘓石鼓岐陽筆多禿賢  
科初射或中鵠矩矱不躍有司目丈夫讀書企聖

七十二峯

武山  
孔氏合編

卷四  
十一

賢焉能呻嗶爲干祿自是幡然一拂衣白雲笑殺  
雲非閉門著作長謝客日暮春風詠浴沂忽驚

上帝授兩職捧檄拜賜漁樵歸我聞樂極思君極

碧水丹山願莫違

柱岳自署太湖漁父兼林屋山樵

見山行爲朱鴻臚作

乾坤淑氣鍾南服萬里龍山環海屋居停主人樂  
一窩青蓮四面橫嵯峨雲連面棟日月長綺疏相  
抱山蒼蒼主人幽思起讀書松花落處梅花香半  
窗巖月照遺簡古貌古心俱在眼儀刑仰止擬太

七十二峯

武山孔氏合編

卷四  
十二

山流觀遐覽多自反欲爲仁者樂靜閒豁然兩目  
超其間越山界破吳水盡恰與方壺負嶠並儲芳  
積翠荆石奇墨池常浸烟巒勝觥籌賓主兩怡顏  
一塵不見惟餘山志高天下萬物小五嶽如將胸  
次繞他日功名屏世紛惺惺收付霧臺君金山不  
碍無盡藏弘開三徑淵明文請君此意勿令猿鶴  
知移文恐使山靈思

太湖秋行

太湖煙景由來奇况復澄渚秋澄之長空一色碧

萬頃風迴水面寒玻璃玻璃蕩瑤青山濕七十二  
峰涵白日凌空倒影絕纖埃網上銀魚跳一尺鱸  
肥蓴脆招季鷹西風短棹從逃名汀蘆渚蓼縈曲  
嶼漁父停桡星斗橫醉歌深處夜月小玉鏡團團  
光自好不羨蘓公赤壁遊世紛都入滄浪了我亦  
扁舟時泛陂吟懷秋思追天隨孤清獨闢橫江鶴  
聽罷采蓮飛釣絲船頭故舊多閒鷗四顧文華總  
是秋功名夢斷具區水載月歸舟詩滿釣妻孥那  
解散人意筆牀茶竈輕行具呼僮收拾檢點明白

七十二峯

武山孔氏合編

卷四  
十三

年此足聊其生

芳洲篇

莫釐縹緲山之足天然山水成一軸日夜昭垂神  
氣新百里芳洲環四屋屋有幽人志趣玄號取芳  
洲絕塵俗洲邊何物爲最芳朵朵芙蓉插水綠春  
雲靉靆暮遙汀水鳥沙頭不獨宿翠翻荷葉來薰  
風采蓮歌裡香飄馥火雲斂盡澹秋容澹澹澄波  
月初浴紉蘭餐菊未移時雪柳霜楓又娛目幽人  
占取四時芳萬卷奇書就中讀功名富貴淡相忘

高卧煙霞侶松竹嗚呼有能襲淞洲上芳山  
見人如玉

椿石篇爲葉工部賦

人言南山有大椿根盤巨石杪拂雲又言南山有  
古石雄踞地維鎮極書生神遊欲見之雕鐫藝  
苑無閒逸迺逢先生來自南從心雅號號椿石不  
見南山今見君信知偉物微前聞偉人偉物乾坤  
並砂礫朽株安足云誰言莊生語不情八千椿載  
南華經天長地久曾無紀我思八千猶畸零壯哉

七十二峯

武山

孔氏合編

卷四  
十四

巖巖維石吟詩書迭見非荒音絕天砥柱山海定  
混沌無移太古心椿以石爲下所憑石以椿爲上  
有靈四序鬱森紫烟秀萬古仙人鸞鶴停先生兼  
之意氣雄心岑高古元太空俯仰一世不朽事惟  
此偉物將相從我欲移椿華爾文文生枝葉託聖  
君我欲移石壑爾卷卷留鉉鼎重軒冕高風嶽望  
眼如青光映吳山作月明倚椿眠石四體布舉頭  
耿耿文壽星

雲水吟爲休寧孫君作

九天五色雲采開先生浩歌水上來十洲三島水

花淨先生倚劍雲頭並回頭塵世一風萍獨結乾  
坤雲水盟先生自合蘇門隱不與江東孫譜并心  
上浮雲輕富貴身向齊雲巖上醉餐雲飲水萬峰  
前俯仰上下兩無媿有時挾雲到處飛或將止水  
吞雲歸歸帶無心雲一片盪滌雲胸霖雨隨爲霖  
願濟商家旱爲雨不使蛟龍亂繪作青天雲水屏  
前李後杜供詩玩優游聚散太虛間潏蕩東流日  
夜間天孫扎弄錦繡杼冠帶山水修容顏容顏濃  
淡丹青假想像萬一而已矣妙幻天然画不成輸  
與文章收至理文章妙入雲水中行雲流水何春  
容先生即今有子雋他日騰空魚化龍斯時雲水  
同不同

春寒

噓氣陽方長凝寒陰尚留乾坤亦無賴吾意獨能  
休花恨深於樹風威酷在樓不知調燮者肯自薄  
貂裘

春晴

七十二峯

武山

孔氏合編

卷四  
十五

南湖烟水晶繡嶺鬱龍葱氣暖草新綠林酣花欲  
紅亂蜂心在蜜高鳥目于空物候看能變灰心愧  
野翁

寄王內翰荆石

雨露楓宸重雲霞翰苑高宵衣咨道切山衮得賢  
勞輔世須今日成周及此朝巖樓有寒士歲歲眷  
綈袍

寄四溟謝山人

海內宗詩伯吳儂遠慕君不嫌無識面如對只須

七十二峯

武山孔氏合編

卷四十六

文池草春應長山花暖自芬凝神更飛夢千里一  
停雲

渡沙湖

樹杪薰風夕湖心返照時直憐人盡速獨恨我何  
遲縱目非緣景凝思不爲詩等閒東去矣此意幾  
人知

秋閨

數點西風雨新涼早入帷暮堪何處急寒鴈爲誰  
悲欹枕燈殘夜縫衣月落時露桐凋玉井臨曉不

勝思

述拙

俯世顏幾老適時數入奇雲霄達士業煙雨伴僧  
基妙得青山記閒緣白日知無才報明主合有美  
九詩

宿天池山房

何物天池異山空石闢奇泉飛千磨玉雲布萬松  
帷地秘疑全洩山靈似有期蓮華峰上月清夢正  
相宜

七十二峯

武山孔氏合編

卷四十七

蚤春同葉四可葛芳洲吳桂岳探梅鄧尉山

夜泊虎山橋

明月橋頭滿輕帆湖上來秀分林壑迥光合水雲  
迴浩嘯玄心淡高歌暝色開梅花有消息蠟屐不  
須猜

月下聞笛

靜對樽前月清聞笛裡風餘音三弄外真趣一腔  
中遠近人何處悠揚曲未終飛雲忽停漢此調有  
誰同

登山

病減身微健將心與太空物華春域裡山色暖烟  
中遠近新文苑疎濃舊化工凝眸收不盡別恨剪  
東風

中和橋觀蓮有感

秦淮風起蓼花頭城外蓮塘一色秋映日曉開神  
女破襲人香漫貴妃樓為誰種植年年在邀我吟  
看故故留欲待引流通百畝却聞租屬內家收

讀陽明師文集

七十二峯

武山  
孔氏合編

卷四  
十八

夫子當年一大儒無人不與說良知先憂祇為尊  
吾道後樂何心定出師緩帶日閑戎馬政雅歌時  
賦故園詩即今洞古陽明地桃李春來尚有枝

燕來

吳山花木正春深元鳥來時也為春如約本憑三  
月社有情重說一番新差池任作常年客瞻戀還  
依舊主人莫道相逢無感慨幾家疏薄幾家親

太平門秋望

玉塵麻衣展客遊不禁一望帝城秋林疎樹杪紅

初淅天入江心碧倒流宮闕盡南容我賦松楸  
北問誰愁登臨思渺獨歸去回首豪吟月滿樓

寄真定尹近湖顧公

凜凜清輝映草堂君今能記幾星霜功名到手七  
科轉出處摠情一夢長雲壑檢書猶獨隱天街走  
馬不同方可憐三月桃花浪無數龍騰接鳳翔

秋山暝歸

蒼蒼山色暎斜曛黃葉隨風出暮雲月桂不堪垂  
老望霜碁那遣帶愁聞秋光改物江同淨詩思凌

七十二峯

武山  
孔氏合編

卷四  
十九

空鶴共羣天地此時初氣肅夜歸明火自論文

秋夜

宇氣蕭蕭白苧涼銀河西去夜初長千秋蛩響由  
來切萬里羈懷各自傷遠憶昔年燈火讀空悲今  
日髣毛霜聖朝馬政修明未已報盧龍塞艸黃

病起適葉與山過談

風雨瀟瀟入麥秋草玄筆在寄羊裘無書可重三  
台宰有道還輕萬戶侯花鳥頗知今日病文章曾  
識此生愁近來勘破寰中景一點浮雲過即休

終緯

紡動秋風夜氣清化工別作一機聲無絲月下空  
紉繹有錦雲中待織成轉轉不須論丈尺皇皇如  
欲急功名萬家懶婦應相妬獨與嫦娥伴五更

題陸氏平画

山勢北來峻湖天南去空時常綠陰候聯絡數帆  
風

峭壁橫空掛疎林帶月輝湖天元自濶一隻畫船  
歸

七十二峯  
足徵集

武山  
孔氏合編

卷四  
二十

了味

平生厭飫五車書不羨侯門食有魚贏得滿腔恬  
淡味采薇歸去北山居  
飽得詩書一味香醉來常自作瓊漿而今又得玄  
中澹退步知幾味更長

對鏡

塵埃滿目長思閑對爾無塵烟若開豈是吾心真  
有閣一離君面便須猜

越溪夜泊

溪橋明月坐中天春酒春風滿画船醉與山靈成  
一嘯四山鸞鳳盡騰騫

春宵同吳柱岳葉四可酌梅下聯句

氣淑芳春首青陽左个開柱岳龍光驚客動鳳詔望  
天裁鳳勲業仍先拈文章接上台四德星先兆夜

相業預占梅岳書館清依樹家山僻入隈鳳雷陳

欽古誼韓柳尚新才四消息燈花喜豪華詩意恢

鳳清談輕屑玉嚴令疾卸杯柱岳月下情諧友花間

人占魁四春風應是舊画燭未成灰鳳步驟飛彤

七十二峯  
足徵集

武山  
孔氏合編

卷四  
二十一

管醅醕倒石疊柱岳焚香消更續散帙理還堆四浪

謔辭餒骨追歡笑啓腮鳳六經成貯腹百祿總凝

治四既醉從先倦長吟許後陪柱岳黃鍾期用日瓦

缶絕鳴雷鳳動止雖同俗風標已出埃柱岳四更山

色暝飛夢遶仙臺四

孔貞行

貞行字道行別號湖天獻父鳳崗之子葛震甫之  
師也少負雋才豪傑自命太倉王文肅公鳳崗友  
也萬曆中以通家子禮謁文肅于京邸語竟日文

肅曰奇才也遂薦之薊遼幕中參贊軍事多所裨益一時大帥如戚南金李如松李晴岡陳理卿皆尊爲上客而與孫吏部栢潭李禮部肖衡趙禮部定宇石兵部拱辰尤契合其論邊事封貢諸書侃侃數百言皆國家大計時文肅已致政歸諸公雖建其言而當軸者姑務苟安輒寢其議在塞上先後十餘年既噤不得施用念親老遂拂衣歸構屋數楹于射鶚山傍扁其堂曰芝秀齋曰怡顏曰香夢日與張希明鄒舜五葛震甫吳凝甫倡和爲樂

七十二峯

武山孔氏合編

卷四  
二十二

迨鳳崗歿而獻父亦倦遊矣因輯其生平所著塞上稿十卷香夢齋稿六卷園居草三卷磊塊瑣言一卷陰符心鏡一卷赤蹄錄一卷續洞庭清氣集二卷皆自叙其端生平出處歷歷可考

贈遠

青天流蒼雲片片散瑤綺隨風東南來歛忽越萬里光景易言邁美人隔湘水遺我琅玕枝緘以雙鴛紙情深語不竟髣髴啼痕紫重惜紅顏衰更悲遠遊子春華幾銷歇棄妾如桃李桃李雖弗榮托

根自相逼江水浩莫回江雲去無止感此意頽然推心結終始

夏夕

蟬響在高樹入夜殊未休義和竊日威炎虐彌九州神疲詎能寢多蚊苦相讎人生血肉軀垂老百不謀惟此寒與暑大瘴增人憂移枕開北窗竹風來颼颼但取一隙涼如獲琳與球嗟彼趨附者揮汗成雨流

賦得春草碧色送別鄒舜五

七十二峯

武山孔氏合編

卷四  
二十三

東風轉燒痕和烟帶平楚一碧自成色誰識王孫苦莫道未萋萋孤帆在南浦

看劍歌

我觀歐冶直奪陰陽造化之至神不然何以使蓮鐔熒熒而動九霄之星辰醉來起舞驚四隣冰光寒鑠蛟龍潛鱗平生入眼無其倫會當攜之靖風塵四顧茫然妖氛蒙邊塞而我山阿食貧

遼城行

渾河揚鞭聲聞塵漲天遼陽失守山海開神京窺

逼不同旋國無兵兵無將誰其為保障小人懷杞  
憂水泣山愁兮安可狀

### 檀州歌

舊城新城說檀州巖巖開府威王侯期門材官飽  
食遊馬蹄踏遍溪山頭吁嗟戰客多煩憂

### 寄塞上諸將軍

洮西獵獵秋風高將軍寶弓懸雙雕黃沙如金耀  
日色一望千里皆蓬蒿番人漢人兩無忌長河界  
斷中華地惟有天家雨露饒卻與胡兒為互市秦

七十二峯

武山  
孔氏合編

卷四  
二十四

關趙塞英雄場五原白骨真堪傷血流應有化為  
碧誰能作厲猶勤王蒙恬古城在何許毳帳新從  
漠南起諸君莫謂胡無人好飭材官守邊鄙

### 相逢行贈戚將軍

長安飛塵十丈紅楊花落盡遊絲空揮鞭躍馬輕  
遠道百年俠客欣相逢丈夫意氣自傾倒肯吞海  
嶽乾坤小放歌醉擊白玉壺分明世事多草草檀  
城城西烏亂啼疾風時來雲欲迷故人尺素總斷  
絕剖心何似新相知平胡不用將軍老東陵種瓜

舊業蚤旋頭昨夜漠南低惟有長河亘天表  
迢迢隔女牛共君為歡離勿憂古來良驥志千里  
歷塊豈作蟾蜍流榴花點破綠窗色朱光倏忽真  
堪惜眼看志士俱未平却使霜蹄溷槽枥牀頭寶  
刀時一鳴壯氣隱隱風雷生陶然且飲杯中酒與  
爾同消無限情

### 除夕同陳二丈對酌因思老親漫興

人生不滿百安得百除夕歲除還復來虛生實堪  
惜高堂有嚴親不能侍其側西山日云暮喜慰兩

七十二峯

武山  
孔氏合編

卷四  
二十五

交臆親飲屠蘓酒兒為遠方客念茲迫中腸勉旃  
須努力貞下仍起元冥理頗可測且畢今夕歡對  
君共浮白薊門楊柳多明朝驗春色

### 讀李杜集用拾遺菴村韻一首

迹涉幽薊途琴書獨成趣冥心事窮討客愁聊復  
去長庚本天葩子美若瓊樹身竄豈忘君時危總  
關慮隴山盡西向湘水日南注我亦有柴門花發  
已春莫

### 人日有懷

年來多天風遊子身萬里流光感飄忽陽春復盈  
宇豈無故鄉念故人在何許殷勤問梅花欲折誰  
爲侶

### 憶別

憶別迢迢四千里征鴻飛絕寒雲起萼蘊正美不  
歸來相思空落吳江裏吳江濯素多佳人臨波自  
惜朱顏春長安遊子豈不念當時一誤投迷津燕  
山蒼蒼歲云老牛羊滿地無青草胡兒鳴鏑窺漢  
關將軍夜夜巡邊早城頭鼙鼓轟如雷敲鉦擊柝  
七十二峯

武山  
孔氏合編

卷四  
二十六

去復迴清宵欹枕那忍聽月白自和愁聲來依稀  
欲作還家夢紙窗浙瀝淒風動可憐握手情正長  
忽驚喚醒誰相共誰相共此別離思玉瓶寒碎珊  
瑚枝浮生南北兼歸鳥爭如比翼能追隨長歌好  
寄碧山曲爲問荒連幾叢菊勸君莫賦白頭吟舊  
日題橋誓須足

### 棄妾行

風吹陰霾日無光棄妾含情羞下堂低回涕泣霑  
羅裳可憐丈夫思不長悔將玉質空嫁郎憶昔十

五辭蘭房與君結髮同糟糠豈期一旦成參商薄  
命何似雙鴛鴦欲行不行猶自傷掩袂拂面催紅  
粧妾去矣君善愛堂前尚有姑嫜在穉兒幼女羅  
膝號寄語新人好相耐妾去矣不復歸骨肉聚散  
精魂飛一聲叫天腸欲裂從此兩地情依依

### 簫史曲

洞簫吹子雙鳳來雲縵紛子下層臺忽秦娥子輕  
舉挾僊郎子徘徊渺無際子隨所適遊重玄兮覽  
八極更何人子復吹簫鳳之去子誰爲招空月明  
七十二峯

武山  
孔氏合編

卷四  
二十七

足徵集  
兮環珮遙嗟悵望子心徒勞

### 聊城箭

燕齊報復踵不旋人各爲主相爭先聊城本是齊  
故物燕將守之心獨堅田單破燕如拉朽却於此  
地頓刃久魯連區區掉寸舌緘書繫矢策何有誰  
知巧中燕將心讀之感激涕莫禁將軍一死城遂  
下此矢絕勝千黃金獨嗟樂毅破齊日魯連先生  
胡不出

### 月夜懷吳六訥公

只此清宵月松寮別樣秋涼陰生古殿露漙漙  
樓幽興句同得冥心神獨遊相思限湖水空  
移舟

過惡峪嶺

惡峪勢摩天登登馬不前敢將為客淚點破看山  
緣側足羊腸繞回頭鳥道連下來尋石峽轉覺興  
飄然

中夜聞琵琶

正爾孤眠夜何來一曲聲哀疑悲薄命急似訴離

七十二峯

武山孔氏合編

卷四二十八

情淚向明妃落詞緣白傅成若為翻逸調令我夢  
魂清

邊城晚眺

時同陳將軍理卿防守鮎魚關

古塞雲垂地顛崖石作城草枯胡馬斷風急戍笳  
鳴把酒賢侯誼振衣獨客情憑高漫回首却憶棄  
繡生

不寐

寒氣薄疎櫺更籌送不停世途渾是夢客況若為  
醒月冷娟娟白天高的的青半生辛苦事關塞幾

多經

端午諸兄弟共酌

天亦知佳節於人特有情不然連夜雨何事一朝  
晴艾虎家家製蒲觴處處傾白頭兄弟在歡笑慰  
平生

營平道中寄王相公

策馬都門直北來燕山飛雪下層臺解鞍客思隨  
冰結投筆雄心共酒開縣邈總看三輔地鬱茲遙  
指九陵隈此行不覺關河遠喜有聲光借上台

七十二峯

武山孔氏合編

卷四二十九

寒夜

西寮寒夜一燈紅瘦骨那堪領朔風心折故園誰  
寄簡律回殘歲尚飄蓬長烟寶卷吳門練新月虛  
彎幕府弓我欲憑將愁斷絕夢魂依舊五湖東

冬日遊墻子嶺

歷歷山容馬上看危峰怪石總奇觀冰連萬壑龍  
蛇卧雪壓重關虎豹寒荒漠誰云華地盡普天渾  
是聖朝寬獨憐歲歲防邊者幾向明庭說治安  
立秋夜雨感興用杜韻

暝雲漠漠過前溪雨送秋聲思欲迷胡馬漸驕誰  
逐北王師室老尚征西羈懷不忍聞三淚拙技猶  
堪試一蹄已識從今多世變函關何日報封泥

九日對酒憶父及諸弟

幕下開尊慰酒狂心驚佳節又重陽似同逐客身  
千里忽復思親淚幾行椿老吳天雲樹負雁分秋  
浦塞烟長拊髀不盡英雄慨欲向龍山酹一觴

同陳將軍游仙舟洞和楊大司馬韻

烟波無地覓仙舟玉洞名從絕塞留儘擬扣舷歌

七十二峯

武山孔氏合編

卷四  
三十

赤壁何須飛棹訪丹邱當時李郭依稀見此日陳  
雷汗漫遊司馬不逢都護宵空餘真勝憶風流  
偕陳將軍夜宿僧舍

白日忽隨蒼山寒行人揮鞭促征鞍遙憐樹杪古  
寺出更喜澗外流泉乾入門有僧話不俗掃榻待  
我情何寬將軍如雷飽新睡明月欲上松雲端

李留守宅夜話

將軍緩帶意氣閒生平恍慨卑奴顏結客不愛酒  
幾斛燈前談笑如家山夜深片月掛樓角起看星

斗俱闌珊我欲褰裳對君舞麾戈共取單于還

落花

花開春與來花落春隨去漫有惜花心而無挽春  
計

有省

澄心心更擾息慮慮還多世事雲依岫人情月在  
波

行處有天成止時非力爲帆檣舟楫具一任好風  
吹

七十二峯

武山孔氏合編

卷四  
三十一

擬古長門詞和劉仲修先生

深宮無伴日寥寥愁感娥眉懶自描何事上林多  
百舌不同雙燕語空嬌

教坊南內按新歌嬪御紛紛盡綺羅昨夜官家歡  
賞地香風猶自隔牆多

諸娃扶輦過仙臺永巷春深鎖未開起把銀鉶灌  
紅藥惜香應有蝶飛來

海棠庭畔試嬌紅一脈春思托曉風已向相如買  
詞賦憑誰攜上未央宮

別殿西風錦帳寒頻移蓮漏夜方殘阿嬌不是悲  
捐棄翻爲思多夢未安

哀鴻嘹唳漢宮秋不信張郎只四愁妾以孤眠寒  
更早尚方應獻袞龍裘

露冷嚴城肅鼓聲君門只在殿東西那堪永巷娟  
娟月偏照驚鳥夜夜啼

蕭蕭梧葉頓辭林棄妾猶懷戀主心聞說夜來宣  
狗監長卿真已值千金

### 題湯泉

七十二峯

武山孔氏合編

卷四  
三十二

先皇曾向此經過敢把溫泉抵玉河任是六宮顏

色好冷腸今已屬誰多

王宮人隨駕不浴有不  
爲人問洗冷腸之句

### 初夏思家

竹筍青青半出林櫻桃紅映海棠深烹茶煮豆蚕  
初罷却憶滿家歡笑音

### 孔貞明

貞明字道東鳳崗之子嘯父弟也詩名亞于乃兄

### 偶過飯石峰率爾成句

誰將白石煮化作仙人餘餘餐棄峰頭粒粒皆瑣

璨不資枵腹需永發搜奇歎我思黃梁夢與海幾  
經換迺今峰頭烟猶疑自成爨

### 入靈源寺

古寺在境內來生人外心嵐光雨餘澹樹色門前  
陰施食舞山鼠繙經馴野禽問春春已去苔徑石  
深深

### 借宿澗橋贈主人

日落小橋前伊人多勝緣斷虹垂飲澗歸鳥亂投  
烟樹頂窗堪倚泉根確欲穿憐予問津者許借石

七十二峯

武山孔氏合編

卷四  
三十三

足徵集

### 借劍詩贈俠者

烈士心懷報國仇洞庭東去借吳鉤凌室灝氣含  
霜雪徹夜寒光射斗牛周武一戎成壯旅漢高三  
尺定神州吁嗟通理終無用獻罷魚腸鑄亦休

### 莫釐將軍墓

將軍去矣迹空留蔓草修藤古墓幽千載征魂金  
甲冷當年豪氣玉關浮鶴歸華表山山月風咽泉  
臺樹樹秋聞說隋家陵寢地已無銅狄卧荒邱

和蔡景東咏芙蓉詩

湖上芙蓉峰秀拔歷年久四時不能凋造化在吾手

題飛錫堂

一堂清淨絕塵埃不見支公飛錫來悟得浮生無去住杖藜堪老白雲隈

孔尚素

尚素字大文縣諸生

舟月

七十二峯  
足徵集

武山  
孔氏合編

卷四  
三十四

孤月白無際荒荒遠近村未離寒水影已黯旅人魂波靜魚情肅風和鴈語溫有懷勞此夕獨酌亦盈樽

孔尚達

尚達字君畿

烏棲曲

榆林塞下風淒淒榆林城頭烏夜棲胡笳一吹霜月冷欲飛不飛還自啼將軍夜半聞此聲拔劍起舞如聞雞白草茫茫沙漠漠單于只在天山西男

兒欲佩封侯印請纓志與終軍齊有家不歸二十載戍戍愁殺閨中妻

太湖采蓴爲舜五

扁舟弄晴景幽想結滄浪蘋荇參差合烟雲映帶長葉鮮秋割翠蔓細手褰香何物能兼美鱸魚已在梁

勞勞山

勞勞山上野花幽送客亭空雲不流日暮莫談江左事西風吹月鬢先秋

七十二峯  
足徵集

武山  
孔氏合編

卷四  
三十五

七十二峰足徵集卷五

武峰吳定璋友篁菴錄

琴水王應奎東澂編訂

秦 欽

欽字敬之西山秦家堡人宋亡隱居不仕故人趙子昂送曆日謝之以詩云野人無曆也知春多謝王孫歲月真六十餘年藏甲子今朝愁見舊時新子昂大慚

金竹書院志感

七十二峯

西山秦氏合編

卷五

湘林綠玉祖遺栽千古清風掃石苔寄語忠良臣

子輩渭川漁父幾時來

烟和紫翠拂雲齊湖上青山古樹迷自是林深聲

已絕梧桐凋盡鳳皇離

千个縱橫翠玉莖夜深鸞影月華清趙家遺得薰

風在林靜無人有珮聲

月透疎林午夜看詩成已上玉琅玕靜觀紫誥思

先澤不覺衣裳露濕寒

秦辰樞

辰樞字以德石公人

毛公壇

寂寂靈壇上雲封一徑斜草生餘綠髮花落護丹砂欲謝人間世來食洞裡霞神仙不可遇千古此長嗟

林屋山行

綠暗晚烟濃尋幽入谷中路迷山欲斷橋接水還通有樹皆新果無人不古風偶因塵外侶遐想茹

芝翁

七十二峯

西山秦氏合編

卷五

寄武陵二羅於粵東

春晚書隨北雁過楚山花月雜烟蘿擢頭神女携雲久門下蠻童載酒多白髮青瑣惟病骨綠樽紅袖對高歌羅思年少羅含老回首其如故國何

秦嘉銓

嘉銓字存古少嗜學手不釋書口不絕吟與陸二雲周觀疾勞在茲僧同岑結詩社于橋香庵稱巨擘焉嘗遊東山徧交名士而獨善家不官不官贈詩有一代友朋零落盡兩山風雅後先荒之句因

與不官有西山風雅之選所著既耕堂詩餘卷

### 晚烟

竹鳥亂晨光山人亦蚤起薄涼動風荷清露泥閒  
蕊衆壑窅以晴呼吸如可通微茫曉氣中新烟自  
起止亘依密箐平影隨纖旭徙有時浮木末羣巒  
走春水對此澄我心一編乃徐理

### 冬日茗上歸寄欽不仲先輩

兩峰相對峙萬頃界吳越霜飈驅凍雲楓林氣肅  
括一葦縱所如亂流波活活間鳬多於萍野舸渺

七十二峯

西山  
秦氏合編

卷五

三

如鵠寒深酒力微風利山易脫伊人家水湄蒹葭  
聲刺刺披幃欣良邁長揖襟度豁高言爽心脾等  
嚼薑桂辣呼白夜遂深落月掛木末竹牀清夢飛  
徧泮五湖濶曉來扁舟歸遙仰弁山雪

### 仲冬遊舟庵

數椽毘耶菴獨踞烟波島屋荒佛疑寄景曠客頻  
討無僧境轉清有花寒更好風篷飛堦前蒨漪吹  
樹杪鳬聚忽成沙烟疎漸如草水落石痕新木脫  
山容老緬惟四先生古道在懷抱

同嚴開一沈仲遠陸二雲蔡元修坐華山楓

### 林下談古

悲哉秋為氣萬籟盡玄穆關塞上極天草木化宗  
族黃綺境自清永日慰山麓湛湛湖水寒上有楓  
蔌蔌榕枝罨綠烟薜荔衣紅屋秋容傷春心高言  
發幽獨嗟彼章句儒譏評恣胃腹細節苛古人古  
人不足錄一朝當其際唯諾生跼蹙始知向者云  
所得皆龍肉世事貴三緘長言託樵犢林靜松自  
濤壑涼籟逾肅嗒爾忘蹄筌相期守貞樸

七十二峯

西山  
秦氏合編

卷五

四

### 落雲坡社集仿蘭亭詩意二首

古人不我見讀古或遇之結交期寓內神氣貴先  
知理至道無二千載不復疑况乃同心者疇昔所  
相思高秋氣肅爽石洗山骨奇一觴盟幽懷細麋  
蘭亭詩山水猶曩日惜非永和時遐哉古處心曠  
世以為期

漆園著齊物晉人蒙其皮清言汨彞紀大道成傾  
危家繪老莊圖宦情日以滋負哉王右軍托志在  
淪漪鴻冥鳳高舉琅琅誓墓詞觀物既辭累我見

遂不私蒼烟拂蕙葭彷彿水中坻交情澹惟人正吾師

春仲王雙鳬鄭晉之吳不官沈仲遠徐仲始  
小集齋頭分得生字

良朋交貴澹尊酒陳平生適聚非曰偶晤言皆懷  
誠春鳥集嘉樹關關齊新聲我有二三友遞至申  
幽盟篇章發孤憤不平各自鳴有時縱高辯強毅  
或如爭徐徐得神解妙緒相為迎世趨日涼薄砥  
行期礪礪所藉性命交獲以保令名舉觴告之子

七十二峯

西山  
秦氏合編

卷五

吾道在相成

顧桃源入山詩

朔風噓氛霾大塊失其旦草萊集悲思所憫非離  
亂疇昔襟裾人飲食已衍衍顧子致身時扶搖期  
振翰天室嗟傾頽斂翮吟澤畔示我失心詩流涕  
繼長嘆持茲幽獨心艱貞不可毀憤世託桃源鴻  
溝與塵判一身如虛舟浩落脫羈絆望林適高卧  
寒泉激清夜長嘯隔世情還懷寄周漢仙源迷漁  
郎徒倚武陵岸

紀行六首 有序

庚寅十月訪蔡子元脩于嚶城作詩六章  
首章憫秋潦也二章念勞止也嚶之鄉場  
圃既築鄰里助獲俗儉篤女紅有唐魏遺  
三章四章頌古風也五章賢流寓也蔡子  
携家于嚶鄉人敬愛之以及其客故賢之  
也對賢友樂淳俗信宿解維意眷眷焉六  
章志別懷也夫民勞足感俗儉可思感以  
思詩於焉生蔡子其有志與

七十二峯

西山  
秦氏合編

卷五

役役竟何事翻然出秋城寒雲隔餘雨野色開新  
晴布帆怯西風招並鄰舟行緋纜相扶維視聽始  
覺平婁江秋潦後稼碩未及登捐捐者老農持鎌  
刈香秬豈不畏寒涉待茲沃朝鐺兼言鄉井間石  
壕吏從衡郡符籍丁戶矧乃虧常征聞之遙太息  
林表冬虹明

霽月溢江路晚氣澄空濛檝檝蕙葭繁戛然去雙  
鴻孤舟耳目靜光影遙為通潮平夜欲半薪蔬來  
城東田家惜盡力甯市聲靡訐舟子夢初談吟嚶

殘醉中噴破通宵夢申申詈鄉農吁嗟勞與淫念昔歌唐風

十月天氣正朝覲烟心星西風籬豆枯餘暖木棉繁農家急蓋藏隕霜獲遠原鄰閭更代助辛苦兩忘言稻螺高下互委折列墻垣田父拾遺穗駢犂飲水源念彼三伏勞愛之猶兒孫白月下場圃村醪酌柴門榆柳亂人影雜坐呼弟昆殷勤感冬霽歲功侈天恩誰言去古遙淳風茲猶存

餘霞西去盡白露竹外明寒色淡如曉棲禽留歡

七十二峯

西山秦氏合編

卷五

聲野步繹農語遙愛醇樸情前鄰人散後宵作并經營犬歸掩竹扉春動熄殘燈因言田功迫婦子晝未寧餘布猶在杼累日不遑成及此寒漏永紡月携筐簞豈能卒歲謀公稅畏愆程

次山居壤東少陵營草堂爲客雖屢空鄰右仰儀光開園贈曲濱泥飲社酒香夫豈好岑僻野人情可長古嚆城之南遺風尚陶唐我友抱石經一室潛文章啟扉遠村見北窗响簣當金石出古音與孟儲頡頏我來當十月農父滌圃場見客餘愛敬

藹然君子鄉終期鄰前谿及君泛野航

蚤織動西舍荒雞亂歸思柏葉下冬影纖雲白絲絲故人繾綣別竹鳥一聲時闐闐盈我懷如賡疇夜詩雙橈破江霧林落紛參差牛茆蠲斷依宿火新烟遲岐途賴田夫指示遠尚隨板橋叢秋花甘菊露垂垂勞勞聚散中何以慰調饑

感興三首

有鳥鳴且飛飛飛在高林其鳴淒以悲啞啞感人

七十二峯

西山秦氏合編

卷五

心飲啄良不貪飼哺念所生生雛式穀似和鳴有同聲吁嗟此微禽自具良知能所願鷹化鳩不復懲臬羹

舍傍紫荆樹植者逸所始云是先民貽桑梓恭敬止春陽發輝光韡韡常棣似華頤感舜英榮枯閱桃李雖無蔽蒂觀本根固深理詠歌勿翦拜君子懷葛藟

治田務去莠莠圃言抽棘載芟載柞之所以遂方植樹禾一年登樹木十年碩良苗遠懷風嘉卉明華日荷鉏時植杖薰欣得和懌雖非玉樹榮亦有

好顏色

庚午季秋同家雲碧九功遊三山澤山厥山

兒永祐孫秉府從

三山石龍從其最爲石壁芙蓉五朶鮮青雲一片  
立豈伊女媧補或者巨靈劈當年花石綱搜采窮  
荒僻睨視但朶順斧鑿不能及湖濬石一叢生肖  
類鑄埴一牛疑異飲涉波露尻脊有雞逐其尾奔  
趨欲奮翼其餘水摩蕩指點未盡悉山僧偶邂逅  
還往曾相識因同過澤山煮茶叙疇昔爲言山藁

七十二峯

西山  
秦氏合編

卷五

足徵集

爾俗尚頗真質本業農圃餘閒亦涉書籍苔石紛  
葱蒨竹樹圍茂密循途率坦步周適遍登歷阿咸  
具果蔬帖岸鋪蓬席對此好湖山適然引太白厥  
山逾數里望之亦咫尺餘罷遂鼓棹雙槳駛箭激  
視澤廣才半三山五之一桑徑菜畦間往往多文  
石位置極自然而絕非人力居岷意思閒熙熙安  
作息農具倚樹傍餘糧棲隴畝依稀老人村喜不  
訝生客始悔塵囂中人我徒後後解維返石公布  
帆動暝色登厓望諸峰已復不可即

采菽詩

癸酉四月六日携諸孫采園中蠶豆拈此

示之

農圃細人事樹藝供饘粥在昔先民詔帝命播百  
穀荏菽歌旆旆立我助率育時夏得陳常非僅資  
口腹覽觀古篇章彞叙如相告天子美元侯嘉惠  
賦采菽筐之復筥之錫子脫福祿載况父子親教  
誨期式穀中原菽可采庶民懷顧復體此事二人  
菽水啜已足婦子承餘歡豈必庀梁肉兄弟本連

七十二峯

西山  
秦氏合編

卷五

足徵集

枝敷榮譬草木試觀豆與其同根何或郁古賢重  
友生其人詠金玉塲藿招白駒繫維芻一束五倫  
人紀尊比興意聯屬苟能達此指名教在菽粟菽  
類非一種特茲蠶月熟條桑斧斨忙布穀勸耨續  
來牟未及登采采先鬱奠秋中歷孟夏方阜經寒  
燠種豆斯得豆恒言通雅俗物理有深寓教養義  
胥畜拈此示兒曹植德務自勗

金銅仙人辭漢歌

太乙真人紫闥客陟降帝謂宵無迹鼓金飲玉要

天靈辭剝兩朝雨風碧祝融爐熄辭舊里露絡雙  
紅憶帝子秦皇金人懷迎送欵道宮門望河水古  
今隙駛秋風道仙人蒿愁眼光老二漳東流分鄴  
城銅雀空臺月寒小

春坊正字劍子歌

銀塘盎盎瀉春水走躡驚濤化龍子太白凝秋烟  
列星踴躍大冶飛語起天霓鼓氣白練搖揭接盤  
垣動箕尾公孫大娘手蔚跂龍蛇借作張顛字寶  
圍琤琤垂麗歎非雌是雄泣寒玉絕域曾携小月

七十二峯

西山秦氏合編

卷五十一

氏赤脚窺脰陰山哭

貴主征行樂

交河水立樹重甲羗兒星竄散飛葉元戎先駐受  
降城貴主護軍次第行虎幃翠被腰春玉武蛾雙  
掛芙蓉綠酒闌剪蠟雞咿咿材官擁霜卧錢衣

公莫舞歌

四筵虹氣鬱丹楹琥珀瀉光虛晶隗英雄心胆雪  
尊酒浩歌磊磊羞秦箏井垣有爛澄經緯亞父宵  
驚慙如醉珮映斜瞻日月威兩眉橫蹙髮上起筵

前冰花三尺舞乳魘穴中探豹子握星輝化五綵  
雲飛翼神龍遵赤水樊侯迅衛出重關擁干瞋目  
排猊鏢當年非為懸金印卮酒婚姻何足論

染絲上春機

乳花浣玉冷金井五色璽光燦鬢影纖綺盛春  
雲愁約束春懷獨上樓紋迴錦簇情稠疊先作雙  
鴛次蓮葉東風扶燕逐楊花蹴上春機亂春雪

神絃曲

藤蕪羅生春草昏美人采香吹綠雲冰絲交張雜

七十二峯

西山秦氏合編

卷五十二

佩繁素鯨鼓波飛玉塵西風宛嫋下帝子蒼梧赭  
衣祖龍死翠篠迴舞青鸞尾碧淚走江化湘水辛  
夷結車旌蔽日燭爛山阿紫霞起

神絃別曲

靈修要眇宛將別商絃驚轉石笋發洞庭波起作  
行雲木葉鳴空寒子子桂旂蜿蜿濕香羅青洲拾  
翠期重過交手顧懷峽雨暗文魚雙逆吹江花

官街歌

棲鳥啞啞餞沉日煙動女垣晚角出禁城燈火靜

黃昏墨骨輕槌雷獸革東西隴水流月白征夢參  
差行不得冷霜剪露秋凝色淒和清砧寒萬國銀  
河落影展雲橫銅龍聲咽難聲續

浩歌

六鼇足側翼天地無始物母孕春水五精剝剋耳  
目窮利鑿七竅渾沌死鬼神力詘愧金錢衆情流  
幻興雲烟浩歌一闕漏金卮憂懷焚如詰阿誰燕  
領投筆領都護萬里雄心寄英主古今滔逝恨莫  
平欲決天河洗九土屋梁罅照白蟾蜍一鈎破碧

七十二峯  
足徵集

西山  
秦氏合編

卷五  
十三

明如梳霜花瘦鐵敲空綠牀頭寒吼節高促

梁臺古愁

梁臺孤倚嵩少立玉虹飛跨憑出入空香縹緲點  
神水弱管繁絲落聲濕雕龍詞客落接天阿嬌避  
風露粉斑舞深子夜漢影翻哀來不歇思長年金  
丹駐顏還玉色采草仙源破雲脉荒臺千里憾悲  
風舊月凝霜天地白

祝京兆草書歌

戊午四月廿有一日同明月寺古萃師游

虎邱携所藏祝京兆書李太白草書歌行  
見示因成是歌

懷素草書妙天下太白歌行絕古今一斗傾來或  
百篇數箱掃去忽千楮詩疑龍跳而虎卧字欲蛟  
騰而鳳起謫仙人慕素一人賦贈歌行極摹擬粉  
壁迴廊數十間恍惚長歌尺幅裡詩中有字字如  
詩萬事天生不虛語窠窠曠世繼者難數百載後  
有枝山欲軼南宮與山谷懷素殊堪伯仲間正嘉  
以來重京兆百有餘年孰同調收藏者多賞鑒希

七十二峯  
足徵集

西山  
秦氏合編

卷五  
十四

真龍未必諧群好靈巖山前明月寺竹樹烟籠護  
深翠時有高賢共往還留贈佳詩與好字京兆好  
作山中游薄醉假榻僧齋頭同行伯虎及徵仲一  
時文采多風流山僧索詩善乘隙隔宿預磨數升  
墨茗椀香鑪整几席有意無意置素冊京兆曉起  
恍無聊開卷適然興勃勃為寫太白草書歌龍蛇  
盤舞琅玕筆輕如揮真重崩雲動若驚鴻止巨石  
書成次第譜年月古今遙映真三絕躊躇滿志紀  
數行猶云不自知工拙後來觀者為文彭京兆門

人字壽承采山讀書過洞庭風雨間阻尋山僧偶  
披是卷獲狂喜欲假旬月摹蘭亭老僧秘惜弗首  
肯望蜀反乞餘紙盈亦書太白春夜序卷尾跋語  
神逡巡云見師書如見師瞠乎步趨驚絕塵兼之  
督促之整暇續貂貽誚慙捉斤山門留鎮詫奇寶  
什襲藏之藉紛練不知塵土自何年漏滓塵封兼  
蠹飽首行六字已蝕去餘者失次欠完好古師檢  
得古屋下且驚且喜忘懊惱擬覓古錦碧玉籤更  
倩良工屬裝裱初夏同我遊虎邱袖中携到木蘭

七十二峯

西山

秦氏合編

卷五

十五

舟橫看側睨目忘倦徐諷高吟口不休古碑三日  
尚坐卧况此墨妙神明留石湖紋澈想波磔支硎  
嶺峯疑戈鉤不知古人真跡變化果何似我意青  
蓮而在必當長歌持贈握手酣滄洲悟石軒中綠  
冉冉與師嘿對還展卷卷中字字皆雨花我猶頑  
石頭頻點

仲春徐惟一拉過汪子寧齋玩素蘭

闔閭城外春風暖蚤梅飛瓣春風緩街頭已聽賣  
山蘭筐筥携來茗雪遠此花雅致無纖塵山家培

植恒相珍藥珠簇簇毓秋半芳英馥馥遲早春云  
有素蘭更清絕雕飾去盡空香結葉流嫩碧葉如  
花花開藜翠花如葉聞說伊人種數盆殷勤瞻顧  
忘晨昏三冬嚴護敵冰雪不須吹律回春溫香爐  
茗椀伴一室剥啄不容來俗客幽蘭原以况高人  
名可得聞不可即我友愛花為花鄰携我花源試  
問津踈踈一澹自成色落落不隨真有神香光已  
自慰深慕欲去未去轉洄溯徘徊有似武陵漁處  
處盤桓誌向路何當遐訪覓幾枝春來正值花開

七十二峯

西山

秦氏合編

卷五

十六

時寔明凡淨澹相對聽客彈琴我賦詩

蠶桑里謠

五畝之宅樹以桑采桑祁祁春載陽五十衣帛非  
所望聊輸縣官實篚筐吁嗟邇來民力竭殘冬賤  
售來春葉棄價沃釜蓄桑芽未萌藥賣新絲復二  
月戮力蠶桑足苦辛剥膚剜肉那可說况乃今春  
興蕭索蚕婦愁看葉沃若官稅私逋兩無托蚕繭  
成葉黃金黍不起葉犬矢吁嗟里謠古如此  
戴勝降桑鳩拂羽春蠶三眠更三起子規驚夢勞

蚕女蚕不起仍不眠陌上桑葉翻翻諺有言無春  
莫養蚕人言立夏日不宜風西南斧折閑曲薄束  
石壕吏虎其目未五月糶新穀女紅蚕績將何支  
陌上桑猗猗枝吁嗟樂子之無知

望雨歎有引

癸酉長夏彌月不雨農人咸以為憂友人  
王憲吉語余曰往丙寅五月大水子賦積  
雨歎而次日適晴今試賦望雨歎安知不  
適雨乎因拈韵揮毫以應憲吉吁嗟敬天

七十二峯  
足徵集

西山  
秦氏合編

卷五  
十七

勤民之心不以貴賤異也巷号轅謳亦采

風者所不棄與

大江以南俗多麻每值歲儉嗟二舖比來屢稔得  
所估有年婦子安衡宇雖則囊空窘阿堵劬勞幸  
不噉鴻羽今春水耗數尺許山根齒齒石縷縷中  
谷曠及河之滸月令芒種交端午秧田搨搨勤水  
岸黃梅霖霖雷不怒夕虹朝隴絢雜組芟柞徒然  
疲捷牯喃喃太息聞田父云自正月數至五每月  
之朔火為主正至五朔皆火或云兆旱夏甲子而兆赤土五月

二十分龍雨雨濕龍衣潛水府哀我老農  
糶穀醫瘡將何補或謂鄰翁勿咨苦上帝聰明  
且睹况兼宵旰厪厪哀賴頃者飛輓賑闕輔我任  
輦賦庠監更憫東南力瘠瘠佇望年豐多稔黍行  
見降康秩斯祐雨激如射潮弩豐隆競競震鼉  
鼓旱魃匿影不敢舞隴畝懽騰連工賈憂者以喜  
疾者愈我倉既盈億我庾以輸高廩供簋簠有極  
其馨酒可沽有採其角牡可脯琴瑟擊鼓迓田祖  
索饗迎貓更迎虎我儕小人足仰俯畊鑿何有帝  
力普望歎釋頌前古

七十二峯  
足徵集

西山  
秦氏合編

卷五  
十八

初雁

遠浦孤烟靜西風未老時孤吟催夢醒一葉到聲  
遲物外辭群慕幾先守獨知寂寥天地濶秋意自  
深持

新秋對月

遠山隨暮斂野色動虛樓靜處先留月孤心易及  
秋寒生今夕夢影照隔年和思渺懷何似高深任  
所投

雪後再遊舟庵

再過曾遊地，翛然已閏冬。  
堂餘塵四壁，門對雪千峰。  
木葉秋先醉，山花凍尚穠。  
高寒千古意，想見昔賢蹤。

欲晴

餘溜分殘夢，林禽繞竹房。  
一寒迎野色，羣動候晨光。  
雲破山蒙驛，江開樹混茫。  
秋郊農事濟，蠟屐擬徜徉。

虎邱寒眺遇子方

七十二峯

西山秦氏合編

卷五十九

蘼菊沿江渡，山家落葉時。  
爲登寒石至，若與故人期。  
獨往各成適，忘言同所思。  
風流如可即，延佇苦賢祠。

題曠閣

危樓迥對翠微開，梧竹陰森傍石臺。  
野水遙隨帆影澗，高雲時帶遠山來。  
一灣烟月漁歌杳，萬壑松濤仙梵回。  
誰負元龍百尺想，題詩却憶子山才。

秋日山居

秋過林亭動客思，風雲黯淡五湖湄。  
聲來遠道原

無迹氣入空庭，若有期河影夜明。  
澄象緯山容朝

拱靜威儀我懷聊，寄滄浪外檢點身心漫自知。

西風渺渺洞庭波，水入遙空點碧螺。  
雲護石天蹲

兕虎濤開澤國吼，鼉鼉茆堂影外圍。  
銀杏竹艇聲

中載玉荷俯仰峰，頭新雨霽秋光冉冉到藤蘿。

散步孤尋碧水頭，曠懷天地一虛舟。  
尊生自適棲

遲志汲古時成汗，漫遊似我浪吟空。  
瘦骨問誰宵

舞念神州徘徊極，目雲山渺不欲登。  
臨千仞樓

南山白石鬱崔嵬，蔚蒼朝看帶蚤暉。  
水濶魚龍潛

七十二峯

西山秦氏合編

卷五十二

養勢草生蚊蚋縱，生威考槃自坦貞。  
人履遲暮寧辭季女饑，閒倚竹窗論往昔。  
邇來趨舍未全非。

雲隔夫椒烟樹疎，興亡指顧倍躊躇。  
半江風雨胥

濤冷十里梧楸響，屨虛霸業銷沉荒草石。  
功名名澹

漠老樵漁六千君子，今誰在弔古空悲越絕書。

論交一淡不期多，于野同人神聽和。  
叔末行藏分

負戴草茅師濟自，賡歌相思風雨孤。  
琴閣入夢兼

葭秋水高老樹繞，關關剝啄詩隣披。  
草忽來過

華山夜集分得山字，同一雲元修定公檀公。

高林霜老楓樹剛歸雲寂寞樓南山空岩籟息一  
葉落深寒僧定孤燈閒視聽入靜見幽獨夢寤通  
古遺顛頑松聲子夜起秋雨瑟瑟激和驚柴關

深冬寄懷吳不官時客棠邑

臘殘山徑嘆飄蓬况復懷人聽遠風千里月明寒  
可訊一燈花老夢難通關河龍劍心留古冰雪奚  
囊道未窮徒倚半庭酌寂寞忽驚群雁唳天空

冬日同王雙鳧陸二雲游大小龍渚歸宿二

雲禮梅閣

七十二峯

西山  
秦氏合編

卷五  
二十一

探竒自溯碧溪隈屐屐攜寒破凍苔怪石到風聲  
不去遠山疑雨氣初來牛羊點綴通樵徑鷗鷺參  
差近釣臺歸坐小樓分永夜一尊相對共瓶梅

丁亥午日

風雨兼旬激楚吟彌懷紫望碧雲岑三年憔悴靈  
修夢千載彷徨野史心時事不平增放語遠情聊  
寄費孤斟縻蕪杜若生香綠湘水泠泠照古今

京口即事

芳洲春長綠雲生潮勢西迎萬里聲天外群山趨

鎬邑海門一氣動江城古今鼇柱浮銀壘南北星  
房判玉枰此日中流嘯擊楫新亭避矚獨移情  
飛帆渺渺隔金焦烟樹微茫鎖竹寮霞焰晴江開  
蜃闕龍吟深夜湧胥潮危樓舊艫襟三輔芳草新  
青帶六朝誰謂雄關天塹限洊泉今已浸苞蕭

水月寺雨後漫興

快雨宵來動竹關蒼茫秋在兩峰間野花獨立精  
神醒馴鴿雙棲飲啄閒無意得詩疑到夢有時讀  
古宛尋山荒寮茗椀供僧外只許高雲自往還

七十二峯

西山  
秦氏合編

卷五  
二十二

咏義皇酒

義皇俗名義熬或曰庖犧氏作即禮所謂  
玄酒者故名義古且尊可思也其法秣黍  
必齊微用麴湛熾之器以陶瓦和火齊以  
取其氣發之甕中素潔如乳泉性冲和無  
煩灼之弊余客下相飲而宜之咏詩四首  
既尊其名且頌其德云 存一

嘉名肇錫自鴻濛無始悠然此意中影合冰壺澄  
欲澈花浮銀盞照來空猶疑懷葛罍淳閑獨並陶

飽湖質忠一枕羲皇誰醉醒南窓設設到松風

謁兩端

黃冠日謁請切切一何倭隴上枯梅聲寧不動神聽

立夏日送陸二雲徐古徒兼以送春

送春兼送君君與春將去送君有遠心佇望春歸處

留君復留春春隨君共去送春有遠心佇望君歸處

七十二峯  
足徵集

西山  
秦氏合編

卷五  
二十三

咏史

宣室筵開謁者迎中郎辟戟倘非情賣珠兒許陪公主前席何當坐賈生

洛陽年少盛才華董相儒林第一家只讓平津能曲學江都鬱鬱類長沙

巫山巫峽恨茫茫行雨行雲惹夢長獨有靈均憔悴甚醒來只是念懷王

麒麟高閣画圖成博陸將軍獨不名定策歎為高絳灌報功嗟已埒韓彭

辛苦哀絃馬上聲不堪荒塚草何情莫嗤雪窖生通國第一風流是子卿

秦文超

文超字偉士涵村人

春日偕友遊岳麓日暮風阻宿碧虛軒贈賤

霞上人

不衫不履舊行藏來集支公講法堂入徑松杉皆古色拂衣花草盡文章點頭已後無頑石結室從來有妙香我欲逃禪休斷酒虎溪近在麓山傍

七十二峯  
足徵集

西山  
秦氏合編

卷五  
二十四

飲明秀閣同王廣期遵時祭志伊凌聖初家

君繩月下作

避暑當從河朔遊憑闌不覺豁雙眸風顛小艇潏燈亂月掛長楸鶴夢幽白隋酒清終作聖平泉石怪可封侯興酣忽擊冰壺碎檻外三山雲氣浮

秦國珍

國珍字文玉

過資慶寺

曲徑通幽谷香風拂面來綠陰藏古寺翠壁點蒼苔

苔佳色隨時易名花遍地開如夢觀未盡歸棹夕陽催

### 秦元熙

元熙字文思寄籍粵西為縣諸生

### 毛公壇

昔人換仙骨乘月控青鸞杏樹留丹井藤花覆玉壇蕭聲天外落鳳吹碧空寒余亦食霞侶長歌好翠巒

### 秦之鑑

七十二舉

秦氏合編

卷五

之鑑字尚明號惕庵馬蹟山人孝友性成潔清矢志遠于理學崇禎壬午舉鄉薦癸未成進士選授浙江仁和縣令甫數月以憂去易代後杜門謝客食貧授徒大江南北從遊者甚衆訓三子以正誼明道學未大成不令與試雖終身布衣弗為耻也

### 管肅五來訪志喜

知已于今少蒙君不我疎胸無塵界物案滿道家書臣主留殘夢功名付大虛曠談忘日異身世頓教舒

### 遊西青

相傳神馬跡曾留不憚披荆續舊遊三十八年如昨日百千萬劫忽今秋亂餘山谷憐吾在幻極滄桑孰與謀閒覽翻添無限恨隨波泛泛羨群鷗

### 秦激

激字子靜號菊坡惕庵季子幼岐嶷經書過目成誦髫年文思斐蔚時有鳳毛之譽惕庵為故人延至河南講學丙辰之歲沒於汴州激聞訃號泣匍匐扶柩歸葬築室王褒墓左混跡樵漁以終其身

七十二舉

秦氏合編

卷五

### 野望和杜工部韵五首

野曠烟花淡天高眼界虛斜陽開嶺嶠落葉暗村墟南浦幽人釣西風隱士鋤靜觀皆自得飛躍任鳶魚

寒林耶縱目但覺與春違老樹孤雲宿殘蘆獨雁歸江山雖不改烟景已全非覩物傷寥落霜天仰紫薇

衰草青溪岸寒烟帶水長蚤梅驚蝶夢殘雪壓春光作客悲庾信遊仙笑長房不如歸去也新釀綠

酌香

已無楓葉落惟有夕陽紅  
白捲蘆花雪青搖竹影  
風浮雲孤客似野鶴此身同  
想見空山裡寒烟鎖  
梵宮

柴門寒色暝愁煞暮鴉群  
雁影速還見鐘聲遠更  
聞林疎難着月山瘦不藏雲  
興盡增悲感情懷擬  
右軍

秦翰

翰字碧涵號岷雲少有志尚嘗謂人曰人生致君

七十二事

馬蹟山  
秦氏合編

卷五  
二十七

澤民此有待事孝親友弟信友乃現在可自盡事  
也父嘗病危翰誠心禮斗求以身代病旋減弟已  
析告急其乏恒先于已友人姚某卒京邸為殯殮  
歸其喪曾無德色友人沈某遠出不歸延師教其  
子卒以成立其孝友誠信類如此士林誦焉

聞砧

木落天高露氣清月中雙杵萬家鳴  
忽驚異地寒  
初動偏攪離人夢不成  
淒切自錄  
辛苦意丁冬時  
作斷腸聲擬將敲亂銅虬  
漏聲深宮曉六更

秦式金

式金字尚靜號雪筠翰幼子行義有父風嘗欲如  
范文正公設立義田以振贍宗族而天不假年未  
及五十而卒

晚晴

苦雨詩將咏斜陽忽報晴天心烟外見山骨晚來  
清風淨雲無力泉鳴月有聲草間蛩亦喜私語夜

分明

和祚蕃羊子

七十二事

馬蹟山  
秦氏合編

卷五  
二十八

杯酒乾坤裡男兒志不群  
醉眠羞阮籍蠻語笑參  
軍藝苑荒明月詩壇起暮雲  
湖山風雅盡努力任  
斯文

謁孟夫子廟

異學爭鳴日高山仰大賢  
輪轅周七國俎豆肇三  
遷母氏機絲斷文宣道脉傳  
揭來瞻廟貌望古意  
無邊

細雨

小雨烟光潤空濛點未成  
看花微有淚聽竹寂無

聲不滅時歸同曉露輕空增消息斷客夢殘更

和友人汎湖之作

夢斷燕臺十六州閒情好寄五湖舟山如愛客常青眼浪欲催人故白頭萬頃烟波樽酒會兩閒風物錦囊收登臨不用傷今古漢水何曾解北流

閩遊江行即景

兩山如画夾平沙一片孤帆趁落霞紅葉村中茅店冷白雲深處酒帘斜閒尋樵徑收松子自汲江

七十二舉

馬陵山東山

卷五

秦氏合編

二十九

泉煮菊花好景會心忘日暮晚林烟樹亂啼鴉

寄友

望望雲山不見伊蒼茫烟水斷腸時梅花細嚼原無味只有寒香肺腑知

秦之琦

之琦字公端東洞庭山人幼服西方教究心宗門年二十往叅華嚴子山和尚問答有省自此奉持長齋現居士身而說法禪林老宿咸避席焉年六十有七自知時至召伯嶽和尚語別說偈而逝有

頌古語錄二卷子弘猷弘勳等乞城南宋文森先生序而梓之

次雲居大師韻

絕頂雲居北斗齊當場拈出是全提脚跟踏破山河地不涉塵纖一點泥

無底船

逆水洋中任轉流絕無滲漏自優游投竿覆却華亭渡水接長空一色秋

無絃琴

幽然默撫曲頻申妙指輕挑調轉新不識阿誰能側耳箇中三嘆有餘音

長蘆晚鐘

名註長蘆祖道傳洪音宇宙古今喧黃昏敲落西江月五夜驚殘蝶夢還

瓜埠觀潮

做箇閒鷗泊淺洲目觀迎送海潮頭隨波擲釣尋金鯉空把絲綸逆水流

秦崇瞻

七十二舉

東山

卷五

秦氏合編

三十

瞻字友蘇寄籍睢寧為縣諸生年躋九十尚吟  
咏不輟

旅夜

楓落秋江上連朝雨益涼蛩聲驚客夢月色滿迴  
廊推枕嗟誰語看書愛夜長自吟還自悼荏苒是  
流光

感懷

日月真成一擲梭窮經皓首竟如何夜深不覓邯  
鄲夢一片秋聲到枕多

七十二峯  
足徵集

東山  
秦氏合編

卷五  
三十一

謝稹修

稹修字去非橫山人

金峰寺送李白甫還吳江

蕭蕭木落秋送君沙水頭旅遊僧是主歸去鶴同  
舟天寒澤國淺月出山寺幽臨風念儔侶莫忘尺  
書投

寄安吏部小范

一從南浦歸帆遠時序推遷倏歲餘林屋風光今  
尚爾向平游興近如何幾逢明月追良晤每對傳

七十二峯  
足徵集

橫山  
謝氏合編

卷五  
三十二

雲漠索居莫怪別來音問杳嵇康原自懶於書

僦居嚴天池太守山中別業因寄

龍門無自覓先容仰止頻年刺未通道合不妨踪  
蹟阻神交何必酒杯同停雲靄靄垂天際芳草萋  
萋入望中共說大夫能好士應從廡下識梁鴻

謝復

復字

金峰寺送李白甫還吳江

思逐秋風動言乘落日還人應瞻紫氣君豈負青

山烟棹五湖上空香雙樹間臨岐欲有贈霜柳不堪板

謝尚義

尚義字宜卿

分賦大雷山壽吳餘生

長天一碧映湖明削出芙蓉聳太清山色縈迴連水色風聲乍起似雷聲徑由地僻芝還秀石以年深蘚自生莫謂渭濱堪把釣何如此處可娛情

七十二峯  
足徵集

橫山  
謝氏合編

卷五  
三十三

譚道原

道原字伯求西山圻村人

小洞庭和蔡萬里

洞庭山水奇卷石置湖曲峻增是縹緲空洞即林屋汪汪萬頃波抱此鏡中綠歷歷七十峰狀彼雲外矗忽如龜鼈浮又若獅象伏飛翠撲人衣滄浪醒心目不出步武間一覽游已足

人日同蔡萬里由龍山過訪三山石壁

湖上三山勝十洲崔嵬石壁砥中流幾人能植青

七十二峯  
足徵集

西山  
譚氏合編

卷五  
三十四

藜杖何處飛來白玉樓正喜春風迎鷁首還看落日照龍頭故人新歲逢新賞留取新題紀舊遊

玄陽洞觀桃花

一片緋霞映五湖玄陽新景勝玄都春風三月開多少東海千年問有無洞口人應迷去路枝頭鳥只喚提壺明朝更擬花前醉莫遣飛英點綠蕪

七十二峰足徵集卷六

武峰吳定璋友篋錄

胥江沈李巖寶硯編訂

葉顯

顯字伯昂東洞庭茅園人父國英個儻豪俠元季兵興欲教子弟鄉無碩儒緱山王九萬避亂依山前葉氏國英遣子從遊葉以富傲國英國英曰我能使兒讀書成器齊奴不足齒也國英與耿炳文爲友耿延前奉翰林文字國子助教字文子真主

七十二峰足徵集

東山葉氏合編

卷六

家塾國英令子就學館穀豐腴有逾於耿字文子真撤講來國英家適江浙提舉雲陽李一初來訪一日忽悵快國英前曰妻子寓旅邸不能不動於中國英曰已令人省問米薪炭茗醯醬蔬果之類皆具李驚喜稱山中宰相於是與字文偕訓伯昂伯昂大造就而卒業焉後試浙省中上第爲和靖書院山長不愜所蘊挾策走燕京值風塵道梗流落濠亳間皇明平一區宇始克來歸兵燹之餘母弟俱亡家徒四壁無意於世號浮邱醉史放情詩

酒高歌感慨人多憐之時炳文助討張士誠封長

興侯富貴烜赫聞伯昂困滯遣使招之會敘通家

之好欲爲叔第再娶薦於朝伯昂曰時去志違年

幾知非毋庸是爲也吳興著姓姜仲剛聞人許雪

嶠華仲清曹可大吳宗本丁志仁訂盟知已從游

講學留連卒歲竟旅死長興年七十有五當伯昂

之奉召辭歸也太祖密諭長興侯勅書曰諭長興

侯卿所舉到人才內有前元山長葉顯未見敷陳

數表求歸其志終不肯仕朕欲誅之彼何生焉奈

七十二峰足徵集

東山葉氏合編

卷六

此人已老病嘗聞人烏將終善言哀鳴聽其歸日

密遣親信往察此人動靜若多結交即便遣發來

京若棄人事山中自在聽其自由勿拘葉梅友輯

南陽族譜載其事葉石君東山詩紀亦云

山夜四言

山夜深淡露垂徑黑羣動聞如山鬼出入

何如踞石而語靜以聆之其道如許

夜涼燈瘦憂懷無端蟲吟忽逗

猶未念我故人林寒月晦

四解

山中雜言

高蔭下多風微微忻晝坐翛然解煩襟左右無一  
可一鳥立牆西啁啾啄紅菓兩蟬噪崇條似欲爭  
彼我茲晨喜無事吟看白日墮放踪接內光長嘯  
絕韁鎖永言樂田園鋤灌孰敢惰餘力付詩書松  
窗事燈火

薄暮陰雲結庭樹閤幽綠風從東南來蕭蕭韻空  
谷山房燭影孤簡冊慰離獨美人隔千里思之亂  
心曲既如夜光珠復似辟邪玉價重不見售往往

七十二峯  
足徵集

東山  
葉氏合編

卷六  
三

違所欲安得生羽翰高舉謝塵俗

端午過鄰家留題

令節逢端午歸帆翳林莽攜筇訪園林野老出開  
戶失喜延我入坐定慰勞苦呼兒剝蒲根喚婦出  
清醑湖鮮左右陳林菓隨意取一舉累十觴歡然  
忘賓主指壁請賦詩揮毫字如舞脫巾挂松枝高  
歌走豺虎

送高季迪赴召

嫩柳翠初勻吳王城畔春溪頭停畫舫海內識詞

人風景山家好煙光帝里新青邱多故舊佳句寄  
須頻

靈巖懷古

屬鏤殘血夜兵來從此夫差去不回落日高臺上  
游鹿美人香骨委荒苔伯圖得失雖關數世業興  
亡自可哀惟有館娃宮畔月至今猶魚海棠開

自京師還鄉二首

馳傳遙瞻紫闕來金陵王氣自昭回仙香密繞瓊  
林樹湛露旁滋綺陌苔墜翼天門應有恨亡羊岐

七十二峯  
足徵集

東山  
葉氏合編

卷六  
四

路詎無哀生還故里承家慶刈草重將廢圃開  
蒹葭涼雨鴈賓來遯世遙從闕下回殘木翠疎存  
隙地曲池泉涸露荒苔蹒跚自笑生平步願額深  
餘此日哀猶幸親朋相軫慰翠簾銀燭夜尊開  
答來復上人

時艱誰復說年華坐聽流泉對碧霞石徑穿雲因  
採藥茅園過雨自鋤瓜月明夜半聞鳴鶴春去山  
中見落花別卻名場吾老矣衡門跡掃故人車

次韻送友人

溪雲澹澹樹重重舟子相呼挂短篷酒旆出牆茅  
舍北漁罾隔岸板橋東疎梅細麥偏宜雪浴鷺浮  
鷗不避風歸路正逢春色好錦囊詩句莫教空

靈源寺

散花丈室靜焚香小小雲龕穩勝牀須信定中還  
有定莫言方外更無方青蓮滿眼非真色白日流  
金只慧光今日相逢陪軟語塵紛俗慮一時忘

登岳州城樓

遊目憑高一攬收洞庭顙氣浴城頭雲霄在望何

七十一  
足徵集

東山  
葉氏合編

卷六  
五

時近天地無窮此際浮千里鄉心不繫艇三秋旅  
况復登樓感懷有賦同王粲江北江南總寓愁

題畫

樹色濃蕪淡柴門掩復開家山正如此頭白未歸  
來

芍藥謝

君來元有意君去豈無心感慨花中相東風酷不  
禁

贈緱山先生

碧螺峰下靈源寺草木無多屋半荒一自先生儼  
居此山雲川霧盡文章

過倪元鎮

疎柳環莊水抱邨喜看庭竹又生孫風塵眯眼知  
交盡幸自藏書好閉門

春莫入桃花塢

滿林濃澹豔陽開逕僻無塵遠綠苔花信隨風吹  
自落空山流水幾人來

夏日

七十一  
足徵集

東山  
葉氏合編

卷六  
六

簾捲湘紋暑氣微天風吹動薜蘿衣山邨盡日無  
人到滿樹榴花黃鳥飛

葉謙一

謙一字靜修細湖頭人砥節礪行閉門著述與楊  
鐵崖張桂軒諸公友爲元遺民

詠鐵笛和楊鐵崖

碧霧沉沉黑雲裂老蛟走匿鶴聲咽昨夜岳陽樓  
上吹喚起洞庭波底月

葉德聞

德聞字斯道長身巨目聲音如鐘洪武中以人才  
薦舉召對稱旨授陝西左布政司布政太祖命清  
查田賦敕云昔在有元官不理事廢棄農業有力  
者兼并狡詐者隱匿民何由治哉關陝左布政葉  
德聞起自布衣朕識拔爾授爾以重任爾體朕心  
悉心查理但有豪強狡猾仍前兼并隱匿着爾便  
令拿問應奏聞的便着人奏來欽此葉石君詩紀  
不詳其所終

雲安禪寺得南字

七十一

東山  
葉氏合編

卷六  
七

草色離離翠拂驂斜盤蘿磴出煙巒尋詩愛向棲  
禪榻落筆空慙食葉蠶千里夢耽吳水曲百年身  
寄楚雲南聊從社結青蓮卧何處能醒何處酣

雨後登峽江城

山城砦砦萬星攢凌歷虛空漸覺寒玉筍煙踈丹  
竈冷石牀香歎紫霞盤晴開隔浦花明塢雨過前  
邨水激灘一曲高歌何處度太湖七十二峰巒

咏懷

始信衰頽懶是真却從閒處且安身尊前事業青

荷葉鏡裏行藏白葛巾花鳥傍人風度遠山川開  
眼畫圖新尋常愛結隣翁伴底事區區我輩人

葉德新

德新字維章元末張士誠據蕪州以德新筦錢穀  
參軍事士誠之所寵信者又有王敬夫蔡彥文時  
人作十七字嘲之曰張王做事業只憑王蔡葉一  
朝西風起乾癟明太祖平吳寘德新於法禍延宗  
支故山人諱之

和楊孟載岳陽樓

七十一

東山  
葉氏合編

卷六  
八

茫茫俯洞庭何處是黃陵秋水坐中白晚峰江上  
青題詩便仙子鼓瑟憶湘靈長嘯煙波動闌干立  
杳冥

葉廉

廉字宗儉登建文壬午應天鄉試榜知江西上饒  
縣永樂十一年勅進階文林郎詔書有撫字克勤  
政務兼舉之褒

懷陳郡博九峰歸天台

每愛文園令何如陳子昂奉身歸雁宕流譽滿筠

陽腐草那堪穢瑤華更覺香無由一傾寫哀颯九迴腸

贈德稱

池上野亭蒼翠深竹梧冉冉靜蕭森夢回黃綺丹邱藥賞遍求羊白水心道在百年存晚節談傾一夜破塵襟殘尊影落波心月涼露沾裳坐不禁

憶西江

浮埃腥穢滿天愁臥病蕭條未可留對此不勝懷楚水向人空自說并州舳舻響接山川遶城郭塵

七十二峯

東山  
葉氏合編

卷六  
九

開煙霧收何日重遊尋舊約一尊飛度采芳洲

葉漢

漢字澤民號具區永樂初用薦爲成都令九湖山人有送葉具區先生宰成都詩

雨宿真州官舍

細雨投孤署啼鶯留暮春江城雲氣合池閣柳眉新風土猶南服萍蓬盡旅人星軺候明發直北是楓宸

葉祚

祚字應福以春秋中成化己丑張昇榜進士累官至福建布政司右參議

銀河謠

銀漢無源長不竭浪花吹作人間雪阿誰私泛斗邊槎夜把支機石輕竊帝女未如梁玉巧洞滿桃花藏悄悄還憂靈鵲罷填河天上相思幾時了

天上曲

水精殿落金蟾鎖曲曲屏風列雲母玉妃晝寢漏沈沈滿砌瓊花驚罷舞青雀西飛方朔謫蟠桃熟

七十二峯

東山  
葉氏合編

卷六  
十

久如琥珀雙成去訪杜蘭香蘭香下界尋張碩

九日雨

煙際茫茫雨腳長却憐佳節正重陽酒徒戶外那堪過菊蕊籬邊空自香世路艱難疑隴蜀客情飄泊寄沅湘何當萬里天開霽飛步瓊樓醉玉漿

葉具瞻

具瞻字子欽號海虛南葉之白翁也其上世服賈白門僑居歲久海虛遂爲留都諸生少年負氣馳驅上都交遊四方名雋師事甘泉湛公爲文章離

奇變化得蒙莊筆意唐荆川許石城兩先生咸推  
之然終不得一第晚以貢爲教諭於江右之上高  
遷通州學正以終有水雲類稿三十卷

訪常州褚子順

我愛少孫逆讀書郭外田鳥啼邨樹碧魚唼水紋  
圓稚子擎鋤問幽入枕石眠城頭煙暝合歸去興  
悠然

同唐荆川先生夜泊橫林

棹迴秋岸碧幔卷暮山青野色初虛曠人煙漸杳

七十二峯

東山  
葉氏合編

卷六  
十一

冥漁歸燈火動夜靜水雲腥討論渾忘寐鷄聲落

曙星

昌山渡

岸對千峰矗流從一綫分壁間窺日月席上起風  
雲行役憑誰語邨醪且自醺猿啼深竹樹長夜不  
堪聞

流雲亭

山轉疑無徑林幽着此亭雲流何處去屐到此時  
停一鳥啼青露羣峰滴翠冷我來當首夏簷蔔正

芳馨

登滕王閣

朱簾百丈捲青天滿閣西山鎖翠煙氣象崢嶸還  
宇宙文章指動落山川波光片片尊前得樹色重  
重畫裏懸却憶故鄉遊樂處五湖七十二峯巔

又過滕王閣

滕王高閣插丹梯空外朱簾半捲西風雅只今推  
獨盛江山從此更須題芳尊倒浸千重畫錦纜橫  
拖百丈霓煙雨濛濛渾欲醉一聲啼破海天雞

七十二峯

東山  
葉氏合編

卷六  
十二

登峽江城重樓遣興

城高樓上又重樓上盡重樓極目秋五嶺峯迴迷  
樹腳三江潮湧帶沙頭吳門望斷歸鴉急楚國聲  
沉落鴈愁何日扁舟依舊侶一簑煙雨狎輕鷗

發瑞陽抵臨江

江橋斜度挂干將遶郭千重出瑞陽荒嶼亂飄雲  
氣冷遠山爭送馬蹄忙光搖樹裏籠煙細聲咽城  
頭箭滴長莫道閒官閒不得也從塵世寄行藏

潞河除夜

劍拂光寒意氣饒潞城香接玉河橋幸依天闕今  
朝近還隔君門萬里遙宴罷屠蘇酣雨露早看春  
水赴漁樵由來一飯能忘報歌徹清平上紫霄

水雲莊漫賦

山人復有田園趣巖壑攜家餽水雲數畝可耕還  
可讀半生談道亦談文腔新黃犢晚來笛飯熟斑  
鳩雨後芹早納官租勸隣里桑麻影畔坐斜曛

野亭梅

梅花一枝開野亭橫斜寒影搖踈櫺古來托交在

七十二峯

東山  
葉氏合編

卷六  
十三

晚節對此不覺生幽馨風雨逡巡意款款鄉關迢  
遞雲冥隴頭欲寄憑誰寄看罷竹扉還自扃

雨

一雨不已復一雨山扉長日皆煩喧綠樹陰中黃  
鳥坐青山缺處黑雲昏牀頭亂帙誰與理臺上踈  
花還可論故步題詩匝荒徑詩成點破蒼苔痕

吳城驛阻風

萬頃波光遶半邨數家雞犬自黃昏江濤隔樹灘  
聲轉海月盤空雲氣屯自信浮生原是夢定於何

處若爲存安危眼底爭毫末只在人心細討論

郊行二絕句

一雨春何在桃花亂眼飄馬蹄鞭不進香氣惜餘  
嬌

門外尋春去前村芳杜洲未須勞指點應不在枝  
頭

亞夫塚

亂草叢叢自一邱斷煙凝野澹多愁年過七十誇  
謀略不事神龍事沐猴

七十二峯

東山  
葉氏合編

卷六  
十四

楊柳青詞

楊柳青地名在徐州鎮

官橋楊柳獨青青風娘長條拂綠萍江北江南無  
限客莫教摧折到離亭

早發廟道口

馬蹄踏月碎玲瓏遶樹河流一帶空曙色乍窺三  
十里百年心事問東風

葉齊芳

齊芳字潛如海虛子也父有別業在水東名水雲  
莊潛如日與詩人野叟盤桓嘯歌不求仕進

白石嶺遲所知

山間吟白雪湖上望青鳧一水渺何許相思定不  
孤泉香分澗碧火嫩煮雲腴世味消磨盡高談清  
夜徂

葉應奎

應奎字四可嘉隆時人與孔鳳崗吳柱岳相友善  
攻苦舉子業闈中俛得復失終於縣諸生生平善  
草書工畫家不官觀任允功畫山水歌云洞庭文  
士稱畫師西有叔平東四可蓋當時與包山齊名  
七十二峯  
足徵集

東山  
葉氏合編

卷六  
十五

懷朱徵男

采采南山葵長在南山側故人隔千里影響不可  
得昔別山之厓梅花共髯白謂言離別情非吾爾  
相恤登途一分手各自競羽翼愧我履蹇途行行  
負夙昔臨風轉淒其撫膺徒嘆息西望安可窮芳  
草混天碧

隱居

孤往謝塵鞅居憐溪水清長松捲秋濤不作人間  
聲對酒鳥初下看山雲未生鄰翁荷鋤至期我耦  
而耕

秋夜

枕簟涼生暑氣除幽軒密竹撼星河白蘋香裏秋  
風起一夜寒塘老芰荷

題畫

雲山鵲突樹朦朧懂大年直接襄陽統世上悠悠誰  
賞音琴上無絃笛無孔

七十二峯  
足徵集

東山  
葉氏合編

卷六  
十六

葉良輔

良輔字國賓號一峯入貲爲光祿寺良醞署正

題扇

山削芙蓉水滌苔春風遍地野棠開眼前有景供  
行樂穩是無魚也快哉

祝壽

堂上雙松覆院青堂中二老髮星星憑誰乞得長  
生術時向松根刷茯苓

葉宗直

宗直字師臯號文江占籍山東以詩經中萬曆已  
卯鄉試授威縣教諭性沈靜兼綜百家之書有日  
食月食論兵政漕河論少以長兄文山爲師文山  
亦豪雋好議論其於世廟議大禮右張永嘉言人  
出後伯叔者少貴便請移封獨奈何靳天子哉又  
言孔子我則異於是無可無不可當作一句讀蓋  
其伯仲讀書不爲經生家學類如此葉蒼舒取其  
諸說筆諸碎金集

袁江渡

七十二峯  
足徵集

東山  
葉氏合編

卷六  
十七

凍合袁江渡情添楚客悲寒光催日暮春色上船  
遲未折河邊柳新生鬢裏絲途窮天更雨排悶且  
裁詩

桐江對雪

風急江拖練寒淡雪滿船半空花簇樹十里玉銷  
煙天外来詩思囊中剩酒錢嚴陵呼可起共醉古  
祠前

葉宗德

宗德字師召號文山宗直之兄東昌府廩生

懷人

樓頭嘒嘒雁聲過秋半天山草木枯十二營中明  
月夜先生何處讀陰符

葉珙

珙字鏡源短小而悍不飲酒喜賦詩復好談兵長  
走塞上謁戚少保少保是時功名已成務輕裘緩  
帶靜鎮以養重聞少年談論輒以他語亂之鏡源  
不善窺大帥意乃不得志而歸嘗過黃浦爲詩弔  
春申君竟抑鬱以死文山哭之以詩有云氣似木

七十二峯  
足徵集

東山  
葉氏合編

卷六  
十八

雞方是養身如尺蠖未能伸蓋痛惜之也

過黃浦

黃浦灘頭水嗟嗟今古情春申誠老矣死負一朱  
英

葉勤民

勤民字汝勤縣諸生文山之子能詩文敦宗誼修  
南葉譜蒐隱逸傳節烈有裨風教焉

過友人別墅

塵市昏昏久郊原頓覺殊溪迴藏路遠煙細起村

孤宜有高人住應知野性迂竹扉輕剥啄驚動水邊鳬

### 惜花

樹底繽紛高復低卷簾惟見草萋萋香隨玉笛春難挽怨入金閨夢欲迷過眼獨憐蜂不顧當窗深願鳥頻啼那堪昨夜東風惡吹去長堤襯馬蹄

### 圯橋

橋頭荒草綠離離遙憶當年納履時折盡粗浮多少氣養成一代帝王師

七十二峯  
足徵集

東山  
葉氏合編

卷六  
十九

### 葉詩

詩字言志爲諸生早亡娶南康太守姜湖山之女賢而知書撫孤守節鄉人稱之

### 早行

竹日淨初起早行溼不妨斷崖橫臥柳破屋印方塘烏獨藏枝暗花疎浥露香天機感人事吾道付滄浪

### 舟晚

暝色下江臯前程一小舸入煙橋欲斷近寺塔方

高雨責舟師懶寒加客子袍經年事行役篋裏負離騷

### 青蓮

汙泥生出自天然得把清芬喜伴禪記拜世尊求一種悞傳人世又千年

### 溪橋

小橋橫帶碧溪隈薄暮還登暑氣迴山色半銜新月動湖光疑蕩綺霞來葛巾漉酒迷津樹藜杖尋春點石苔滌盡十年塵土夢閒歌不受野鷗猜

七十二峯  
足徵集

東山  
葉氏合編

卷六  
二十

### 葉延祖

延祖字養貞言志子也性和厚讀書不諳治生家業日落售宅於人將遷謂屋有損敝命圻者聖治而後去其古道如此然人多笑其迂

### 咏草

古今舞袖付飛蓬春到江干望不窮清夢五更迷細雨芳心盡日亂東風苔侵小徑分新綠煙隔遙天襯落紅曾記故園山下遍萋萋藉藉別離中

### 葉傑

傑字秀上長於古文詞少遊歷下白門所至必有題咏集曰湖山漫稿

贈羽士楊松泉

先生高卧烟蘿中減糧養鶴吟清風仙童采芝向巖外丹竈不守雲霞空夜往崑崙弄明月歸來惟踏淅江雪碁敲一局片時分塵世茫茫百千劫

漢武宮詞

漢主祈年紀玉壇甘泉修禮拜千官凌雲臺殿金盤冷高掌芙蓉玉露寒毳帳頻年聞貢馬碧霄幾

七十二峯

東山  
葉氏合編

卷六  
二十一

夜望乘鸞蓬壺杳隔仙踪遠真訣寧能得細看

送童曲江

孤帆直指出吳城兩岸丹楓過眼明范蠡湖邊飛棹遠越王臺外大江平山川對景應堪識晝夜歸心悟此生若到家園問泉石一竿今隱釣魚情

姑蘇懷古

日落寒山百鳥鳴朔風吹寂暮雲橫城當萬里經行道水帶千年戰伐聲勲業盡隨歌舞袖霸圖空散水犀兵高臺但見遊麋鹿鐵馬金輿野草生

楊灣廟遠眺

千門花氣上蓬萊八極風從望目來山外夕陽孤鳥下雲邊秋水片帆開南當越絕爭衡國北顧吳王歌舞臺詎意草生麋鹿走蛾眉還棄子胥才

杏花

一枝曾記出牆紅今日相看與昔同春在寧成仙洞藥朝來不落酒旗風

西施咏

歌舞能教國計非君王寵幸未曾稀苧蘿學記當

七十二峯

東山  
葉氏合編

卷六  
二十二

時曲曾傍東風越下扉

葉茂榮

茂榮字君含爲邑諸生少有文名汪方伯山圖文相國湛持姚宮詹孟長皆折節與交下相陸萬里慕其人常走千里定交而去萬曆己卯鄉試以後場刺時事主司抑之僅領副榜第三

靈源寺山房讀書

小閣向山背徑細愜棲息禽聲答梵語松影護窗隙對此展芸編竹扉不忍出

幽蘭

幽蘭繞數莖修潔意自足愛此色青蒼何止香馥郁孤根來礪壑貞致埒松菊長無采摘虞一室若空谷

同張子揚陸公榮看梅

今年看梅始今日嶺外花舒什已七出門每苦約難憑勝侶何當自相值隨意迤逦度石崗精神偏爽目逾適日暖炊煙亦漸消奇光爭吐無原隰隱隱前邨出梵音徑窮幾轉仍難覓雜沓尊疊幾處

七十二峯

東山葉氏合編

卷六

逢真遊且讓幽人得

螢

流螢初雨後飄泊一身輕力弱隨風墮情微藉草生苦遭兒輩撲獨與野人親聊傍牀書畔惺惺效小明

荅汪山圖

老至仍爲客俄來舊帝京卑心抱孤影痛飲足成名簡懶消書卷艱難傍友生新詩貽我好心跡感淒清

葉涓祖

涓祖字肇禧號白於以太學生入貲爲中書舍人馬阮當軸白於稱入幕之賓焉

吳季子墓

賢者固不測想見其衣冠棄國就禮樂處心良多艱身後乃有吳歸骨殉巉岼巖巖墓門石十字安于山蟻蟻千載下蒐獵爭燔間古道同逝水淒淒松風寒

望瀑

七十二峯

東山葉氏合編

卷六

雨花雲絮攪空煙望去始知山落泉驚霆觸石忽動地餘沫溯風飛着天一簾挂即當睂睫萬事洗之空耳邊咫尺銀河若可挽月明孤照在初圓

自芳泉和有一

絕嶺淹微尚孤行亦有鄰澹來雲外脉寒具石中神致遠夫何泥乘高自不倫願將霖雨化蘇彼萬方民

葉遐章

遐章即字霞長負俊才二十而夭

松雲嶺

歷落翠陰隨透遞勢不出雲行不止樵歸絕壑野  
煙紫斷礧陰中叫山鬼

葉昭夏

昭夏字揚文白沙人參軍

垂雲石久埋山莽移置園中喜賦

石爲王文恪手題

一拳非俗賞偶以屬閒人巖岫應輸巧莓苔不涉  
新最宜高士枕豈染世塗塵落落能如我米顛同  
此身

七十二峯  
足徵集

東山  
葉氏合編

卷六  
二十五

尺木居枯坐

嵐影無邊罨積陰感時筆硯易銷沉空齋竟日忘  
塵慮一樹丹楓肅片心

七十二峰足徵集卷七

武峰吳定璋友篁菟錄

林屋蔡汝震逸亭編訂

蔡宗善

宗善字敬宗西洞庭山人明洪武初以學行薦辟  
授府學教授永樂甲申蒙召詣闕講說詩義賜書  
金幣

都門夏日王學士達善招飲賦詩分得顛字

闌風暖結護清筵碧沼新開學士蓮奮力一尊揮

七十二峯  
足徵集

西山  
蔡氏合編

卷七  
一

醉筆傲奇終日聳吟肩天恩每念慚多負交道忘  
形喜欲顛杖履追隨共閒適不妨遲坐燭花偏  
還山留別王學士

三載燕臺作素臣別君羈旅意逾親韶華頓悟行  
藏理書卷偏宜山水人當世知心襟抱古他鄉分  
袂話言真迂疎久願為栖牘歸去終陶硯北身

蔡旭

旭字景陽永樂庚子舉人官浙江烏程縣學訓導  
所著有歸怡集

送張百戶復衛蘄州

溪邊折楊柳贈子還姑蘇嗟哉萍水人聚散誠難  
拘張君會稽彥昂昂真丈夫刀劍手揮霍韜畧胸  
盤紆昔年奉征討馳馬逾伊吾徙官下茗溪盜賊  
悉屏驅江浙頌英傑武暇多親儒丹書天上來合  
浦還明珠春風動征旆臨別尤踟躕相思不斷情  
飛夢來中吳

蔡昭

昭字景南號左南

七十二峯

西山  
蔡氏合編

卷七

題羽士秋月樓

瓊樓百尺倚晴空午夜登臨白晝同涼帶露光來  
枕簟清分秋色到簾櫳一天星斗冰壺裏萬里江  
山寶鏡中何必區區羨公遠此身如在廣寒宮

蔡昇

昇字景東號西巖立心制行敦篤古道鄉黨奉爲  
師範其學上下古今成一家言所輯太湖志王文  
恪公采掇爲震澤編生平著述甚富梓行者有西  
巖集具區百咏

君馬黃

君馬黃我馬紫兩馬偶馳逐同行復同止會面何  
須求姓名古來傾蓋成交情君爲鳴珂郎我爲衣  
錦客往來俱在長安陌長安陌上草如茵落花啼  
鳥正芳春高樓有酒須當醉明日相逢是故人

車遥遥

車遥遥出東城道路茫無垠憶昔君前作歌舞金  
釵劈贈鴛鴦股翠軒華轂殊無情使妾翻成別離  
苦車遥遥萬里去妾思君不知處

七十二峯

西山  
蔡氏合編

卷七

楊白花

楊白花當青春飛去不飛來何處隨行塵宮院深  
深空愛惜輕薄馬能定蹤蹟江南江北千萬里茫  
茫春意無消息無消息可奈何連臂美人朝夜歌  
曲調宛轉哀情多

蔡仙鄉

洞庭山上橫岡東蔡經故址莓苔封洞庭山下茂  
林木蔡經升竈遺靈踪因思蔡君昔日群仙遇金  
鼓聲中輿馬駐黃麟仙人傳異方白晝乘雲不知

處悠悠一去數百霜麻姑仙傳疑荒唐不有東山  
古丹竈伊誰復識仙人鄉蔡仙之鄉白門里碧瓦  
高低傍湖水神仙雖去有遺風居人樂住仙鄉裏  
清明時節融融春桃花深處多通津捕魚野叟放  
舟入彷彿武陵溪上逢秦人

五浮山

有客報我五星流隕向太湖為石頭下有巨鰲負  
之浮羅列水面如仙洲不識其語誠然否我欲泛  
彼木蘭舟五處巖壑皆尋幽只恐上帝不肯留故  
七十二峯  
足徵集  
西山  
蔡氏合編  
卷七  
四  
遣夸娥二子收收去人間何所投五嶽各與添一  
邱山靈知此先當愁

鴻鶴山

孤山東頭望山趾冥鴻垂尾太湖水孤山西面望  
山顛老鶴昂頭湖水邊暮天蒼茫午雲薄彷彿見  
鴻還見鶴因思紫塞青田種安得噫巖并磊落長  
年在地不飛翔奚畏恢恢天網張勸君慎勿施弓  
弩曾笑隴西將軍錯射虎

西湖灣

湖水清湖堤平薰風芰荷氣急雨菰蒲聲灣中漁  
人夜吹笛宿雁飛起眠鷗驚

獨不見

繡戶靜沉沉有懷何太深雖分徐氏鏡曾鼓卓家  
琴牛女一河恨鱗鴻千里音今宵獨不見淚濕紫  
綃衾

馬蹟山二首

一望巍巍知幾重太湖西北此奇峰丹青不改千  
年画勝負曾交兩國鋒惠麓烟消平見塔洞庭風

七十二峯

西山  
蔡氏合編

卷七  
五

順似聞鐘神皇龍馬傳聞久試拂蒼苔石上蹤  
幾簇人家幾處灣灣灣石磴可躋攀小橋流水東  
西澗疊嶂層雲上下山劉晏祠荒秋草碧吳王井  
廢雨苔斑釣船此地尋鷗侶不憚烟波費往還

重遊西湖寺

曾上西南第一峰小湖開滿玉芙蓉碑橫古砌千  
年寺經散空堂半夜鐘明月照時巢有鶴暗雲收  
後水無龍杜陵重發雲門興布韞青鞋覓舊蹤

琴山

誰將太古琴橫向洞庭陰山泉泠泠響彷彿絲桐音

烏蚌山

烏蚌在湖水水流蚌不移圓月出山頂疑是吐珠時

綠石山

南山層層石非紫亦非白寒暑亘千古長是莓苔色

芙蓉峰

七十二峯

西山

蔡氏合編

卷七

一朶金芙蓉雲根在土久伊誰能折之擘山巨靈手

楊灣廟

朱牖玲瓏碧砌幽青山西面水東頭楊灣風月三千頃總是門前一段秋

蔡蒙

蒙字時中景東之子天順間官至廣西南寧府知府

訪道岑上人

支遁禪師久不逢遙知師在白雲峰上方此日相尋處一徑綠苔三里松

憶從閭闔共離群錫杖飛空信少聞有客曾傳老

僧趣具區風月洞庭雲

蔡雲程

雲程字萬里西山圻村人萬曆間貢選山西沁水縣教諭所著有包山集

烏砂泉

靈井號烏砂山迴境轉嘉名標一片石秀夾兩邊

七十二峯

西山

蔡氏合編

卷七

涯水綠分春柳泉香入雨茶掛瓢還可酌誰是許由家

同徐葉二公宿空翠閣次韻

初地新開閣岩巖半入空水流禪定外山抱磬聲中色相空三界招尋得二公清秋因信宿興味落玄同

小洞庭

奇哉小洞庭山水此鍾靈合沓千峰簇微茫一曲停具區春薦綠縹緲曉分青半染空濛色全收起

伏形連雲散靄靄漱石奏泠泠望裡平開鏡環中  
儼作屏杯將帆影落曲共棹歌聽勝槩雄南服冲  
襟寄北溟臨風一以眺頓使醉還醒

人日由龍山過訪三山石壁同譚伯求

蒲帆一幅過三山萬仞巖崖此共扳碧玉削成嵐  
作障白雲飛墮水為環詩題人日誇新賞酒醉春  
風壯暮顏此去龍頭原咫尺幾聲簫鼓夕陽還

寒食葉諫議邀過舟里看花

杏花開落又梨花選勝看花共一樣鏡裏翠屏環

七十二峯

西山  
蔡氏合編

卷七

素練杯前白雪映緋霞節當寒食烟猶禁人醉春

風日已斜舟里漫言遺事在東山寄賞再堪誇時諫

議有東山  
再與之遊

蔡德馨

德馨字惟明圻村人

題畫

空山喜月夕一望橫秋碧楓落不聞聲烟雲杳無  
蹟

蔡惟忠

惟忠字東蔡人萬曆丙子舉人仕至忻州刺史

題燕然圖楚江秋曉卷

猿啼秋樹邈月落曉霜清行客休爭渡風高潮未  
平

蔡善道

善道字坦如東蔡人

凌凌虛見訪留縹緲樓納涼

高閣偏宜夏虛窓受八風泠然遊世外卓爾立雲

七十二峯

西山  
蔡氏合編

卷七

中隱句人難會玄談帝可通從蓮社酒越格醉

陶公

和申瑤泉相公登縹緲峰韻

嘯拍長松攬暮烟憑虛直上俯層巔澄湖一雁雲

中過落日千帆樹杪懸吳會青山元有數莫釐秋

色自無邊道人素負烟霞癖欲借仙翁九洞天

蔡一心

一心字公邁東蔡人

和中秋月原韻

碧天無際晚雲收十二珠簾盡上鉤四壁寒蛩將  
入戶一輪明月却當頭江心練色同飛鏡天外砧  
聲接素秋起舞婆娑君莫笑姮娥西去有誰留

感懷

欲破愁城仗酒功牢騷都付此杯中目窮秘笈常  
移日身等虛舟偶信風殉國有賢宜縞素鉏耰無  
歲少陳紅荷衣箬笠烟波濶甘作仙山老釣翁

蔡 淦

淦字五文

七十二峯  
足徵集

西山  
蔡氏合編

卷七  
十

月下懷友

坐對月將午天空秋氣清危枝孤鳥宿破壁亂蛩  
鳴露揭花光轉庭裏藻影橫伊人隔芳樹不共此  
宵明

胥闕旦發

翠篠間丹梯離生接遐睇長嘯出胥江孤情秋水  
際

蔡旅平

旅平字文若東里人

玄陽洞

遲日高原麗物華拉烟柳色弄晴沙洞中甲子桃  
源錄谷口春光道士花野澗泉香紅樹雨石樓人  
醉赤城霞浪平浴日波回合疑入楓林待漢槎

蔡 湛

湛字元修消夏灣人

月下口占贈別

楓樹蕭蕭葉半紅故人明日隔西東離情共對寒  
江月從此相思又夢中

七十二峯  
足徵集

西山  
蔡氏合編

卷七  
十一

蔡汝嘉

汝嘉字績甫消夏灣人

春日看花作

左山右水半橫斜路轉峰迴處處花樹伴客行如  
舊友舟聞人語似隣家朝川鷄犬皆成畫金谷樓  
臺盡入霞渺渺太湖三萬頃蓬瀛極目在天涯

自嘲

人生所苦是離家况負庭前幾樹花硯許作田荒  
不得足將成繭路偏賒漫嗟伏櫪思千里莫道連

床有五車老婦效顰良一笑當年亦浣若耶紗

讀史

柯盟不肯欺曹沫堂阜何為負子糾功罪至今無  
定案春秋大義重尊周

漢代淮陰號首功當年曾亦事重瞳平生心迹留  
鐘室不悔陳豨悔蒯通

蔡蕭

蕭字子韶消夏灣人

蕙葭二章

傷蘆政也

七十二峯  
足徵集

西山  
蔡氏合編

卷七  
十二

蕙葭蒼蒼在水中央爾未隕黃人先死亡  
蒼蒼蕙葭在水之涯爾繁其花人破其家

晚泊

孤棹尋秋晚停橈古渡邊酒香浮客店人語亂漁  
船明滅前村火迷離隔岸烟旅懷渾不寐星斗正  
橫天

湖濱不可近寒氣渺無邊幸隔官塘渡相容野客  
船板橋疎樹影茆屋淡人烟獨感孤征雁頻號白  
月天

春雨中送內子還山

勤將行李付春烟疲旆輕颺垂柳邊客里送卿歸  
故里忻然對我復淒然情深旅共孤燈夜愁絕舟  
分細雨天德曜既懷偕隱志霸陵山去可明年

過趙寒山先生故居

誰將小宛作禪關泉石風流未可刪無限低徊人  
既往還從蝌蚪認寒山

蔡元宸

元宸字靖公圻村人

七十二峯  
足徵集

西山  
蔡氏合編

卷七  
十三

村居雜咏

桑眼已開芳晝長西疇東墅足相羊麥風初暖燕  
爭壘林雨忽晴蛙滿塘野老新泥逢社喜山妻椎  
髻為蚕忙紛紛游騎踏花去誰識吾家舊草堂  
兒結蓑衣婦浣紗暖風疎雨趁桑麻金桃接種連  
花蒨紫竹移根帶笋芽椎鼓踏歌朝祭社賣薪挑  
菜晚回家前灣犬吠無他事不是搜鹽便權茶

蔡士祿

士祿字世及賜塢人

明月灣中畫眉泉

可惜名山液不因高士傳終慙洗耳瀑僅說畫眉  
泉今古沉寒月晨昏護冷烟山花時一吐想見舊  
嫣然

晚泊

不盡長江日夜流望懸山塔且停舟蘆花深處無  
眠客月照霜天一雁秋  
輕舟渺渺宿前溪烟水迢迢望欲迷獨倚蓬窗懷  
故國子規啼到月初西

七十二峯  
足徵集

西山  
蔡氏合編

卷七  
十四

姚起蛟

起蛟字文台馬蹟耿灣人天啓丁卯舉人授揚州  
如皋縣學正卒於官

梅間月

今夜梅梢月清輝較不同九霄聞馥馥一色入空  
空別有人間世難分此夜中姮娥下姑射招隱興  
無窮

促織

絡緯蕭蕭不暫休杼聲都在馬蘭洲月明夜靜風  
初寂織出江天一幅秋

七十二峯  
足徵集

馬蹟山東山  
姚氏合編

卷七  
十五

姚珏

珏字佩卿東山楊灣里人詩酒高興老而不衰年  
登百歲葛震甫客雪吟有寄懷山中百歲翁姚佩  
卿施正甫詩

敬公房看紅葉

楓林秋正晚杖策到僧家愛此九秋葉翻如一徑  
花高岡承返照遠墅闢明霞坐久不能去前村噪  
晚鴉

羅漢松

佛性分形化梵林參天秀色自森森龍宮掩映凌  
霜古鷺嶺扶疎闕歲深照月似呈孤立相翻風如  
散廣長音聞雲野鶴時棲止更許高僧坐翠陰

姚元會

元會字後卿珏之姪其兄元龍亦能詩惜無考

出南都懷敬修

九衢絃管弄春晴仗劍衝風出帝京淮水倒涵千

雉碧鍾山高映五雲明河橋弱柳初窺眼驛路疎

七十二峯

東山姚氏合編

卷七  
十六

梅已落英長憶故人千里外尺書誰爲寄離情

宿瓜埠

片帆輕漾度虛無天塹今看亦坦途兩岸青山雲

半吐一江流水月平鋪歸漁對客秋相問宿鳥驚

人夜自呼無那孤吟轉蕭索西風颯颯入菰蘆

京口阻雨訪杜山人不果

直擬行行淮海西不禁江上亂鴉啼潮聲鐵甕聲

何急雲黯金山望欲迷把酒相看愁對雨携琴有

興怯衝泥孤舟此夜腸應斷剪燭蓬窗改舊題

寄懷葉羽遐

憶爾飄然事楚遊關河搖落雁聲秋江蓴歲晚驚  
心遠山閣春深入夢幽流水孤琴成別調西風雙  
杵動新愁不堪此夜人千里明月蒹葭滿渡頭

七十二峯

東山姚氏合編

卷七  
十七

七十二峰足徵集卷八

武峰吳定璋友篁蒐錄

襄水金 渠繫齋編訂

吳信

信字思復號袖莊世居西金山下種橘千株歲入其租以自給心空利祿遐瞰高蹈不入城市有古隱者風精於藻鑑知顧東齋於多難之際識王文恪於弱冠之時少微鷁鳳兩先生之德業功名後皆如所稱許焉與弟思德思政並肆力於古發爲七十二峯

足徵集

東山 吳氏合編

卷八

妾薄命

妾年始及笄結髮爲君妻一登君之堂箕帚日奉攜鉛華不加飾禮法謹自躋將期百年中妾身永依棲豈知一朝內君恩成間睽棄妾不復顧蕙蘭同蒺藜歲月易徂邁風霜何慘悽有辭不敢言有淚不敢啼自甘妾薄命誰怨守空閨

采蓮曲

橫塘西浦西荷勝若耶溪白日薰風裏紅香遠近迷妾住橫塘口世業無何有家傳學種荷圖蓮不圖藕藕芽白參差圖之根本萎損却瓊瓏玉還傷長短絲波靜曉風和鄰娃蕩槳過相邀采蓮出齊唱采蓮歌采蓮須采早采蚤空房少嫁郎莫嫁遲嫁遲顏色老

有所思

有所思思何所隔東吳今望西楚美人一去春復冬萬里關山道修阻水有蛟陸有虎歲晏天寒誰與伍黃鶴銜書去不還消息無聞心獨苦青猿嘯月巴陵路鷓鴣啼雨瀟湘浦帝舜南巡泣女英靈均西逐悲漁父美人美人今即古五十哀絃瑟誰鼓

白苧詞

渚宮月明清夜長筵前燕釵分兩行綺羅生香錦雲暖綠醅滿勸黃金觴小娃十五顏如玉白苧新裁舞衣服楊柳腰肢飛燕輕高歌子夜清商曲曲聲響遏行雲遲銀箏再彈笙再吹玉孫手揮玉如

七十二峯

東山 吳氏合編

卷八

意賞音擊折珊瑚枝寶鼎香消銀燭短沉醉猶嫌  
酒行緩東風漸白曙鴉啼銅龍水滴金盆滿

### 楊白花

楊白花何輕狂迷漫撲晴昊撩亂媚春陽宮中晴  
絲絆不住萬里江南遠飛去遠飛去不飛來把臂  
踏歌歌孔哀歌孔哀心獨苦楊白花何在何所

### 擣衣曲

胡雁南飛天兩霜征人北戍寒無裳千門萬戶月  
如水思婦閨中愁斷腸并刀試剪機上素縫作征

七十二峯  
足徵集

東山  
吳氏合編

卷八  
三

人衫與袴萬里關河去路長寄到却愁冬已暮雙  
杵頻敲手盡皺蘭缸明滅夜將分難將石上丁東  
韻傳與征人耳內聞

### 烏哺詞

有鳥有鳥鳥中慈巢我屋頭碧樹枝春來生子八  
九之雄銜雌哺子解飛子飛還哺飼母飢風風雨  
雨苦不辭朝朝暮暮長相隨吁嗟羽族有若斯吁  
嗟羽族有若斯

### 洞庭毓秀歌寄蔡景東諸子

洞庭之山秀而靈東西屹立如畫屏試歌洞庭毓  
秀歌請君側耳爲我聽太初元氣含胚凝上天好  
奇遣六丁鑿開混沌見兩青鎮以白玉之柱黃金  
庭副之七十二峰碧峻嶒太湖一水清迴縈佳氣  
四時互鬱蒸儼如蓬萊三島浮滄溟帝禹之功何  
有能真是天造地設成縹緲鬱嵯峨莫釐聳崢嶸  
勢如虎踞形若蛾眉橫日月互吞吐煙霞發菁熒  
草木葱菁紫翠層靈迹勝境難具稱攢雲嶺上雲  
英英芙蓉山下花冥冥明月灣頭夜深明月明錦  
鳩峰頂春暖錦鳩鳴王母西來駐雲輶吳王銷夏  
醉夢醒樂天遨遊爲揚舲子美水月鐫碑銘藥墩  
煉藥有蔡經仙壇仙人綠毛生東園綺里芝草茁  
紫莖雪竇古井涵清泠翠峰浮來神鐘吼華鯨豐  
圻海眼瑩碧開兩睛林屋龍洞水氣腥中有石鉦  
石鼓扣之聲鏗鏗靈威丈人昔曾行神景觀中古  
檜如龍形上有百尺兔絲下有千年苓道人劬苓  
食之白日能飛昇古來遺跡信可徵總是樂遊耽  
遁漁樵盟未有政如房杜文如班馬之輩出此垂

七十二峯  
足徵集

東山  
吳氏合編

卷八  
四

芳名聖朝文化四海咸賓興國初伯昂山長殊有  
聲年來吳分當奎星山祇水后合獻禎多士濟濟  
皆登瀛棗麓使君衣錦榮恢弘王綱闡帝紘少年  
狀元何寧馨文魁名振白玉京蔡子干將出豐城  
藻思如刃新發硎後進雖未加冠纓文物禮樂能  
相承史君精神玉壺冰龍駒已膺月旦評王郎氣  
象百倍增風雲際會皆可乘偉哉洞庭鍾得天地  
精千年孕育今大亨不獨虎邱蛸縮獅山驚氣勢  
直壓華與恒請君爲我繼之頌太平

七十二峯  
足徵集

東山  
吳氏合編

卷八  
五

鳳雛行贈王秀才鏊

碧螺之峰靈氣鍾上有鳳穴丹山同五色一雛生  
穴中試展彩翼隨長風鳴岐集穎事已遠昭代至  
德追前踪空山廣漠留不得萬里飛去蓬萊東紫  
庭風清玉漏永扶桑日上朝陽紅醴泉甘露可爲  
飲只看九奏簫韶功

鷺歌

春鋤飛入東原宿幻作葫蘆挂書屋霜華曉重凝  
雪衣儼似沙頭一拳玉東原主人陋巷顏不欲簪

羽隨鷓鴣班偶然入目便珍重識是至寶生人間奇  
形混成匪雕琢脰喙修長疑活縛精神秋老變輪  
囷圓腹枵然成獲落剖爲鮓酒長生瓢行樂偏宜  
信杖挑有時洗濯臨潼澣澣間澹風標尚如故沙鳥  
飛來若共盟遊魚見影還驚怖象樽兕觥奚足珍  
金罍玉爵皆由人何如此瓢出造化秀異妙毓天  
工真主人得之良不惡歲月陶然有真樂不學唐  
求祇貯詩操持每向花前酌

早蠶謠

七十二峯  
足徵集

東山  
吳氏合編

卷八  
六

小姑今年蠶浴早桑柘春寒葉生小未經穀雨蠶  
兩眠園中葉盡囊無錢賣簪鬋珥典裙襖買葉艱  
率郎懊惱家中日午憂蠶飢黃昏負得空筐歸大  
嫂吞聲對姑哭明年莫將蠶早浴

長干行

妾家住在長干里妾命生來薄如紙容顏空自美  
如花嫁得夫君遠遊子夫君重利輕別離棄妾去  
客天之涯相思五見南歸雁不寄平安一字知江  
頭昨夜西風起怒浪如雷拍揚子反側中宵睡不

安夢裏愁風又愁水今朝有客來西已報君東返  
不過家出門候君不辭遠直上采石磯頭沙水急  
江長日色短去意勿忙棹行緩蕩橈觸起宿鴛鴦  
使妾見之空斷腸

題箕石老人淇園春雨圖

春雲陰陰溼淇澳春雨冥濛似膏沐佳人翠袖曉  
寒多竚立東風泪盈掬古帝南巡去不還遊魂已  
斷九疑山千年遺恨依然在淚灑莓苔石盡斑

來翠樓爲翁廷選賦

七十二峯  
足徵集

東山  
吳氏合編

卷八  
七

山人樓居面山起朶朶芙蓉翠相倚踈簾長捲戶  
長開秀色龍從口送來雨後竹梧鮮似染煙中蘿  
薛碧千苔遮莫陰霾共晴昊曉日宜看晚尤好誰  
將螺黛斛三千潑向東風青不了我來題詩澹相  
遇山人兼得悠然趣幾片閒雲更有情飛宿闌干  
不飛去

題畫送周禮庵

我居東湖東君之書屋南山中南山東湖去咫尺  
蒼苔一逕逶迤通君從髫年與我識乃此壯大將

成翁君能愛山我愛水杖藜喜得恒相逢我家水  
館面湖起湖光萬頃當簾櫳落花泛泛浮香紅蒲  
萄綠漾春溶溶君今何其歸興濃辭我歸向雲山  
重寫圖賦詩贈歸去此景此情毋乃同

寄李守恭

月上梅梢瘦影斜黃昏曾記到君家板橋曲逕孤  
邨裏茅屋踈籬淺水涯石鼎細香焚柏子瓦瓶新  
釀出松花別來只訝春風夢重到無由歲月賒

桃源圖

七十二峯  
足徵集

東山  
吳氏合編

卷八  
八

一自相攜避暴秦幾家生聚漸成邨秋風禾黍無  
王稅春社鷄豚共酒尊物外豈知新漢魏山中只  
是舊乾坤桃花不引漁郎入踪跡何由得到門

秋景回文

樓邊竹度曉風清砌畔花籠夜月明鷗趁鷺飛孤  
渡遠水連天碧一湖平浮雲白處青山暮落葉紅  
時晚日晴秋盡不知空極目遊人遠憶獨多情

遊岱心飲大衆宅留題

尋水尋山間裏忙行歌行笑老仍狂芙蓉峰近華

禹穴鮫人冰雪軀水晶絡臂錦襦昨朝忽見南湖市來賣一雙明珠

野老春閒日采芝藥囊餘啖有松脂杖藜偶入南山去學得仙人一著棋

### 吳敏

敏字思德少補博士弟子強識力學於古今政治之得失尤留意焉既壯出遊與名公巨卿交取資甚富才日以邁長篇短什蹈厲風發雖乃兄柚莊亦敏手避之宣德中南昌况公鍾爲蘇郡守遴選

七十二峯

東山

吳氏合編

卷八

十

掾佐極一時之雋而思德首膺薦辟既領事條晰利弊臨幾侃侃無少避撓如正軍籍辦海舶辨盜誣却私饋與况公有水乳之合詳具顧仲寅施宗銘誌傳中聲實旁流一府推重有力者或更欲羅致之思德不可曰身在公府何異舟在洪濤敢盲進耶乃易其號爲海舟又書退一步三字於座右以自警况公歿宦橐蕭然海舟悉力經紀其喪而歸其櫬與孥且爲行狀以上於太史氏死生之際可謂有始終之君子也生平著述甚富其曾孫文

之綴拾殘闕與柚莊遺稿合爲一編曰吳氏聯珠集王文恪整序而傳之

### 山居

青皇布生意山水含秀色竹樹影扶疎流泉暗通脉鉤簾放歸燕掃逕候來客興至隨所之拄杖野橋側已有尋芳人騎驢在郊陌  
矮屋寄高山山高瞰江潯閒雲不出岫落葉滿庭戶夫椒與天目歷歷青可數搖搖木蘭橈載酒過南浦尊香鱸魚肥聊足具尊俎

七十二峯

東山

吳氏合編

卷八

十一

### 柳下晚憇

閒來高樹下獨自窮晚眺瘁葉罥蛛絲殘蟬嘒寒照栖鳥忽驚飛陰風墮歸鷄

### 趙宗輝西爽軒

湖水涵羣山離離浸青影拄頰俯相望芙蓉三萬頃琴書午猶潤枕簟夏亦冷清風肅肅森梧桐墮孤井

### 北上

促裝上京畿戚戚戀鄉土出門不灑淚恐益慈母

苦晚宿後更析晨興先朝鼓行行過新河夜出石  
婆浦燒燈照隣船緘書托鄉賈

### 平原農家

草屋絡瓜蔓土垣衛荆棘小兒狸奴形嘈嘈吠迎  
客牛豕塞門巷菽粟亘阡陌老翁髮垂領延我坐  
簷隙爲言今歲登境內無盜賊匪惟安居樂免爾  
行旅戚匆匆聆此言憂喜兩難釋傳聞東吳夏潢  
潦深十尺高高海西田多半爲水澤官租縱蠲免  
黎庶何仰食歸依南畝中何處事收穫

七十二峯  
足徵集

東山  
吳氏合編

卷八  
十二

### 漁樵歌

停君斲月斧息我釣鰲具操斧須剗金粟枝持竿  
擬掣珊瑚樹海天茫茫秋月白任公吳仙渺何處

### 射鷄山

東山空濶原野平吳王養雞築高城秋天飢鷄未  
飽食側翅下攫殊無情守城武士心孔惡旦夕窺  
茲捕雞鷄雕弓一射羽箭發鷄也時從半空落山  
人學射藝漸精遂使山無鷄鳥鳴却思句踐侵吳  
日何不令之射越兵

### 大小竹山

竹遶山山映竹山色長青竹長綠大小兩山何處  
同瀟湘岸頭淇水澳昨朝山上清風生翠梢搖動  
鳳凰翎今日山前晴旭照綠陰滿地鷓鴣聲鷓鴣  
聲啼未絕兩山雨溼琅玕節

### 洸河咏

洸河水落秋霜早菱葉蕭疎菱角老河邊漁船如  
缺爪白頭夫婦團圓好往來賣魚兼賣菱扣舷聲  
聲歌太平官河且無魚課征

七十二峯  
足徵集

東山  
吳氏合編

卷八  
十三

### 題趙仲穆春溪圖

雪消晴漲玻璃濕冰夷濃浸藍花汁蘭苔翡翠相  
輝光白沙錦睡紅鴛鴦暖聲叫碎畫眉舌蜜脾香  
溢黃蜂房東風似惜韶華去飄颻游絲挽教住蠻  
腰柔舞柳株株樊口豔粧花樹樹汀洲遍綠王孫  
草王孫嬉春被春惱畫船搖曳載春風往來占盡  
溪山好冰蠶絲絛銅龍尾鷓鴣斑熱薔薇水春溪  
此景路非遙一觴一咏如我招擬向玄真磯畔石  
雨簑煙笠伴漁樵

五王醉歸圖爲陳仲容題

醉歸五馬王孫圖筆鋒妙絕人間無前跨一疋玉  
面烏青驄爭先鬪馳驅絲韁緊挽不敢踰爵位尊  
貴禮數拘後來駸駸汗血駒低鬣俯首如渴雛力  
疲身軟似不甦扳鞍欲上無人扶內有兩騎駛又  
徐半酣回顧意氣麤令人憶昔開元初萬姓樂業  
咸歡呼觥籌百罰倒玉壺醉歸不用呵金吾海棠  
花開骨肉疎長枕大被夜夜孤有酒不復同歡娛  
嗚呼嗚呼何爲乎

七十二峯

東山  
吳氏合編

卷八  
十四

贈周德原畫梅

花光逃禪咸物故玉峯山人今獨步朝來遺我萬  
玉圖筆法縱橫合程度枝柯斜妥柳梢長蓓蕾小  
留椒眼露我家太湖湖水東曲徑深林布無數羣  
芳寂寞獨清妍正在春初與冬暮夜喜朦朧霜月  
明朝看慘澹寒煙拄杖挑瘦影扣僧扉船載幽香  
出山渡有時醉酒臥苔痕翠羽一聲驚夢破自從  
卧病在羈旅酒債詩愁向誰訴空見春風不見花  
心遶家山舊遊路我歌短歌寫花趣相逢莫惜中

山兔

謝孔昭山水爲呂庭春題

龍從秀色開晴曉復嶺重岡蔽松杪流泉白處有  
啼猿嵐霧青中絕飛鳥雲根元碑插溪腳蒙茸荆  
棘藤蘿裊旣開茅屋向平陸復著漁舟翳叢篠我  
家家住洞庭東七十二峰青可掃買田築室將歸  
老

九月八日直河微雨

風煙淒其暗洲渚明日重陽今日雨牀頭綠醕惜

七十二峯

東山  
吳氏合編

卷八  
十五

空尊籬下黃花恨無主犬吠雞鳴近直河楚州東  
去路猶多川原曠莽青山少無處登高可奈何

煉墩餞別酬葛彥章顧宗潤

薰風南來日初永柳絮團香弄晴影綠波潏灩浮  
萍生日輪倒浸黃金餅畫船喧闐載簫鼓小伶能  
歌復能舞湖頭兒女聚相看歡樂不知離別苦煉  
墩仙人有遺蹟一片雲根漾寒玉浩歌濯足塵夢  
醒七十二峯青可掬仙墩正對葛洪家香風湖上  
多瑤花有時吹來落樽俎彷彿吸露還餐霞君未

醉我狂吟明朝薊北成商參

素簔行爲蘇州太守况公作

白玉璽黑鐵筠掃除頑熱來南薰青蒲赤蕉不足  
擬素紈雪羽徒紛紛恍疑天邊半輪月廣寒新自  
嫦娥分又訝并州剪刀快裁取一幅峨嵋雲粉花  
瑩成霜雪寶珎珎映出參差紋江城爭售價騰湧  
翰墨未必非右軍諒無班姬怨豈受庾亮塵便當  
排雲獻閭闔仁風揚播康黎民

薛澥偶興

七十二峯

東山吳氏合編

卷八十六

澥山湖冰青如靛水底游魚鏡中見船尾波紋生  
雪花船頭荇藻分絲線漁人縱橫鳧鴈亂天影倒  
涵雲片片採蓮溪女唱歌來笑折荷花半遮面

苦潦荅永嘉

秧苗青青未盈咫惡雨妨農淫不止田夫具畚曉  
葺堤田婦當車宵庠水城中故人寄書至撫景傷  
心愁滿紙紙殘墨漬卷復展手捧珠璣却生喜山  
妻識諠兒女笑一字不入飢腸裏

得兄書

歸客淮南路鄉書次第收半年千里別尺素一緘  
愁所喜親無恙兼聞歲有秋懸知離別句日在  
高樓

偶成

黃葉傍人飛涼飈襲布衣緣知爲客惡不待得官  
歸啄粟雞應嫩輸芒蟹正肥山妻與稚子早晚候  
柴扉

泊舟東湯以德

七十二峯

東山吳氏合編

卷八十七

秋水碧溪斜秋風一釣槎霜明鴉桕樹月照荻蘆  
花信宿原非客留連即是家何當歸去好長占白  
鷗沙

泊楓橋

江樓近寺前旅寓重留連夜飲分漁火山遊趁酒  
船坐攤吟草改閒藉釣簑眠擬買灣頭地茅茨結  
數椽

宿遷

四野黃雲小麥枯一河新漲綠蘼蕪人家結屋無  
陶瓦關樞停商盡舳艫細雨青帘垂裊裊夕陽盡

角起鳴鳴忽聞水面琵琶響羞見當年舊酒徒

### 潁川除夕

異鄉除夕最淒然獨對漁燈泊潁川作客一寒猶  
在路立春半月又逢年旋篳白酒迎陽氣自撥紅  
爐坐夜船不用悲思故園事楚山猶隔路三千

### 漳溪竹枝歌

七級牌頭五色爪荆門驛口木綿花花如白雪爪  
如蜜河上行人肯憶家

### 孟子河

七十二峯  
足徵集

東山  
吳氏合編

卷八  
十八

孟簡河淡水闌低柳陰青颺酒家旗一聲楚尾吳  
頭曲驚起沙頭白鷺鷥  
茅針花白渚蒲青蛺蝶蜻蜓喜雨晴去路定應江  
口近潮頭忽向淺灣生

### 鴈圖

水國微茫島嶼孤蒼黃葭菼接煙蕪弟兄千里音  
書斷愁見秋風鴻鴈圖

### 泊蕪湖

水雲飛盡晚山青篷底涼風解宿醒不意江干榆

柳樹蕭蕭瑟瑟已秋聲

### 漢口

雨裏楊花濕不飛風前時聽子規啼漢川莫謂惟  
東逝江岸回流亦自西

### 邵伯埭二首

迤邐官塘水滿湖青青蘆葦雜芡蔬白頭老叟船  
頭坐蕩槳紅裙喚買魚

鷄鳥交飛草滿川露筋遺廟在荒阡揚州亦有紅  
樓婦水簾紗廚倚醉眠

七十二峯  
足徵集

東山  
吳氏合編

卷八  
十九

### 歌風臺

白帝為蛇霸已亡劍花凝紫血生光一時猛士誅  
夷盡何用悲歌向故鄉

### 棠梨白頭

兩兩幽禽並白頭雌雄棲息自優游相呼相喚棠  
梨上風雨應慙逐婦鳩

### 憶內

燈花慘澹開還落坐撥寒爐夜睡遲莫道年來為  
客慣獨居官舍不相思

釣圖

一溪春水泛桃花兩岸春洲長荻芽細雨斜風渾  
不管柳陰篷底穩如家

吳天禴

天禴字原敬海舟之子稟承家學佩服儒雅而慷  
慨好義善用其財明初歲漕民運大戶當之者率  
破家公爲賦長里黨無一累者成化中以賑邊功  
授中書舍人弘治間郡飢蠲賑活人無算樹坊旌  
表東山有渡水橋跨莫釐武峰間爲行旅必由之  
七十二峯  
足徵集

東山  
吳氏合編

卷八  
二十

要津廢且四十餘年矣公以千金易而成之人不  
病涉至于今賴之晚而結廬翠峰徜徉其間扁曰  
蘿屋因自號焉

精衛詞

口銜石填海水海水不枯銜不已有生必有死莫  
怨彼當怨已

新夏

柔桑摘盡紅蠶巧炙已看火啼妖鳥家家軋軋沸  
綠車菜枯麥老黃雲繞黛嵐翠雨霏晴鬱蛾眉螺

髻溼未乾秧針茁泥青一寸芰荷葉小菰蒲嫩南  
薰吹送焙茶香綠蔭生涼解人愠湘簾半捲衡門  
開嶙峋石丈添莓苔曲肱小倚烏皮几午夢鶯聲  
忽驚起沉煙一縷碧絲浮甌細啜蒼鷹嘴

淮河舟中

釣竿罾網晚不收時有一二魴與鰕又喜分得煙  
波幽銜魚鷗鷄飛兩兩激激風吹浪花響醉去不  
知明月上

題畫

七十二峯  
足徵集

東山  
吳氏合編

卷八  
二十一

平湖漠漠水雲低暝色荒涼望眼迷鷗鷺不飛人  
語寂夷猶一棹出前溪

吳大江

大江字德深號滄溟好博觀古今善養生家言年  
八十餘無疾沐浴坐蛻與從弟文之有媿美集行  
世蓋九達之所輯也

山行

霧雨不成滴松篁青翠青微風孕幽谷蘭芷懷芳  
馨我獨來山中喚起塵夢醒迢迢入原野容與歸

園亭孤鴻不受繳高飛自冥冥

咏史

李斯欲事秦上書良自售遂除逐客令却入嬴秦  
囹圄官高機轉淡反不爲秦宥族夷秦亦亡所喪在  
先後何如東陵侯種瓜得年壽

君馬黃

君馬黃我馬驪君馬產大宛我馬出月氏銀鞍雲  
錦韉玉勒黃金羈相逢竦躍驚驕鳴主人意氣歡  
平生叱咤踢踏沙場平

七十二峯  
足徵集

東山  
吳氏合編

卷八  
二十二

秋曉曲

洞庭秋早孤月明太湖風澄新水平美人自起歌  
白苧北斗橫斜天欲曙

懷哉行

明星燦兮明月光良夜照我羅幃牀懷人轉輟不  
能寐坐看星月遙相望遙相望在何處空庭無人  
夜氣清獨有流螢自來去

留侯廟

江墅留侯廟登臨慨昔今遲回依漢日終始爲韓

心水藻昭明潔庭松結暗陰九原如可作黃石定  
招尋

草堂卧病

新構茅堂淨元栽碧樹長故交貧後減舊作病來  
忘圓綠荷浮水盤青蔓過牆古方新得效鈔錄貯  
青囊

泛湖

二月二日湖上船白衣黃帽歌連連孤帆射日倒  
映水雙峰著雲高插天燕子東風還日日杏花疎  
雨又年年自舒老眼證詩思花落時飛野鳥邊

七十二峯  
足徵集

東山  
吳氏合編

卷八  
二十三

野步

野渡斷橋橫獨木竹籬茅舍兩三家晴消殘雪一  
湖水春到枯梅半樹花地僻無人覺來往年豐有  
客問桑麻鍊成五字吟腸斷坐閱浮生深淺沙

京口夜泊

水平江淨映寒霞齒齒潮痕關淺沙一笛臨風頻  
送汨何人對月不思家膾香京口堪催酒泉碧中  
冷好試茶注目鄉山詩思遠西興莎岸浩無涯

思歸

日日思歸不得歸  
又看草色映征衣  
藜蒿短短河豚上  
楊柳青青燕子飛  
滿地干戈鄉夢杳  
一春書札故人稀  
看山好句隨時得  
獨負茅廬在翠微

南溪

八月秋高天氣涼  
南溪老翁開草堂  
湖光入簾水淼淼  
野景登戶山蒼蒼  
風定碧桐飄葉響  
日晴紅稻放花香  
不知身外渾無事  
時往觀魚步野塘

雨牕

七十二峰足徵集

東山吳氏合編

卷八二十四

瓦爐一炷香磁尊  
一傾酒香散酒尊  
空手閒還擊缶

缶

採蓮曲

艷豔紅裾白苧裳  
荷花蕩裏鬪新粧  
採多蓮子無心擘  
雙棹雲飛欲傲郎

陳進士養亭雪夜過訪

獨乘清興過前川  
半夜敲門送酒錢  
萬樹梅花千嶂雪  
數家茅屋一溪煙

七十二峰足徵集卷九

武峰吳定璋友篁菟錄

東山葉明良賡士編訂

施槃

先生字宗銘東洞庭山人  
正統戊午己未聯捷廷試  
第一人翰林修撰未踰年  
卒年止二十四門人私謚  
曰莊僖先生自幼警敏異  
常兒總角時便矢口成章  
嘗咏蝴蝶云翩翩文采好  
飛揚不逐莊周入夢鄉  
莫笑風前多落魄三春應  
作探花郎吳泰

七十二峰足徵集

東山施氏合編

卷九一

政見之曰此天上石麒麟  
吾家千里駒也蓋宗銘之  
先本出自吳有華二府君  
者館于施遂姓施氏故參  
政云爾劉侍講鉉吳縣學  
瑞蓮詩紀畧云正統戊午  
夏蓮生泮池忽有一莖三  
花之瑞既而學生之中京  
闈者三人口周郁張獻施  
槃而蓮之兆驗矣及今狀  
元果出于是不可已乎震  
澤編云宗銘卒天下傷之  
館閣諸公大學士楊士奇  
而下皆有輓章惋惜韓子  
云死而不朽孰為之天洞  
庭僻在一隅乃能奮迹其  
間赫然名天下湖山由此

重雖早卒未為不壽也無子以弟之子鳳為嗣世  
所稱東岡高士也墓在偃月岡下楊溥銘曰孰豐  
其才孰嗇其奇嗚呼宗銘孰執其咎

題太湖

木秀山秀草惟天西距姑蘇百里遙水汎具區留  
禹跡地連南越見胥潮霜林橘熟黃金顆石洞人  
吹碧玉簫疊巘層嵒堪歷覽白雲飛處是夫椒

送鍾侍講歸省東鄧師時俊

楓陛陳情荷主知詔從歸省遂恩私孝同李密思

七十二峯  
足徵集

東山  
施氏合編

卷九  
二

劉日縈似相如返蜀時春曉祖筵城外酒夕陽官  
柳道中詩綵衣稱壽應多暇煩為門生一問師

送張子誠教諭吉安

駐馬郊南踏暖沙故人分袂出京華半生典教初  
登仕千里之官即是家芹泮綠回池上草杏壇紅  
潤雨中花此時相別如相憶莫惜封書寄客槎

送翰林孔目王資之任

御河水泮水如苔送別河梁祖帳開宦轍雨京龍  
虎地客程三月鳳凰臺西清武接金閨彥東掖班

陪玉署才門館時雍多暇日春風問字有人來

送吳思德之楚中

楊柳含烟綠滿條離筵祖帳列官橋論交已見鄉  
間好覽勝寧辭客路遙行色一盃淮市酒歸程千  
里楚江潮遨遊有日重相見未得春風逐去橈

咏影

十三歲作

相親相近已忘年動定如攜衣袂聯東燭看花隨  
客後臨流把釣占人前詩催雪夜同扶杖月載烟  
波共泛船幾度欲離離不得倦來仍與抱牀眠

七十二峯  
足徵集

東山  
施氏合編

卷九  
三

送友人

楊柳含烟翠欲流楊花飛雪點行舟春風送別淮  
陰道落日啼鵲動客愁

梧桐月

雲捲清秋畫角悲梧桐滿地月明時斜穿翠葉通  
金井直透蒼波漾玉池青女莫驚烏鵲夢素娥偏  
惜鳳凰枝故人千里關情處獨立空階影漸移

施鳳

鳳字鳴陽宗銘嗣子食貧砥行遠精理學為世名

儒王守溪致政歸折節與交為作東岡高士傳略  
曰予與世寡諧人亦鮮與諧者立朝幾四十年日  
接天下士而所與友者才四五輩皆海內名流也  
晚歸洞庭得一人焉曰東岡高士東岡築亭於松  
竹之間名曰欵相意以為予予不敢當而有也為  
易曰來賢八月二十四日初會亭上詩以志之竹  
間新築小亭低草色花香醉不迷安樂窩中人略  
似逍遙公後世誰齊莫因徐孺懸陳榻時許王猷  
過剡溪願得時和邊燧息賦詩攜手日同躋王施

七十二峯

東山  
施氏合編

卷九

交誼有倡和聯句詩一卷曰倚玉集門生周漢卿  
梓之以傳

### 和守溪相公苦雨二首

前年春夏交淙淙雨不止一月無日晴溜聲常在  
耳黃潦朝夕趨溪壑浩瀾瀾田疇一太湖岸浸波  
濤裡人家無完居十室九壁圯山塗泥沒脛跬步  
如千里父老相與言從來無此水楚麥穗垂黑民  
食更何倚偉哉王相國憂民似憂已賦詩寫中情  
傳誦諒無已

今年交夏來霖雨似前年正當麥熟時滂沱復連  
綿雲氣起如蒸迷漫暗山川昏晝亦難辨村墅疑  
變遷林喧鶉鳩語壁篆蝸牛涎引領望開晴簷溜  
轉潺湲貧家割薦嬰幾處無炊烟相逢惟嘆嗟聽  
之應惻然忽忽經三旬恨無陽石鞭誰能掃陰翳  
得睹蒼蒼天

### 和遊南湖

宿雨夜來歇日出雲氣收良辰鼓高輿載酒南湖  
遊舟子催早發挾柁船開頭搖搖出菰蒲舉觴任  
去留高蓋展晴空笙簧雜歌謳鷗鳥不驚動遊魚  
自沉浮須臾雨復作加以風颭颭興盡即言歸入  
港更何憂回首中流客汎然不知休

### 贈張橘林

吳山高入青雲端藏幽幾曲如龍蟠中有橘柚幾  
千樹浮香吐色垂金丸綠陰滿地晝常夕車馬無  
幾少人跡啼鳥嚶嚶自谷來流泉一帶貫山石張  
君居此已有年榮辱莫識心怡然清風一枕忘昏  
曉獨寐寤歌擊壤篇古來賢士隱居者棲遲在澗

七十二峯

東山  
施氏合編

卷九

衡門下張君有志亦如斯誰謂遺賢無在野

和守溪先生遊山韻

勇退歸來孰可攀但逢佳日便登山身閒名遂功  
成後興繞鳶飛魚躍間負令酒依金谷晉紀遊詩  
滿錦囊還料知宦海滔滔者聞着高風自厚顏

久雨呈守溪先生博和

兩月春無十日晴纔晴依舊雨聲鳴山雲滿眼開  
還合簷溜崇朝聽轉驚病裡愁懷添閒寂人間佳  
節負清明懸知有意匡時相憂樂難忘范老情

七十二峯  
足徵集

東山  
施氏合編

卷九  
六

法海寺方池

方池鑿出近前簷冷碧能消九夏炎星蘸似棋初  
下局月涵疑鏡乍開奩光搖潏灩連雲幕紋縐連  
漪漾水簾行脚歸來休洗鉢恐防石罅有龍潛

東岡書屋聯句

正德庚午二月十二日承太原相公濟之  
偕令弟秉之陳翰編子雨陳孝廉宗讓過  
先修撰公墓所草草杯盤留連竟日坐中  
相與聯句得二十韻

清曉戒行李路穿偃月岡濟之景哲弔山阿感物

熙春陽子雨前修振高躅後嗣耿遺光秉之軒車

倏過臨衡門久徜徉鳴陽正當時節佳况無官曹

忙濟之坐聽流泉鳴仰看歸雲翔子雨少長既咸

集詠歌亦相當秉之願投陳井轄愧乏曲水觴鳴

陽幸隨威鳳集強綴雕蟲章宗讓體勢本天作培

殖應世昌濟之石牀馭薛斑堦蘭棲露香子雨籜

錦鮮林薄松雪灑路傍秉之庭梅甫充鼎墓柏聊

成行鳴陽積李破夜暝崇桃爛霞緗插薇淺為徑

七十二峯  
足徵集

東山  
施氏合編

卷九  
七

引水低作梁濟之風輟動脩竹雲影瞰方塘宗讓

淪茗摘崖鮮擷芹薦溪芳子雨爭睹玉為帶還誇

錦製囊鳴陽彊留興無盡豪吟醉非狂秉之甘作

碧山隱何殊綠野堂濟之還當陟山椒憑虛騁遙

望子雨

遊湖聯句

遊徧南湖又北湖濟之畫船隨處宿菰蒲鳴陽青

深着雨山如染濟之綠淨無風水似鋪玉帶蟬衣

爭快睹鳴陽鳳笙龍管醉相扶濟之分明白傳歸

來日鳴陽不及惟應欠靜姝濟之

臨池看花聯句

片片輕紅點綠波東之幾株桃樹礪之阿濟之小

園不比玄都觀鳴陽勝境真成錦繡坡宗讓落日

遊魚吹浩蕩東之清時老子得婆娑濟之門牆藉

爾還增價鳴陽欲賦其如襲美何宗讓

與王柱國昆玉嚴太守道卿登栲栳墩聯句

栲栳墩前舉一杯濟之良辰勝友好徘徊東之綠

迴塋色粼粼繞道卿翠巖湖光面面開鳴陽墩姓

七十二峯足徵集  
東山  
施氏合編  
卷九

祇今應我屬濟之風流自昔有誰來東之懸崖便

欲題名字道卿千古行人首重回鳴陽

施中

中字正甫號海虞葛一龍破屋先生傳曰先生居

莫釐將軍墓側大樹壓其廬僅蔽風雨性孤梗質

直床頭惟黃帝素問郭璞書唐人詩幾種而已頗

嗜酒雖負擔鼓刀之徒皆與之飲一夕醉踰山嶺

雨絲絲下聞有鬼嘯般先生與之俱嘯疾徐相和

及門孺人啓扉二子前逆曰有物翼我行殊不落

寔也戊子歲大役有友來客山中不得食先生忍

飢餉客客病移于家手調湯藥既死殮葬以禮祭

而哭之偶行市中拾所遺憇道旁竟日抵暮一媼

奔泣先生曰待汝久矣還之先生以素問青囊書

行湖東南餽米數斛蕩舟渡湖月初上湖中暴客

欲利其有先生倚棹歌明月之章暴客廢然而去

日與白足黃冠往來簞瓢屢空弗問也歲除夜家

人待哺遍覓乃翁先生與好友曹汝全飲山北梅

花樹下已頽然矣其高致遠懷如此孫元策元篋

七十二峯足徵集  
東山  
施氏合編  
卷九

彙其遺詩乞袁于令太守為之序藏於家

九日葛震甫孔岱峯同人集射鶚山分得野

字

招邀聚平崗觴咏豐于社九秋值重陽一日勝三

夏襟期悉以舒言笑誰獨寡囊裏或致祥落帽翻

為雅忘懷縱勸酬劇飲恣躍冶塵冠俱欲彈文袂

各相把湖光照筆浮浪花迎石灑高林變丹黃遠

樹雜青赭何人狎水鷗有客悲戎馬風雲由此生

懷抱因之寫斜陽詎能留勝地曷相捨醉歸問所

來射鶚東南野

酌羽林仙院

莫釐勝冠東南郡別有琳宮仙客蘊篋底猶藏說  
劍文杖頭且掛登山醢不思滄海挾鵬飛擬向青  
霄騎鶴奮聚首談玄卻世情風生桐葉敲秋韻

壬寅元夕宴王師拙第宅

屏幙圍春坐笙歌入夜聽樹然千尺火橋鎖一天  
星投轄雲依戶賡詩雪滿庭漏殺山客散此會獨  
誰醒

七十二峯  
足徵集

東山  
施氏合編

卷九  
十

暮春過何山資福寺訪殷起莘秀才始閉關

讀書喜而有贈

委曲花迷路幽深竹遶山客寧題鳳去門為讀書  
關啼鳥空相亂禪僧不共閒我來採笑語知爾急  
時艱

西沙崗晚渡

落日漸知短歸途仍覺遙沙深埋斷岸水冷浸顏  
橋野稻垂寒露汀蘆揖晚潮故園津渡隔應有一  
航招

遊龍女祠次葛震甫韻

仙境波濤隔山城睥睨回遠空飛霧散別浦斷雲  
來橘樹龍宮植桃花禹穴栽尊前看不厭絕勝畫  
圖開

又添孫識喜

白髮世人疎蕭然澗壑居慶雲長接戶佳氣又盈  
閭族少宜增譜家貧望讀書啼殺誠可賞繩武定  
何如

赴殷夢疇野酌

七十二峯  
足徵集

東山  
施氏合編

卷九  
十

招呼三月興短杖出林坳蕨粉留雲嫩松花帶雨  
消路添新綠滿山積舊青遙獨有留連處春沾載  
幾瓢

八月十二夜徐左亭齋中玩月

秋來將及半此夜間如何素魄三分少清光一樣  
多紫垣闕珠斗碧落帶銀河試賞閒亭下卽杯發  
浩歌

宿天台寺東房

一逕蒼苔合中天碧樹迴雲從香篆起雨自研池

來結社春無酒傳燈夜有臺老僧留客處榻傍綠陰開

十月既望瑞石桐陽偕至俞塢野酌

入塢林巒淨穿雲徑路斜西風旋栗葉宿雨洗茶花漱石添寒溜棲松結暮鴉山尊猶未罄坐待月光華

震甫席上賦惠山僧寄泉至

纔收花逕雨將斲竹爐烟忽報祇園士遙分浣沼泉不須三百甕却勝十千錢亟以龍團沸俄令骨

七十二峯

東山施氏合編

卷九

已仙

輕雷

隱隱聲猶緩隆隆力尚微始鳴方學震欲擊未生威草木含欣意龍蛇得動機如何偏映水引雨過江飛

金浣溪携酒管家嶺抵暮雷雨

高樹層層映酒杯歡呼落照未應回欲眠半嶺留雲月忽響千峰送雨雷山鳥齊歸林色暗湖帆收盡浪花開青天故作催詩態一試驚人七步才

避暑殷龍田別業

欲逃炎熱尋幽處林麓茅簷又覆槐過水好風消酷日出山斷雨帶奔雷陰移柳岸堪垂釣香溢蓮塘合泛杯不是當時河朔地也教酣飲卧莓苔

永福寺翫月

輾向中庭色倍明碧空如洗露華生笑看玉魄人同霽醉吸金波酒共傾出窟霓裳翻別調倚雲仙桂動飛英賞心此夜應無盡共說珠林興益清

汲悟道泉試新茗

七十二峯

東山施氏合編

卷九

禪關隱隱白雲多曾有神僧卓錫過對景既能添野興煮茶聊為醒詩魔花間鐫沸燒青竹石上甌分坐綠蘿未盡玄談仙客散夕陽滿路聽樵歌

與倣弦野酌

松陰落鳥敲山氣沉花影不醉夕陽中何處尋春景

懷孔叅軍

本是青山舊主人年來絕塞走風塵知君馬上成詩易那得梅花寄早春

施王宣

王宣字以忠別號林泉道隱

薄暮舟中有懷嚴富春丈

平堤懸落日疎柳宿輕烟鳥戀故林好人悲世路  
難鏡中秋水白望裡暮雲寒遙憶羊裘客西風倚  
釣竿

春游阻雨

負却登臨興偏增風雨愁寂寥金屈酒蕭索木蘭  
舟柳已牽情久花須為我留東皇休命駕欲與少

七十二峯

東山  
施氏合編

卷九

足徵集

客中秋夜

異國西風感壯懷清宵不寐獨徘徊城頭月色千  
家靜天外秋聲一雁來自愛浩歌操短缺誰憐長  
嘯傍高臺古來詞客悲羈寓庾信江南有賦哀

登臺

每欲憑高望故鄉登臺依舊動淒涼雲遮吳越山  
川隔水接襄淮道路長千里歸心隨去雁滿腔愁  
思對斜陽洞簫聲發知何處回首江南欲斷腸

憶家

作客天涯憶舊居白雲飛處是吾廬江湖遠阻故  
人信門巷頻迴過客車花發暗憐金谷冷燕歸應  
念草堂虛青年志氣猶稽困長嘯風前恨有餘

對菊四首

六言

風寒天氣嚴肅日短世事苦忙黃菊可人意思便  
教醉倒何妨

一庭黃葉不掃滿地蒼苔自生詩酒以見真性鳥  
啼未必關情

七十二峯

東山  
施氏合編

卷九

足徵集

浪迹不計南北天涯即是故園醉後日斜修竹醒  
來月上西垣

世外荒荒大塊尊前且自偷閒坐客皆非俗侶主  
人應是陶潛

施元善

元善字善長號百洲志趣高簡習舉子業而肆力  
于古文辭天啟初以經學薦授秀水縣主簿所著  
漢鼎齋集一卷帝京雲社詩一卷

坐孫茂先妙香齋賦瓶中花影同象明嘗也

武驪分得決字

燈光燭紙窓月光射簾缺依依一瓶花枝枝托生  
滅柔媚風露搖蒼勁橫古鐵詰以何所因面面覷  
不決

休洗紅

休洗紅洗紅淚痕減別記芙蓉花淚珠和露湛成  
名早歸家同對雙鸞鑑

休洗紅洗紅誰不惜昨日海棠花片片胭脂擲東  
風殊有情吹襯弓鞋跡

七十二峯  
足徵集

東山  
施氏合編

卷九

玉河旅舍寄夏心寰姚化宇邱忱所

有家無夢及何獨念并州短日謀身急長宵為國  
愁千思惟自反一得向誰投歲月棲遲老雄為遜  
馬周

菊集象明隱園喜白明府次如入社

林園湛秋景無不愛重陽樹樹霜酣赭籬籬冷帶  
香集因觴日日聯得句章章雄俠公榮飲風流少  
傳狂社名原重白菊色獨尊黃醉藉花陰覆歌翻  
象管忙但呼杯淺淺奚顧月茫茫肇此吟盈牘令

人小盛唐

賦得三月三日

榆錢揮散群芳聚似買韶光久長駐紫騮緩控杏  
花村青雀輕搖桃葉渡飛飛林表弄嚶嚶艷艷枝  
頭香步步當此情多誰不珍我擲千金惜春賦

宮漏永

漏緩繡遲遲停針饒遠思幾迴眠與坐猶未四更  
時

清明前二日顧順甫入京同象明志喜

七十二峯  
足徵集

東山  
施氏合編

卷九

柳眠時候花生日適值君來正月明幾度長安難  
遇景十千沽酒出西城

懷內

五更風過噪宮鴉春睡慙慙春夢賒記得綺窗同  
徙倚玉蘭開傍綠梅花

送劉嘗也遊學四明

閩門殉節若為讐不過吳都恨不休棹到虎邱湏  
一拜干將金氣洩人愁

姑蘇南去是杭州西子湖邊不可留山展蛾眉水

生秀宋家忘却靖康羞

弔任將軍墓

在任邱城西東漢將也

飛鳥鳴鳴刁斗靖萬木烟橫秋結陣將軍威望重  
千年方城猶作封侯印

宣武酒樓月飲

明月高宣武喧喧市聲息清光飲清况今宵我獨  
得

秋夜風雨

葉響復柯鳴秋懷無限紫惺惺不能寐多少惜花

七十二峯  
足徵集

東山  
施氏合編

卷九  
九

情

施大用

大用字中立號當無少孤勵志讀書畱心世務遇  
古人經畫可通於今者輒手錄而論斷之萬曆中  
遘事孔棘嘗挾策走京師國子祭酒顧錫疇奇其  
才時楊忠烈公掌兵垣亦相見恨晚說以乘時赴  
功乃入貲為郎除楚藩參軍繼調浙閩皆卓卓有  
政績事詳顧錫疇墓誌中遊山左卒於臨清州遺  
集無存僅傳米家四妙詩而已

米家園

遠疑孤艇泊蘆風近見亭臺矗水中園景盡偷詩  
景妙浪花分得樹花紅石忘侯爵堪為友竹滿孫  
枝莫辨翁紫綬不將仙吏縛閒情時寄碧無窮

米家燈

一片泠泠秋水光長明冷浸玉蟾觴花開火裡春  
先透珠燦街頭夜不藏草木競榮膏滴露舟船爭  
集焰橫梁詞人不恤趨奇賞夜夜尊同北海堂

米家石

七十二峯  
足徵集

東山  
施氏合編

卷九  
九

司空應是大羅仙幻石如峰又似拳恍惚雲霞來  
几席依稀身世寄山川玲瓏豈藉神功鑿瑩潔誰  
云不自天何事嵇生緣分淺來時恰詫變成堅

米家童

竹窓石室隔紅塵此地偏宜着此人不涉圖書寧  
袖手付伊花鳥始開唇漫言銀鹿堪為侶孰信秦  
網未肯臣渾似趙家琴與鶴謹隨清白主人身

七十二峰足徵集卷十

武峰吳定璋友篋蒐錄

笠水邱賡熙悔齋編訂

王琬

琬字朝用東洞庭山人天順間以貢入太學授湖廣光化縣知縣政尚仁厚歲凶收活流民以千計在任三年子鏊及第謝官歸初封文林郎再封右春坊右諭德又晉詹事府少詹事兼翰林院侍讀學士弘治十六年卒於家年八十有五

七十二峰足徵集

東山王氏合編

卷十

漂母祠題壁

女子重意氣英雄食不謀淮陰兩奇人名蹟同清流

翠峰寺

翠峰擁出太湖東峰上樓臺架碧空曾拂豐碑讀文字將軍第宅改禪宮

王鏊

鏊字濟之號守溪朝用之子成化甲午乙未鄉會試皆第一廷試第三人自編修歷官吏部右侍郎

正德元年入內閣晉戶部尚書文淵閣大學士加

少傅改武英四年致仕嘉靖初遣行人存問將召

用而卒謚文恪先生歷仕憲孝武三朝砥節履方

不少翫武宗朝寺人劉瑾權傾中外流毒縉紳

劉忠宣大以激變上官楊文襄清以築邊太費被

逮先生皆抗疏力爭一無顧避然璫勢方熾遂三

上疏乞歸或以拂瑾意虞有奇禍先生曰吾義當

去他何恤也歸構靜觀樓與故舊觴咏流連間徒

步出遊遇田夫野老相爾汝弗怪也其長公營第

七十二峰足徵集

東山王氏合編

卷十

宅於郡城築怡老園迎養備至居信宿即思返曰

吾烏能舍七十二峰哉嘗與門生泛舟湖中徧歷

幽巖邃谷人跡不到處鐫石題名以志歲月優游

林下凡十有四年所著有震澤集震澤長語震澤

紀聞震澤編若干卷錢虞山云文章以修潔為工

規摹韓王有矩法詩不專法唐於北宋似梅聖俞

南宋似范致能峭直疎放自成一家

寄韓司徒

我昔游京華賢豪並馳騁所晞稷契輩肯顧絳灌

等一朝事勢異雲散江湖迥翛然卧一邱百念付  
灰冷死生離合間我志久已冥有如河東公在念  
獨耿耿公如玄酒樽澹泊中雋永世途亦堪憐汲  
短廢修綆憶忝剡薦初對判尚書省我言公弗猜  
公意我先領公如劍就劓我若弓受檄退食多賡  
酬官居無造請雜篇束碎金欲和輒羞郢豈徒滅  
坎窞固已絕畦町深情獨先飫苦節衆尤警從宦  
四十年一室每懸罄中年已鰥居不惑先楊秉曾  
無管蒯從况乃粉黛覲吏人抱衾裯一燈照孤影

七十二峯  
足徵集

東山  
王氏合編

卷十  
三

朝飮具三韭夕設或脯臠魯山與陽城異世可同  
境啜醕彼何人衆醉嘲獨醒謙謙君子心當事尤  
骨鯁率衆叩天關群邪期盡屏傍觀何脉脉獨立  
殊挺挺嗟天獨奚爲事變在俄頃逆閹據要津威  
福恣所逞平生相許志一旦成西餅亟褫乃所甘  
酷罰獨何青我本忝樞近太息莫能拯俸資或潛  
輸譬割春鋤脛歸卧汾晉間甘心混鼃黽卻掃絕  
梁碭清風播箕頴公旣遜蒿萊我旋謝台鼎吳晉  
兩閭人萬里星河炯茫茫天地間挂此東西景蛩

蛩失蛭蟪竚望勞我頸靡由探興居况復承欬聲  
欲命淮南駕或放山陰艇出門若有礙大道坐成  
梗何時睹至治四國仰嘉靖二鳥復相逢雲天恣  
游泳

匏庵惠鶴

鴛鴦困雕籠鸚鵡桎金索人情雖甚憐物性終不  
樂不如鶴性閒近人殊不悞雪中立伶俜風前步  
略却或俛啄蒼苔或側睨冥漠翛然物外情自得  
彼此各所以亦樂園一名爲一鶴歸來睇小園欠

七十二峯  
足徵集

東山  
王氏合編

卷十  
四

此殊寂寞清晨坐茅齋蕪帖宛如昨人從玉延亭  
致此小岑寧應憐我家園草樹頗荒落青泥黃葉  
間此物殊可着風清月夜時相應如唯諾鶴貌自  
孤高公意尤不薄便當掃園亭小池爲汝鑿鶴鶴  
來我前今日與汝約汝本九皋禽非人可籠絡旣  
爲詩家玩又受主翁托有才從汝棲有泉從汝瀹  
雖無乘軒貴止此亦不惡切勿隘吾園不足恣飛  
躍一朝凌天風萬里向寥廓

行次相城有感

幾年約茲游爲訪石田叟石田今已亡不使此言  
負相知三四人拏舟過湖口行行抵相城自卯將  
及酉四顧何茫然天水合爲藪茅屋幾人家荒蒲  
與衰柳本來魚鼈宮自合鷗鷺有始田者爲誰餒  
也非自取有司事征求亡者逾八九念此爲徬徨  
獨立延佇久作詩當風謠以告民父母

贈况山人

姑蘇入國朝守也誰第一况侯江右來經緯氣鬱  
碑薙頑境畛清減稅婢嫠殖所以吳下人至今感

七十二峯

東山  
王氏合編

卷十  
五

至骨空山掩關卧有士叩蓬華云是况家孫兼邃  
青烏術洞庭白沙間爲我卜窻窻茫茫彼雲山莫  
此云最吉侯政自堪思生意尤欵密胡能終偃蹇  
命車還一出我生本悠悠世事仍咄咄生前且莫  
料身後誰能詰青松白石間與子坐終日勿言身  
後事且盡杯中物

自都下還吳寄劉景元謝于喬二同年

大通橋下水送我到蘇州君心與之同滔滔日夜  
東南流千山萬山隔不斷天南天北長悠悠燕南

車塵高十丈回首湖山幾興望楓橋忽聽寒山鐘  
却望燕南在天上白玉堂黃金闕君在京華我吳  
越雁飛木落洞庭波雞鳴海色長安月

棄婦怨

妾命薄妾命薄妾命自薄君不惡玉顏自昔誤主  
恩得奉餘光侍帷幄兔絲橫倒附青松豈謂青松  
久難托前時糟與糠妾與君同怡今日梁與肉知  
君懽對誰君如大江水妾如水底石江水日夜流  
不回石砥狂瀾終不易哭城城亦圯灑竹竹亦斑

七十二峯

東山  
王氏合編

卷十  
六

靜觀樓成衆山忽見

山居盡日不見山樓上山來自何處中峰獨立羣  
峰隨頭角森森出林樹澄湖萬頃從中來浪捲三  
山欲飛去得非奮迅從地出無乃飛騰自天下我  
來樓上何所爲長日觀山與山語東風吹醉還吹  
醒山自爲賓我爲主

風琴

天風泛絃絃自鳴案間雲影波紋驚非韶非濩非  
咸英依然誰倡還誰賡不為音節音節成乃知自  
有無聲聲一洗世上琵琶箏

檜軒

武山之西金有隱士曰吳思復思德子弱冠歸自京師或以國士  
見待後不及第歸過其處為一書已即世其弟思政乞予作檜軒詩

虎山鳩峰兩岬岬西金亭亭宛如鑿問誰居者兩  
吳君結髮清修老彌恪當年何人送檜栽我向庭  
前小芸閣時時兄弟坐兩偏偏袒吟哦雙露脚我  
行十載還過之翠壁蒼崖人去邈庭中老檜攬天  
長昔拱今來十圍弱古苔駁落文章隱蒼玉峯奇  
七十二峯

足徵集

東山  
王氏合編

卷十  
七

根節錯半空時戰風雨聲平地恐作蛟龍躍萬牛  
回首亦不動遮莫千秋卧雲壑木強取柱柔取束  
社櫟自全終自怍樊侯種漆已濶疎魏王貽瓠還  
濩落何如種樹還種德德樹同榮掃寥廓為君封  
殖表雙高他日山人過必作

海蝦圖

茫茫大海浮穹壤日月升沉鼇背上其間怪物何  
所無海馬天吳大如象有魚如屋蟹如帆蝦最細  
微猶十丈髯鬚怒氣須如戟力戰洪濤欲飛出江

湖魚蟹總蟬螭畜眼平生未曾識画工何處寫汝  
真夢中曾到長鬚國黑風吹海浪如山魚龍變化  
須臾間從龍願作先驅去去上青天生羽翰

送秉之還吳

不見倏七年相見只三月不知三月後又作幾時  
別別離苦多會苦少風雨蕭蕭竹窓曉自笑間官  
日日忙夜短情長談未了我生迂僻寡朋儔坡云  
海內一子由只今子由又欲去何以慰我生平愁  
子今去矣我何有為買湖濱田十畝下栽禾黍上  
七十二峯

足徵集

東山  
王氏合編

卷十  
八

木奴菱芙蓉花繞前後讀書稍暇來朝班我却歸  
卧湖山間

對月有懷秉之

當時月出東海頭我居燕南子蘓州燕吳萬里同  
見月兩人不見心悠悠豈知今宵月如舊照我兩  
人同舉酒今照兩人喜昔照兩人悲臨風舉酒還  
問月悲喜惟應有月知月明三五圓又缺遂使人  
間有離別碣石南頭震澤西兩地愁心還望月欲  
知乃兄別後何所為月下杯酒長獨持

諸葛武侯

漢家鹿走犇群豪中原獨峙當塗高江東割據紫  
髯叟大耳惶惶何所逃南陽南去隆中里草屋數  
間而已矣悠然梁父日長吟忍作卧龍終不起平  
生伊呂伯仲間自比管樂真謙耳將軍三訪何大  
堅不臣不見禮則然幡然一旦起驅策海宇三分  
指顧間永安宮中翠華逝王業偏安豈天意關張  
顛蹶趙雲亡漢祚終衰枉經濟前出師後出師孤  
臣瀝血書肝脾渭濱敵退大星墜千古英雄空淚  
七十二峯

東山  
王氏合編

卷十  
九

垂

歸自西洞庭阻風登鼇山絕頂

壬子校文南畿  
給假歸里時作

親朋挽衣留不住逆風舟向平灘駐灘頭寂寞誰  
與言青鞋飛縱顛厓步鼇頭戴山山不崩東望東  
海西吳興群峰羅列七十二如拱如立如犇騰我  
行天下亦多矣所至有山或無水其間有水却無  
山何處能兼山水美蒼茫萬頃浮孱顏惟有海上  
三神山杳然可望不可到不如此地日夕隨我往  
與還胡為十年纔一到風乎爾知吾所好

陸鳳刲股愈母疾

病居母痛在兒兒生無母生曷為千方百禱總無  
驗精誠一點天或知夢非夢覺非覺若有神人默  
相告由來母子本一人母如可贖寧百身繫水加  
刀刀自躍一片紅綃如玉落遺羹未似顏封人宿  
瘕潛瘕如水沃人言孝行真難作以禮律之無乃  
過君不見世間吳起輩紛紛母病在牀如不聞

送吳縣簿董仁之任鄞丞

自頃權奸偷國柄一時在位貪相競剥民膏血輸

七十二峯

東山  
王氏合編

卷十  
十

足徵集

權門廉耻掃地寧復存誰知小官之中乃有吳縣  
簿守法廉平獨如故三年佐縣民愛深視金如土  
民如金每言吳人窮到骨吾此股削吾何心吳縣  
簿真難得我欲言之顧非職一朝擢官向寧波於  
乎柰此吳民何

韓文公藍關圖

韓公不信佛肯信世有仙牡丹花上誰所賦一朝  
雪擁藍田關阿湘幻化有如此神仙灼灼在眼前  
使公一語稍低屈携手同往良非難胡為騎馬浪

自苦祇令收骨江之邊乃知此公胸中屹嶧有壯氣抵死不肯從湘言當時果州有謝女白晝居室生雲烟須臾上昇衆所見公謂魑魅物怪其逢旃後來儒者頗好異遂令末世坎離龍虎紛紛傳乃知韓公不可及泰山北斗不獨文章然

憫松

翠峰洞庭古剎也自寺門至官道皆雙松夾峙大可數圍如葆蓋如虬龍每風動聲聞數里蓋宋元故物也予甚愛焉每至輒坐其下移日今

七十二峯

東山  
王氏合編

卷十  
十一

年夏至則無復子遺予甚愕焉召其僧尤之僧曰縣官征徭急身之不存松於何有蓋粥之以充徭費也吾聞釋氏爲出世法謂世網不能加也徭且不免焉非獨人之加而剪伐及於茲松千年故物且不能逃於乎苛政之害如是哉是歲正德十五年也

洞庭古寺名翠峰山門夾道皆長松蒼皮鱗皴根詰屈風動十里聞笙鏞圓葉下蔭翠羽葆天矯上聳蒼髯龍不知當年誰手植云是宋家三百年前

之舊物每當赤日坐其下時有清風吹鬢髮因思古人不可見重是甘棠無翦伐茲來忽見怪且驚倒卧道塗縱復橫可憐堂堂十八公盡與官家充踐更神跳鬼趯競遮護嗟摧壑陷難支撐我傷嘉樹因久立封殖有懷何所及顛僵力與風雷爭昏暗如聞龍象泣龍象泣何所爲縣官催租如火急伊昔秦皇法最苛猶有封爵來山阿如何今日值劫數大斧長鋸交搗呵深山更深無避處豈若社櫟長婆娑年來征稅總類此誰采野老民風歌

七十二峯

東山  
王氏合編

卷十  
十二

次石田松石圖

長松落落白石鑿鑿根株聯螭皮駁犖懸崖倒蛟龍僵于雲直上雷風作仲圭死石田生後先意匠同經營想拈秃筆快一掃勢與碣石爭崢嶸堂堂十八公冰霜閱雄俊巍巍石丈人不緇亦不磷兩翁抱奇節結交亦相近我非米南宮每見思拜之我非陶隱君聽此心自怡方今大厦連雲起柱礎明堂獨需此紛紛匠石正求材胡爲弃置深山裏胡爲弃置深山裏

唐子畏臨李成群峰霽雪圖

吾聞西域之西雪山高六月積雪猶不消今之畫  
圖無乃是是何山勢洶湧如波濤大山崔嵬小山  
聳萬壑千巖光欲動營邱化去五百年遺踪一見  
人皆竦六如胸次蟠輪囷戲梭碎玉散作千嶙峋  
一重一掩分向背營邱自是君前身隆樓傑閣爭  
相向美人正醉銷金帳豈知洛陽城中僊卧者門  
外無人雪一丈

歸省過太湖

七十二峯

東山  
王氏合編

卷十  
十三

十年塵土面一洗向清流山與人相見天將水共  
浮落霞漁浦晚斜日橘林秋信美仍吾土如何不  
少留

送僧歸洞庭

好古多游寺懷山喜見僧此來成北道好去問南  
能施飯逢溪瀘函經被雨蒸誰同西嶗裡竹屋夜  
深燈

宿毘陵驛

孤舟城下宿城漏滴寒更往事無人問幽懷忽自

驚春星垂野動村火隔江明北雁無來耗蓬牕夢  
不成

丁丑十一月得宣府報

土木垂敷鑒俄傳北狩音淚纏寰宇痛坐厭法宮  
深洛汭歌釣石祁召度式金誰扶鰲極正持慰杞  
人心

遼城懷古

小橋瀟瀟空流水往事悠悠祇斷垣冠蓋六州皆  
石晉山河百戰又金源黍離不盡行人恨木葉空

七十二峯

東山  
王氏合編

卷十  
十四

歸杜宇魂千古登臨成一慨幽燕今日是中原

過揚子江

燕南倦客江東去一見澄江眼爲開紅日遠疑從  
地起青山近欲傷人來中流擊楫空懷志南國持  
衡獨愧才漸覺故鄉風物近十年一到思悠哉

塲中初九夜有感

壬子校文南畿

複閣周垣深復深重門魚鑰夜沉沉海潮忽湧驚  
聲動山雨橫來筆陣侵鏡出秦樓憐我黍馬空冀  
野定誰任悠悠淮水東邊月十九年前此夜心

和秉之再到京口有懷別時之作

長江不斷流今古客子重遊感歲時白髮催人來

有信子年四十青山笑我去無期城邊燈火孤舟

夢天末樓臺遠道思風物依然人不見月明雙雁

起前陂

沈石田寄太湖圖

遠寄蕭蕭一幅圖霞明霧暗雨模糊眼中覺我無

雲夢胸次知君有太湖溪壑懷人如有待烟雲入

手若爲通黃金萬樹秋風裏撥棹西來莫滯滯

七十二峯

東山王氏合編

卷十

登縹緲峰

仄徑盤空艱復艱快哉七十二孱顏星辰可摘九

天上吳粵平分一水間日轉林梢看鳥背烟橫谷

口辨人寰居然自可小天下誰道吳中無泰山

飲雲龍山放鶴亭

把酒高亭遲日晴青山無限赴彭城地橫西楚英

雄氣水瀉南徐感慨聲燕子樓前春草台虎牢關

外暮雲生不知放鶴人何在遼海茫茫萬里情

過故狀元施宗銘墳

後生何敢望餘芬斗酒還過董相墳行指岡巒低

偃月公葬偃月岡坐疑文彩上成雲兩山已雪將軍耻

舊傳東西洞庭皆將軍始居之故兩山無文士四海猶傳制策文賈誼天

年人莫恨孔光張禹亦徒云公卒年二十四

送唐子畏之九仙山祈夢

人生出處天難問聞有靈山試叩之三月累糧真

不易一生如夢復何疑天台雁蕩歸時路秋月春

花別後思我亦有疑煩致問蒼生帖息定何時

歌風臺

七十二峯

東山王氏合編

卷十

鑾輿翠蓋始東巡隆準依然泗上身父老已非豐

沛舊塵埃誰識帝王真八千子弟空歌楚百二山

河竟去秦莫道四方須猛士商山閒殺采芝人

恩賜玉帶麒麟服

寶月團團甫琢成老臣何德比瓊英蟠驚夜室流

虹影行眩天街積雪明芍藥獻園曾有兆蒹葭倚

坐若爲榮皇恩錫處如山重肯換秦家十五城

錦袍錯落繡輪囷天上恩光借近臣一角獲憐西

時陋九章製愛尚方新文明有象昭皇化報稱無

能媿病身拜賜歸來人盡羨好將勲業画麒麟

次韵賀憲副澤民會老詩

洛社耆英赴夙期乞身俱及聖明時經霜松柏姿  
彌勁爭道驂駟力已疲幸許兼謖爲後輩不妨蓋  
叟是吾師年年共約林間醉世上升沉總不知

與道卿鳴陽輩同遊法海寺循平嶺陟楊家

塢還飲偃月岡

忽忽春歸不可攀且乘高興看湖山迴旋翠壑丹

厓裏小憇青松白石間爲愛韶華連日醉歷觀宦

七十二峯

東山王氏合編

卷十七

海幾人還風塵楚蜀干戈地舉酒何緣一破顏

雲間曹憲副時中夢予抱病作詩見及有可

惜中興天下計獨留忠鯁老東吳之句因酬

之

五湖三泖夢相通知是平生氣味同抱病不應如

獻可解朝那復似楊雄自憇杞國憂天計誰辦咸

池捧日功多謝青山不吾負朝朝長對白頭翁

觀福建內臣進花鳥賦

玄猿呈藝宛如人孔雀鵷雛貌總真怪石鈇松曾

入貢名花異卉也橫陳藩方故事修應舊聖主當  
陽德正新一路光榮人莫羨已聞千里罷還民

韓文公勘書圖

墟落新涼對勘書士龍臨此意何如江南亦有韓  
熙載到處人傳夜譙圖

謝安圍棋圖

朝野皇皇意獨閒依然草木八公山誰知秦晉興  
亡事祇在先生一著閒

米南宮茗溪春曉圖

七十二峯

東山王氏合編

卷十八

春雲黯黯雨糝餬草樹熹微半有無夢入茗溪天  
欲曉不知原是米家圖

絕句十三首

選五

少年天子重邊功烏帽戎衣手角弓行遍漁陽并

上谷並無虜騎到雲中

安化跳梁即日平中原群盜敢縱橫鴻都造亂誰

堪使除是君王自領兵

縛得名王氣轉雄凱歌聲裡擁元戎發縱不用蕭

丞相合與官家第一功

燕雲漠漠鎖重樓八駿驅馳正未休莫道十旬猶  
不返金陵原是帝皇州

二水三山入豫遊八方無事更何憂秦淮流水悠  
悠在好與官家造酒樓

王銓

銓字秉之文恪之弟正德間以貢授杭州府經歷  
不赴隱居水東之塘橋作且適園文恪製詞為贈  
有輸與伊人一著高之句因以遂高顏其堂所著  
有夢草集四卷皆與兄倡和聯句之作也沈石田

七十二峯

東山王氏合編

卷十

足徵集  
吳匏庵祝希哲諸公皆有題跋比之士龍子由云

虎山橋同長兄賦

福山虎溪橋天故置幽僻卧波隱游龍界斷山湖  
脉攝衣試一登儼入神仙窟內鎖諸近山勢緩而  
實迫蜿蜒常山蛇起伏時露脊周遮錦步障翡翠  
仍堆積孱顏千古容鉛脂四時易外遶諸遠山天  
平與大石朝拱如朝臣森列若畫戟舒卷若飄帶  
屹嶮若墜鳥面面芙蓉開紛紛蓮瓣擘中函千頃  
陂汪洋瑩蒼壁紋碎漾玻璃溜遠垂練帛寬衍太

液池奇巧雲夢澤菰蒲立玉鷺萍藻翻金鯽漁舟  
出沒多慣穿山罅隙湖山遠近間變態日千百欲  
繪郭熙圖誰是龍眠筆人謂似西湖景象可髣髴  
予謂西湖似難仲亦難伯西湖多臺觀此地鮮華  
飾名山徧乾坤謝屐豈易悉若品吳中山此當名  
第一

東莊廳事舊匾遠喧正德十年遙授古杭經  
歷之職以性拙不赴兄贈詞一閱有輸與伊  
人一著高之句因取遂高以顏我堂

七十二峯

東山王氏合編

卷十

足徵集  
伯也賦歸來遺榮如脫屣仲也希厥踪學成不願  
仕志同跡亦同攜手深山裏不須仰其高亦各求  
志耳伯也宦已成不去恐後悔乞身以全高且以  
明進止仲也愚且癡素愧無他技仕無益于時不  
如退潔已崇卑秩甚殊心一而已矣下友黃綺翁  
上師赤松子茹芝甘如飴飲水美如醴俯仰霄壤  
間誰譽復誰毀考槃誓不諼斯言良有以任渠貴  
與榮不以此易彼華亭鶴唳悲東門黃犬耻噬臍  
亦何及達人貴料理吾曹亦何幸蚤得歸田里譬

如涸轍魚縱之江河水悠哉復悠哉此樂誰能擬

送兄抵京口將別聯句

別期轉已迫風雨何蕭蕭銓人情與天意俯仰同

寂寥銓人生陌上塵南北隨風飄銓祇緣骨肉親

欲去首復翹銓捧檄喜慰親得士榮還朝銓仕宦

豈不佳我心自無謬銓相如雖未逢子雲何所朝

銓青燈照孤舟共宿江之皐銓對飲輒酩酊得句

還推敲銓天寒去意急明發候早潮銓後會未可

期錢送何辭遙銓他年鐵瓮城會作河陽橋銓

七十二峯東山王氏合編 卷十一 二十一

石湖阻冰聯句

西首戀松楸扁舟乘曉發行行抵斯湖銓望望指

巨缺層冰塞長河流漸截輕筏銓大塊噫餘威玄

冥令仍冽帆集比魚鱗岸妥蛻龍骨銓人斷越溪

橋雁杳堯峰巒銓嵯峨峙玉山璀璨恍銀闕或碎

若彫鏤銓或銛如斧鉞或垂如玉釵或挂若象笏

銓鰲足歌莫支鵬背負如關銓造煩魯遽工解倩

師襄掣夏蟲語應疑銓宵狐涉還歇戒自履霜初

銓藏豈凌陰節山腰助谿訝澤腹增帶噪銓上下

眩乾坤東西混吳粵王祥鯉莫持銓孟宗筍堪掘

國忠信難倚靈均未須涵銓進如狼跋胡行乃車

無軌舟子立招招銓行人憂忽忽一葦那能杭五

丁未渠伐銓飛渡諒斯難來歸怪時咄况當陽生

辰正值春王月誰乘浮海桴銓莫借凌波躡行止

豈偶然聊歌託顛蹶銓

光化得兄及第捷報喜而有作

月窟高枝折去年扶搖又送上青天五千文字能

淹貫三百英雄且讓先名姓已看題雁塔功勲還

七十二峯東山王氏合編 卷十一 二十二

擬畫凌烟莫嫌太史周南滯親見泥金萬里傳先

傳時宰光化銓隨在任

附文恪和詩

風雨韓燈憶往年惟應長得侍旻天無邊客路

憐予獨不盡科名待子先兩地有期同望月相

逢無計欲凌烟聖賢事業曾知否莫把虛名到

處傳

弘治壬子八月四日兄以典試至應天銓避

嫌不入場是日蒙召入府治相見諭以朝命

不容辭之意銓謂有數存焉吾何為不豫哉  
退而賦此

秋風相見石頭城骨月悲歡無限情四海文章君  
獨把一時寵辱我何驚西堂夢草添新句夜雨聯  
牀話舊盟屈指星霜今五載此來端不謂虛行

癸亥歲予營別業于水東之塘橋南望洞庭  
宛然在目名其堂曰遠宣且耕且讀以適吾  
志作詩紀之

未仕先營隱者居人生出處定何如養親自昔慙

七十二峯  
足徵集

東山  
王氏合編

卷十  
二十三

無祿延客於今喜有魚月上梅梢時讀易日長池  
畔好臨書菟裘未必吾將老住近松楸幸有餘

甲子春吾兄治園于洞庭之陽銓亦治圃塘

橋兄書報銓曰老年唯好種樹日來栽蒔略

有可觀于是銓旋求旋植乃復書曰兩家園

圃既成是即晉公之綠野因倡十絕奉寄昔

蘇文忠卜居陽羨欲致橘栽於洞庭作亭曰

楚頌其后出入播遷志竟莫遂今吾兄弟世

家洞庭昔人欲為而不能者不勞而至遂以

楚頌名亭仍以倡和諸作鑱諸石將傳之子  
孫以為佳話

坡翁昔日將投老風物無如陽羨宜橘徙洞庭雖  
甚邇何如今日圃於斯

窮巷曾無車馬喧來禽青李繞前軒游歌還與吾  
儕共不似溫公獨樂園

栽花贏得一時好種竹還能四季青此外更添松  
兩個歲寒三友好名亭

兩國相去無十里一水東西衣帶長他日弟兄來

七十二峯  
足徵集

東山  
王氏合編

卷十  
二十四

與往迭為賓主甚相當

辛苦移居湖水南小園還植故鄉柑他年坐饗收  
成利貴比侯封豈謂貪

花木仍須次第栽四時無日不花開北園載酒南

園醉日日春風未擬回

灣灣春水繞吾廬前有垂楊後綠蘂心遠地偏無

俗轍耕餘還讀古人書

人言種木十年計兄弟今皆五十餘待得參天須

百歲花間不飲復何如

傳得陶公法養魚延賓奉祀不須儲閒來小憇  
梁上雲影天光樂有餘  
萊公植竹孤忠在晉國栽槐世澤存他日兩園桑  
與梓殷勤愛護在兒孫

附文恪和詩 存四首

萬頃烟波蒼玉峙画船搖曳夜仍宜白公遊處吾  
今住惜也坡翁不到斯

新築茅堂區遠喧席門猶得枉高軒誰知君實匡  
時策盡在東都五畝園

七十二峯

東山  
王氏合編

卷十  
二十五

西舍東鄰送橘栽小園五畝手新開昔人獨樂吾  
同樂兄弟招要日往回  
新柳疎篁繞我廬門前清浸種芙蓉人間萬慮俱  
消盡不盡除非是讀書

王延陵

延陵字子永號少溪文恪季子以父蔭為中書舍  
人讀書好友希心風雅早歲與皇甫子循張幼于  
輩結社有春社編王中舍集

滄洲漫興

沙白柳陰薄潮平舟楫輕天開雲錦麗人傷日華  
行雞犬村墟午鷗鳬杜若晴金樽開欲撫翹首憶  
神京

王太史張比部同登翠微閣

石磴千盤轉山樓百尺餘窓虛雲自入春暖柳將  
舒玉笋浮金液瑯欄俯碧墟叨陪太史晏辭賦媿  
相如

七十二峯

東山  
王氏合編

卷十  
二十六

七十二峰足徵集卷十一

武峰吳定璋友篁菟錄

庭山吳定周季文編訂

鈕慶

慶字孔需馬蹟雁門灣人明建文元年己卯舉人任湖廣德安府安陸縣知縣

葛藟篇 美錢節婦

君身喬木枝葛藟永相附引蔓自靡靡肯畏風雨妬纏綿百世好此日心如故自笑朱槿花開落在

七十二峰足徵集

馬蹟山鈕氏合編

卷十一

朝暮

鵲鳳篇 美嶽陽文孝子兄弟

紫鳳失其侶喈喈自悲吟朝吸中天溼暮宿蒼梧陰儵遺二鳳雛飛上閭風岑二雛咸泣血嗷嗷吐哀音上帝憫弱嗣命棲閭闔深文采光六合昭回千古心

苦旱

今歲春夏雨不來長溪水涸飛烟埃一方禾黍盡枯槁村農野叟徒傷哉應是雷霆乖號令蛟龍不

跋滄溟開雲山翠幹少顏色休糧絕粒思蓬萊君

不見東海孝婦死作三年乾誰其知者在宰官龔

黃滿朝政無補東南赤子疇能安斬木爲兵盜方

熾驕陽虐助炎炎勢剽掠所過雞犬空有心頻下

憂時淚又不見聖王禱祀桑林邊斷爪剪髮心乾

乾自今安得膏雨遍六合坐使草木回春妍

咏月

高瞻五鳳月遙憶九邊歌漢使曾分節仙槎欲渡

河時朝廷有氣吞玄海濶光動紫霄多思婦含悲

七十二峰足徵集

馬蹟山鈕氏合編

卷十一

切征人久戍何一

鈕仲玉

仲玉字貞父號鳬溪又號五浮山人池州守漢之齋也志趣高尚不屑治帖括義刻意古學博涉群書含英咀華發爲詩歌其樂府古風婉約有六朝餘韵近體專法少陵而詞旨雅馴不落僞體一派時孫太初黃五嶽王履吉兄弟皆與唱酬稱勁敵焉遺集四卷厥孫明綱明紀梓行明綱萬曆戊子舉人官衢州別駕明紀博士弟子員鄉飲介賓遷

居吳江爲望族云

古意

君心古井深妾心轆轤轉古井幾許深轆轤千萬轉  
君如水上萍妾似水中石君身無定踪妾心終不易

擬古

采采雙鳳凰飄飄在九天飛下十二樓超然凌紫烟  
云何鳴高岡歲月屢推遷回風已寥絕德音杳

七十二峯

馬蹟山  
鈕氏合編

卷十一

難旋

吳宮樹華闕逶迤起重樓巡甍被珠翠結綺臨芳洲  
盈盈雙蛾眉容光尚凝羞爲君理瑤瑟宛轉發新謳  
徽音凌紫氛響遏行雲愁君心殊不愜歌長復何求

美人遠方來遺我雲錦段織成比翼爲蔚蔚文采  
爛感此綢繆意殷勤惜深睠不忍裁爲衣竊恐顏  
色變永言藏篋笥開緘重把玩

日暮采幽蘭香風被空谷所思遺美人道路異南

北美人不可遺采采不盈掬結佩懷美人永言晤  
幽獨

慕萱

采采忘憂花花開北堂側一旦忽凋傷覽之重悽惻  
沉思北堂人夢寐涕沾臆歲月屢推遷此恨無終極

筠座

結廬蒼山隈植彼青青玉野色映疎簾寒聲落空  
谷所以君子心于焉淨塵俗吾愛王子猷長日看

七十二峯

馬蹟山  
鈕氏合編

卷十一

不足

夏日偶書

長夏草木渥朱光漏檐明飲風蟬最潔高吟有餘  
聲而吾北窗下一榻薰風生呼童具肴枳席地啣  
杯觥酒竟葛可漉自酌陶吾情荷香入几硯鳥語  
當軒楹繞舍數畝禾種秫不種稊頗絕官府累庶  
免俗吏驚出門理蓬鬢一笑江天橫

答虛山席儒懷

夕景俯咸池照耀金窓前青鳥忽飛墮口啣雲錦

篇雲錦落素手青鳥凌蒼烟讀之清我心飄飄欲  
飛仙讀罷三嘆息乃是瑤姬傳瑤姬隔湘水遠在  
巫山巔湘水渺難涉相思魂欲絕魂飛白雲間欲  
共瑤姬說瑤姬不可見巫山不可越風吹白雲開  
說與青天月

賓湖爲王文融題卷

明湖可一頃樂與爲主賓相對澹忘言春容浩無  
垠白鳥天上來紅蓮鏡中新還期鍊玄液覈彼疲  
瘵民

七十二峯  
足徵集

馬蹟山  
鈕氏合編

卷十一  
五

秋夕感懷二首

絡緯鳴高秋梧桐耿疎月商飈振前楹群芳欲凋  
歇云何鏡中顏昔壯今迥別所以陶阮流嘯傲寄  
林樾感之不遑寐鬱鬱待明發

鬱鬱待明發所思在吾廬吾廬見水上梓桑驛邱  
墟朝隨鳬鷺游暮與鹿豕居爲言隣里翁茲樂云  
何如迢迢不可越日月空居諸

盛之安別去數載壬辰仲秋過余讀書臺越  
兩宿得還體二首貽之

昔別洞庭晚綺繚結遐想中路值風波音徽合浩  
漭超然覩容輝心神殊曠朗念子眷戀意慙此雲  
物賞涼飈起閭闔星河互蒼莽夜久群動寂晶晶  
孤月上執手共徘徊千載悲偃仰龜勉勿復疑努  
力慎所往

促織在空庭朗月下高木群芳欲衰歇秋氣涼以  
肅寒裳耿無寐迨哉悟幽獨回飈薄層雲冥冥失  
鴻鵠所嗟無羽翰惠音杳難復交岐有夕露悵望  
縱遐矚胡爲自西東殷軋鳴丹轂感此歲華邁回

七十二峯  
足徵集

馬蹟山  
鈕氏合編

卷十一  
六

轅空踟躕

夢得饑餒藤上花醉弄水中月句醒足成篇  
幽棲碧巘深長嘯青崖裂饑餒藤上花醉弄水中  
月紅顏自敷榮綠鬢詎凋歇騎鶴凌天池肥遯三  
山穴

月夜過陳獻可進士讀書樓三首

清宵耿殘燭皎月輝岑樓與君共杯觴樂意相綢  
繆賡歌擬金石俛仰殊悠悠大哉天壤間明發仍  
遨遊

德星炯高閣仙鳬下雲溪邂逅同此夕五嶽聞天  
雞浩歌振林樾仰嘯青天低殷勤復秉燭相與論  
夷齊  
遲遲歲華暮撫景良可悲人生在適志窮達隨所  
之云何桃李花早發易以萎葆我冰雪姿千秋以  
爲期

東林寺贈遠公

遠公不出山日與青山住結茅巖壑深遙對西陵  
樹朝嚙扶桑暎暮宿棲霞處了然心境空流雲任

七十二峯  
足徵集

馬蹟山  
鈕氏合編

卷十一  
七

來去

盆蓮

娉婷一美人獨立明鏡前秀色溢精采羅衣耀新  
妍得非湘水神無乃洛浦僊問之笑不語把酒心  
茫然

陟崔二丈園亭

芳園甫營葺脩竹稍陰翳村徑入沙平柴門倚江  
閑惠風蕩炎氛微雨續新霽好鳥時相鳴疏花還  
自媚于焉一徜徉頗愜幽人意寧違官府期且與

隣翁醉

月夜飲碧梧堂

皎月下高梧青冥燦流霞草露被繁英浥此園中  
花浩歌對尊酒長嘯凌丹崖回觀古人心歡悰自  
無涯往者不復返鬢髮日已華感彼塵鞅人惻惻  
空悲嗟

晏徐東原林亭

公子命芳晏清夜出南樾翠旗拂蒼巘朱轂鳴丹  
闕芙蓉冒流水梧桐被涼月露氣沾羅裳河光映

七十二峯  
足徵集

馬蹟山  
鈕氏合編

卷十一  
八

華髮鼎鼎百年人蹟掃如電沒惜非喬石流浩歌  
俟明發

贈澹泉秦十七

流雲度丹壑皎月開蒼烟田光照太古中天落飛  
泉下有避世士對之心冷然于焉鍊金液一飲成  
飛仙

秋夕感懷

巖飈振林樾木葉凝霜飛青陽易已徂華月流光  
輝蟋蟀在朱戶趯趯鳴相依佳人命寶瑟起坐明

星稀載歌三嘆息宛轉揚清徽感之生悱惻淚下  
雷我衣眷言逐鴻鵠允與塵世違

僊遊歌

冰輪碾破琉璃碧海天宮闕盈咫尺仙人跨鶴來  
翱翔大鵬不展搏雲翮忽吹橫玉凌彩雲曲聲飛  
入青天紋蜃吐樓臺明五色金螭背上烟氤氲仙  
風杳絕不可攀身在虛無縹緲間十洲三島遨遊  
徧颺輪羽蓋雲中還

醉樂歌

七十二峯

馬蹟山  
鈕氏合編

卷十一

子真雲孫吳下豪太白之亞劉伶曾年年種秫倍  
稅稻壘麴作酒邱其糟嵌髯一飲每一石醉鄉諧  
價千金高紅錦樓中恣歡笑繁絃急管聲嘈嘈清  
風明月復可挹曠懷塵外翔且劍泰山滄海眇一  
粟頽然不覺晨雞號自言生平多謬誤奮辭直筆  
詆吏饕眼光炯炯漲春綠群雄在側如秋毫君不  
見阮嗣宗曾聞步兵厨貯酒三百斛自求作校尉  
懶問州縣勞又不見畢吏部欲足一生事拍浮酒  
船中右手把酒杯左手持蟹螯山人醉枕珊瑚凹

十洲三島堪遊遨領海日烘蒙帳暖不知江漢迴  
風濤

得春樓歌

吳堤水綠春茫茫遠入洞庭雲霧蒼紅錦樓高炫  
春晝千門萬戶凝輝光映門新柳金縷黃夾岼飛  
花紅雨香落絮遊絲送晴色鶯啼燕舞和青陽画  
欄百二憑幾迴撫膺悵望姑蘇臺越劍吳鉤若流  
水珠襦玉匣空氣埃何如仙人鸚鵡杯紫簫金管  
聲相催采霞片片飛不動浩歌一笑浮雲開仙人

七十二峯

馬蹟山  
鈕氏合編

卷十一

坐我樓上頭絨簾高捲珊瑚鈎吳姬肆近罌春酒  
不惜一典千金裘君能爲我消却萬古愁我亦爲  
君倒却平江流吳亡越絕自今古且須汗漫凌虛  
遊

蓬萊歌簡黃五嶽進士

蓬萊三山迴海水仙人逍遙幾千里紅錦飛霞十  
二樓仙人獨向雲中起雲旗翻動碧羅烟嘈嘈鳳  
吹傳天語我亦餐霞鍊氣人相期共拂青鸞羽

題壁

鳬溪居士無警戒隨方弄筆從嘲罵繡紋醉墨雲  
錦明礬倒郭熙山水畫僧房粉牆數仞高寒光照  
屋翻海濤硯池霹靂一聲裂騰空飛出蒼雲蛟

有所思

瑤姬隔斷巫山陽楚王神夢搖瀟湘安得天風忽  
飄颻翩然吹至蘭臺旁碧玉琴上撫白雲紫霞杯  
裏啣瓊漿蘭臺寂寂不可見淚珠滴汚青羅裳青  
羅裳青羅裳斑斑化作雙鴛鴦

古離別

七十二峯

馬蹟山

鈕氏合編

卷十一

銀瓶墮井深寶釵敲鳳折銀瓶沉不易見寶釵墜  
鳳那忍缺惟將賤妾一片心遠照夫君千里別洞  
房夢斷陽臺雲卧屏空映桃花月昔年相別柳絲  
微此日相思柳絮飛妾似柳絲裊裊情不斷君如  
柳絮飄飄去不歸去不歸去不歸爲君肯著羅襦  
衣

白紵詞二首

凝香粉汗沾紅羅半熏起舞嬌顏配合情更唱白  
紵歌愁雲飛動哀聲多篴篥歷亂朱絃和金壺催

曙漏水促翠帳珠簾圍鳳燭請君聽妾終此曲錦  
衾瑤席何時復

撫瑤瑟偎繡筵緩歌白紵羅屏前低徊顧影生嬌  
妍顰眉輕撥愁絃絃腸欲斷絃欲絕榴花露暖燕  
支濕爲誰背立吞聲泣

千里思

娥娥少婦悲春老相思睇眄關西道紫璫曲曲捲  
紅簾画樓燕子啣泥早惆悵郎君歸未歸年年綠  
暗蘼蕪草蘼蕪草萋萋隔斷湘江香

七十二峯

馬蹟山

鈕氏合編

卷十一

燒燈看海棠

竹葉杯深醉兀兀草堂夢破清詩骨起憑曲檻眼  
模糊何處佳人好春色佳人二八窈窕娘可惜不  
嫁梅花郎燈前弄彩暈酡臉雨中含淚啼紅粧態  
濃意遠清且淑翠幙圍春新睡足碧紗微映赤玉  
膚粉腕輕沾絳綃縠東君遣綴桃杏班桃麗杏俗  
多赧顏胭脂淺著自天性嫣然一笑情何慳燒殘  
銀燭月初黑烟鎖垂楊情脉脉平明只恐風太顛  
飛襯馬蹄空嘆息

翡翠小圖

荷葉翻風雨香起雌雄照影銀塘裡嘴含紅玉刷  
翠衿眼覩金鱗掠秋水悠悠未可忘置罟且向蘭  
苔暫棲止

贈梅逸羽士

遠峰近峰羅浮陰千樹萬樹梅花深絳樓朱館自  
仙蹟紫芝瑤艸同吾心道人倒著白玉冠醉騎黃  
鶴雲漫漫赤霜袍冷雪花舞一聲玉笛空江寒

詠月

七十二峯

馬蹟山  
鈕氏合編

卷十一  
十三

客夜江天淨孤村月色清天光搖浪白河影入樓  
明萬籟寂無韻短簫頻有聲可憐離別子對此不  
勝情

橘始花

野老江邊屋橘花洲上村碧香浮葉細白雪墨枝  
繁燕感晴絲卷蜂爭日色喧先秋期結子應儼獻  
金門

折得海棠一枝

艷絕新粧麗嬌濃醉頰肥直愁三月去小折一枝

歸暖色團歌扇春風上舞衣未須籠画燭吟弄盡  
餘暉

越行偶成

水銜紅稻葉霜老碧梧枝落雁雙飛起行人獨去  
遲采蓮歌越女蕩漿調吳兒翻覺喜心極不知何  
所之

故宮

細草荒陂遠夕陽流水多宮花空繡轂野鳥自絃  
歌丹殿春長閉金輿夜不過我行增感慨揮淚滿

七十二峯

馬蹟山  
鈕氏合編

卷十一  
十四

烟蘿

登臺

江天秋氣迫乘月獨登高香霧籠吟鬢輕風入布  
袍茫茫動星斗望望湧雲濤帝闕驚回首憂時已  
二毛

聽詔

海內車書合朝端法制新黃麻開化日紫極動陽  
春裁斷由明主訐謨賴重臣不知郊祀後曾問茂  
陵人

奉和董涇陽內翰春日湖上之作

春流牽百丈上客泛孤航山疊青霞色湖明玉鏡  
光與雲游鳥喚待月盡壺觴驛路花迎珮言歸夜  
未央

登白陽山

伐木開荒徑捫蘿上碧岑孤雲遲遊思一鳥蒼春  
吟天淨湖光迥泉清樹影深惜無嵇叔夜相與理  
朱琴

夢營樓居得笛橫三島月颿度九溪風三句

七十二峯

馬蹟山

鈕氏合編

卷十一  
十五

醒續之

候輦菟裘上樓居野墅中笛橫三島月颿度九溪  
風去國今王祭陶情昔庾公兵戈催客鬢尊酒竟  
誰同

返照

返照吞江色歸雲護石田半含吳地曲不盡越山  
偏萬木迴元氣群鴉接暝烟飄然陸魯望隨意汎  
湖船

江上

風寒孤艇宿日出片帆開沙鳥自飛動野人頻去  
來春聲喧夜雨暖氣殷江雷幸作明時客無嫌白  
髮催

與張石川銀臺陳華齋少府吳芝山徵士張  
葦江進士汎舟過洞庭分韻得蓉字

洞庭紫閣開兩峰壯觀此日欣奇逢恍疑樓船渡  
滄海已覺雲夢吞吾甯飛霞一片如鸞鶴落日萬  
頃酣芙蓉我欲凌空撫長劍與君浩嘯騖虬龍

雁

七十二峯

馬蹟山

鈕氏合編

卷十一  
十六

木葉疎疎霜月苦瀟湘渺渺洞庭空聯翩影落碧  
灣水嘹唳聲悲紅蓼風秋到江南菰米熟春歸塞  
北雪花融莫言野曠無增繳只在沙平草淺中

鷓鴣

鮮明雪點浪紋齊粗俗還應笑竹雞錦翼暖鋪沾  
雨草斑衣香濕落花泥黃茅岡下秋風急青草湖  
邊烟月低遊子卧聽腸欲斷夢鄉且莫盡情啼

漫興

山人好奇何意味長日捲書臨翠微春水忽平蘆

葉暗青天不動楊花飛江干得食鳥雙去沙上打  
魚人獨歸稍喜銷兵作農器便應隨處著荷衣

漁

扁舟飄泊依深浦短櫂夸猶蕩淺沙惱却人間說  
緋紫故來江上侶魚蝦青山不碍一竿竹白日難  
催兩鬢華長向烟波尋爛醉不知兒女問生涯

觀趙子昂画

風高木葉深潮落沙平處日暮採芙蓉扁舟自來  
去

七十二峯  
足徵集

馬蹟山  
鈕氏合編

卷十一  
十七

江樹風蕭蕭雲翻秋瑟瑟孤亭閒無人疑是楊雄  
宅

春寒

杏花雨重鶯聲濕楊柳風高燕子寒金鴨香消卷  
簾幙玉人愁絕倚闌干

放歌行

湖上歌聲十里迴吳姬走馬逐春來垂鞭笑勒黃  
金鞵指點桃花一樹開

太湖行送友還山

太湖流水蕩青天兩岸歌聲送客船美人一笑鏡  
中去七十二峰開紫蓮

楊柳詞

妾送夫君三月時驕行紫馬絡新絲可憐裊裊東  
風柳不解愁人怨別離

柳花洲上離人愁柳花洲下水東流洲邊歌罷折  
楊柳此後相思無盡頭

鏡湖行

鏡湖碧水蕩天流光映丹臺十二樓嫋嫋鸞笙吹

七十二峯  
足徵集

馬蹟山  
鈕氏合編

卷十一  
十八

不斷紫霞飛度海門秋

鈕國蕃

國蕃字紹元號誠所賦性豪邁落筆驚人屢蹶場  
屋天啓丁卯始舉鄉薦時年五十有五謁選授滇  
中嵩明州知州再任江西廣信郡丞皆有惠政引  
年致仕三與賓筵壽七十有九

獨立

回飈吹鬢冷返照射江明沙鳥弄波去寒蟬抱葉  
鳴青蒲誰補袞紫塞復觀兵獨立愁無那憂時淚

滿纓

戍樓

警夜臨關戍嚴城薄塞樓旌旗明野色鼓角動邊  
愁雉堞黃雲接朱闌朔氣浮兵戈正騷屑烽燧幾  
時休

飲盛之安讀書處得門字

野老藏書屋深開近竹村高吟山吏部善卧漢文  
園過懶常蓬鬢憂時只掩門相看湖海濶爲洗菊  
花尊

七十二峯

足徵集

馬蹟山  
鈕氏合編

卷上  
十九

鈕王綸

王綸字掌文居鄉仁厚好爲人排難解紛五予令  
各專一經時稱其有家法

古意

白露下碧草銀河耿西流鳳凰不安棲梧桐已驚  
秋感此歲華晚戚戚生離憂何爲自羈束斗酒言  
以酬往者日已矣於焉竟何求

怨別

沉沉洞房冷皓皓孤月懸感此不遑寐雙手鳴哀

絃孤鸞調欲歇惻惻情莫宣所思在萬里迢遞隔  
遠天盱望不可見顧影空淒然

草堂前黃葵數本秋深盛開殊愜心目把酒  
紀興

露氣淒以清草堂秋色滿柴關寂不啓竟日無人  
欸碧草蕪然謝莎雞聲復緩高花媚枝寒曲曲闌  
楯短丹心護紫霞正色芸可浣對此心目娛涼雲  
自舒卷仍命一尊酒徜徉藉疎懶沉湎卧花前夢  
入芙蓉館

七十二峯

馬蹟山  
鈕氏合編

卷上  
二十

山居吟

太湖東出光渺渺傍通百竇及三泖吾廬卜築山  
阿中沉酣典籍飯梁稻七旬株守甘隱淪混爾山  
童與村老放眼層巒洵可人雲邊時作孫登嘯而  
况洋洋可樂饑永矢弗諼仍弗告曲抱前山與後  
山更喜護田多綠遶鼓枻垂綸時自將食力勞形  
鬢然皓興到臨流一鼓琴悠然更發清商操豈是  
踰河蹈海徒太平無事從吾好烟水微茫誰復事  
勘破虛舟天地小

殘暑

野亭殘暑動秋意烟柳病蟬聲欲枯中單無汗貼  
香玉小簟有涼毆竹奴漸使班姬悲篴扇管教張  
翰憶江鱸西河十頃荷花老換得六橋風月多

江閣

沙鳥數群迴釣灘野人獨自憑闌干青山隱見暮  
雲出白雨亂鳴江閣寒水上龜龍聽笑語燈前兒  
女簇杯盤詩筒画筆從吾願涼簟珠簾任所安

鈕雲

七十二峯

馬蹟山  
鈕氏合編

卷十一  
二十一

雲字遇伯號遜志王綸長子為郡諸生

竹林石榻

枕石安眠夢不驚脩脩還喜竹陰清呼童掃榻排  
棋局攜友投林聽鳳聲居有此君方免俗家無四  
壁豈知貧優游聊爾隨吾分白髮由他遶鬢生

七十二峯足徵集卷十二

武峰吳定璋友篁蒐錄

虞山汪沈琇茶圃編訂

陸治

治字叔平西洞庭山人父汝新任樂清教諭始遷  
吳門以包山為號志所出也少有文行兼精繪事  
遊陳白陽之門當時有詩得其興畫得其趣之目  
父歿有庶子女五人皆幼並撫養以時婚嫁之寡  
姊歸吳貧無後迎養於家歿則葬焉食餼當貢與

七十二峯

西山  
鈕氏合編

卷十二  
一

從弟洽交讓督學使者嘉其孝友可以風世晚年  
以父遺城居為先祠屬弟沼供祀事而自居支硎  
山高卧不出郡守蔡國熙李鍵兩延為鄉飲賓卒  
祀鄉賢有纂註家語淵博精審王弼州亟稱之曾  
孫敏向學念祖綴拾遺詩百首通家子錢允治序  
而藏諸

贈陽湖先生

春和衆芳啟風塵復清嘉華景與時會歡悰情彌  
加心遠地亦偏丘園貴修遐閒門閉白日中有桃

源花清時謝簪組朱顏駐丹砂幽風啟春筵庭除  
茁蘭芽白華藹玉樹綠酒傾流霞素心多至人觴  
咏成天葩欸欸繼晨夕悠悠邁年華道在惟所敦  
期願安有涯

壽袁涇陽先生七十

至人樂嘉遯恬養怡天真高翼遠羅網璫璣謝緇  
磷丘園聊自賁取足搶榆情有子修舜袞言保義  
皇身雖膺紫泥寵常與赤松隣靈局開朗照天光  
鑑空明緬懷廣成子抱朴宗無生冲玄守衆妙千

七十二峯  
足徵集

西山  
陸氏合編

卷十二  
二

齡保元精渺焉景前修怛怛全幽貞

題雪景

朔雪暗山河立馬不得發何處是滹沱重關鎖雙  
闕野燒鐵衣僵寒深刁斗歇尚有羔酒人歌鐘待  
明月

春思

暖日融沙坼莢筍和風溶蕩晨光靜鴛鴦刷羽醉  
花洲搖亂春魂蹴花影館娃人遠金釵冷翠纈沉  
陰落雙井飛塵撲面蒙衣巾疑是當年香燼塵

冬日虎邱次杜以明韵

步障陳高會流雲席半遮青山琴外意霜葉鏡中  
花劍氣沉寒殿燈輝爛夕霞吳姬能醉舞颯沓翼  
橫斜

再登虎邱

節序頻催酒春山已再登劍光臨日閃花氣入簾  
蒸露草茸將合風條弱不勝坐來忘舊觀媚眼轉  
生憎

訪虞山陳雨樓即景賦贈

七十二峯  
足徵集

西山  
陸氏合編

卷十二  
三

芳徑開元館重籬隱華蘿一龕容萬卷二仲許頻  
過曲砌滋香草疎簾盪綺羅催詩頭上雨樓傍海  
雲多

與許元復郁虹如遊虎邱二首

金閨初放棹黛色已盈船梵宇開晴旭疎林障午  
烟徵歌楊柳外載酒杏花前幾度吳宮月今宵又  
上弦

穿橋三里過入寺一邱斜泉落香池雪花明鐵壁  
霞苔衣綠悟石塔影淨金沙共說無生話僧房試

煮茶

咏燕

細雨春泥濕雕梁。壘戶新低飛。疑傍主絮語似撩人。剪水沾紅縷。梢花落舞。初漢宮。今寂寞。掌上豈前身。

題顧東橋歸田唱和篇

千載都門祖道車。羨君真得兩疏如。方從華馭趨朱腹。忽憶滄江夢。白魚竄逐。不忘酬國念。乞身猶上備邊書。始終臣節終無玷。輝映明廷佩玉珪。

七十二峯

西山  
陸氏合編

卷十三  
四

曉行入林屋洞

雲影梅花鎖洞天。碧崖參錯勢俱懸。欲憑鶴路求丹室。漫借燈光問玉田。地割坤根冬吐氣。穴連海屋下聞泉。仙家自與塵凡隔。到此終應有勝緣。

度太湖

西風落日催行棹。次第青山入望遐。塵外別堪分世畧。吟邊還許有瓊花。遙看小閣臨消夏。更道前灣見月華。羞對樵夫問征路。白雲深處本吾家。

渡口辭故山

吾家舊是山中隱。自入紅塵未得歸。製酒可誇松粉熟。摘蔬欣得木芽肥。白雲洞口多巖窟。明月灣頭有釣磯。猿鶴正須勞夢想。他年應與伴閒扉。

秋懷

江鄉八月思新粒。澤國霜蒿滿稻田。諸將未收青海箭。九關猶望紫臺烟。誰憐刁斗寒聲切。尚擁旌旄武帳便。最是空山悲宋玉。疎林搖落對殘編。

始遷支硎客有問余風景者。漫賦荅之。

卜築旁臨古道邊。諸峰圍合小窻前。千花暖送和

七十二峯

西山  
陸氏合編

卷十三  
五

香氣大地晴翻錯。錦田載道風旗春。市酒滿溪簫鼓夜。歸船還饒別有清涼晏。高蔭長林萬壑泉。春日童子鳴王百。穀談思重過訪山居席中。即事。

經春蔣徑薜蘿深。三益聯興歎闔荆。倒屣並憐青眼合。振衣交引綠波傾。重陰日落虛窓影。遠籟風疎散鳥聲。笑拂當年題勝處。空山留得飲中名。

治平納涼

竹根雨過石苔斑。鐘梵蕭然晝掩關。坐愛微涼生

碧殿忽看飛雨失青山雲分暝色來天外風捲潮  
殺落樹間最是晚晴堪眺咏夕陽橫抹蓼花灣

虎邱懷古

闔閭親戰惜純鉤拭拂星文閱北邱灝氣尚餘吳  
沼恨陣雲長結虎溪愁中宵光恠沉陰起撲地鉛  
華淑景流莫向浮屠高處望靈岩花草不禁秋

送羽士遊洞庭

五嶽靈區處處名摘挑沽酒送君行嘗聞林屋通  
千界試作芒鞋第一程洞口閒雲晴不散壺中忍

七十二峯  
足徵集

西山  
陸氏合編

卷十二  
六

草暖長生金庭玉柱尋常見且聽波濤地底殺

題畫

秋霽群峰青可攬頃刻變幻生炎空黃金橫流散  
落日碧海倒映吹長風屏間鳳彩欺花薄天際龍  
文爛火紅試較扶桑看曙色蜃添樓閣更冥濛

贈周默全海岳勝遊

名重三都賦已成身從五岳訪仙靈不因羈縲閑  
天馬漫託烟霞隱客星隨處草香窺洞府每聞花  
信歛岩扃慚余掃軌專邱壑白首青氈老一經

張公洞

高樓俯翠群峰表絕壑林窺鳥道通長笛數聲松  
鶴下一天涼月暮烟中

秋日山房

蘋香楓色晚淒其雲起江潭萬壑迷爽氣一天塵  
迹遠虛亭人有碧霞思

沈楊祝三先生題福昌詩為寺中世珍已而  
失去松隱上人不忍忘先世所遺特求黃志

淳錄為橫卷復倩余補圖余技甚拙不足重

七十二峯  
足徵集

西山  
陸氏合編

卷十二  
七

或藉此以存三公高篇可耳

古寺春閒青草色幽人時過白雲遙不堪謝客留  
題處屈指風流憶往年

浮山梁中舍還自廣南遺我了蘭品質異常  
隨其感遇得詩八首分題紀之

兩花一又各成奇偶

常聞東海仙嵯種若個分携西畹香細數花枝叅  
造化却因奇偶辨陰陽

每莖十六花花各一又

不與秋蘭並九英仙葩二八自天成祇緣無力禁  
香重幻作駢枝駕玉莖

花枝應節六葉叢生

玉戟稜稜應節分枝枝柔玉細香雲凝粧擬待三  
更月露染生綃六幅裙

畫鷁

雄豪不入少年場走馬長安事已忘白髮滿頭清  
夢穩任教啼落五更霜

秋林

七十二峯

西山  
陸氏合編

卷十二  
八

雨去青山濕不收明沙落木一亭秋道心寂靜渾  
無賴閒共江雲天際流

洞庭

洞庭木落秋無際秀壁蒼松古殿開曾在上方看  
霽色拍天波浪入林來

仕女觀流水小景

銀塘秋水玉涓涓霜葉漂紅去渺然幾欲題詩寄  
遼海只應流水到君邊

蘇臺絕句

荒臺淒雨畫冥冥盡是鉛華未死情一度一聽魂  
欲斷山南山北子規聲

昔日花從西子笑今朝花笑獨春風石渠寒浸隰  
脂冷猶帶紅粧落影中

楞伽雪後

雪後湖山渺不分時來鷁犬水中聞上方臺殿重  
重閉獨啟長廊掃白雲

支硎山居

琅玕翠結草堂陰盡日鶯啼倒客尊日落畫船簫

七十二峯

西山  
陸氏合編

卷十二  
九

鼓散松雲閒閒綠蘿門

九月見梅點菊成圖題詩其上

梅花九月借春光不是寒江暗度香籬下黃花初  
識面本來金玉自相將

已酉季秋從五川先生於石湖之上待月始  
歸

霞蒸花塢隱浮梁影射平湖紫珀光彩鷁簾中歌  
白紵綠蕪叢裡度鴛鴦

水盡天南漾晚空斜陽漁浦荻花風菱歌散入孤

雲去直送寒潮到越中

吳宮臺殿湖中影仙客烟波海上槎片月度雲秋

萬里西風吹雪滿蘆花

華月涵杯綠影浮一杯還馮一輪秋中宵引滿秋

千頃猶帶波光不盡流

題畫

凭江巖嶂芙蓉起萬壑爭流水映門鷄犬一方人  
跡遠杜陵花木若耶村

桃源圖

七十二峯

西山  
陸氏合編

卷十二

秦人六合空包舉洞裡乾坤別有家物外不知春

甲子溪頭惟見始桃花

陸文組

文組字纂甫為詩淡遠有王孟風格時稱叔平畫  
中有詩纂甫詩中有畫目為包山二陸所著北山  
篇鴻里什江上草諸集

夜泊龜頭渚貽舍弟文綬

晨興理舟楫傍午掛雲席戀戀辭懿親茫茫汎烟  
澤飄風激迴波崩湍露危石畢竟昧修程乘源問

來客末路雖未寧坦途詎遑擇歡愉良難保飢寒

遽相迫含思鵲鵲原假寐鼃鼃宅子勗西峙心子

愧東流跡片月揚素光搖搖永今夕

子夜歌

染藥作儂衾持冰置儂枕城烏夜夜啼苦寒不成  
寢

美人寄書

秋夢無憑客路遙尺書封寄恨迢迢玉容不及桃  
花紙顏色都從別後消

七十二峯

西山  
陸氏合編

卷十二

陸鍾呂

鍾呂字孝律西山涵村人  
辛丑進士

重游西湖寺

無數松篁一徑幽寺前春水帶冰流千株楊柳猶  
青眼幾載山僧已白頭地僻不驚猿鶴夢泉甘堪  
給藥茗求有時買得青山隱何必東陵是故侯

洞庭雜興

楊梅為夏橘為秋國計家園總此謀但使堂前皆  
樹果何妨客到即登樓水中僻壤兵戎少山裡荒

田賦稅稠倘得陽城勞撫字唐勤魏儉自風流

陸伯相

伯字明輔涵村人

太湖竹枝詞

幾年家住太湖濱  
潯水春來日夜深  
種樹兩行門巷裡  
半懸漁網半遮陰

春日城南憶友

睥睨參差向日低  
十年心事若為提  
臨風駐馬重回首  
愁見桃花落故溪

七十二峯  
足徵集

西山  
陸氏合編

卷十三  
十二

同謝允中梅塘晚坐

絕壁層崖倚杖難  
翠微深處碧潭寒  
輕風不起游塵靜  
一樹梅花水底看

陸漢昭

漢昭字二雲

秋日訪蔡元修於嚶城留為十日之歡一旦  
言別賦以志懷

曉發婁江船暮抵嚶城道草草旅邸眠秋驚夢魂  
早起視落月光形影浴涼顚步出城南門於焉尋

舊好路折過板橋疑岐問村老村老向余言尚隔  
數畦稻行行忽到門驚見各頌倒具言睽別情三  
載鬱懷抱顧我塵土姿元髮鬢過縞義子肌骨清  
文心不枯槁沽酒呼嘉兒烹葵命邱嫂遂為十日  
歡積愆一如掃今我得還山前途復探討揮手秋  
烟中長歌海天浩勗哉貧病身相期永為保

花朝偕友人林屋晴眺分得語字

春明景初妍霽色照花嶼况乃花之辰香風動新  
醕携手登崇邱翩翩意遐舉吾人恆素歡幽賞共

七十二峯  
足徵集

西山  
陸氏合編

卷十三  
十三

相許峭壁掛鮮雲蒼柯走松鼠物我象外游烟霞  
或能茹周覽巖際松灼灼丹砂貯撫石問靈威如  
聞石中語啟此洞庭觀超然豁胸緒吟影下晴空  
雲光亂其處

重過崇壽庵與圓印師對奕

精藍游不倦再叩遠公關荷氣通池早松風入戶  
閒慮消鷗鳥外身定薜蘿間一局殘碁罷心將半  
偈還

春夜同友雨坐分韻得光字

雲低天盡暝山雨濕花光柳暗溪聲密燈清夜語  
長一尊情共賞半榻夢分香莫謂春宵惡賡吟興  
亦良

同秦存古泛舟入消夏灣

一舟直破石公烟歷亂群峰落照邊葦末西風吹  
蟹釣洲前黃葉點魚釜波搖雁影中天冷樹浸秋  
光九月鮮鼓楫不愁歸去晚開尊重對菊花眠

練川旅次寄懷山中同社

江上風驅雁影斜客衣凋敝怯霜花倚愁看月如

七十二峯

西山  
陸氏合編

卷十二  
十四

無月憑夢還家未當家蟋蟀草堂秋夜永蕙葭笠

澤故人遐携筇却憶登臨興縹緲峰高望落霞

三載飄零歸未能孤踪渾似水雲僧一瓢自足黃

蘼飯半榻誰分破壁燈霜裡橘香懷舊圃雨中人

病憶良朋緘書為道年來况惟有傷秋白髮增

訪葉梅友有贈

浮鷗幾點占晴沙湖畔芙蓉已着花為客又逢秋  
色暮相思常踏夕陽斜囊盛白雪騷人句門遠青  
山處士家七十二峰題咏徧看君真不負烟霞

偕秦存古蘇元長遊角頭一帶山水

仲春花事未全敷躡磴同觀萬頃湖一葉遠帆閒  
似定幾層烟嶂淡如無漁歌細細浮波浪鷺影紛  
紛動葦蒲我亦振衣千仞上臨風吟弄夕陽徂

陸生鳳

生鳳字子陵涵村人

秋夜宿資慶寺

山靜栖香剎林深掩翠微風聲乾晚樹雲影淡秋  
衣倚石聽經罷憑闌看鶴歸玄談忘夜永落月下

七十二峯

西山  
陸氏合編

卷十二  
十五

岩扉

同友過上方寺歸途作

行盡山深處林烟綠遶溪半橋流水斷一徑野花  
迷世隔浮雲外人歸夕照西吳中足騷客誰識此  
幽栖

面面峯

兩峰相對古招提鬱鬱松篁遶澗西僧磬不聞山  
寂寂綠陰深處鵲鳩啼

陸一寧

一寧字仲安

采蓮曲

妾采蓮采蓮莫采子但知蓮子甜不識蓮心苦子  
去蓮房空苦心向誰吐  
妾采蓮采蓮莫采葉蓮葉比似君蓮花還似妾花  
葉本同根那堪中道折

晚秋寄曹元楫

空山感物候永懷愁不語征鴻背夕陽啼蛩吐柔  
縷霜容布朱實寒香沁青蘂良序易云適美人難

七十二峯  
足徵集

西山  
陸氏合編

卷十二  
十六

萃止脈脈賦停雲依依望孤渚相思坐宵分明月

照秋水

苔笠

誰采層晶色巍然得異觀闌風花片片載月影團  
團石坐雲疑重松行翠不寒幽尋端自好應勝竹  
皮冠

閨情

殘花歷亂破青苔寂寂深閨晝不開惟有一雙新  
燕子話人心事入簾來

陸有餘

有餘字周甫

讀鄭谷孫詩後自感寄之

詩題別恨還相見蘭落松烟半未乾情景寓言隨  
意好冰霜琢句逼人寒秋風瘦菊花三徑夜雨疎  
楊葉一灘莫怪梅翁老無韻自來酸苦更誰看

七十二峯  
足徵集

西山  
陸氏合編

卷十二  
十七

七十二峰足徵集卷十三

武峰吳定璋友篁菟錄

震澤王金增師李編訂

嚴經

經字道卿號芥舟東山人弘治丙辰進士南京刑部郎中正德中出為河南彰德府知府有巨璫乘傳至不為加禮遂短之於劉瑾乃解組歸栖遲山水與王文恪公施東岡高士作文字之飲絕口不

談時事

七十二峯足徵集

東山嚴氏合編

卷十三

舉目

舉目偶有適庭開錦葵花憬然知夏初鄰園正鋤瓜雨荒不得種隴麥已生芽撫時滋歎息天人究疇差

秋夜直宿西署寫懷

僦員散地慊迂情穩卧官齋夢不驚自分愚忠乖世道肯將智慧擅時名謏材媿乏春秋筆清議匪從月旦評伯樂不逢行健老乾坤落落眼誰明

西渡浮橋成

通津誰擅濟川功聯絡方舟指顧中鎖鑰洪流平

急浪驅馳坦道過長虹古人不作思良法王政于斯用不窮從此載途歌利涉豈於溱洧乘輿同

王少溪貽書見訊賦此代柬

壁蘿團翠覆殘衾冷淡吾門自古今月落未回孺子夢歲深宛見幼安心喜無鼎耳供閒掃小破沈冥託醉吟巷僻徑荒誰過問故人還念病愁侵約東岡登高

久矣不辦登山屐擬結籃輿上莫釐五十看看成

七十二峯足徵集

東山嚴氏合編

卷十三

老大不妨歸路醉如泥

題畫贈素一

琴尊成約帶星回遶屐松花點遶苔矮屋莫嫌無客到有人憑几醉書來

嚴果

果字毅之芥舟之孫天賦高懷不求聞達自號天隱子山陰王季重序其稿曰自弇州挾歷下鞭馭盱衡海內後先才子俱上鰲貢而所不能致者會稽徐文長臨川湯若士其鄉則嚴毅之先生云所

著有天隱子稿十七卷

憶普照菴因寄

孤菴落水墟風雨坐岑寂往來簑笠人所見沮與  
溺野曠淒暮烟天荒慘寒色風荻鳴蕭蕭飛鴻起  
沙磧觸緒興憂端循躬感祖述予昔何來斯圖南  
鍛雲翻鼎鍊求未能俛首事儋石蹉跎三十年青  
陽已垂白老思安故邱異壤非吾適何當解所嬰  
逍遙暢胸臆

秋夜長

七十二峯

東山嚴氏合編

卷十三

悲莫悲子秋夜長感祖謝子悲淒涼朱明去子歸  
白藏連石下兮收餘光移蓮秉炬歸洞房合歡繡  
被芙蓉香參回斗轉夜未央徘徊延佇如相望流  
螢飛來繞画梁似憐幽寂為徜徉關山月冷鴻雁  
翔懷所私兮天一方風波渺渺雲茫茫魂欲去子  
愁無將燕山八月早凝霜無人為寄寒衣裳憂深  
思切終斷腸悲莫悲兮秋夜長

蓮塘歌

若耶荷花不可見每懷六月西湖遊西湖道遠未

能即風光夢寐思悠悠趨來步武銀塘曲滋喜翻  
多錦雲簇千百紅粧競水嬉溫泉初賜宮人浴艷  
質華姿謫靚妝羅襦繡帶儼成行低徊映水千般  
態敢薄流風百和香天孫織就機中綺一幅平鋪  
鏡湖水天然生意不可為剪綵鎔金徒自靡惟惜  
開當古道傍祇堪行路駐游韁塞芳驛客今何在  
誰復臨流酌一觴

敦素堂行

七十二峯

東山嚴氏合編

卷十三

吾聞太素之道起玄漢黃虞以來猶渾噩天靈自  
然名希夷至道無文厭雕琢末流既勝絺繡繁鮮  
靡瑰麗同趨犇朱絃鏤筵炫奇器丹楹刻桷傾華  
軒芬藍雜還啟高會擬金戛玉聲喧喧縹清未滑  
易蘓綠駢峯不足加熊蹯風會于斯日靡靡太樸  
之精恣淪委乃惟天民敦素心砥柱中流返其始  
茨不剪椽不斷庭不除墁不堊太羹不和菜不鑿  
菁菁蚩蚩屏外營斯意冥冥契寥廓堂名曰敦素  
堂中何所有高牕懸素琴可以感天地通鬼神鏗  
然發越太古音堂中何所有汗尊列玄酒可以怡

性情悅賓友陶然茗芋亡何有白雲為籬籬明月  
代燈燭閒花日吐芬幽禽時度曲逝者如斯與化  
徂泌水洋洋意目足南陽有廬曠千古孔明晏坐  
歌梁甫環堵曾聞西蜀亭子雲寂寞草玄經豈無  
璿臺飾珠玉豈無甲帳圖仙靈榮光一逝盡墟土  
謝敷炯炯存微星高人以斯遠塵鞅幽居卜築溪  
之津讀書談理慕昭曠韜光哉景懷真純清風隱  
几北牕下嗒然自謂義皇人

答陸延州秋日過訪

七十二峯  
足徵集

東山  
嚴氏合編

卷十三  
五

蘋花媚晚姿白露下淒其有客從西渡看予理釣  
絲徑荒滋蔓草門掩隔疎籬興盡飄然去何如刻  
曲時

送行

火雲猶未斂之子事遐征蟬柳夕陽淡魚梁野水  
平風烟輕倜儻霜露易淒清明月思千里同懸此

夜情

搗練

月色夜溶溶千門搗練同安排思寄遠夫壻在遼

東霜霰催寒緊蛩螢弔影空斑斑衣上淚盡落杵  
聲中

寄友

歲籥頻相薦風期宵莫攀鶯聲虛故苑雁素渺重  
關碧樹雲中屋蒼烟水上山相思千里外何日慰  
刀環

美人教梳頭

粧罷意爭妍憐君髮未鬢鳳梳膏共沐鸞鏡影同  
懸卷黃分鈎曲躡螺笑髻圓願持巾櫛意永結白

七十二峯  
足徵集

東山  
嚴氏合編

卷十三  
六

頭綠

過舊館

舊館棲魂處匡牀赤板扉乍疑一夢醒已是卅年  
餘范帳收殘墨韓檠慘落輝風沙易流轉鴻跡竟  
何依

春日宮詞

綠烟芳樹掛晴絲一鳥花間睡起遲別院歸來歌  
管沸長門不省畫圖知傷無蕙草緘誰思怪有梨  
花約素肌一自上林游幸後玉輪消息渺無期

菴中

短褐蕭蕭寄水村斜曛落葉滿荒園湖光隱約林  
扉靜野色蒼茫草樹昏徒爾商歌悲永夜不堪衰  
颯望中原誰云老驥非千里尚想金羈玉勒恩

秋興

颯沓寒空一葉聲斷猿巫峽共淒清木天無夢猶  
西笑銅柱何人想北征幾樹昏鴉搔首立誰家羌  
笛喚愁生信來得喪非由我咄咄書空總未成

秋日寄殷仲

七十二峯

東山  
嚴氏合編

卷十三  
七

曛樹蒼茫萬里舟江天遙望仲堪樓書空咄咄憐  
同病擊筑蕭蕭感暮秋五夜獨醒魂自弔廿年如  
夢水空流風烟不接西昌里鴻雁無從歲已道

庚戌紀事

元戎功業海西頭城下王孫貴未侯寶劍光輝清  
塞月錦裘凋敝禁垣秋中興不數周宣烈雲夢無  
煩漢主游千古英雄還蕩落獨憐蠅點不勝愁  
聖主山河磐石安清郊戎馬不曾看百年已忘苞  
桑計萬竈誰登上將壇鳴鏑故應瞻冒頓尺繩空

欲繫呼韓功名要向燕雲外隴水淙淙濯肺肝

天高雲黑洞秋暉悵望重玄事總違相國門前金  
作埒真人壇上玉為衣繞城山色風烟起向海河  
流日夜歸携手祇須尋樂土草萊終卧北巖薇  
風勁雲高肅帝居神君來降上林祠泰山欲望東  
封仗渭時嘗瞻北狩儀玄極羽流持寶籙侍臣門  
下譔青詞文成富貴殊堪羨怪底身名到鳳池  
百二山川錦繡遮金墉龍虎奠中華秋高河朔驅  
雲騎日落城邊起暮笳退散未酬文士策論功欲

七十二峯

東山  
嚴氏合編

卷十三  
八

降將官麻朝廷有道方隆盛委澤么麼莫漫加  
金章紫綬漢廷身暴骨橫尸車下塵賞罰令嚴真  
聖主死生名重竟何人樗材不伐休論壽蒲質先  
零亦自春回首明時無限意江山千里重傷神  
大將旌旗出塞遙指揮如意坐輕輅士生菜色親  
兜鍪虜向花原射隼雕萬竈供儲非一日八方征  
賦約千條休為身計叨榮祿天上恩光日月昭  
彩鳳泥書出漢城九遷曾貴上台星綱常不似雲  
烟變今古真同泰華停坐論才名非易選象恭流

極見常刑蒼生不爲歌黃鳥亦使寒原鬼燄青

寄蔡林屋

一派笙歌出畫樓風流彷彿在揚州朱簾捲雨來  
三鳳碧簾眠雲傲五侯杯玉釀酣山色晚扇羅香  
拂桂花秋題詩報道張公子願惠殘書療客愁

送劉生

劉生跌宕不偶世俠氣上與青雲摩乘酣索酒新  
豐市擊劍行追沛上歌自言老人素書貴不羨季  
子黃金多班馬一鳴千里道愛而不見傷如何

七十二峯  
足徵集

東山  
嚴氏合編

卷十三  
九

菊花

不競春草榮相將歲華晚所以君子心孤芳自偃  
蹇

梅花

臨風粲粲玉爲姿春到人間蝶未知記得西湖泊  
舟夜月明風淺見橫枝

嚴倫

倫字天彛

過瞿稼軒先生東學廢園

河山哀莫挽敢惜一園荒寒雨餘衰草春風剝白  
楊蜀鵲誰爲拜遼鶴幾時翔淚落成墟處忠貞永  
不忘

午日胥江觀競渡

競渡胥江值此辰一爲忠孝兩馳神嗟哉澤畔行  
吟日窮矣蘆中乞渡身魚腹英靈還獨醒鴟夷精  
爽迄如新投詩直達蛟龍窟亦弔吳臣亦楚臣

嚴宗顯

宗顯字用晦嘗集艷體詩二卷葛震甫序之

七十二峯  
足徵集

東山  
嚴氏合編

卷十三  
十

雨霽過鄭世貞晉之讀書處喜張仲美徐子  
能在座

出門若無意幽事偶然成得句泉俱冷開心竹共  
清聚當今日勝山喜昨宵晴小閣空纖慮薰風一  
榻生

翠峰寺尋陳眉公同葛震甫

松風泠泠滿竹筇相期古寺追高蹤禪扉半閉佛  
不語幽人一笑花間逢

嚴茂初

茂初字元發號遵涯與弟茂慎攀鳳同爲諸生蜚聲譽序遵涯尤才思敏捷一日可得數義詩賦四六信手而成有七步八义之目關中卷先後凡三四薦終不售明經以老有傳硯齋集一卷

輓節烈符氏

節烈伴忠孝何人副此名晚蓮應獨秀秋月與雙清乙卯七月廿一日殉節誓決同衾穴情堅一死生旌閭他日事傳語已心傾

萬古綱常任深閨一力肩軀捐設奠後心許蓋棺

七十二峯

嚴氏合編

卷十三

前夫將瞑目許以身殉溪曲聲同咽樓清節竝懸

曲溪上清曠間爲氏殉節處

秋官舊門第冰雪有因緣

輓朱鶴書

世俗交遊古道微九原不作我誰歸披星並轡情猶昨坐而論文事已非琴掛蕭齋渾寂莫影懸總帳半依稀茫茫碧落渾難問鶴語何年聽令威

嚴大本

大本字方立郡諸生

南村草堂讌集呈節庵七哥

南村高會繼西園四美逢時爲二難繞座芝蘭香笑語翻池花露濕闌干雪桃分得千年實白墮移來十日歡獨愧追隨無彩筆看君赤幟樹吟壇

初冬過依綠園

小雪才過木末凋池亭和煖足消搖芙蓉蜀國新絳臉楊柳香山舊舞腰種菜童歸黃葉路窺魚鳥坐赤欄橋臨風拄頰添清興銷得新篳綠一瓢

遊石公山登明秀閣

插天怪石不容攀小憩山亭看斷山日暮更登王

七十二峯

嚴氏合編

卷十三

氏閣愛他明秀欲忘還

宿梅園金叟家

野老殷勤留客宿所居戶外盡梅花他年若作探花使記取梅園第一家

嚴始

始字開一自號六如子所居北葉湖上有果園背山面湖中有巨石如屏屹立六如題曰肅嚴每呼同志觴咏其間樵夫野老經行其下聞半山有鸞鳳聲知六如醉吟時也遺詩二卷任允功梓以行

世

觀海

遊目失四表萬里何溟濛豈知一天地淪沒波濤  
中上有金銀臺下有蛟龍宮奔騰走白日滂潏號  
神風此內靈萬族其外無餘通苟能出微茫長嘯  
凌高室

寺夜懷葛震甫先生

落葉積古寺入暮山蒼黃月光凍不流前林白如  
霜脉脉馳遠懷離離感鳴蜩繩牀此夜安夢隔秋

七十二峯

東山  
嚴氏合編

卷十三  
十三

雲長

西隱禪房偶集

羣綠函僧寮憇此醒塵寐白賞天亦閒清言佛能  
對始悟沉冥中斯心了不礙

韓蘄王碑

穹碑立高巖樵牧訝其位薛餘留烟霜松垂蔭  
巖英雄不死心銓次頗明備空山闕雷雨白日泣  
魑魅回首斜陽中陰風閃幽翠

孤松篇

卓然屹立深盤根挺羣蔽物勢孔尊枝葉不漏日  
月影苔蘚盡染風霜痕從知千尺是爾性高欲摩  
天自爲命時乎瑟爾發孤音遠取秋泉同一韻空  
山有士能長貧晨看夕倚如比鄰自言此外無與  
親青蒼不改同其真

葉梅友折得古梅寄雲間金卿佐之以詩

奇幻驚人眼潛知不易尋恒持冰雪理遙慰歲寒  
心泐上香偏久山中白漸深君能修護好淨几即

高林

七十二峯

東山  
嚴氏合編

卷十三  
十四

山夜聽秋蟲

坐山忘夜永土屋侯蟲鳴林末息群響草根時幾  
聲訴風多斷續泣露獨淒清旅次窮愁客應知恨  
五更

歸留石上看雪同陸仲飛

絕巘通危路嚴風振遠林光明千里地太古兩人  
心在水不知白因山方見深碧烟微動處高卧客  
難尋

集西石山房

入門秋忽暝竹色結寒陰綠走烟開樹香飛雨出  
林客因脩淨業僧語解吳音次第聞幽磬南朝寺  
果深

春日登樓

寒暖平分近麥秋東風扶我上層樓自教着眼于  
高處不媿題詩在上頭叢綠樹從簷外短好青山  
向壁間浮晴空欲攝心魂去直繞天涯何處收

八月十四夕柏子街步月分得六魚

晚當山寺月來初柏子垂陰秋不疎衆響在林時

七十二峯

東山  
嚴氏合編

卷十三  
十五

颯颯孤光隨我自徐徐白凝樹杪烟霜似影落街  
心苻藻如薄醉微吟皆靜賞明宵莫羨一分餘

四皓祠

山風落落古祠荒野鳥呼人正夕陽今又避秦悲  
一調昔曾安漢耿重光雲堂引薦寧芳芷商嶺遺  
碑吐碧霜隱現姓名傳震澤采薇何似采芝香

高峰寺度歲

軒離塵網叩松關終歲勞勞鬢已斑萬事過時俱  
是業一年今日始知閒爐存柏子消煙篆瓶插梅

花照雪顏佛座一燈相共守春風先覺到空山

懷煥公

欲叩荆扉意自慵秋雲貼地白重重山南松檜望  
不見夜靜月明聞打鐘

自靈巖至一雲塢

十里松篁五里茶柿黃榆赤見人家家家採石爲  
生計不惜芙蓉幾瓣花

春日梅友還山

知君久客郊湖涯昨日扁舟始返家問我春來幾

七十二峯

東山  
嚴氏合編

卷十三  
十六

場醉癡魂一月伴梅花

嚴允弘

允弘字任夫號邃涵少喪母遭掇蜂螫犬之譏瀕  
于死者數四其大父憐之令出居於外給以薄田  
二十畝爲饘粥膏火資得屏跡讀書補邑弟子員  
食餼有年菱田許氏延爲師許固富而好禮昆仲  
四五輩分宅而居皆延吳下名宿講貫爲制舉之  
文邃涵相與切磋深造有得棘闈卷凡三薦萬曆  
甲午擬元數奇不售因盡焚其稿縱游平康狂歌

痛飲或寄居蕭寺討論內典以消磨壯志著有花境寓言雲居澹言皆自爲序所遺詩古文辭數百篇門生鄭國隆序而梓之

包山鳴泉閣贈懷上人同俞仲茅葛茂甫震甫分得鳴字

化城流慧水峻閣映雕甍隱隱峰頭過冷冷竹裡行曹溪分脉絡靈鷲達澄泓益助空林寂能忘別澗鳴潮音真可並地簾覺茲呈蒼翠湍中落雲烟溜處迎燈懸垂倒影磬斷續幽聲得雨源逾急如雷聲

七十二峯

東山嚴氏合編

卷十三

十七

賸轟噴空山月動漱石夏寒生潛卧龍時醒飯依鳥不驚曇花資沫潤貝葉藉濡榮出定機同活談玄氣共清端倪探起伏元化證虛盈寄跡渾忘歲于泉永結盟

同馮太史開之遊翠峰次韻

霽松青夾道法雨淨諸天恪共雲心客來參雪竇禪禽聲春協律花色畫生烟掬得名泉飲形輕覺欲仙

有贈和馮太史韻

學得霓裳調尤工五十絃纖腰元是柳軟步自生蓮弱態樽前怯新愁指上傳曲終無限意寧獨主人憐

山居

花落知春去林深境自幽笋根穿戶內蟻路過牆頭藥炷時親理名山好卧遊暎來雲滿地雲上漫夷猶

新製看山服飄飄體骨便出門携白拂穿徑破青烟瓣落花流澗梢長竹礙天林間逢木客相話一

七十二峯

東山嚴氏合編

卷十三

十八

欣然

病卧筠公山房

一入青蓮宇相游謝五陵澗蹊花裏覓巖閣霽邊憑晨粥分僧鉢宵吟伴佛燈維摩容作弟却愧不能勝

小有天呈略上人

一閣如拳大因名小有天檐低雲裏嶂檻度樹頭泉主靜儒門觀無言吾道禪自來天上住分得誌公玄

法海山房寄許章甫

兩月違玄度幽蹤寄僻林  
薜門山靄戀苔逕雨蟲吟  
著作通禪理呬唔雜梵音  
敢云時命謬未減昔年心

法海山房有懷秀甫實甫伯仲

為有耽幽僻居從老衲分  
窓寒飛綠雪几淨戀香雲  
物外叅空教閒邊繹貝文  
獨嫌違二妙經月不相聞

同朱太史文寧宿包山寺

七十二峯

東山嚴氏合編

卷十三

十九

自是逃禪侶相過佛院深  
月窺千臘火花覆半堦陰  
說盡無生話惟餘不垢心  
焚香趺坐久蓮漏響清音

山房卧起

如年祇苑畫境遠斷塵譁  
竹榻慈雲出松關慧日斜  
砌翻書帶草池動水校花  
展卷憑芸几奚奴適理茶

過錦上人山房讀書

徑轉藏方丈幽深隔世紛  
竹搖牆上月花落砌邊

雲爐篆香侵墨經函借貯文端居無罣礙禪意自予分

文社集紫邏閣

大業相期十載功益資麗澤共磨礱過橋柳蔭曲溪碧隔岸鶯啼仙杏紅銀燭歌殘聲是雪青萍看處鰲生風醉來亦信逢明盛肯與途旁苦李同

承大鴻臚覺齋徐公見寄房師龍抑所先生薦余卷為易房之首副典試寅所周公宥定

元之目而正典試與龍先生不合竟置不收

七十二峯

東山嚴氏合編

卷十三

二十

感而有作

挾策觀光氣軼倫可堪蕉鹿事非真敢云白璧空投楚却笑烏裘已敝秦肯以遭迴天路意漫將搖落管城春樂行元是憂違者更待如師獻納臣

集施正甫園居限韻

荳花垂樹幕疎籬掩日團陰簷際移過雨蟬聯聲協調出峰雲影態增奇世途險仄何須問心境恬愉我自知漱石枕流堪閱歲功名不效五羊皮

書寄青樓

策馬平康別豔嬌，離愁酒滿豈能消。  
書憑青鳥雲端附，路入巫峰夢裏遙。  
深院花枝春黯黯，一池月色夜寥寥。  
可期桂子秋香候，得再登樓協鳳簫。

憶白下陳姬

樽酒河梁楊柳邊，馬頭長劍欲橫天。  
雨花掛日紅翻袖，桃葉浮烟翠潤鈿。  
尺素托魚雖不斷，高樓乘鳳是何年。  
文園博得風流恨，綠綺而今懶上絃。

秋夜訪徐姬於朱公子席上口占爲贈

桂花叢裏月爭光，乘月遙尋窈窕粧。  
自喜半生能

七十二峯

東山

嚴氏合編

卷十三

二十一

買笑豈辭一顧爲，憐香清樽倒影涵。  
金鳳明燭生花炫，錦裳刺史看來腸。  
欲斷多情誰不說，徐娘

夏日同源公過卧佛寺遇梵公

一峰萃律枕祇林，白苧翩翩物外尋。  
溪澗春雲秋易到，松楸夾道畫常陰。  
逢僧乍識渾如舊，證佛無言却會心。  
徑轉修篁臨碧雪，欲資慧水滌塵襟。

有碧雪泉色味俱佳

懷洞然上人

上人善醫工画

昔携書劍錦鳩東，澹月丰神喜見公。  
心斷去來超

劫外相無人，我礙空中楊枝妙法傳。  
天竺烟渚新圖罄，惠崇百尺竿頭猶可進。  
不知何以繼前功

送王百穀進香茅山

蒼翠輕沾兩袖芬，遙從靈閣禮茅君。  
歸來試探奚囊草，盡是華陽洞口雲。

春日南庵即事

讀倦拋書日欲曛，麴君桐友暫爲羣。  
敲門賈島來相訪，驚散花間一片雲。

月夜聞琴

七十二峯

東山

嚴氏合編

卷十三

二十二

誰抱桐君響碧蘿，花城月朗白雲和。  
聽來亦有高深意，不似雍門感慨多。

嚴兆名

先生字賓聞，世居寒山下。先君子受業師也，持躬端正而氣質溫醇。下帷攻苦，無間寒暑。康熙間有入貲爲博士弟子員之例，督學使者試士每縣額取四名，而以貲生足其額。吳中應童子試者，縣約一千餘人，而府取止限七十名。其倖而得者，而藉以牟利者，售之價可三十金。當是時，先生無

府名徬徨于館中夜不能寐先王父知之謂先生曰考試固無常第先生意中有操必得于四名中者吾當代爲之謀入試遂補吳庠生體素羸弱竟以攻苦致疾齋志以沒

元宵靜坐

戶外燈月輝夜遊良有以角觝戲魚龍胡為不樂只開卷娛我心九經廿一史得意在忘言蝨魚蝕故紙俛仰丈室間鸞飛魚躍水

嚴自成

七十二峯

西山

嚴氏合編

卷十三  
二十三

自成字爾初西山東灣人

陸伯相園亭

幽人抱玄覽結宇曠風塵道在元非病書多尚未貧月來池不夜花發圃長春試問愚公谷何如鄭子真

木賣夜泊

夙抱山棲癖茲憐水宿多雖嫌村市語亦愛榜人歌驟雨還明月微風復細波客愁難覓醉無奈夜涼何

陳眉公先生偕戴悟軒文學邱增城包省強兩孝廉過訪

久識才名並席珍華門何意枉車輪喜於山水能諧好愧乏文章可動人座上揮毫為橘賦燈前醺酒酌花神不知鴻漸丹霄後還憶山中舊隱淪

秋日送孝基遊虞山

爲訪名山賦遠行好從絕頂振衣輕江流北望元如壑海勢東來欲撼城百世並崇文學祀千秋猶式讓王名知君陟屺思親處遙見重湖素練明

七十二峯

西山

嚴氏合編

卷十三  
二十四

嚴、簡

簡字德偉號魯狂武山人

燕平雜詠

山城二月雪融勻微雨朝過浥細塵拂面始知風力軟舉眸漸覺柳容新久拋棋局銷爭劫兀坐佳牀學避人欲向東皇問消息九門今有幾分春城頭翠色藹龍從天壽屏開接太空戀岫嬾雲由去任受風鷓鴣任西東暖字楊柳隨心綠春透桃花著意紅故里湖山無限思不堪回首夕陽中

麥秋雨過曉寒輕  
搦卷披裘衆慮清  
學到會心皆實理  
論云齊物止虛名  
微吟細玩詩家画  
絕飲何興酒國兵  
昨夜故園曾入夢  
竹梅垂柳自菁菁

天空無際似波澄  
抱膝長吟看月升  
徑草久荒常作客  
顛毛今秃儼成僧  
慈烏棲穩一林靜  
布穀聲悲百感生  
熟讀離騷忘夜永  
呼童幾度剔殘燈  
綠陰多處晚風清  
科跣閒行聽鳥鳴  
天地悠然何物我  
身名飄忽等蓬萍  
世間有譽毀先伏  
心上無憂樂自生  
徙倚斜陽青嶂隔  
比鄰榴樹燦紅英

七十二峯  
足徵集

武山  
嚴氏合編

卷十三  
二十五

贈秦友蘓

江上風流舊著聲  
蛩然杖履過山城  
喜親珠玉常懸榻  
仲舉當年豈好名

嚴灘

灘字孝思嘗于舊京獲小玉章曰灘字子磯故又號焉書學章草詩宗葛震甫

燈下看菊

挈酒先尋菊持螯對素秋  
影燈過一寸臨畫得瓊鉤  
地僻人棲托波澄月拍浮  
欲賡張翰句長揖謝

風流

題葉君郁梅屏

山家梅樹藝成林  
何事君園幻作屏  
口角未聯詩五字  
枝頭已覺酒傾瓶  
平開雪嶺冰爲障  
薄染香垣玉作城  
只恐美人乘月去  
故將春色鎖銀屏

嚴樞

樞字緯仲縣諸生

立秋日聞蟬

七十二峯  
足徵集

武山  
嚴氏合編

卷十三  
二十六

炎颶飄樹響忽覺候遷流  
孤調人殊聽一聲山已秋  
鳴長如有寄飲淡更無求  
今日商音始感時因爾愁

七十二峯足徵集卷十四上

武峯吳定璋友篁



林屋蔡書升竹坪編訂

蔡羽

羽字九達生具穎資母吳夫人叅政天樂公之女  
學通經史九達方五歲口授以毛詩文選即記誦  
不遺十歲學為詩歌詞意警拔如老成人少長遠  
于易學為文法先秦兩漢其制義矩矱吳王每一  
篇出人爭傳為程式乃試於有司者閱四十年不

七十二峯  
足徵集

西山  
蔡氏合編

卷十四上

售其生徒多登仕籍嘉靖甲午以歲貢赴選天官  
卿知其名曰此吾少日所聞易蔡生耶薦授南京  
翰林院孔目居三年致仕歸卒於家錢虞山云九  
達早歲為詩微尚纖縟既而滌除靡曼一歸雅馴  
晚更沉着時出奇麗見者謂雖長吉不過則大悔  
恨曰吾詩求出魏晉今乃為李賀耶其高自位置  
不肯屈抑如此自號林屋山人又稱左虛子所著  
有林屋南館二集

采薇三章

采薇南山下忽憶千里人豈無臨岐言一別今幾  
春舊交容易新新交容易親緘書重複啟曲折情  
難陳勿陳逢彼怒人心不逮故願言秉子德千秋  
愛貞素

采薇北山巔遊子日已久不見的願高終辰抱箕  
箒隴水何年分白石何年朽嗟嗟紅顏子誰與共  
皓首皓首疇昔期人心不可知天地苟無變片言  
至死持

采采中阿薇終日不成束越鄉無的音日暮亂心

七十二峯  
足徵集

西山  
蔡氏合編

卷十四上

曲飢鳥啼我傍忽復止渠屋延佇惡晝長夢見惡  
夜促夢見猶平生人言詎可憑去服一何馨受言  
藏新滕

從軍三章

四牡何駢駢小戎花間出良人執弓矢不能顧家  
室楊園葉未黃是君發家日借問幾時歸長條易  
蕭瑟公孫好功名王事何時畢

青羗與白狄春戰常連秋黃雲失紫塞烽火暗隴  
頭一日如三月三月其奈愁鴻雁日南飛明月日

西流清光不可附帛書安可求

自君之出矣心亂首局曲不聞莎鷄聲忽又過秋  
菊織得數行書無由寄板屋十月露玉師誰着鐵  
衣宿迢迢玉門關不能送雙目

浣紗女

浣紗復浣紗紗水清見底水中芙蓉花常與妾為  
比妾願比花丹妾心比水寒風吹沙中浪花落霜  
漫漫羅帶雙鴛鴦結束玉臂單一心為寒衣行坐  
忘艱難

七十二峯  
足徵集

西山  
蔡氏合編

卷十四上  
三

華燈花初生

華燈花初生堂上酒新綠擊刀連環鳴轉柱悲絲  
促芙蓉開夜屏鴛鴦宿空穀携手千里人話言常  
不足

人日

人日春已深草甲未萌動吏舍人跡稀遙鐘遙相  
送炊釜潮溝水汲抱轆轤甕市趨午昏昏樵陟崖  
洞洞陰陽若相逾東風不解凍農舖在春田十室  
嗟九空張燕勿矜豪探赤云願衆婦嗟正月霜夫

征怨孫仲青羌為國讐豈適平陳宋炎涼不相謀  
聞之但悲痛陰坑幾百尺前徒整回轡稍待朝曦  
和卧聽時禽弄

講讀廳有感

當年開集賢非遠典章寄雖資勝國遺亦拔山林  
萃時叨雲臺議或較虎觀異流傳栢梁和奏草玉  
堂記含毫陸賈登待問枚馬至遭逢一時會千載  
良不易新都開天極文昌照幽冀玉館嚴故規瑣  
郎寄名位頗念講署槐曾連衆仙跂南北俱神京

七十二峯  
足徵集

西山  
蔡氏合編

卷十四上  
四

金陵寓樓有懷

今夜天正寒機杼殷不絕辛勤錦中字猶訴當年  
別哀鴻附冥漢潛頷泣元穴撫物情不平履霜心  
屢折杪歲客不還空然衣百結如何箕斗間三星  
轉明滅

皓魄盈中天松桂俱含淒江神弄水碧海岸啼天  
鷄絃促黃金屋妾怨白玉閨虞卿已失趙寧戚猶

戀齊朝驅畏太行夕靛憂盤溪豈為一囊粟與世  
聊滑稽

賦命難努力貧賤非空疎朝為梓人標夕作周廟  
璵朱顏朗高步黃髮日曳裾出處雖由天工拙取  
自予菊松老荒徑鷄犬守舊墟莫信關門人臨去  
猶著書

思田園 五首

南方樹藝早嘉蔬當及時王官鑿冰罷忽起田園  
思東郊織塋笠西郭編茅茨田家不辛苦衣食當

七十二峯  
足徵集

西山  
蔡氏合編

卷十四上  
五

待誰曳裾京華塵徒自簞四支三江綠烟起何日

竹杖藜

園田二三月不盡花枝烟青村對鳴鳩茅屋下寒  
泉蒸茶復刈麦俱及穀雨前盈盈斯蠶股采采桑  
桑錢巖居遠朝列雲卧隔市塵邇來多行役裘敝  
不得旋

旅徒何囂囂頻年棄墳墓秋邁望春歸冬盡悲秋  
度三見王官麥長吟白亭樹青青巖上條已蔽巖  
前路俛俛東遊子何時復西顧秋霜落明鏡朱顏

不逮故

卮酒臨高閣日暮多風塵仰見吳門月不見吳門  
人他鄉促新節異俗為相親飛鳥戀故園遊魚知  
舊津悠悠長途子不愧羽與鱗西風觸琴瑟絃急  
多悲辛

青青瓊樹枝歲晚今幾叢轉轉孤生蓬託根霜與  
風元冬畏羈旅行者憂路窮兩情難強言對面味  
不同履此節序改念我桑梓中言旋逮未冰焉可  
候春鴻

七十二峯  
足徵集

西山  
蔡氏合編

卷十四上  
六

秋日山中

蒼山抱江長秋氣日夕清古閣浮空濛猿嘯陰風  
生石房俱玲瓏出入烟霧輕花從潭心發松向琴  
中鳴林開樂遊苑日落白下城有約暮不來眺望  
傷我情

閒居

言征南山阿顧念北山麓南山可采蘭北山有綠  
竹鷓鴣既和鳴佳氣復郁郁斗酒勿愆期美人溫  
如玉朝遊夕告歸風光一何促良會難具言與子

坐明燭

顧盼屬曾阿蘭林亦頽頽柔柔方遠揚芳草忽已  
歇驅車問東川川長不能涉冥寂山林路朝市何  
曠絕渺渺四牡塵杳杳鑾輅音音塵難想像日暮  
愁予心

初見蓮葉圓又逢荷芰香花開望美人花落天轉  
長蕙葭歛夕暉野亭餘晚芳燭滅青螢流月出白  
羽涼佳期多契濶良會生悽愴屬酒不能飲迴風  
牽素裳

七十二峯  
足徵集

西山  
蔡氏合編

卷十四上  
七

燃燭復陳絲玄夜何耿耿夜玄曲復長座上生悲  
梗轉聽蟋蟀興起盼河漢冷萬物更代謝四運電  
流景素女虛懷春烈士嗟漂井握手不見知勿訝  
高堂迥

入踐墟井深出畏霜露薄北風迴璿臺衆籟生哀  
壑懍懍寒士悵英英雪交落耕田不謀富卜隣莫  
相託豈慕踰垣高恒慮出門錯出門一何遲冬陰  
待朝曝

放舟城隅遂遠西山

朝程發東隅秋思結西麓親密示歎期仰望未能  
速微繞沂蘭沚肩輿卧林木屨巖多峭奔踰嶺曠  
平陸卑谷興陰霞高花散微燠連嶠鹿方車對  
鳥分竹久即予誠懼謀歸生煩惱契遠獲真境寡  
愛形不戮

雪後南泛宿潘氏

黃蘆蕭蕭寒草短日光白有客弄烟綺獨掛滄江  
席起披楞伽雪忽見茶磨脊蓬萊白銀宮宛轉在  
几格天華動物表霽色澄川陌鶴立千年松練掛  
一片石古厓屏風青冰壺金鯉赤鷄鳴楓樹林馬  
度梅花驛茫茫五湖間未見范蠡宅悲歌對尊酒  
浮生苦行役

贈華子中甫

愛我岩下雲且避秋陽赤潭空天鏡寒風過蕙光  
碧松竹長遮天相逢但掛幘山曛猿欲啼為子掃  
片石

吳東礪品悟道泉

青霞翳沓嶂綠竹迷重關豈知天竅靈千古封潺

七十二峯  
足徵集

西山  
蔡氏合編

卷十四上  
八

溪取供學佛人一飲通聖頑吳公吾舅氏心與泉  
石間品水得方法勝事傳人間白鹿一朝去妙韻  
不可攀至今蒼巖下殷齒生苔斑松杉揜寒磳唯  
有雲月還阿戎亦佳士吟咏興不慳欲覓舊茶竈  
同子卧東山

秋泉

予愛秋泉清况傍岩花滴魚遊日光中倒見潭上  
壁安得無機人同坐相浣滌白朮朝露香紫芝秋  
霞熟石上瓊瑤花采采不盈掬道人閉石門悠然

七十二峯  
足徵集

西山  
蔡氏合編

卷十四上  
九

在深竹

江上晚來山

江上晚來山宛似五湖綠我行霜尚繁已聽鶯出  
谷三歲桃李花天涯一何促非乏筇篻教不解秦  
人曲長裾畏風塵握粟厭童僕攜手會稽雲扁舟  
未為速

朝陽

夜戶集虫聲朝曦布林影登高伐叢漆乘涼出墟  
井雲端開丹笈松下羃金鼎寒士無相猜熱客不

吾省遐宇流絕輝千巖結晝暝緩頰松綺閒無心  
念朝請

秋日

偃息踰歲時登高感搖落車來不除棘鳥鳴自巢  
閣形迹不見妨漁樵隱相托顧念蓬何生終俾石  
為錯虛心日無怒物至自成樂懸梯覓霞構乘涼  
陟蘭薄宛轉思公子溥溥桂方灼

遊子

欲陳君未喻柰此繞樹烏天涼白日匿霜落黃草

七十二峯  
足徵集

西山  
蔡氏合編

卷十四上  
十

枯哀商座中激急切傾名都呂望未遑周百里長  
虞虞草草羈旅間空自懷區區捫蝨上東門未敢  
論賢愚

錢孔周席上話文衡山王履吉金元賓

契濶多憂思歡然集桑梓執手話離別別離何年  
始校書石渠閣反顧若脫屣繫馬親昵門合尊城  
東里欸曲輸素懷次第問髮齒錦瑟未及彈怨歌  
中觴起怨歌何所陳怨此夢寐人出門即天涯恍  
惚難相親

徙幕府同仲先

府邸開平臺松軒轉萋綠四術多朱光閒房靜相  
屬余業倏朝依子懷喜夕焦深居若無人閱暑不  
知酷晚葵數餘霞新蓮摘青玉風清客襟開月來  
琴柱促寂寂方丈間超然出塵俗長令形迹忘奚  
用事溪谷

別甘泉老先生

皎皎萬古月寶景無盈虧不掃青天靈晦盲將待  
誰天人豈二心名教自昔垂我公挺完秀崛起持

七十二峯  
足徵集

西山  
蔡氏合編

卷十四上  
十一

網維憫世方惻惻錫類恒熹熹物我本一同同歸  
復何疑戚戚復欣欣春至草木知彼衆嗟已惑詆  
毀庸何為蕩蕩光明途反背求捷歧繁繁甫田穀  
顧矜稗利飢甕底醢鷄天嗤笑鷄鷺卑天啟誰能  
廢水歸非力追嗟予放失久日暮返顧遲宮牆一  
何高宗廟未易窺南山有墓田跪陳離別辭道駕  
諭南指歲月雲嶠期

寶劍歌

寶劍在匣光不滅銀花皎皎繡成雪有時長鳴思

飲血逾千年兮刀不缺五霸更盟七雄裂功名從

前不可說斌媚尊前借一斛醉中鳴鳴口堪呖揮

落動日月殺價傾名都龍額豹尾黃金塗精飛淚

泣照珊瑚秋霜未落寒影寂神鐔一奮壯士呼抹

流電瞬離朱星光九點湛明珠左提右挈誰與俱

騰江湖紫牛斗行逢漢天子千載一驤首銜靈覲

龍光上賜紫綵綬穿青雲兮入九重頓挫乃在萬

乘手際遇亮匪易酬恩報主身何有戮鯨鯢兮跨

八極揮指胡粵妖殺息崇平洛晏野無棘尉陀綏

七十二峯  
足徵集

西山  
蔡氏合編

卷十四上  
十二

綏單于折翼萬乘高拱永無慝歸來奏未央功成  
不受職願令四海常晏清清廟丹書勒功德

長門歌

夜何長兮日何短月過秋兮恒不滿車轉轉兮西  
復東耿余心兮誰致欸金屋兮餘輝象牀兮故衣  
非朱顏之易凋奈君志兮早遠故羅幃兮鬱子香  
倘夢寐之來歸彼金石兮能通何迢迢於帝扉

龍江歌

江蓮影落空寒碧江雲掩冉江邊驛對浴沙中鷺

驚白飛來菱葉蜻蜓赤龍江八月潮正高我看潮  
生坐江石石城官柳猶青春來秋去何時停酒  
邊山色朝朝綠愁中羌笛難為聽星亂落霜如雪  
明河猶掛黃金闕起來彈劍歌一闋懷佳人兮隔  
洞庭桂子芳兮吾渡浙白雲紅葉相滅明長江秋  
霧連東溟座上偏多離別鼓

尊中有明月歌

尊中有明月琴上有素絃美人能彈客能飲玉壺

正傍花枝邊皓齒對嬋娟清輝相共憐紅顏笑桃

七十二峯  
足徵集

西山  
蔡氏合編

卷十四上  
十三

李獨立無比妍月不常圓花易落蛾眉却怕秋霜

薄良會難須行樂為君高歌勸君酌酌未終歌轉

哀金壺銀箭急相催春光今夕爭時刻傾盡車渠

三百杯

相思行

相逢何日短相別何日長夢見不得親恍惚生凄

涼香囊舊綰同心結玉匣曾留明月璫明月照繡

房香囊繫肘後當時長生酒年年同君壽天地本

無變人心不逮舊秋風吹落瓊瑤花錦衾歲歲遺

天涯寄書日費三青鳥候望虛乘白鼻騮金鋪夜  
夜鳴彩雲朝朝起忽上南山顛還憑北窓几瀟湘  
雖渺茫只隔一江水東園連理木同枯復同綠西  
園比翼鳥同飛復同宿同飛同宿物長情却怪人  
生離別輕黃金不為難口血豈容易鬼神聞子言  
金石知我意為子寤寐求白首勿相棄相思如環  
無盡頭進君萱草誓忘憂恩怨難明得自由

採桑篇

朝採桑夕採桑長安春盡烟草長釵頭網虫結鳳

七十二峯  
足徵集

西山  
蔡氏合編

卷十四上  
十四

皇朝來暮去不滿筐不滿筐多縈牽誤折合歡枝

青青雙可憐踟躕未能去黃鳥鳴枝巔鳥鳴轉悽

惻玉腕雙無力紅塵綠纈暗天涯舉頭日暮空太

息本擬春蚕繭成疋縫衣寄與隴頭客綠錢連樹

無心採暗滴臙脂浣裙碧浣裙碧臙脂銷愁心欲

寄路轉遙蒼苔晚來濕羅襪東風暗損羅敷嬌嬌

易損恨難酬千絲萬繭徒綢繆夫君若識金閨意

不使佳人空白頭

蛺蝶篇

西園蝶叢叢映花葉十五佳人二八妾鴛鴦帶長  
芳草貼妾面如花少輕捷粉蝶紛紛上眉頰長安  
踏青天氣和千叢萬叢情緒多蹴得遊絲落釵翠  
牽來草露沾衣羅游絲亂草露長美人欲行空斷  
腸綠潭紫礪迴花房銀錢瑣碎雜柘黃飛入桃李  
花落地亦成香花落留臘脂蝶香無斷時相邀入  
羅扇起舞頻蛾眉蛾眉轉低草轉碧日暮江天欲  
何適梁園應有未歸人章臺豈少思家客思家未  
歸春已殘悠悠蛺蝶空合歡芳草年年成永嘆

七十二舉  
足徵集

西山  
蔡氏合編

卷十四上  
十五

郭索篇

江稻初黃五湖白鱸魚作風霜滿天吳淞江頭晚  
潮落郭索公子來翩翩戈矛森森鰲足軒背負元  
甲能橫牽吳人啖之不論錢瓊膏玉髓宜烹煎香  
橙作羹蓴作羹橫斜錦席相勾連金筐未啟先垂  
涎象箸急蒙臍峰堅玉壺相映傾紅蓮山人綠髮  
俱垂肩湖鄉無事茅屋暖今歲仍逢大有年杖頭  
縣得看花錢醉後橫眠桑柘田郭索郭索與爾長  
相結每舉一斗贈爾風騷篇

嬈好曲

班姬著搗素漢女無比才容華冠後宮花月還羞  
猜君寵重妾心疑恩中隱怨不可知陽阿一旦進  
美人構嫌造詛生分離舊花落新花開昭陽歌舞  
弦如雷龍顏夜醉晝不回西宮寂寂封青苔莫怨  
團扇影秋風不懷故物總淒涼霜侵玉階樹唯  
有窈窕篇千秋照貞素

蟋蟀篇

露蟬盡抱枝頭枯黃葉已逐秋風去空山夜靜深

七十二舉  
足徵集

西山  
蔡氏合編

卷十四上  
十六

閉門何事啾啾達霜曙候蟲變時序更江湖催促  
遊子情戶之樞牀之足愁人不寐起秉燭十月未  
授衣九月未築場歲寒始怪農家忙嘻嘻夏屋爾  
何為欲祭先農無酒漿一粒須辛苦萬鍾戒怠荒  
聽我蟋蟀歌瞿瞿無太康

鞦韆怨

丹楯朱干傍花砌青絲流蘇兩頭繫蒲萄結束相  
思帶玉釵雙挽盤龍髻對對來尋花下繩雙雙去  
作雲間戲難銷寂寂玉樓情可惜青青芳草地玉

樓易斷腸芳草令心亂空上秋千架春愁未曾斷

### 陰山風高

陰山風高馬毛縮沙場草枯無首藉單于射雪蒙  
繆胡穹廬夜炙熊羆肉樓煩將軍來歟邊雲中萬  
騎俱爭光漢家飛將鉞禦鉞斬得月氏頭血鮮陣  
雲蒼蒼暗紫塞長城殺氣連狼烟朔方孤兒不畏  
死死中求生報天子髑髏如柴身捷輕瀚海北去  
屠龍城歸來不愛黃金印但愛麒麟閣上名

### 覆舟山臨望

七十二峯

西山  
蔡氏合編

卷十四上  
十七

覆舟山頭霽景明長松落落崖石平迴巒秀嶺低  
復昂傳聞此地為臺城南望建章宮佳氣何鬱葱  
秦淮樹中流遙與宮門通城中萬井如碁畫楊柳  
烟中分紫陌內園蘭桂浮溫香咸里池臺蕩朱碧  
鳳凰樓閣無處尋臨春結綺作梵林樽前却是樂  
遊苑市朝更改成古今登臨易頭白啣盃落紅日  
迴望北湖烟蟬鳴樹蕭瑟秋波慘淡荷菱花玉鳬  
錦鷄踏浪霞西曹已鳴馬東署復報衙冥冥壺底  
月寂寂城頭鴉停琴送盡飛鴻影引領天邊不見

家

### 桑乾河

桑乾八月寒胡中射生早彎弧決封牛群氏醉眠  
草白登山頭熊夜啾胡人火獵無時休并州小兒  
慣廝殺夜半竊得丁零頭左手接飛鳶右手挾雙  
矛馬上吹胡笳揚鞭入朔 婁姚帳前交首級但  
問幾級能封侯吁嗟死士在邊不用憂

### 東昌郡光祿樓

七十二峯

西山  
蔡氏合編

卷十四上  
十八

博州城高日未落城中巍巍千尺閣南瞰黃河北  
眺燕百川羅絡臨中原風烟頃刻生杯酒登臨令  
我心茫然手中雌雄劍隨行二千里踟躕古今事  
欲舞客不喜秦雲忽然低岱宗參差起平望箕斗  
間好與牽牛語魯連下聊城千秋仰名義高臺尚  
青青未識射書地鄆州節度何不臣銀槍效節空  
危身聖明一統無戰爭綠河輓粟舟鱗鱗滅門不  
用玄甲守河邊古戍花萼秦馬馳匝匝嘶入雲烏  
穿簾箔啼向人芙蓉屏開宿翡翠沉香火底薰麒  
麟昇平自古變繁華青樓大道歌殺新臨觴欲飲

天色晚層闌佇立傷吾神

### 虎山橋

初出山腹中復見水行處透遲得平墟蒼茫急回  
顧山梁不為高延攬自成趣風條薄林翠珍木接  
葉香前葩未及瘁後萼重競芳朝遊屐過生霞石  
夜宿曾投松柏房從來不識銅坑面今日青青落  
吾掌上崦何明媚下崦亦清朗楊花飛飛青錦陂  
荇葉差差木蘭槳前帆滅後榜興長川引領雲憑  
憑游絲起暖氣昏須臾不見西華村東風吹亂鷗

七十二峯

西山  
蔡氏合編

卷十四上  
十九

鴻群水西顏色何紛紛繫馬荒祠忘夕曛

### 花村草堂歌寄李子原承

新河渺渺楓橋浦百花叢中有香土書生卜館面  
西山十里青溪抱東戶青溪抱東戶水鳥群無數  
前朝勝景開華洲今代書聲續芳杜南峰高北峰  
俯日日飛雲望窓廡上沙水下沙水翠波粼粼織  
成組我昔投宿堂背樓前村夜過清明雨千巖發  
彩流朝霞茂苑騰光盪碧宇櫻筍烟籠文藻軒  
鵲岸送樓船鼓飛梁畫檻盤彩虹菡萏湖邊女

艣宵長忽遞寒山鐘月是猶揮石床塵十年不上  
李子堂金陵城邊話江許徒令風景形夢寐何由  
復作花前舞題詩先寄花村主

### 贈沈博士春波

涼風颼颼初落木休文乘秋入林屋看月同登蔣  
濟樓採藥遙尋子真谷余家茅門宿荒草竹下開  
窓通白鳥秋眠推枕日高春時撫闌干坐木杪沈  
君過我不厭寒問我著書完未完寫經欲就松間  
露探老猶疑甕底丹君言山高水長重複重應有

七十二峯

西山  
蔡氏合編

卷十四上  
二十

奇物生其中文章渾厚得元氣千古不朽必此翁  
多君愛我謬見推顧我不足為君知角皓曾煩漢  
廷詔劉根枉致人間疑坐君且對橋邊酒來日山  
中九月九白雲本是予家物青芝匝地非君有送  
君乘風返不見書畫船但見虹霓貫牛斗

### 越來溪

越來溪光常浥浥遠接吳江混寒碧暝鐘未起秋  
霞飛坐眺無如茶磨石越來溪上多遊人香車寶  
轡俱生塵桃花妬紅芳草綠三月來尋曲江曲春

花秋月無盡頭朝來暮往何時休吳越館今何在蒼烟碧石俱含愁我來八月露氣涼常從雲端開竹房溪山一卧便十日形骸爾我渾相忘沙明鳥白柰不得况是長橋菰米香

姑蘇臺

夜有吳題月朝有出棟雲高臺佇歌舞羅綺何紛紛吳月常從越山起越花却種吳宮裡眼前不盡西子歡安用窮觀三百里興亡不自由春草生銅溝惟有橫山色空帶蛾眉羞香魂想像朝雲廟綠七十二峯

西山

蔡氏合編

卷十四上

二十一

足徵集

泥繡斷金燕頭朝雲滅金雁冷夕陽滿地青楓影

樂遊苑

春河流春草生昔人歌舞今人耕鍾山紫氣日夕來金城十里飛華英水近溫泉殿園香貫赤驂樹染北湖烟寒碧浮山川瑤池正在鳬雁中阿房閣道生青楓尚留一水折田間曲江想像無花紅拾得古釵頭田夫不能識豈知石上斑元是鉛華色臨春寂寞香霧收景陽月色空生愁金陵王氣無消歇丹陽翻作神皇州市朝多改易輦道生荆棘

瞻望青雲中勾陳連太極野雉凌上飛鴛鴦出蒲間蓬生狹斜中日暮車不還車不還其奈何西園遊子傷心多

清涼臺

清涼寺裡清涼臺交巖互磴青崔嵬楊子江邊白鷺洲白雲紅葉長悠悠都門蓮已落蟬聲滿城郭躋眺升霞端乾坤忽開拓霸陵黃屋翔青雲鍾山紫氣何紛紛秦淮水接建章宮銅溝亦與寒潮通層樓累閣分朱邸主第侯家相對起瓊臺砌斷金

七十二峯

西山

蔡氏合編

卷十四上

二十二

足徵集

沙路鞦韆亦在青槐裡翡翠常啣蘇合香鴛鴦只浴膳脂水繁華轉傷心今古多升沉六代既冥漠南唐亦安尋水晶宮殿野棠開千門萬戶生秋陰四望何茫然忽建城頭羽帆從采石來烟分歷陽樹遙川動霽景碧草滅江渡啣杯不盡江南情與君仗劍歌昇平日暮關門一鴈橫

桃花駿

桃花駿馬白玉蹄金羈絡腦無人騎綠駢瀟灑鷁臆長金瞳箭耳骨月奇背負柘黃羅牽過麒麟殿

流蘇動連錢高覆奚官面紫光燦燦照林木龍影  
時時驚水族苑中何事獨優閒曾有奇功在簡竹  
騰天門步月窟一日萬里蹄不蹶絕崑崙破突厥  
口啣可汗頭來朝建章闕天王為舉萬年卮清涼  
殿前賜湯秣朔方無事邊草青為留龍種閒天庭  
十年對仗勞畫工臘脂用盡難圖形世乏九方臯  
老馬不可輕為君歌此駿轉奏明堂和九成無令  
大宛獨擅名

祥公話目山

七十二峯

足徵集  
西山  
蔡氏合編

卷十四上  
二十三

山僧荷衲眉滴青蒼藤卓地鉛作殺芒鞋踏遍天  
邊山白雲擔出人間輕自言尋師一百日月蹬霄  
梯盡歷越路窮不聞啼鳥散側身曾穿虎豹窟天  
目高山何處起脚繞臨安五百里諸天鐘磬虛無  
中秋霞冬雪迷禪宮朝箱忽自淵底來夜燈却在  
空中紅風高六月冰不解胡孫啾啾崖谷晦春無  
桃李秋無菊惟見天花發光彩我思越中多異峰  
擬折天姥青芙蓉錢塘隘海天目聳聞渠一話心  
憧憧他年借得飛龍杖還覓支公食雪松

七十二峰足徵集卷十四下

武峰吳定璋友篁菴錄

林屋蔡書雲墨濤編訂

蔡羽

感事二首

青山亂黃葉把酒對霜空沙鳥飛轉白礪花寒自  
紅索居絃不語引領意無窮忽報宣房役猶驚日  
暮鴻

夢見人何近邀尋路轉遐座中花易老江上笛堪

七十二峯

足徵集  
西山  
蔡氏合編

卷十四下  
一

嗟蟲聞真無為蟬鳴忽自譁孤筇今夕醉吟興到  
天涯

宿治平僧房

古寺雲依靜澄潭夕話長露隨花墮鳥竹與月歸  
房懺悔知前誤恬愉喜夢涼哀鐘催棹發卧涉樹  
蒼蒼

人日玄秀樓

一杯聊自愛萬物總欣然獨坐山花笑閒飛沙鳥  
圓短筇雲不碍長笛月無邊無客題詩寄孤吟湖

上天

曉起

竹色衣全綠林光露未晞  
隴猿催夢曉塞月墮烟  
微別恨琴中語流年客裡歸  
悠悠花上蝶偏作合歡飛

諸友泛舟石湖還次治平

水氣連山靄晨遊夕未窮  
烟中懸磬暝天畔躡雲  
空新月在潭底百花燃鏡中  
竹房禪榻隱處愛愛

山翁

七十二峯  
足徵集

西山  
蔡氏合編

卷十四下  
二

新秋

黍稷方華候梧桐乍落時  
坐看青草變卧有碧霞  
思螢疾經樓數蟬涼抱露  
悲清商般已發石畔理  
朱絲

閭門城樓

吳苑已多樹高臺聞急砧  
千秋開國意落日一登  
臨南去帆烟亂西來秀色深  
不須孤角起把酒思  
難禁

春館

青綺門前柳朝朝變鳥音遊車自昏旦  
霧館雜風陰草際天難到霞端澗可尋  
陽春在古瑟未易寫孤襟

月二首

半壁初啣嶠新輪忽滿光  
兔流寒殿影桂落禁林  
香扇底青娥怨歌中白苧涼  
思鄉茂陵客為爾久  
停觴

入簾猶寂寂度柳故低低  
輪滑水欲滴鏡明心不  
迷花開鳳苑北人在玉門西  
萬里遙相望其如猿

七十二峯  
足徵集

西山  
蔡氏合編

卷十四下  
三

夜啼

虎邱山房

去滌厓端若無如竹裡人  
妙尋身外境暫浣目中  
塵好樹偏臨水餘花似逗  
春風烟步步足欲別轉  
逡巡

燈夕湯子重席上

美景忘遊晏珠燈多夜光  
春城繡戶月羅幃盡橋  
霜鳴馬客先發誰家懽未央  
吳宮星未落醉裡笛  
殺長

西虹橋

引領烟無際憑虛念自深雲回滿川雁秋起一城  
砧颯颯閣侵暮纖纖月上林扁舟從此逝把酒不  
堪禁

林職方志道見招

已報烽塵息長懸林壑情朝來紅葉動琴傍碧岵  
行秋朗知懷濶人高覺勢輕如何安石倦連月若  
籌兵

灣口

七十二峯  
足徵集

西山  
蔡氏合編

卷十四下  
四

鴻來感秋節雲白認吾家山翠深藏閣蘋香好浣  
紗廢興三寸舌今古一籬花吾友如相問西湖路  
不差

春陰

春陰三十日愛爾晚晴宜月閣水南嶠花明潭上  
枝得來魚尚活分付酒行遲山路村村穩何妨倒  
接籬

齊南書懷

鶯啼魯岬柳雁發高平花鼓促城頭日河流天際

霞來乘春漲穩去傍酒旂斜宛似江南景行人正  
憶家

雞犬村頻到關山路總新城春鶯送客溪晚月留  
人倦矣衣成結悠然酒獨親風烟天際濶吟吳紫  
綸巾

王中書少溪第觀雪

朔風三十日瓊樹再開花玉塞環天邑金門積素  
華醉駝官舍馬暖戀酒壚霞不盡王猷興狂歌筆  
陣斜

七十二峯  
足徵集

西山  
蔡氏合編

卷十四下  
五

齋宿

驛使催乾鵲齋居廢曉眠霜籠官道月木翠故宮  
烟朱邸聞鷄早銀潢渡馬堅天河光未滅正掛玉  
樓前

公事後禁門

碧霄疑金瓦滄波到玉津蓬萊雲靉靆玄圃石嶙  
峴內祝開香殿天花捧御真聖宮太皇業溫樹萬  
年春

毛督經浣亭官舍芍藥

畫靜綠陰匝微風滿院芬紅蘭昨夜雨碧館見朝  
雲春杳鳥多怨暖多花易醺酒煩紫絲帳遮護到  
斜暉

寄黃達卿

桂子饒香吹蘭叢被綠津朦朧隔水月想像倚樓  
人葉下石城急花開筆管新投書連夜發早慰白  
頭親

秋日

楓疏映天遠草蔓護門深砌亦朱華冒簾常綠蘚

七十二峯

西山

蔡氏合編

卷十四下

足徵集  
侵園香三夜兩雁過一城砧已畏洞庭晚休添楚  
客吟

秋懷

鴻雁書來潤蕙葭路去長空懸秋帳月却慘石城  
霜天遠楓逾紫江深菊故黃綠知彭澤酒不逮向  
平莊

天筆軒成

涉已秋濤濶巢因舊谷深試投竿百尺真見橘千  
林竹晚開荒圃天寬縱野禽青山虛戶牖難了著

經心

防秋三首

小種時傳箭龍沙戍未歸塞雲懸武帳漢月照金  
微猿臂能連射烏群屢冒圍驛書頻獻捷萬乘正  
宵衣

降王千帳入一夜過平城角斷仇池月弓膠細柳  
營將軍休蹋鞠幕府早交兵益澤西邊國齊呼萬  
歲殺

猶聞胡夜獵漸近白龍堆昆莫新開府單于舊築

七十二峯

西山

蔡氏合編

卷十四下

足徵集  
臺戍樓三月火塞曲萬人哀馬上蒲萄酒遙從葱  
嶺來

惠山酌泉

煙靄晴猶重空門路費尋蔽虧乘翠木宛轉向雲  
林世有煎茶法人無飲水心清風激修竹山古得  
餘音

經主第二首

草入行宮綠花開舊館紅金枝香漸遠玉輦恨無  
窮礪已無脂到山猶妬黛工叢叢原上蝶留客立

東風

古碧蒼苔斷寒渠碧瓦深燕頭猶掠鏡草纈尚同  
心有井分宮路無塵接禁林百年恩澤盡惆悵沁  
園陰

吳子子嘉携酒至

芙蓉綠新圓芳草未全歇園香過玉壺山光下金  
闕風生檻外蘋杯到天心月話長尼客歸不畏蒼  
苔滑

贈金子坤

七十二事

西山  
蔡氏合編

卷十四下

別子蘭蛻花相逢竹生籜閒門風自開虛徑雲常  
鑰已煩揮塵談未悵聽猿酌為掃南山石秋眠看  
泉落

京邸

款款白雲秋睡足萋萋碧草夕空長窓間殘果啣  
鸚鵡花下繁弦切鳳皇送客常憐白門月著書難  
奈茂陵霜丹楓日日催歸思聞道蓴絲早更香

春夜別友人

晚山橫酒馬蹄輕寂寂都門獨聽鶯閣上花枝驚

夢短雨中春草伴愁生江窮吳楚東流壯曲盡巴  
渝雙燭明不是新年無柳折長條留取繫離情

見杏花懷吳下門生

偶拈如意話天涯不道春風到杏花朝雨似迎新  
燕子江村稀見野人家忙中寒食三年客雪後音  
書兩鬢華豈是草玄耽寂寞欲將文字問侯芭

別恨

天涯鴻雁到江樓樓下清江日夜流宮漏侵陵白  
髮曉風花分散玉京秋黃河欲凍公猶渡紅葉無

七十二事

西山  
蔡氏合編

卷十四下

多客暫留最是朝霞滿明鏡終南不見兩眉修

石城曉行

白鳥依依朝不散蘋花渺渺水何長山頭隱見盧  
龍觀江上空聞朱雀航客發獨憐尊有月秋高其  
柰劒飛霜關門令尹如相識應笑長裾歲歲忙

春日溪上

開門忽報春鴻去夜雨初聞百谷香月影伴人寒  
不厭花枝到酒老難忘靜中蘋藻知魚樂幽處房  
櫳覺晝長正是車塵飛不到但聽漁父答滄浪

上巳寄文子徵仲

楊柳成絲二月殘  
闌間城外路漫漫  
空餘夜月琴中語  
添得年華鏡裡看  
送客汀洲蘆笋綠  
倚樓風雨杏花寒  
故人東閣多情思  
獨咏蘭亭興未闌

邀太原公看牡丹

子真谷口任逢迎  
無意緣知宰相情  
江表從來擅佳麗  
海隅猶自樂昇平  
霏霏岩霧青泥滑  
款款春雲紫旆輕  
韶舞已陳夔稷暇  
洛陽原上看花行

大駕北還

七十二峯

西山  
蔡氏合編

卷十四下  
十

鑾輿北渡五雲移  
親聽饒歌海上吹  
黃道香風鳴寶鉸  
翠華秋日到瑤池  
千官喜得金門詔  
南國新傳赤雁詩  
六郡良家齊解甲  
騶虞旗卷犒王師

寄黃督經

吳門送別汀洲雪  
天上誰乘八月槎  
太守古來兼將略  
參軍今日重詩家  
涼風細動楸梧影  
秋水初搖蘋藻花  
遙想太平閒甲仗  
亞夫營裡幾聲笳

客談西帥梁鎮累捷成功喜飲

雲中紅葉懸梨栗  
河北黃鷄滿稻田  
西將已收青

海箭長城不動紫  
旄烟百年俎豆與  
周禮九奏簫韶樂  
舜弦白髮喜來提  
劒舞風吹天漏夜  
尊前

逢陸諫議浚明

陸子騎驢白門晚  
垂鞭花下一相逢  
碧山自得春遊趣  
黃鳥休疑野客蹤  
枕上海濤經幾宿  
雲中湯谷阻千峰  
長楊掃地奈欲發  
明日吟筇何處從

秋日

清秋山色淨簾櫳  
八月芙蓉滿鏡中  
醉任隴雲連海綠  
愁禁楓葉接天紅  
養魚好伴鴟夷子  
飲水無

七十二峯

西山  
蔡氏合編

卷十四下  
十一

如桑苧翁江上美人期不到  
吹簫獨自向虛空

春日思家

經旬不出畏春泥  
狼籍風光上苑西  
江柳初搖客未發  
山花欲落鳥頻啼  
故鄉頭緒愁中草  
野寺棲遲石上梯  
暮色蒼然人倚閣  
秣陵東去白雲低

靜海寺佛閣

夜宿猶依白鷺洲  
朝遊忽到古城頭  
江聲不為人停  
山色常含往代愁  
葉下碧欄蕭寺晚  
馬嘶紅苑北門秋  
風流總是周南客  
看海啣杯一倚樓

清明日張月鹿至

鷄聲東傍禁城隅官舍青青繫白駒上苑花枝淹  
舊雨御溝楊柳發前湖風光未判春多少弦管難  
明恨有無綠草漸高隄漸沒憑君推牖看鷗鳬

館中冬夜

燈火青青閉草堂茶烟猶自攪爐香寒宵不盡官  
城葉月色偏兼客館霜近闕木魚傳警切高樓銀  
箭滴愁長公車射覆虛遲晚方朔何須粟半囊

春去

七十二峯

西山  
蔡氏合編

卷十四下  
十二

萍藻經春高石床水亭終日柳花香坐忘屋裡青  
山近卧起天涯綠草長楚國登樓空作賦梁園啼  
鳥苦思鄉東欄芍藥三年別誰護西湖夜雨狂

冬日寄諸昆

理書烘日映窗紗雁字橫空忽又斜海上碧桃逢  
雪采江南蘆橋遍村花湖鄉晚喜銀魚賤霜閣朝  
留紅葉遮臘近家家炊麴米何人騎馬獨天涯

懷舍中牡丹

輕薄東風燕子斜長安有客未還家燒燈不是春

山夜對月虛懷舊館花卧處小屏霞寂寞夢中芳

草蝶誼譁天涯物候關情極乘興思浮碧海槎

期王子履吉看花不至

春星浮動闔閭城此夜憑闌為友生嘉樹月來香  
氣足草堂風靜玉琴鳴未嫌國色人難品卻怪山  
陰客不行會合難期江海濶年年芳草管閒情

人日山樓

青錦屏風石倒縣石上朝朝生紫烟午時閣暝開  
蟾翠正月山深發澗泉梅花半白情未已沙鷗欲

七十二峯

西山  
蔡氏合編

卷十四下  
十三

去心茫然晴波渺渺三萬頃何處飛霞來酒邊

早春

清江宛轉映村行笑指群峰看雪晴野籜製冠雲  
水淨山花浸酒烟霞明天涯已動碧草色谷口初  
聞黃鳥鼓湖北故人相見少晚來空憶闔閭城  
上日風清烟靄收長洲新水綠悠悠春回樹色流  
鶯亂寒入花枝翡翠愁吳地月明人倚棹江村笛  
好晚登樓歸鴻不待天涯暖早折紅梅寄隴頭

東府旅次

有客白馬來高林  
碧雨歇湖上石樓開  
忽見山吐月  
海霞初歛夕  
江月亦乘潮  
興來秋夜笛  
擬度赤城標

引奏後即事十首

中使迎軒簇彩旂  
千官猶在玉河邊  
香烟未散龍輦起  
今日君王御講筵  
璚樹花間金鳳翹  
紅鞍綠轡馬頭驕  
當朝戚里多豪貴  
惟有何郎早插貂

七十二峯

西山  
蔡氏合編

卷十四下  
十四

天王不用擊毬坊  
錡禁清嚴百草香  
都人更勿憂巡幸  
但聽雲中駕鳳皇

溫泉花木四時開  
閣道笙歌霄漢迴  
萬歲千秋常有道  
內家真樂勝蓬萊

千門花柳轉楓宸  
百和香中過輦塵  
銀箭忽從天上落  
六宮仙子聽時辰

林開鳩鵲綠烟銷  
月掛珊瑚樹影高  
閭苑風清仙曲妙  
西王連日進蟠桃

珠簾綠纈紫葳蕤  
小鳳頭軒花下移  
長信宮前宣

使急平陽促馬赴瑤池

金華筵罷退從容  
小仗穿花聽午鐘  
五色傘中黃帕裹  
太官初進紫駝峰

金水荷花接綺軒  
石渠銀鑰掌中閣  
西崑學士封麻晚  
斜日猶開左闕門

碧鷄朱鷺羽毛鮮  
小殿芙蓉貼水圓  
昨夜百花風信急  
御溝新藻有紅泉

蒙古信卿畫馬

高繫青絲背綠駝  
溫泉洗後立從容  
奚官袖手天

七十二峯

西山  
蔡氏合編

卷十四下  
十五

池晚摹得開元舊墨踪

題鷄鳴山房

山浮寒碧水浮花  
石鐸蒼蒼竹樹斜  
愛爾玉京秋色好  
白雲頭上看人家

為王大理白谷題谿山圖

隔岸浮雲細細生  
谿山幽處一人行  
春鴻去後無消息  
昨夜桃花錦漲平

陳氏藏書西舍觀水仙

仙風邈邈玉肌圓  
月魄飄飄翠綬寒  
舞雪不令飛

燕逐凌波應在窈妃前

黃金為梳翠為旂迥立東欄雪一圍六萼宮中春  
信早百花頭上玉香微

公餞吳選部置酒神樂觀

酒上丹霞去復回高情不盡再登臺清江正抱玄  
都觀可柰長楊掃綠苔

春色無多綠草齊故鄉何處白雲低金明門外牽  
衣晚莫遣楊花襯馬蹄

王維楨大行使至

七十二峯

西山  
蔡氏合編

卷十四下  
十六

綠草如烟柳葉長勞勞亭外送人忙春深不見王  
孫履空聽流鶯過苑牆

陸包山述李三塘見推為題畫

披展雲山話雨中士龍人品李膺風荊州士論虛  
叨忝借筆題詩看洗桐

七十二峯足徵集卷十五

武峰吳定璋友篁菟錄

岱心劉世禧錫茲編訂

丁致祥

致祥字原德號草窓別號近齋馬蹟之雁門灣人  
蚤歲專心古學年將五十始以儒士應舉中弘治  
甲子舉人正德戊辰進士初授戶部主事監居庸  
德平軍儲暇日與諸生講說經義議論古今如家  
居時閩省鹽權之利匿於奸蠹者數十萬部議推

七十二峯

馬蹟山  
丁氏合編

卷十五  
一

致祥往釐剔一清具疏利弊五事皆見採納先是  
漕舟自江達淮途中多滯致祥督漕興復儀徵廢  
閘專堰利者以浮言肆沮致祥不顧集前人碑文  
記略附以已見可垂永久者刊以問世卒如其議  
運道以通歲省費萬計擢湖廣布政司叅議當是  
時藩府尊崇官校倚勢作威侵奪民田陂澤有司  
熟視無可誰何致祥從容諷王悉還諸民有武弁  
犯法托要人遺暮夜金婉謝不納竟正厥辜調陝  
西按察司副使撫漢中流民恩威並著在楚在秦

兩遇水災設法賑濟民飢而不害陞河南布政司  
叅政引年致仕生平不為矯狷岸異而恭守堅確  
推誠待物痼瘼乃身歷官中外三十年家無長物  
稱清白吏云

顧烈婦

耿灣顧怨妻吳氏西村吳滿之女吳索厚  
聘不以時嫁歸顧時怨已病篤氏侍湯藥  
甚謹彌月而夫亡夫遺言勿誤其終身翁

姑憫之欲議改嫁氏覺遂自縊

七十二峯

馬蹟山  
丁氏合編

卷十五

吳氏女顧郎婦嫁郎郎病不出戶禮垂婚媾尸者  
誰居貨濡時要善賈堂前禮畢歸洞房慘不成歡  
事辛苦調糜和藥悄無言婦服于是其所郎言  
再偶是何人色不見嗔心則怒強顏笑語苟如此  
泉下何堪復相睹吞殺死別情未洽百年無幾先  
朝露尋思事定惟有死掩戶自經翁計左同牢日  
短同穴長口碑不斷青山路吁嗟乎堂堂意氣偉  
丈夫平生自許可托孤一朝事變失所守肝腸臭  
腐成污塗顧郎婦出天賦截鼻投崖堪並數山人

歌罷面發頰丈夫難事裙釵做

彗星見  
嘉靖十年

維辛卯七月爾星見西方飛芒揚彗帚萬里搖精  
光微臣忽戰悸扶服心徬徨不知太史占無乃非  
天殃君王真聖人至道足以裒宵衣肅王化側席  
求賢良冢宰亦避位踧踖殊不遑復自稽天文惻  
惻徒悲傷

聞征交趾

聞道征交趾張皇舉六師南滇渡龍馬五嶺樹蛟

七十二峯

馬蹟山  
丁氏合編

卷十五

旗餉道風烟接雲霄羽檄馳如何舞干戚遂使格  
蠻夷

出塞

元帥辭丹陛君王賜寶刀風沙鳴鐵騎烽火照金  
袍卷雪旌旗動凝雲鼓角高龍庭犁老上麟閣著  
英髦

丁 輶

輶字心淵參政近齋之孫為唐荆川先生入室弟  
子由郡庠生入國學家漸中落檢敝篋得先人故

畜子母券數十帋可千金所親者為輶賀輶曰券者以飢而逋予以逋索將益其飢可令予一人飽耶乃盡焚其券粵西大將李西垣聘為參謀其麾下以金三百兩珠冠一頂餽乞一言於大將者輶正色却之後麾下以賍賂搜其籍得前餽不受之數大將嘆服又麾下偏裨殺賊有功而性慙直善罵座屢與人忤大將中譏欲誅之輶曰伯夷能殺賊乎大將悟而釋之羅防猺人為亂先是熟狴已納款輸稅有言於大將宜併滅之以樹威輶

七十二峯

馬蹟山  
丁氏合編

卷十五

曰殺降不祥吾當覘之至則諸猺歡迎爭餽酒食輶歸白大將曰大兵壓境而恬適如此夫豈反者熟狴賴以全活及歸里囊橐蕭然三舉鄉飲賓長子大夏五歲能詩有神童集

偶評

齊幸無趙后於陵得苟延矯廡寸無補逃親妻愛偏問心亦安否負罪莫大焉君不見孤竹兩聖賢採薇為君父高義薄雲天

還山

家喜臨邱壑同雲出復還謀身原任拙娛老只貪閒笑傲滄桑外優游樵牧間百年誰我契明月與青山

丁復初

復初字紹淵號四愚輶之少子弱冠能文兼有智勇福州吳小江為粵西大中丞紹之入幕從征羅旁北三有大功議敘授守脩居官七載意不愜棄職歸坐擁百城尋盟故舊恂恂儒雅老而益恭壽至九十八歲凡五與賓筵以長子辛貴誥封文林

七十二峯

馬蹟山  
丁氏合編

卷十五

郎

曝日

曝日南軒寒較和吟肩不聳得微哦願將暖氣煦寰宇茅屋無衣無褐多

丁辛

辛字先甲號又三參政近齋五世孫也崇禎丁丑進士任福建浦城縣知縣閩俗生女多溺婢子至老不嫁辛嚴禁之俗遂革三年報最惠政甚多辛之日民有涕泣者祀名宦

秋燕

營巢乳子一般忙  
歲歲欣來話草堂  
觀破炎涼便  
歸去烏衣何處是仙鄉

丁澈

澈字聖清品行端方有古人風  
居馬蹟之檀溪灣  
為山人所矜式

過棲雲庵

香積依青嶂  
禪堂遶碧溪  
水深猶見石山迥不聞  
鷄翠落空林濕烟凝古木齊  
寧知人境裡別有一

七十二峯  
足徵集

馬蹟山  
丁氏合編

卷十五  
六

招提

邵公墩

相傳宋時晉陵邵公  
協宰新昌歸隱于此

荒墩留得邵公名  
天棘薔薇滿眼生  
獨有無名枝  
上鳥啼來渾似讀書聲

黃訓

訓字季行東山人明正德庚午以詩經中應天鄉  
試甲戌成進士授兵科給事中持正不阿遇事敢  
言天不假年卒于京邸年止三十有三朝野惜之

次張秋

聞說安平鎮今瞻感應祠  
荒村春不煖野店酒偏  
醺河曲風威壯冰漸沙嘴危小舟眠未穩乘月讀  
殘碑

咏螢

七十二峯  
足徵集

東山  
黃氏合編

卷十五  
七

烏兔沉埋後光明獨有螢  
照書同太乙勸酒勝長  
星變化全憑候飛騰不論形  
杜陵托興淺處處畏  
飄零

黃光宅

光宅字振問

銷夏灣

寂莫西施石糜蕪花自開  
太湖春水碧夜夜月飛  
來廢沼鴛鴦宿離宮沒翠苔  
綺羅今不見遺恨在  
荒臺

分賦謝姑山壽吳餘生

洞庭春鳥喚提壺二妙凝粧對鏡湖劉阮昔年同  
采藥不知曾到此間無

黃文漢

文漢字伯章西洞庭賜塢人

秋夜泊水陸洲

江空流素月秋爽澹明河露冷蟲聲急天清雁影  
過寺鐘鳴水近漁火傍村多城隔夜深渡蘋香發

棹歌

七十二峯  
足徵集

西山  
黃氏合編

卷十五  
八

晚霽友人呼看新月

春盡寒多雨新晴夜色存幽芬侵竹夢香影約花  
魂客至門初啟烟銷月一痕閒居無俗累祇自賴  
琴尊

黃河

河字星源禹期山人

廣陶

爾生亦流浪苦此男女情乞食與自祭沾沾未忘  
名可死即不死了生於此生所以聞至道蹙然嗤

廣成

夢飲而旦泣飲者不非是臨死而咎生死者不受  
毀公處夢覺間飲酒亦復爾吸破盃中天天花亂  
飛騎

男兒負絕奇勛業非豪英天壤有至樂食色非性  
情昧者不自信聞言嗾然鳴因之處大患滔滔隨  
死生

七十二峯  
足徵集

馬蹟山  
黃氏合編

卷十五  
九

杭渭

渭字介侯號白岩馬蹟張青灣人溫厚質直不事修飾詩宗元白惜遺集散失傳者寥寥

馬蹟山稽古歌

震澤蒼茫湧太空小靈山起峙天風嵯峨一朶青蓮出會見當年四載功七十二峯初底定水平王廟開荒徑勳功與此山齊奕葉明裡擅名勝蓮花蒂內結祥符紺宇精廬隱丈夫百頃松濤清曉夢千竿鳳竹響浮屠西歸聖僧來駐錫移得菩提

七十二峯

馬蹟山  
杭氏合編

卷十五  
十

親自植菩提非樹復誰知惟與疎林增幻色東去層巒官長尊俯看群巘列兒孫磐陀石上身忘我獅子岩前虎斷魂直與一岡為火石熒光入夜凌虛碧珠聯玉削點山奇數里梅花攢翠碧循湖迢遞到金沙朝暎燦爛如明霞應是昆池回姹女丹爐飛出九還砂悠悠斜度蓮坑麓疑向蓬萊分一曲頽波何事少幽人長使山靈嘆空谷空谷之東尚可採檀溪窈窕棲雲庵泉鳴玉漱巢由耳松老龍蟠霧雨龕栖雲曲磴盤雲裡殿對天門開勝子

星搖碧落映燈寒戶挹將軍烟帶紫逶迤北去轉

山莊巖嶮中藏薜荔房那見華家遺氏在只傳學

士尚流芳徘徊湖畔西山路舊是山人哭員處血

淚成波千古流孤忠猶使山名著昔時伍子盟高

峰崔巍勢壓夫椒雄憑弔惟存試劍石劃然千載

誇神鋒西來峯嶺金鷄墩曾聞石上金鷄鳴未識

清音何日返空餘惆悵烟雲生雲居道院堪今古

勾漏辭官隱茲土芝室棋殘白鹿醒丹泉月射仙

禽舞帝閣不鎖走龜蛇天矯晴嵐赴水涯怒鯨騰

七十二峯

馬蹟山  
杭氏合編

卷十五  
十一

蛟不敢近晨昏呼吸走魚蝦漁息磯邊漁艇過征帆颺颺連漪破得魚沽酒義皇氓蘆荻花灘常醉卧墓灣喚醒浮生誤聊試尋芳經竹塢避暑宮墟木石寒西施心在人朝暮紅顏豈遂覆姑蘇眼底驕奢勢自孤君王若肯納忠諫灰飛能到內閣無內閣南去桃花止秀脉迢迢萃於此熨斗崖中日月長輕濤欲洗紅塵隨紅塵拂拂老蒼生白髮蕭蕭任物情神馬永垂秦始迹亦同漚影綴滄瀛

杭澤

澤字叔潤號勿軒讀書砥行鄉閭子弟多師之所  
著有秋蒂藁

題塞前古跡

冽彼一派泉出自靈山裡潺潺瀉曲澗泠泠漱石  
齒厥音類素琴而又鳴不已偶于月下聞心地淨  
如洗

古關泉琴

橋畔屋參差屋下水清淺當門楊柳垂對榻畫圖  
展綠醕春正香青旂暮纔捲提壺客頻來不辭山  
路遠

賣橋酒肆

七十二峯

馬蹟山  
杭氏合編

卷十五  
十二

山間有靈物瞬息能變化油然玄雲騰沛乎甘澤  
下我公及我私溥潤當炎夏滌除蘊隆災西成乃  
多稼

青龍夏雨

白石滿深谷蒼松夾幽徑樹底負薪人行行且歌  
咏靈籟度天風高下岩谷應我心殊爽然側耳臨  
流聽

石塢樵歌

河水向東流長遶青山足良宵月在天上下相照  
燭清光湧爛銀靜影沉圓玉客從湖上歸推蓬豁  
吟目

橫河夜月

觀湖中氷山

黑風捲白波突然呈怪狀伊誰秉斧鑿於此屹巒  
嶂蜿蜒卧蛟龍斷續走犀象颯颯胆應顫轟轟力  
何壯蛟室堆蠟珠龍宮傾寶藏月浸水晶窟日搖  
雲母幃寒欺鄭廣文勢軋楊右相不聞和氣至消  
沉在反掌

登官長山次韻大年韻

鎮壁夫椒碧落高吳宮縹緲望空濛片帆天際孤  
舟杳怪石峰頭插脚牢雨過急流飛瀑布秋深寒

七十二峯

馬蹟山  
杭氏合編

卷十五  
十三

籟起松濤曠觀盡入雙眸裡割取何須更借刀

望李見松表兄信

孤蓬何處寄行踪久矣無書托便鴻回首天涯人  
不見數竿修竹幾株松

新築小隱成

別構茅茨遠市朝幽花野鳥共逍遙白雲隔斷門  
前路不放紅塵過小橋

杭岱宗

岱宗字魯瞻嗜吟咏善丹青有濟勝之具馬蹟山

二十三灣林巒巖壑靡不登陟一灣寫成一圖彙  
標誌書卷首俾一山名勝瞭然在目亦藝苑之有  
心人也

避暑宮懷古

吳王臺榭鏤錦花離宮偏愛鄰山家西青絕壑多  
秀色飛颺萬里來不息清涼頃使煩襟改石竇寒  
泉注行在姑蘇國事積如薪靡飲樂部繁于海墨  
浮金鼎望查東藥發梅梁春首風藕花映日紅誰  
似屬玉雙雙照水同珠環皓腕矜西子鐵甲魚腸

七十二峯

馬蹟山

杭氏合編

卷十五  
十四

老霸雄六銖衫薄若為憐斜抱龍門不記年冰簟  
玉床青嶂下銀瓶瑤井碧梧前帳燬生光羅綺繡  
都梁浮篆御神仙仙音微妙無能識醉盡君心河  
朔邊姬錄遙看曾幾時鷓鴣啼罷淚垂絲綠莎舊  
是椒蘭地我意山靈共此悲

春日大風中上耿嶺四望

登峰聊借孟婆扶列子前身恍屬吾萬頃濤聲疑  
滌漢一行山勢欲分湖烟雲鶻突空陽羨梅柳青  
柔勝小孤回首荒莊憶孫觀

孫觀山莊  
在嶺下

蒼苔白日卧

樵夫

伍子盟頂

敗越當年有大夫盟山執戟虎為符橫行事已成  
千古留得忠魂聽鷓鴣

畫麓清泉

哈呀漏出太清隨上飲沆瀣涵飭飭不干鄱子水  
經注何地無才今始聞

杭玄

玄字又玄別號太玄居士居馬蹟之寨前里唐將

七十二峯

馬蹟山

杭氏合編

卷十五  
十五

軍杭憚之裔也幼穎異初就傳其季父桂岩出對  
云禿筆不堪書細字即應殺曰舊琴猶可續新絃  
時桂岩方悼亡亟加賞之成童即善屬文工草書  
既冠授徒講學及門之士多成就而久困童子場  
人歎為屈弗以介意因逢橫逆絕不與校自號忍  
辱仙人子銘鑑孫源濬曾孫樞皆克紹家學有嚴  
饒序中

自題聽松觀泉小照

我非陶隱君亦愛松濤聲我非莊漆園亦愛流泉

清寒松之偃蹇肖子孤影惇寒泉之凜冽肖子方寸澄松泉具肖我何復寫我真我形同土木何必假丹青馬君真好事勗我有深情塵世多囂紛曷若遊玄冥坐我松泉間返聰以黜明惟茲松與泉共結百歲盟

杭銘鑑

銘鑑字牖衷號拭庵占藉武康縣學為廩膳生七蹟棘闈遂舍去週遊八閩憑弔古蹟所著有桃溪會業

會業

七十二峯足徵集

馬蹟山杭氏合編

卷十五十六

文選樓

鼓吹休明日依稀見六朝文衡推帝子選政屬梁蕭禮樂河山重殷名月旦高樓臺得瞻仰飢渴已全消

蘭

本出玉京洞名為王者香潔齊魚魴骨芬紉芰荷囊不與衆草伍幸親君子堂麥薺雖茂茂有守乃無妨

雨中綠萼梅

翠袂佳人印短莎越羅何事掩橫波非關浴倦殘香鬢却恐啼多損黛蛾碧草碧烟愁碧玉湘雲湘水怨湘娥傷心我亦同司馬檢點青衫濕已多

杭源濬

源濬字發祥號震湖少岐嶷甫能言口授詩即成誦垂髫已解行文之法小試輒勝其曹鄉闈屢蹶及門之士多得氣去而濬獲落自如嘗遍游兩粵兩浙寄情吟咏焉

晚宿橫林

七十二峯足徵集

馬蹟山杭氏合編

卷十五十七

落日卽山影停撓眺晚晴月明河漢淡天濶斗牛橫暑入新秋減詩從半睡成聞鐘看曉色風度竹林清

玉蘭

敢辭穠艷鬪鮮妍皎皎臨風擬素仙皓魄可同梅作友靜香應使玉生烟吟成白雪供清賞和有陽春不用絃興到月明相過訪空濛一色映瑤天

古寺納涼晚歸

酷暑難禁起怨咨偶尋古刹共遊嬉縱觀目所未

經處坐到涼生遍體時却睡定須茶作引暢懷惟  
有酒相知歸與收拾殘詩料一段清幽寄夢思

杭 榿

榿字會宋號方川震湖之子武進廩貢生四入棘  
闈兩邀房薦俛得復失知者惜之

盆梅

本是羅浮種清芬忽傍人得無玄尚白似亦水為  
神片玉終堪惜寒香自足珍不須三十樹已占百

花春

七十二舉  
足徵集

馬蹟山  
杭氏合編

卷十五  
十八

生意窓前滿春風几上盈素心還古道冷眼故人  
情妬雨何曾及流光只暗更縱然搖落盡差不負  
雙清

玩菊

序入深秋節候新白英黃采各舒勻朝雲欲整霜  
如沐夜影相依月似塵佳種自來三徑滿東臯歸  
去一官貧相看老圃風光遙憶當年載酒人

魯 釗

釗字桐聲號賸住居士明季宿儒與義興堵牧稱  
至交堵登崇禎癸未進士督學楚中遭國變父子  
死王事家貧旅櫬不能歸桐聲不忍故人忠孝之  
骨終委異地乃懸堵遺像誓於神前必歸其櫬葬  
之山中卒如其志人皆義之居恒俯仰身世悲從  
中來輒為阮籍唐衢之哭人曰爲癡因自署魯癡  
時常郡有癡名者十人堵癡于酒魯癡于哭所著  
有編茗集率意放筆不欲人知亦不可使人知也

七十二舉  
足徵集

馬蹟山  
魯氏合編

卷十五  
十九

始居西村灣後遷武宜界之運村以老

有所思

蚤見一庭日晚見一庭月日月那無情我心空斷  
絕

嬌女詞

不知底事幾宵忙道是將儂嫁遠方只有今朝明  
鏡裡見儂還得在娘房

魯 鉉

鉉字文聲又字天眉釗胞弟少年氣盛與其兄皆

自負不凡鼎革後棄絕舉業托興詩詞殊不經意  
讀管介臣所遺杜詩

書為今古共奚必樂我有然在今古間相遇故非  
偶况復良友遺讀書如見友清宵一展玩不可復  
飲酒山林燈影間禽鳥各飛走古人言語散見其  
出自口念昔長往人得書以不朽人無不朽志對  
書亦可醜嗟彼驚天才儲之在猷畝縱無受知日  
剛厲屹自守愧我飢寒多舉措觸杌杌得親真摯  
人動念矢不苟君志亦超灑蒙愁執子手謂言書

七十二峯  
足徵集

馬蹟山  
魯氏合編

卷十五  
二十

有情天地生趣藪得味細心讀從頭向余剖

### 鏡花

啟匣渾無有臨窓忽見花輕綃侵滿月秋水浸殘  
霞手轉疑枝動臺欹見影斜分明香色備不上枕  
邊鴉

### 虬槎

憑將鐵骨卧風烟伴我離奇傲骨堅倚織秋思明  
月夜坐傳春酌落花天爐翻驟雨江聲近壁走驚  
螭日影懸擬作蒲團看貝葉熟梅香下晝聽禪

青苔不受履痕侵剪徑還期稚子臨筆湧波濤分  
海氣窓懸風雨落天音稻香浮枕側翻雪劍語鳴  
空夜响琴坐處依稀荀令席卧青疎月到長林  
曉九陸子為燕語贈人云憑君莫笑處堂愚  
世道而今更可吁斜掩珠簾深掩幕主人猶  
是昔年無蓋寓沉憤于嘻笑也予則又為燕  
子之作三絕句

漢宮何處是昭陽入幕窺簾祇自忙細雨近人緣  
愛暖寒來休說舊時王

七十二峯  
足徵集

馬蹟山  
魯氏合編

卷十五  
廿一

胡地斑襟越地紅穀分大小事都同梁間羽翼初  
成司不記茅簷好避風

羶兜原不戀南州底事留名在畫樓只有鴛鴦能  
作瓦霜天獨看雁征秋

### 懷兄

空江雪浪拍天來落日驚猿兩岸哀入眼不禁歸  
思滿梅花香裏一帆開  
江南江北夜穀多不是吳歌即楚歌怎及村西春  
樹裡鳥音一片出天和

七十二峯足徵集卷十六

武峰吳定璋友篁蒐錄

岱心劉世禧錫茲編訂

張本

本字斯植號忘機野老又稱五湖漫士東洞庭山人陸儀部師道傳畧曰斯植晬而失恃鞠於祖母劉頗教以古今孝弟節義之事即能領解迨事繼母陳協于孝敬陳亦慈愛之陳嘗病劇斯植籲天祈禱雷雨晦夕見一星炯炯起天末陳病良已既

七十二峯

東山

張氏合編

卷十六

長業進士研求經史發為文章咸有根柢以易試有司俛得復失乃棄去學古文辭于王文恪公時公以退傳家居主握文柄慎許可獨斯植緝學綴文能當公意嘗讀書福濟觀為道士賦九月梅花詩都太僕元敬見之嘆賞因使人調斯植斯植方正襟夜讀太僕益嘆異就之晤語賦詩贈之一時如文內翰徵明陸黃門縉彭徵君年陳憲副鑒王選部穀祥黃徵君姬水皆縞紵為歡共相推重或延為子弟師斯植風度修整教人恒嚴矩矱而善

談名理開導有方經其指授者皆循循可觀故所

館率挽留不忍辭然斯植去就必期于禮不苟詘

也門生韓某得其大父私遺金謁寄焉拒之去自

埋于館下無何某暴卒斯植乃知其藏往白伊父

兄發取之父兄感泣願分遺斯植斯植笑曰如使

予欲之豈令若父兄知哉其廉潔不污如此居鄉

日偶窺園樹有盜果者憚且墮斯植亟止之曰無

畏汝為嬰兒索耳又隣人越園垣薪其木斯植見

之即揚榘若不知者俾逸去以是鄉人多頌感之

七十二峯

東山

張氏合編

卷十六

斯植年逾古稀神明矍鑠良辰勝地名流讌集拈題酬倡大篇短章釀郁淵興詞壇推為作手著五湖漫稿數卷黃姬水張獻翼序而梓之

城上烏

城上烏夜啼啼聲一何悲悲我獨淪落長為生別離別離在他鄉伶仃逢百罹高蜚恐彈丸低飛有羅圍反哺既不足兒女亦悽悽出門潦濡足入門淚沾衣北風厲以號雨雪何霏霏橋梁絕中道叢棘難宿棲肝腸日以剝羽毛日以頽寒裳陟邱壑

但見蒿與藜儔侶不復顧六步三裴徊裴回自斃  
腕何堪揚素眉上懷曲房游下憶金粟塵玄雲久  
決鬱踳躅多嶮墟哉嗣不能奮但恐沉黃泥犂田  
飽黃雀從之匪所宜長林猛虎食寧為鳥獨飢泥  
途不可褻摩天且高蜚蜚仰天門何繇凌峻梯  
上林有瓊樹願借枝相依

月夜楞伽寺竹林與諸友燕集得滿字

霽宇涼氣饒靈區素暉滿飛雲故熒熒流泉且朗  
朗神景不可窮妙象恣所翫芳隴既逶迤重林復

七十二峯

東山張氏合編

卷十六

蕭散蕙艸被歲秣高鶴駕沆濟為樂羨彌豪從游  
愧已緩天規麗華組僊芬絢嘉歆旨酒命金壘清  
商激瑤管

歎二首

敢謂幼安介誠非子雲才但耻值霜雪况爾滿塵  
埃淒風裂肝胆長日拘形骸無階入天厩空餘悲  
駕駘  
樞馬無所適游龍任迴營胡為皆物性依過殊心  
情役役耻身累滔滔空俗櫻詎知力文藝不如事

深畊

舟泊鍊墩待月

枉渚踈緒風明沙泣秋雨鳬葵向堪把苓箐復容  
與采性延幽期稅鞅塞靈宇菱歌映素波驚柁吹  
玄羽而我寸心塵滌此五湖水東瞰三江流西眺  
千林嶼淵清既搖搖芳思且踳踳潏潏夕霞霏  
夢年華去况迺蛟龍藪豈不懷賢侶修夜嘉月輝  
乘風采餘綺

重陽前六日遊楞伽山同王內史橋梓周君

七十二峯

東山張氏合編

卷十六

公瑕朱君子朗

囊茱令室通豫陟吳宮嶺高揖排青冥山花正彪  
炳天空飛日低野曠浮烟迥修沚結遐睎崇嶽發  
芳憤務協馬臺游凌繹龍山飲禾黍風戾馨芙蓉  
露衣冷溪女颺菱歌江翁弄鱸艇游鷺蹴濤殺翔  
鴻遞天影惻惻傷遺踪悠悠畢餘景豈伊蘭亭儔  
兼茲竹林咏彌望不憚勞詎惜流光暝既美雲腴  
茹但恐霜華墮願得兩青童飄飄一招引努力紫  
金經終焉碧霞隱

賦黃淳父新卜荊川別業

黃公避吳市得道成金沙幽情鍊精鬼妙理參南  
華牀頭貯白璧几上飛丹霞豈若郭門外淶水芙  
蕖花卜築枕溪流滄蕩遠紛譁高天肆黃鵠大澤  
居龍蛇既蕝穎陽稼復種東陵瓜呼我忘機人而  
此艤靈槎秋清弄蘿月一嘯天之涯凌颺瞰溟渤  
悅懌喚瓊葩還期遇徐福白虎仙人車但恐訪江  
海天書徵白麻

寄黃志淳四首

七十二峯

東山張氏合編

卷十六

霜城抱幽瘳雲木闕層阿高會每難值芳時屢已  
過終然一夢杳豈不轉愁多况此北風急淒其傷  
我何

冬日倏已邁離心滿浮塵慙慙感疇曩惆悵及茲  
辰運命值中否羈情邴可伸詞將附高鳥贈爾草  
玄人

經秋阻良覲所感冬復滋落葉解華緒浮雲亂層  
颼青山望已遠紫月譙何時豈亦得瓊玖與君易  
新詞

高踪邈難即幽意復何深嗟此歲寒候常懸離別  
心淒雲落修魄古木振飛音安得極中夜所懷傾  
盞簪

有所思

十載夫從戍忘軀久不還欲將離別淚一灑玉門  
闕恨氣頻銷骨鉛華不整顏垂楊空自惜無處為  
君攀

拂水

寒流懸峭壁漂乳捲長風裏裏丹搖壑迢迢白瀝

七十二峯

東山張氏合編

卷十六

虹含雲全到海乘月半飛空愛此投心客慚吾洗  
藥翁

家園秋夕

蓮芰屬秋夜邱樊開華門山風漱肌骨潭月洗心  
魂遠矚有不極幽情無與論秋芳恰盈把采采謝  
蘭蓀

懷彭孔嘉

神颿動城郭長夜渺星河我亦山陰客懷君嘉興  
多仙書閱樓閣旨酒卧雲蘿此日池塘水荷花映

白鷺

江村秋暮

結宇靜堪適鳴榔遙自歸鴨依殘照集鷗拂斷雲  
飛纈綰萼絲滑香漂菰米肥溪深對尊酒風動菱  
荷衣

山樓夏日二首

菡萏生丹沼芭蕉閱綠天雲阿題峭石樹杪看飛  
泉時作青猿嘯還偕白鶴眠幸逢綺里士終日且  
譚玄

七十一卷

東山張氏合編

卷十六

披襟延淥水掃榻對疏峰烟幄懸窓辟風琴入戶

松沉冥間塞骨迴薄老嗤容盡日堪羅雀何人問  
卧龍

永興寺訪懋上人

江上尋僧話雲隈滯客驩乘沙度幽葉分石憇層  
巒欄草流香迥池花浸影寒城南一携手秋色滿  
長干

疇吳子充歸自大梁攜詩見訪

別去江湖遠歸來歲月遲壯懷隨處好清興滿囊

詩對此百壺酒難疇千里思却憐青鬢友俱是白

頭時

吳城謁王師文恪公祠

帝簡三朝傳文傳百世師江山韓子廟日月范公  
祠屢竭溪毛薦難窮江漢思門牆勞夢寐猶是碧  
山時

本嘗從公游于洞庭里第者數年故形於夢寐所在皆是

又題任大夫錄功祠

萬死元無避孤忠險獨行開城拒虎兕剗海靖鯨  
鯨風雨茂逢宿水霜馬上生況能與病骨百戰

七十一卷

東山張氏合編

卷十六

長纓

贈射

於爾射雕手何妨鴻鵠思春無黃鳥語夜有白猿  
悲獵馬騰郊迅闕弓貫石奇因知眼前事不是尚  
文時

秋夜登閭門城樓

月白三吳晚天青八月秋芙蓉照江國蟋蟀上城  
樓海思飛雲亂鄉心落葉愁忽聞黃鶴笛清夜重  
淹留

九日吟風岡晚憇二首

千仞翠為嶂百花秋正芬烟開笠澤水杯引洞庭  
雲泉響樹頭落樵歌天上聞不須愁落帽吾欲賦  
斜曛

山靜足為樂秋高何所悲殷勤黃菊酒搖裔白雲  
期籟聽風千壑林窺月半規吟成歸去晚乘月釣  
江湄

雨夜同諸文彥舟宿塘灣率爾口號

野鳥江湖性高天入鳳群調絃千壑雨沽酒一溪

七十二集

東山張氏合編

卷十六

雲木葉如相嘯漁謠不斷聞敢將然諾意酬爾濟

江文

新春雨後石湖漫興

澹蕩弄雲水青山成主賓祗園鐘喚鳥漁市鼓迎  
人興發揚帆遠愁消命酒頻垂楊報春早相對眼  
俱新

虎邱悟石軒訪僧不遇與客憇飲至暮

飛軒映寒鳴香霽結網緼吳酒不能醉空音無復  
聞鐘鼓兩廊月雁影一江雲且此事幽狎飄飄鸞

鶴群

奉壽衡山文先生九表八十韵

醇儒應間世哲匠早知名文物真師表朝廷老俊

英古今逢大運天地得奇精學懋天人貫才高海

嶽鳴卻金全父德辭餽覺王情其先溫州公終于任溫之僚屬知其

庶甚賻贈千金先生堅拒不受江西南寧鬼穎傾三

峽桑膚貴兩京粹然承道統卓爾握文衡粟帛無

虛市珠璣却滿簾素絲繇不染完璧竟連城奇作

抗大令范曄傳曰筆勢縱放適揮凌率更象形殊

七十二集

東山張氏合編

卷十六

炯炯騷雅况鈞錡禁掖卿雲質仙班列宿晶朱提

疇史畢綵幣錫書成作聖膺高界勞賢享大烹揚

鑣芬玉署馳轡軼公卿綸綍霑雷皇眷綢繆任客縈

潞公宏派裔信國邁家數欲著潛夫論憑誰月旦

評遙解鵷鷺侶近結鷺鷥盟元亮本真率幼安何

潔清辟園唯薜荔闔戶祇柴荆所恥偕宣父而謀

但老彭叢攀小山桂薌掇巨江蘅夜課程編憤朝

參孝禮誠鼓琴魚鳥翁落筆鬼神驚琬琰鑄良博

細縹賦寔宏研吞笠澤水飯給潁陽杭群玉懸華

館雙梧覆翠楹高眠印石枕閒飫恰蓴羹嬾作菰

中散狂譏阮步兵蹟綠蒼島峻光徹紫薇明金液

融青骨秋毫鑒碧晴蠶絲描入聖顏凱之描法蠶如春蚕吐絲

首法猶俾先生九表能作蠅頭小楷古今法書家所未能也反樸祛雕飾

忘機勿競爭雲騰五色筆月掛九華藥村豎咸知

仰山翁也和賡百揆神有助一撥氣無劾抑自克

願養何曾藉鍊形顏舒霞兩頰髮攬雪千莖老去

身彌健窮居道益亨烟波常泛鷁石壁漫聞鶯墨

泣烏皮凡花凝頰玉罌豪吟捎魍魎長嘯狎鳩鵲

七十二峯東山張氏合編卷十六十一

周乏仁攸決砭愚義復弘馨香弭滓穢讜確定縱

橫迺繹呈新式那嫌設舊醅輕帆靡枉駕短褐韋

全貞既喜青林卧猶諧綠野行刊山呼鹿豕浮海

宅鯤鯨宇宙今元老乾坤此瑞楨詞同星焜燁德

與歲崢嶸鸞鶴幽偏適松釣晚愈榮恩波開灝蕩

壽域際昇平律已多恭遜逢時屢送迎夢年因寡

嗜袁固亦稀營後進爭趨軌名家悉讓兄祥烟縻

遠躅錦水關精瑩量合江湖渺神隨草木萌滄浪

歌乃乃伐木聽丁丁白日孤心皦浮雲軒冕輕從

教頻剡檄安肯赴弓旌瑤笈非無授瓊漿豈不傾

德容渾盎盎福履正盈盈霈澤如膏雨流風裨國

程能為上皇逸奚使俗塵撓嶽降徵虞集經譚似

伏生四朝文獨盛五世慶交并子胤華聯綬孫玄

秀毓瓊庭嬉鵲繞樹門集駟垂纓賞月延激竿乘

風理奕枰魚鬚携古杖魚鬚杖瑤琬所貢文皇朝物也瑩栗如玉先生今得

之鳳管奏和笙刺史修賓譙黌宮獻壽觥百年惇

典禮一代尚儀刑今年春正月十五日郡庠鄉飲禮畢郡守溫公復自祗率僚屬

并衆鄉達及類官諸生稱觴以介壽誼齡攸邁楊

先生壽儀物隆腆一時之盛事也壽誼齡攸邁楊

七十二峯東山張氏合編卷十六十二

林紀寔羸洪武六年預鄉飲者周壽誼百有十歲楊茂九十三歲林文支九十二歲時稱

會詎能齊道矩夙譽震蓬瀛愚也樵蕪孺悠哉浪

蹟萍謬叨慙北事感激指南征颯颯春風座洋洋

夜雪閔淵泉昭靜澈喬嶽鬱葱菁吾道占元氣翹

勤頌祖庚

楊花十八韻

煦煦江洲上紛紛杜宇時日高隨處舞風好半天

吹彭澤粘書幌長亭罨酒卮浮生忽過隙狂性易

分岐迫去侵苔徑斜來入硯池潤清悲物態零落

惜春姿與世難為定乘空不可追閒情繞芳榭幽  
夢隔重帷遠浦投應過危樓度豈遲水紋輕點點  
山影亂差差竄逐渾無蹟招尋詎有涯樹頭雲共  
轉草際露俱縻有象真成幻無端縱所之漫云能  
變化况廼擅高卑一任兒童戲還生旅客思襲隄  
知雀飽綠沼覺魚嬉遞爾為萍草那堪折柳枝欲  
持南國意遙寄北人知

擣練詞

今年八月秋風早樓蘭苦露霾秋草征夫萬里戍

七十二峯

東山張氏合編

卷十六

十三

他鄉幽陵異域音書杳朔風吹破燕支山夜月寒  
碁練頻擣練兮欲作征夫衣愁緒曾將不下機竊  
望夫心棄窮磧應如鴻雁向南飛聞夫自愛邊馬  
肥願擊單于不肯歸安得驍如漢飛將提懸金印  
返蘭閨蘭閨今夕花如霰含態含嬌夫不見怨殺  
却倍碁般多血淚長於手中綫維燈夜夜見奴悲  
維鏡朝朝識奴面閉門常自抱冰壺雙去雙來羨  
飛燕東家有女玉容嬌嫁得長安夫婿豪霜殺水  
純不須擣繡窻雕戶樂長宵西隣女作田家婦麻

俗聊將布安素秋來不用動碁般夫婦登場戲含  
哺離情奴獨苦相思腸斷征夫那得知驪愛願將  
成比目百年常集鳳皇池

蓮塘曲

蓮塘膩汎花芳菲綠濕紅鮮菱刺肥玉簫一曲綠  
霞動鵲鵲啁啾鴛鴦飛藕絲纖吐冰紈縷柔腸纖  
得江雲機江雲裁作合歡被白馬金鞭郎不歸青  
絲繫船卧花底麟帶蟬衫照江水蝶駐蜂喧情莫  
窮恍惚瑤池夢魂裡少年郎是金貂人自愛繁華  
足徵集

七十二峯

東山張氏合編

卷十六

十四

桃李春長安十載事天子疊旗疊鼓乘朱輪江水  
清清江月白悵望長安路南北倚櫂含情嬌欲嘖  
恨水愁山總無極玉蠅牽月歸海宮影轉梧桐抱  
瑤瑟瑤瑟散中舞獸詞世間那有人相識

采蓮曲

輕舟朝發襄陽城暮見若耶溪水清蘭釵垂鬢夢  
初醒抱月拖烟花底行滄浪一曲墜紅粉錦袖繡  
雲露華冷銀餅香動縠波紋珠簾月轉珊瑚枕翠  
房空自苦心多無處獻君君若何嬾嬾娟獨嫺

都的蝶誰能憐翠娥臨流柔玉矜纖手歲歲花前  
薦芳酒嬌容掩映鏡中花離魂搖蕩隄邊柳隄邊  
柳長能繫船令人寂寞荷花天金筍不逐秦王好  
自惜紅顏空少年

題伍相祠

胥江寒帶碧天流繞郭吞般恨未休蓋世有才空  
舉鼎濟川無命不成舟魚龍共鬪濤中骨虎豹難  
忘夢裡仇千載旅魂今夜月古祠空對荻花洲

虞山西門晚眺

七十二峯

東山張氏合編

卷十六  
十五

獵獵淒風飛白雲張巡祠廟拜忠魂青山郭裡天  
邊路紅樹鷗前水上村鱖鱸乍逢漁市艇松枝初  
識酒家門烟霞不鎖磨崖石重認前朝烏篆痕

鱖魚為市酒家門  
挿松枝皆始見也

閒居懷文休承

藜牀悲几對蕢罌短髮秋風雪滿莖徹夜旅魂驚  
雁影還家飛夢破碁盤詩囊聊自收時態藥裹難  
將遣物情欲向停雲問奇字滿庭鷄雉墨華生

春日懷陸叔平支硎山隱居

風郊野閉柴局草色花香正滿庭黃鳥時窺高  
士榻碧雲常護太玄經詞中三月羈天馬畫裡江  
山老客星聞道釣磯堪繫船半天高柳向人青

陸儀部子傳寫湖山圖并詩見贈

玉殿含香舊侍臣清風披拂彩毫新綠蘿月裡詞  
情迥碧柳烟中道味真片紙江山還贈友一天風  
雨獨懷人飄飄自許同舟楫笠澤滄波理釣綸

鍊墩

七十二峯

東山張氏合編

卷十六  
十六

芳墩宵窳浮湖面鍊藥空傳千載前一水西來具  
區濶三江東下海門連鏡中蕪草青烟動掌上桃  
花錦浪懸形勝頓殊塵事絕日長吾愛傍鷗眠

龜山釣臺

龜山釣臺白日幽烟波來往一扁舟落花鶯啼鏡  
天碧鰲月鶴叫空山秋竿頭星斗三萬頃笛裡雲  
霞十二洲誰是客星能避世一絲高卧子陵裘

山齋秋夜

洞庭秋清夜何寂蓬髮蕭蕭楓葉村白雲滿几月  
在牖碧水浮堦花映門就中野况空詩草醉裡家

山污酒痕一曲無勞權乘興四愁聊爾賦招魂

家園芙蓉池對月獨酌

芙蓉脩汴月明秋露泣微波五色流蛺蝶不來殊  
悄悄鴛鴦相對故悠悠錦城媚濕婢娟影金谷寒  
生窸窣愁夜半懷人還泛酒一棹清雁下滄洲

雨後石湖觀新漲

時裡苗長綠滿川一篙新水寺門前青蓮石濕孤  
峰兩白鷺波平一鏡天客權放謔臨水殿酒樓搖  
旆帶漁烟虛舟自笑渾無繫時有輕鷗到酒邊

七十二峯

東山張氏合編

卷十六  
十七

癸亥元旦七十自壽

島嶼陽生花氣醒五更鐘鼓動春星柴門喜自逢  
鷄旦栢酒憑誰頌鶴齡草長鹿茵林下暖冰開魚  
鑰水初腥已知樽櫟偏多壽春到山林葉更青

七袞賤旦社中諸君置酒虎邱山房為壽口

倡之  
三月初六日

城西秀島多靈異舊是空王選佛場巖畔豈須求  
石髓林間亦自有瓊漿歌翻錦浪桃花遠吟對春  
風燕子忙擬作百年仙客社烟霞酩酊卧羲皇

天池山壽燕賦此以醅群公兼覬同陟喬齡

也  
三月初八日

名山自昔多神仙千尺懸崖飛紫烟慧草曇花貴  
瑤几雲腴石乳洽鴟絃僊源不媿尋半夜佛國還  
期引鶴年願掃綠蘿池上月與君同隱服青蓮

諸生稱觴虎邱牡丹花下為余七十之祝感

而賦此  
三月初十日

芬藍香霧畫冥冥笑入松寮眼倍青花榭訝瞻天  
女面瑤臺端候老人星鱗調海牖羞何遠茗掇雲

七十二峯

東山張氏合編

卷十六  
十八

茅酒易醒春暖不妨還信宿一窓明月誦黃庭

牡丹

萬卉有花皆足玩獨憐瓊蘂倍芬芳却教桃李無  
顏色遂使樓臺似洛陽半醉夢回脂黛暖一庭情  
溢綺羅香春光不用嗟遲暮滿目穠華日正長

重陽後二日虎邱雲水閣偶成

欲從縹緲聽笙篴郭外青山訪灩休紅樹繫舟秋  
水寺白雲沽酒夕陽樓山川隱几頻留目風露凭  
欄任滿頭魚鳥傍人多樂事一溪菰米即滄洲

石湖晚眺

繞郭漣漪抱碧峰海門江國自相通  
鷗眠鐘裡孤洲月木落帆邊一嶼風  
牛馬長嘶茶磨嶺魚龍騰沫水晶宮  
綠簑漂泊烟波遠誰識漁郎是子同

塞上曲

騎軼天山迅雲翻鳥陣高歸來顏自老  
沙礫滿弓刀

百勞鳥二首

撥蠡情不伸千載啼不徹見之心益悲  
梨花與荷

七十二峯足徵集

東山張氏合編

卷十六十九

葉

爰作履霜操澄波化為鳥不登父車鳴  
那能展懷

抱

芭蕉

風雨般偏急冰霜苦不禁年來未成布  
空自日抽

心

青樓怨

陌上風飄花入樓南山子規啼不休不  
識黃河無轉日錯教春信付東流

田婦謠

菜花初落水生烟陌上黃梅雨正懸  
瓜蔓未牽秧未蒔急春新麥了租錢

蠶婦吟二首

不整雲鬟出繡幃朝朝風露采桑歸  
春魂銷盡那辭倦要與征夫作遠衣

玉蘭初成檠葉稀析絲風急柳花飛  
何緣繅得絲如水先與君王織袞衣

太湖有感

七十二峯足徵集

東山張氏合編

卷十六二十

伍員白骨淪長劍范蠡丹心託短蓬  
萬古忠魂同貫日敢於成敗說英雄

索文休承寫洞庭清樾圖

文公丹陽天下珍而我求之春復春  
願寫青螺生鏡裡白雲中有賦詩人

張希甫

希甫字仲美

秋夜訪茅遠士

夜半移舟溪上宿籬月疎疎媚秋菊  
入門想見薜

情枕上猶聞拍浪聲主人盡醉客不醒空庭露  
下松枝吟

尋融公

萬松青數里涼意滿空林聽講能祛病安禪不費  
吟風階翻竹影苔磴落花陰不問經年別芒鞋到  
可尋

雨泊虎邱寄友

為別只旬日遙遙似隔年暫依雲外寺未斷雨中

船花市秋心淡楓天暝色鮮不知湖水上誰與對

七十二峯  
足徵集

東山  
張氏合編

卷十六  
二十一

寒烟、

香花澗

泠泠澗底泉淡淡松間月泉月照幽花香風吹不

歇

西湖曲

花雨晴時黃鳥啼美人踏翠六橋西因思顏色如  
春色日日留歡醉大堤

張正春

正春字季和楊灣人縣諸生

賦秋風

颯颯林間出新涼忽透幃鱸魚鄉思切團扇主恩  
稀塞馬嘶偏急鞚鷹展恐違白雲何處起應逐九  
重飛

梅夜

萬玉忽迷離前山暝色垂聞香心識暗臨月鳥生  
疑水骨虛存影霜余冷壓枝清寒猶戀戀此趣酒  
人知

別桂詩為朱德興賦

七十二峯  
足徵集

東山  
張氏合編

卷十六  
二十二

清蔭團團幾廿春栽成同自白頭人堂前拜手如  
桑梓月下吹香共主賓豈有蘭舟須作楫忍偕珠  
粒指為薪當門見忌情恒爾藉口吳剛媿不倫  
題吳餘生半閣

閣雖名半勝全趨抱膝安居若覆孟耳目恰忘餘  
地窄襟懷不受小窓拘借來飛翠山千疊補足幽  
清竹一隅況是湖天寥廓處白雲留得滿間無

徐侯山

西北洪濤天際收一拳橫截界中流山家得姓傳

高士水國分封紀列侯若脩戶庭尊莫里居然襟  
帶小諸浮此中泛泛多佳艇足給玄真物外遊

張列

列字紫纒諸生

送僧之廬山

蕭寺禪空悟遠宗虎溪石上問長松  
匡廬曾讀東坡句瀑布飛開五老峰

七十二峰

東山張氏合編

卷十七

七十二峰足徵集卷十七

武峰吳定璋友

東山張鉞立亭編訂

徐璣

璣字庭蘭號南坡老人與弟庭相攻詩文有聲譽  
為西洞庭望族

溪山小隱

廿年林下看荷衣一片閒心與世違  
鏡裡星霜華髮短日邊冠蓋故人稀  
白雲滿地春陰合碧玉千竿晴翠飛

七十二峰

西山徐氏合編

卷十七

獨掩衡門醉高卧東風吹老北山薇  
送吳行人惠出使占城

皇華使客舊仙郎覽德爭看下鳳凰  
萬里風雲馳遠道九天雨露被遐方  
銀河秋動靈槎影碧漢宵騰寶劍光  
深喜觀風歸有頌玉階敷對接鵷行

徐案

案字庭相號木石居士

寄許瀾伯

通波亭下隱君家春水流香帶落花  
高卧讀書樓

上月硯池清興墨翻鴉

畫梅

綠毛小鳳怯春寒啼繞花枝夜未殘幾度暗香來  
紙上夢回明月上闌干

徐輝

輝字宗耀號介菴

贈隱者

石林茅屋鎖雲深路隔紅塵不可尋芸葉雲香朝  
點易梅花月白夜鳴琴休糧自有山中石長物原

七十二峰

西山  
徐氏合編

卷十七

無牽裡金午夜夢回瞻緯象少微星燭太湖陰

徐鑑

鑑字德輝

思歸

杜若香生燕子泥辛夷花發柳棉飛鄉心一片渾  
無賴客路三千正憶歸足跡敢追司馬轍爛斑空  
想老萊衣蘭舟蕩漾春江上愁對東風詠式微

無題

綵雲一朵隔蓬山玉珮珊珊不可攀天上只今無

錦字却教青鳥使空還

徐章

章字德彰與其弟震力學能文克亢其宗王守溪  
撰徐震墓志極稱之

題普春上人所藏謝孔昭畫

蔡邱先生才絕奇詩情畫筆追王維家君曾延主  
西席講罷我輩從遊嬉呼童時輩錦囊出寶馬金  
鞍過南陌春色不知何處來柳花亂卷東風白普  
春上人尤知心相逢留坐長松陰閑將瑤琴撫一

七十二峰

西山  
徐氏合編

卷十七

曲散作青天鸞鳳吟是時先生縱吟目對景寫成  
圖一副興闌人散夕陽西長笑一聲山水綠先生  
仙遊已十秋至今惟有斯圖留持來索我賦長句  
等閒成作古今愁

題隱雲堂卷

具區有名山橫絕波濤間上人此學道身與雲俱  
閑白雲英英山矗矗半倚青天半林木有時散盡  
露四維天光倒浸波光綠草堂結構山之陽雲來  
飛遶何悠揚皎若梨花幾千朵碧陰滿地春茫茫

我曾昔日尋幽去雲亦多情為留住今來重覓舊  
遊踪回首蒼茫不知處上人攜我登臺基持圖索  
賦隱雲詩吟成一笑出門去何日更與雲為期

春日與周宗學賞花

輝輝林間日采采枝頭花相逢社中友睹此新物  
華贈我以佳章飲我以流霞願言終此歡轉眼成  
泥沙

旅次黃州江口

渺渺天連水西風雁度遲清秋將盡日遊子未歸  
七十二峰

西山

徐氏合編

卷十七

四

時落日孤舟夢閒雲遠道思殘楓與衰柳相對益  
淒其

與陳耒菴施克卿秋夜話舊

空江煙雨送秋歸黃葉蕭蕭獨雁飛新接笑談三  
宿共舊遊心事十年違燈因坐久花頻落酒為寒  
多力漸微明發不堪回首望別情吟思共依依

華山寺

煙霞深鎖梵王宮石壁蒼苔路幾重山入半空風  
作雨水流深澗玉為龍亂搖雲影千竿竹怒吼濤

聲萬樹松正欲登臨遍吟覽夕陽敲斷講時鐘

題梅送友

萬樹籠香障白雲孤山深處隔塵氛玉顏為惜君  
歸去却向東風瘦幾分

入城訪德昭

家住湖山小洞天數村雞犬自風煙因過城市逢  
君話流水桃花又隔年

觀况蘇州草書

香凝燕寢晝遲遲揮翰曾勞近墨池滿紙雲煙飛  
七十二峰

西山

徐氏合編

卷十七

五

不去風流猶自憶當時

徐震

震字德重少從陳嗣初學詩有懷古諸作傳播人  
口與西蜀晏鐸海昌蘇平倡和景泰間與十才子  
之列以孫緡官吏部侍郎贈如其官

長相思

碧紗風度燈花墜暗數殘更不成寐百結愁腸宛  
轉回羅衫濕盡相思淚胡天八月寒飛霜邊城茫  
茫邊草黃青天夜夜同明月照入孤幃幽思長去

年縫衣寄征客今年秋盡無消息妾心不作連理枝見君願學雙飛翼

輕薄篇

長安城中美少年雕鞍白馬珊瑚鞭揚眉吐氣動光彩浮華贏得兒童憐龍腦香凝綺羅服鬪雞走狗爭馳逐只將富貴等樗蒲那有閒情把書讀長安甲第連狹斜九秋明月三春花美人當筵勸春酒醉宿青樓即是家黃金買笑朝還夕黃金散盡無顏色祇恐逢人問往年簾門掩雨秋蕭瑟回頭七十二峰足徵集

西山  
徐氏合編

卷十七  
六

却羨田舍郎讀書一旦登巖廊

秋夜與施愛雲話舊

寂寥江館掩秋陰兩鬢重逢雪滿簪百里佳期今夕酒一燈清話故人心西風斷雁經寒早落葉空山積雨深千載陳雷高誼在交游誰復重黃金

咸陽懷古

阿房宮闕對南山閣道縈迴霄漢間霸業終隨烽火盡遊魂俄載屬車還  
十童女空浮海十萬貔貅已入關留得當年遺恨在長安血淚土猶斑

錢塘懷古

黃沙漠漠起邊烽萬里山河落照中奸佞遽成南渡計英雄空誓壯征功冬青樹老無遺塚瑞石山荒有廢宮此日經行弔陳迹野花和露泣殘紅

包山寺

屋下清泉屋上山薜蘿深處扣禪關尋僧欲問三生話策杖來偷半日閒雁沒浦雲秋色外鶴歸庭樹夕陽間人生為惜歡遊少石壁題詩紀往還

徐鐘

七十二峰足徵集

西山  
徐氏合編

卷十七  
七

鐘字德和號節菴

羅浮春咏

羅浮仙子下蓬瀛漏洩天心物外晴掩映梨雲香一片徘徊璧月夜三更不妨春色尋常瘦自有鉛華別樣清寄語小鬟休弄笛東風零落滿江城

徐琦

琦字德用

客中有懷東周吳菴陳未菴

漢陽城北水東流楓葉蘆花萬里秋白雁未傳卿

國信碧雲空結海天愁吳中文翰推洪道江右詩  
名數太邱幾度蓬窗望奎壁光華還自燭南州

徐璣

璣字德熙號寅軒

秋日江館寫懷

水國天寒樹影稀西風何處雁南飛郢中白雪無  
人和湖上青山有夢歸獨對浮雲傷往事驚看秋  
草又斜暉十年浪迹煙波外滿眼塵氛未拂衣

登金山寺

七十一

西山  
徐氏合編

卷十七

一峰玉立大江中絕頂登臨四望通淮甸有山皆  
向北南徐無水不流東樓臺影落波心月鐘鼓聲  
傳渡口風明日仙凡便相隔海天千里放歸篷

徐珍

珍字德孺號魯軒

送劉公子還遼陽

麒麟公子偉衣冠擒虜能令海宇安手挽彤弓孤  
月滿腰懸寶劍七星寒巫閭山曉聽雞度渤海潮  
生駐馬看想到遼陽春漸老落花香裡卸金鞍

徐璿

璿字仲瑛號友竹

南河雨中有懷花臺諸友

滿天風雨楚江干夜聽波聲夢不安旅館有愁燒  
燭短鄉書無雁到家難梅腮韞玉寒猶在柳眼回  
青濕未乾却憶花臺文社友一樽何日罄交懽

徐瓊

瓊字仲玉號素軒

贈南溪隱居

七十一

西山  
徐氏合編

卷十七

數椽茅屋遂安居幾畝田園樂有餘風送落花常  
入座雨添新漲暗通渠囊中自著高人傳門外時  
過長者車祇恐天書來日下未容終老伴樵漁

徐縉

縉字子容號嶠西德重之孫弘治戊午舉人乙丑  
進士由翰林歷官吏部左侍郎嘉靖中經筵侍講  
每郊祀重典數被簡命後觸忤張孚敬遭誣奪職  
尋復官致仕歸卒年六十有七贈禮部尚書謚文  
敏諭祭葬所著有經筵講稿六卷詩文五卷

東湖詩

桂林鬱靈興山海互環旋火雲羅碧嶂冰井瀉寒泉  
泉既產名世士亦棲淵尚賢惟公抱經綸卜築依  
自然引水滙方池池廣不復穿蒲荷翠堪把水竹  
清可憐作室倚北阜啓扉面南川適性非外慕因  
事罕求全祇開蔣生徑兼收鄴侯編襟懷獲昭曠  
而不嬰垢喧因名小東湖聊以任所便

送徐昌穀使湖南

清晨送良友把袂岐路傍傍徨各仰視春鳥雙飛

七十  
尺微集

西山  
徐氏合編

卷十七  
十

翔眷言乘桂棹三月返故鄉升堂拜家慶自越浮  
三湘先弔汨羅陰繼上衡山陽衡山七十二一一  
相低昂攀蘿凌絕頂慨然覽四方附書與歸雁慰  
我長相望

三月十日送沈太史

至深溝歸歷大通河

景物可愛作詩紀之

曉起送行客出郊十餘里去騎逐紅塵歸來歷河  
溪桃花隔岸開翠柳垂幽汀飄風自東來好鳥鳴  
不止河水碧湛湛下見魴與鯉日光射晴波競躍

浮萍裡況有羣浴鳥泛泛良可喜每懷江南春頻  
覺還眼底恍惚復躊躇歸心浩然起

三月過仲默宅夜話

九十春將盡江湖我欲行頻年遊子意此夕故人  
情惜別金尊滿憂時白髮生岳陽風景地覓爾舊  
題名

湛子至自安南時予將有湖南之行

萬里交南使三年冀北思如何君到日又是我歸

時歲月憐駒隙風煙感路歧殷勤將母意惟有故

七十  
尺微集

西山  
徐氏合編

卷十七  
十一

人知

送劉德徵之夔府

十月下夔州瞿塘水勢收雲高巫峽起煙冥石堂  
幽客夢驚猿獺仙槎拂斗牛寒帷問殊俗誰不羨  
風流

水西為唐隱君賦

鶴髮仙翁何處棲潤州城畔水之西橋臨丁卯雲  
沙淨山對金焦紫翠迷五柳晝眠陶令宅百花春  
入杜陵溪不辭煙雨常垂釣已有褒章出紫泥

過王子經林西別墅

洞庭東畔竹林西，小院風流靜可栖。  
天際好山青未了，雨餘芳樹綠初齊。  
亭開碧沼塵埃絕，樓俯澄湖日月低。  
鄭谷朝川何異此，玉缸春酒尚能攜。

送沈宜學孝廉分教泰和兼東空同子

十年不見沈休文，此日長安又惜分。  
可但才華承爾祖，更知師表出人羣。  
清歌夜對澄江月，謾興晴瞻快閣雲。  
南過匡廬逢李白，道余相憶致殷勤。

石公山

七十二峰

西山

徐氏合編

卷十七  
十二

雲障天門次第開，千年埋沒半蒼苔。  
一從太傅題名後，贏得遊人日日來。

徐 鱗

鱗字紹卿，德輝之孫，初名陵，慕李陵之為人，跌宕自喜。時從少年為狎遊，揮金如土，挾策游建業，徧覽形勝，召秦淮歌姬，命酒劇飲，酒酣以往，援筆賦詩，感歎六代興亡，高歌長嘯，引聲出蕭瑟間，視舉世如無也。數射策不中，遂弃去。晚年食貧，喪子，寄居浮屠舍，蕭然如旅人。皇甫子循及張敫、劉鳳掃

室布席爭延致之年，踰八旬，神明不衰，議論古今才辯，蠡涌意氣，勃發堅悍，少年弗如也。其詩貴華彩，尚標致，經管用思愈老愈深。皇甫子循為醵金刻其集。

消夏灣

五湖饒靈境，澄灣自天開。屏間玉鏡湛，波上雲峰迴。  
春林窮虧蔽，秋渚盡沿洄。南山信蜿蜒，北阜亦崔嵬。  
朱旭吐朝曦，蒼雲含暮臺。漁歌月下起，樵唱雲中來。  
睇隨時景換，興逐登臨催。緬懷避暑跡，佇立空徘徊。  
玉殿翳荒草，清蹕生塵埃。豪華今何在，蒼莽有餘哀。

山房梅花先發

春色仙金界，瑤花映早陽。月林融夜色，風壑度寒香。  
冷淡同禪味，孤貞壓衆芳。一枝聊寄遠，情為故人長。

宿治平寺

暝色投真境，精廬一駐車。暮山飛靄遍，春嶺掛星疎。  
澤近窺汀火，溪深宿夜漁。良宵不成寐，花月在

香除

江上別盛太學與明

草色汀方綠歸心鬢欲華  
楚江臨別路春水怨天涯  
飛絮淒征舸青煙暗遠沙  
無勞歌折柳腸斷是清笳

遊南山循嶺東行稍窮幽勝

龍首酬華賜寒山轉鬱蔥  
翳林難見日靈穴易生風  
帆影滄洲外雞聲綠樹中  
何如石門興雲卧趣堪同

七十二峰

西山  
徐氏合編

卷十七  
十四

冬日重過西莊

背郭雲莊淨孤邨雁蕩清  
岸迴沙半出山遠雪微明  
草戶連郊色寒檐傍竹聲  
夜深靈籟作宿處本香城

甲子除夕宿魚鄉館

旅跡原無定衰情此更加  
飄零逢歲夜惆悵宿君家  
醺春生綠風飛雪度花故  
園今夕意悽斷若天涯

秋日山中寄淳甫

客髮經秋短離情向暮深  
永懷寒馥意一展涉江心  
嶺宿同哀狄林棲並倦禽  
白頭誰故舊感激爲君吟

春暮山中重寄張子

煙水途成阻雲天恨渺然  
素書緣病廢芳草爲情牽  
巖綠飛花後春寒細雨前  
聞君栖墓意遙贈蓼莪篇

送淳甫重往白下

七十二峰

西山  
徐氏合編

卷十七  
十五

遲遲白下棹默默寒雲津  
怨別清江路相看暮髮人  
客行偏冒霰家在不逢春  
長揖郵亭外含情柳色新

山家

山家日翠微澹蕩挹清暉  
溪水繞門綠巖雲當戶飛  
夕陽啼鳥盡細雨落花稀  
遲暮何知客逢歡便作歸

題鄒氏山居

草戶煙波上林扉碧嶺西  
柳邊時繫艇花外忽聞雞  
圓樹縈窗暗山雲度檻低  
主人開徑處惟有綠

桑蹊

勿于攜酌南館

避世南樓暇逢君遲客時綠陰消夏氣清  
蟻林密雲歸早溪深月到遲興闌杯未徹惆悵  
煙滋

寓竹堂寺淳甫攜榼見過

境外歡良晤壺觴戀夕陰暝雲沉碧殿涼  
雨淡珠林存歿悲前事榮枯愴暮心一樽仍自惜惆悵別  
時襟

七十二峰  
足徵集

西山  
徐氏合編

卷十七  
十六

遊結草庵

指引松門路飄飄水上蹊津雲春匝寺灌木晝藏  
溪苔色終年綠藤花四月齊歸途餘興緒黃鳥隔  
林啼

遊報恩寺

繡畛重雲岫煙蘿敞紺扉畫梁雲氣盡網戶雨絲  
飛僧寂鳴鐘罷林荒宿鳥歸一燈仍自照惆悵戀  
殘暉

春日登灣上水樓

心賞歡同調聊成暇日遊暮窗紆翠岫春檻抱滄  
流蕪綠煙催暝花寒雨作愁紅芳坐來歇登處且  
消憂

傷黃淳甫

在世同行客君歸莫怨先夜臺多綺歲朝露少華  
顛竹下今傷寂花前昔記眠莫教隣笛奏懷舊易  
潛然

花朝前一日對雪

仲月花晨逼飛雲點綠蘋紅芳一夜變玉樹幾枝  
足徵集

西山  
徐氏合編

卷十七  
十七

新伏檻渾疑臘當杯半助春素華消處盡應避艷  
陽辰

避暑東湖寺

物外尋真境雲標梵宮綠沉消夏氣紅艷奪春  
工嶺色含朝旭巘聲亂夕空坐來林月上涼思滿  
房櫳

哭白下沈山人鎮卿

分手渾如昨生離已十年何期從物化天外忽潛  
然酒伴悽朝露花情憶夜絃無由伸掛劍拜手酹

蒼煙

歸次曲阿作

曲阿城外草萋萋匹馬東歸日正西  
亂後客身無可寄春深鄉思轉成悽  
愁中燕子驚新社夢裡桃花識舊蹊  
莫向行途歌不得青山茅屋任君棲

寓妙隱菴

東風仙苑闢芳菲家在雲林屢夢歸  
河畔草青鶯欲語城南花滿蝶初飛  
寒生古院偏多雨苔沒空階正掩扉  
留戀曲池春更好垂陽終日鎖煙扉

七十二峰  
足徵集

西山  
徐氏合編

卷十七  
十八

雲陽道中

雲陽郭外曉氤氲飛鷺連翩正逐羣  
天際楚山看易靄雲中江樹曙難分  
鄉心更值風花暮旅跡頻驚陌草薰  
欲向隴頭聊駐馬啼鶯深處不堪聞

送陸錫綬適淮陰

征帆渺渺去湖濱千里垂楊暗綠津  
乳燕不堪臨別酒落花偏自送離人  
淮陰尚說王孫市楚水空流故國春  
荒戍角聲愁暮起夕陽時節易沾巾

七十二峰足徵集卷十八

武峰吳定璋友篁菴錄

山陰沈步雲聲雷編訂

葉初春

初春字處元號吳西世居洞庭西山生秉穎資讀書過目成誦年十七補郡博士弟子嘉靖甲子以禮經中鄉試第二萬曆庚辰登進士授廣東順德縣知縣政尚寬平而馭吏嚴肅清田賑荒築城建閘葺學宮修邑志百廢具舉而民不勞計擒海寇

七十二峰  
足徵集

西山  
葉氏合編

卷十八  
一

解散脅從奏績為天下第一戊子擢兵科給事中辛卯陞戶科右典試江西簡拔多一時譽髦如碣石舒公元樸唐公其尤也壬辰陞禮科左時李獻可以建言豫教忤旨獲重譴公約同官張棟等上疏申救奉旨切責公復疏力爭願與李獻可同賜斥逐遂免歸越十年而儲位始定以冊立恩詔復職天啟初卒追贈光祿寺少卿崇祀順德縣名宦蘇府學鄉賢祠是為支嶺始遷吳門之祖

園居自述二十韻

廿年棲隱處不離小園中困厄胸無累經營術未  
工掩扉三徑僻穿沼一灣通曲院塵區遠高臺色  
界空數竿林竹翠幾種砌花紅爽映梧桐月香飄  
菡萏風種桃嗟禹錫鑽李陋王戎履齒倒迎客爐  
烟熄喚童點甌茶更進觀奕局須終樽酒還堪繼  
盤食媿易窮少留閒話話莫遣去匆匆適興何妨  
醉談時且似聾倚欄看去鳥側枕聽鳴蟲雜艸常  
持錘驅鳥屢索弓按歌翻曲譜酬和托詩筒坐卧  
隨吾意澆培課僕功跡疑輕冕紱心匪傲王公亦

七十二峯

西山  
葉氏合編

卷十八

自諳機變其如拂素衷漫誇身覆鑠且喜目玲瓏  
却笑兒孫輩期予百歲翁

寒食蔡萬里邀過角里看花和韵

年年春日約看花佳水佳山好放槎萬樹忽驚三  
月雪百川平落半天霞飄來香氣侵樽滿折得芳  
枝挿髻斜幾度寓游成勝事仙源誰向市城誇

角頭看花和譚滄洲韻

桃紅李白萬春花遊樂偏宜傍水涯艸色芳鮮初  
過雨山光明媚盡鋪霞尋幽到處通香徑選勝頻

來醉物華天似更留人眺望却懸斜照漾平沙

辛亥夏日重登空翠閣

一去名山又隔年來尋僧話亦隨綠松蘿陰合疑  
無徑鐘磬散傳別有天高閣拂雲空不礙層巒度  
雨翠逾鮮登臨且莫嗟興廢萬古長流是檻泉

葉正春

正春字懋元

寒夜

朔風凜人聽燈影生靜觀微月落霜際怒濤鳴樹

七十二峯

西山  
葉氏合編

卷十八

端梅花香欲到楓葉色初乾漸入江天畫何妨此

夜寒

葉奕春

奕春字叔蘊

夏日閒居

池上卧殘暑鈎簾夕未昏嘒蟬連北郭流水入西  
軒日愛竹林靜閒窺溪鳥翻幽懷誰共語清切在  
琴言

遊栖霞寺白鹿泉

秋尋入古寺松老植何年微雨滑鳥道野花濛  
泉採芹深澗底醉月亂峰巔返步招提外疎鐘度  
暝烟

葉逢春

逢春字華山

紹山咏壽友

地滿閒雲別有天披襟嘯咏紹前賢探梅細關蠶  
叢路采藥時同鶴馭旋萬頃波光浮樹杪半空嵐  
翠落書編五湖酒載扁舟去一個峰頭醉一年

七十二峯  
足徵集

西山  
葉氏合編

卷十八  
四

葉子循

子循字玉崙號涓仙初春曾孫以易經中順治丁  
亥進士初任北直唐縣知縣調繁浙江淳安縣再  
調陝西郃陽縣報最卓異丁外艱未赴京服闋補  
廣西容縣知縣適吳中奏銷事起降秩歸田郃陽  
建祠祀之

都門別鄧元昭太史

飄蓬半載滯燕京不盡綈袍故友情秘院爾看成  
獨步郃陽我去住孤城牽衣楊柳垂溪綠照眼桃

花入酒明相對離愁神自黯那堪日暮聽鶯聲

送秦愷人民部出計鳳陽

一片明霞出建章江天雲樹曉蒼蒼黃綸初渙楓  
宸近畫戟先傳梓里香鎖鑰淮南新憲府舳艫江  
上舊倉箱司農經國多匡濟自有鴻猷懋爽棠

洪洞郊行

纔出山陬向水涯酒帘飄處馬蹄斜參差遠黛明  
遲日宛轉垂虹帶暮霞麥隴乍侵芳徑艸柳堤還  
繞杏園花依稀澤國江南景不覺間關道路賒

七十二峯  
足徵集

西山  
葉氏合編

卷十八  
五

閨中對月

棘闌蟾魄影扶疎秋色平分此更多槐引素颺窺  
碧幌桂團清露倚芳柯諸生借箸誇良策老子開  
襟發浩歌記得五年前是夜也曾携卷望姮娥

呂西屏學憲以新詩見示依韵和之

博得新篇盡水南詩腸鼓吹借餘柑憑高屢引登  
樓眺望古頻邀秉燭談雲錦並誇襄已七蓂光遙  
避舍應三笑囊正有驚人句斗酒酣吟未是貪

秋夜懷同門顧松交兼寄鹿城余石臣麗水

方邵村餘姚胥永公諸年丈

清光耿耿薄林臯中夜踟躕首自搔竹響似來元  
歎駕月明欲泛剡溪舸天涯兄弟憐同調海內羊  
求共短袍因憶姚江秋水發少微還傍釋山高

聞門人白藥淵入中秘志喜

登瀛此日慰相思遙喜氷銜不自持授簡已看香  
案裊賜蓮還望玉階遲千秋事業懸麟閣十載摩  
娑到鳳池應信文章能報國莫教巨手負明時

天木弟秩滿應召兼祝誕日

七十二峯

西山  
葉氏合編

卷十八  
六

奏績名書御座前吾家叔子正英年四郊已徧甘  
棠咏三祝先陳協夢篇指日豸冠須報主此時鳬  
舄暫留仙與君式好遙相贈不比尋常祝華顛

葉灼棠

灼棠字函公號嵩巢東山紀革里人僑居棠邑為  
江寧縣諸生由恩貢入成均順治辛卯中副車第  
一癸巳以明經薦廷對授內閣撰文中書生平  
好奇計務遠畧時閩方拒命上命定遠將軍討  
之嵩巢得監軍與謀盡焉以平閩功超拜興泉兵

備副使詰姦防海息事寧人著有勞績後與巡方  
者牴牾罷歸終于家有學古編志行州燕山草存  
餘稿平海吟庚辛涉筆等刻行世

述懷

大造本無極孰知開鴻濛扶輿翕靈氣孕化難為  
功日星耀幽都燦然發群蒙精魂相蕩蝕兩間汨  
興戎天道革其常人理信有終吾其叩冥漠萬古  
將無同

川嶽萃正氣蔚為天地英大人得其真浩然無留

七十二峯

東山  
葉氏合編

卷十八  
七

行道開天弗違運去莫能爭升沉自古然所慮毒  
蒼生長松覆蔓艸氷霜非其情扶植葆元化至德  
無能名

擬古

青青陵上茗莽莽澤中艸采蕪弄其英誰為合歡  
好孤芳易搖落相示兩紫抱卓哉松柏姿歲寒長  
自保物老乃多智人智忽已老欲向天門言含情  
不能道

梧桐生高岡翳翳凌霄安琢之成琴瑟絃以山桑

絲一彈別鵠操再鼓孤鸞詞悲歌發清商絃  
能治持此盛人意好惡慎相置豈無巾車子不如  
伯也懿

過鵲湖書院

尼山逝已久斯道誰復尋詩書絕微響琴瑟多遺  
音狂秦既殄滅郭說仍見侵不絕如縷綫千載半  
浮沉考亭大肆力講論皆規箴精義續微言窮理  
衆所欽象山先主靜所得在一心淺者見異同大  
道無歲欽嗟予聞道晚過此消胸襟瀟灑滿秋色

七十二峯

東山  
葉氏合編

卷十八

初入西莊田舍

西郊遘時雨麥華揚其香風疏宿莽新曉溜盈方  
塘藉茅栖數椽獨樹成浮梁老農解揖讓童稚能  
畊桑琴書清夜心莞簟生午涼雲山鬱多色艸木  
罕不良百情自茲遠無為遲暮傷

野望

遐心在秋日啟戶對南山天光淡無影搖漾松風

間却怪池邊鶴雲歸猶未還

喜雨

門外牛羊歸門中鷄犬眠上天念勞人霖雨盈中  
田駟牛易力作耕者無息肩杭稻秀長陌豆葉亦  
綿綿及此多歲功白首同晏然

懷田舍

刈麥迎天時麥成雨初足插秧滿町畦平野徧新  
綠力田云有秋秔秣先後熟鷄犬有餘粒牛羊無  
抵觸田父營所私村釀酬一斛陶然聊復醉盤飧

七十二峯

東山  
葉氏合編

卷十八

及童僕時或生微寒開牖引朝旭

鳥無巢

伐木為舟斧斤入山者數月肩運數  
百里疾驅而至意烈哉作鳥無巢

木累累兮橫渠葉紛紛兮載塗鳥無巢兮向隅人  
與獸錯趾無寧居借問執父士道險今何如羊腸  
千盤鳥路鬱紆人力苦微細鞭箠之下無賢愚嗚  
呼焚林烈澤自古有驅除山靈何敢愛髮膚但願  
大官馳尺書敢叩幕府緩斯須無使勞人草艸生  
死不得少踟躇

河無船

水師乏舟提鎮拘集漁  
船以備防汛作河無船

河無船水多漁裸背肉膠波底居此邦以網罟代  
耕鑿如農服田力穡亡耰鋤試問漁人何所慕潮  
深汨汨隨鷗鷺龍窟宜藏瑪瑙盤蛟宮直矗珊瑚  
樹何為乎入市潛行貫百錢侍兒更索江瑤柱

### 百雉高

長鯨吟浪颶風起二十餘城填海水祇有桐城捍  
禦堅幾年又見生烽烟焚如萬縷當風前隍如挽  
危石而置之千仞之山巔豈儒狙胸臆俗吏膠成  
說曾不知百姓之顛連吁嗟乎士卒莫言勞大工  
七十二峯

足徵集

東山  
葉氏合編

卷十八  
十

### 戰湄州

湄州嶼兩郡之衝積寇盤踞戛兵有年檄  
水陸會師一鼓蕩滅民無擾焉

兵不在廣行列戰不在多殺傷請囑專城將靜一  
氣自揚馮陵在肘腋頗易別善良鐵騎叩枚中夜  
發廝養奚兒禁無越舟師刻晷衝洪濤步卒星羅  
待奔突洛陽橋邊塵不飛崇武山頭歌采薇轅門

獻俘揚國威橐筆論功師不歸君不見北風怒起  
橫雕鶚傳諭虞人為掩骼

### 赤海圖

閩海上抵浙東下通東粵千有餘里總制  
李大司馬新奉專制八閩之命蒙俯咨方  
略具陳一二蓋不在形勢間也宜內撫百  
姓以廣招徠命畫師繪圖以獻并系以歌  
堂前突兀群峰出手捲蓬壺眇甌越兩瀕分流百  
粵通塞遊今作長蛇窟赤子弄兵藩籬間波濤咫尺  
迷神山島嶼鱗鱗限日月環帶溟渤西潺湲上  
有迴風逆溯之彭湖下有衝流橫絕之臺灣東南  
倚天險形勢何壯哉撫馭失其道蓄貍化為豺池  
魚縱大壑鱗甲生塵埃我公直欲靖邊徼意氣橫  
空山岳開拔劍一擊神鬼泣奔走下士如嬰孩天  
風日夜驅海水一望滔滔亘千里眼底生民盡魚  
鱉區區甌駱何為耳小臣總總無所知還有流民  
之圖獻天子

### 邯鄲謁呂仙祠

七十二峯

東山  
葉氏合編

卷十八  
十一

高祠畫屋垂雲錦中有真人正軒寢富貴神仙兩  
得之何人不羨遊仙枕養生但茹肉石芝百歲還  
同襁褓兒崑崙方壺不足憶痛飲大嚼真吾師盧  
生盧生勸君醒叢臺蕭瑟霜風冷

贈凌元煥

海內幾人稱國手古淝周東侯中吳盛大酉余昔  
游燕曾見之旌旗壁壘相先後近得毘陵最少年  
奕也吾師飲吾友暫拂楸枰角彩珍錯落珠璣布  
星斗忽爾大笑誇精筭勢欲飛鳴驚座右滿堂動  
七十二峯

足徵集

東山  
葉氏合編

卷十八  
十二

色嘆有神舉子安能勝其耦君才奕中仙來者應  
推首小技寓深理慎毋矜勝負我欲致書廣陵童  
子黃龍士還能鼓唇掉臂與君一戰否

牧馬韓道村和鄂學士韵

荒村初解轡戎幄暫為家步障深連席氍毹坐列  
牙有田皆苜蓿無處不琵琶遙憶江南路春風自  
放花

大名遇雪

雪滿城西路征鞍已暫停旌旂虛夜月燈火散春

星擘甕村醪白堆盤野豆青更闌人迹少歸雁不  
堪聽

師次彰德

韓陵一片石平野是中州極目空燕趙橫戈落斗  
牛繁花依水碧孤月入雲秋車馬年年過龍山非  
舊游

錢塘挽舟呈鄂學士

日出山城曉江聲正北流遠峰如欲雨孤樹自成  
秋牽我碧鳥榜逐君青翰舟忽看旌旄處雲氣擁

七十二峯

足徵集  
東山  
葉氏合編

卷十八  
十三

龍蚪

種竹東莊

小圃新栽竹南枝高一尋及晨初受雨向夕已成  
林葉葉瑯玕色絲絲造化心此君如有意清韻共  
鳴琴

集拾翠閣

綠野春相問蘼蕪晚更妍花邊瀉瀉舞竹裏麝香  
眠島色開三徑波光媚一天玉樓人盡醉歌管送  
歸船

題嚴先生祠

遺臺高矗俯江濱萬里河山若比隣  
氣節獨先天下士功名甘讓一  
時人餘風孺子留懸榻物色先生  
折角巾天地寥寥幾人在烟波深處  
好垂綸

謝疊山先生書院

隨軍寓此

寂寂荒園無四鄰疊山遺跡起埃塵  
奇文昔自空吳楚峻節今猶動鬼神  
畫角涼颼秋艸白牙旂落日野烟新  
千秋恨在誰能識車馬紛紛鬧及旬

送汪西玉自粵西朝覲歸省

七十二峯  
足徵集

東山  
葉氏合編

卷十八  
十四

萬里星輶出上京便過鄉邑肯辭行  
宦情強半因兒女旅食奚堪累  
友生衣帶曉寒濡水渡石田春  
暖和雲耕客心已逐君歸去卧聽  
桑乾伐鼓聲

荆南春日

東湖新漲正潏潏旌旆飛楊柳  
甲山雲暗巫陽朝暮色雪消巴蜀  
有無間園中蜂蝶時相見樓上笙  
簫夜不閒約伴同沽沙市酒  
百花深處聽鶯蠻沉香井畔日將  
斜踏遍青郊白鼻騮社燕飛飛尋  
故壘林鴉陣陣點平沙芳梅有韻  
吹寒笛朔雪無

撥入暮笳零落道傍官柳盡深春  
還發楚宮花

杏花蒲葉滿江天寒食東風在眼前  
楚女踏歌村社鼓巴人爭挽拔河  
船鸕鶿殼裡飛朝雨楊柳陰

中宿暮烟喜逐流光看曆閏又添  
春月一回圓已曆閏十二月尋改明年庚戌二月間

有客依劉續古歡曲江詩賦共登壇  
驂騑舊識王

孫草鄧觀察贈馬首荷新霑學士盤秦太史錦水未消

三國恨綠楊猶送六朝寒天涯處處  
春風好此日

休嗟蜀道難

七十二峯  
足徵集

東山  
葉氏合編

卷十八  
十五

古梅庵詩

棠邑東郊有梅數株歲月不記已  
弗花矣僧無垢結庵其側因名焉  
幹蒼以直枝勁而不繁庚寅歲暮  
攜友來觀彌日不厭欣然若有悟  
也無垢出所作古梅圖索咏援筆  
為之

瓊林日日送春歸四照無燈白一  
扉卷幔宜看花淡淡掛瓢空見影  
依依青山望去能偕隱粉蝶閒來  
任獨飛相對莫教憎老醜些時多  
不解沾衣

無風無雨度良辰靜裡何曾負却春花葉不生俱  
是淡形骸雖有總非真寂寥興若宜寒夜瀟灑情  
同對古人忽憶昔年花落處朝來呼婢掃香塵  
幽徑無人肯自芳獨留閒影照方塘隔林風急空  
生籟滿地雲過不染香舞鶴漫隨湖上去飢鳥時  
向嶺頭颺遙思玉蔬清堪漱攜得高枝雪半囊

張果祠內兩老梅侍

雙髻憑闌喚玉奴逍遙携手上清都攀來天外三  
花樹寫入人間五岳圖竹院霏微雲作縷柴門深

七十二峯

東山葉氏合編

卷十八

扁鵲相呼主人驢背吟殘雪一片寒山香有無

辭家

客子牽衣別老親教兒且莫厭風塵前途若寄平  
安字但說軍前活幾人

蕭蕭班馬去孤城花底鶯歌雜鳳笙把酒河橋輕  
語別誰憐萬里負戈行

葉壽棠

壽棠字介公嵩巢兄弟行也為六合縣諸生

兵燹後思歸洞庭和湯天

桃源元有路招隱許誰偕塵事到山盡浮名向酒  
埋抗懷雄九辨莊語雜齊諧便欲乘風去伊人水  
一涯

每懷無事事小築面湖濱橡寔山堪稅漁竿水不  
貧到窓梅是夢對月我為賓歸計今年決烟霞老  
此身

已作田間計猶為江上留最怜今夜月不異故山  
秋久客翻成戀言歸亦浪遊鹿門堪寄跡况復舊  
丹邱

七十二峯

東山葉氏合編

卷十八

可憐老瓦盆無酒暗消魂微雨寒生渚輕烟晚護  
村人今思出世吾願返荒園自愧非陶令高風不  
復存

葉芾棠

芾棠字懋公總角時即有才名冠其群從屢試不  
售蒜髮種種始獲一薦明經卒年八十有九

為王抱綸題汪孝隱五種墨菊

昔聞柴桑翁秋英獨欣賞誦彼南山篇高風千古  
上多今孝隱君出處何相仿傲骨凌霜枝寫照復

神王王子留真蹟人琴不俱往墨花向三載淡作  
伊人想披之五色烟時出甯封掌

九月十三日家林屋豈僧叔過寓小飲賦得  
冒雨尋菊同用微字

不與東籬約坐淹窓雨微尊羹高士傳秋水野人  
扉墨妙疑時眼詩亡屨布衣蒿萊從不剪謝屐莫  
教違

葉令遐

令遐字士毅善談諧喜作汗漫遊同其姪王聞上

七十二峯  
足徵集

東山  
葉氏合編

卷十八  
十八

遊粵西三年不歸作詩一帙寄懷山中故人名曰  
天際想竟沒于客人多惜之

種桐

愛君能自潔栖止不凡禽幽響儲青甕輕暉揜素  
衾風翻同上下月吐幾晴陰一片空明裡長存太  
古心

過小孤山

波心青一點鏡裡弄奇姿殘篆封苔古高峰阻日  
馳鳥歸帆影外龍出晚鐘時詩句隨潮冷蒼煙月

上選

滕王閣次友人韵

去天尺五瞰長空閣檻新看創製工喜有高人重  
啟晏豈無杰士遠乘風瞻雲不盡當年想倚馬誰  
稱一代雄擊節共評秋水句歸鴻笑指落霞中  
險倚江流勢逼空敢云人力勝天工雲歸南浦先  
辭月雨挾西山欲御風遊倦自憐題句逸時乘猶  
喜論文雄舉杯輒有登臨感半屬詩中半序中

粵中寄憶梅友

七十二峯  
足徵集

東山  
葉氏合編

卷十八  
十九

在野風流自不群淳庵近稿遠方聞八千里外常  
愁我十二時中只憶君榕桂秋風悲落魄池塘春  
草夢殷勤最懷明月鄉園夜坐掩衡門細論文

清明詞

嫩日和風淡淡雲湖平山起望中分年年路艸年  
年在翰爾無情綠到墳

邯鄲曲

世人皆是夢何處問黃梁翻羨盧生枕逢仙得睡  
方

葉經

經字有九居紀草里能為小詩

秋夜寄懷緯仲

夜色還如許情生自不同月明秋共焰天碧水俱  
空影對吟偏澁魂勞夢未通飛鴻如可托遙寄一  
報中

葉鑣

鑣字維四

別僧房海棠

七十二峯

東山  
華氏合編

卷十八  
二十

四月禪房領色香來從季夏到重陽黯然對酒難  
為別始信元名喚斷腸

七十二峰足徵集卷十九

武峰吳定璋友篁菟錄

燕山甘天章翰仙編訂

李顯

顯字可大馬蹟西坵人明宣德三年貢生任浙江  
處州府松陽縣知縣以子濬爵累贈湖廣布政使  
司

寒月

能作高明宰何妨歷此寒天空塵不到星拱位誰

七十二峯

馬蹟山  
李氏合編

卷十九  
一

千今古邀金鏡河山走玉盤深宵霜皚皚宜與冷  
人看

李濬

濬字德深明成化己丑進士歷任戶部主事工部  
郎中河南參政湖廣布政使司兩省多惠政祀名  
宦

寄答王學士守溪

家園彷彿小孤山四面烟波擁翠鬟來往檣帆明  
鏡裡參差樓閣畫圖間千年梅樹岩頭白二月桃

花洞口殷他日扁舟勞枉問柴扉只在嶺西灣

李 璲

璲字用之號行齋方伯從子明正德庚午舉人任湖廣澧州學正補山東濱州學正陞河南汝寧府確山縣知縣

錢節婦

內閣錢氏女年十六嫁同里姚冕生一女成化十九年冕客死柩還迎哭舟次奮身投水以殉所親力援出之服闋夫兄謀奪

七十二峯  
足徵集

馬蹟山  
李氏合編

卷十九  
二

其志氏覺遂投於池復救免家人防之甚密氏乃佯許之防少懈一日薄暮浙米釜中謂女曰汝燕火吾少睡粥熟白吾比其女往白而氏已縊于床間矣時無為表揚其事者旌獎之典缺焉故詩以弔之

猗彼錢淑人及笄歸姚氏貞性本天成卓然邁諸姊厥夫死客鄉時年尚少只聞訃哀慟絕歸櫬候河涘不獲睹生顏欲速見蒿里蹣跚投清流所親援出水伯氏胡不仁奪志計卑鄙淑人懼不免從

容竟縊死嗟哉夫婦倫匪可輕易視一醮終不移喪節同犬豕寧忍偷餘生致遺君子恥淑人意何決不啻奇男子惜哉無旌揚幽光掩塵土我心為惻然灑泪記終始匪直闡潛德因以正人紀閣筆倚山牕萬壑悲風起

題水平王廟

帝德傳耕稼王功佐濬川湖流三萬頃廟食百千年春港魚鰕美秋林果蓀鮮漫誇風土異努力種桑田

七十二峯  
足徵集

馬蹟山  
李氏合編

卷十九  
三

將歸夫椒泊湖口

咫尺胥臺路風波滿渡頭鶴情懸碧隴蕙思協淪洲遠樹迷歸嶼飛花引去舟白雲為帶處彷彿是丹邱

題祥符寺本宗上人畫壁

衆山飛翠入茅亭亭下孤舟鎮日橫此境寂無塵事擾道心秋水一般清

李 璲

璲字潔之號浴川璲從弟嘉靖十三年選貢廷試

第一授廣東韶州府司李韶瀕海而俗悍健訟獄多不結輒下車數月積案一清會洵氛竊發當事議用兵於水陸要衝舉輒攝參軍籌畫防禦悉中機宜粵賴以安陞楚荊州通守職司捕務兩署府篆盜息民安致仕後一刺不入公門然於興利除害則言之侃侃不少避桑梓隱受其福沒之日唐荊川先生輓詩云一朝天地收靈氣千古湖山失主人

### 古劍篇贈何將軍

七十二峯  
足徵集

馬蹟山  
李氏合編

卷十九  
四

匣中芙蓉劍傳自風胡手紫氣森雲霓精光犯牛斗山空髑髏語夜靜蛟龍吼突兀虎豹闢當今失所守攬搶犯天紀黃塵蔽九有贈爾英雄人策勲期不朽

### 還山

解組滄溟畔攜家紫翠間地臨雙港勝天與幾年閒茅屋靜聞雨竹籬疎見山墻東吟社在元白尚容攀

李 備

備字嶺西方伯濬之孫為縣諸生忠信廉節史照人有史某嘗寄白金二百兩人無知者史暴卒備召其子還之封識如故所著史學摘斷性理彙纂太湖志諸書皆失傳祀鄉賢

### 志感篇

馬蹟山化鯉騰蛟

混沌初開有此山當年秦履曾躋攀七十二峯獻靈秀靈秀畢萃山之灣天生人物亦種種鯉化雙兮蛟出三禹門錦浪起平地東泉西嶺聲潺潺風雷頭角迥然異雲鱗兩甲真超凡兒童走卒莫驚

七十二峯  
足徵集

馬蹟山  
李氏合編

卷十九  
五

怪人文物瑞本相關君不見大參方伯東西埒晴峰行與科名聯又不見邇來王氏已生翼宋君龍化五雲間從茲矯奮寧乏人與君同賦志感篇

李 晏

晏號晴川行己方正有古遺民之風

### 夢回

夢回難未唱特問夜如何酒力寒能減詩懷老更多不堪●宇宙長任彼江河擬待東曦上登山一放歌

竹下

夏到不知夏能生肺腑秋市朝多少地誰及此清幽

燕來

歲歲誰招社自來春光剪破百花開獨憐鴻雁緣何故每過江南只告哀

李高桂

高桂字太升孝友端方名高庠序鼎革後野服終身其哭甲申殉義諸賢詩世猶傳之

七十二峯  
足徵集

馬蹟山  
李氏合編

卷十九  
六

惜別

一腔心事苦難留書劍飄零更遠遊夜未應知頻問夜秋非底事忽悲秋樽前漫說同樽好地異方溪各地憂古渡青青一岍柳也看行色幾回頭

李盛時

盛時字中孚號確庵耿灣人讀書留心經濟爲文章原本六經根極理要登崇禎庚午賢書嘗遊楚中同年友徐國瑞令醴陵確庵勸其積穀備賑未幾飢饉游蘇軍需孔亟大司馬楊嗣昌下儲粟令

郡邑皆束手無策醴陵獨以數萬斛如檄而至餉既充足而所活飢民無算國瑞得舉卓異第一確庵嘗自耕舍傍田數畝畝額租一石六斗而歲穫每不及其數惻然曰奈何以此病佃者遂每畝減租二斗通灣田千餘畝人皆援例減之貧佃以甦鼎革後削髮入山爲僧裝郡邑數下徵書皆不應與杭魯詹談星

七十二峯  
足徵集

馬蹟山  
李氏合編

卷十九  
七

用中禪師

太平風景認前朝說向精藍萬慮消田可飯僧宜自種社隨人赴不須招閒翻貝葉開蓮朶春到梅花次柳條野艇久虛方外約新塘東去是大椒

偶見友人扇頭西泠感舊之句因次其韻

西泠宛記昔年遊客夢重提到扇頭踏月三天山寺夜觀潮八月海門秋肩輿迅步齊奔馬小艇輕移慣狎鷗興到題詩粘壁處水天一色駱家樓

佛殿禮足五體投地不知此日是何日也

年年三月有今辰節換清和倍愴神恨事空門消  
不盡心香一片蕤來真識田無種新生僕夢境多  
迷得意人屈指數他方外叟北遊誰復記前因

李敬

敬字聖一號退庵東山人寄籍六合縣登順治丁  
亥進士仕至刑部侍郎漁洋山人詩話云李侍郎  
退庵與余及長洲汪茗文南海程周量論詩京邸  
其說甚精余極愛其五言如酒醒亭午後人憶秣

七十二峯

馬蹟山東山

李氏合編

卷十九

八

陵西又瓜步新添水清明遠送行此例數十句皆  
不減古人辛丑歸田舟過廣陵猶與余論詩移晷  
未幾病卒病中自訂詩文若干卷刻之戒其子度  
閣二十年後乃可印行今三十餘年矣余門人吳  
易編修其壻也屬索諸其子至再不可得今無有  
知其姓字者矣余嘗錄二十餘篇於感舊集將來  
或不盡湮沒者意在斯乎

遊盤石寺

撥雲尋古剎秋色正蕭蕭曲徑分山面飛泉出樹

屢門溪紅葉雨碑斷赤烏朝僧老無拘束隨人過  
石橋

清明雨泊瓜步二首

愁思如芳草春程不斷生停雲增野色過雨挾江  
聲瓜步新添水清明遠送行從人作吳語歸計羨  
朱櫻

春風搖岸柳江色上吳船雨雪初晴日鶯花欲暮  
天近家餘別酒乞火趁新煙莫復愁途濶金山樹  
影邊

七十二峯

東山

李氏合編

卷十九

九

山中晚歸

尋山竟日飽山容雲外穿雲更幾重秋色漸紅千  
樹榭月光初白半林松前村出沒見漁火古寺迴  
環隱暮鐘彷彿當年衡岳路驅車何意勝支筇

題烏石寺

朝駕巾車上碧山暮隨明月下山還回頭却望山  
中寺半在寒煙古木間

石作屏風松作籬縱無煙雨到來迷山僧指點門  
前路野鶴閒雲知不知

李珍

珍字子玉業攻木而不廢書卷能作小詩周王屋  
云李馬郎詩當相之於牝牡驪黃之外者也

冬日雜咏

枯檜一株如海槎北風寥落集寒鴉樹頭怪石高  
於屋光射殘陽似赤霞  
雨過鳴泉穿檻出餅花日射凍蜂飛雞豚飽後自  
呼舞山靜無人叩板扉

夏日雜咏

七十二峯

東山李氏合編

卷十九

草長過眉不見人閒花開落通為塵黑雲吹到前  
村雨又入涼風快一巡

李仲芳

仲芳字



西山人

秋日集金峰寺

為覓禪栖處窅然山數重門通黃葉徑人在白雲  
峰晴雨花間瀑寒霏石上松東林凡信宿殘月聽  
疎鐘

天王寺

蒼青松與白雲空山寂歷少人羣石門靜對雙  
崖啟澗水寒從百道分禪誦靈花空裡見齋食清  
磬谷中聞息機願借維摩室時譯西方貝葉文

七十二峯

西山李氏合編

卷十九

薛南

南字圖南馬蹟山人其父逐利魚鹽南少有志於學告其父曰兒將爲彼不爲此矣父遂聽其業儒窮究於天人性命之微發爲文章卓然大家風範同邑朱信夫毛式之唐希古唐鶴徵器重之令子弟皆負笈相從南生平以孝事親以友待弟以正誼明道教人卒崇祀鄉賢

聞雞

澤畔行吟老此生宵宵欹枕候天明聞雞忽作劉

七十二峯

馬蹟山  
薛氏合編

卷十九  
十二

足徵集  
現想又聽哀鴻叫月行

薛直

直字司直圖南胞弟潛心理學文行不愧乃兄庠序中稱爲二薛先生

題竹塢

何年此地種瑯玕滿塢清陰六月寒記得相過烟雨裡迷濛一箇綠雲團  
萬頃春雲接地陰鄴侯書屋最深沉年年風雨看龍化湏識前人種竹心

馮杲

杲字永嘉馬蹟山人縣諸生好學問通經術正統九年拔貢選授河南陽武縣知縣治行有聲擢湖廣常德府司理慈祥治獄每有矜疑竭力與上官爭執多所全活著素位堂詩一卷

蕭梁橋懷古

莫向蕭家問故宮瓊樓玉宇已成空祇今惟有橋邊柳猶帶栖鴉拂晚風

馮世祿

七十二峯

馬蹟山  
馮氏合編

卷十九  
十三

足徵集  
世祿字廷伯號介軒永嘉之子居心長厚品望端凝成化中以鄉貢任松江府學教授

贈李使君

雙旌五馬出神州南國分符擁上游陽羨雲深千嶺合梁溪水順五湖流哀鴻此日勞新政破柱當年識壯猷料得公餘饒逸興每攜賓從醉高樓

馮思正

思正字端揆家多藏書誦讀不倦折節下交無富人子習氣弘治中以歲貢選授安慶府桐城縣學

教諭

偶過友人館中即景成詩

密葉陰成幄鶯吭滑欲流  
野花紅半畝細麥綠盈疇  
斜日明漁網輕煙出寺樓  
戴顓茅屋外斗酒約重遊

但見

盈盈二八女款款來金界  
未審欲何求但見溪溪拜

入城不及宿雪堰橋

七十二峯

馬蹟山  
馮氏合編

卷十九  
十四

回首紫門日影消白雲如絮  
累山腰如何此去非千里也  
學唐人宿灞橋

馮儒

儒字伯鴻少不好弄惟嗜遊  
覽嘗曰我輩幸生山水間而  
不能領畧山水之趣是徒爲  
山水所笑也

五十述懷六首

閱歷今經五十秋浮萍身世  
敢隨流久知平子愁難破幾  
度班生筆欲投車轍豈堪螳  
臂任文章還覬豹皮留一從  
方寸爲形役不及忘機海上  
鷗

功業曾羞並狗屠支離切莫問榮枯  
閒看富貴花

開落不啻妻孥飯有無鷗鷺直教隨  
我狎馬牛從

此任人呼頭童齒豁將安往老我高  
陽舊酒徒

不到無錫不算貧綈袍也過幾冬春  
倘存慼慼三

分態豈是堂堂七尺身裘敝黑貂無  
鬼笑毛生名

刺任吾真相如縱奮題橋志狗監于  
今未有人

屈指光陰逐逝波少年心事漸消磨  
貧因徹骨難

賒酒書未臨池不換驚水榭火畊綠  
已薄飢驅寒

逼病偏多休嗟負郭田何有催吏頻  
年喜不過

七十二峯

馬蹟山  
馮氏合編

卷十九  
十五

往日爭誇席上珍比來羞說老頭巾  
敲門也有催詩客問字曾無載酒人  
自許胸襟差近古那堪時事漸翻新  
可憐碌碌風塵輩飯熟黃粱夢未真

慚媿空爲盛世氓枝同鼯鼠竟何成  
閒愁縱向書

中散白髮爭從鏡裡生壯歲未諳辛  
苦味中年方

識嶮巖情醉鄉若許頻來往滄海桑  
田任變更

馮霖

霖字潤蒼讀書慕義友生有緩急傾  
囊以紓其難事後無德色食餼有年  
同庠推其文行可以模楷

後輩

雨後東村觀菊

金英離畔是誰栽  
九日霜前次第開  
試問賓王吟  
賞後知音曾有幾人來

馮兆占

兆占字子豫潤蒼長子縣諸生

紅葉

腐草經霜盡可刪  
楓林點染血斑斑  
夕陽在樹不知夜  
野水流紅到幾灣  
桃葉凋零空自怨  
柳條黃

七十二峯

馬蹟山  
馮氏合編

卷十九  
十六

瘦太無顏停車亦有人  
來看吾谷何如此一山

馮兆暘

兆暘字子晉潤蒼幼子縣諸生

西湖

共道西湖好  
千峯拱寺門  
谷溪遲月影  
石瘦接雲根  
鬼斧真成幻  
秦鞭未足論  
何時復來此  
相對坐清尊

殷鈇

鈇字良器馬蹟牛塘灣人  
明天順二年貢生任北  
直涑水縣知縣

春霽偕友登葦渡庵小樓

樓空更喜值晴空  
水色山光一望中  
何事閉門虛歲月  
儘堪隨處領春風  
斷橋古渡柳爭綠  
野店荒村桃自紅  
得暇政宜同適趣  
春光那待白頭翁

七十二峯

馬蹟山  
殷氏合編

卷十九  
十七

管默思

默思字咸和又字睿五馬蹟雁門灣人秉性剛正  
治家嚴肅有浦門鄭氏之風鼎革後閉戶著述不  
求聞達吟咏甚富然多傷時語故不盡傳

行臥吟

何處堪吾與空孤一片心滄桑恒寄慨山水孰知  
音躑躅雲廬隔蹉跎霜鬢侵所欣江管在行臥得  
酣吟

聞鐘聲

七十二峯  
足徵集  
馬蹟山  
管氏合編  
卷十九  
十八  
夢回殘月在伴我碧欄杆天步今難問山家自足  
歡烟霞供嘯傲觴咏得盤桓試聽晨鐘發邯鄲總  
渺漫

無端

無端毛穎子天不禁窮搜以此爲吾友相從到白  
頭漫將花月興寫盡古今愁誰謂遊囊澁叅之李  
賀浮

魏惇徵

惇徵字培遠號西川馬蹟雁門灣人年少能文博  
覽羣書食餼二十載七試棘闈不售著有四書講  
義四書備考詩經講義訓迪後進門下多成名之  
士

山居

牙籤萬軸屋三間不是幽人不往還雪裡醉歸迷  
舊路月中孤坐對溪山梅欣遠舍常防折竹愛當  
窻不忍刪有意避人思洗耳枕邊時聽水潺湲

七十二峯  
足徵集

馬蹟山  
魏氏合編

卷十九  
十九

魏綸標

綸標字玉燦惇徵長子

田家

清晨荷鋤出蓬戶忙向東臯一迴顧草盛苗稀恐  
失秋及時耘耔焉敢誤田家作事實艱辛絲穀年  
年預賣新輸足官租無督責飢寒猶是太平民

遊點山石瀨灘

遠放輕舟泛碧流却於石瀨作勾留濤聲忽訝松  
間出山翠翻從水面浮樵徑幽深時見鹿漁歌款

乃不驚鷗斜陽未盡登臨興秉燭清宵當盡遊

### 魏名大

名大字高封綸標長子

### 齋居偶作

甲子忙中過閒情靜裡長茶香泉細品稻熟飯新  
嘗覓句酬風月添衣禦雪霜禁奢貧亦足忍辱又

何妨

### 魏余棟

余棟字其蕃綸標少子縣諸生

七十二峯  
足徵集

馬蹟山  
魏氏合編

卷十九  
二十

### 樂歲歌

農人苦力耕志在獲車籌水旱每不均往往空吁  
憫天心獨仁愛今年幸有秋盛夏風雨時八月禾  
黍稠高下已稔熟與翼盈西疇轉瞬築塲畢擔荷  
各自由富者積如茨貧者亦如邱婦子樂陶陶父  
老嬉以遊禮義生富足盜賊從此休人心磐石固  
國勢如金甌持此報明主請紓宵旰憂

### 秋晚

暑隨朝露散涼逐曉風生  
移戶清光滿開簾爽氣

迎漸疎蕉扇影暗促剪刀聲喚醒幽人夢茅簷蟋蟀鳴

### 春遊

曲徑小橋通行行路不窮一堤楊柳綠幾處杏花  
紅野鳥聚還散閒雲西復東登高憑極目山色遠  
迷濛

### 立秋日早起

暑氣潛消半夜風庭階片葉落梧桐輕雲不掩銀  
河影殘月猶明一畝宮瀨氣無端悲宋玉淒蟲何  
意感歐公年年此際多愁集千古傷心豈異同

七十二峯  
足徵集

馬蹟山  
魏氏合編

卷十九  
二十一

七十二峰足徵集卷二十

武峰吳定璋友篁蒐錄

嵩峰葉達耘渠編訂

鄒倫

倫字子序號太湖漁父東山嵩下人王少溪友也

雨夕燈下觀菊因懷九湖谷虛兩峰諸舅

晚菊冬逾艷虛堂夜更幽影隨紅燭轉香傍碧闌

浮雨阻花前轍雲連樹杪樓衝泥知共怯咫尺阻

同遊

七十二峰足徵集

東山鄒氏合編

卷二十

鄒之翰

之翰字憲夫武山瓦埕人歲貢生與陳眉公米仲

詔葛震甫相友善所著有梧月軒集海寧查聲山

太史序略曰乙酉春

翠華南幸一時能文之士爭獻賦頌

天子命于行在考試拔若干人徵至京師開館選宋金

元明四朝詩而鄒子念尊與焉鄒子世居洞庭其

先世曰憲夫先生之翰曰舜五先生斯盛皆以詩

有名于時然皆高隱岩阿詩雖工世未之見也幸

寵靈撰次編纂因得褒揚其先世之幽美使

山林野老之音俄而與帝王卿相廢歌廊廟之作

斐然共垂千古億豈非希世之盛烈也哉

虎邱訪王百穀不過

有約扣松關新詩與共刪開殘荒市菊踏遍柳花

灣石上久無跡沙邊鶴未還往來何所見明月在

空山

過機雲讀書臺

捨棹隨溪轉溪窮山忽開昔為讀書地今作演經

七十二峰足徵集

武山鄒氏合編

卷二十

臺雪綠覆巘篠風香出寺梅一聲雲外鶴二陸或

能來

過陳仲醇白石山

聽鶯偶到此非是問奇來一石當樵徑千花壓釣

臺也知巖壑適值草廬開几榻明於水琅玕影

倒栽

晚坐

村墟帶落日遠見前林山登木鷄已下打魚人未

還疎烟橫水際涼吹出籬間孤坐看新月清光遍

竹關

同陸世中孔介孺葛震甫集荷池

杯酒歡何極悠然對落暉荷風迎羽扇蘆葉隱臨磯  
艷粉迴波舞歌珠傍酒飛相期待明月月上轉  
忘歸

登廣濟菴閣

古木攢茅屋雲深徑未開漁樵從不識我輩偶然  
來翠拂齊檐竹香吹隔水梅烹泉聲滿屋疑是雨  
相催

七十二峯  
足徵集

武山  
鄒氏合編

卷二十  
三

贈王百穀

懸水小橋山半路數峰遙帶草堂深簾花拂燕飛  
清露庭樹閣雲添晝陰漁人沽酒澗邊出國客關  
茶烟外吟有子負瓢孫荷杖紫芝黃鶴總無心

送周侍郎出按楚中

翩翩繡斧出青城把臂寧忘戴笠盟銜命自尊天  
子狩埋輪重見使君行春風漢水雷霆動曉日湘  
山雨雪晴狂客敢矜風雅在陳詩先作郢中聲

明發之荊州

離魂無賴怯輕寒促織如吟行路難听柳翠團秋  
未老江楓紅滴雨初乾食風宿水三千里破膽驚  
心十八灘不盡愁懷是今夕慰將白髮強為歡  
月

雨止淨如拭月寒氣更清蘆花不生處樓閣水中  
明

春暮泊吳山

扁舟泊處有漁磯為惜春光歷翠微花片亂飛飛  
不去從風復上酒人衣

七十二峯  
足徵集

武山  
鄒氏合編

卷二十  
四

鄒斯盛

斯盛字舜五憲夫之子為縣諸生館于雲間得交  
董思白陳眉公兩先生嘗偕泛泖食蓴羹眉公語  
曰此陸士衡所云千里蓴羹種在雲間三泖者也  
後舜五泛太湖于苕藻中識蓴絲而采之以饋知  
味者於是湖中人始知有蓴葛震甫僧大香作詩  
以美之舜五築室于圃顏曰蓴冰舫以志喜并名  
其集眉公遊洞庭倩張君度宏圖為長卷徵海內  
名公題咏之時天啟二年壬戌秋也康熙乙酉春

采蓴圖咏經

御覽發還為鄒氏世守之寶迄今采蓴之風盛于吳下

實自舜五啟之也其詩亦載四朝詩選中

澄心堂

南唐校讐所卜築在幽邃選文良亦難得士固非  
易一字足千古去取無二意如斯聖者心圓月中  
天對了了見萬里始慰構堂義

天關山

七十二峰  
足徵集

鄒武山合編

卷二十一

梵宇何峩峩遙瞻若天闕古洞生冷香靈泉不冬  
竭巖前廡獻花寶光中夜發璫影來閉門坤風扇  
火窟檜老不知年根蟠六朝碣

寒食節登英旌絕頂望縹緲峰弔陸纂甫

去年風雨節閉戶江冷今年今日晴振策凌絕  
頂野曠雲垂垂蕭條水西景悵望無一言殘陽下  
高嶺

秋泛

漾舟南溪南葦荻生秋響葉落青田空花垂蓼汀

上疎林見遠山殘日掛空網野水寒未枯照出鬢  
眉爽

扁舟載西子

一朝已雪君王恥歌舞亦從今日止臣妾同舟幸  
無死泛泛煙濤雪鷗起五湖幽事竟如此石室隔  
花堪笑指

燕子磯

江上危磯高百尺孤亭下瞰龜鼉宅一帶新莎秋  
剪青浪翻千朵蓮華白飛颿如鳥沒雲痕野僧猶

七十二峯  
足徵集

武山  
鄒氏  
合編

卷二十六

踞臨流石

太平堤

太平門外蔣陵湖湖上猶存六朝樹芙蓉夾岸鬪  
晴雲白鷺和煙立秋渚隔花有美笑語香能使遊  
鞭少延佇彷彿西湖飛絮天此中只少載歌船帝  
京風物由來好不比臨安王業偏夕陽回首城西  
路黃土牆低護紫煙

過陸清臣別業

水田剛數畝種菱魚種藕一方新築水田中四廳

俱受藕花風古藤為杖竹為榻起看青山卧看月  
田間晨夕不閑闕酒人自來還自還

梅下懷陳眉公先生

空山千畝雪一白到湖濱鳥失曾棲樹寒欺不醉  
人詎知今日夢愁及去年春猶向林中臥花明月  
色新

答訥公梅下寄懷

林塘風雨盡獨飲對瓶花師在山南住書來水上  
家其中語冰雪多半惜年華相憶無他贈封題穀

七十二峯  
足徵集

武山

鄒氏合編

卷二十  
七

雨茶

舟中同無為懷凝父

纜解枯楊畔西風不少留兩人同一被三日在孤  
舟之子白門返故山黃葉秋近聞弛酒禁幾度醉  
溪頭

過劉玄雨園亭同諸子得登字

到日春將盡乘閒不待僧園開香百畝城抱碧千  
層種藕池翻土編籬架引藤無風紅自落殘蒂蝶  
還登

虎峰冬夜同凝父季昌無為惜別

夜靜石根坐酒清談昔年曾開花裏社幾放雪中  
船新月出茗水遠山浮楚煙不堪千里去況乃暮  
冬天

寒山踏月訪趙凡夫同曹平甫

小艇止山脚如無路可通問僧知不遠有月興堪  
同壁立寒雲下幢浮止水中石闕猶未掩燈影出  
梧桐

泛泖

七十二峯  
足徵集

武山

鄒氏合編

卷二十  
八

偶然乘興往不待棹歌催一壙破雲出孤花背岬  
開石痕潮落遠烟際月飛來萬頃沉沉碧漁燈相  
照回

太湖采蓴

春暖冰芽茁秋深味更精有花開水底是葉貼湖  
平野客分雲種山厨帶露烹橘黃霜白後羸得晚  
盤清

風靜綠生煙煙中蕩小船香絲縈手滑清供得秋  
鮮荇葉分圓缺鱸魚相後先誰云是千里采采自

今年

雪夜同倪不瀉看月

為月立殘雪得君忘夜深光交清切骨影定寂歸  
心萬井水初拭滿天寒不禁玉河堤上望彷彿在  
梅林

過天竺山房

群峯迴古寺十里晝陰陰鑿石通花棧疏泉過竹  
松客移殘日影僧定白雲心風外樵歌斷鳥啼煙  
樹溪

七十二峯  
足徵集

武山  
鄒氏合編

卷二十  
九

晚泊雪上

古木欹橋畔根虛好繫船半村斜帶日荒岬欲生  
煙漁舍潛深柳牛衣遍野田溪風寒入夜渡口一  
燈懸

甘露亭尋蓮儒慧解二上人不值

短棹乘春渡幽尋雨後來橋迴籬折入亭敞竹分  
栽獨樹蹲雙鶴片雲陰半臺二師清曉出日夕未  
曾回

木末亭

逕轉林塘石列屏嵌中一突起孤亭層層萬木枕

下綠落落數峯江外青野鳥啼近酒人立閒雲飛  
出秋空停前寺鐘催月未上城南燈火繁于星

芙蓉樓 王昌齡送別處

池開面面荻蘆秋四望湘簾倒碧流只種藕花忘  
贈別若栽楊柳易生愁露飛一滴紅俱卸風透千  
層香尚留日日離歌樓上起慣驚兒女不驚鷗

弘濟寺

江抱重關山截城鑿溪石磴放雲行觀潮閣險人

七十二峯  
足徵集

武山  
鄒氏合編

卷二十  
十

無影演法壇荒浪有聲默想當年曾捨筏固知今  
日尚留名門前空腹婆羅樹滿地離離秋自生

題滿字所寫風雨竹

伊誰不愛青琅玕城居得有何其難拂烟攬素空  
半壁潑墨無痕秋數竿忽向床頭聽蕭颯怪來風  
雨報平安香吹影落自無賴白日閉門高枕寒

碧螺峯

一峰突出煙中波遠遠望之青  
我松陰滿天雲  
滿地石立如人衣女蘿

秋日眉公頽僊廬燈下看瓶中西府海棠用  
壁間韵

更酌東籬秋已半海棠猶駐春風面  
葉鮮燈分影素杯分艷

鄒儒

儒字汝為號式與舜五之子少有志節能自刻勵  
中順治甲午浙江鄉試選嚴州府遂安縣教諭訓  
迪必以忠孝士皆化之康熙甲寅耿精忠反於閩  
賊黨馬鵬汪壽等旁掠郡邑入浙省陷遂安汝為

七十二峯  
足徵集

武山  
鄒氏合編

卷二十  
十一

被執不屈授以偽劄不應乃幽之別室汝為伺賊  
夜醉逸出攜其子弘志踰城至同年章潤奇家糾  
集鄉勇信宿得三千人會于六星亭下選鋒六百  
八十三人從章雙桂攻城雙桂先登斬其魁賊奔  
逸城乃復翼日賊復掩至環攻甚力汝為多方拒  
之凡十有七日鎮臣鮑虎救兵始至徵汝為堅守  
邑中幾無噍類矣其卒也遂安人祀之名宦祠生  
平著作盡罹兵燹僅傳一二而已

徐同仁得子

驚驚生生應期麒麟出出需時人發祥天無私器  
允大胡嫌遲風始薰月初眉炎德熾離明熙孔釋  
送來於斯卜啼聲辨英奇百祚昌一經遺欣再觀  
徐卿兒

石蛇山

女媧餘煉石車氏闕問星不知何代落化作青蛇  
形形與天地相終始底定之前已如此夏后馴之  
鎮西址我將以爾壽君子

寄沈雲上先生

七十二峯  
足徵集

武山  
鄒氏合編

卷二十  
十二

一為蒼生再出山驅車嶺表髯先班縱教臥泊天  
恩重安得生全澤國還象郡月寒誰獨弔羊城雲  
渺竟難攀從今寂寞吳江上故友門生淚自潛

鄒賓

賓字汝觀舜五之子周同齋詩稱其行曰精良如  
古玉冷艷若秋花又稱其詩曰陶阮忻同德齊梁  
魏小家蓋篤行好古之士也今求其稿不可得僅  
於山祝集申獲詩一首

分賦漫山壽吳餘生

一氣互融結散為星海踪雙雙若培螻點入蛾眉  
叢茅決數十家畊鑿開鴻濛青青橫側立雞犬聲  
相通置身蒼翠間宛在蓬瀛中茹芝竟為誰泠然  
季子風

鄒弘志

弘志字毅仁一字念尊式與之子性敏多智善談  
論工詞翰少隨任遂安遇耿精忠之亂城陷後乃  
父實有恢復功為武臣所攘弘志痛父忠之泯也  
中心藏之二十餘年會康熙癸未

七十二峯  
足徵集

武山  
鄒氏合編

卷二十  
十三

聖駕南巡弘志繪聖世効忠圖備載遂安被兵恢復情  
形並繕聖朝首重忠貞臣父微忠未白一疏籲聞  
得蒙召見乙酉

駕復南巡弘志獻紀恩詩進太湖之尊旋奉

旨考詩賦拔置一等在書館効力書成議叙授山西岳  
陽縣知縣未幾以鄉試外簾失察降調江西寧州  
州判卒于任

雨阻池河驛有感

風急投荒店淒涼黃昏吟萬山連夜雨獨客五更

心嘹唳驚來雁漂零感暮砧有兒頻入夢不覺淚  
沾襟

紅心驛道中

昨夜方愁雨今朝仍苦陰紅心山驛古黃葉馬蹄  
深積潤浮空翠微霜點客襟牧童橫晚笛歸鳥和  
清音

過蒙城縣

衰柳參差見溪流到處清勞人當遠道新月照寒  
城不盡離鴻影偏逢落葉聲五更風色好便作馬

七十二峯  
足徵集

武山  
鄒氏合編

卷二十  
十四

當行

月夜懷李約山嶧山昆仲

古道沉淪日交情君獨深忽逢明月照如見故人  
心秋變庭前樹泉鳴石上琴秦關來雁少空谷感  
知音

秋懷和沈孝干韻

旅牕寒菊暗飛香索句燈前每自傷絕不待人唯  
歲月最難為客是風霜千秋業藉斯文在七尺天  
容此日狂潦倒共傾今夕酒黃金何必問誰償

寄懷桐君少微兩姪

平于話別又經年却憶家山每悵然游子衣裳春  
絮裏異鄉兄弟晚燈前幾回薄醉花千樹不斷名  
香手一編好待秋來歸計決相期莫負舊林泉

渡涑水謁司馬溫公祠

在夏縣

足馬衝風渡曉津中條屹立領生申青苗得罷功  
何偉旋轉乾坤只一人

貢尊詠

綠簑青笠雨濛濛萬頃煙波一櫂通為是春溪櫻

七十二峯

武山  
鄒氏合編

卷二十  
十五

笛外別饒風味在吳中

半畝浮家出五湖茫茫澤國浸菰蒲凌波采得絲  
千縷好似冰心貯玉壺

慎在茲

在茲字念茲東山查灣人葉石君六憶詩序云在  
茲慨華堂重閣之非分構亭以居顏曰自娛慨博  
奕飲酒之非賢覓古錢以為好上自漢下至明按  
年搜求其錢幾與泉志等每至風清日和獨坐亭  
中攤錢盈几摩娑展玩呼妻孥以笑語真自娛者  
也死後錢貽聲家余嘗歸而索觀焉因憶而弔之  
又在茲性愛靈巖文石多蓄名磁盆盎養以新泉  
作案頭情供所輯太湖詩選未成而沒予得其草  
七十二峯

足徵集

東山  
慎氏合編

卷二十  
十六

葉三十餘頁評點亦精求諸其家子孫已茫不知  
所謂訪其遺集亦無有存者僅于嬰鳴集中得詩  
三首而已

題蘇李泣別圖

北風吹蕭騷陽鳥悲鳴飛萬里自此隔千秋杳難  
期徘徊河梁上白髮明斜暉一歸與一留漢家思  
終微

江聲

疏鑿歎神工洸汪莫可窮容懷深此際歲月盡其

中噉岸喧無定兼潮勢益雄茫茫天塹險白日戰  
蛟虹

錢堆山

一卷亦擅五湖奇青赤累累孰為遺當日漢文如  
識得也應賜與鄧家兒

慎康

康字子康

晚梅

處處梅花看盡發腮前一樹獨蕭條久埋寒雪身

七十二峯  
足徵集

東山  
慎氏合編

卷二十  
十七

如石未吐春風口似椒芳信易傳南國近冰魂難  
轉北江遙今朝纔見枝頭白笛裏誰家已亂飄

偶成

怪底傍人笑我痴秋來日日去尋詩一年好景無  
多日紅葉枝頭半落時

賈而廉

而廉字允修東山人

古意

黃沙沒馬蹄白草西風折男兒重封侯平野滿戰  
血青青骨上苔猶伴國時鐵

桐花

秋日問桐花花謝子已結金風一夕吹葉葉聲蕭  
瑟我願訴白帝且勿太狼藉腮前生意枯留取伴

明月

七十二峯  
足徵集

東山  
賈氏合編

卷二十  
十八

賈世榮

世榮字彥仁

聽月

露坐明月中漏沉羣籟肅彷彿羽衣人獨按清商  
曲

賣花聲

流艷隨聲過粉牆十分春色一絲長忙呼侍婢低  
相喚可有同心與斷腸

七十二峰足徵集卷二十一

武峰吳定璋友篁蒐錄

橘社金友理玉相編訂

葛佩

佩字鳴玉武山人震甫之祖少與吳太史與成同  
學性恬澹不求仕進所居抱朴里枕鳳皇山麓舍  
傍有片石峻嶒于灌莽間搜之剔之窪突盡顯登  
陟俯仰湖山滿目名曰吟壇遠壇種梅百株掩映  
如畫志將終老於其間因別號友梅風晨月夕邀  
七十二峰  
足徵集  
葛氏合編  
卷二十一

吳滄溟陸守畊輩觴咏盤桓有石壇吟咏梅花百

咏騷賦諸刻此震甫稱詩表冶所由肇也

林隱

結屋南山隱地偏罕人跡庭空春寂寥花落草萋  
碧飲濯澗中水坐卧松下石仙人有時來相邀了  
殘奕

三竹歌

一竿兩竿竹聊以破吾俗渭川千畝多胸中若不  
足賢哉主人皎如玉日日相看咏淇澳

春莫遲吳子不至

清晨掃堦除蘭露濕我裾老妻具鷄黍稚子摘園  
蔬可人期不至好懷何以舒少焉見朗月皎皎顏  
面如

落花

春園徂衆冶綠樹結籬陰泊水龍涎合縈苔鶴跡  
深酒酣紅雨嘆思斷白頭吟鑒爾榮衰相山公已  
息心

萬卉各分散芳心誰久持顧茲衰謝日不改麗華

七十二峰  
足徵集

武山  
葛氏合編

卷二十一  
二

姿墮速驚攀樹飛遲欲戀枝尚餘香一點風外寄

游絲

雲

暮暮終朝合悠悠盡日閒身經清漢表家在翠微  
間出岫因風遠從龍帶雨還空山鐘磬寂相與卧  
禪關

雁

北朔寒應早南翔得自優寧論邊塞遠豈曰稻粱  
謀結陣雲迷浦哀鳴月滿樓玉門書未達惆悵幾

行秋

三月六日陸氏池亭作

三月鶯初至芳園艸徧青爰攜湖上客來醉竹間  
亭花偃杯香濕魚翻水氣腥西山凝紫翠添我坐  
中屏

泊瓜埠

移舟及瓜埠月上暮潮平宿鶯驚人語潛蛙聒水  
聲孤城江氣入六合樹雲橫勞爾關前吏頻來問

姓名

七十二峯  
足徵集

武山  
葛氏合編

卷三十一

次東橋先生重九韻

重陽未到菊花開乘興還登戲馬臺山色暗將秋  
色去風聲遙帶雁聲來詩因客久頻添債酒為愁  
多不放盃湖海十年成底事星霜老病又相催

菊飲

霜飛九月菊開齊勝友相過酒自攜隣比種花同  
白首家常餉客有黃蘗百年天地今人物千古江  
山舊品題草草一尊期共賞詩情若在瀼東西

送從軍入秦者

雨泥輕塵柳色新離歌三疊送離人牧羝蘇武終  
歸漢完壁相如不畏秦玉笛曉風函谷月葡萄香  
醞渭城春聖朝一統車書日道識長沮莫問津

留別沈歲寒

秋杪帆開壁社湖故人寫我送行圖望中白鳥雙  
飛遠天外青山一片孤幽債未償詩會散愁城欲  
破酒兵無行行忍見官塘柳情滿西風樹樹枯

聞吳子喬病

梁國歸來有贈金買山空卧洞庭陰五湖烟水棹

七十二峯  
足徵集

武山  
葛氏合編

卷三十一

歌發九月霜籬杯影深丹木紫芝新藥餌白沙翠  
竹舊江村相逢但勸加食飯莫更從前只苦吟

遊絲

碧空萬丈卷晴光散逐東風過草堂乳燕鳴鳩相  
眷戀落花飛絮共悠揚江湖蕩子青春暮天地愁  
人白髮長渺渺烟波看不見又隨帆影送斜陽

月梅

梅花明月兩嬋娟花滿寒垌月滿天玉兔惜香和  
藥搗靈娥憐影伴孤眠山中一片無瑕色絃上雙

清古調傳相對不知深夜冷儘教霜氣逼吟肩

### 畫梅

濡毫隨意寫花神冷蕊疎枝自逼真滿幅寒生剡  
溪雪一枝香散硯池春相看月下非凡品忽到窓  
前是美人寂寂山齋夜如許琴書無媿爾情親

### 葛符

符字芳洲友梅之子震甫父也稿都散逸震甫錄  
乃祖梅花百咏卷末附載思梅詩一首

### 思梅詩

七十二峯  
足徵集

武山  
葛氏合編

卷二十一  
五

悠悠清夢飛羅浮香魂杳隔難追求想與林逋結  
詩友定從姑射為仙遊青山一片孤月色白雲滿  
目遮人愁春光歲歲自來去此心耿耿終無休  
葛一龍

一龍字震甫友梅之孫有夙慧在襁褓聞乃祖吟  
哦輒輒諦聽嘻笑若解意者搯觚時即思落落自  
異書法亦古拙可喜補國子生肄業南雍金陵都  
會地四方名士所萃處震甫一意交遊傾囊結客  
年未強仕家已中落恒稱貸以供持贈西金吳凝

甫芳者亦以詩鳴維時杜于皇顧與治結秦淮詩

社藉洞庭二甫為眉目其後詩日以工名日以高  
而身日以困母夫人在堂幾不能供甘旨所親以  
祿養勸乃鬻產入都謁選吳橋大司馬范質公景

時在銓曹識其名問曰若非吳下詩人葛震甫耶  
曰然范笑曰其人美且慧是矣是矣選授雲南布

政司理問既至謁上官具袍笏踴躍作禮頌上官  
皆目笑之然亦重其名委攝彌勒州事廉潔惠民  
民歌之未幾罷歸而責券者填門接坐率無以應

七十二峯  
足徵集

武山  
葛氏合編

卷二十一  
六

惟書溟游諸詩遺之而已生平嗜詩若飲食若性  
命分夜侵曉冥心幽討務期自闢清新不肯一字  
拾人牙慧間與鍾譚酬答戲筆降格作楚調不免  
為錢虞山所訾然其心較本色自在也讀者當自  
得之

### 太湖石

陰精結玄冥鬼怪百千狀淪沒洪流間一出甲天  
壤好事疲民力椎鑿元氣喪所存悉神物鈎帶不  
相放驚霆宿幽隙仙雲接高曠昨游九月盡水落

石根刺觀止無吝奇更得陟其上古蘚深一尺垂  
藤十餘丈谿猗翳積土隱隱蓮花相何當盡洗剔  
高決湖心浪

雪夜懷沈子勺先生

雨止雪方受湏臾没人脰夜半開門出抱甕汲冰  
井四顧何寂寥山空樹無影有懷將語誰破月上  
高嶺

湖上

幽侶過湖上持醪餉沙渚對面坐相悅綢繆以為

七十二峯

武山  
葛氏合編

卷二十一

語垂松團若蓋濃陰沃如雨隔浦掉頭入扁舟亦  
來艤

石上

片石平楚間蒼潔復如流遊人十數葦布席不得  
滿年年灑餘瀝繡作苔花暖偶坐便終日徘徊白  
雲遠

湖中別聖僕

春湖一湖滿春蒲一湖短時鳥鳴嚶嚶新楊綠苑  
苑日半帆陰直風柔浪花暖相對自生情將離復

誰綰雙鱸忽向背行行入烟遠

送陳徵君歸四明

秋風戀徂暑吹動水烟熱與子結新歡孤懷耿將  
別言從若耶去路指鏡湖月散髮蕩扁舟荷花櫓  
前折

得潘昭度新蔡書答訊

故人宰一邑鳴琴事官守飛書致予問可繼床頭  
酒子亦問使君曾似春風否春風苦不閒吹花復  
吹柳

七十二峯

武山  
葛氏合編

卷二十一

歲暮渡湖

出門不敢望一白數千頃杲日無暖氣霜鴻遞高  
影椎冰取船路半渡却愁暝歲事復何如勞勞去  
鄉井

予有林中暑二百六篇失去三十餘年已無  
可記憶一日子丘茂之伯仲購得金陵市上  
質諸俞駕部謬以正聲見賞予聞而索觀有  
若探環兒手中物也且向時酬對諸子存無  
十二感慨係之因賦此以報伯仲并呈駕部

公

少小慕結撰往往付蕉鹿憐才有二子行市偶傍  
矚故紙與陳言得似蛾眉贖持歸質吾友乃識初  
面目夢人恍隔世交臂多鬼錄感嘆如見之再誦  
以當哭春風吹秋散空烟散江綠

睢陽雨

亂山忽不見萬馬橫空來金光燦其中冥晦時一  
開四野濶無際觸處向人語如何西北塵化作東  
南雨

七十二峯  
足徵集

武山  
葛氏合編

卷三  
九

還山拜母

久客今來歸喜極涕交泣入門拜慈母白髮被于  
面是兒身上衣結結臨行線是兒足下履業業春  
冰踐墳麓既寡和竿瑟俱不善謬以魯縞矢亦脩  
東南箭升斗乃君食七箸幸親健毛義果何人茅  
容有餘羨

出山拜母

暫歸如旅宿行止亦貿貿厥身吾母身於養未能  
就斂涕飾好容再為膝下壽中婦前致詞吾門眷

天厚君無念晨夕婦能力左右黽勉登修途參前  
屢行後晷影戀車隙山光浣衣垢一鮮未敢請三  
橘審懷袖

望廬山

允矣廬山高山半懸倒景不遠舟中望恨莫見其  
頂頂上至白雲平田數千頃瀑水飛欲出孤帆碇  
秋冷

出疆

于役遵遠途前山集如蜩與馬窮日力髭髮沐嵐

七十二峯  
足徵集

武山  
葛氏合編

卷三  
十

翠不知衣裾上沾濕父老淚既守河陽拙復濫阮  
公醉何嘗造一榻躬責多謬戾別當失怙悲捫心  
轉生媿

疊水河

懸河天上落下復少平地梯棧百餘疊疊疊生烟  
氣分瀾初溪壑驚霆抉陰翳紳垂碎雨襍簾卷飄  
風曳中有綠水潭神犀躍霧閔

飛雲巖

飛巖若雲構即以飛雲名偃蹇夏峰亂氤氲春靉

生大士宏願力獨立持將傾折枝洒清溜古藤垂  
紫纓天地一開闢混沌為聰明蠻烟寇莽中豁然  
移我情

洗研

片石有雲氣神髓盡皆墨寧涇千年繡不耐一日  
積澄懷役無涯蕩滌臨不測蟄蝨破玄卯游沫掩  
烏賊苟非貞堅心失手蛟龍得所以硜硜者為能  
守其黑

芟菊蕊

七十二峯  
足徵集

武山  
葛氏合編

卷二十一

種菊一歲心何曾間朝暮及秋懼不蕊及蕊反多  
故因繁而致簡用損以為護萌念近于忍觸手且  
防悞細細向新旭累累帶清露自笑籬落入蕭閒  
有餘課

懷澹如

山居五月盡涼冷如深秋况兼風雨殺颼颼來高  
樓樓高下無垠綠滿靡蕪洲美人望不遠一水東  
南流水流何時還相思日悠悠

然諾行

古人之交交以心一語不出然諾深今人之交交  
以面然諾雖深中易變古人不可作今人難重陳  
與君相見但飲酒酒盡俱為行路人

五浮

誰看烟空青五點狂瀾東下何曾轉奎躔歷歷應  
浮沉河漢遙遙帶清淺山祇舊是匡廬翁幾年來  
借馮夷宮落日中流棹歌起春風一片桃花紅

郭聖僕紅絲石研歌

七十二峯  
足徵集

武山  
葛氏合編

卷二十一

漢武射蛟蛟不起蛟冰片片凝紅髓伊誰斧取作  
君研拭手還愁化為水水霧重重浸月痕千年殘  
墨繡雲根紅絲不斷繞三匝又若組織煩天孫君  
藏寶硯幾盈櫝下巖青紫輩昌綠一朝得此堪盡  
廢赤帝發靈鬼神哭神物由來好事傳連城已享  
中和年吾家仙令務高識中心好之不能得願擲  
丹砂一百斛更乞青州二千石

觀倪廬半所藏玉璽歌

地不愛寶崩崑雲璫璵委質商周君玄工刻意鬼  
力竭大樓渾渾生至文千年會劫咸陽火九京復

殉長陵土百摺綢繆一線維萬全呵護群靈苦我  
昨禦魑逃瘴來胡沙拭面眉目開見之大怪叫奇  
絕世上鼎彝何有哉閤櫝重重纏古繡光汗津津  
濕將透願致上清香案前為祝吾皇一萬八千壽

娑羅葉子歌

盧牟好佛好古多藏三代鼎彝宋元名蹟  
會必索觀以為眼食飽也今觀及娑羅葉  
子不尤奇乎如影如繪如綴如蟬脫無風欲  
飄吹氣可活又云優曇葉來自竺西博物

七十二峯

武山

葛氏合編

卷三十三

君子不能辨統非中土所有物以無為貴  
購以一甕錢不多也

如水面中秋片片縝膩而文如不見剪樣纔分七  
襄織成陰曾覆孤眠殿又聞拈自瞿曇手寶相鉢  
羅同植厚西來四萬八千里到日始為東土有東  
有西來幾超劫澤腴剝盡無生滅相向何須影問  
形飄飄風送空濛月

元變親家保和堂夜觀女劇賦

夜堂十月春烟膩明燈星布千花綴主人肅客客

唯我五色無妍八音廢艷陽飛動羅幃開娉婷忽  
下襄王臺鳶肩公子綠雲鬟燕領將軍紅杏腮轉  
眉轉盼皆光采一顰一笑千金買改粧改度鏡中  
疑風氣風情林下顰問名一一畏人知玉雪生香  
明月姿鞭墮馬前楊柳翠袖翻枝上海棠垂海棠  
楊柳俱無力放出新鶯啼不惜風吹弱縷嬌欲斷  
雲引癡魂銷未得水流花送有情春已是橫塘避  
逅人洗去殘脂羞面面坐來軟語款頻頻飲予不  
醉醉還飲歸去豈能眠得穩平原十日布衣交邯

七十二峯

武山

葛氏合編

卷三十四

鄆半夜盧生枕

靈巖山下尋黃二丈不遇

開戶見山如見君渡湖相問不相聞籬邊野水淡  
秋色屋上老烏啼夕曛鄰人為說携家去更入青  
山最深處溪寒路狹難獨行短棹空維烏柏樹

冠園再送日方同生予聖僕肇禧

祖筵開向阿誰家門掩春風幾樹花曲巷小園斜  
影照鷓鴣飛出半窓紗徘徊轉竚幽房側天上人  
間此相隔博山沈水裊輕烟烟霧中人予半識如

酣如夢復如迷竹肉和作新鶯啼使君陌上桑初  
綠公子天涯草未萋酒後却嫌燭不滅目成無郵  
人將別脉脉閒情片片愁秦淮流水盧溝月

夢蔡以寧

我夢尋君明月灣月波滉漾孤舟閒養成山中草  
木性照見水中冰雪顏懽笑夷猶擷芳芷半語何  
曾及生死龍枝欲動島烟生天海茫茫拂衣起

丹陽作

江流河流決如矢曲防新築巖巖起雲連粉堞兩

七十二峯

武山  
葛氏合編

卷二十一  
十五

重城風嫋綠楊三十里小時行遠不知勞每向長

過此橋衰髮還騎款段馬春泥滑滑雨飄飄

細字詩贈鄧君彰甫

義畫以前未有此義畫以後此亦無閉目養明數  
日始得見只覺秋毫易數春芒粗我有八角扇半  
寫五岳滄洲圖願取一角為我書三都

姜儉伯園中古松歌

嘗于兩都看松樹靈谷報國俱見奇豈知去天一  
萬二千里又見此樹泰天委地天矯而離徙蘚鱗

碧閃古錢大藤臂翠縛曼胡垂姜侯分茅裂斯土  
數百年前先有之濤崩瀑聞已經多少晦冥作神  
驚鬼怪亦費往來雷雨師園中硯礪不勝數當盡  
斥去空藩籬獨留草亭一箇置其下嘯咏坐眠無  
不宜君不見西川太史先生客滇久曾得品題為  
淨友為字蒼然大如斗我勸先生一杯酒

上元後五日夜晏楊念爾觀劇歌

眠柳風吹燒杏烟上燈燈火落燈然楊子宅深春  
寂寂庾公樓殿月娟娟娟娟月轉流黃悞寂寂春

七十二峯

武山  
葛氏合編

卷二十一  
十六

生七香路錯綺筵開卜夜長撒銀花迸流星度繁  
粧呼出漏三加歌失新鶯髮失鴉簾衣霧卷披紗  
扇樹玉風清水照花奚但殷希影亦好遶帷書帶  
皆香草坐上誰為萬里人鯨尊海吸狂瀾倒情以  
文生文以情上元前後浹旬晴千山簇雉州如斗  
一片仙霞照赤城

秋笛

苦竹叫雲碧楚天人正愁城頭半夜月城裡一家  
秋氣肅陰相感散飛火不流西風木葉下誰倚隔

江樓

聞有從軍四十年歸者感賦

劍立千峰外身當萬里行去時曾負氣歸目敢言  
生家在侈天幸親埋懼土平年年戌婦哭曾見幾  
崩城

澗上

白雲飛澗出林樾掛崩湍觸石互相嚙到湖經幾  
盤五月與六月不襦亦不冠來聽一片響高枕松

風寒

七十二峯  
足徵集

武山  
葛氏合編

卷三十一  
十七

潯溪對雨

市斷溪散遠橋迴野色荒吹來數點雨相送一孤  
航漲綠平官渡烟黃拂女桑隔花僧共語東去是  
錢塘

湖心亭

湖心青一點亭子出孤根柳吹蕩晴澱草烟生夕  
昏人歸方見月舟聚即成村片席鷗光滿年年冷  
醉魂

喜聖僕至

為約每無憑今宵喜得朋片雲波上宅殘雨夢中  
燈春冷花如病齋清客當僧看山不待霽把臂入  
烟層

送疑父之白下予將游武林

我向西陵去君先向秣陵草衣黏薄絮臺笠掛枯  
藤野水花間渡香臺雨後登游人不到處一問六  
朝僧

可惜

出門即是客況已渡湖遙可惜藤蘿月看人卧寂

七十二峯  
足徵集

武山  
葛氏合編

卷三十一  
十八

寥水西龍渚石崦上虎山橋夢去渾無着秋聲集  
夜條

寒夜泛秦淮

枯柳不垂烟蕭疎古渡邊寒生霜落水光動月明  
船客夜獨乘興倡樓多醉眠衆轂歸一寂空櫓買  
歌錢

贈德操

無日不懽然客來猶自眠會當修禊後詩在永和  
前花氣濃薰酒山光冷壓船到門幽草過一徑踏

春烟

過金德父墓

相送心曾到言尋路不迷  
草齊封鬣起山跌浪痕  
低片石看人拜孤花奈鳥啼  
夜長誰慰藉應有鹿門妻

徐日方水亭雨酌

結宇蕪烟際披紗柳浪間  
新鶯同客到微雨挈春還  
呼取隔籬酒看他何處山  
重來須蕩槳荷葉已斑斑

斑斑

七十二峯  
足徵集

武山  
葛氏合編

卷三  
十九

寄雨公

以爾願初畢一瓢行脚寬  
那知出世法不及避人難  
雲月千峰寺香花五戒壇  
微吟雖自好或得寄余看

溪南夜泊

秋晦舟中夜相看獨有燈  
隨緣聊寄宿寧道不如僧  
溪對橋雙影雲低水一層  
疎疎風柳外蟲響亂漁洲

漁洲

秋晚石湖作

豁然十數里一帆生雨西  
蘋花如欲語日暮不堪携  
漁戶偏新郭僧田帶越溪  
依依為別處橋畔柳陰低

雨夜舟中懷寔甫弟

風急雨聲亂颯來愁滿天  
不知飄泊處可有故鄉船  
歸路闕前夢殘更枕上年  
半生兄弟念多負看山眠

新豐曉行

土屋暖堪睡主人燈在門  
爰循疲馬路漸入遠鷄

七十二峯  
足徵集

武山  
葛氏合編

卷三  
二十一

村山瘠乘霜氣溝深凍月痕  
隔疆兵燹地一邑幾家存

徐州寇退喜會諸弟姪

弟姪客邊親生存亂後身  
寄書通不報覲面始為真  
卧起燈三滅悲催酒數巡  
故園同此念長至乃明晨

倪不瀉至

門前忽下馬猶未信君來  
對面轉無語得書翻怕開  
草芳初客遠月上獨行催  
母老應同我離腸日

幾迴

泊琵琶亭

亭子掛城角宛然流寓情  
秋風上絃急涼露濯衣  
清異代孤舟夜空江九派  
散勞歌自相答不是少年行

西湖

黛寫殘山帶郭遙鏡浮新水  
不通潮堤邊縹馬客  
投寺花裡唱歌船過橋紅粉  
年年化香土春風處  
處長蘭若湖心亭子湖心月  
醉與何人度此宵

七十二峯  
足徵集

武山  
葛氏合編

卷三十一  
二十一

至襄陽懷孟浩然

桺條青拂楚烟披古道斜陽立馬時  
淚墮已枯羊  
祐石歌生誰問習家池高懸日月三  
閭後獨有先  
生五字詩得意平生偏失意鹿門偃  
蹇是吾師

觀瀑

忽劈青山走白虹散為神雨復神風  
半天忽有陰  
晴異絕頂豈無江海通冷氣巖林秋  
葉脫濕光吹  
面凍花融夕陽不倦枯藤倚人在石  
橋空翠中

三月三十日

夕風朝雨送行塵行未成行過一春  
綠酒散為楊  
柳怨紅顏銷得海棠嗔匆匆馬首還  
車隙歷歷山  
前更水濱啼鳥數聲三疊唱明年今  
日對何人

風夜宿塘橋

茫然山北水之東忽露斜光下飲虹  
燒燭坐堪銷  
夜酒望家如隔妬津風不禁是草傷  
心碧何處無  
花薄命紅憫默一春多半過每當風  
雨在舟中

揚州夜泊即事

江空城夜冷高樓有美鳴琴樓上頭  
只此桺憲微

七十二峯  
足徵集

武山  
葛氏合編

卷三十一  
二十二

月照似他花澗暗泉流幽香彷彿因  
情寄遠聽其  
如不見愁誰謂廣陵絃已絕巫山巫  
峽在孤舟

許茂勲烏桺閣

地幽霜肅氣珊珊小閣高臨樹樹斑  
東顧不遙寒  
水渡西來俱是夕陽山連雲送客當  
秋杪片葉爭  
題落酒間撤去四窓留半榻儘教栖  
鶻看人閒

送薛千仞歸隱甬東

候潮舟子立江干不雨江南五月寒  
風馬與君垂  
老別烟波于我曰歸難西陵松柏高  
吟過東觀文

章小乘看歸處有山雲不淺莫容時宰問加餐

別葉鴈湖

別乃花時競渡邊又聞高柳咽寒蟬  
帆檣東指定今日風雨橫來愁滿天  
出路何論一萬里還家不道十三年  
臨行轉憶司徒餉幾續厨頭已斷烟

贈今度

紅藥親人綠滿鶯溪船溪女踏歌散  
還聞大捷收全楚又敕諸璫返上京  
好事畚來成一會清歡今日對先生  
林端小閣藏名酒巢飲看山紫翠迎

七十二峯  
足徵集

武山  
葛氏合編

卷二十三

雪中看鴈懷施中行仝蔡以寧

朔風南下雪彌天朔雁南來客自憐  
低送影散消挾纒亂無行次寫荒烟  
兩家兄弟年殘裏萬里王程目斷邊  
草草一緘那得寄海西烽火正同船

落花

已從游女踏初回難寫王孫日暮哀  
有別儘教相送遠無聊如未見他開  
酒埋香濕平原土歌罷風高泗長臺  
秉燭也知情是累幾家猶費剪刀裁

寄趙凡夫十韻

用晦林初闢移家歲幾徂劇烟安島嶼引瀑注江  
湖俯澗懷神駿綠枝感孝烏一邱身自置丈室坐  
堪跌貝葉翻將遍蓮花種不枯石苔摹鳥篆山菓  
入猿租偕隱寧忘漢連城已在吳人間雙樹別谷  
口片雲孤湖水暮空澗山嵐時有無所思勞倚望  
蕭颯起秋菰

過姚佩卿隱居

瀨淺維舟遠山紆引路徐相尋恐不見相見喜何  
如積雪村村斷斜陽樹樹疎門人共宿酒中饋炙

七十二峯  
足徵集

武山  
葛氏合編

卷二十四

枯魚歲事將歸客衰遲漸及子松散動高閣風葉  
亂殘書

送郭聖僕遊西洞庭

酒船西渡客微醺碧雨初收長澱紋到岸拂衣先  
拜石登峰投策易乘雲林巖曲度懷商皓洞壑燈  
燒辨禹文海日湧濤將夜半嶺花填雪過春分露  
芽暖茁嘗新薺水葉香生摘短芹舍館還尋勾漏  
宅山靈解識武夷君烟波渺渺愁予望麋鹿悠悠  
媿爾群飛夢十年今獨往幽深窮得幾朝曛

題比玉霜林夜別圖

別意何蕭蕭風吹明月冷月照霜林中低回一雙影

及滇

于役多負心言從酉山過不讀萬卷書却行萬里路

哭從弟實甫

白下樓中別東西一夜眠詎知臨別淚落盡是生前

七十二峯  
足徵集

武山  
葛氏合編

卷三十一  
二十五

別曲

具區橋下水悠悠具區橋邊郎發舟郎舟好載青山去免使蛾眉相對愁

野橋懷郭聖僕

白板斜飛曲岸通朱欄照見綠波中故人別處猶堪憶楊柳西邊蓮葉東

不然

不然今夜宿江村風雨散中竟斷魂誰道解維還艤棹綠窓紅燭對花尊

東凡夫

石作藩籬樹結隣家生春茵與秋萸偶遺書法呼兒子未定詩篇詣孺人

題倪幼霞畫

却從何處訪清風一片雲山遠近中小路不平人不見夕陽疎樹草亭空

水次聞猿

急歸難與逆流爭一日郵籤五日行腸結泪枯無夢斷冷猿何必許多聲

七十二峯  
足徵集

武山  
葛氏合編

卷三十一  
二十六

八月二十三日沅陵道中

馬踏殘秋鳥路微憶孃今日罷縫衣孤臣涕淚孤兒血風雨千山瀑布飛

八月十五盤龍寺

歷歷三年看月愁燕山楚水白門樓不知何處明年夜更憶盤龍寺裡秋

題畫寄滿字

雨絲絲織養花天手劈吳綾當蜀牋數筆不成倪處士與愁同上過江船

順林聞鴈

衡南南去萬山愁  
今到衡南又北轉  
夜半忽聞啼雪鴈  
兩年家信一秋秋

題畫寄與治

酒甌傾盡不成詩  
日對秋風有所思  
只恐相逢過重九  
為君聊寫未開枝

七十二峰

武山  
葛氏合編

卷三十一

七十二峰足徵集卷二十二

武峰吳定璋友篁菟錄

金庭席吳經德承編訂

姜節

節字均修號湖山東山人嘉靖乙酉舉人仕至江西南康府知府引年致仕與陸椒山中表兄弟也志趣相合日尋山水之樂龐眉鳩杖衣冠甚偉人望之如神仙積久唱和有姜陸同適稿四卷詩致如香山能使老嫗皆解所著有義經釋義行世

七十二峰

東山  
姜氏合編

卷三十一

余與椒山宴飲笑談間每誦與君今世為兄弟更結來生未了緣之句因析十四字為韵各賦一詩存三

人生天壤間百年一羈旅歷數舊交遊誰能慎許與珍重金石盟轉瞬風波舉同心兩衰翁相看恣爾汝

衰年樂幽閒託迹神仙境今是已覺遲昨非豈容更時平少鳳麟俗散多梟獍偃仰一小樓無復囂塵競

塵鞅日糾纏，咄彼何時了。浪跡老漁樵，忘機狎鷗鳥。談笑風月閒，俯仰乾坤小。靜坐百慮空，青天白雲渺。

再次前韵十四首 存二

藁寄詩百篇，中間句頗傑。十年積離愁，一話舒蘊結。何幸幽人居，每勞長者轍。賡吟了餘生，當勿論工拙。

天時不我留，人事竟誰了。解性喜烟霞，閒情悅花鳥。尊前白髮稀，簾外青山小。欲從松喬游，神仙恐

七十二峯

東山姜氏合編

卷三十一

真渺

賞牡丹

七十花前醉看花，又五春頻來歌舞地。漸少笑談人對景，寧虛度逢懽肯浪嘖。百年真瞬息，潦倒枉

傷神

湖上山間叟，逢春怕送春。每憐青眼客，都作白頭人。浮蟻從教醉，嬌蛾漫效嚙。年年花下約，預擬囑花神。

秋日山行

老擅山林樂，逢人漫自誇。最憐雙鬢雪，還插滿頭花。談笑情偏熱，登臨興轉賒。吟詩訂良會，准擬醉流霞。

丁巳解組歸山自述

五馬來為五老游，薰風滿泛五湖舟。疎慵正愜懸車志，衰朽猶懷負乘羞。公論在人元不悞，私情于我亦何求。十年吏隱今真隱，湖上青山笑白頭。

述懷索椒山和

偃寒雲達久倦飛，寒鴉爭向故林歸。五湖浩渺烟

七十二峯

東山姜氏合編

卷三十一

霞富三逕荒蕪，杞菊肥家食。雅甘藜藿味，山居初製薜蘿衣。多君白雪陽春曲，眼底知音恐漸稀。

暮春

紅芳零亂綠陰迷，忽忽春歸夢亦悽。雲暝梨花晴弄雪，風柔柳絮暖沾泥。山中遺老新聞晉，湖上遊魂舊姓西。歲月侵尋人老大，感時觸物若為題。

病起諸親友日開歌席，老懷因之一暢。或有嘲馬者，賦此自解。

綠髮凋零白髮濃，文園病起興仍雄。壯心自覺老

猶在狂態極知人不容日月匆匆雙轉轂古今番  
香一飛鴻玉鍾翠袖慙慙處未許塵寰識此翁

姜大謙

大謙字允益

新秋雨後集施維友友霞堂紫薇花下

風動薜蘿涼垂垂護草堂林光明晚霽花氣媚秋  
陽響瀑生茶竈流霞映羽觴客星聯帝座沉醉紫  
微傍

姜曦徵

七十二峯  
足徵集

東山  
姜氏合編

卷十三  
四

曦徵字彥昭

無題

大涯何處是兒家碧澗橋西雲樹遮風過靜虛香  
霧靄生公石上證蓮花

姜立寬

立寬字栗臣湖山太守之裔父某商於北平能懷  
慨任事然諾不爽名聞公卿間立寬少好學問與  
兄立廣俱急於功名入貲謁選立廣授湖廣長沙  
府知府立寬授戶部主事稍遷員外郎尋罷去依

其兄於長沙未幾立廣亦以事鐫職仍歸北平以  
終著有辰已集二卷

郊居

素性厭塵囂郊居喜幽暇交絕世患稀幸以微官  
罷讀書失寒暑宴遊忘早夜登峰歌造極緣澗翫  
水以時憐倦鳥還最惜繁華謝身名兩無牽脫如  
騎虎下靜掩北窓扉敢勸高人駕

春遊懷汪西亭陸交叔姪

春風吐群芳柔條延衆綠留連西山岑惆悵蘓臺  
曲晴絲舞悠颺流鶯鳴斷續對此酒盈樽能忘人

七十二峯  
足徵集

東山  
姜氏合編

卷十三  
五

似玉觀燈曾並騎玩月復聯躅往歛更何時來覲  
猶在目遙憐大小阮唱酬情奚屬耿耿景漸沉相  
思歸夢觸

晚涼

淫霖雖已歇酷暑更難禁忽覺涼風至渾忘愁緒  
深酒邀明月飲詩向解人吟况復良宵靜高樓一  
笛音

潞河春夜

芳景遊難盡孤眠客易驚花明欣月上竹響怯風生不道他鄉夜偏多故國情夢魂猶未穩春鳥亂嚶鳴

查穀山太史招遊城東園亭

最愛城東二月天天光淡沱好風烟嬌花寵柳邀裙屐穉燕新鶯試管絃心賞漸添春氣味身閒宜結酒因緣醉歸更泛沙棠棹回首吳波倍可憐

雨阻

誰能夜夜聽愁霖香爐燈昏促漏沉無酒共邀仙

七十二峯  
足徵集

東山  
姜氏合編

卷三十三  
六

桂賞有詩聊答候蟲吟驚回蛺蝶雙飛夢滴破芭蕉未展心最喜微涼生枕簟可堪孤擁合歡衾

姜森玉

森玉字孚尹號呆庭至性過人行誼端慤少為縣諸生讀書勵志七試棘闈數奇不售以明經終老知者惜之素耽禪悅與諸山老衲問答有省尤通醫理葆精養氣年登九表容色頽潤如五十許人春秋佳日友朋社集拈題分韻落筆如飛少年望而歛手歲時伏臘五代重慶彩衣羅拜于堂前一

一起前為壽先生笑談訓誨長幼靡遺非僅如汾陽之頷之而已也士林仰其齒德繡衣程公贈匾以彰人瑞云著有詩文偶存二集

晚過卧佛寺次韵

策杖陟高嶺磴轉俯幽谷樹杪出古寺秋氣已蒼肅佛卧僧未歸白雲暮相逐遙望竹林深山山靜寒綠

秋日訪志拈上人於箬雲庵庵為吾山第一

勝地夢想廿年今始獲遊聊賦短章用志欣

七十二峯  
足徵集

東山  
姜氏合編

卷三十三  
七

喜并見一時投契之雅也

我本山中入精廬未曾到所喜秋日佳扶筇一相造山門峰頂開迎客僧前導曲房傍崖壑小徑穿窈窕振衣立高坪拭目肆遠眺松間上人出揖罷啞然笑上人我願友標格今絕少清風灑塵襟朗月盈懷抱意取風雅真不讓寒暄貌興至弄筆墨直探北苑奧非但揣摩工亦任自然妙圖史列几案蔬果紛茶竈結茲方外交足慰平生好坐久夕陽微鐘磬隔林嶠何日叩黃龍親證無生道揮手

不言別獨上峰頭嘯

遊鄧尉山用宋中丞詩韵 存二

信步溪橋畔垂楊半覆河麗情啼鳥引春思亂峰  
多邃壑雲生雨原泉響應歌登臨興未盡明日擬  
重過

霸業銷沉久空餘涇採香綠陰清鶴夢烟樹冷僧  
房袂短侵花雨潭空欽月光舉頭三萬頃感嘆是  
汪洋

答趙虎文先生

七十二峯  
足徵集

東山  
姜氏合編

卷三十一  
八

每嘆元龍氣未除相逢始覺木鷄如遊踪距敢稱  
司馬賦體還將埒子虛退筆成堆疑我棄焦桐分  
爨待君儲誰嫌此地無知己試看門前長者車

翠峰寺訪輪弁和尚

翠色遙看知幾重籃輿一徑入深松風迴絕壑泉  
聲咽日落荒祠烟靄封自昔天傳雪竇即今古  
德冠三峰禪心未許閒情擾夢斷京華報曉鐘

答寄蘄州

話到楓亭瞬息過又逢春氣轉寒阿交情深淺新

詩在知己親疎夜夢多冷落梅花憐雪案寂寥明  
月伴烟波如君雅負青雲志應笑踈狂獨嘯歌

丙子除夕

栢酒交酬豈惜酤爐添楮拙費吟哦閒拋歲月無  
佳致負却鬚眉有折磨聽識耐煩占舊竈祛邪聊  
復看鄉儺辛盤薦菜年年事笑語團圓較若何

閱紫琇和尚語錄漫拈

學道人人說坐禪個中消息阿誰宣香聞庭樹吾  
無隱尾過窓楞爾却牽着意忝方猶是妄無心於

七十二峯  
足徵集

東山  
姜氏合編

卷三十一  
九

事始稱閒西來大旨何奇特冰泮還歸水自然

山居即事次韵 存二

四野濃陰歎索居蕭蕭梧葉雨敲餘空疎儉腹無  
身學慙愧明庭有薦書夢覺方知蕉是鹿悟來安  
見我非魚從今擬駕巾車出南北東西任所如  
小橋橫處一茆居烟靄微茫夕照餘本懶交遊仍  
愛客慣多瞌睡怕翻書交加綠樹潛藏鳥屈曲深  
池暗放魚妄謂幽閒忘歲月蕭騷雨鬢奈何如  
雨雪經旬即事口占

小窓寒逼早宜關展卷圍爐坐晏閒三徑白平微  
見跡兩峰青沒不知山深憐歲月流光易猶喜曾  
玄繞膝環敢望通侯題額贈漫誇人瑞覺孱顏時蒙  
道臺程公贈匾

友人久客遠過即留菊下小飲承詢近況書  
此示之

年豐糯熟酒新篘良友過從竟日留厨儉盤餐無  
特設花多深淺自成秋藤鞋竹杖常登眺黃卷青  
燈尚校讐只此近來消遣處莫嗤老去不知愁

七十二集

西山  
勞氏合編

卷三十一

勞珊

珊字鳴玉洞庭西山人嘉靖甲子舉人

無礙泉

無碍居士剔即名無碍泉千年仙醴出一勺俗情  
獨好借孤雲幘還將白石煎更生蒲九節采服學

彭佳

即景

溪北溪南魚網架村前村後稻堆高秋林亂落紅  
千片夜雨平添綠半篙

勞遜志

遜志字惟敏鳴玉之子隆慶辛未進士任至潮州  
刺史

山中寄許太僕許時乞歸不允

白首彈冠羨許詢風流江左更誰倫廿年意氣論  
文舊千里緘書慰別新冀野已能收駉駉秋風空  
自憶鱸蓴聖朝側席求耆德未許吳趨卧隱淪  
勞遜膚

遜膚字

七十二集

西山  
勞氏合編

卷三十一

秋日集金峰寺

為覓禪棲處窅然山數重門通黃葉徑人在白雲  
峰晴雨花間瀑寒霏石上松東林凡信宿殘月聽  
疎鐘

金峰寺送李白甫還吳江

客歸鴻雁後分手寺門前結社同携酒還家獨放  
船鐘鳴千嶂夕帆掛五湖烟落葉將離思秋風劇  
可憐

題贈王春沂純白齋在石公山下

卜隱構精廬炎氛絕盡除形棲一室靜境徹萬緣  
虛鑒水知無碍看雲覺自如欲窮幽賞趣蘿月到  
琴書

勞 激

激字在茲能詩工畫

寄秦介祺時避兵南岳

同住蒼厓裡常過碧澗邊登臺看曉日轉眼是春  
天楊柳瀟湘客桃花書畫船還期一尊酒棹入五  
湖烟

七十二峯  
足徵集

西山  
勞氏合編

卷三十二  
十二

昭潭一濯水別後意如何入市交應少耽詩病自  
多郊原猶夙昔江海尚干戈此日嗟同調陽春未  
敢歌

久羨親闈近誰憐客路遙年華隨逝水拜舞媿斑  
衣故國花應發春江人未歸何堪雙燕子又向舊  
巢飛

鶴舟和上索畫鶴舟圖并題以贈

載鶴緣溪出逢人隱姓名停橈問溪水可似在山  
清

邱文化

文化字無為東山人與葉仲衍陸明生同學為詩  
葛震甫稱之遭家不造衣食於奔走震甫送之以  
詩云一身多難後皮骨盡皆空况此沴寒際遽然  
離別中辭林如片葉度月帶孤鴻莫作廬居夢松  
門夜夜風

短歌

青春流水急百年不覺長人事苦難盡有如飛雪  
忙紛紛復捲捲愁生兩鬢霜感此欲遺世而無駐  
足徵集

東山  
邱氏合編

卷三十二  
十三

顏方仙人一我授富貴齊亡羊

懷古二首

阮生醉不昏登高悵荒烟長嘆歸窮廬咏懷逐百  
篇異音本間出孤鳳藹高騫拾遺興盛唐感遇有  
遺篇煌煌瓊林庫珠貝盈我前同時謫仙人騎鯨  
欲上天古風燦卷軸風騷互爭先篇什誠富矣至  
寶還自然寥寥千百載餘響誰為傳

陶公本負性兀傲酒頻斟觀其醉中語往往非無  
心柳州盛才氣中年憂患侵華葉一

枯林外觀若平淡中有不平音要知廣陵散不比  
朱絃琴惟有韋蘓州色香杳難尋

分賦大鼉山壽吳餘生

巨浸多靈類浮潛莫測底下有鼉戴山茲山負鼉  
起氣蒸白晝黑霧作千巖紫聞鼓發雷鳴聽經解  
月指龍蛇豎蜿蜒龜鼉亦來止天壽方悠哉人與  
相終

酬周王屋

遜世全消軒冕心平生踪跡祇山林中冷泉酌從

七十二峯  
足徵集

東山  
邱氏合編

卷三十一  
十四

教淡太極圖叅不厭深阮籍也知惟愛酒嵇康誰  
道但能琴慙余未得周郎顧抱瑟徒勞覓賞音

秋夜

半壁荒園絡緯鳴高梧月色入三更窓涵露氣寒  
花影砌裴苔衣軟葉散萬里魚書青海夢幾家砧  
杵玉闌情披襟徙倚空庭下遙望銀河一角傾

邱時學

時學字忱所有焚筆詩為世所傳餘不概見

焚筆三首

問奇命駕漫停車那復臨池辨魯魚土塚不封毛  
盡透鐵門限斷字原無興來風雨千張掃望去蒼

茫一管枯從此紫頭焚却後不須更作絕交書

學書專勝不成幢風雨芭蕉打破窓洗研朝來餘  
習在著經老去已心降延牆蔓草猶疑素入夜生  
花不夢江誰信落時搖五嶽拔山力盡莫能扛  
如椽只合付烟吹儘有摩娑沒字碑躬向耕來餘  
破研笑看貧到弄無錐卓天楊腹成何事投地封  
侯尚可為恥與共頭奴角技人間今日滿義之

七十二峯  
足徵集

東山  
邱氏合編

卷三十一  
十五

邱民誌

民誌字允章號筠莊孝友溫恭家庭雍睦生平無  
疾言遽色遇之者如飲公瑾之醇不覺心醉晚年  
與補雪和上為方外交相倡和時有悟入處非詩  
禪會中人所可及

素蕙

素蕙神何似亭亭玉立仙冷香雪皎皎淡影月娟  
娟世道絕無染春風不借妍玉壺新潔品正好託  
冰絃

過翠峰訪補雪和尚

曳杖穿山麓徐行未覺疲幽尋塵外侶快讀壁間詩水月淡如此身心清可知相逢各長嘯恰似虎溪時

登雨花臺

峭削峰環翠誅茆結石窩臺高塵跡少樹密鳥聲多曲澗通茶竈孤亭倚竹坡不須人說法直欲卧烟蘿

寄懷岑青巖

東山  
卷三十一  
十六  
氏合編

轉眼物更候驚心天各方片雲歸晚樹細雨散斜陽人向秋來瘦愁同夜漸長明湖一凝望葭莖正蒼蒼

葉雪漁七十

盟結漁樵侶禪叅雪竇流自來巖穴隱不為食衣謀滄海空雙眼青山笑白頭稱觴扶醉起倚杖看閒鷗

月滿氷霜夜梅花香可尋老年偏矍鑠古道照高深鶴瘦青雲骨詩寒白雪心薜蘿衣自好豈肯易

華簪

冬日過石屏晤補雪

寺在寒雲裡携簾得得來半岩叢野竹一徑引莓苔幽意屬流水詩情逗早梅蒲團清味迥每過夕陽回

喜補雪訂還山之約

破雲雙屐冷踏葉半筇秋相見舊寒衲同憐老白頭香流松磴雪翠潑石屏樓珍重五湖月春風上釣舟

七十二  
足集

東山  
邱氏合編

卷三十一  
十七

翠峰山亭晚眺

野闊景無際山環翠一亭坐來雲石軟酌取道泉聲燕語踏殘葉鴻飛落遠汀數聲清磬晚林鶴夢

初臨

一片秋和友人韵

晚看山光翠欲浮箇人無那更添愁情深穩有三生石夢破俱成一片秋初檢玉釵猶秉燭靜移珊枕怕登樓吹簫引出雙飛鳳猶恐珠簾不上鉤

邱國浩

國浩字禹階號自如筠莊從姪天性孝友持躬謙抑未嘗以色待物人居家治事悉有條理中年抱病無復四方志靜攝斗室藥畧詩囊周旋晨夕世間樗蒲飲博之具優笑淫靡之習去之若浼也念先世多隱德如無為忱所綬先諸公皆以能詩稱而未有以文章名世者乃命子賡熙遊學於大江南北交當世瑰偉博辨之士歷覽名山大川以開拓其心胸增長其識力如司馬子長之登臨俯仰境異神來而後極文章之能事每歸省侍考其所

東山

氏合編

卷三十一

業今出篋中稿朗誦歌枕聽之遇得意處則躍然起欣然笑若飲神麋而忽瘳也

### 盆菊

重陽花有信老瓦出霜中鶴羽遙分白楓林早映紅蕭疎神自遠淡泊意誰同但得尊前賞何愁冒雨風

### 秋暮郊行

客邸秋風未授衣渾忘卉樹有寒威今來落翠盈原野翻恨重陽誤夕暉

是歲未登高

殘菊抱香甘寂寞

拒霜狎水自芳菲漫同知己尋佳處絕勝長安道策肥

### 和友遊滁陽極樂禪林韵

群賢冠蓋集禪闕太史占星應此間解脫法從蓮社得追隨荆向樂郊班鐘散盡靜餘鈴語花影風搖荈菊閒跬步滁陽曾未到彼呵塵俗媿孱顏

東山

氏合編

卷三十一

七十二峰足徵集卷二十三

武峰吳定璋友篁菟錄

涑南張瑋溫如編訂

劉敏

敏字遜志洞庭西山人唐穆宗太和間與方干李  
頻遊其歸也李送之以詩曰却共歸雲去高眠最  
上峰半湖乘早月中路入疎鐘秋盡草蟲急夜深  
山雨重平生心未已不得更相從梨岳集載之今  
考震澤編所集首尾四句全非未知何故

七十二峰足徵集

西山劉氏合編

卷二十三

贈友

一瓊安穩卧蒿萊得意頻將好句裁彩筆何年還  
獻賦貧交有淚是憐才棲遲松菊歸霜鬢潦倒鶯  
花付酒杯漫說平津能好士不知東閣為誰開

客中七夕

雙星明處帝城秋迢遞銀河影半收天上未消千  
古恨人間添得十分愁  
瞬息流光絕可憐盈盈秋水別經年機絲漫說天  
孫巧不為黃姑補聘錢

劉鳳舉

鳳舉字德輝東山人僑居山東臨清州

仲仁叔山居

持竿傲楚使被褐曳蓬纍人生各有志與世無心  
期卓哉吾大阮結廬南山陲捲書掛筇杖冲烟出  
茅茨積雪照深林望月引遐思時呼野人飲問月  
來何遲翹首瞻西嶽春雷凝天地放歌忽揮涕今  
古事如斯且復倒乾樽生涯何足知

劉昭文

七十二峰足徵集

東山劉氏合編

卷二十三

昭文字煥彬號質庵嘗客徐州有嘒嘒草一卷

採薪婦

行見採薪婦故衣垂流蘇攜手操短斧掩淚山之  
隅近前問何以未答先長吁君子不必問妾豈無  
丈夫

七夕

今夕不能寐露坐望碧空虛懷入皎月披襟納涼  
風螢火流過牆草際嚶嚶蟲化育感微物人生豈  
終窮

湖山圖

吾家世居湖山裡久離湖山為負米山色湖光不  
得看僕僕風塵頻陟屺異鄉秋日多風雨新隄南  
飛蟬不語遙憶湖山寫作圖層疊何能盡情緒

夜泛

遊興乘清夜携琴泛小舟月明人意朗簾靜操聲  
幽恐有魚龍聽難將山水求知音何處遇絃絕付  
江流

雨初晴吳硯耘來自家山喜賦

七十二峯

東山  
劉氏合編

卷二十三  
三

鵲噪微陽見風吹淨雨絲忽看良友至得慰暮雲  
思小酌洗塵酒賡歌伐木詩醉來偕遠望天末落  
霞遲

冬日送硯耘歸里疊前韻

送客洞庭去含情悲素絲征鴻留過影隕澤滿鄉  
思山徑尋梅屐池亭得月詩故園風景好歸路肯  
遲遲

登樓

登樓望霞迥風塵水色山光似染勻反舌傳來千

谷暖落梅點破五湖春暫看花鳥非嘉邇未學漁  
樵愧隱淪自分疎慵無一善不知何事役形神

九日

半醉徐行入翠微九秋逸興傍雲飛登高不採茱  
萸佩千仞同頭好振衣

劉薰

薰字心喆馬蹟雁門灣人明嘉靖間貢生任北直  
任邱縣縣丞

學圃

七十二峯

馬蹟山  
劉氏合編

卷二十三  
四

戴笠乘閒去草萊園官分種手親栽四時不斷新  
蔬供也算吾徒經濟才

劉仁啓

仁啓字鼎和薰之子萬曆丁酉舉人任山東恩縣  
知縣地當孔道供億迎送差役甚繁公清而簡能  
省事息人以惠其下頌聲載道籓臬交薦推陞知  
州而淡于營競引年致仕其父子作詩皆任天真  
不加雕飾近擊壤集派別

順命篇

天地有缺陷人事多參差雲泥分貴賤玉石判妍媸種種皆如此何啻岐中岐即在一日間得失不可知就使片刻夢啼笑亦頻移駑駘應伏櫪敢與良驥馳小鳥乏巨翼難作鴻鵠思所以達者觀安分最相宜我生默有宰營競復奚為

白下重陽前一日宿承恩寺

帝里輕寒上客衣黃花應放磔人歸一尊曾有籬邊約九日仍虛木末期涼月照牀僧話久晚雲凝閣佛燈微坡公玉帶尋常事何必叅禪問是非

七十二峯  
足徵集

馬蹟山  
劉氏合編

卷二十三  
五

錢、孝

孝字師舜號西青馬蹟內閭灣人博通經史高尚其志築西青小隱邵二泉為之記顧未庵文衡山皆有題吟耕讀教授出其門者多名士荆溪杭淮其尤著者馬蹟山志之輯自先生始毛古庵稱其事挾而該辭質而明至忠臣節婦尤惓惓示勸有翊世善俗之志焉

秦馬踪

祖龍架石梁跨海觀晁濠揮鞭策神馬躍此烟波

上青山有遺踪石面經風浪故事傳渺茫今人起惆悵還聞雍州守興味陶元亮五馬歸田園于馬日遊放悠悠西青崖七里巖灘狀老漁垂直鉤沙鳥閒相傍

分水祠

神王后稷子佐禹平水土震澤賴底定厥功垂萬古荒祠叢木間春秋載酒酤中祔宋將軍義烈劉平甫赤心歸朝廷破賊試神武駐兵保此山配享居西廡前元亂亡日像毀祠并腐後來雖繼作所祀非其主居民莽蚩蚩襲謠求陰祐予心獨不然好古慙無補敢發芻蕘言幸為賢尹取下令復厥功廟貌還可覩

送范天錫

青燈孤館秋落葉黃花雨聊為卮酒歡愧乏綈袍與明日更相思雲山渺何許

題畫

落日滿清江江花多白石美人隔秋水盈盈非咫尺望盡孤鳥還天邊數峰碧

七十二峯  
足徵集

馬蹟山  
錢氏合編

卷二十三  
六

歲晏言歸

獨倚斜暉咏式微  
西風吹動首陽薇  
江湖浪跡似鷗泛  
瞬息流光野馬飛  
一水晚迷書面舫  
六花寒點芰荷衣  
到家不免青山笑  
頭白于今未覺非

錢球

球字君錫號逸叔西青曾孫

有感二首

騏驎曠世材伯樂不常遇  
年年太行上淚盡鹽車路  
蕭蕭仰天悲哀音徹雲霧鞅  
勒豈能羈常逢僕

七十二峯

馬蹟山錢氏合編

卷二十三

夫怨悔不如駑駘主人多善顧

靜女處高樓針線日相依  
三春閉戶坐桃李自芳菲  
蛾眉空自好時俗好者稀  
醜婦工謠詠衆棄如土泥  
東鄰有姊妹看他理嫁衣

登靈隱北高峰絕頂

峰勢逼層霄穿雲騁高步  
怪石聳奇形紆遶松邊路  
鳥道鎖山腰微茫亘烟霧  
登躋力易窮攀條數回顧  
寥廓俯大荒衆壑莽奔赴  
城郭小萬家居人紛蟻聚  
西湖渺一勺海氣天吞吐  
層巔一茅屋境

絕無人住虎跡徧樵蹊  
白晝樵人懼瀑聲從西來  
空濛送雷雨嵐光忽變幻  
仙窟紛迴護置身儼蓬萊  
凌虛振毛羽平生邱壑情  
到此慰我素五嶽起迢遙  
明明在芒屨緬想採芝人  
幽踪杳難遇

錢豫謙

豫謙字行素馬蹟雁門灣人  
沉靜端介萬曆癸卯領鄉薦  
無喜色所親或譽之答曰  
讀書志在聖賢匪徒博功名  
也時當盛年不赴公車亦不  
謁選潛心下帷開發有宋五  
子之書以開示後學經其講

七十二峯

馬蹟山錢氏合編

卷二十三

貫悉為通儒

孤松

亭亭立丹巖蒼翠自長若  
日月更逝去奇節成磊落  
下蟠不朽根上坐不死鶴  
鶴鳴聞九天為松空錯愕  
側身百仞岡濯魄千尋壑  
高潔信不群自命固非薄  
迎風起清響明月長相託

送友

山深易生寒更復多猛虎  
之子慎出入早晚自防  
輔柴門傍午開羊裘望風  
補得意勿終留當亦念

鄉土閒時憶故人酒深沒鸚鵡

堤上

日入光未盡林表烟欲齊十年倦遊客歸來渡清  
溪清溪宿沙雁驚起蘆花西回翔忽復下依然安  
故棲爾我均有託我何獨垂携南汀缺舟楫北渚  
苦濤泥劃然發長嘯漁歌起大堤

阻歸

雨阻荆南山風捲荆溪水有車未可乘有楫不可  
理危坐無一言片時已十起

七十二峯  
足徵集

馬蹟山  
錢氏合編

卷二十三  
九

寄贈荆溪友人

我家湖水上君家溪水陰黃金兩家關人疑交不  
深水惟能性淡知音無古今

顧名

果腹愧膏粱達心思早譽名豈君子急要亦不可  
去槿花奚足憐栢葉已甘茹清苦遺世情知音自  
能恕顯晦未敢必慎莫輕易慮

孤鴻行

東來一孤鴻濯羽臨萬頃暴衣於秋陽一顧一憐

影獨立千仞岡不鳴而延頸奮起飛翩翩直上摩  
青天

白鳥詞

白鳥回翔黑雲裡欲下不下飛復起乘風去去扶  
桑巔坐對赤鳥鳴不已

山居

築室龜山側為鄰四五家衡門開綠野幽壑吐丹  
崖村叟敲詩過籬花帶日斜一樽聊共飲笑語結  
烟霞

七十二峯  
足徵集

馬蹟山  
錢氏合編

卷二十三  
十

早發溪南

漁唱江天曙溪行夜亦闌飛鷗過水白落月帶霜  
寒斷夢移荒岸孤舟下急湍客身輕似葉東去路  
漫漫

秋興

陂塘秋晚興容易入淒涼斷葦搖寒浦孤鴻落大  
荒年華應有待風景亦何傷不見沙洲月清輝百  
倍光

宿舊友故居

書屋梅花古琴臺雲影涼路憂苔蘚滑墻任薜蘿  
荒夜月虛懸白春醅空自黃故人何處去一醉更  
悲傷

極目

極目秋原上迢迢思杳然雲山窮異地烟水際長  
天雙漿清溪外孤城落日邊壯心無所寄四海一  
飛鳶

竹硯和友人韻

端溪少室兩傳聞即墨新推抱節君雨露昔曾滋

七十二峯

馬蹟山  
錢氏合編

卷二十三  
十一

氣象風光今且洽斯文結隣佳趣憑空換樓鳳芳  
名屬舊分載以書舟歸秘閣從茲遙隔萬山雲

浙中送友還江南

送君情不及汪倫漫弄梅花春鄭淳今日始悲容  
易別從前都悔等閒親孤舟自識江南路明月分  
留浙水濱此夕越臺同話處又將心事屬何人

孤雲

孤雲出溪谷萬里遊長空從龍化霖雨自不有其  
功

曉度宜城

宜城漠漠曉烟寒今古悲涼萬縷單何處停舟漫  
沽酒溪山一路醉中看

錢國珩

國珩字楚先行素猶子縣諸生天性忠孝崇禎末  
與父晉謙弟國珍避亂山中乙酉秋下薙髮令晉  
謙國珍俱死之國珩念母老弟幼宗祀將斬因為  
苟全之計有勸之應試者輒淚下不答所著有靈

椿堂詩草

七十二峯

馬蹟山  
錢氏合編

卷二十三  
十二

思幽人

種青桐栽紫竹歲月深就木有花斯開有實斯熟  
猗猗萋萋鳳兮鳳兮鳳可以食亦可以棲其來如  
我云胡不可

采桑

出彼春郊陌薄言采桑桑采采私自憐力弱不盈  
筐力弱不盈筐置彼周道旁非敢念康樂所思在  
遠方思遠不復采携筐入蠶房復恐桑葉稀蠶小  
恰相當蠶小頻頻祝願比去年強蛾繭收百斛織

絹千尺長絹染好顏色裁作墻衣裳臨風覓便人  
珍重遠寄將

孤飛螢

孤飛螢照妾屏照屏屏不知照妾妾伶仃妾住襄  
陽側君住長干北襄陽大堤長干道遠復相連平  
復直勸君歸長干許妾迎在即豈意直至今三秋  
空嘆息屏間孤飛螢彷彿去年色相照空有情相  
思為無力既無力復無翼守空房事機織織成紈  
素光欲飛思君身體製君衣刺有尺素合為扇寄  
足徵集 馬蹟山 錢氏合編 卷三十三 十四  
君輕搖莫輕賤上書片語囑君聽撲螢毋撲孤飛  
螢

棄婦詞

妾當棄無所歸但願得靈藥服之令身飛奔入婦  
娥裏長得有所依流光照故夫新人保其姝

隴梅吟七章

隴頭有梅樹老幹生蒼苔新條抽冉冉歲寒玉花  
開板條嗅其花悠悠思遠哉  
折來無所寄思遠莫致之風向手中吹清香惟我

知馥馥繞胸臆應是重相思

相思無與傳辜負折來意行吟顧隴頭屢顧深思  
義徘徊思不斷究竟于何寄

貯之玉瓶中切切候春風春風如與便好慰故人  
窮日日門前望朝朝心內冲

所憂香欲散路遠誰為前今歲怨花落開須待明  
年年年苦相待新條難自全

寄語採樵子慎勿採作薪霜雪非所畏寒香發早  
春新條隔年舊新復更生新

足徵集

馬蹟山 錢氏合編

卷三十三 十四

相思新接舊今當寄我友三年覓得人聊慰別來  
厚為我致殷勤梅花與知否

羽扇

好具凌霄翮餘情憶奮颺因人試飛動待燕納清  
涼比翼思歌扇分明刺酒觴翱翔來掌握左右綺  
羅旁

晴川

不却涓涓細晴光一望多鷗鳬飛白雪島嶼點青  
螺影浸春山色霞流夕照波漁翁當此際其樂殆

如何

雲嶺

恍惚翠微處  
叢巖顯復陰  
飛騰不可附  
突兀却堪尋  
動靜兩無意  
去留何有心  
青春饒望趣  
自古到而今

香月

窈窕月流天  
清歸風雅邊  
墨池光淡淡  
花院影娟娟  
荀令座中過  
孔尊酒底圓  
春宵芳草地  
何處不堪憐

七十二峯  
足徵集

馬蹟山  
錢氏合編

卷二十三  
十五

微雨

陰雲春黯黯  
郊野望難明  
但見花間濕  
不聞枝上聲  
如絲飛細細  
類霧洒輕輕  
萬木由來潤  
青蕪綠漸平

春曉即事

夢醒天初曉  
晴光射紙窗  
竊聽春社燕  
梁上語雙雙

五里湖作

湖上青山山裏湖  
天然一幅輞川圖  
不知當日倪

高士曾入空清筆底無

錢憲祖

憲祖字武若楚先之子所著有薛窓閒詠

詠史 四言

阡陌一開井田不復墻  
下無桑田中有木箱無餘  
衣倉無儲穀浪子紈綺遊  
手食肉商鞅之罪車裂未足

古意

種瓜南山下延蔓葛相親  
綢繆復綢繆天地絕比

七十二峯  
足徵集

馬蹟山  
錢氏合編

卷二十三  
十六

隣因結不可理頤與同屈伸  
若為治葛蔓瓜亦為傷神  
自來重恩義生死弗離異

秋詞

蕉葉日已乾梧葉日已黃  
蟋蟀依人候當風締綌涼  
不即事機織卒歲無衣裳  
老者衣不完幼者將號寒  
及此向誰語潛焉徒悲酸  
乘時所以貴振古戒偷安

古別離

白雲別黃葉上下飛懸絕  
化雨灑長林葉底聲悽

切

春作

力田憂旱潦遠慮計必長及此務閒日得預為隄防携錢復荷鋤封漁就常章中有條理在老農操其網勤勞不敢避顧業職所當萬事慮及此終身足以臧

折楊柳

憶昔跨馬矜少年折得楊柳為馬鞭今朝折柳在他國可憐馬罷鞭不得借作青絲絡馬頭強勒春

七十二峯  
足徵集

馬蹟山  
錢氏合編

卷二十三  
十七

風嘶不休

錢松

松字大年號青在楚先之子事父母以孝稱事繼母尤謹生平硯田為業雖家計艱窘而甘旨無乏康熙己丑督學使者廉得其實特旌其間曰南陔風世所著有椒園詩集

出自薊北門

出自薊北門遠赴單于域正氣塞天地旌旗耀白日單于伏馬前自言服中國仁者握赤符在德不

在力

采蓮曲

采蓮不采花采蓮采其實其實不可剖剖之傷人臆一剖見蓮子再剖心苦矣託根良亦深菱菱何處尋生不同根柢焉知其苦心

悲哉行

悲來無處哭故爾發大嘯腸迴如車輪輾轉自相弔作客便無家思歸慕員嶠縹緲烟水窮雲樹復迷眺桑梓不可知哀吟當號眺衷懷識者誰日月

七十二峯  
足徵集

馬蹟山  
錢氏合編

卷二十三  
十八

遙相照為作悲哉行今古孰同調

嗟余生不辰

嗟余生不辰十歲失慈親女兄方十二去作他家入父素獨尚義家道安清貧不務細民事業以詩書生携我適他國十載多苦辛長我賦歸與歸來虛無人脫粟炊為飯買菜煮為羹于以奠娘墳嗚咽淚沾巾背父收餘淚勸續琴上音首肯敬從事復得全家庭忽忽三十六親當稀古齡愧我蒿蔚才歡顏未得承父兮忽謝世三年空淚淋繼母復

繼卒傷哉孤哀心哀哀更長二女亦夭亡夫婦  
悲不已感極流他鄉他鄉何所親嗟余生不辰

戌婦詞

夫戌邊關妾守閨年來日月度東西高明幸是無  
私照魂夢迢迢自不迷惟畏秋來涼海至愁心竊  
與塞風淒寒衣欲寄無行者筐笥重重摺疊齊飲  
恨縱教深似海不非天子怨羌氏

射虎亭

有虎白額勢猖獗鋸獠牙兮聲霹靂食人如麻無

七十二峯

馬蹟山  
錢氏合編

卷二十三  
十九

歌時父老聞之長嘆息傍有周郎素尚勇挽弓十  
石不用力入山除害復自新為晉將軍食君食荆  
南山下立孤亭額標射虎人人識將軍勲業垂青  
史周郎勇力勒山側山側亭前尚有先行行樵子  
慕周郎獨不見將軍死後後復復無人能繼令人  
傷又不見虎子生孫孫復生猛如白額食人強亭  
前人過淚如雨不見將軍見虎倂

行路難

天地四方無以為家矯首一望動人長嗟歷歷青

山深不測漫漫碧海廣無涯白日蛟爭迷古渡青  
山虎鬬斷行車行路難行路難山河歷歷海漫漫

明妃怨

不見畫師沒漢宮一見畫師沒漢塞不沒漢宮沒  
漢塞願得君王長自愛畫師可殺不可殺君王可  
悔不可悔

斲桐

十年磨斧出門去百里深山最深處直到幽岩峭  
谷中丁丁竟斲孤青桐持歸細削妙無匹飾以金

七十二峯

馬蹟山  
錢氏合編

卷二十三  
二十

玉合膠比之素絲和呂律古錦作囊石作臺鍾期  
鍾期安在哉

煮茗

銅瓶日汲湘水綠時扳楚玉然青竹香生穀雨離  
騷熟百椀洗心抗塵俗盧家阿仝空闌陸

早寒溪上

風急雁南度早生溪渚寒故園湖水上客思樹雲  
端率意成長嘯啣杯只暫歡動人何物最蘆荻亂

涸澗

清明

異地逢佳節長吟健有神山川經過眼花柳欲歸  
春酒向荒城醉詩隨禁火新紛紛裘馬客誰是故  
園人

中庭步月

夜坐渾無事孤懷靜却生觀書愁眼泣伏枕怕心  
清仰見鵲飛月側聽人弄笙祇因衰老日種種入  
閒情

寄暢園席上咏古分賦得張良椎

七十二峯  
足徵集

馬蹟山  
錢氏合編

卷二十三  
二十一

收鑄金人後猶餘一鐵團深謀悲誤中大索巧為  
瞞雖奪秦皇魄難回韓國淵幸逢圯上老不作聶  
荊看

林泉雜詠

溪曲山隈隔世塵蒲風巖月倩為隣嚴光有意成  
高節周子無心作隱淪柏葉帶霜經歲好花枝着  
雨一時新人生孟浪圖榮出不若林泉老此身  
明月孤光映水寒且將踪跡委溪干漁樵兩可生  
涯近貧賤雙清魂夢安有子但能供飲食無賓不

用整衣冠閒閒桑者何來往一曲滄浪胸次寬

雲林路僻草蕭蕭四野山光面面饒碧澗流泉噴  
白雪丹崖薜荔弄青條築巖寧有功名想釣渭初  
非爵祿標莫道阿誰能料得南陽終起卧龍潮  
結得茅堂遠勒銘烟霞塢裏最安寧  
無事剪落燈花喜不形今夕那知醒李白明朝還  
記醉劉伶醒來忽起登臨想一笑千山萬古青

探菊

探菊東籬晚西鄰竹影斜椒園更深露猶隱數枝

七十二峯  
足徵集

馬蹟山  
錢氏合編

卷二十三  
二十二

花

竹枝詞

江頭風急浪頭堅風息方看浪力綿儂似江邊一  
磯石輕輕重重自知憐

客中寒食

寒食山溪桃柳新深知不是故園春青衫濕透江  
州淚歲歲清明一客身  
何處荒郊不哭天綠筠室人墳上草芊芊他年泉  
下如相見共看兒孫掛白錢

長信宮

皓皓當天月一輪  
流光照人無不盡  
陰雲一片忽飛來  
不覆宜春覆長信

錢憲默

憲默字恂若號訥民  
楚先猶子習刑名家  
言佐幕山左卒

博陵署中獨坐述懷

每到蕭然露驚心  
嘆遠遊淒涼今日事  
寥落故園秋親友經年別  
音書幾次投徒勞歸思切  
魂夢逐

七十二峯  
足徵集

馬蹟山  
錢氏合編

卷二十三  
二十三

江洲

過浦城

翠嵐南下覩狂瀾  
不盡消涓齒石灘  
烽火昔年稱有戒  
車箱今喜出無難  
追呼久釋官民困  
稼穡全收海甸安  
狐鼠從茲長伏迹  
不教邊士老征鞍

錢淵

淵字靜思號墨岩  
馬蹟城灣人質性端  
慤不苟言笑不安交  
遊讀書秉禮嚴於取  
予人服其清介

題馬蹟山

七十二峰浮震澤中有一峯名馬蹟云是祖龍神

馬經四蹄石上如雕畫西青崖畔盡桃花暖風遲

日蒸紅霞柴門流水自村塢幽花籠書春長嘉行

行內閣相咫尺六月風吹楊柳陌千古猶傳避暑

宮躊躇往事空陳迹誰家種竹滿塢深倚倚晝日

長陰森行人過此消塵慮耳邊惟聽鳴瑤琴長橋

曲水村塢小茅屋人家往來少樹陰黃鳥啼一聲

落花滿地輕風掃亭亭午日正暄妍方塘水淺群

牛眠禾黍高低家富足百年涑水甘棠傳牛塘殷繁為涑水縣知縣

七十二峯  
足徵集

馬蹟山  
錢氏合編

卷二十三  
二十四

雁門佳勝擬巫峰  
龜蛇圖畫奪天工  
門墻况是多

苑李盡在陽春普  
化中日隋西岩村  
欲暮殘紅返

照林間樹頰有樵  
子倦歸來山路雲  
深不知霞峻

嶺嵯峨是耿灣一  
灣關鎖托胥山三  
春花發人携

伴尋到山茶不肯  
還伴奴灣有山茶樹乃宋元故物也花時如雲錦張青夾嶺宅

盤旋富足由來起  
力田謳徹四更車  
馬歇催耕已

喚小橋邊誰人札  
寨古寺前橋跨灣  
中塔半天上

方旦暮聞鐘鼓心  
共湖山一體禪越  
王敗餘城已

覆新城知是何年  
築夜深人有讀書  
聲月落女墻

猶未宿西埗汨汨流芳泉左峰迢遞筆翰尖山前  
點下多詩意題遍梅花白雪天東埗居宅匿深岩  
古殿巍巍鎮左肩有桃連屋林園樹縹緲不辭名利  
也能仙淺塢東西有兩泉湖邊日泊漁翁船魚蝦  
朝夕爭作市酒家門巷青帘懸小墅數家倚山坡  
嶺近數武大墅窩斷崖出沒多殊致風靜浪恬漾  
艤舸蓬坑寂寂村無主軟藤花郁閒亭午小橋流  
水澗東西茅屋藏春春幾許檀溪一派清泉分蒼  
崖白石波汙汙臨流飽玩坐終日想見當年邵隱

七十二峯

馬蹟山

卷三十三

錢氏合編

二十五

君東有邵協爲新

古竹叢深橫古渡渡頭芳草迷烟霧

魚龍噴沫水雲腥十里風帆送朝暮東谷盡處是  
鈕埼村深地僻行人稀日長無事門半掩白鷺群  
飛水滿溪丹崖翠壁千仞渺瑤草琪花四時好山  
中別是一乾坤尋真何必蓬萊島

### 春霽

陰霾洗盡碧天空依舊湖山入望中絕樣輝生新  
洗月更番香到好花風陌頭柳正參差綠洞口桃  
能深淺紅明媚春光誰買得晨興擬即拉鄰翁

## 七十二峯足徵集第二十四卷

武峰吳定璋友篁菟錄

高陽許汝璉宗玉編訂

### 許曄

曄字光遠包山人洪武初以學行徵

蒙召至京獻詩

布衣蒙召入京師足躡春風步玉墀父老喜除秦  
法令儒生重見漢威儀九重鸞鳳翱翔日四海魚  
龍變化時自古金陵多王氣聖君應建萬年基

七十二峯

西山

卷三十四

許氏合編

### 許志問

志問字冲愚東山茭田人

自述

澤國蘋香遶洲渚溪水平添新漲雨青翠飛來湖  
上山紅黃點綴林間樹會心獨坐采菱舟處處停  
橈得自由事業從前具孟浪丈夫五十難低頭

### 許明輔

明輔字若冲志問之子

秦淮夜泛同葛巖諸君子賦

秦淮煙景絕南北三五良宵月光白美人疑是廣  
寒姝高明盡屬梁園客扁舟載月月欲移燈下看  
花花笑時妖嬈艷艷芙蓉蕊綽約纖纖楊柳枝春  
色撩人渾似醉幽意相看默相會抽毫誰寫遠山  
橫含情轉覺秋波墜酒熱歡濃此夜良自歌金縷  
觴勸郎從來不解為情死今日偏能縈寸腸寸腸  
欲斷倩誰續拚教酩酊頽雙玉般勤惜別會何期  
羨殺沙鷗同處宿

廟山觀梅憶施海虞先生詩以弔之

東山  
許氏合編

卷二十四

故人舊宅好規模廢址頽垣迹已蕪詩酒自娛陶  
靖節天人指掌卻堯夫如聞笑語人何在見慣扶  
疎柳亦無門前先生手植倒垂柳一株始秀入畫世代滄桑眼底事可能含  
笑卧黃壚先生八十七歲而終未及三年子孫他徙矣

戊子閏四月懷王玄珠用丙戌小春見贈扇

頭詩韻

老臣蒙難氣尤豪笑語如常義自高夢短炊梁元  
是幻事同翻餅豈堪撓白頭結契仍無服青眼投  
瓊未報桃今日思君懷舊誼臨風翹首不勝搔

許元功

元功字茂勲所居茭田老岸有烏白數株干雲蔽  
日秋時紫綠爛漫如錦帳茂勲構高閣於其間嘯  
歌偃息蘊義感物每發於詩中年遭喪亂家計窘  
枯埋照于酒酒酣落筆歌哭淋漓忠君愛國憂傷  
哀怨之情一并流露或寫蘭數筆署名更生人亦  
以更生稱之往往離家栖于蘭若屢空晏如而友  
誼真摯急病讓夷解衣推食不以貧病改其素四  
方名流來遊洞庭者賦詩贈答以當縞紵嘗同錢  
牧齋九日登高莫釐峯頂牧齋賦詩二首茂勲次  
和至再有禾黍欲歌渾是淚茱萸方健未成翁之  
勿牧齋誦之色沮少師事李副憲如毅與侍御灌  
谿交最厚茂勲病將死以生平詩稿一束封識授  
二子曰必囑灌谿作序灌谿哭而受之時與徐東  
塢及門生輩議私謚曰靜曜隱君遂名其集朱雲  
子余淡心葉聖野歸玄恭李曜菴皆有評論於簡  
末比之陶元亮鄭所南云子山濠女冰素皆能詩  
各有集

東山  
許氏合編

卷二十四

古意

灼灼石榴花沉沉枝上葉綠色映交疏紅光分玉  
頰日暮人未歸堂堦閒佇妾

積雨獨飲擬陶

飢來驅不去此時長閉門寂寞起行視惟有酒盈  
樽誰共斟酌之形影自慰言但覺東軒廣無愁樹  
色昏幽鳥知我意林翮亦來翻既飢復不醉何以  
報吟魂

卧病擬陶

七十一  
足徵集

東山  
許氏合編

卷二  
四

人生乘運來病即去者機未去而且留後期翻自  
疑庭前遶嘉樹戶牖列書詩假若即長寐今日復  
奚知

十日陰不開今朝始日出扶杖起牀前若為照容  
色十年一青銅嘗任浮埃蝕何況今朝人并非鏡  
中質

吳門逢朱朗誦因寄施仲清

亂後幸生存又非千里隔胡為望一水十年空歎  
息吳門逢君友歲暮朔風急躑躅四五言寒城沒

殘日

園中雜咏

衆木澄高陰籬花匝其下惜此清和天景物美首  
夏撤窗風動襟竹榻面書架尚帶夜來醒清泉甕  
中瀉老僕勤菜畦隣家問桑柘欲赴酒徒期疎懶  
行復罷

灌谿夜話

寒城易暮色倦客鮮歡懷園林幸接近時偕尊壘  
來兼得兩三友諧謔無嫌猜論古有餘思停卮心

七十一  
足徵集

東山  
許氏合編

卷二  
五

徘徊肅肅前除霜噉噉鴻雁哀攬衣發長歎月白  
煙初開

放懷

昨日天地窄今日天地寬賴此一林風吹失愁萬  
端我生既經過倏忽五十年縱復五十年視前如  
飛煙日月自照人花草非我妍寶茲今朝意聊畢  
區中緣

豆香亭歌贈嚴用晦

飲酒豈必金谷園賦詩豈必沉香亭幽人籬落別

有致豆花豆莢皆芳馨桑柘陰中春景暮鳴蟬葉  
上秋風度並是亭邊得意時豈須有客愁無具君  
不聞楊惲拊缶歌古來落萸何其多又不聞子建  
七步詩同根相煎未已時但令花開子復摘巢林  
一枝已堪適

王五癡積列朝銅錢鑄佛五軀送供虎邱禪  
院

富兒積錢買綺襦王君積錢莖金軀人笑積錢何  
其癡王君却異富家兒積多輦奉良工手在冶龍

七十二峯

東山

許氏合編

卷三十四

六

氣衝南斗天神八部集庭除果然相好非嘗有當  
時開闢大聖人元是西來佛子身今日借君聊示  
現大千佛日終常明虎邱行人皆歎息堯祠禹廟  
空蕭瑟

### 梧宮秋

吳王城郭臨江水歷盡興亡只如此白蘋紅蓼殿  
素波向來吹落何其多不見昔時吳王宮屬餽賜  
罷冶城空越王臺上集飛鳥吳宮先落梧桐風宮  
中金井汲銀瓶白玉牀頭酒未醒盡道繁華如昔

日豈知桃李會飄零只今禾黍歌未休那得更爲  
吳宮愁

### 五畝園主人種菊歌贈劉子問

飢人知慕灌園叟幅巾野服菽五畝况是爲園盡  
栽菊主人還具高人福五畝之外幾頃田種秫種  
粳誰當先有菊已足兼糗糧無酒有菊空徒然昔  
時就訪花便好今聞籬間更窈窕開時索得酒如  
泉南山當戶秋霜老

### 蘭燒歌

七十二峯

東山

許氏合編

卷三十四

七

甲午冬寒百年未遘江南好事家蓄蘭十  
不存一時並火焚其葉謂如野燒與煖氣  
助生也李文中命予作蘭燒歌

長城朔氣無衰止隨指嚴寒越江水半夜冰堅凍  
轆轤湘靈色怨幽蘭死物情灰劫固有期詩書曾  
值祖龍時終然郁烈異凡卉吹氣聞聲尚得知招  
魂爲道春風好處妃貽珮要終老莫使玄芝歎不  
休王孫腸斷空芳草

### 登妙高峯次韵

妙高峰上望七十二峰西山暝月嘗滿床空雲亂  
栖鶴翻天勢迥鳬落水容低豈望先沽酒容余得  
自攜

李文中園齋夜集限韵

正月連風雨春寒減復增出門愁似失中酒老還  
能圖幙催燒燭停甌聽琢冰安心栖托好歸夢總  
無憑

舟夜

氣肅高天夜寒星帶古城煙中家百里篷底月三

足徵集

東山  
許氏合編

卷四

更羌笛淒風短漁燈徹夜明鄉心隨水闊漸喜動  
橈聲

舟曉

橋門日未吐光射半溪紅回首又明月碧流如漾  
空衆山朝爽外一水客愁中歎息此時景賞心誰  
與同

訊姜如須病

擇木棲方定驚來幾度春那堪流寓病更是亂離  
貧問酒專諸市看花支遁鄰相思芰荷裡難待寄

秋尊

寄李仲木寧羌

遙識開簾坐城頭看鳥還春生秦地草月照漢時  
關萬里書難到高堂夢正閒故園頻盼望匹馬問  
青山

納涼庭荷側有感

踏月忽驚水看荷真在舟葉藏螢照徹藻瀉露香  
浮半臂兼歌扇搔頭益酒籌舊時風景在清絕易  
為愁

足徵集

東山  
許氏合編

卷二

停裝

兵過舟還斷停裝又此晨昨宵先別友獨坐易思  
親霜白城邊路雲陰野外津柴門雖改歲人事恕  
長貧

懷徐蘭生朱長孺徐禎起

商風吹圓色望裡劇懷人谷晦愁如夢廬空醒覺  
貧江楓兩地老山月一痕新縱是平生分難言若  
比鄰

鄭薇令見過郊菴有作次韵

登高昨何處餘興肯來過荒寺經風雨蕭蕭葉滿坡殘陰生野水秋色上田禾余亦栖遲歎閑雲在磴阿

送沈古乘北遊

握手今何別燕臺五月遊知承老母意不負故人求急雨趨沙渚涼風上驛樓陵園搖落盡莫問漢時秋

哭張草臣

一入閭門道其如室宛然雖留書亂榻已絕婢傳

七十集

東山  
許氏合編

卷二十四  
十一

箋愛子先時淚新齋幾夜眠廿年尋訪處今日罷停船

侯月鷺訪集因贈

空林亭午靄微霄門外高軒問寂寥入坐無言酬主客把杯有思屬風飈五湖秋晚遊方倦老圃容多寓亦僑若向南山還射虎好隨征馬去蕭蕭

寄李灌谿姜如須

峰頭木葉漸看刪一月人歸卧碧灣喜比黃金猶有菊慚非白玉也顏山當年橘柚曾包貢何處梧

桐尚剪頰明鏡不須新髮向秋風難檢舊時班

懷曹秋岳

秋城漠漠接湖陰菊蕊初淒夜思侵酒醉名園花外遠梵聽蕭寺雨中深囊詩已欲空前草馬首何時向故林一望津頭煙霧滿振衣嘗自上高岑

九日雨中武子玄恭同泛虎丘

夙約山頭快把觴朝來風雨興仍狂不愁蠟屐全沾滑但惜萸囊未佩香古劍池中秋有氣胡姬鑪畔晚多涼茲遊若問風騷勝恐遍湖山只野航

七十集

東山  
許氏合編

卷二十四  
十一

新年訪侯月鷺路易公安卿鄭世貞薇今諸子傳飲屢夕次韻

傳飲桃村類轉蓬天涯兄弟調能同樽前白髮人還健世上青山路未窮無數春燈疑好月半開梅萼耐淒風閉園共許晴相問那得低雲便掃空

次侯月鷺韵送梁正愷歸粵東

何日琴尊更往還五千餘路此離筵共憐短髮飛霜裡獨送輕舟落雁前庾嶺花香逢臘月閭門柳色憶明年遙知鄉邑欣重見幾處春風掛杖錢

哭姜如須

空文自見寧君志四十年光石火流堂上素絲千  
里淚空中孤影五更愁天涯誰夢來元伯夜雨真  
成憶子由謂如農令兄他日過廬還慟絕要離塚上望松  
楸

陪錢牧翁登朱珩壁縹緲樓

好山何必峰全露最喜初登霧未開林屋雲霞常  
映帶石公風雨欲飛來白蘋漁艇炊煙出紅葉人  
家夕照回對酒放歌應不惜淒涼直北是蘇臺

七十二峯  
足徵集

東山  
許氏合編

卷二十四  
十二

中秋夕寓祇園菴徐武子招飲同禎起賦

牽船難住借招提月夕幽尋過隔谿光散一庭先  
露白影移高樹待烏栖何人湖海眠蓑笠有處關  
山怨鼓輦莫道舊狂因病改百壺飛送醉如泥  
施則民忽有清源之別詩以送之

四月湖堤柳色深蒼茫分手亂愁侵貧裝一夕何  
由辦好夢前途或易尋江上野花開客眼驛邊歸  
騎說鄉心萸茱莫忘吳山約兩鬢風霜更不禁

秋日感懷

十年征調盡天涯賣劍買牛事尚賒三楚下流防

北固八閩通道成仙霞妖星白晝能參日巨浸高

秋涸見沙銷竭臣精老眼眊莫教血戰混龍蛇

偶檢雲間董張兩大宗伯故札有感

九峯佳氣接星文僕御欣從早歲勤一代幾人同  
斗嶽千秋何處有機雲青藜喜降柴門杖白練慙  
留舊日裙盛世風流瞻漸遠典型此日寄懷殷

將出山晤李秋旻聲伯先寄

積氣城邊水上涼故人音斷雁鴻傷千年萼蘚三

七十二峯  
足徵集

東山  
許氏合編

卷二十四  
十三

秋雨九月茱萸一夜霜布局失先元是短致窮有  
具媿稱長蒙君許我公榮外醉踏林梢借石床

同灌谿弔葉聖野次壁間韻

八旬老母七齡兒重到堂前兩故知舊事滿懷尋  
僕語西風吹雨出門時

許汕

汕字宸卿號竹溪茂勲長子少承家學束脩自好

秋夜有懷吳門李灌谿先生率成短章

秋氣薄青旻芙蓉冒芳池城闕在天上景星清夜

垂笠澤煙波闊寸心獨有思所思惟我公樂道邱  
園宜高年復慧命鍵關自委蛇清衷貫秋日禪悅  
煦春風只今天壤間如公豈有同月明輝素鶴雲  
影蔭疎桐歎息瞻仰間銀河迥碧空

山居四首

性愛林巖趣常同麋鹿棲泉聲幽樹裏鳥道亂峰  
西流覽隨時適忘機與物齊廿年招隱賦可以樂  
天倪

策杖倚前岡清風引興長山花供笑語野老話行

七十二峯

東山  
許氏合編

卷二十四  
十四

藏竹密禽聲脆溪深荇藻芳歸來還自飲唱和憶

裴王

日暖山雞舞天晴松鼠鳴風來時展卷花落自和

羹古壁雲煙亂虛窗竹木橫月明清夜迥天漢有

波聲

索居時序感清嘯倚長松性靜紅塵遠年衰白髮

鬆編籬移石助採藥帶雲春客至欣談舊村醪盡

日供

送別牡丹

飛來瑤島仙家種却喜人間老眼看香影戀人新  
月淡胭脂鋪砌落霞殘太平天子千秋恨曠達莊  
生一夕觀消受自慙清福分醉吟留得碧琅玕

思菊 存二

滿庭風露冷紫扉何處離離菊漸肥未到重陽先  
擬醉即非元亮亦應歸林聲蕭瑟枝宜護夜色冥  
濛影尚稀從此金英期共摘西山未許獨食薇  
寥落窮居過半秋黃花未覩不勝愁可同霜月偕

人玩好伴茱萸共酒浮解綬名卿家有瑞贈釵淑

七十二峯

東山  
許氏合編

卷二十五  
十五

媛句能酬無端此日來相探贏得蕭騷風滿樓

奉懷灌谿先生

碧幢秋色罨庭苔坐卧夷猶戶晏開明月池亭閒  
獨鶴清風門徑老三槐高僧靜對空羣有古史翻  
殘劫劫灰最是閒來棋一局竹窗幽鳥夢驚回

憶鄭薇令施彪文二丈

碧山流水仲長園落日秋風百鳥喧種樹遣懷餘  
隙地著書娛老有奇言煙霞歷亂雲依岫梧柳蕭  
疎月在門大隱不妨廬近市桃村雞犬即桃源

高園古木曉霜稠涼思蕭蕭絡緯秋絳帳不垂人  
首淡青山未買地偏幽雲移花砌留香影雨過池  
塘滙細流最憶醇醪能貯足頭銜不媿醉鄉侯

許濠

濠字少卿號達夫靜曜季子明敏樸誠修辭砥行  
鄉黨稱為長者

張漁村招遊虎邱兼訪梅澹香隱居沽酒旗

亭載月而歸漁村倚舷浩歌有恰是春江花

月夜之句因用作起句成長歌一首

七十二峯  
足徵集

東山  
許氏合編

卷二十四  
十六

恰是春江花月夜山塘隊隊醉人歸桂棹蘭橈香  
霧合珠簾畫閣玉簫飛賣花人家燒高燭賣花女  
子顏如玉可憐千古風流場幾人曾把貞娘哭君  
不見虎邱山後梅澹香驚人好句滿奚囊遨遊天  
下不得志歸來高卧白雲鄉丈夫遇合會有期安  
能齷齪求世知感君意氣真半日作閒人對此融  
融艷艷之煙景豁我浩浩落落之胸襟已矣哉歸  
去來吳王宮殿多芳草莫教更上姑蘇臺

秋雨歎

秋令司成物天心曷改移浸淫兩月雨攢盡萬民  
眉樵牧深潛跡鳬鷺浪得時孤燈淒旅館委化復  
奚疑

陟靈岩有感

勝地重來續舊遊疎林塔影冷如秋莊嚴空向招  
提問龍象都隨霸業休硯沼尚餘寒溜咽琴臺無  
復古音流蒼涼極目憑西眺笠澤煙波起暮愁

許元

元字伯贊家素饒裕而能所節讀書締交名士有

七十二峯  
足徵集

東山  
許氏合編

卷二十四  
十七

濁世佳公子之目

山行即事

野屋雜林次衆峰立青天嶺半閒獨往有若行樹  
巔覽勝倚石坐細草同輕綿相對只雲鳥真意難  
自宣樵子笠自糾樵女髻不編寧知採薪樂不問  
堯桀年持斧向古木谷應聲琤然春風一飄蕩梅  
花滿流泉耳目寓至理忘情即神仙嗟哉前峰色  
終古青嬋娟

閨中秋同友月下看桂花

坐看相對數鬚眉香裏傳杯興更奇好月一番重  
賞玩中秋雨度費吟思不緣覓醉身先到別有深  
情客未知今夜樓頭同笑語庾公千載是吾師

許振光

振光字起文號玉晨伯贊之子為諸生有聲於時  
棘闈文卷屢薦不售性好賓客喜吟咏有得閒草  
鼓缶集秣陵遊草諸刻行世徐子能元氣集稱其  
厚不露骨深不露才有悠然之致

種蘭

七十二峯

東山  
許氏合編

卷二十四  
十八

蘭為王者香比德於君子披披衆艸中未嘗自為  
美有德懷芳馨衆草自莫比吾得與之親幽香染  
衣履彼夫蕢菜蔬望望遠將徙  
托根盆盎內所資僅尺土種蒔非得宜何如在湘  
浦灑濯汲清泉灌溉有時雨風日孕靈秀花葉如  
可觀氣盛養亦和幽香方得吐  
密葉青扶疎林立相次序願言慎寒暄顏色常如  
許靜夜月延照清晨露零潏潏似有意葉葉隨  
風舉蘭居吾齋中自謂得其所

蜂股帶花歸資糧出採擷蘭珠獨背負供御表臣  
節始信為國香服媚齊一切環瞻吾階庭玉樹同  
在列雷雨正奮盈新芽條將茁一室香風吹炎天  
氣凜冽遙憶無人境紛委如積雪

題金天立觀濤圖

山外有山水外水神禹著靈跡始此特開一缺受  
歸墟從此紅塵隔城市不然車馬得相通雞犬驚  
喧竹石訢斯樓巧構正當缺枕山襟水遊虛空既  
稱廣與復幽露松聲濤聲互吞吐樓外重湖接遠

七十二峯

東山  
許氏合編

卷二十四  
十九

天樓中山色青無數內湖緊抱外湖寬一水分為  
內外觀有時風起浪湧白有時月照波生寒飛雪  
漫空更奇絕四聽無聲冰欲結只疑渾沌未分時  
一片玉光上下徹吾曾把醖坐窗中炎夏忽覺如  
冬隆披襟舉袖幾飛去攀檻大叫驚羣公主人胸  
中貯萬卷位置結構洵盡善晨夕登臨得大觀何  
必出門看軒冕

冶城山

吳王志欲吞中國氣合忽來歐冶子採金鑄劍成

龍文頭白畢將晉鄭指三千魚腸散何處冶城塢  
近蒼涼峙山川拱揖靈秀鍾收盡炊煙晚霞紫金  
精流入土花赤泮劍小池清澈底液化當時劍未  
成躍身赴冶電光起古宮鐘動夜深魂萬山落月  
搖江水

聽烏航歌為萬孝祥賦

焦跪乳烏反哺衣冠中人翻不如天性乃獨鍾毛  
羽撲邀之子倫所敦事亡父母儼如存烝嘗一室  
僅容膝舟居非水蓬可掀屋上烏啼人不寐一聲

七十二峯  
足徵集

東山  
許氏合編

卷五  
二十

聲是思親淚昏月晨霜木落時愴聞慢見身難侍  
小窗擁被坐陰森啞啞分明孝子心九原可追夢  
難續夢我今日為君吟君不見父棺暴露未歸土  
日向雕闌調鸚鵡

曉行

客夢未安枕僕夫喧前庭溼衣知墜露遠火亂殘  
星夜氣忽如失曉光惟一青勞勞車馬意旦夕豈  
遑寧

臘月八日同吳不官平嶺看冰

五湖俱一白水復結雲英山意方靜古寒威生甲  
兵松濤聲少應雁陣影逾明殘臘津難問何人履  
險行

香花甲為施佩宜賦

昔有鄒先輩湖中始採蓴今來施隱士寺外獨尋  
春久屬僧家秘方為世上珍芬芳多擷取何似竟  
沉淪

同周若予登清涼山

滿目陰森一徑開清涼全勝雨花臺江拖遠練山

七十二峯  
足徵集

東山  
許氏合編

卷五  
二十一

同曲雲護禪房樹作堆天闕好風吹酒去石城斜  
日送詩來秋深更擬重携手步入丹黃肯便回  
賀路安卿七夕納寵有序

鵲橋暫渡天上舊聞鸞馭初臨人間巧合

來從金谷幸季倫之留得綠珠約自冰人

鄺衛公之竊攜紅拂教成歌舞用盡黃金

姬姓陳為朱  
新壁家伎

贈與衣裝謝聽白雪遣姬嫁妾達

人表其曠懷選色徵聲俠士銷其壯志寵

愛等之掌上阮郎奚似劉郎雲雨託之夢

中神女豈如仙女即使悲歡判于離合孰  
云新故難于笑啼先接雲容芍藥為牡丹  
之婢安卿先于雲間約一妾遙瞻玉宇小星代明月之光  
對伊澹名利心腸偕老即堪共隱借此適  
山林興致消憂亦可忘餐我見猶憐決平  
陽之無妬芳年正及卜有嬌之克昌露氣  
秋清齊唱瑤池之曲花陰夜靜同吹緹嶺  
之笙

三生私誓許誰知天上人間共一期星過鵲橋河

七十二峰  
足徵集

東山

許氏合編

卷二十四  
二十二

已失仙來牛渚石俱移少年歌舞花當檻靜夜琴  
尊月映池舊是案前雙玉史茫茫煙霧會應遲

讀周郎自和章有感再賡前韻有序

誦君和章動予深慨出家姬以佐酒投轄  
之風可追演妙劇以娛賓遊仙之夢如在  
合樂洞庭之野山水助其清音取材齊趙  
之鄉梨園遜其法曲陋功甫之花晏笑夏  
侯之妓衣豈知綠髮不恒鏡中改換黃梁  
未熟枕上欠伸是以開閣謝眼前之緣換

馬為身後之計極平生之悲歡離合因作  
戲而即真摹古人之聲咳衣冠遂破幻而  
為實琵琶輕弄曾思錦帳年深琴瑟初調  
抑念玉簪恩重事隨人往境逐時移嫋嫋  
餘音繞梁塵而未墜僂僂弱態附花影而  
欲搖觸景興懷亦有溼衫之司馬撫今追  
昔豈徒顧曲之周郎

問名先是十年知朝暮巫山隔幾期楊柳當時嬌  
獨占松筠此日靜無移堂前歌舞人如霞鏡裏嬋

七十二峰  
足徵集

東山

許氏合編

卷二十四  
二十三

娟影在池我亦雲津逢盛晏姍姍記得出來遲

金陵懷古

潮打江洲東復西六朝金粉迹都迷幽禽不識興  
亡事花落花開任意啼

三閣香流太液波深宮倚醉舞纖娥君王自不行  
方便枉向詞中怨孟婆

水火相持堅莫破黨人全不管山河小朝廷了家  
何在金穴銀章夢裡過

投鞭江外已嘶馬唱佛宮中尚咏詩國柄誰操憑

浪子至今煙雨泣瓊枝

披草立朝曾未定恩仇報復已紛然誰云江水流  
難駐五馬東來過百年

守將有時煩射矢開門早有篚筐迎金湯不比人  
心固蒸土何庸漆夏城

夏日過太湖作

太湖雲氣與天通雲內常垂五色龍一夜甘霖遍  
郊野不知變化出湖中

許聚

七十二峯  
足徵集

東山  
許氏合編

卷二十四  
二十四

聚字星瑞號禮耕玉晨之子儀觀瑰偉才情藻麗  
少遊國學大司成宋蓼天先生雅重之學詩於龔  
合肥吳門徐子能稱其具禮而徵信然

龍潭晚眺

暝色寒潭合蒼茫入望孤洲邊歸宿鳥樹杪出浮  
屠燈火遙相映星河淡欲無昇平思往事此地一  
蓬壺

于少保祠

宗社艱危日乾坤賴獨支如何南內出翻恨北迎

遲臣節曾無愧天高痛莫知空山香火地灑淚讀  
遺碑

謁劉雙山都諫

蟬聯甲第重西州聖主恩波眷顧優鳳詔揮毫傳  
盛事龍門倒屣羨清流宴時每出櫻鱗疏悟主時  
陳補牘謀慚媿桓榮門下士春風終帳許從游

寄宋蓼天大司成

玉階端笏侍承明兔苑風流第一人盛世文章推  
館閣中朝禮樂重名臣傳經虎觀淵源遠立雪龍

七十二峯  
足徵集

東山  
許氏合編

卷二十五  
二十五

門道義親翹首五雲疑咫尺桃花千樹帝城春

湖中感興

荇菜參差蒹葭繞吳歛低唱酒微消蒼煙此日埋  
金埒紅雨何年涇翠翹勝有好山留淺黛已無垂  
柳學纖腰空教俯仰千秋事白傅風流孰可招

魯山道中

高原無地不飛沙綠樹依然夾道斜猶見元公遺  
澤在早乘春雨藝桑麻

平原曉發步吳式範韵

曉鐘催起過嚴城淡月疎星逐隊行我馬已瘡途  
正遠鳳樓天際不勝情

過河西務

蕭條廢郭枕晴川京國南來第一塵  
樞政已知虛會計君王不貴水衡錢

看山

溪山無盡路難分款段蕭蕭對夕曛  
怪底亂峰千疊處每當欲斷補橫雲

許永鎬

七十二峯

東山  
許氏合編

卷二十四  
二十六

永鎬字既受號在亭禮耕長子縣諸生以歲貢選  
授金壇縣學訓導陞懷寧縣學教諭俸滿改授福  
建延平縣縣丞時年已七十意氣勃如不憚崎嶇  
而往在任三年以慈祥稱其告歸也閩士人書頌  
言送之云兩任廣文多士頌先生好好三年貳尹  
百姓稱土地公公迺大喜以為真月旦也榜于所  
居之澹峙堂中先是康熙



年

御製飭訓士子文頒行天下時永鎬秉鐸金壇做大  
學衍義衍為二綱領八條目以宣揚

聖意儀封張大中丞撫吳建紫陽書院以教育士子

月課宣講命永鎬董理之且親書孝弟人家匾額  
以示旌異既老自為墓誌有達生之旨焉

喜兩次陸幼凝韻

春來憂旱魃溝澮欲生煙三日雨如注千村水滿  
川官閒宜志喜民樂得高眠獨笑盤餐客家無負  
郭田

賦得投閒不是愛偷閒四首

投閒不是愛偷閒五斗羈縻兩鬢斑徒擁琴書栖

七十二峯

東山  
許氏合編

卷二十四  
二十七

泌水敢誇經濟卧東山鍾期到底成知已鮑叔而  
今變老慳玄草不須勞剝啄呼童且復掩柴關  
投閒不是愛偷閒西蜀南陽豈易攀丹詔不聞徵  
鳳翽青氈那許覲龍顏趨鎗金關勞魂夢潦倒文  
場數往還濁酒一壺聊自酌敢將詩韵漫增刪  
投閒不是愛偷閒自古行藏有幾般舟里潛踪輕  
黼黻終南捷徑任癡頑賈生流涕功名外范子安  
居廉讓間填臆牢騷無處訴日聽黃鳥語綿蠻  
投閒不是愛偷閒腰未偃僂髭已斑愧乏全才遭

盛世僅貪半俸寄塵寰督郵循例容三揖鷗鷺忘  
機立兩班旋看桐陰遮滿戶風來却認雨潺潺

寄王雲衢

良朋踪跡近何如楚澤煙雲任卷舒縱使難儲顧  
石渠也勝空讀十年書功名已付形骸外泉石徒  
存夢寐餘何處思君情更切披襟對酒說華胥

寄于鶴泉

少年湖海著高名磊落何慙漢賈生金水橋邊看  
御柳岳陽樓畔聽啼鶯風華流露芝蘭秀意氣凌

七十二峯  
足徵集

東山  
許氏合編

卷二十四  
二十八

霄軒冕輕鸚鵡莫教輕作賦好持三策頌昇平

七十二峰足徵集卷二十五

武峰吳定璋友篁菟錄

皖城咎壽民語石編訂

吳文之

文之字與成別號武峰海舟曾孫才性絕人讀書  
目數行下七歲能屬文舞勺遊庠未弱冠發解應  
天登正德辛巳進士選庶吉士有聲翰林以疾卒  
於京邸年二十九有才無命時論惜之墓在西金  
山下

七十二峯  
足徵集

武山  
吳氏合編

卷二十五  
一

賦得梅月贈僧

月欲出雪未消空山無人夜寥寥禪房偶坐無一  
事月明正到梅花梢禪心一靜萬象虛問師此意  
還有無有無誰能說還問梅梢月

新齋

新齋聊可憇舊樹亦從遮護砌苔陰滿規牕岫影  
斜雨驚秋枕夢風落夜簾花歌嘯從吾適悠然閑  
歲華

贈張斯植

愛爾蓬萊客青雲氣夙生玉都驥驥足金殿鳳凰  
聲酌酒山雲溼論文海月明秋來應有約湖上片  
帆輕

下第留別徐內翰子容

上苑花零落燕南春色闌愁來非有約事住了無  
端季子裘空敝荆山璞尚完晨朝頻看鏡君亦不  
成歡

憶唐儀部雲鄔太學佩之

貧病歸來客常思陰與何向人青眼少贈我錦篇

七十二峯

武山  
吳氏合編

卷二十五  
二

多沙淨明書幌溪喧答棹歌絕憐違賞地雨笠共  
煙蓑

答德溪兄

池草頻生句江魚不寄書春來小樓興應似舊時  
無對月開新札穿雲憶故廬忽聞添米價千里獨  
愁予

秋興

湘簾欲掩翠重重長日幽居誰與同隔岸水高迷  
過雁層岩雲暖綴晴虹坐看影落梧桐日情憶香

生齒舊風欲到醉鄉知不遠青帘掩映夕陽中  
聞黃季行消息

試檢來書憶故人此生吾已失元賓詩篇近寄何  
能及消息初聞却恐真病裏無家金縷盡夢中有  
記玉樓新曲江零落花千樹北望長安爲慘神

答顧戶曹

天上僊郎粉署尊封題千里問山村三旬三日方  
齋食繞壑秋風靜掩門

早春

七十二峯

武山  
吳氏合編

卷二十五  
三

春色東城又一年勝幢新貼綴花妍倍還風月能  
如約恣買江天不論錢

吳絳

絳字尚齒與成之子性穎悟能詩賦少有心疾遂  
廢舉子業

贈文湖年家

杳渺烟波阻別離廿年贏得鬢成絲青山白石歸  
來處惟有寒梅是舊知

吳九遠

九遠字鳴鴻別號柱岳山人滄溟之子才氣凌厲  
無前少補郡諸生慨然思爲當世用與吳門袁魯  
望蔣國華金子材山中孔鳳崗葉四可爲文社發  
憤下幃數奇不售年四十遂棄儒冠賦遂初詞以  
見志所著有土簣集漁樵集繼躅稿經史異徵等  
書旣老自爲傳題其壽藏石曰有明太湖漁父兼  
林屋山樵九遠吳子之墓

感興

東方有奇鳥翩翩鸞鳳儔失身在枳棘飲啄不自

七十二峯

武山  
吳氏合編

卷二十五  
四

由離羣異栖止衆鳥相喧啾朝鳴叫閭闔夕宿懷

丹邱願從三青鳥振羽歸瀛洲

冉冉孤桐樹生彼南山阿亭亭干雲霄獨立無偏

頗中林茂樗櫟枝葉何婆婆芄然自成類衆鳥爭

相過二物固並陳賢否殊淆訛鳳凰下千仞棲止

將如何

蠶婦辭

提筐出南陌迢迢心自亟每愁桑不敷尤恐蠶不  
食行蚤畏多露飼晚憂日是惟願繭絲多匆匆理

繅帛官稅并私逋急完寧貶值哀哉辛與勤一絲  
不得飾娥娥青樓女新粧時改易剪綵作花鈿猶  
嫌黻顏色

夢遊五度谿

夙志希名壤杳靄感相契寥寥真境中恍惚得所  
憇風瀾漾清川霞彩標林際彼岸隔迷津諸峰聳  
晴麗宛然法界觀邈矣無生諦杳杳嵩陽鐘泠然  
悟身世

南樓新月

七十二峯

武山  
吳氏合編

卷二十五  
五

月下暮雲散夜靜天風吹盈盈河漢間纖纖明半  
規南樓正晏坐清輝燦簾帷良宵不易邁心賞攸  
相宜孤懷渺何許杳杳天之涯

飛龍引

芒碭雲氣成五采白蛇中斷血澆澆泗上真龍乃  
御天天闕忽開震四海四海清風波平日月蕩漾  
開晶熒開晶熒兮起二京四七之際炎火驚龍復  
闢野爭喧轟嗟嗟二龍乃天生妖蟒豺虎徒縱橫  
四百餘載大業亨

遂初辭

有生之初兮脫然而來有生之後兮何紛紜之孔  
哀炳元化兮無媒還大造兮胚胎

三烈婦詞 有序

余觀近代有三烈婦至元十三年元師渡江  
至天台王氏有美色盡殺其家強脅之不可  
驅至嵯縣清風嶺嚙指血題詩于石投崖死  
至正間衢州陷龍游民婦何氏為兵所掠裂  
帛題詩投江死至正壬辰紅巾賊起掠江西

七十二峯

武山 吳氏合編

卷二十五

敖城曠家婦為賊所迫乃先刃其子題詩于

壁遂自盡嗚呼烈哉作三烈婦詞

乾坤之氣何茫茫精靈炳煥成球琅孰知弱質生  
閨房激烈慧性增光芒王氏何氏及曠氏三烈婦  
錚振衰世從容殉節血嚙漬吐出心詞見哀思清  
風嶺頭霜華明龍游江上虹霓生吉安江右鸞鳳  
鳴三烈得此同晶瑩存亡二字何其榮江靜月明  
魂魄寧涇渭清濁千年平七言一律如長城古來  
烈婦知幾許能文能死誰堪侶男兒立身多草草

空負詩書歎衰老

附王氏詩君王無道妾當災棄女拋兒逐馬來  
夫面不知何日見妾身此去幾時回兩行珠淚  
頻偷滴一片愁眉鎖不開今夜清風江上月存  
此二字苦哀哉何氏詩妾長朱門十九春豈  
期今逐虜塵奔失身無補君王事死節難酬夫  
婦恩江靜從教沉弱質月明誰與弔歸魂只愁  
父母難相見願與來生作子孫曠氏詩涇渭  
難分濁與清妾身豈肯墮風塵孤兒未必從他  
姓烈女何曾侍二人白刃自傷心似鐵黃泉要  
見骨如銀溪山落日猿啼處過客聞之亦慘神

客自遼海來聞戚將軍方略

故人萬里至海上淨風烟胡馬南無牧邊烽夜不  
焚將軍留客醉燕然城上絃歌月正圓數載羽書

七十二峯

武山 吳氏合編

卷二十五

無警報營門柳色掛春妍

贈方參軍浮麓 閩人時在戚將軍幕

南極微茫耀青海萬里遙分散光彩曳裾不作蒯  
緱彈幕府春溪野服寬折衝樽俎風清塞倚嘯營  
門夜月寒醉書飛策聊城箭心期欲掛延陵劍陰  
符賸註五千言漫說論兵能舌戰君不見信陵虛  
左重侯生始知毛薛非常人英雄草莽自無盡渭  
水從來一釣綸

維揚道中逢周十六

相逢握手停行鞭丰神灑灑凌雲煙短褐半百嗟  
白首長歌五噫當青天君騎往南我北去壚頭有  
酒囊無錢臨岐雪涕忍分袂相思還寄瑤華篇

冬夜同葉四可投彌勒寺

窈窕赴西岑僧房未掩門霜鐘疎暮靄寒月淡荒  
原煮茗欲忘寢挑燈相對言升梯向寥廓杳杳有  
鳴猿

莫公遠過白下寓齋

斜日掛城頭鄉心起暮愁看君乘馬至無限秣陵

七十二峯

武山  
吳氏合編

卷二十五  
八

秋悅此山水性眷予鸞鶴儔出門見光采河漢天  
西流

舟次越來溪

宵渺清溪曲迴舟勝若耶春波無倦鳥暖樹有驚  
花越嶠行邊盡吳城望處賒前溪採蘋女日暮始  
還家

送顧益卿奉使還朝

黃河九月上樓船使節翩翩散紫煙乘傳遙迎官  
騎擁封章新灑墨花鮮恩沾特命同三省日近光

明尺五天戀闕望鄉情共切促程回首正蒼然

寄內

楊柳依依是別離西風涼雨未歸期機絲燈火初  
長夜砧杵衣裳未授時兩地愁心忙裏老一天明  
月夢中遲庭前黃菊開曾未閣上青尊好待攜

秋閨曲

夢裏書來未啟緘闔山萬里枕衾前盈盈咫尺西  
牕月同是良人覺後天

俠客行

七十二峯

武山  
吳氏合編

卷二十五  
九

千場縱博夜無眠赤手常贏十萬錢昨夜窮交扣  
門急傾囊相贈笑無言

當壚曲

嬌娃十五笑當壚斜倚雲屏擊唾壺會罷酒籌無  
所事漫拈彤管記新歌

吳學

學字世賢食貧礪行志趣高潔愛作小詩自娛

秋懷

城邊昏樹集昏鴉作客孤城厭暮笳自倚蓬窗聞

塞雁江風吹老白蘋花

秋日泛石湖

縹緲煙雲接素秋  
白鷗泛泛水悠悠  
藤蘿碧處圍僧剎  
楓葉紅邊倚釣舟

吳 潔

潔字尚素

句曲早發

野店哭寒雞  
還家夢驚寤  
逆旅候朝餐  
僕夫促行路  
清霜馬首飛  
殘月城頭墮  
衰髭結堅冰  
老眼如

七十二峯

武山  
吳氏合編

卷二十五

障霧六十尚征途  
勞勞總虛度

春暮登雲龍山

逶迤蘚磴捫蒼蘿  
遠浦翩翩白鳥過  
試上茅岡望鄉路  
長堤春杪柳齊莎

吳 情

情字元中柚莊之後與弟愷悌俱能詩

輓吳健父

與君纔一觀  
數年仍間然  
跨鶴不復返  
空有才名傳  
淒其復淒其  
花落聞啼鵲

寒園

歲暮荒園曲迷離  
但水雲空巖棲凍  
色老樹吐寒芬  
細碎敲冰煮幽香  
對雪焚晚來詩句  
就題處有湘君

吳 愷

愷字允亮

同孔道行疑甫弟雨中作

溼氣入蕭齋  
陰雲結虛宇  
牆頭枯蘚活  
池面新荷補  
湖上兩高峰  
煙籠青不吐  
幽期客自來  
清芬溢

七十二峯

武山  
吳氏合編

卷二十五

環堵經春繼以夏  
所見惟一雨  
秧科早已腐  
何物療貧窶  
看君愁更繁  
對酒不能舉

練瀆

練瀆水照兩峰闔  
闔於此侈軍容  
舳艫飛出馮夷宮  
旌旗影射波光紅  
臺荒鹿走吳沼  
空黃蘆捲霧生悲風

賦得秋鴻送葛稚孫

寒路迢迢入望斜  
黃雲衰草是天涯  
因風刷羽經寒水  
帶月呼羣落淺沙  
菰米含香堪就食  
芙蓉開

老任迷花江城歷歷孤舟夜一片秋聲合暮笳

燕

秋去春來似有期去來曾不變烏衣尾分宮剪裁  
雲入領帶桃花掠水飛王謝樓臺人寂寂昭陽宮  
殿草萋萋玉京綠線空陳迹歲歲西風怨落暉

晚渡橫塘

一雁橫秋度遠聲輕帆遙指闔閭城漁舟釣罷聞  
清唱水上高樓見夜燈

茅遠士花燭詞

七十二峯

武山  
吳氏合編

卷二十五  
十二

花樣丰神雲樣衣柳腰纖軟恰成圍朝來漫倚欄  
杆曲閒看雕梁燕燕飛

茗園

買山闢地半爲園手植先春不計年歲歲雨前收  
月片清香時供法王前

吳悌

悌字季慈

江浦舟中

望遠不知處掛帆日又西疎疎烟柳外茅屋報荒

雞

過山家

遠水映斜旭空林帶落霞百錢攜竹杖十里問梅  
花

吳瑞

瑞字五玉海舟之裔家素封能自整飭以詩書陶  
養其性情吟詠間作不計工拙曰吾以遣病適興  
也烏能撚鬚苦覓耶有詠風堂詩一卷

武峰晚眺

七十二峯

武山  
吳氏合編

卷二十五  
十三

古剎依青嶂寒流帶碧天鳥隨楓葉下鳬傍荻花  
眠風景悲殘歲登臨憶往年冷然發長嘯恍惚御  
風仙

春夜花前小飲

偶緣春色好小酌遣情時花影浮清筭茶香泛素  
瓷夜闌風滅燭人靜月催詩坐久未成句空齋冷  
玉麈

春盡積雨

坐聽潺湲久蕭然靜掩扉年華隨病去鶯語出林

稀細草和煙綠殘花帶雨飛眼看春欲盡暮色轉  
霏微

初霽

入春愁積雨向晚晴新暘碧落雲容淡青郊草色  
芳山當晴更好花得露逾香最喜今宵月清輝射  
草堂

階前紅蓼

本宜近水栽移作庭中玩翠梗颺紅花時被風吹  
亂

七十二峯  
足徵集

武山  
吳氏合編

卷二十五  
十四

月下歸舟

曠野天垂暮月明樹裡度扁舟泛月行寒煙迷去  
路

雨後登樓懷袁白公黃新侯殷銘倩

雨過山樓黛色浮涼風蕭瑟度蘋洲太湖煙樹胥  
江月有客平分一半秋

吳之甲

之甲字公令號鶴村五玉之姪器宇朗澈神觀偉  
然論列古今別具隻眼當時作者如祥符合肥俱

以國士待之吳門徐子能稱其翩翩裘馬有五陵  
豪俠氣槩詩亦如玉燕臨風珊瑚出水清新艷逸  
幾奪庾鮑之席元氣集中遴選百餘首生平所著  
有橋社存稿北遊草筍香樓集

送公鑑弟之白門

我從白門來弟今白門去幾日山水間誰共梅花  
語芳艸路含煙楊柳風吹絮分手兩依依秦淮我  
無豫

冬夜懷徐而菴

七十二峯  
足徵集

武山  
吳氏合編

卷二十五  
十五

懷人夜不眠長吟倚寒石石上月影清更深露華  
白引領悵天涯遙遙一湖隔片雲起前山鴻聲破  
空碧

題白雲書屋圖爲王望如年伯賦

白雲何所自乃向帝城來白雲本無定時合還復  
開先生屋下人一心無纖埃兩眼看白雲戶牖生  
莓苔胸有經世學世稱王佐才初爲執法吏閩海  
聲如雷豈期鵬鶚姿忽罹鍛羽災詔逮繫園扉天  
網未爲恢演易至明夷患難心不灰順逆隨所遇

皇恩亦浩哉稽首還鄉里舒嘯鳳凰臺清風吹素  
琴明月照山杯天空雲自適道在人無猜白雲書屋乃白雲司中所居之處解網歸盡此圖題者甚衆

雨夕懷人

長安秋夜涼燕山白雲聚白雲入長安散作終日  
雨美人隔天涯孤懷良亦苦挑燈撫清琴聊寄相  
思語

公無渡河

公無渡河河溜難過險不可測深不可揭公竟渡

七十二峯  
足徵集

吳武山  
吳氏合編

卷二十五  
十六

河身付洪波我不恨公去太急但恨妾身追不及  
追不及兮妾奈何恨比長河水更多

蔡經宅

闔閭故國春風新漢家神仙初燕賓瑤天鸞鶴一  
聲曉雲幃冉冉輕無塵王郎兩目光如電月姊星  
娥欣識面手披丹笈指點頻半是龍文雜鳥篆麻  
姑綠鬢剪煙碎羽衣翩然花作隊犀香纖爪落人  
夢幾度風雷繞其背杳然一別經千紀赤縣神州  
幾遷徙彷彿當年舊遊處年年花落錦帆水

雨後新月同何在宮用纖字

餘霽淡天末一鈎露月纖光將新漲映涼與晚風  
兼倚閣快呼酒移花蚤出簾小橋疎柳下清影一  
更淹

蚤

之蛩微細甚通體盡悲哀草溼響逾急夜長心不  
灰長門圓扇月金井輓轡苔一片孤燈影將人白  
髮催

晚泊虎山橋聽鄰舟馮姬度曲

七十二峯  
足徵集

吳武山  
吳氏合編

卷二十五  
十七

傍晚橋頭住虎山真有緣幾家流水曲一櫂小山  
前翠袖迴香雪清歌蕩盡船春衣如不冷月下更  
留連

過弘濟寺訪程天羽和蒲庵上人韵

地迥巖何峻江深寺自幽鐘從紅樹出櫺有白雲  
留面壁看僧定開門任客遊與君閒話久星影見  
中流

夜宿元墓梵天閣

勝地高僧在梅花萬樹稠林淡山月淡鐘靜佛燈

幽遊倦易成寐心閒且復留松風入虛閣高枕夜悠悠

元夕袁緯庵招同張學庵太守杜于皇葉言如集移鶴軒限韻

十二欄杆玉笛吹盡屏銀燭錦參差無風火樹光何燦有月簾衣影自垂人盡解歌當子夜客因咀句撚梅枝紫雲一曲春風裡太守居然杜牧之

梧桐

玉關金井綠陰稠碧榭亭亭傍畫樓花放窻前清

七十二峯

吳武山氏合編

卷二十五

露曉葉飄墻外夕陽秋疎砧小院人偏悄細雨孤燈夢亦愁何似彈琴明月夜鳳凰一曲韵悠悠

夜宿梅語亭值周孔嘉他出

夜靜春山竟似秋梅花欲語若相酬伊人何處音偏杳埜鶴此時棲更幽一枕清香通世外萬株白雪在湖頭雉灣何異羅浮地明月當前照獨遊

無題

縱隔湘簾意自通冰綃髣髴月明中雙珠作佩曾遊浦七寶爲臺好避風獨立却憐芳草綠相思又

見杏花紅黃鶯聲裡鴛鴦夢行則雙雙坐更同

題畫

平嶺一虛亭泉聲落秋色此中人悠然斜陽淡天碧

立秋日

日落橫素琴蕭然風入林如何枝上葉便覺感人心

月夜同李明山舟泊燕子磯

大江月色明如練百尺銀河倒不流吾欲乘槎問

七十二峯

吳武山氏合編

卷二十五

明月海門風起正颼颼

皇駕菴相傳建文帝曾避於此今改名積翠

穹窿山後有香臺此是龍孫出世開畢竟駕於何處去杳然空翠使人哀

秋曉聞角

長安城頭露華白殘月疎星曉天碧角聲不管旅人愁一時腸斷姑蘇客

題畫

江天渺渺一鴻影帆直去蒹葭冷夜來歸夢在

漁磯悠然不負秋千頃

吳之藻

之藻字公鑑號默庵孝友謙冲家無間言與人交  
忠諒坦率不為翁翕熱而然諾不欺人皆信之年  
十七補郡博士弟子員試輒高等與山中之能文  
者結束湖文社一月面會三約課二互相切磋惟  
務實學不以招要聲譽為事中年以奏銷註誤知  
者寃之久之乃白得復其故物更闢入後進文場  
爭能角藝者十有餘載白首窮經益加研練羣奉  
七十二峯

足徵集

武山  
吳氏合編

卷二十五  
二十一

為老成典型胞兄公令少負詩名集凡一再刻流  
播寢廣公吟詠自怡不輕出示人沒後令嗣有邵  
手錄編次請周漢隣席次文兩先生立傳作序藏  
弃於家曰申右堂遺稿

題盛秋谷畫

盛君妙筆稱三絕戲寫雲山自怡悅煙樹晴巒景  
致佳王維米芾都無別於中尤愛此空巖雲裡溪  
聲如有舌前身應是邱壑人稱名畫師母廼褻我  
坐客牕苦炎熱倩君為畫峨嵋雪

冬夜讀書永福寺

最愛禪扉靜相尋安樂窩素心同硯席古處邈山  
河竹裡清風冷梅間好月多壯心殊未已莫問夜  
如何  
一枝聊寄傲無事且鳴琴浩氣來天地深情在古  
今寒輕林鳥伏籟息梵音清一望月如練斜牕花  
影侵

三月下浣葉蒼舒公介陸靈昭金元台家玉  
潤次程文讌于申右堂和蒼舒韵

七十二峯

武山  
吳氏合編

卷二十五  
二十一

韶光荏苒暮春天重集羣英沁水邊彩筆非秋垂  
曉露文心似水湧源泉湖山自昔多靈秀風氣于  
今屬後賢自愧不才慚太史攀龍附鳳詎能聯  
詩中以家與成太史相期故有末句

秋晚翼蒼程夫子招同王玉掌張大風程天  
羽遊雨花臺

蕭蕭風葉下無邊相對名山思黯然三世芝蘭敦  
夙好十年桃李賴師傳未能着屐隨安石猶喜攜  
尊近樂天醉挿茱萸香滿座解醒還吸永寧泉

遊惠山

惠泉一壚風霜古傍晚維舟石岸西滿沼空明寒  
沁骨半山蒼翠色沾衣波光不定霞光亂日色將  
沉月色微帶得雲芽烹活水不須蔣酒送斜暉

拈花庵

攜手霜林石徑荒寒雲冷露滿禪房老僧不語聽  
流水忘却山中日月長

七十二峯  
足徵集

武山  
吳氏合編

卷二十五  
二十二

七十二峯足徵集卷二十六

武峰吳定璋友篁蒐錄

橘社金友瑄玉翰編訂

朱右

右字

馬蹟西埗灣人有震澤賦見志書

上巳登椒山

絕巘登臨倚杖暮漁帆百疊望中移花明水國鶯  
初轉柳暗湖光日乍遲玉洞筇篨仙子宅滄洲杜  
若大夫祠差池燕羽春天麗正是蘭亭被禊時

七十二峯  
足徵集

馬蹟山  
朱氏合編

卷二十六  
一

蕭然詩思誰酬唱古木叢篁一徑陰平野曠連山  
入畫幽巖虛覆谷傳音無心忽攬江臯佩有句能  
追梁父吟莫漫寥寥歸路晚忘機渾覺醉鄉深

朱昱

昱字

成化間徵赴京師纂修兩朝國史

題吳王避暑宮

在內閣

楊柳風清水殿涼荷花無語妬新粧冰桃雪藕瑤  
池晏千載令人笑穆王

夫椒弔古

霜刃交揮箭雨飛吳人得志越亡歸臥薪嘗膽君知否只向蘇臺試舞衣

朱魯

魯字得之號東湖才氣超邁詩文援筆立就議論皆原本經史試輒高等食餼有年屢躋棘闈其門下登會榜者七人成化間以才學薦與修國史給七品冠帶卒年八十餘崇祀鄉賢學者稱為東湖先生云先生所最心折者宋丞相文信國少日輯其逸事為忠孝外傳系之以詩序曰余素慕文信

七十一卷

馬蹟山朱氏合編

卷二十六

國之為人恨不生同其時如杜澣鄒鳳諸人從公以死閒處興思採其事實為忠孝外傳演詞曲以發舒之忽又猛省詞曲鄙俚恐褻我公在天之靈勤勤懇懇勉作律詩四十四首務正言之庶幾不得罪冥冥中也乃若詞曲久當自廢百載而下俾夫人脩知信國公忠孝事實者幸或有此存焉

閒居

草蒲為履葛為巾寂寂荒村寄此身池館雖無尋丈地林花自有十分春坐忘水面觀魚戲睡足風

前學鳥伸縱是吟詩有佳句山空欲語向誰人

同李石泉西橋兩公遊官長山歸飲燈下

山名官長五湖中此度登臨樂少同三兩白頭翁作伴一枝靈壽杖飛空無邊光景撩詩思多許雲霞落酒鍾歸到華堂渾不倦殘杯還對燭花紅

宋文丞相忠孝外傳詩四十四首存三

朝廷敬賀得人奇古誼忠肝早見知開慶間王應麟充讀卷官

至第七卷頓首曰是卷古誼若龜鑑忠肝如正切鐵石臣敢以得人賀遂擢第一即信國公也

賜羹畱肉念敢忘作客袖柑時原傳有作客懷柑年已過賜羹畱肉

七十一卷

馬蹟山朱氏合編

卷二十六

事堪希風霜棹遠迎家慶雨露恩深慰孝思難得

故人珍重意華門相送赴京師其一

天驕敢笑帝山河慣見中原主議和選將為聞丞

相疏磨刀欲試浙江波南風不競塵難埽北道乘

機凱欲歌忠佞同朝誰辨得華夷氣數竟如何其四

十年胡騎戰中華破碎山河落日斜未許行成畱

越使相將問鼎到周家茫茫國運天難問鬱鬱忠

腸事可嗟淚洒英雄渾是血憑風吹染杜鵑花其二

一十

朱璣

璣字斗輝東湖七世孫

題栖雲菴

積翠當軒落雙泉合澗流松牕稀見日花徑曲通樓茶話空山午棋聲六月秋浮生無著處喜被白雲留

梅花百詠用中峯禪師韵 存五

一枝瀟洒具全神昨夜前村記得真花發看他仍舊色夢回憐我獨眠人疎燈自照空潭影濁酒堪

七十二峯

馬蹟山

朱氏合編

卷二十六

四

澆俗念塵說與隣翁好消息明朝有約試探春勁有根株瘦有神一番徹骨見天真不將顏色動流俗只對羲皇以上人向背枝分南北影光陰花判去來塵吟香弄粉輕輕思着月籠沙淺淺春迷離煙雨不疲神霽後迎眸意更真號水仙兄名不愧是支離叟意中人孤山隱逸三更夢萬里風霜一騎塵富貴從他今日愛且先占斷嶺南春祇換光陰不換神天然香粉傳來真君時向我開口笑酒不醉花愁殺人剪雪裁冰詩有味凌霜耀

月眼無塵淡懷適得閒中趣自是山家繞屋春

奇根作冶倚何神事憶南陵恐未真彩筆已成枯樹賦閑潭又夢落花人一寒至此每徹骨不曰白

乎寧染塵最是坡仙詩有味舉杯付與羅浮春

先東湖公所著宋文信國外傳目錄詩表彰

忠孝發潛聞微有一唱三歎之遺予欲追和

愧無傑句因集杜十章敬見信國不幸之遭

并先公拳拳之意鄙懷有在聊當執鞭諒亦

前賢之所許爾 存二

七十二峯

馬蹟山

朱氏合編

卷二十六

五

干戈衰謝兩相催潦倒新停濁酒杯離別不堪無限意安危須仗出羣才殊方日落元猿哭城闕秋生盡角哀洵洵人寰猶不定一生襟抱向誰開蠻夷雜種錯相干直道無憂行路難遠愧尚方曾賜履愁看直北是長安炎方朔雪天王地孝子忠臣後代看心折此時無一寸衰顏欲付紫金丹

朱良佑

良佑字太和東山朱巷人頎然身長音如洪鐘好為人解紛排難有魯仲連之風開醅坊於金陵與

賢豪者遊揮金結納友朋緩急恒恃以無恐時海  
忠介公瑞爲南都御史鐵面霜威鋤擊豪強不少  
貸聞良佑名嘗微行過其酤坊目之意釋後夜復  
至問主人能飲乎曰能能奕乎曰能遂坐斗室飲  
奕達旦海公諮以時事具以所見聞對久之良佑  
爲劇盜所誣引有司上其事海公識良佑名立出  
之公卒於官良佑往哭弔之以詩都人士爭相傳  
誦以爲實錄國史書曰洞庭山人朱良佑弔之以

七十二峯  
足徵集

東山  
朱氏合編

卷二十六  
六

後無嗣觀莫能還閭閻好義之士雖欲賻顧無敢  
窺左足而先應良佑義形於色大言於衆曰有官  
如此忍使其骸骨不歸故土乎乃置櫬中衢首以  
百金投焉人爭趨之三日得五百餘良佑治裝扶  
櫬歸葬於瓊事畢向墓長揖曰朱布衣從此逝矣  
所著平倭志紀異錄留京偶筆家訓已無可考

### 哭海剛峯都御史

批鱗直奪比干志苦節還同孤竹清龍隱海天雲  
萬里鶴歸華表月三更蕭條棺外無餘物冷落靈

前有萊羹說與傍人渾不信山人親見淚如傾一

### 朱鳳章

鳳章字羽文歲貢生胸藏經濟才氣豪邁規畫時  
事落筆數千言識者建之歷遊齊魯燕趙之區思  
有所建白而所至輒相左歎舉世之皆醉幸五畝  
之可歸遂高隱山中與陸仲飛葉梅友嚴開一輩  
結詩社朱氏多才羽文稱巨擘焉

### 懷懷曲

嘗相憶唾花染儂衣悞點芙蓉色

七十二峯  
足徵集

東山  
朱氏合編

卷二十六  
七

向人未敢語閒聽機中音往來自爾汝

### 菱湖秋

清漢凌霜颺菱葉資新漲五湖東一角茲名昔所  
尚莫釐屏天南酒城適左旁冥茫萬頃間變幻發  
奇狀畸人固好游放舟歷淵曠少皞傳秋清日月  
同磨盪曳夢頭香幽隔浦聞漁唱西風起無端銀  
海生高浪天吳與波臣咫尺疑相抗白日忽云匿  
明宇作煙障行吟澤畔人覽此增悲壯昨爲鏡中  
游轉盼開奇宕五雲沒何處指顧不可望百靈隨

濁流湘君亦悽愴吾生值風波形骸迷翫離風聞  
西皇至降澤盈漭漭魚鳥樂煙蕪游翔愜下上載  
讀秋水篇浩然得溪養

放魚

水清魚難容水濁魚易死惟願川原溪魚乃得所  
止網罟日愈嚴澤梁幾盡矣大魚不盈尺小魚短  
如指既以供我欲漁利復及市鱗紫胡足惜當亦  
憐顏尾偶遇自我手忍使戕生理縱之脫釜鬻悠  
然逝遠水風波固不畏游躍爾莫恃那得浮沉高  
七十二峯

東山  
朱氏合編

卷二十六  
八

母令觸香餌

登宛伊閣聽主人彈琴同魯元微同看落照  
恒照若易斂大音忽歸空對茲山水際澹爾開明  
聰暮江散幽響几榻餘清風波濤萬里靜孤閣流  
光中天地得有暇魚鳥隨無窮賞音愜知己片月  
來高穹

入都門馬上口占

侵曉登皇途行行策我馬忽見大都門氣象失山  
野平居高尚心至此自覺下門吏叩行踪知非浪

遊者十年君子懷我憂當一寫

愼念茲亭中觀靈巖石子歌

空林雨過涵山碧几案泠泠列奇石知君蒐盡雲  
根靈琢玉鏤冰展清癖吳中好石凡幾人靈頑未  
辨亡天真出君所藏聽君語驟令心目開幽神湖  
天景物何時集霞樹雲山鏡中立恍忽西觀濯錦  
江琉璃迸破鮫人泣孤亭遙揖靈巖岑雜花掩映  
秋光潏若見米顛袍笏在却令朝士羞黃金

畫蘭歌爲海陽孫銘常作

七十二峯

東山  
朱氏合編

卷二十六  
九

山堂昨夜聞新雨几上吳箋展秋水江籬夢斷香  
草生湘浦遙瞻暮煙起海陽公子寓中峰九畹攜  
來老筆踪香圃墨愁花發處露凝雲立山重重觀  
君命意非草草顧影憐身亦自好楚臣遺佩動哀  
吟盍向空林各善保

送王樸庵還白門

扶輿氣薄消名理讀書往往趨朝市冥頑喪檢不  
知遷忠孝遂亡真種子王郎負氣軼群倫求志須  
能盡子臣爭誦烏衣舊公子誰欽眉宇真天人獨

泛一舸凌萬頃山靈七十爭奇逞探幽載筆復同  
僧索我桃源未歷境玄黃血戰溷天淵我老蓬蒿  
已廿年多君具眼問奇士形骸意氣非茫然君來  
傾蓋稱知己金石同盟在星紀芙蓉鏐冷半生霜  
誰謂風雷呼不起逢來別去豈無心楊柳青時擬  
再尋旦暮相思千古事鍾山笠澤同高深

看劍歌

喔喔雞聲呼夢起倚牀三尺明秋水眼光歷亂波  
濤生久識英雄心未死酒深十日平原尊酣歌狼

七十二峯  
足徵集

東山  
朱氏合編

卷二十六  
十

籍歸柴門漫說伊人具肝膽不平何敢向君言

同調歌

天地兮運有塞日月兮時有蝕我與爾心交得東  
海濱北海濱天下有道同爲臣南山南北山北天  
下無道不相識

火樹歌

星漢不輝元夕同九衢香浸春融融誰家初奇出  
新構燃燈剪綵成高叢孰爲春華孰秋卉儼然巧  
奪天地工初疑珠光綴木杪久之如水流寒空澄

澄灩灩送良夜若明若滅情無窮靜者觀之榮悴  
在又惜難度終宵風世間浮醪不易襲應有造物  
權其中

伯陽招集來遠閣同朗倩非元魯元寔庸

落日當天下遙臨湖上樽山光四壁迥秋色一樓  
溪醉後不知處靜中如有言愛君牕外水萬頃照  
無痕

過溜水

屢過青齊水流溪獨此灘幸逢春漲淺猶覺客心

七十二峯  
足徵集

東山  
朱氏合編

卷二十六  
十一

寒策騎憑何險塞裳涉更難低徊觀逝者感歎入  
無端

瘞猫

賴此驅除力悠然十載過魚羹爲爾設鼠輩奈他  
何靜夜諸聲集空齋一簞多安眠今不易食忝自  
興歌

影園詩爲鄭超宗賦十韵

似攬空中色君爲半壁扃亭軒開地幻草樹吐江  
靈孤念若生趣群光自結形水涵無盡碧天映一

隅青淨案雲堪落虛楞月易停行將銷視聽亦以  
證玄冥繪寫誰濃淡文章我醉醒風因徵事母暇  
日懶窮經山揖惟南國源傾同北溟搖搖今古際  
眼觀豈能寧

### 當壚

持籌不惜艷粧先司馬才情倍可憐竹葉半槽人  
滌器柳花滿店客停鞭便娟遊冶年三五美酒新  
豐價十千未必阮生能醉卧舉杯無語各嫣然

### 劉象明有駿曰雪兔題之

七十二峯

東山  
朱氏合編

卷二十六  
十二

一潔修名品亦分馳驅終自遠塵氛六花光照支  
公廐匹練神遊伯樂羣銀海策來先破浪玉山行  
走只同雲明時帝里多賢士皎皎非從空谷聞

### 紙帳和徐天予

寤寐床書老蠹胎剡藤留影只疎梅鮫人未卷冰  
綃去玉女爭攜雪蘭來蝶夢三更同栩栩霜痕滿  
簾自皚皚情酣半榻真毫素不費輕羅百尺裁

### 三歸臺

東阿尋廢址空見野棠開片石千秋立猶思天下

才

### 盧溝橋早行

鳴角孤城破曉寒征塵驅夢隔長安渾河流水盧  
溝月一段蒼涼立馬看

### 秋聲

觸響無端莫可尋西風不靜夜沉吟耳邊一片閒  
消息歷歷偏驚楚客心

### 過穆陵關

巍然高阜入雲閒地盡青齊千里間大國餘風誰  
七十二峯

東山  
朱氏合編

卷二十六  
十三

可訊一鞭空指穆陵關

### 朱明恭

明恭字又安羽文姪也性質魯而志嚮學勤於誦  
讀以困勉之功自程好古書籍負笈虞山與葉石  
君友年二十餘病卒屬續之頃猶戀戀讀書若有  
不能舍然者為可悲也石君嘗過其墓而弔之曰  
一尺荒墳古澗邊流泉急處憶君年已無稚子傳  
書卷剩有衰親送紙錢山映白楊淒落日溝乾紅  
葉滿殘煙傷心故友頻回首淚洒西風欲暮天

春日病中感興

春愁縈一榻芳信久難憑帶艸書千疊箋花拂幾  
層孤身渾似客耽病不如僧漫續逍遙論逍遙恐  
未能

滌研

波立山光碧一灘指端摸索動文瀾可知石性同  
雲性今古濛濛未易觀

朱枝昌

枝昌字萬年

七十二峯  
足徵集

東山  
朱氏合編

卷二十六  
十四

戊辰夏五月余之廣陵超宗適有吳門之役  
相去不兩日有此去留之奇走筆相贈以當

離歌

金閨幾發懷君夢虎邱精舍期君共望君不見來  
見君見君君恰離帆動遲留宛若待余別速來一  
似爲君送姑蘇城外荷花蕩平山寺前楊柳堤吳  
儂折柳翻能贈仙棹看花孰爲攜所當爲主皆爲  
客踪跡浮雲不可必相思夜夢響秋濤直把邗江  
易震澤太史倘占德星聚兩地計程剛五百雖非

聚首總同心何異晤言於一室社狷龍門眼裏青  
壇登牛耳眉推白飛絲奏肉瓊瓊嬌一點風流響  
誰擲新詩若投新相知豈可故人無一辭遊草郵  
將仍躡雪慎勿匆匆梨棗之

梅夜

祇緣如雪皎向夜未漫漫光漸隨香暗春因遍  
寒客歸花氣送烏宿月痕攢竹響松聲和羅浮夢  
不安

瓶梅

七十二峯  
足徵集

東山  
朱氏合編

卷二十六  
十五

清供殊相稱名磁浸古香雖然臨綺席猶自凜冰  
霜生意頻添水幽情勝擷芳虬龍如欲動燈影照  
昏黃

閨耕

麥浪登場盡秧針刺水香拔煙青滿把栽雨碧成  
行東作躬耕課黎民務本方年來知稼穡疇昔魏  
齊梁

同超宗贊可士預訪鄭賓興吳君聞於郊南  
茅屋即見君聞二子

門鑿溪爲隔橋通聽客登座分半雁序閣轉幾螺  
層米熟霜前汁鮮烹屋後曾河東雛盡好問字遠  
擔簦

朱鳳起

鳳起字振玄縣諸生

池上避暑

看髮亂如藻臨池生綠光幽中天近古陰處水私  
涼刻竹鱗侵骨沉瓜喜沁瓢小眠新得慣消盡幾  
分長

七十二峯  
足徵集

東山  
朱氏合編

卷二十六  
十六

月秋

湖東京月滲孤岑一片清光無數砧白到霜階看  
止水簾鉤徹夜釣花陰

朱汝龍

汝龍字雲從

秋日閒居東隱公

溪橋南向岸東頭盡日盤渦到白鷗黃葉聲中花  
逕宵青山影裡竹扉幽人情似水偏宜淡生計如  
雲好耐秋一自野僧相識後每因風月上扁舟

朱輔世

輔世字德輿

題畫

籬落茅檐傍水涯滿林霜葉燦于花清江一派涵  
空碧隔岸層巒逗晚霞

朱永譽

永譽字客卿少遊江北爲天長縣諸生攻醫藥善  
風水又喜抱一守真之功生平易善俗寵辱不  
驚乙酉當入貢罷策而返避亂歸山而洞庭有黃

七十二峯  
足徵集

東山  
朱氏合編

卷二十六  
十七

蜚卞勝之擾擁兵湖中托名匡復實欲肆掠客卿  
爲之開陳利害得以解去葉石君稱其處平世而  
不趨競處亂世而克保全有大勝於人者年七十  
八歲元旦卒自知時日益導養有素而心神常湛  
之驗也

芟菊

野人無市心種菊有餘課自春徂夏秋栽培無不  
作有葉患蟲生有蕊欲花大花以黃爲君蕊以素  
爲佐因繁簡可喜用損益可賀疎雨綠珠含零露

香液吐了此山林業一杯即高卧

初霽登山寺

雨薄山微洗雲開日破昏仙踪尋古石梵響落孤村數畝松連剎雙橋水遶門買山原素志于此更難緩

朱必振

必振字仲玉恂恂儒雅出言有章築桃花磻別業高亭曲沼古木疎篁具有塵外致與詩人家不官嚴開一陸仲飛輩結社吟詠擬古之外別創新題

七十二峯

東山

朱氏合編

卷二十六

十八

務期各瘖心源同歸大雅如雁字菊影睡燕遽谷木魚聲明如夢回漢宮等作爭奇競秀膾炙人口伊弟必輪字斯璧性豪華嘉聲色其居傍湖迎笠澤之洪濤面西山之縹緲有樓矗然在蒼翠間曰縹緲樓嘗妙選名姝歌舞其中花晨月夕亦與諸名士張樂遊觀出家姬佐酒如西園雅集故事既病猶令人掖以登樓四望雲山潛焉出涕酌酒丈人峯石揖而別之後吳梅村先生過其地為詩以弔焉蓋仲玉珩璧之好尚雖殊而風流自命依然

伯仲未可以詩闕而不為之傳也

菱湖秋

為愛五湖勝乘流發棹歌秋淡菱菱老水淺鷺鷥多片席凌霄漢他鄉遶劍戈不知沉醉後煙月冷衫羅

友人邀飲桂下

未向月中問先從吳苑看獨酣神領略誰和句清寒色艷三秋菊香欺九畹蘭醉歸潦倒後猶夢在花壇

七十二峯

東山

朱氏合編

卷二十六

十九

家園歌女演劇諸公贈詩屏障答和

誰將彩筆綴風流珠翠香兼翰墨浮金縷歌隨雲暗度霓裳舞罷月為留春陽句艷屏間咏秋水波分畫裡眸已識雪兒能協律新詞累累亦堪謳

夢中同諸子社集作

溪南柳色無今古硯北春風有淺深勝侶相尋忘病態共臨山水一高吟

感燕

依依衰柳夕陽斜燕子空庭自落花惆悵不知誰

是主傍人爲說故侯家

朱宗蕃

宗蕃字師獻

咏罌蕉次韻

移來淨几綠層層  
泉石爲盟潔若冰  
屈曲蟠根應似蠖  
淋漓灑墨誤成蠅  
圖書有意留雲伴  
雨露無求倩水增  
莫道尋常同一種  
花開千葉又何曾

放雁

碧天無礙去茫茫  
何幸仍教返故鄉  
生死一番毛

七十二峯  
足徵集

東山  
朱氏合編

卷二十六  
二十一

羽在從今恩怨可相忘

朱世榮

世榮字季長

夜送友人

寒入空郊肅前山  
野燒明月痕  
憐細潤人影散孤  
清幽抱溪冬緒乘風達暮行  
君來雖暫屬亦已慰  
羈情

朱鶴

鶴字仲聞縣諸生兄鴻字伯翔太學生雍容庠序

出入必雁舒魚貫跬步不移崇禎末伯翔死仲聞  
哭之甚哀乙酉後不就試閉戶讀書於以忘世初  
因喀血師事李士裁傳其運氣術至老不衰嘗誨  
人曰講五行者是真傳講鼎汞者多偽術彼容成  
御女非度世長生秘訣世人誤信往往殺身男子  
八八女子七七精血已衰不能成仙人固不可不  
早學道也年八十餘步履如少年燈下能作蠅頭  
小字與人談終夕不倦蓋內養之功深也

蛛網落花

七十二峯  
足徵集

東山  
朱氏合編

卷二十六  
二十一

不點蒼苔不入池  
却因風舉上蛛絲  
物情可是能  
相愛留得春光又片時

朱秉貞

秉貞字彥安仲聞子負才英邁有倚劍崆峒之概  
時帶甲滿地毛錐弗尚棄去八股業究心天文占  
驗奇門六壬諸學既鼎革遊京師未有知其志者  
牢騷不偶人或憐之有山左朱萊儒者見其談吐  
落落自異願結爲兄弟由是常主其家其詩每多  
山水棲遲之慨譙遊歡笑形之筆墨有遊燕草藏

於家

讀諫獵書

豺虎山林日計多王家猶合大張羅書生誤說端  
居好健殺韓盧當奈何

當日

當日垂楊一抹斜而今故壘漲新沙空餘翁仲斜  
陽裡相對無言看落花

朱繼夔

夢字君虞

七十二峯  
足徵集

東山  
朱氏合編

卷二十六  
二十二

花氣

芳林初潤暖風吹日逗微茫疑意疑芬馥若因朝  
露釀氤氲全與艷春私雲流深際情忘去夢躡幽  
踪思不持良晤須教襟帶襲中庭閒佇酒香時

朱濟世

濟世字德聞別號嵩邱少負雋才讀書尚論留心  
經濟孝友端方爲時推重吾師金元台先生其姻  
戚也璋幼時負笈從師德聞嘗至館中猶及見之  
鬚眉疎朗聲款如鐘每以詩文商確金師最賞其

咏梅句云獨留太素千秋後誰破鴻濛一氣中近

况云窮到難堪詩有效愁銷不盡酒無功和人感

秋云詩成共賞清新句葉落偏關得失心以爲神

清骨挺意穩辭新沉鬱頓挫不減少陵潘稼堂太

史稱其得錢虞山之正派生平歷遊燕秦楚豫浙

粵賢大夫爭聘請恐後四十餘年不遑家食至七

旬外始歸山中優游泉石葆真息影不復談世上

事葉橫山先生聞其名肩輿造訪謝以他出越日

踏雪叩門語穉子曰止欲談詩非有他故願達其

七十二峯  
足徵集

東山  
朱氏合編

卷二十六  
二十三

意迺始接見則嵩邱之高尚可知矣壽躋八十有

二所著有自鳴集

夢中得句醒足成之

計日春來久餘寒尚未還月移梅影亂風定竹梢  
閒好鳥栖林穩幽扉跨澗關洛陽塵不染吟興寄

湖山

西郊送春次單榛屋韻

酒闌樓上客停歌爲問春光賸幾何未必一時風  
掠盡都緣三月雨催過茶蘼漸放情還在峽蝶高

飛恨轉多莫道園林寥落甚隔牕濃蔭掛藤蘿

### 梅花三十首 存六

塵境穠華不忍思孤標只喜在山時蒼虬夢破形  
將化翠羽巢成冷不移落月留君溪上舫早霜添  
我髻邊絲禁園十載飄零盡誰見橫斜太液池  
羅浮猶自結氤氲清夢依然再晤君水沃情肌通  
月性石支瘦骨隱龍文不妨淡泊交千古爲此芳  
華冷十分高卧從知非謝事亂雲鳴鳥尚紛紛  
自許冰霜證肺肝年來驛使斷長安惟知庾嶺幽

七十二峯

東山

朱氏合編

卷二十六  
二十四

入喜詎信孤山處士寒斑剝幾層苔繡古微茫一  
片月痕殘灞陵遺事應難繼空倚溪橋白石欄  
上林歸去謝塵勞十載寒香襲布袍賸有水紋浮  
枕簟更無珠影動江臯時聞三弄傳吳吹自具千  
秋逸楚騷月暗溪山猶未睡何人吟嘯玉樓高  
今古高踪有定評愛君豈止重其名風流自足推  
何遜詞賦誰能出廣平片月到牕空寫照六花臨  
圃各忘情溟濛十里長圻路獨許幽人曳杖行  
花譜神仙洵不凡珠璣應向石門函芳菲忍使埋

塵土蕭緘何堪點客衫夜雨獨憐空紙帳春煙又  
送渡江帆香魂每托主孫草白莽青濃未可芟

### 感秋次余文修韻

未識淒然塞外砧嫩涼天氣只愁吟詩成共賞清  
新句葉落偏關得失心征雁未翔青漢上吳鉤猶  
向碧波沉秋江一曲琴彈罷鍾伯年來不易尋

### 青溪小姑曲

聽  
約花依岸泣歌出水冷冷小姑不解愁時向月中

七十二峯

東山

朱氏合編

卷二十六  
二十五

### 八月十三夜翫月

風輕月白好吟詩賭酒拈題莫放遲人世快心惟  
望滿我於盈處更猜疑

### 春分日偶題

曉來積雨釀輕寒綠遍郊原水拍灘縱是惜春春  
過半好花難得賞心看

### 陳釗浦山爽閣餞別張超然即席分韻

涼風細雨到樓頭客爲經秋亦倦遊珍重化工猶  
惜別芙蓉兩岸夾歸舟

朱謙

謙字以立縣諸生

即事口占

信口高吟逞老狂北牕且喜入新涼  
問兒檢取瓜爲枕穩睡一生得幾場

雲蓋青山見黑巔風前高卧聽流泉  
振林長嘯終何濟百數孫登總暮蟬

朱紹

紹字遵王以立長子縣諸生工篆隸

七十二峯  
足徵集

東山  
朱氏合編

卷二十六  
二十六

瓶梅

幽意矜時序清芬轉戀人江城月下笛  
紙帳夢中春硯水全留態藜光半影身  
相看情愈重肯任化爲塵

朱之葵

之葵字鶴書嘉定縣諸生

白蓮

鉛華洗盡水中央傾國仙姿號國粧  
風靜秋池初見影月明南浦但聞香  
芙蓉自悔矜朝艷茉莉應

羞媚晚涼露重最憐垂首處恍疑湘女覆瑤觴

七十二峯  
足徵集

東山  
朱氏合編

卷二十六  
二十七

七十二峰足徵集卷二十七

武峰吳定璋友篁菟錄

會稽駱士煒炳文編訂

陳睿謨

睿謨字常采號鹿萍馬蹟山人萬歷庚戌進士初授建安縣再遷息縣擢御史按蜀當安奢之變睿謨勵兵訓士蜀疆倚重巨璫魏忠賢建祠徧天下蜀撫尹同舉以諷睿謨睿謨正色曰豈不知建祠可以梯榮然不若留一塊乾淨土還朝廷禍福吾

七十二峯  
足徵集

馬蹟山  
陳氏合編

卷二十七

安之矣卒不建乃密疏曰惡璫勢焰中外建祠惟蜀無有則能靖皇上之封疆者無如蜀皇上將何以處天下之不如蜀者未幾忠賢伏誅詔給敕命示褒嘉有逆璫肆毒砥柱獨高等語再按畿輔以薊門一疏忤執政出為福建糧道歷江臬楚藩禹州兵備時土寇楊四披猖數邑睿謨簡千戶劉定邦授計擒之捐俸修禹州儒學造書室四十餘間課士其中名穎濱書院請蠲河患地一百二十餘頃民困得紓事載豫省志湖南北峒蠻瓠羹蠢動

朝議請復設偏沅鎮更置巡撫詔睿謨往是時賊

在藍山者李荆楚等在桂陽臨武界者劉新宇等

在天王寺者劉高峰等睿謨甫到賊已再攻湘圍

長河睿謨身履行間指授方畧屢戰克捷三賊悉

平未幾獻闕逼荆勢急楚撫疏請勅偏沅撫臣移

駐荊州護惠藩睿謨方至荆與撫鎮策戰守而惠

藩已微服出邸宵征強睿謨保駕至岳州而荆陷

矣使不強保駕荆事尚有可圖者惜哉所著有輔

世編傳是堂文集奏疏數十卷崇祀鄉賢閩豫楚

七十二峯  
足徵集

馬蹟山  
陳氏合編

卷二十七

蜀俱祀名宦

烏夜啼

綠柳拂長堤枝頭烏復棲可憐八九子夜夜五更

啼

延陵季子祠

入廟竦瞻仰屏容復徬徨幸生君子里來此酌椒

漿青苔闕鼎迹白日淪空梁高風動遐溯豈云同

子臧所以爭戰餘廟貌猶輝煌

題江陰張睢陽廟

突兀睢陽廟乃在江陰城幽光碎金碧肅肅來群  
英唐家再造力江淮公所平公看古道間白骨紛  
縱橫安得鬼董狐一一存其名

塞上曲

青海正啣戈嫖姚一騎過旌旂翻壁月盡角冷銀  
河沙起黃雲合天橫白雁多飛書歸報捷諸將盡  
鳴珂

入塞曲

生入玉門關揮鞭唱凱還大風鳴羽箭積雪照陰

七十二峯

馬蹟山  
陳氏合編

卷二十七

山七協號貅靜諸軍帳旆閒歸來麟閣上蕭瑟鬢  
毛斑

沛縣道中懷古

停橈極望一追攀霽色晴霞抱漢關芒碭功高飛  
將健大風歌起戰場閒天橫泗水餘孤榭馬渡黃  
河盡遠山自是六龍留王氣至今猶見五雲還

贈馬將軍

少年投筆未蹉跎銅柱將軍馬伏波共羨交遊三  
輔滿爭傳俠氣五陵多旄頭夜冷燕山月盡角秋

高易水歌天子爲開麟閣待莫教愁絕髣髴

歸夫椒山

山清雲白太湖濱十畝桑間托此身看慣兒童忘  
笑語每逢耆舊一逡巡官梅落落傷心麗翠竹娟  
娟過眼新不自風塵潦倒後那知珍惜故園春

題畫

石壁寒苔照水晴雲封落木似層城樵夫莫漫出  
山去前路崎嶇不可行

送友

七十二峯

馬蹟山  
陳氏合編

卷二十七

一簇征帆帶曉霞郵亭西去盡平沙錦囊猶道無  
顏色白雪爲君漸作花

陳康謨

康謨字完宇中丞兄弟行也操履端方言出而人  
信服時稱太邱遺風于公再振云

遊夾山竹林寺

平生挺逸趣永懷在邱壑茲遊愜賞心俯仰增遼  
索萋萋春草繁恁恁春花落結架山之巔登頓欣  
有托脩甯挹飛泉浮雲冒林薄瑤草盈堦除金庭

喧鳥雀側徑既窈窕諸峯自交錯耳目靜無擾文  
翰時間作似此足忘機一悟存玄漠

山居吟

秋風吹透茅茨屋明月復來照窗北偶步相逢采  
藥翁閒眠長對啣花鹿水琴清韻少人知野鶴飛  
迴憐我獨城市囂囂不可居何如寂寂山中宿

野塘觀荷

殘日和雲落樹了纖纖嫩月如春花芒鞋偶踏溪  
邊路紅渠笑客真無數參差翠蓋影交加菱草菱

七十二峯  
足徵集

馬蹟山  
陳氏合編

卷二十七  
五

盤莽迴護水風颯颯透衫襦水中人影一丈長但  
覺清香沁毛骨不知是花還是葉別尋歸徑近黃  
昏只見遠烟不見村稻根夜氣露先起葉葉珠光  
大如米

微雨

伏枕聽難覺開扉望始明穠花沾有色細草著無  
聲脈脈山容重霏霏霧意輕閒愁吟欲遍獨自繞  
堦行

棲雲庵探桂未開

未得花枝照眼明歸途無限夕陽情莫嫌覽勝成  
虛語只當閒遊亦美名天上雲扶鷹隼翅竹間風  
遞鶉鴝聲秋原禾黍離離遍不解愁從何處生

陳咨稷

咨稷字子育號邵公睿謨子崇禎壬午舉人初任  
建平縣教諭陞國子學正尋陞兵部司務又陞刑  
部郎中恤刑畿輔活死囚無算歷任雲南按察司  
僉事兵備副使分巡瀾滄等處皆有政聲捐田百  
畝入宗祠為族之貧者婚喪費著有慎刑箴梅花

七十二峯  
足徵集

馬蹟山  
陳氏合編

卷二十七  
六

草堂詩二卷崇祀鄉賢

咏懷

網罟滿陂澤江海多遊鱗罟羅遍叢薄林谷多翔  
禽法密有失出中具天地心請君破罟網勿令魚  
鳥驚

遠歸

晝短心目繁頽然獨隱几憂思結中腸暫坐還復  
起歸來意蒼茫煩紆不能理何如農家流努力事  
疆理溫飽同朝昏麾肱牧羊豕行當負耒鋤鹿門

有遺侶

琴魚歌

宣州近湖多藪澤無處無魚賣城邑獨有琴溪一  
水間每年產魚只一日此日何日三月三忽爾溪  
中萬魚集天然不及徑寸長秃尾無鱗更無骨傳  
聞昔日琴高仙携琴一鼓羣魚出因此琴魚遂得  
名漁郎歲一來其側我到宣州冬漸殘山人酌我  
琴溪灘指點仙人動操處袖中還出琴魚看不須授  
向饕人手細爵真堪佐杯酒回思游泳在溪時尚  
七十二峯  
足徵集  
馬蹟山  
陳氏合編  
卷二十七  
七

有仙人鼓琴否

湖州天聖寺壁管夫人畫竹歌

中間五竿勢拂雲龍姿天矯顏色新枝節瘦硬密  
葉勻眉山與可都後塵右邊數竿臨水濱奇石位  
置高嶙峋小者數寸長過人左邊零亂向背泯不  
可細數皆有神其餘點綴妙入情青苔細草各向  
榮夫人夫人技絕倫至今壁上猶如生

關山月

邊月海西流征人汗漫遊清光聯鳳闌寒影拂吳

角度千山雪風生萬馬秋誰憐閨閣裡目斷大  
刀頭

柳林閨

北望天垂遠空林起暮陰飛揚歸客思搖落故人  
心白雁時相見黃雲愁至今不知停棹處何事獨  
沉吟

憶東園

故鄉望不及迢遞奈愁何樹暝歸鴉少天空落雁  
多風塵消濁酒年歲托狂歌知有池塘在春溪長

七十二峯  
足徵集

馬蹟山  
陳氏合編

卷二十七  
八

薜蘿

元宵雪霽

依然節物近三吳火樹銀花夾道途公子自能調  
玉勒佳人何用問金吾笛殘綺席梅開落雪敞珠  
簾月有無莫是聖朝多盛事千門可賜大官醕

天壇

立馬南郊騁望平帝宮高扁月輪明松間想像千  
官肅樂觀參差萬籟清夜夜鬼神朝御仗層層霞  
綺擁雕甍吾皇報祀從來重龍馭時聞出鳳城

卻憶

却憶夫椒舊草堂經秋風物倍蒼涼無邊秔稻垂  
垂發別院芙蓉冉冉香三徑迂迴通小港諸峰出  
沒照斜陽當時自擬楊雄宅回首兵戈路渺茫

八月十五夜金陵望月

停杯遙望月華新直到更殘未隱輪露濯芳林珠  
玉碎天啣高閣斗牛親每因節物思前事為挹清  
暉想故人一夜秦淮歌吹好偏教孤客易傷神

陳玉璫

七十二峯  
足徵集

馬蹟山  
陳氏合編

卷二十七  
九

玉璫字賡明號椒峯咨稷子順治庚子舉人康熙  
丁未進士授中書科中書舍人掌科事因母年老  
告終養朝夕侍奉必躬必親居鄉謹飭未嘗以私  
干請當道所著有學文堂文集統經解史論等書

古意

南山有松柏萬蘿附其巔松柏何亭亭萬蘿自翩  
翩上凌千仞峯下俯百尺淵托體雖不同相依亦  
已堅願言弗遺棄一一全其天

京口道中

昨夜宿丹陽今日入潤州眇然道路長靡靡我心  
愁清暉薄迴谿飛雲翳方舟鸛鶴遠相叫鷗鷺爭  
分投人家繞原隰黍稷盈田疇雲端衆山見林表  
孤煙浮男兒志四方無為悲遠遊村沽且斟酌可  
以銷煩憂

送友

長江日夜流攜手逝安適離別在須臾徘徊岐路  
側四顧起悲風陰雲互交結君其慎風波所願崇  
明德歸翰會有時矯首冀良覲

七十二峯  
足徵集

馬蹟山  
陳氏合編

卷二十七  
十

輶輶機杼聲月落天未曙飢隼思摩天迴旋復匝  
樹况有寒飈侵當我羈愁處

白溝行

白溝春色何芳菲緋桃碧柳牽人衣沙際水禽啣  
魚舞天上白雲倒峽飛昔聞宋遼此分界南北旌  
旂夜合圍又聞永樂天威臨數十萬人還者稀白  
溝從古作戰場白溝經過人斷腸

短歌和王西樵吏部題壁

茅屋破漏雨不止土銼冷落垣半圯西樵先生詩

有神淋漓翰墨長留此我來顧盼興忽發數行傍  
爾顏色喜先生有歌子和之眼底和予誰者是

銅雀臺

銅雀臨漳岸君王罷舞衣可憐金雁冷獨有總幃  
飛繡瓦迷春草空臺掩夕暉千年河水上陵樹夜  
霏微

澄江夜泊有感

極目荒江上蒼茫野興多西風高鐵笛塞月冷銅  
駝樹杪孤帆出天邊隻雁過旅愁驚赤羽昨夜過

七十二峯

馬蹟山  
陳氏合編

卷二十七  
十一

足徵集

登報恩寺塔

勝絕驚吾在天邊見此心大江餘一綫鍾阜失千  
尋夜夜斗牛宿時時風雨吟欲將灰劫事稽首問  
祇林

再過徐山人居賦別

頽壁曾題徧荒臺憶過頻忽驚鬚髮改彌覺性情  
真計拙艱生理交深識苦辛驪歌君莫唱婁絕恐  
傷神

黃河二首

不識黃河水今看九派渾大星垂谷口斜日盪天  
門風靜波仍壯帆欹沙欲奔乘槎多少客何處問  
崑崙

徙倚黃河岸源從天上來風聲生峽谷雨氣過荒  
臺樹暝禪燈出城孤畫角哀澄清應可竢真乏濟  
川才

梁氏園讌集

八月西風起上游諸公落落共登樓星臨景樹千

七十二峯

馬蹟山  
陳氏合編

卷二十七  
十二

足徵集

山曉天入黃河萬馬秋寶瑟盡翻宮女怨金笳偏  
動旅人愁誰憐嘹唳南飛雁回首江鄉迥白頭

再過滄洲便寄黃雲孫

嚴城樓堞鬱嵯峨千里扁舟此重過一帶潮聲高  
渤海萬家春色斷潯沱酒懷真覺天涯好詩興偏  
從客裡多爾在江南如見憶狂奴今夜正高歌

荆溪夜泊與戴九韶

每因訪戴即停舟更愛溪山耐滯留兩水波瀾融  
岸月諸峰蕭瑟帶江秋微吟漸覺新詩穩對酌渾

忘永夜愁那得買鄰來此地同君蠟屐恣遨遊

### 嶧縣

雲連鉅野千帆外地入彭城萬嶺間無數飛鴻南向去可憐聲影到吳關

### 題捧心圖

嬌歌艷舞未歸吳薄倖空羞范大夫試問蘓臺承寵日捧心還似舊時無

### 陳志浚

志浚字公遠康謨曾孫事母至孝撫兄遺孤竭盡

七十二峯

馬蹟山  
陳氏合編

卷二十七  
十三

恩勤與季弟有斐同居四十載無間言弟卒撫其遺孤一如兄孤復以所置田產共之其孝友可以風世焉

### 同友人竹圃納涼

牧笛吹烟漾碧空板橋漁唱夜燈紅羅襟暑透芭蕉月茗椀香浮茉莉風執友才名空冀北諸生文雅擅江東笑談携手追歡處千箇修篁百尺桐

### 月夜訪友

竹林低度拂人枝小立籬門欲喚時共閣燒燈知

坐久草堂待月故來遲千章夏木風吹露一片蟲聲夜絡絲斗室羲皇君自樂手搖紈扇語相思

### 夏日過神駿寺

瞳瞳佛日寶幢升繚繞香烟瑞霧蒸松老定巢千歲鶴雲深疑住六朝僧琴棋直喜低無偶詩畫翻虧學未能古寺清涼惟靜坐耐他炎熱到寒冰

### 陳璫

璫字良玉號青峰寨前灣人登正德丁卯賢書初任廣西太平府推官陞雲南大理府通判以直道

七十二峯

馬蹟山  
陳氏合編

卷二十七  
十四

忤上官左遷福建市舶司提舉司故轄海商多奇貨璫廉潔自持一無所取及致仕歸友人私蓄珠數顆璫檢得投之水中曰毋以此玷我清白也

### 聞丁草窓李行齋訃二首

騎鯨昔詫李太白化鶴又聞丁令威百歲修期信難保二公相逐竟何歸文章一代推先輩風月三分付阿誰莫怪年來頻乞請不堪親友久乖違嗟矣二公辭世緣太湖風景共茫然田廬不掛子孫念尊酒每于親友傳六十八十任修短前年去

年相後先存亡出處皆了了獨愧天涯尚執鞭

自遣

尚平債畢便行休五嶽何妨日日遊得謝司緣皆  
閨苑不須塵世問離洲道成王屋原無我身到天  
台別有秋古往今來都是夢歌殘踏踏幾回頭

陳所知

所知字汝至璦從子究心河洛之學著有性理翼  
言六卷

擬古竹津謠

七十二峯  
足徵集

馬蹟山  
陳氏合編

卷二十七  
十五

古竹津頭山若屏古竹山前波浪驚開山種竹堪  
成隱底事偏尋險處行

隱君泉

脫冠早已掛新昌歸鑿山泉半畝方泉上有廬堪  
結隱不教人笑白頭郎

陳履儀

履儀字實長天性孝友其父玄由禮部儒士授廣  
西宣化縣主簿以老病不赴履儀偕其弟履嚴孝  
養終身食貧砥行日事著述

捕虎有感

莫捕山中虎山靈賴作君狼貪當屏迹狐媚亦空  
群縱猛非苛政雖凶不啗人直須由北渡太守有  
劉昆

官長峯晴眺

雲收天半玉屏寒日映嵐光翠結團氣豁東湖浮  
震澤勢凌南越控諸蠻吟眸絕却披圖覽放意寧  
忘着履看經世自非捫虱士願收凝碧入詩壇

陳履儼

七十二峯  
足徵集

馬蹟山  
陳氏合編

卷二十七  
十六

履儼字若思號敬亭與兄履儀孝友相承讀書好  
古著作甚富于馬蹟山志尤為集大成云晚年別  
號具區外史

渡湖至吳門遇便風

新秋景物佳雨後暑初斂扁舟越渺茫風利不知  
險張帆駕洪濤迎送山萬點湖泮如軍聲迅疾邁  
燥焰舟子棹兩帆破浪不肯貶百里一炊時香山  
翠如染漸聞雞犬鳴船頭酒旗颭浩蕩適我懷貪  
看意猶歎

秋漲不退書感

君子切民隱不在位卑高仲尼席不暖大禹胼無  
毛今古同斯轍食祿分其勞豈曰丁我躬甘讓  
與準歲昔在午未水旱慘頻遭死徙已過半哀鴻  
聲嗷嗷詎當今夏末陽侯復怒號淫雨二十日山  
脚吼奔濤憑高一遠望巨浸駭吾曹老弱飽魚鱉  
棺槨委蓬蒿屋角水出面樹杪棲巨螫十室喪其  
九貧富鮮能逃迄今秋已半水勢尚滔滔婦子忍  
羞恥相率丐糠糲粗澁難下咽往往斃城壕見者  
七十二峯

馬蹟山  
陳氏合編

卷二十七  
十七

弋虎

夫椒之山家比屋可以羣遊可以獨暇行吟

所如石徑松陰時放足胡為忽有寅將軍來驚  
崖震林木腥風簸蕩白日昏童叟驚聞有似鶴弱  
肉之食盡犬羊豈僅耽耽麋與鹿雨餘重後踏行  
踪巨細縱橫滿山麓謂為母子或其然此梁三載  
家無畜陽羨有獵技最高劇金往聘何辭勞獵徒  
四輩來吾里孰彼虓虎同稚羔獵厥而魁并四子  
三日之間矢已縶昔謂二凶今乃六幸茲一舉誅  
其族群然獻與邑大夫虎不渡河今被戮四民作  
息已無虞任我徜徉秦履隲虎兮虎兮害雖除猶  
七十二峯

馬蹟山  
陳氏合編

卷二十七  
十八

恐泰山聞婦哭

秋日遊金沙灣砬砬

俗云仙人几

盤龍嶺後金沙灣沙平如掌山迴環鳬雁下時書  
个个白蘋紅蓼秋斑斕轉北砬砬更奇險石梁歌  
仄橫空大雨後飛泉瀉入湖吞卻雲根千萬點過  
橋仙洞復兩重嵌空豁豁藏蛟龍側身而入一跌  
坐對面削出青芙蓉石几亭亭在山足渾疑仙叟  
留棋局攀蘿抱石乃得登楚人姓氏何年斷  
楚人王茂湖波輕輅打晨昏石上千秋舊水痕瑟  
方五字

瑟蘆花明月夜照將秋色入漁村

題留雲閣二絕

山中小閣嶺頭雲時共香烟裊作紋若是白雲留  
得住我邀風月與平分

禪窓無事每忘閒留得閒雲護佛臺何似推窓放  
雲去任他自在去還來

又作轉語二絕

棲雲庵內留雲閣老衲千雲住閣東雲裡藏雲真  
是刁不知僧在幾重中

七十二峯  
足徵集

馬蹟山  
陳氏合編

卷二十七  
十九

山中諸物皆身外閣外閒雲住此身我不留雲雲  
自住卷舒出入總宜人

陳璠

璠字古淡張青灣人

同錢墨岩遊桃花灣

松筠夾徑午風清隔塢幽禽三兩聲雪浪翻湖觀  
世態野雲橫嶺逗詩情泉流曲澗琴音細鷗落明  
沙玉片輕信是利途人自醉漁樵原不問功名

陳世社

世社字亮東別字介夫為無錫縣諸生食飭有年  
潛心理學肆力於古文辭江右魏叔子先生雅重  
之序其偕行軒詩草後由張青遷居江陰之桐圻

小胥山弔伍相國

笠澤浩浩自太古無數青峰莽回聚波濤噴薄忠  
義魂日月照耀蛟龍怒西青石壁何斑斑我來獨  
弔小胥山吹簫載索真駭屑破郢鞭屍疑等閒姑  
蘓臺上方耽樂譏口鴟夷渺相索由來快志必傷  
心天道神明此焉度前山蘆荻月紛紛丹楓翠葉  
生愁雲千古誰如大夫烈以生殉父死殉君烟波  
若遇范蠡檝吳越興亡嘆何及只今漁父息悠悠  
我欲枯崖荷簑笠

春日自桐圻歸夫椒舟中二首

中夜懷明發輕裝泛碧流疎星催曉日殘月冷孤  
舟柳色供詩料濤聲作枕頭片帆湖口泊浩蕩豁  
雙眸

五湖春漲急一路水潺湲魚拜重濤去鴉衝細雨  
還扁舟天上坐千嶂插雲間隔岸聞人語知迎古

七十二峯  
足徵集

馬蹟山  
陳氏合編

卷二十七  
二十

竹灣

七十二峯  
足徵集

馬蹟山  
陳氏合編

卷二十七  
二十一

七十二峯足徵集卷二十八

武峰吳定璋友篋蒐錄

元和何垣秋林編訂

陸廓如

廓如字天衢椒山其號也居東洞庭之寒山書學  
文衡山爲諸生有聲於時嘗在棘闈作文得意疾  
書興不可遏卷末題詩一首監臨覽其文稱賞不  
已展至尾見絕句大駭疑有關節移文督學御史  
斥之後循例入監一試不中放情詩酒與姜湖山  
七十二峯  
足徵集

東山  
陸氏合編

卷二十八  
一

爲中表兄弟皆耆年倡和有同適稿四卷

秋夕望月

清迥江城月流光萬里同所思如夢裡相望在庭  
中皎潔青苔露蕭條黃葉風含情不得語頻使桂  
花空

同友人夜話

燕京久作客秋日正思家不忍聽鴻雁相尋醉菊  
花空庭餘木葉短褐滿風沙同病今如此酣歌惜  
歲華

和湖山表兄解組歸山中自述之作

幾將心事付毫端容與沉吟尚未安人訝迂狂開口易自憐疎懶折腰難殘編檢點無餘韻登臨眼界寬老去無求卿爾爾豈知湖上有狂瀾

會老堂賞牡丹步湖山韵

由來花信解人心不必相催費短吟春粉賦霞生華淺露紅漸玉看痕深冶容裊裊猶饒笑衰鬢星星可復簪却似獨憐遲暮客故留光景殿春陰

暮春

七十二峯

東山陸氏合編

卷二十八

陰沉草樹晚煙迷欲却春愁一慘悽晴燕窺簾尋舊壘落花和雨臥香泥驚時去去山猶好對景依依日易西漫數東風行樂地淋漓隨處有留題

陸奮飛

奮飛字九萬寄籍宿遷中崇禎辛未進士

禹期山

萬頃雲窩闕汎茫曾勞神禹駐炎方怒驅蓄缺掾靈斧善服支所鎖鍊鋼玉帛費香叢水殿旌干流火冠星房丹崖尚有栖真客欲檢方書殿石倉

陸樞

樞字公榮崇禎癸酉副榜遊粵值兵阻十年不歸寄婚於閩遂家焉子文虎純孝人也得其音耗冒鋒鏑迎歸既歸喜居僧舍自號竺菴有南中詩一快死時殉之棺中故不傳

秋晚步吳凝甫韻

晚風凌秋入山樓暑初退搔首看嶺雲獨影松爲對新月出林端是景落山背幽懷人不知寂抱禪

閨內

七十二峯

東山陸氏合編

卷二十八

松山雨過與晉之孤松同拈

一夜林巒新雨過洗出松頭青萬箇潑天溼翠撲眉來恍若身從碧空坐便當就此作滄洲無須更覓崑崙邱麟遊鳳鳴知幾時東海北海空淹留

秋雲

薄染斜流白輕籠半出青漣漪紋忽變綃縠影無停雁字書爲繭蝶娥倚作屏宵清淡河漢點綴一天星

苦熱

秋暑一何盛夜深威未降露乾難濯月竹靜絕節  
牕熱夢思冰枕煩心擬雪纓起憑高閣望祇恨不  
臨江

秋風懷友

秋水蕙葭思渺然伊人疑映月當前論文可訂千  
秋業對酒難期一日綠竹露乍涼欹枕夜梧風欲  
老讀書天芙蓉再開江頭棹肯抱蛟珠深處眠

陸 翹

翹字仲飛白身嶺人恃才負氣少遊金陵跌宕詞

七十二峯

東山  
陸氏合編

卷二十八

足徵集  
場製邀笛步桃葉渡舞霓裳雜劇三種付梨園子  
弟演之一時擅風流才子之目舊院名姝無不願  
見陸郎也明亡仲飛還鄉里與朱羽文結社頗立  
匡時時方多故強梁橫行王法所不及施而仲飛  
以一文士欲呵而止之羣不逞者側目焉未幾竟  
爲仇所殺家不官先生稱其詩頗事雕繪而無傷  
氣骨信然

春堤看美人走馬

花天粉地春情迷香隄積靄雲波西侯家小隊蹴

芳出紅煙漠漠藏騎嘶珠璣金絡寶華轡鈴轡  
環鞚駛蘭筋鳬臆氣驚矯慣載嬋娟逐飛鳥千  
金買駿買嬋娟馬是龍媒人是仙驚笙拋却舞衣  
卸春纖牢挽珊瑚鞭湘鈎鏡隱玉香媚風縠裙波  
雲嫋被據鞍顧盼神態閒一躍霞翻驚燕墜黛舞  
脂翔挾電飛馥酒紉蘭聲憂逐釵鈿妥貼蟬不欬  
回身下馬多容儀掌中可舞一幽怯何以馳驟能  
如斯自言本是將家女從來射獵榆關睡吞胡未  
遂木蘭志出塞恥學王家兒昨看馬上衣鳴鐵聞

七十二峯

東山  
陸氏合編

卷二十八

足徵集  
結

石公山觀日月對照

孤青湧峙琉璃冰銀潢曉夜橫天繩誰繫雙丸時  
出沒東西海樹叅差承弦鈎朧朧雖相見光輪側  
匿騎烏昀嘗立磐陀左右看每恨或遲與或先夢  
風吹雁霞天秋東光西光天盡頭一湖皖皖射精  
魄年年來看勞漁舟吾聞在角會心燄纏飛金陵  
方平占壁暎珠聯數合逢飽滿含暉斯不忝嫦娥

想約遲高春六螭延駐停輅輅瓊墓踴躍會蒙泥  
纖阿趣駕方山松長天忽報兩儀麗五雲珥抱輝  
溶瀾宛在中央樞化機峻嶒四煥青無際森森萬  
石插空飛靈毫交處楓光肥火精匪待揮三舍藥  
珠自爾開天扉鷗明鳬烟蘆花耀原隰煌煌非野  
燒千里涼煙望不迷穆穆金波涵遠照重光甫頌  
願重輪歲一番逢不肯頻不重囊萸重九節却欣  
美景十三辰

憶遠曲

七十二峯  
足徵集

東山  
陸氏合編

卷二十八  
六

曉風影亂楊花起誰教吹向郎心裏鵲鵲想不到  
京華叫時那得不思家京華自近郎心遠遠在郎  
心妾難轉別時劍上淚成丹鷓鴣處郎應看遙  
遙望郎如望日郎若歸來日西出妾今願化江上  
雲不願化作山頭石浮雲有時還見郎無情頑石  
空相望只愁化得浮雲去郎逐楊花不知處

題陳古白所奉髮繡大士

髮靈含佛性入指現圓通超想金鍼外凝神水月  
中花鬢吹海氣珠穀動雲容龕火時相對維摩相

久空

春夜同八公坐竹溪古梅下

苔錢削寒漬花情古不群罇罍徒爾酒煙月與僧  
分未信魂爲女當從竹號君相成兩無競香綠夜  
氤氳

憶莊姬度曲

含泪焚歌譜櫻絨遠嫁時我愁深酒外爾響渺天  
涯聽月簫閒玉啼花鳥去枝可能聞夢裡聊慰一

遙思

七十二峯  
足徵集

東山  
陸氏合編

卷二十八  
七

寓舅氏水閣

于此醉彌月月看兩度盈昨秋楓換色水夕雁猶  
聲似母燈前舅如兒客裡甥每憑煙縷坐恰與遠  
心平

送宋比玉還蒲

多病憶榕鄉攜家海夢涼硯離鵠有泪冊束竹啼  
霜自念車云軼溪期葦再航路無妃子驛荔熟宋  
家香

蓮谷木魚聲

似遠不遠青蒼中隔煙隔水西還東千林月白了  
殘課萬壑夜寒生遠風杳漠待尋路古閨幽沉入  
聽心孤空一聲磬寂亦已寂松雲絮絮花濛濛

龍女祠

錢塘一絕薄情恨涇血紅銷十載冤鴛牒不堅塵  
十字珠宮難朽橘釵恩飛軒雲馥桐花細繫馬霜  
明煙水昏原上雨工呼忽起徐侯山外電西奔

短茨亭裁詩倦起漑蘭

茆剪秋紅亭子圓曲闌甃石翠莓沿山煙坐處輕

七十二峯

東山

陸氏合編

卷二十八

施簾柿葉吟遠小臺簾聽入蟲絲杼異響想通鶴  
夢抱孤鶩寒泉自汲澆幽曉溼透靈陰月一天

讀曲歌

殷勤囑儂雞啼遲莫啼早又勿候通光與歡俱失  
曉

多事禹開江使歡隔江去海有變田時長江流不  
住

看葉羽遐寫竹

箨龍愁縱整還斜新粉吹寒五墨花疑影疑真都

不管腕香風露出無涯

泛夜

短舟載客青溪濱青溪浴月秋粼粼茶煙散入水  
煙去夜半聞歌起白蘋

陸繼蒙

繼蒙字明生武山人爲詩清思獨運有獨繭編一  
卷吳凝父序之

泛湖送客

同居此湖上欲別自驚魂春遠鷗邊路沙明柳外

七十二峯

武山

陸氏合編

卷二十八

村蕙風催掛席花氣引開樽去去煙光暮看山出  
浪痕

舍弟之白門燈下言別

春去兼風雨人歸又別離最憐今夕話恐作隔年  
期門外野航集座中山漏移挑燈那得寐燈燼是  
臨岐

陸鳴皋

鳴皋字漢聲讀書不成買於山東相士鄭仰田一  
見異之曰子非草莽中人宜圖發跡漢聲素喜騎

射廼學於山左之能者藝益精通韜畧占山東籍  
應舉中崇禎辛未武進士第授臨清州守備從征  
以敢戰聞嘗以三百騎解軍需於漕縣道中探前  
有敵潛夜分兵設伏漏三下砲聲發而鼓角四應  
敵疑奔走城幸獲全土人德之立石銘其績累功  
至副總兵明季輕武武臣于封疆大吏率曲意趨  
承漢聲獨不肯指陳時事軍政侃侃不撓大吏忌  
之遂落職歸卧山中與葉梅友吳不官輩日飲酒  
賦詩銷磨壯志而已史閣部鎮揚日遺書招之公  
七十二峯

武山

陸氏合編

卷二十八

十

歎曰自古未有奸臣在內而大將能立功於外者  
以疾辭論者善其知幾而才不竟用爲可惜

過邯鄲

斷石埋荒沙連城堙古道策馬臨叢臺傷心問衰  
草挑燈數酒錢兒女依舊好當年袷服人誰共趙  
王老

黃粱夢

碧天結古雲丹竈吹石火舉手揖夢人安知夢非  
我春風草如茵欲臥無不可主人飯已熟喚客聲

寶璣

寡婦磯

突兀赭山陰當江撐古壁風雨撼秋濤夜夜孤舟  
泣我心匪石堅何以寒婦職不砥萬里流何以試  
所立嗟哉鬚眉人千里湮瓦礫豈若一嫠婦志與  
江山敵

月中聞雁

一羽洗鴻濛高天潑秋水聲苦魄無依光遙心不  
死刷鐵響霜花崩沙夢煙紙冷字誰家書空明何  
止亦有夜啼烏城頭飛不起

七十二峯

武山

陸氏合編

卷二十八

十一

過虎邱有感

洗劍池邊墮古瓦闔閭城西瓦盡赭千人石上不  
坐人麋鹿于今生戰馬月下徵歌廿載前歸來擊  
鼓無歌者欲買山塘幾樹花種花之家成墓壚

浦口見新月

秋水欲來漁浦夕樹頭依稀半江白江南見月  
見思新月與人同是客渺渺無過十里情盡哀  
對石頭城莫愁贏得愁中曲月落猶聞蕩槳聲

荆軻山

登荆山兮望荆里荆里無人暮煙起千秋俠骨不生塵易水瀟瀟心未死

賦得二十年前舊板橋

秋水蹙輕綃溪光蕩小橋春風新折柳夜月舊吹簫吳園子細別浮沉博望遙重逢銀白首浪跡若爲漂

題扇

春月裁爲扇娟娟照素紈拂花香戀握潑水生

七十二峯

武山

陸氏合編

卷二十八

十二

瀾便面爲連理同心是合歡卷舒能自得何慮玉階寒

泰山僊橋石

巧疊非人力飛梁豈易刪去來高鳥上橫截亂雲間有路誰能度求僊未即還依稀何處笛明月滿空山

桐蔭

亦似嶧山好新移百尺陰剪圭當日戲流水故人秋入衣衫薄天餘冰雪深綠光隨碧眼窻紙影

晴侵

燕子磯待月

待月坐磯頭波翻月不流光盈天溢水沙冷雪吹洲炙酒燒楓葉停舟避石尤大江多隱怪千里夜珠浮

送齊王孫伯玉之維揚

宗子觀風去秋江好泛槎原非夢芳艸豈是慕瓊花遵海橫孤鶴垂楊間暮鴉月明橋廿四莫醉有樓家

七十二峯

武山

陸氏合編

卷二十八

十三

江干夜雨

雨暗情無賴僧寮類野舟峽傾風樹杪水長凍沙頭燭漏移松火驅寒命酒甌乾坤多淚夜衣溼似江州

趙北口元旦

馬尾風吹古趙春歲華驚換渡江人辛盤夜剪連冰韭衣褶朝颺并日塵燦髮半生仍作客封書欲上未收秦百年兒女千年壽猶對飄零病酒身

雨舟送別李崑山

溪雨沉煙戀石頭絲絲吹上送行舟涼生酒底秋  
無語悲動歌邊水不流仗劍恥彈遊子淚著鞭羞  
爲一身謀渡江半是傳烽地飛將如今豈吝侯

三山登懷謝樓

雲橫天外落高寒下有危樓倚翠竿艸木受風秋  
颯颯謝家遺韻隔江看

訪大風上人不遇

榭葉隨人綠到門門前春草謝公墩墨池閒浸鵝  
溪雪影落花關閉雨痕

七十二峯  
足徵集

武山  
陸氏合編

卷二十八  
十四

陸經

經字尊生

題葉梅友旅言

欲撻苦無髭伊人有祕思悠揚雲出樹清朗月歸  
池仙旅聞靈鵲鱸鄉醉楚辭吳吟吟白也掩卷慮  
鳩茲

答友人贈古梅

南枝殘雪藉君攀繡鐵離奇伴我閒感咏逸情思  
往昔夢隨清魄到孤山

陸寧國

寧國字茂勲

山楹

山楹豈無椽頽檐豈無瓦燕子曾不栖雀兒來已  
寡啾啾唧唧聲未曉盈大厦因知燕雀心亦逐繁  
華者燕雀我不如山楹自瀟灑

陸燾

燾字世懷諸生

獨山

七十二峯  
足徵集

武山  
陸氏合編

卷二十八  
十五

不知湖內景定在獨山頭

登臨處閒將勝槩

收有懷能浩蕩得句總清幽

盡高深思隨君作

壯遊

幽蘭

幽蘭挺靈標得氣邁塵俗清遠自有餘匪以在山  
曲況此所托佳衆妙澹相屬朝景明香風夜色潤  
寒玉長此足悠然含芳爲誰告

陸維

維字四張

晚過張氏斐園

路將疑似處有鳥語牆東門掩疎煙裡吟聞落照  
中簾花香覆雪蘚石碧摩空有榻留余醉宵長枕  
竹風

江泊

日墮江波橋影寒早潮聲走暮潮灘逢牕盡日無  
佳致賴有秋紅幾樹看

七十二峯  
足徵集

武山  
陸氏合編

卷二十八  
十六

七十二峰足徵集卷二十九

武峰吳定璋友荳菟錄

東山鄭啟秬大梁編訂

鄭準

準字正衡西山丹里人嘉靖甲子舉人隆慶戊辰  
進士官至侍御史

和王右丞詩時待選都下

我家西山陞歲晚梅花白數年不相見為作塵中  
客空負鳥鳴晨仍孤月圓夕時命既不猶胡為共

七十二峯  
足徵集

西山  
鄭氏合編

卷廿九  
一

塵陌

病中新秋

抱疴淹九夏昨夜又秋殷夢得清涼境愁銷苦熱  
行空庭一葉下孤枕百蟲鳴何處霜華早應從短  
髮生

人日彭城逢鄉人

黃河東畔值靈辰馬首流光取次新為宦何年非  
作客入春今日正逢人淮南草木邀歸路泗上風  
雲擁去津莫謾臨岐揮手易楚天窮處有情親

秋日宿後湖次張懷洲韵

都城喜挹玄湖勝仙棹仍陪盡省才曉漲不分龍  
卧窟秋空遙出鳳游臺瀛洲境畛寰中得天府與  
圖海上來倦客不妨留信宿儘教魚鳥屬新裁

天語亭次韻

野服載循蒺藜徑山亭環眺水雲涯鮫宮倒映藏  
書府雄堞平臨落雁沙六代風流今澤國五湖烟  
景舊吾家坐深更作燕鱸想怪得秋來鬢易華

送余中宇年兄以諫罷歸二首

七十二峯  
足徵集

西山  
鄭氏合編

卷九  
二

驅馬南來得幾時相携長日話心期不知身在唐  
虞世但道官居獻納司悟主自嫌封事簡寧親惟  
恨到家遲何當把贈秦人策媿爾翩翩向別岐  
綠楊江上共清樽黃鳥聲中出白門朝野幾人稱  
士望林泉到處是君恩逍遙卉服閒心慙爛漫花  
時過目繁為語潛夫須著述明良終不忘嘉言

鳳泉顧年兄過縣齋登應宿樓次韻

城闕茵閣結青蒼使節飛來拂曉光吾國名流傾  
北海越中佳處數東陽池荷出水羅衣淨徑草含

滋綬帶長共指十洲揮手近莫因雲嶠歎微涼

重過施陽峰次酬見贈之作

幽人宅並闔廬城十日衡門兩駐旌五柳風烟綠  
逕入一舟書畫看山行關門尹喜能相識津口長  
沮待耦耕世上拘攣無用問知君不似魯諸生

乞歸寄陸西枝

已矣無煩座客驚孟公原只負虛名野心自厭樊  
籠住世網惟知冕綬榮芳草杜門三徑在清風吹  
袖一舟輕故人未解狂歌意莫謂登樓是望京

七十二峯  
足徵集

西山  
鄭氏合編

卷九  
三

還山寄社中諸友

湖山風日入春饒積雪川原一夕消歸興早乘新  
理楫里門遙指舊題橋山中麋鹿渾知已天上夔  
龍正滿朝佳畫花時都不飲只愁頻負竹林招

茂野年兄同官三載特相善壬申秋內召觴  
之白雲洞賦此為贈

山城剖竹涉三秋野墅班荆一日留後夜思君縣  
齋月九門清影照鳴騶

越北燕南有使車故人莫不寄雙魚開函未看相

思字且問青蒲幾上書

鄭泰粵

泰粵字子宣

疎燈自照孤帆宿次友人韵

南國歸橈傍晚停暫同鷗鳥宿沙汀月明空向愁

時白山色遙憐夢裡青竟日題詩還秉燭三更把

酒欲騎星蓬窻此夜應無寐歌起滄浪隔水聽

鄭坤

坤字石南

七十二峯

西山鄭氏合編

卷廿九

湖頭春泛

七十二峰都作花灣中烟起是誰家山深祇覺仙  
源近風便不知雲路賒紫燕拂來堆樹雪黃鸝啼  
入隔溪霞春光處處堪登眺留取雙瓶醉白沙

鄭香祖

香祖字谷孫

鑑宜上人菴中偶就

放浪海天南風情老更愁試方尋藥草持偈息花  
龕樹冷雲橫練溪清月過庵乘閒隨杖屐黃菊笑

同探

次韵別周甫

江皋情思苦梧葉半堆黃元鳥辭秋社冥鴻送夕  
陽艱難傷國步漂泊歷冰霜酒勸曇花閣詩吟蟋  
蟀牀自非朋契厚誰話別離長明發雲山杳扁舟  
似沅湘

鄭溥

溥字涵甫東山樵風里人讀書好古淡于仕進詩  
文都不存稿

七十二峯

西山鄭氏合編

卷廿九

丹陽九日

去年九日吳山頂天風吹帽醉不醒今年九月丹  
陽道抱膝長吟愁欲老黃花綠酒年復年一壺誰  
送東籬邊青天沈寥白日短碧江回首寒雲遠

浦口

氣淡麥秋天孤城入暮烟遙看隔浦樹青與定山  
連江女待沽酒榜人催放船楚歌歌不斷插盡雨  
中田

水宿

江上不易暝斜陽明遠汀石根霜後出水氣夜來  
腥獨客舟中醉孤烟天際青何來長笛韵散入香  
冥冥

杪秋送葛震甫之白下

木落洞庭秋憐君復遠遊行藏看楚服肝胆脫吳  
鉤霜鴈黃花候風帆碧樹頭到時多酒伴先醉子  
荆樓

投龍興寺

縹馬不覺晚林光看漸濃欲投黃葉寺還轉白雲  
足徵集

東山鄭氏合編

卷九

峰鄉思一千里烟靄百八鐘老僧枯坐處瓢笠掛

虬松

還山

湖上歸來客看山覺更青榮然成一笑渾欲忘飄  
零寒水枯萍沼秋風壞草亭老妻相勞苦竹下酒  
開瓶

酬金德父問病

蘭氣襲衣裾春風引步徐謝花紅不盡儲酒綠無  
餘善病知身累忘貧作計疎故人同里閒數為檢

方書

瓜埠曉發

霜雁飛飛過遠汀烟帆點點掛疎星江靄似雨潮  
初定鄉夢衝寒酒未醒同病幾人何日見隔年殘  
柳不堪青一身作客仍多累千里攜家媿管寧

毘陵舟中逢生日

乍晴風雨暮天蒼歸計蕭然纜一航愁去獨餘雙  
鬢短病來無奈五更長城過鐵甕思新釀路近金  
閨指故鄉記得舊年今日好肩榆炊麦向空王

足徵集

東山鄭氏合編

卷九

憶弟

野香村雨弄新涼倚醉看雲思轉長謝客任題門  
外字呼兒頻掃竹間床洞庭書去人千里江漢帆  
隨雁一行別後不堪芳草歇莫令殘夢遶西堂

贈嚴毅之

出門有地盡菰蘆釣艇棋枰酒百壺天上客星人  
不識江湖又老一狂夫

醉翁亭

環滁一碧皆好山亭子正在山之間醉翁醉後誰

復醉釀泉流去無時還

鄭元亨

元亨字世貞號海若自少失聰晚年自署西村聾  
叟愛賓客喜詩酒宅傍構西樓與四方騷人文士  
觴咏於中叟嘗曰我百事在前對樽蒲而忘樽蒲  
在側得詩而忘其于詩得趣如此乙酉歲祝髮之  
文曰吾吳水國泰伯遺氓禮樂文獻海內莫京惟  
洞庭山世不受兵仙靈窟宅山高水清幽人居隱  
草欣木榮毛髮雖損吾道猶存其于名教不苟如  
足徵集

七十一卷

鄭氏合編

卷九

湖閣春望

天曠水雲碧臨高意何極渺渺征帆遲蕭蕭歸雁  
亟飛花颺白光高柳搖青色石上持竿人西隣舊  
相識

題磻溪釣隱圖

商季有一叟抱道無所求釣隱磻溪上西伯牽其  
鉤可為王者師謀國展鴻猷定鼎列茅土千古罕  
匹儔使遇非其時沒身何怨尤君子貴知幾達人  
長優游不為軒冕榮焉知塵世憂鴻鵠有遐舉燕  
雀安敢侔

清明前二日周亮工過樓頭同月鷺孤松登

晉之薇令姪拈桃紅復含宿雨為韵得宿字

風雨接清明草木生新綠欣彼素心人盼睽見青

目留連開好懷光彩映庭竹豈但鬚眉張肝胆露

足徵集

鄭氏合編

卷九

悃悃涓涓泉米流嚶嚶鳥鳴谷麗句關飛花清尊  
動寒燭侯生慷慨士茂叔文章宿戒律羨遠公道  
高能混俗小阮偕隱淪沉冥甘蠖伏能玄亦能史  
餘波到癡叔晚節得數子任真互相勗良會時復  
難老酒儲三斛

乙酉五月避亂湖中次晉之姪韵

五月竄湖陰溪深水涵毒觸之即死亡五絲不能  
續蛟龍正爭鬪豈分石與玉是處無安流滔滔鬼  
晝哭

問梅

寒氣罨塞雲不流作雨作雪天為愁梅花畏冷不肯放主人將出還復留欲向羅浮問消息鶴去遙天不可得幅巾藜杖立柴門日暮空林鳥啾唧

立夏四日諸子西樓小集賦得山雨欲來風滿樓

林鳩盡日啼般若啼老春光無濕土西樓有客正吟詩徐子王臣二子當旗鼓山風忽起雲四垂簷

外竹松驚亂舞排闥狂風何驟來雨隨風至殺如

七十二峯

鄭氏合編

卷廿九

雷晦冥萬狀得未有四座同散稱快哉欲去不得休悵快洗盞重傾三百杯

賦得天馬峰邊二子居贈朱枝昌翁微同

梅花約與連宵雨補漏無工情曷已草色遙青雲

亂流蕭蕭落冥愁隱几林鳩啼歇水榭中棹撥烟

波赴知已雙垂古柳覆幽居瞥見伊人生歡喜床

有琴尊架有書一觴一咏隨願指賓主交歡引興

長醉裏狂言忘汝爾坐着天馬飛空青劍戟嵯峨

猶列齒二竹猶得隱此中邁軸東西踰尺咫衝泥

朝夕互往還商確古今探玄旨悠然相對發清吟

度越六朝追正始采芝聽松魚品泉籙冠草履盟

山水水之曲兮山之阿瓢笠逍遙隨去止肯將肝

膽向人傾不羨黃金輕一死莫釐崔嵬高插天起

伏千峰咸拱峙鍾奇毓秀萃于斯只今嘉遜稱多

士桃花洞裡景何如予欲問津尋二子

石上蒲草歌為葉景垣賦得落字

幽姿異質耽邱壑不與凡花競開落皎潔豈容塵

土侵清泉白石靈根托霜雪侵凌不計年虎鬚虬

七十二峯

鄭氏合編

卷廿九

髮相盤錯清風拂檻白雲飛明月照庭玄露薄主

人日對有餘清郁郁芳香滿芸閣服食曾聞益壽

年雙眸炯炯顏如渥隱耀潛光道益尊何用蓬瀛

訪奇藥

丙戌元宵

夜色報初晴金燈鬧月明沉潛驚變幻飛走自縱

橫老我愁仍在隨人興易生管絃空午夜復有向

隅殺

九日

有累形骸在無情愁病侵登臨一縱目搖落幾傷  
心撫景知誰醉看花祇自吟去年吹短髮今日不  
勝簪

送吳不官之棠邑

之子復遠適春風今夜寒遲回成別易強半治生  
難白髮尚能醉青山不奈看霜鴻隨客去何日奮  
歸翰

次韻答孔明之

別憶歲華遠長驚陵谷更相思不相見悲死復悲

七十二峯  
足徵集

東山  
鄭氏合編

卷廿九  
十二

生嗟彼桃李色羨君松柏貞何當一攜手深樹聽  
啼鶯

聞鴈

朔風吹鴈度西樓嘹唳哀聲動遠愁故國十年魂  
欲斷美人千里信難投瀟湘水落魚龍夜淮海霜  
高荻葦秋寄語前途盡羅網飛飛莫作稻梁謀

九日同錢牧齋先生莫釐峰登高次韵

晴峰卓立砥洪濤四野雲烟入望遙已是半生成  
落魄不堪今日共登高霜清南國荒三徑帽脫西

風姚二毛節序不殊時事異黃花紅葉總蕭騷  
簪碧芙蓉灝氣中憑高人欲御長風揮毫興屬悲  
秋客載酒欣同避世翁覆水雲霞籠遠岫來賓鴻  
鴈界晴空留連向晚重回首笑指明蟾隔嶺東

賦得南山歸敝廬為陸公榮壽

不待導香竟拂衣十年時事謝危機風波浪迹存  
遊草甲子重題賦採薇嶺外雲烟長漠漠山中松  
菊尚依依放翁舊日垂綸處羨爾歸來問釣磯

老梅

七十二峯  
足徵集

東山  
鄭氏合編

卷廿九  
十三

破臘迎春水一方憑陵霜雪自低昂不齊群卉爭  
浮艷獨與幽人伴草堂竹外疎香分鶴夢池邊清  
影照魚床夜深獨立蒼苔冷萬玉玲瓏映月光

次答汪魏美兼呈許茂勲

火雲散靄薄青旻樗廢如予懶是真誰謂竹林偏  
屬晉應知栗里本非秦扶筇愛看投林鳥對酒欣  
逢避世人何幸仙蹤遠相及恰同玄度辱清塵

遊招隱園志感

玉樓人去已經年邱壑風流尚宛然滿地花陰搖

白日幾重山色浸寒泉風吹芳草飛蝴蝶雨歇長  
林叫杜鵑東閣有緣還再到遼陽鶴馭幾時旋

早投高峰寺

啟明初見隱雲端徑草蒙茸露未乾出寺疎鐘開  
曉氣隔林飛瀑動秋寒山禽覓食啼優鉢野老分  
題賦考槃赤日自忙人自逸石林無夢到邯鄲

長圻看梅

寺古梅亦老山空僧自閒庭前白日靜啼鳥在花  
間

七十二峯  
足徵集

東山  
鄭氏合編

卷十九  
十四

白秋海棠

白草黃茅沒故宮斷腸花亦謝新紅西風吹盡繁  
華氣獨自含芳小砌中

春晚

晨星落落天欲明出林鳥立高枝鳴山人睡熟不  
知曉幽夢驚回生遠情

周公贄

公贄字觀侯居林屋山中讀書嗜古放情高蹈而  
詩名籍甚吳中汪堯峰葉橫山兩先生以古學相  
高俯視一世獨於周山人以青眼對之松江周礪  
巖太史卜居石公山亦與往來慶和同時有秦存  
古勞在茲蔡中介蔣亦宣同岑上人皆以詩鳴文  
采風流輝映巖穴名公大老折節下交遊屢所至  
咸以為東道主山人詩疎放曲暢似蘇眉山清婉  
流逸似范石湖晚年自作風格亦時有見道語所

七十二峯  
足徵集

西山  
周氏合編

卷二十九  
十五

著編年集

雪夜

溪雪閉重門誦讀過夜半不獨壓吾茅巖穴悉迷  
漫惟有梅花香時時通鼻觀隣火出疎竹爐煙裊  
殘簾牀頭一斗酒顧影相酬勸耳熱氣頗麤一醉  
寒威散不妨履盡穿似覺憤可岸北風破紙窗飛  
點白侵案旋拂旋復盈所慮溼圖翰貧家欠綢繆  
喟然發三歎

懷梅隱筠禪師

吾思梅隱菴清夜鐘聲靜詩僧應未眠出步月耿  
耿碧溪正當門孤塢浸半影竹深螢自照荷靜露  
方冷澄懷宜新秋寄傲得異境僻處城一隅不啻  
占高嶺

宿汪鈍翁太史邱南草堂

翻翻徑葉黃藹藹溪雲白釀寒天欲低重陰山漸  
匿懶我不訪君何以慰蕭寂哀哀蘆中雁形單影  
又隻豈為稻粱謀不免罹矰弋矯矯園中鶴丹頂  
白羽翮欲飛且鳴逍遙邱南宅彼憂而此樂  
周氏合編 卷二十九 十六

寄葉星期進士

振衣縹緲峯千巖淨秋色偶值農務閒懷人一登  
陟東望姑蘇臺蒼然森無極中有二葉堂高人樂  
偃息在昔曾問奇載酒歡相得雄談遍今古高文  
脩典則別來十餘年落月疑顏色欲渡河無梁欲  
飛身無翼湖山阻且修可望不可即蟪蛄悲疎林

向晚寒砧急九月未授衣風霜何太逼

初夏樓居偶題

我家溪聲樓水石娟且秀老桂逾百年入夏濃陰  
覆海棠並蠟梅數本交枝茂高卧北牕中時有涼  
風透薄田五六畝綠繞牕左右拋書望良苗呼兒  
課耕耨亂蛙當鼓吹亦可消長晝酌酒得新詩醉  
墨淋襟袖優游吾老矣天與豈云偶

虎邱西湖兩地游歸蒙牧禪師兩度過訪不  
值以詩見訊次韵答之

七十一集 周氏合編 卷二十九 十七  
澄鮮閣前環梅花正月二月春風馥中庭更發海  
棠枝雪未殘時霞已簇余性好遊頻出山聞師兩  
度過茆屋登閣何須問主人默坐看花兼看竹自  
吳之越縱行滕失却茶瓜展衷曲始由虎阜謁五  
賢繼則齊心上三竺山人本是愛閒居惟訪湖山  
無厭足雲巖蔥蒨眉黛青西湖明淨羅紋綠隨時  
風月取無盡恒笑樂天誇五宿涉險安恬信布帆  
登高輕便宜春服此生不樂復何為忍使鶯花空  
過目千年劍氣沉荒池十里花堤蔭嘉木清音聽

去堪傾耳秀色餐來真果腹試將海湧較雲林兩  
地遊人如聚鶯紺宮近午送殘鐘古墓清明多野  
哭此時少婦邀採桑此日老農呼浸穀歎息人生  
各有營而我盤遊飽梁肉到家靜坐把君詩不啻  
清泉傾萬斛

連日大雪醉中濡筆作歌以紀

丁丑二月春寒久旬初大雪連望後僅得花朝放  
曉晴餘日聯綿寅至酉紛紛始訝細於毛片片旋  
驚大如手向夜猶然到地消清曉漫山積逾厚遙

七十二峯

西山周氏合編

卷二十九  
十八

看萬木曲易摧始信孤松直能守溪溪巖竇填無  
隙纍纍邱陵覆成阜已教潤澤遍枯焦豈特平治

惟穢垢

去冬絕無雨雪  
草木地脈皆枯

嶺畔雲封處士梅門前絮

滿先生柳東郭履穿任沾足嚴陵裘敝難掩肘村

孤地僻閒無人迹跡何須下闕杜編襪獨愛玄鶴

來松逕迴旋步溪踪李斯已去子雲亡鶴跡何為

效蚪斗少焉問奇有石農登樓共酌牀頭酒因話

舊年三白稀旱潦頻仍江左右淮田全沒漂屋廬

蘇田半稿存稂莠人猶感額困催科我亦充腸乏

藜糗只今三尺兆豐年底幾天與應非偶憶昔元

和春雪詩昌黎香山無不有白云信美非其時韓

曰是非難議剖唐元和六年春二月大雪昌黎詩平生未曾見何暇議是非香山詩

茲雪今何如題詩何敢繼二公運筆還能若揮帚

醉後歌呼兩耳熱此時擊壺當擊缶所冀陽光早

照臨好驅黃犢理畎畝欲知此雪定何如徧向田

家詢黃耆

送蔡中介遊楚

空山稀至友况復送君行春色分吳會猿聲上鄂

七十二峯

西山周氏合編

卷二十九  
十九

城薄遊無定業所得是詩名欲寄長相憶芳洲有

杜蘅

冬日閑居

中庭無落木老桂綠陰交獲秫供新釀醢佐薄

肴棋低常嬾覆書僻亦勤鈔招隱山之曲差堪免

客嘲

和牧禪師歲暮寄懷之作

我生無佛處陡覺此身尊一自逢花雨全家效鹿

門白雲棲小閣黃葉冷溪村願事廬山主至言日

討論

暮春送蔡中介往楚仍次去秋楚歸見訪韻

二首

老至難長別年衰各五旬如何一尊酒又送暫歸人  
芳杜應堪采哀猿不可親湖邊折柳曲幾度為君陳

春水長江濶如乘天上船思君遊最樂我老志彌堅  
花落空山雨鶯啼薄暮烟草堂曾剪燭須記對床眠

七十二峯  
足徵集

西山  
周氏合編

卷二十九  
二十

送王叔介堊晚登明秀閣感賦

曉來隨鶴弔落日慘登樓湖沒亂帆影天橫一雁秋  
遺容空掛壁大壑已藏舟回憶舊遊事真同碧水

西山道中書事

有客讀書秋樹根興來杖策出柴門行經松色已十里  
看遍菊花知幾村黃犢歸時長笛晚翠微隱處亂泉喧  
眼前幽賞渾難了何必還尋蔣詡園  
暮山凝紫曉山青山疊人家入畫屏鶴似老翁諳

揖讓葉同衰髻付飄零數聲竹裡彈棋局一斛墻頭  
過醖醢不厭疎狂此淹泊無如返照逼前庭

露香精舍雜咏

壺天原不離人寰笑我求安未得安桐本孤高猶近  
癸梅雖清冷亦稱官道心微極銷磨易慧業多端懺  
悔難何似維摩偏善病卧看花雨晝漫漫  
浮生強半悞塵勞衡泌忘飢一著高擁萬卷書恒兀  
兀仗三杯酒易陶陶欲尋橡實扶孤杖偶采薺絲放  
小舸老鈍不知秋已暮任他黃葉下亭臯

七十二峯  
足徵集

西山  
周氏合編

卷二十九  
二十一

一羣霜雁起蘆洲霽色初寒宿雨收却愛看山頻放  
眼不妨鋤菜便低頭忘年漁父偏相狎多病豚兒未  
免憂只此耗磨閒歲月山濤書札久沉浮  
紙窓木榻好栖遲凍墨頻呵為賦詩酒却香於梅放  
日山偏青在雪消時  
禽墮竹枝陶氏清幽黨家俗欲商宜稱有誰知四十  
無間髮有霜可堪日月去堂堂窮無送法文焉用詩已  
焚餘祭亦忘一樹寒英同臭味半庭積雪藉輝光坐溪  
殘夜紅爐煖裊裊微聞柏子香

小試

小試烏捷一笛風田園佳興夕陽中預驚霜信  
楓葉細訴秋情是草蟲客戲題門因有鳳妻甘偕  
隱亦如鴻二毛莫訝潘郎早祇媿閒居賦未工

遊林屋洞

層層鳥道入青苔古洞幽虛客又來貼水白鷗全  
體沒向陽紅杏半枝開宿醒欲借甘泉滌好句曾  
無細雨催神禹遺經何處覓幾回搔首歎秦灰

題王叔介明秀閣

七十二峯

西山

周氏合編

卷二十九

二十二

停舟每愛訪幽栖不是花時客也迷雪竇雲房隨  
上下藤梢橘刺胃高低一群雞犬桃源裏十二樓  
臺閣苑西莫笑年來詩思澁祇緣崔顥有新題

五十述懷

百尺樓高坐卧堅薰爐茗椀靜中緣從前去日多  
來日向後添年是減年謝絕山王書札裡追思稽  
阮酒壚邊菜根晚食肥於肉飽腹摩挲一快然

風雨渡湖

白浪粘天失翠微片帆衝雨疾於飛亦知冒險非

吾事不為梅花定不歸

螢

深柳堂邊添月暗敗荷池上補星疎香銷燭跋還  
相炤不解先生倦著書

西湖柳枝詞

六橋春半柳三眠不帶輕風便帶烟蘓小香車何  
處去流鶯啼殺夕陽天

不寐

牀前月色并霜清不是他鄉亦動情惻惻淒淒

七十二峯

西山

周氏合編

卷二十九

二十三

不得荳花棚下草蟲鳴

消遣

老至雄心盡已降獨乘小艇下寒江不妨竟日撈  
蝦去消遣屠龍手一雙

十二峰足徵集卷三十

武峰吳定璋友篋蒐錄

洺州路 壘韻似編訂

湯 餅

餅字 東山人詩見洞庭清氣集

客有問洞庭之勝者走筆示之

金碧芙蓉映太湖相傳奇勝甲東吳漁家處處舟  
為業農事年年橘代租流水平堤橫略約深林古  
寺出浮屠一從皮陸題詩後多被人間作畫圖

七十二峯  
足徵集

東山  
湯氏合編

卷三十

湯祖武

祖武字允繩占籍六合縣為諸生與孫阿滙同筆  
硯為文章原本經史揣摩簡練屢躋棘闈乃棄去  
以詩自鳴每午夜獨醒詩輒與鐘聲相喚而起居  
閒著作甚富而名噪詞壇者梅花詩三十首昔人  
稱其意境如羅浮二山以風雨幻離合先生高風  
遠致彷彿梅花故其咏梅不過一枝拗鐵俛清泉  
自照雖增一影子實無二相也嗣子沐梓而傳之

索汪大魯畫

許寫青山贈而今已二年事應非率爾情亦豈徒  
然補入詩中景參餘醉後禪幾時清興發纔為染  
雲烟

梅花

叢苔冷幹轉新奇二月輕寒放未遲發藻青山君  
獨秀戀花白髮我尤痴頻傾東閣幽人酒重和西  
湖處士詩行看春歸清夢遠也知無計慰相思  
逸致端堪慰老懷中庭豈異對重崖任教半樹枯  
無碍但見一枝開便佳木榻暗香驚獨寐瓦盤隊

七十二峯  
足徵集

東山  
湯氏合編

卷三十

露餉清齋游人多少吹長笛玉魄何曾著酒埋  
虬枝也解逐時新孤介年年晤異人烟散六朝堤  
外影香分五嶽嶺頭春隔雲幾欲呼山鬼映水真  
同賦洛神縱有曉風搖落處還應終日卧花茵  
踏花原未礙離羣放眼層巒愛日曛雙屐衝來千  
尺雪小橋橫斷半溪雲香臺客到當清供樵屋人  
歸有異聞物外高風能獨立世間幾輩不如君  
路入西溪別有天停橈頻繫買花船夢歸千里常  
為客羽化三更半欲仙對影早知驚我瘦尋春終

不讓人先澹交耐久如伊少幽賞還從未放前

七十自咏 存二

碧梧清影落牀頭玉井驚看一葉秋敢謂勝情常有具但知善飯已無求扁舟得意歸漁浦問水尋盟到野鷗妄想百年真可笑可知人世有丹邱十畝閒閒不著書清齋偃卧興蕭疎鹿皮翁自稱

雨中懷菊

七十二峯

東山 湯氏合編

卷三十

雨阻郊遊陰復陰較晴南畝亦無心老懷自笑因時減酒伴疇能著意尋閉戶讀騷堪獨對落英入夢與同淡幾回欲假西風力吹放東籬萬點金

寺居生日

自信餘生任白頭索居蕭寺况經秋書拋硯北空諸劫暑退城南散百憂乍雨似逢新得友好風如送晚來舟當筵不惜遺瓊玖到客爭題月滿樓

和汪大魯山居韻

敝衣不必不如新院盡人間一片塵冬自負暄尤

可愛君門萬里尚思陳

賣幅青山沽一壺探囊終歲一錢無村居應亦無他費日日看花日日沽

湯承爰

承爰字禹傳允繩弟有青霞館草

晉之移榻東樓賦贈

境僻樓亦古青山映窓戶幽人來其中坐卧無俗伍曉把朝霞食夜共明月語醒時歌嘯舒醉後雲煙吐脩竹響芳林閒花嬌幽塢俯仰得自如不以

七十二峯

東山 湯氏合編

卷三十

足徵集

塵事苦

影浪閣

曠然適所坐迺以陰巖幽遠光蕩虛壁渺焉水上樓中有鳴琴客高擬羲皇倚一彈萬木響四座風颼颼此外更無事何有風波憂

月下遲陸仲飛不至

長天喜無翳片月炯生光欲飲恨無侶有茶空自香烟絲掛庭樹人語寂山房此際思何極孤吟步曲廊

九日和吉昭登靈巖同更生公瑜子納

一宵歡共榻高會集嘉賓晨飲烟霞異晴搜澗石  
新水搖江上塔寺冷意中塵樂此同佳節茱萸色  
可親

新篁

解籜無多日青青已出牆節高猶帶粉枝嫩欲生  
香會歛雲霄勢偏驚風雨狂蕭蕭作清響生我北  
窓涼

賦得深柳讀書堂為袁若士

七十二峯

東山  
湯氏合編

卷三  
五

一望無遠近清溪空翠凝乃知千樹綠多為草堂  
增境寂心自遠窓虛几可憑明年衣染汁蟬聒不  
須憎

同希聲惟恭明卿小酌梅下有懷玄恭

氣暖蜂遊早春晴鳥換啼因尋行樂地無過此花  
蹊香雪飛尊罍平原慙杖藜嶙峋一片石只欠酒  
狂題

輓鄭世貞表叔

白社悲無主青樽惜有塵夜孤樓上月苔冷竹間

人句斷空今古思深雜鬼神殘編遺滿篋欲讀淚  
沾巾

松聲

是樹皆含籟惟松獨異聲撼空濤忽起洒雪韻還  
生響在境偏寂耳聞心轉清幽人正相得倚杖有  
淡情

浴佛前一日社集高峰寺分得肥字

古剎嶙峋闡法微先于浴日問玄機一年不到萬

峰碧半月辭春綠樹肥清影入簾新几席晴香和

七十二峯

東山  
湯氏合編

卷三  
六

翠上人衣境幽自合成高會世外何須問是非

侯雁

嘹唳不聞空遠烟蓼紅蘆白暮江天閨中夜夜南  
樓望明月光中霜滿川

夢游靈巖

欲問名山未有時忽於清夜入相思身飛蒼翠數  
峰內看盡梅花香海奇

湯沐

沐宇天邑允繩子縣諸生少有文名試輒冠軍與

兄聖弘研席相依嚴立程度午夜分燈洛誦悠然  
命題構義各出心裁議論証據古今鏤鑄經史雷  
同勦說之流望而卻走時有難兄難弟之目其傳  
世者有五湖賦未園詩雁字詩澤畔吟來鶴莊倡  
和集響往集遙和集等刻

同子寧過夏氏山莊訪颺公

避地同西來野處將一月不離數里中山水路各  
別今始渡河去遠訪幽人宅入戶猶見山滿庭皆  
落葉視我水田中所寓較清絕一見設樽酒相憐

七十二舉

東山  
湯氏合編

卷三

同在客言笑無幾時蒼然來暮色歸路寒烟生草  
光如水白

買舟同子寧西行

已是他鄉客飄零更遠行半帆懸暮雨一路聽秋  
聲偕隱此時事臨流無限情那堪回首望戍火隔  
江明

雨泊葫蘆套

浮家凡數口飄泊在河干漸覺秋衾薄何堪夜雨  
寒放愁無處可行路果然難不及逃名者烟波抱

一竿

菊影同吳不官

別是東籬種相看竟宛然有無燈下夢空色畫中  
禪面辭秋仍在尋香夜可憐小窓人靜後消得幾  
回眠

雨夜有懷次郊

日日閒眠只小樓近來蕭瑟似孤舟半簾霜影連  
青夢兩地西風一夜愁無事時非專屬雨有情人  
自不宜秋相思未得相逢處幾欲從之賦遠游

七十二舉

東山  
湯氏合編

卷三

鴈字

不與人間紀姓名御風遠遠入秋清偶然飛翰曾  
無法如此行文定有情簫史樓前追鳳跡仙詞天  
上和雞鳴近來烽火知初息陣陣南歸盡墨兵  
戲海經年跡未空遠依霜影下西風家於蘋末能  
摘藻文出蘆中可送窮瘞筆塚高寒自早支機石  
近巧應通莫愁佳句無人和秋葉題殘樹樹紅

庚辰孟夏七十初度呼懷

索居失記種松年蓬萊遺民舊葛天雙屐遊閑猶

未倦一筇扶老漸堪憐每慙都講皆高座別構幽  
棲僅數椽綠野既多留咏處白頭仍有讀書緣百  
年山館荒三徑五世江城受一廛懷土牆東原可  
戀望衡閭左未為偏石欄小院時重葺花蔓疎籬  
歲再編桃葉峰奇吟信宿木瓜河近釣清漣

縣南有桃

葉山治浦一半區更稅長干宅十畝分畊直賣田

幾歷播遷還自若才完婚嫁已幡然嘯歌不廢容

安處聞達無求幸苟全庶老乞言方負愧野人學

禮獨從先陶家酒任諸男侍伏氏經難愛女傳隔

七十二峯

東山  
湯氏合編

卷三十

巷漸寬移竹地為園終乏買山錢烟霞物外營愚

谷樓閣空中繪輞川

向刊有未  
園詩百首

行嘆江河將愈下

閒驚歲月更頻遷林泉偈和虛裴迪縫掖編摩老

服虔養性豈知儲上藥論文私喜擅微權一囊削

稿吟偏遠數卷張燈坐益堅退筆時盈開士甕衍

岐日費麗人箋異書絕少猶思借艷曲難工偶解

填曉晚壯懷徒自負辰良高會總宜捐清供八夏

惟櫻笋雅集歌風勝管弦芳樹惜春三月後淡杯

戒自十年前枇杷計日來初熟芍藥婪春開尚妍

陋巷豈堪停客屢深居安用肆賓筵分曹大斗群

祈酒長跪中堂早布氈簪響貫珠室纍纍多儀束

帛愧芟芟紛來長物陳有核妄發諛言頌倖佗遙

念牧廬終雜還豫思泛宅暫留連溯游地可經旬

畢偕往人先數日延秘笈載消瓜步雨輕尊攜醉

石帆烟長堤清蔭無非柳兩岸香風半是蓮仿泊

漁歌漁父乃橫江鶴影賦翩翩行庖蓄旨如拳栗

分甘結項鰈水通人勞還運甕陸居屋小亦

牽船書郵尺素猶爭訊茶竈樵青屢缺負讓席多

七十二峯

東山  
湯氏合編

卷三十

年推馬齒看山幾處卜牛眠壺鹽自信能知味文

字同叅偶問禪黃面頰殘翻遠道

謂不庵有  
燕山之行素心

耆舊半重泉少微明獨占難老脉望逢方許學仙

文債閉門聲剝啄鄉思隱几夢潺湲誅茅故宅歸

乘屋鼓枻澄湖憶扣舷舟里移居非瘠土龍威授

簡有真詮衡門世幸詒騷雅孺子家才具索鱸染

翰窗西漸野鶯篝燈天際詫風鳶三更夜課冷仍

授十里秋尋履易穿寄跡梅梁搜斷碣靈烟橘社

訪遺鈿雁頭香焚沈波擷雉尾冰蓴冒雨寒思往

日空勞寤寐待來年去更迴旋從吾所好尤加意  
與世無爭久息肩北固勝遊欣再到西泠舊約恨  
全愆鱸蒸藥露皆分餉泉響松風每自煎病叟采  
真時既晚細君繡佛願能專避喧同欲投林壑却  
老誰為煉汞鉛宿瘵豈惟目眇眇浮名繆譽腹便  
便謀生計未營三窟杜德機全效九淵函谷五千  
期口授揚州十萬笑腰纏送寒不覺過芒種對月  
吟  
下弦佳節又增長命縲賤誕去年廼公重  
註養生篇娛閒雜社何妨續偕隱南山豈易聯邊  
七十二峯  
足徵集  
東山  
湯氏合編  
卷三十  
十一  
暮賞音殊落落妙年傾蓋盡翩翩同舟媿我非元  
禮倒屣何人可仲宣蓬戶高軒無肯過草堂敝榻  
任常懸蛩然地竟如空谷耄矣經還守太玄三豕  
漫讎心倍暇五禽頻戲病宜痊庭花細品分榮辱  
家釀先傾辨聖賢舞彩稚孫誇虎跳襲芳老友惠  
龍涎長腰永晝炊香稻半臂薰風減木棉強飯漸  
須煩祝噎放生久勸罷烹鮮鋒銷談藪經年默藻  
秀文園屢世沿手澤既多方再讀心聲長在喜皆  
鐫嶽游不復邀禽慶市隱空知羨計研浪抱虛聲

雖可笑猶存故態却非顛鄙言聊藉芳辰發晚境  
原無俗累牽林屋過歸如有日終期送老白雲邊  
湯學修

學修字右茲天邑子縣諸生

送沈龍文歸洞庭

握手臨歧各黯然澄江門外附吳船絮飛夾岸隨  
風日麥秀輕寒欲雨天沽酒醉看京口月烹茶香  
試惠山泉飄零十載成孤往仍守湖山舊硯田

湯鑒聲

七十二峯  
足徵集

東山  
湯氏合編

卷三十  
十二

鑒聲字懋昭禹傳子寄籍江寧為諸生食餼貢入  
太學

桃花磧社集壽吳餘生

碩人肥遁耽適軸磧有柰花墻有竹暮春已將春  
服成冠者真同三五六披襟長嘯春日高廣庭時  
見風蕭蕭蘭亭所記無多字彭澤臨文感二毛座  
有吳剛推上客晚骨但爭塵一隅只今八十如四  
十詩癖酒狂俱破格共說此翁殊可怪我冠長袖  
風塵外定知曾服紫華精顏色年年如少艾

集環翠樓和蒼舒

綠野春相問蘼蕪曉更妍花邊鴻鴈舞竹下麝香  
眠島色開三徑波光媚一天玉樓人盡醉歌管送  
歸船

湯國璟

國璟字含章禹傳之孫

允錫持紫眉桃源山莊詩索和次韻

踏遍迴廊倚遍闌登樓指點翠峰巒悠然清韻無

處風過蕭蕭竹數竿

七十二峯

東山  
湯氏合編

卷三十  
十三

落紅滿地點芳茵高下亭臺無限春魚鳥會心皆  
得趣桃花私語避秦人

夢

當時幽恨已成塵何事宵來枕上頻雖說百年渾  
是夢卻嫌此夢最傷神

湯齊

齊字士先號省齋與聖弘天邑族兄弟行也壩麓  
協應世艷稱之壯歲歷遊趙魏燕代之區訪勝國  
之遺老撫日下之舊聞著述甚富晚年卜築謝公

嗜學不倦好問益勤嘗言世間名士詩文暮  
年動見羸疎豈真老而智荒才盡歟緣以名成願  
就心自滿假不復讀書求益于人人亦無敢有以  
益之者於學問二字遂無進境可慨也時以為名  
言著便遊草數卷子莘農手錄藏於家

和王江栖同顧日昭程子介過訪山居韻

晴巒聳翠黛秋爽乏烟瘴同步清涼山眉襟愜朗  
暢日月如弄丸平生屐幾兩長嘯天地間渺渺無

垓壘塞雁避祁寒迴翔盡南向自笑禪中虱遊歷

七十二峯

東山  
湯氏合編

卷三十  
十四

殊不廣君稱八斗才四海共聞望曾期偕二仲執  
杖隨元亮未兆非熊夢釣渭仍高尚弗禱允安康  
自是壽耆相贈我瓊瑤篇句穩調新剏把讀忍釋  
手蠶浮盡滌盪品格誰與儔當在魏舒上披卷婪  
意可時忽理脩况晤對春風和恍若飲醇釀枯腸  
強賡酬小巫不知量每嘆足疾發相思但神往東  
園芙蓉花一醉驅骯髒歸途過竹院方外訪雲浪  
登眺未逾時斜陽下孤嶂

題金我白松間小照

我昔客金陵嘗遊靈谷寺十里蔭古松樹樹有奇  
致天矯龍拏雲飄揚鳳展翅直則翠參天偃或枝  
垂地影交泉石間聲作風雨至今日偶披圖筆筆  
儼相似君有貞白風置君當在是

### 迎水寺

萬峰回夕照清磬隔溪聞松老六朝寺僧栖一嶺  
雲菊英霜後歎柏子佛前焚欲問西來意風吹碧  
浪紋

### 話別

七十二峯

東山  
湯氏合編

卷三  
十五

憐君同作客寒暑共勾留話到明朝別相隨可自  
由梧桐低落月蟋蟀亂鳴秋山色渾如昨何堪獨  
倚樓

### 次答馮夔宣留別之作

出城三度送幸賴石尤留葉落瀟湘冷猿啼夾嶺  
秋已行重把臂細語立江頭此後存餘想題詩記  
酒樓

### 酬王十三季銓

十載長安笑浪遊故交猶憶醉江樓江邊漁火遙

分照牀下蟲吟忽報秋參破楞嚴空白日鍊成鉛  
汞老丹邱多君念我無家別每寄新詩慰旅愁  
再泊燕子磯

### 遊覺山寺

潮平一舫泊磯頭謾謾風生葦荻洲海月升沉三  
國恨野花開落六朝秋驚心遠水長天接轉眼群  
山一望收幾度臨流嗟雪鬢此身還似片雲浮

渤海黃雲片片來千巖奇秀簇香臺關當塞北長  
城盡日送天南一雁迴擬向高樓依旭照偶行幽

七十二峯

東山  
湯氏合編

卷三  
十六

運惜花開寒風謾謾松濤起屈指興亡實可哀  
潘秀之招飲李氏園風雨大至漫賦

宛如畫舫繫楊枝水面亭臺避暑宜每對林巒晴  
卻好那知風雨景尤奇天然一幅南宮筆配就七  
言西子詩不費主人相勸飲畏寒轟飲未常辭

七十二峰足徵集卷三十一

武峰吳定璋友篁菟錄

括蒼蔣 岑文肇編訂

顧 綬

綬字子印武山人嘉靖甲子舉人辛未進士仕至北直順德府知府

常山訪隱者

入雲出雲雲滿足上山下山山滿目山中高士坐

高樓自著奇書還自讀應門不見三尺童迎人翻

七十二峯

武山  
顧氏合編

卷三十一

有千年鹿忽聞清嘯自天來令人想見顏如玉

塞上謠

大將軍誇善戰欲闢西南爲郡縣桓桓衛霍統三

軍誓驅天馬歸畿甸地苦寒歷冰雪南國征夫行

不得敵騎偏于此際強憑陵殺氣摧鋒鏑待得輪

臺悔已遲髑髏新舊同山積得陰山何足補叛伏

不常難恃武君不見中原不是無田畝只少畊夫

開曠土

顧 超

超字子超才氣英發落筆千言能躍馬握槊與同

里陸將軍鳴皋並具文武才鼎革後栖栖無歸間

關入粵久之寄詩一卷與山中故舊後不知所終

明詩綜云當崇禎之際吳俗談詩者多惑於楚人

之咻以空疎蕭寂相尚若子超之出入經籍卓然

群雅之遺

遊仙三章

浮華不足恃未免成衰顏念念惻深衷令我懷神

仙瑤花委弱水談笑輕千年安能徇世教與物同

七十二峯

武山  
顧氏合編

卷三十一

推遷遐心渺何憑散髮凌高烟

神龍齋尺木高舉登天符蟋蟀轉圻內有飛昇

途我生具靈骨寧肯終歸蕪丹書未遑籍眼底同

凡夫返顧彼二蟲憂心不能無

鯢鯨不游網鸞鳳不受弋真人穆淵抱下士焉能

測仲尼居九夷老聃涉西極宇宙非廣居日月漸

偈仄肘後生雲雷我駕用可飭

幽園四首

幽園萃暄氣莫不懷芳香艸色藹時雨禽聲悅初

陽欣彼風物暢潔我春衣裳游樂須及時蚕月期  
條桑  
時禽輟幽響已知微陰來林風下殘籜梅雨滋新  
苔晨趨東臯作夕飲南窓開深心委畊鑿外此罕  
餘才

涼颼散高宇衣薄思裝綿舊穀日云匱所希在秋  
田築場戒陰雨納禾異豐年輸公或恐後未敢以  
私先

杪冬風景晏歲事亦云闌舉觴話鄉曲陶然盡餘

七十二峯  
足徵集

武山  
顧氏合編

卷三十一  
三

歡設非勤播殖何以勝飢寒當思古人心所愧在  
素餐

消夏灣

西施殉五湖艷骨無人贖天將一片壁瀝怨蒼山  
曲夕月照不渝暄風盪成漑有時雙魚出吹響千  
絲瀑香發菱芰紅鏡洗芙蓉綠島樹旣霏微臯蘭  
亦繁縟我來暑雨後衆色洵堪掬宛乘瀟湘雲揮  
弔蒼梧竹豈惟敵朱夏足令賤黃屋盡槩秋泠泠  
至今恨歸速

龍渚

紫海珠作官方壺玉為膀不治金鐵舟世人何由  
往蛟龍走如絲雷電縮於盎高授青翠巢俯塞珊  
瑚網馮夷仰面啼濡足不敢上我欲呼巨靈玲瓏  
納諸掌

煉藥洲

黃鶴委羽處雲浪高千尺聞說采香人時逢弄珠  
客磯頭燕麦青鷗背漁天白陰火燃積砂迴風響  
秋碧一棹尚可浮三返殊未夕

七十二峯  
足徵集

武山  
顧氏合編

卷三十一  
四

葑山亭

鶴艇蕩鷗沙遊人在空曲年年采香處露冷蘭若  
綠憶昔風雨中高窓幾回宿

桃花棧

天桃兒女花種者恒仙家或云甘其實能令顏色  
嘉我從谷口入遍視皆丹砂恍若臨海嶠飽嚼曾  
城霞因思秦人峽斯樂同無涯行當載鷄犬稅地  
栽胡麻

張祐別業

寂寂巖前花香散春無柰當年作賦人啼笑生秋  
籟抱犢溪澗中尋僧水雲外天子不見收名交竟  
何賴留得艸青青相傳作書帶

鄭駙馬墓

南國錦織愁花艸春如剪要裊女蘿叢陰風落紅  
蘚非無十畝宮漸逐耕犁轉石馬嘶入潭金蠶不  
成繭夜半玉簫鳴君蒿發悽泣

入雁宕山

五岳摩肩青二我倚眉碧豈知甌海滋玉笋高逾

七十二峯

武山  
顧氏合編

卷三十一

足徵集  
額水走珠百盤峰歌翠千戟時於峭削顛忽敞穹  
窿壁我從華頂來穿穴猩廳宅濯足雁湖濱天門  
正潮白龍雷與雁雪一月勞喧赫遠呼崑邱觴洞  
酌滂池液斗柄近可操星河豈難席遲留帝闕旁  
恒恐動呵叱歲暮旋出山水高馬難策琢句非玄  
文聊以謝海客

釣臺篇

沐猴乘火弄禁鑰竊得黃袍顛倒着當時殿上狐  
鼠流錯認新宮是長樂豈識中原隆準公方與先

生笑成畧一朝雷電掣雲起奪轉赤龍受命璽事  
平豪傑爭論功惟有先生獨洗耳羊裘夜寢龍樓  
熟足以忘形加帝腹無端太史早饒舌深愧牛衣  
艸間宿先生可友不可臣依舊釣魚還富春空留  
一片桐江石千年氣骨高嶙峋

寒夜曲

霜月皎皎睡未能醉眼莫辨光稜增紫梅吹破蘭  
窓雪翠竹憂斷風簷冰琉璃凍碎胆瓶裂漏水膠  
殘銀箭折簾鈎多事鶴無聊四壁清音幾曾絕西

七十二峯

武山  
顧氏合編

卷三十一

足徵集  
隣美人間金屋綉被錦纏半床玉金爐火滅難再  
溫不怨天寒怨獨宿兩心相隔無路通一夜相思  
空熱中安得東風早吹拂先傳煖氣入房櫳

四皓祠

避秦不逐桃源行藍田紫芝龍可耕安漢不血咸  
陽兵劉家小兒羽翼成阿翁起歌阿姬舞目送歸  
來何處所豈無鳴鳥向人啼從此商山非樂土相  
將結伴辭函谷泛楚浮吳入林屋留侯常托赤松  
游安知不借巖前宿時人不及古人深競說仙翁

那得臨賴有山茶花一樹獨傳信史到於今

東村

包山名勝聞九州可以卜居非一邱昔人競誇西  
蔡麗子來獨愛東村幽梨紅柰紫櫻桃赤雨後落  
花紛五色腰鑣手甕鮮游民出入無非灌園客桃  
源去俗僅一塵孤花片水猶迷人此間高峙浪千  
尺無怪從來寡問津

林屋洞

七十二朶青芙蓉冰絲玉藕何玲瓏靈威丈人竊

七十二峯

武山

顧氏合編

卷三十一

七

書處日月一線穿鴻濛幾回闌入巨鰲腹始信大  
地皆虛空幽憂窘仄牆魅黑忽底快霽星霞紅甲  
窗丙竇三十六一一倒影重樓中黃流自昔走銀  
漢此去或與咸池通山經水注隘管見畏足不越  
峨嵋東歸來沐髮倚翠樹落筆惟恐驚蛟龍

蝦蟆嶺

嶺南匆匆憂日昃嶺背瞳瞳驚曙色五牛不糞千  
黃金誰人認得魚鳧國三巴水字天上流七襄星  
文石上織車箱箭括飛鳥遲鈎棘盤藤蟻行澁上

如迎風入峽舟三朝三暮歌黃牛下如龍門初放  
溜鐵獸到騎犁向後髯奴老婢誰家無昨日大姨  
今小姑身微力薄筐篚重不待猿啼淚已枯吁嗟  
乎登天門下天井衆鼻峰蝦蟆嶺

鴛鴦松

雙松一字誰栽植記得當年隔三尺枝高葉密漸  
有情兩根願作同根生上巢青鸞下棲鶴翠毛金  
粉空中落風流思唱合歡詞相思藤鎖連環索鴛  
鴦比翼松比枝有知不樂樂無知還期譜入迴文

七十二峯

武山

顧氏合編

卷三十一

八

錦遍寫綢繆寄所思

洗馬池

宋鄭駙馬鑿在永福寺西民園中

荒藤古巷隔行轍夜半嘗聞馬嘶咽山農燒竹無  
處看里巫澆酒終難滅豈識秋潭十丈冰當年盡  
是驂駟血自從闌入屋園中搗練惟聞紅袖妾柳  
絲牽斷障泥錦莓苔蹴碎連錢鐵梅花梨花照夜  
白露桃影裡胭脂赤安得青天雷雨般撒去藩籬  
空四壁

翁光祿園

玉壺風露秋粼粼是誰繡出扶桑春迴文闌干落霞色結綺樓閣凝香塵天鷄拍浪星河曉海市虹梁晴皎皎呼猿峽裡長壽藤落雁洲前返魂艸昔年光祿盛風流翠島金潭恣妓遊閨殘宿艸禽爭拾折得新花蝶共留青華仙人綵雲曲紫鸞吹入蒼梧竹織成錦字喚不回芙蓉城上秋烟綠君不見西山木石有盡時勞勞精衛悲難贖

鄧尉觀梅

吳國梅為市遊人寺作居每於燈火際忙到杏花

七十二峯

武山  
顧氏合編

卷三十一

九

初粉巾西施剗歌翻郢客餘東風吹醉骨無力上籃輿

有懷

有懷南浦上揮手意何如春又將三月君還無一書艸堤香蹀馬花澗暖生魚對此邀歡日那堪正索居

高峰寺

澗花通一縷石罅見炊烟亂竹穿高瓦垂藤溜遠泉僧能分榻話佛許對床眠竟日無行跡予來亦

偶然

靈源寺

入谷不期遠逢僧聊問禪藤穿深澗石松滴斷崖泉夕梵聞螺吹風燈接鳥眠疎窓留茗處瓶杖自蕭然

福源寺

數僧能食力課畢事耕鋤葺筭箬囊山果梯藤摘澗蔬鉢傾龍去後燈散鳥歸初始信偷安客從來學道疎

七十二峯

武山  
顧氏合編

卷三十一

十

碧螺峰

玉屏抽一笏不與衆峰齊雲氣半居下波光全在西路盤潭翠密天隘石門低更有難登處重來須杖藜

錦鳩峰

尺土存姬姓荒邱半鬼鄰可憐松下骨猶說汴梁人鵲雨鳩晴候鶯花燕麥春不堪寒食近野哭動經旬

射鶚山

樵采不經處路尋黃葉初豈惟人跡少併覺樹杪  
踈石頰狐敲火祠荒獺祭魚青天與海鳥弋者欲  
何如

鷄山

荒塍經斷曲不下武陵間近看南湖水還同西塞  
山鷄般通野舫塔火照漁灣無數游仙客問津殊  
未還

鹿飲泉訪雲鴻上人

挈甕尋高隱名泉亦所思樹陰籠屋遍岩曲到門

七十二峯  
足徵集

武山  
顧氏合編

卷三十一

遲清楚聞蟬鳥幽踪見鹿麋篆香蕪茗話相對輒  
移時

紫金庵

山中幽絕處當以此居先綠竹深無暑清池小有  
天笑帝羅漢像文字道人禪最好梅花候高窓借  
過年

庵中十八羅漢像  
乃邱彌陀手增塑

送鄒舜五遊越

霞標何處尋鏡裡過山陰一路丹青色千溪翠筑  
音艸明知海近花暗覺春深若遇雲中客同歌采

藥吟

牆內梅

牆內春多少高枝已破椒粉憐偷一面香恨鎖千  
腰不放短車入空拋長袖招東風吹去水立馬正  
無聊

落梅

玉碎誰珍惜林寒夢自知斷香無焰處長笛有聲  
時淚梗冰千筋魂抽月一絲風疎春不管何處寄  
相思

七十二峯  
足徵集

武山  
顧氏合編

卷三十二

牆頭杏花

病起梅殘候寒疎閉戶時誰將洗裙水洒上出牆  
枝行客自緘恨美人焉得知何難分一瓣不教北  
風吹

過聯珠隘

畏途無健步回顧僕夫頻空有傳餐客曾無擊柝  
人濕喧藤峽內花繁石天春明日郴山路行將訪  
列真

送葉羽遐游天台雁宕

籠中日月隘難栖又捲霓裳上紫梯仙問玉潭花  
窈窕雁呼金嶠瀑高低紙書欲附三清使洗屐常  
憐五色泥稅得名山先種藥願將鷄犬一同攜

登縹緲峰

咫尺何難問玉京參差星殿樂齊鳴洞虛日月窺  
巴蜀地拔荆蠻上太清四皓有踪誰繼躅五湖無  
定亂呼名峰頭鸞鶴紛堪跨自愧銀笙學未成

能仁寺

黛墨霏微耿夕曛疎鐘清楚隔烟聞僧穿鳥道巢

七十二峯

武山

顧氏合編

卷三十一

十三

香雪客竚龜趺讀薛文龍未可馴松負氣羊堪留  
牧石呼群攜舟放鶴當年事襟被于今半水雲

伍相國祠

鬪饅啼夜雨如毛熱血吹紅八月濤門外舳艫吳  
沿濶眼中壁壘越山高犀燈照出波傳警風馬騎  
歸樹擁旄賴有菱歌能雪怨不須重讀楚人騷

山居元旦

湖上春風不住家禪居最喜似天涯烟痕綠動千  
岩艸日氣紅添半壁霞鏡拭曉窓看舊髻瓶分臘

水插新花山僧與我同無事但蕪名香論法華

出隘關嶺

箭括高撐鐵色寒往來人作劍門看地難駐足岩  
前濕天可舒眉閣外寬蜀鳥叫回春夢易離騷讀  
罷楚遊難賈生有淚原無幾彈到長沙血已殫

九日蘓仙山

九鼎方殷覆餗憂仙翁藥散有誰收空多朱艸能  
燃夜不見黃花可鑄秋邀我步虛笙鶴過尋僧說

法鉢龍游年年落帽成狂醉腸斷今朝獨醒游

七十二峯

武山

顧氏合編

卷三十一

十四

花朝過孫泖漁山人墓

山人名鼎徵華亭人以丹青詞賦著名崇

禎癸未客死永嘉明年冬旅葬臨海城北

二子安期榮期詩畫皆精人比之小米廬

墓不歸

夢破無憑怨曙鷄夜臺寧少客同栖篋書自閱留  
封禪旅葬誰從議表題血燼一番青艸後淚波三  
折赤城西風花不管啼鴉急空倚斜陽問路迷

宿夜雨閣

碧牖深沉蔭影間禽魚自得主人閒水烟吹濕郭  
西渡松翠點昏城裡山幽館聽歌船泊岸隔林移  
火寺門關一天星露殘更月咏遍涼風帶酒還

永嘉和楊龍友少司馬誕日詩韻

別館疎花覆野灣不容閒處暫偷閒酒兵已壓元  
黃戰棋壘空高黑白關莫唱鷓鴣愁衆客且聽鸚  
鵡罵雙鬟家鄉望絕雲山隔欲去還愁路梗頑

再呈楊少司馬

避難徒留髮未刪問天何日得生還無家漫咽蘆

七十二峯  
足徵集

武山  
顧氏合編

卷三十一  
十五

中唱有血空澆竹上班已自畏居多亂世與誰同  
入最深山桃花樹底松花飯共住衡茅一兩間

瑞屏太史招遊羅浮山是日林言臣孝廉偕

令姪梅生置酒雪鑑山房

玉甌潛吹五嶺烟朱陵夜樂幾絲懸不從桂樹能  
招隱亦有梅花可記年客偶聚游成曲水鶴嘗飛  
出是青田莫愁歸棹江天黑正有中流塔火燃

寺夜有懷

團扇迎涼怨未休尺書裁就獨絨愁青虫飛破綠

窓兩白雁叫殘紅稻秋病裡看山惟落葉夢中尋  
客亦登樓離騷素不輕開卷今夜張燈讀遠遊

梅花

香雪伶仃瘦莫支玉壺冰滿漏遲遲寒生紙帳春  
多夢影過銀屏風倒吹遙憶斷橋無月夜最憐蕭  
寺閉門時梨花白燕空惆悵前後相思兩不知  
凍碎玻璃片片冰珍珠簾外雪層層飲教月落重  
開閣坐到星殘不用燈谷口去年曾送客嶺頭今

日又逢僧江山無限留情處幾欲攜家竟未能

七十二峯  
足徵集

武山  
顧氏合編

卷三十一  
十六

紅梅

艷質情根自一家赤闌橋畔月痕斜夢酣斗帳裙  
留血醉倒瑤臺骨染霞簾散曉寒翻絳雪庭空秋  
水浸丹砂一枝若得遲春暮肯羨桃花與杏花

鄭女冢

鄭駙馬墓在西金山下駙馬有女示疾不  
嫁舍身為尼名寶齡葬于山中

自湔金粉割紅絲桃杏無顏五百年晉日尼師飯  
白佛唐家貴主事金仙春寒宿艸猶迷蝶露濯空

桑欲化蟬幾處禁烟人涕泪玉棺風雨但聞鵲

再過頭陀橋

憶昔維舟怨雨昏無從沽酒醉蘆村今朝橋上聞  
來往飛絮游絲更斷魂

無題

看花失伴路重迷姊妹歸來怨不齊遺却鈿蟬何  
處覓明朝尋過畫橋西

葛震甫先生故居八絕

吟壇

七十二峯

武山

顧氏合編

卷三十一  
十七

吹皺天光滴碎秋一池梧葉露香流巖花不減紅  
棉色但少仙翁載筆游

篠園

玉塵風生籜滿林翠涼搖落水窓深孫登別去千  
峰夕半壁空傳鸞鳳音

古桂堂

招隱巖高過客稀犀紅吹落九霞扉青苔蝕盡屏  
間字惟有神仙墨影微

艷雪齋

青瑣紅簾儼畫船蒼藤如纜坐堪牽宵來謾謾松  
風響細聽還疑水上眠

晚香亭

竹粉蕉黃次第新綠窓清話已無人深深石溜疎  
疎雨落盡山桃是暮春

巢飲閣

一龕佛火四窓藤鏡裡湖山樹幾層猶記峨嵋僧  
借宿許陪茶話夜同登

明月軒

七十二峯

武山

顧氏合編

卷三十一  
十八

玉盞金莖滿座光胡麻白袷月如霜西園賓客多  
才子作賦還須讓謝莊

尺木居

孫桐稚竹滿庭蕪帳底蘭膏燼已枯留得敗窓蟲  
穴破涼宵風雨自呶唔

顧元

元字履仁子超之族北京禮部儒士贅壻真定遂  
成流寓

迷懷

身未泛星槎誰為識河源陋彼區中士難尋海外  
言不明消息理天地亦丘樊鳩鵲抱枋榆鹿豕守  
林園盛衰路上跡富貴浮萍根登隴望故鄉白楊  
亂黃昏秋霜殺百艸延佇成銷魂時命諒有托嘯  
歌心弗煩

苦寒

日色淡復隱風殺自西飛古屋聚寒氣凜凜薄我  
衣衣無屏藩功如刀刺孱肌爐火卒不溫濁酒誰  
調飢杜老苦寒行誦之發歔歔

七十二峯  
足徵集

武山  
顧氏合編

卷三十一  
十九

酬友人索和之作

梧竹蕭疎映檻前閒分靜課送流年小兒棋賭青  
山墅老子經鈔赤壁仙

坡翁詩不覺年來六十餘五千道德手親書

雲拂袖攜鉏

藥鏡雪蒙頭放探梅船引商自寡陽春和虛擲高  
人金石篇

顧輝祖

輝祖字順甫東山人工詩文精篆楷為南京禮部  
儒士崇禎壬午容臨清州遇暴兵至被難著有東  
山集漫遊稿皆散佚其曾孫紹愷綴拾于敗笥蠹

簡中得詩二十二首錄其九以登集未足以盡底  
蘊也紹愷字景康仰承家學性喜吟詩嘗記其望  
廬山云青分五老頂高障半邊天曉發龍江云推  
蓬看月落欹枕聽江聲病中友人贈梅云歲寒宜  
伴愁邊影清瘦渾同病裡身登黃鶴樓云芳艸晴  
川原歷歷白雲黃鶴思悠悠皆清俊拔俗可以步  
武前徽故附及之

偶步城西愛其幽寂留坐久之

偶來城西路幽寂堪停足竹樹陰蕭森一徑沿溪

七十二峯  
足徵集

東山  
顧氏合編

卷三十一  
二十

曲野花色自妍好鳥鳴相屬市遠人跡稀滿地苔  
痕綠世事多紛華澹蕩我所欲優游半日留儘可  
散拘束心境兩閒清翛然出塵俗

春遊

陌頭春正好緩步趁東風曲徑穿花入芳園隔水  
通烟光迷去鳥艸色殢遊驄轉盼饒幽趣行吟興  
不窮

不寐聞歌

欹枕愁難睡挑燈檢舊書隣家偏度曲清夜更何

如悲咽隨風斷淒涼落月初琵琶淚司馬今日信非虛

踏雪尋梅次席磐石妹丈韵

踏凍尋梅去頑心未脫孩小橋橫斷磳殘雪掩蒼苔冷落何人賞幽探獨我來春風猶未及已見一枝開

翠峰松逕為洞庭十景之一今僅存數株聞欲伐修官舍感而賦此

蒼髯想見昔年多滿塢晴雲翠作窩落落空山今

七十二峯

東山  
顧氏合編

卷三十一  
二十一

幾樹那堪重賦憫松歌

王文恪公有憫松歌

雨夜泊京口有懷家園海棠

燈火千家夾岬喧孤舟趺坐淡無言斜風急雨敲殊惡兩樹紅芳憶故園

吟風岡晚眺

秋山閒眺坐吟風衰艸斜陽極遠空紅樹白雲看  
不盡恍疑身在畫圖中

寄永州司理萬元吉

尺書望斷楚天雲始信衡陽少雁群烽火傳聞猶

未息何時尊酒共論文

中秋無月泊清江浦

雨勢風聲早泊舟黃河渡口過中秋嫦娥似解離人意閒却蟾宮不照愁

七十二峯

東山  
顧氏合編

卷三十一  
二十二

七十二峰足徵集卷三十二

武峰吳定璋友篁菟錄

西峯蔡奕璘明時編訂

周琬

琬字廷玉東山人

題淵明圖

晉鼎顛危不可支秋風歸去棹遲遲先生自是知  
幾者束帶寧慙見小兒

周宸

七十二峰

東山周氏合編

卷三十二

宸字玉屋號復菴少喜吟咏自寫性靈於歷下竟  
陵之習去之若浼吳日千稱其不藉典故爲餽飮  
不假虛字爲姿態取詩於天而不取詩于人者信  
夫

詠史之二

伯奇履朝霜正則投清汨忠孝反見疑微軀捐倉  
卒悠悠河水流抑抑孤思發蘭芷豈能好芬榮已  
銷歇子輿命世賢毀者言三接樂羊乃得君誨書  
猶一篋自古畏讒人中懷忽如結青蠅滿籜棘將

子無離別

廬江有毛義漢末稱名儒伐檀清漣濱久與利祿  
疎一朝府檄至歡然入庭趨微官寧足榮頓使顏  
色殊賢者固莫測祿養爲親娛幸有老母在行藏  
何必拘

古意

桃花復零落春草似愁多相望不得親夜夜如星  
河本是可憐人辛勤事機杼又被風吹來一片黃  
鸝語

七十二峰

東山周氏合編

卷三十二

贈孤松上人

孤公出世士乃復在人間流水不知去礪雲相與  
還今年七十二遲我松之關初月生已迫清暉滿  
西山

桂巢

家義先屬賦

吾翁負高致結宇東山陲避地有真境衆人殊未  
知白雲來戶牖綠竹環堦墀千古豈不樂一瓢良  
在茲庭前碧玉樹花開正滿枝穠華世所重詎學  
桃李姿如何念搖落芳菲猶及時歎息不能去悠

然懷採芝

虞山老子廟題壁

南山千歲松天矯龍之姿石上水流出空中雨不知桃李故有花灼灼臨前池零落亦可惜榮華曾幾時

君馬黃

君馬黃我馬紫下馬飲君酒雨來風不止邯鄲遊俠多少年紛紛意氣知誰是君不見脫穎毛生最絕倫楚兵西出已無秦雖然門下三千客尚數區區

足徵集

周氏合編

卷三十一

區十九人

梅妃怨

桂海千山分百粵日邊已近芙蓉關璇宮綺閣有餘清琢玉為人冰作骨自閉長門弗復春珍珠一斛半牀塵昭陽歌舞今安在如此蛾眉亦誤人古來失意不相保邊塵西入長安道只有君恩誰最淡馬嵬山下生青草借問東風第一花可憐飄泊委泥沙年年寄得春消息弱水灘頭更妻家君不聞龍璫已入羊車轉暮雨朝雲尋不見一曲霓裳

獨未知春宮月出花如霰

野眺

秋原盡衰草日暮多浮雲歸牧出寒藪征鴻鳴落暉土城因海設天路及河分九月青門道蕭蕭木葉聞

龍渚

混沌去已久紛紛或妍媸我來北山日况復西風時名物從想像烟雲發容姿願言水清淺更泛蓬萊池

足徵集

周氏合編

卷三十一

孤鴈

孤鴻來塞北萬里下浮雲世上寧知我山中正憶君此生終遠去何處已先聞落日南征外飄飄更不羣

鶴

縞衣獨立是仙才石徑逶迤長綠苔珠樹露濃霜欲結瑤池水滿月初來微茫島嶼家難問澄澈遙空路自開一去無煩更回首人間城郭不勝哀

虞美人草

荒原草發霸圖空不逐春光入漢宮  
總為興亡朝露裏自從開落暮烟中  
血應化土傷心碧人亦如花薄  
命紅最是陰陵終夜雨杜鵑聲已過江東

微香閣

微香閣外據諸峰一片晴波夕照中  
野老歲時多暇日僊人來去自凌風  
如遶短笛蘆花白欲過前村樹葉紅  
歸思已深山路杳雁聲嘹唳落寒空

賦得僊人樓上鳳凰飛

半空簫管五重臺絕代應逢不世才  
天上有河秋

七十二峯  
足徵集

東山周氏合編

卷三  
五

始度人間無路月能來鳳凰每向梧桐下  
翡翠紛從菡萏開信是仙家風景異參差樓閣接蓬萊

橫塘曲

欲知儂住處郎肯為儂來門前越溪水上  
有桃花開

松雨泉

有山還帶水無路不生雲何處來秋雨  
松間昨夜聞

送客遊齊

筆花零落劍花昏家散千金客去門  
七十二城應獨往知君不受孟嘗恩

宮人對鏡

長門無事曉生寒不似邢妃識面難  
自信蛾眉有人妬粧成只合鏡中看

早梅

踏雪衝烟路不分遙天一鶴唳層雲  
素心人住鳥衣巷忽見梅花又憶君

詠菊

七十二峯  
足徵集

東山周氏合編

卷三  
六

山青雲白野人家句冷香疎酒未賒  
猶有風流君不見半牀明月照黃花

空山寂歷淨寒暉盡日花前坐不歸  
疑有吹笙過月下纖雲片片落秋衣

周惟正

惟正字尚平號六虛壯遊四方馳驅翰墨場  
詩名藉甚年未五十便膠影湖山數息攝躬  
縹緲滿室朝嗽夕咏泊如也令子吉甫日修  
甘肫養志怡顏而趨庭受詩與阿翁走甕撚髭  
並極神境所著有

且存稿發性草久香齋集數卷沈朗倩稱其清淳  
妍淨如栗陸人閒廣寒花瘦非埃竭肺腸塵全面  
目可得窺其多際者

### 除地種梅花

梅含幽澹姿予亦秉孤尚苟一違所宜神色各沮  
喪緬惟閣之前隙地可尋丈榛棘易翦除籬垣頗  
蕭曠呼童把耒鉏戒日趨所向取彼白雲根置我  
青苔上明月移舊輝微風改新颺應無俗子來但  
可容疎放予有歲寒心梅花想淡諒

七十二峯  
足徵集

東山  
周氏合編

卷三十一  
七

### 孤鶴

以爾凌霄姿供人耳目玩其軀固可縻其中有深  
惋每視雙鴻翔漠然想雲漢予亦羈窮人喟然發  
三嘆對爾操南音孤桐出焦爨

### 著草

靈著五十莖變化天地小苟不得吾心莖莖是蒿  
草

### 楷木杖

五嶽汗漫遊十年志所向權輿於岱宗濟勝恐無

當貞木產聖林古意落巧匠筇竹徒虛心青藜遜  
堅壯得之形神舒策之筋力王意中無巉巖足底  
任空曠睥睨衆山雲行當出其上

### 捨身巖

懸崖高且深却立不敢踞身固有捨時此非捨身  
處

### 韓蘄王墓

將軍昔桓桓孤旅振衰祚江表滌腥風驕虜悔南  
渡苟克將軍志應不窘天步其如運默移偏安疾

七十二峯  
足徵集

東山  
周氏合編

卷三十一  
八

成瘡齋志歸下泉天終不西顧而今事銷亡空山  
只墟墓堂皇放牛羊榛莽窟狐兔牧豎說蘄王豈  
特穹碑故我來久踟躇悲風薄將暮封樹雖蕭條  
幽房尚扃固何如六帝陵竟抱髡奴嘯落盡冬青  
花千秋泣清露

### 題老子出關圖

青裘紫牛背素絲垂耳根交手握丹卷不離衆妙  
門特此欲何之無往道不存吾意抱關尹所留非  
至言

壬申元旦

百歲已過半今為後之初果然能滿百其半亦云  
除而况多病身安得不躊躇年少殊可惜浪擲居  
與諸譬彼春夏木何暇計凋疎忽如越驟驥誰能  
視馳車已往愈積累來茲轉憑虛念之動深衷大  
惑何時祛期頤固所願魁柄不在予大寶人之生  
令名德之興於彼捧盂水於此持衣袂此外吾不  
與造化其焉如且自進春酒騎驢休覓驢

贈施孝子

七十二峯  
足徵集

東山  
周氏合編

卷三十一  
九

吾聞有孝子立行獨淳至以身即親身分形始為  
二設苟無吾親兒身等虛棄所以母病時呼天徵  
靈賜慷慨礪霜刀捉肌試鋒利肉落色不渝烹飪  
正滋味含笑進吾羹怡聲啓親被一杯甫入喉沉  
疴忽如墜倘非誠格天皇天豈虛畀親病日良已  
籍籍耳斯事驚起握兒裾索瘢審真偽視之洵不  
誣崩肝塌心胃吾初舉兒身及茲豈容易爾今戕  
爾膚獨不念勞瘁割肉割親心詎曰養親志兒跪  
泣致詞母今且收淚訓詞匪不嚴兒誠昧斯義第

彼倉皇時奚暇復他計親肉還之親兒肉譬親寄  
一割何足云斯心動天地

臨水鳴琴

處獨既無悶清琴信孤嚴何以寫幽抱寄此十指  
尖一彈淥水曲當暑消朱炎荇藻忽零亂文魚出  
深潛迴風蕩玉軫疎雨飛廉纖三弄調未已江清  
波亦恬

喜雨

寂寂枯樺聲高低盡歡喜縱使賤妨農何人不心  
死

七十二峯  
足徵集

東山  
周氏合編

卷三十一  
十

守素折古梅見贈

怪柯拗折梁州鐵新香幻出峨嵋雪素豔生輝玉  
質清古苔錯繡霜膚裂混跡溪林人不知得君識  
拔方奇絕君不自有真好予此心默向枝頭結我  
今承以白玉壺孤踪可怨根株別玩之不足歌詠  
之眼皮欲倦詩腸熱梅花梅花爾不孤冰魂不隔  
羅浮月

和王益之秋山晚眺

氛埃如沐烟林清幽崖霏霏秋陰生新飛一雁去  
無跡雙瞳正射孤霞明平原獨立思無已看盡嵐  
光變青紫忽聽冷然發棹歌西風吹過花溪水

阻風胥口

空江三月風雨寒淒淒或似深秋殘雲幔彌天匿  
高景風刀結陣驅驚瀾敢將一葉試不測帶雨拖  
風維岸側可惜東皇柄倒持可憐弱柳正牽絲孤  
篷與爾相朝夕不信青春是此時

江上有懷

七十二峯

東山周氏合編

卷三十一

江上好花相並開江邊有客空徘徊江花漫隨流  
水去江月却從何處來江上月空皎皎不照江花  
照江草

燕子詞

燕雙飛燕雙語狼籍春光已如許雙語覆飛雙啄  
泥漫空柳絮不曾迷何如郎被封侯誤絕塞深閨  
不相顧燕雙飛燕覆語不道深閨獨憐汝

飯石松

山南擁出精藍峰靈竒幽幻潛相通何年飼鬼禿

老翁一盂香鉢拋山中瀋液輸精奔怪松異柯同  
榦分挈空西枝疎秀東枝濃千年神物噓碧虹雷  
雨暗劈雙髯龍山鬼却走無留踪敢收精鑿填飢  
胸化為細石棲綠叢往往雨後留殘春玉粒大小  
依稀同何當復覓白石融却令飢鬼銷奇窮嗚呼  
此衲不再逢年年吹老松花風

曹烈婦

烈婦周姓東山大湖頭人曹憲輅妻也二

十于歸七年為婦崇禎戊寅憲輅病篤囑

七十二峯

東山周氏合編

卷三十一

其兄善為妻身後計婦泣謝誓不獨生子

月八日憲輅卒婦為夫沐尸易衣并易已

衣周身密縫縊殉夫側翌日人始覺慷慨

從容同時並出余悲其志聊以韻語發之

以俟采風者果詩乎哉期于不誣已耳

嗟哉烈婦殉夫義他人所難而所易慷慨從容不

兩兼而乃優為有餘地妾年二十登君堂七年為

婦充君房睢鳩之性摯而別鴛鴦左戢河之梁合

歡未久哀情生明星欲墜銀河傾膏肓上下果何

物良人忽與相纏嬰良人病矣非治命手把阿兄  
語親訂弟婦年貌方如花忍使伶仃守塵甑烈婦  
聞之忽失聲君言過矣非妾情婦人從一那可兩  
君猶未悉余生平妾欲先君以身殉意恐傷君待  
君盡願將皎日置君懷追逐黃泉可相印歎歎誓  
畢不復言潛珠暗碧飛潏潏雲寒月冷天地苦宵  
長人寂孤燈昏此時一絲聲呼呼執手拳拳向君  
訴願少頃與待妾身妾身不識黃泉路大痛摧肝  
翻不哭寂寞無聲具湯沐更漏遙遙含殮成口珠

七十二峯

東山周氏合編

卷三十三

十三

袖篴般般足含殮成兮妾事終殘湯未冷潔余躬  
拂開塵鏡挑燈看猶恐飛蓬亂妾容地下良人非  
草草妾意幽明無二道箕箒應如今日操朱絃寶  
柱如前好亦含金珠衣故衣千縫百結身所祈寧  
絲三縷明妾志欣欣携手同時歸家人日高猶未  
覺誤謂辛劬味嗟呼之弗應凡再三排闥方知  
碎雙珥一掛牀頭一卧牀青天無淚亦飛霜牀頭  
殘燭燒殘蠟盤內沉沉浴罷湯遺巾故履紛無迹  
應伴寒灰歛香澤垂素猶然留一簪雙櫬無寧累

兄伯於戲此志薄秋旻世上非無第二人客歲吳  
江陳烈節苟無牙角定全身而心不獨重倫常不  
忍夫亡妾不亡氣定神閒有如此古之烈士恐蒼  
黃人人誦法孔夫子臨難躊躇踰賒死吾謂鬚眉  
不足多滔滔天下如流水

### 火樹歌

鶉火中火樹紅百枝燦燦搖青瞳疑是珊瑚樹飛  
出龍王宮火齊懸絡扶疎玲瓏又如扶桑森立滄  
海東十輪飛燄燒虛空有窮后羿無長弓千燈蟬  
縮如無所容今宵明月曷勝厥功有晝無夜其樂  
融融安得三百六十夜夜同一樽何有梅花風吁  
嗟乎鶉火中火樹紅

七十二峯

東山周氏合編

卷三十三

十四

### 倭襪歌

海東襪子光如雪聞是倭孃手親結針頭線尾覓  
端倪風動波迴互生滅柔膩如脂凍欲凝冬疑挾  
纈夏疑冰春朝擬伴遊春履寒夜還消幾夜燈傳  
觀贊嘆不容口蜀錦吳綾復何有著雲盈盈可會  
心傳來馥馥難離手妖環血浣輕羅碧通圓如狂

喪精魄癡情生慕不惜錢腸迴遙看動千百何況  
凌波萬里來片雲曾不染纖埃洛川神女應相妬  
携過蘅皋必見猜

渡江吟

今年渡江來明年渡江去江風吹不休遊子心不  
住江風吹落江花片遊子年年出江向只見江風  
吹落花不知吹皺看花面

雨中送客

晨風捲山雨散作湖中烟烟水無異色蒹葭但蒼

七十二峯

東山周氏合編

卷三十一

然清樽一瀉客扣舷蒹葭之外天無邊

銅雀瓦

漳河未絕高臺圯不化鴛鴦隋漳水可憐明月照  
西陵夜夜飛光泣情鬼

七月既望泛舟石公山因懷坡公赤壁

山風吹破蒼蒼曉一片澄泓接深杳奇光秀色低  
就人闌入何妨一舟小炎歊已謝涼已生山水於  
茲非潦草手援青蘿未即登旋復低頭弄文藻忽  
憶今朝作此遊何如壬戌舊時秋山于赤壁將誰

勝舟載清尊可拍浮客高歌予進酒君自篇章我  
升斗清風江上來明月山間有我與坡仙各無負  
勿謂今人已不同文章山水或相通但將斗酒成  
高會莫問千秋說石公

中秋喜雨

夏五六月雲煬煬赫輝蓬勃下土焦一金一滴不  
可買淚珠滴盡青黃苗天心既悔晚時若性命一  
絲猶可託假令今宵月照人淚珠移向清光落

梅夜

七十二峯

東山周氏合編

卷三十一

冰雪結深情神依永夜清況將孤月照不礙淡烟  
生肌骨冷相屬夢魂香所成終宵三却枕窓影正  
縱橫

懷同社諸丈寄訥公

對面意殊淡別來愁不勝松寮春夜酒山閣雨昏  
燈只此易為夢有詩先報僧願持千里月耿耿共  
蒼藤

春雨

漠漠遠隨風絲絲亦映空入春纔破塊垂氣易為

功色已付新碧意將催早紅勾萌今畢達蕭蕙各叢叢

與內人同病戲題

善病真嘉耦深房對榻眠既能同所苦那得不相憐龜筮會云吉醫巫交至前無端翻一笑耐此遜君賢

送張二惟之北平

燕臺思駿馬夫豈不長鳴決策出門去留田與子畊今非無事日君自有時名纔問春明路公卿幾

七十二峯

東山周氏合編

卷三十一

足徵集

聽葉羽遐彈琴

晏坐人寂寞忽然調玉琴松悲鶴亦怨山靜水同深片響忽中斷一絲如可尋冷然善之子真可寄予心

人日邱無為過訪

別情已久親一語復三申零落故交盡轉憐人事新梅花今日酒殘雪十年春兩鬢皆如此狂歌亦有回

文起先生寒山舟次夜話

蓬牕語深夜月出破湖雲竺塢堪消夢寒山且醉君興疑杯杓冷心為簡書分百里胥江渡明朝看夕曛

維揚道中雨

未改繁華舊門開瓦礫間震隣何處檄送晚隔江山舡艫愁中路茱萸夢裏灣却憐花月地風雨放邗關

送秋

七十二峯

東山周氏合編

卷三十一

足徵集

涼風吹已遍久矣怨蕭森掃過幾庭葉聽殘一卷砧冷縈明月夢淒結晚花心又復此相送堅冰將自今

送人從軍

非曰為身謀臨風結蒹葭草茅雖賤士家國有深憂虎旅分魚服龍旂拂蜃樓看君殊慷慨不敢說封侯

胥江雨中作

薄暮清江曲孤舟二月殘鷗鳬沙色靜蓼笠櫓聲

寒碧柳烟中度紅亭雨外看微吟雖竟日一語下  
為難

哭葛實甫二首

至此真疑命斯人已矣夫崎嶇銷鐵骨骯髒老虱  
須詩卷天涯滿綈袍海內孤所携三尺水曾以狗  
棺無

奔走今方定艱虞幾處經風塵終落落天地果冥  
冥夢去春江白魂來夜雨青遙瞻歸骨路十里一  
長亭

七十二峯

東山周氏合編

卷三十一

春暮虎邱

春風吹未盡猶可作佳遊花市爭紅藥茶棚送碧  
甌一香將七里三月暫孤舟鈴語從誰問經僧不  
下樓

宿半塘

城與山分處孤舟寄寢興茗蔬臨水店經梵閉門  
僧斷續三更鼓昏明七級燈兩端聲影外予意轉  
無憑

有感

眼不見兵革廿年無此時中原頻棄甲下國且披  
枝濯濯陵陂麥室室杼軸絲莫窺城北路月幾過  
王師

復有感

萬家啼玉粒一飽或難幾淚盡惟供食寒深且賣  
衣人將輕骨肉俗始賤珠璣亦有膏粱子吁吁且  
病肥

觀刈麥十韻

決歲曾無稔今茲麥浩穰向風翻盡白與日映俱

七十二峯

東山周氏合編

卷三十一

黃氣色占通國歌謠驗一鄉高低應爾爾老穉悉  
揚揚亞旅驅鐮鉞兒童餉酒漿人皆騰喜氣天亦  
假晴光郁郁雲分片蒸蒸野送香莫知勞是苦宜  
識飽為祥帝命敷玄澤民心樂小康不須嗔寡婦  
遺穗掩深筐

胥口謁伍相祠

古栢深苔寂寞春嗚呼江上獨鏤身寒枝盡送烏  
啼老破壁都憑雨繪新燭照廢興悲往事天資忠  
孝揭完人陳辭未竟迴颺入門外靈濤鼓舊津

藏書井

井在吾郡承天寺中書蓋宋季鄭思肖所  
南先生所藏也崇禎戊寅夏旱涸井得鐵  
函啓函得書題曰心史其文似銘似識於  
中原左衽之悲反覆無已忠憤所寄精誠  
所貫歷三百六十年而井泥不能蝕豈偶  
然哉彥可子垂維斗士敬諸君子相與表  
章竊賦一詩以志景仰

潛攝精靈井不智可知一字未能昏十重絮新沉  
七十二峯  
足徵集

東山  
周氏合編

卷三十三  
二十一

心血八寸函開結淚痕汲冢撰辭寧足信名山留  
副莫應煩因悲此志誰相近日月爭光有屈原  
和張七九日登東山最高頂

九日須求高處登少年余亦氣憑陵危冠似與風  
爭力勝具無勞手借藤青髻受烟俱帖水黃雲被  
渚各分塋輸君眼接秋空遠如此豪吟昔未曾

舟中看飛絮

隔江飛絮送春寒偏使離人着眼看衰鬢不堪粘  
一點愁腸先覺惹千端萍將有意留香種魚或無

心得野餐如水流光非浪擲絕勝坑塹捲成團

餅中老梅一枝生意已盡復以象生生之清  
古轉勝見者驚賞忘其非春時也

巧攝春魂使蝶驚花花不改舊枝情客方入座先  
徵候月更窺窗又寫生若有冷香流四壁却饒清  
韻倚孤檠嗟嗟一夜江城笛吹裂曾無落瓣聲

偶感

其奈巖阿幽夢何北來人語遞增訛驚魂遠落燕  
山雪戰血新添易水波江介莫應安枕席國門豈  
七十二峯  
足徵集

東山  
周氏合編

卷三十三  
二十二

未散干戈可憐十里梅花路猶見紛然載酒過

已未之夏與震甫先生雨泛婁江半月及歸

先生即發北平之裝途寄余一詩誦之甚習

屈指廿二年矣今先生已反初服余復卧疴

依韻作此聊志感云

一樽風雨散江聲半月方舟見晚晴出處未忘憂

謝傳升沉宜不問君平小山翕翕疑叢桂淥水遙

遙怨杜蘅君已倦遊余已病中間棋局幾紛更

海虞沈子源入山兩月予適卧疴將發圖秋

山一幅留贈寄此致謝

兩月春袍未許同生綃一幅愈頭風蒼涼水木流  
清氣淒颯烟霜出化工最後若非成半面從前真  
覺負孤衷可知滿目蕭蕭意只在寒林疎雨中

登烟雨樓簡陸九萬先生

沙漲南湖水不流曾無人覺倚春舟波柔細動含  
烟堞柳膩新迷閣雨樓淡自有姿濃有態離之為  
曠即為幽無端更作深長想今日何須怨獨遊

聞震甫之固陵

七十二峯

東山周氏合編

卷三十三

思君如醉屢傴僂近况雖聞若不多兩月肺清應  
進酒一篇詩出便傳歌何緣復向塵驅馬是否難  
辭禮作羅見說彼方俱竊喜似因携筆就籠鷲

初春雨中作

入春十日九日雨一日稍晴泥沒街梅花未老或  
留意竹葉正清猶受齋佛前香烟不出戶庭下苔  
痕將上堦紅菼白李幸相最予欲此時開好懷

五雲洞

卿雲出何時流彩結為洞千古風不吹餘暉化威

鳳

梅花塢

春塢雪未消林光久如曙借問出定時清香起何  
處

柳堤浸月

柳堤生夜涼如有秋先在明月落清波枝枝不相  
礙

舟中聞雞

春來酣擁翠紋羅總有雞聲聽不多今夜雨邊纔

七十二峯

東山周氏合編

卷三十三

一喔滿江柔櫓撥愁波

東海遊

既出青山又覓山即非顛倒亦癡頑如今笑指白  
雲去不到海邊終不還

紙帳和朗倩

雲裁楮葉不爭華月寫山窓受影斜酣睡不驚春  
雪暖吟魂終夕繞梅花

秋夜訪范東生

脩廊幾折屋三層處處闌干若可憑聽得語聲人

不見半黃梧葉尚遮燈

採桑

携筐獨往畏蠶飢不道春光已若斯貪把低枝弄  
柔絲出門不似在家時

哭震甫

霜寒月苦斷猿呼一代風流盡此夫果是天心今  
夜復不容消長太糊塗

公卒於長至日

薊北滇南且七閩半生鬚髮送風塵舟車正擁新  
歸客飄忽翻如逆旅人

七十二峯

東山周氏合編

卷三十一

二十五

十年衣袂泣相持彥會堂中酒一卮相慰只言離  
別苦不知離別是斯時

消息傳來日漸凶猶疑體貌未龍鍾如今竟作長  
相憶悔不牀前看病容  
誰啓山扉笑語迎荔垣莓砌不勝情披幃直向靈  
筵哭腸斷千秋此一聲

周謙

謙字吉甫六虛之子事親以孝聞

狄梁公

呂死平勃存及身成厥功當年即大白遠蛇無疑  
衷梁公事女主娥氏且掩容猶賴夾虞淵乃在七  
十翁則知進張日廢武志已從兩人一精神瞻矚  
無言中具此斷然識自能保始終苟其漫漫爾北  
朝詎可同亦幸時論平深心獲彌縫成功歸舉主  
誰復訾梁公

李鄴侯

鄴侯慕留侯行藏畧相類空青縹緲間身各置一  
位大人濟世心不為物所累誠居帷幄才未可疆

七十二峯

東山周氏合編

卷三十一

二十六

塲試發縱功惟人李郭宰夫使兩京既克復而我  
無勞勤衣白蚤還山局內蹤如寄蓬萊深院中依  
然衡嶽味留侯一安儲鄴侯屢煩計能俾昏猜釋  
宗社晏無事功名付烟霞通體皆仙氣則從而仙  
之千古洵無二

寇萊公

澶淵戰聲虛和則其本謀萊公窺敵志期以五日  
休上亦嘿喻此渡河無疑留親臨軍勢振撻伐張  
奇猷請盟乃自彼國體誠無羞損幣強自納百年

靖戈矛侵疆究未復萊公懷莫酬虜氣固以女國  
弱安為偷戰危烏可樂畏又非良籌戰聲而和實  
戰發而和收萊公此得策我於和何尤

李文靖

世方喜有為有人顧于徐世方樂無事有人抱憂  
虞進用斥浮薄施行罷興除水旱日煩聽封祠防  
其趨上下觀百世先識言非迂伊周既邈矣大臣  
道安居格心誠本務舍沆其誰歟

范文正

七十二舉  
足徵集

東山  
周氏合編

卷三十三  
二十七

君子處遷斥怨排捐一切併無委順心進脩期自  
勵希文道難容立朝不終歲究以著功名進退無  
足泥讀其睦州表潔忠以誠誓先憂後樂懷略見  
登臨際呂相初異同平賊懼相契感彼汾陽深愧  
我臨淮昧雖時地使然可謂忘睚眦冰霜天玉成  
疾疾助德慧彼所存者大區區奚足計

李僕射

庸人李浪輩豈足致國亡繇于一二奸先使國脉  
傷奸人潰事去殘局庸人當庸為奸之代意得遂

如狂以其持祿智轉為媚虜方媚虜因排忠一呼  
群為搶戰守策不用坐困一李綱騎逼無所施愚  
者謀奚臧方虜未再舉用綱武可揚及夫國再造  
用綱勢可張事予置遠地國賣誰其償

王介甫

嗚呼宋云亡始亡者安石覆國竟逋誅殺人乃逃  
辟名廁賢達林群奸代蒙責一王一法垂一代成  
規畫稍更足為亂而况紛為役區區誦說餘謂可  
通今昔一路試或効謂可行蠻貊周官以古泥商  
君徒踐跡法度一未施元氣已喪百學有如安石  
讀書亦奚益後人傳述之聖廡且陪席老蘓著辯  
奸持論怨堪惜

虞忠肅

德遠著孤忠志業卒無就大功出儒生天人豈適  
湊兩帥方易置全軍且解胄部署中機宜料敵曾  
無漏世每謂毛錐書生識俎豆觀茲采石戰星馳  
電何驟古今奇捷聞赤壁此其又嘗過三宿巖猶  
想虞公舊

七十二舉  
足徵集

東山  
周氏合編

卷三十三  
二十八

文信國

崖山宋自亡柴市宋自存所存一以道能使亡國  
尊宋為韓賈賣勢已莫濟援信國不徒死猶為東  
西奔睢陽賊力禦越石胡能吞千人一士報無負  
祿養恩亦幸生末造綱常收隻魂古無不覆國吾  
道寧終昏

卻金亭為賀副憲澤民追咏

霜清舊斧飭蠻兵未老投簪等葉輕萬里不勞思  
去後一錢併絕贈臨行關西金畏斯風遠帳下亭

七十二峯  
足徵集

東山  
周氏合編

卷三十一  
二十九

旌不日成致語經過亭外客卻金問有幾人名

讀賀侍御志同諫武廟遺疏

東朝慷慨擊中人直節仍埋御史輪十事伏蒲風  
落胆三更屬草筆忘身未通扁鑰誠疑謫旋霽霜  
霆主愛臣氣盡百年猶嶽嶽幸遺封事未封塵

拾松子偕嘉會佩宜

松子落山山有聲山童尋聲遶山行拾來滿把付  
茶竈孤烟直上山松平

周欽

欽字懋敬號檀菴

雪夜贈翁羽士

歲寒朔雪飛漫漫光搖銀海得大觀八方晃朗絕  
纖滓一室虛白生清寒烹羔金帳鄙俗子躍馬藍  
關喚謫官何似仙真高寄霞行披鶴氅玉清壇

睡起

莊生昔日夢蘧蘧上時過伴老漁風引釣絲鈎  
蝶影夢來為蝶復為魚

周雅

七十二峯  
足徵集

東山  
周氏合編

卷三十一  
三十

雅字來聘

惜芳樹

我心惜芳樹當春本菁菁新紅藏嫩碧黃鳥鳴嚶  
嚶人每愛汝蔭盤桓不忍行一朝偶衰謝歲寒誰  
為盟時來共欣賞時去空淒清人生類若此幾能  
留定衡任彼造物權凋榮何足驚

飯石峰

峰頭出奇砂依稀鋪玉粒嗟哉徒得名幾使饑人  
泣

周南

南字輯侯

宿孤松上人山房

到此息塵慮悠然心境閒  
落花埋夜雨流水響空山  
犬護疎籬外燈明積翠間  
坐來聞妙偈幽思滿禪關

放鴈

脫手翻空上太虛低徊猶繞主人廬  
相思魂夢勞千里欲寄平安一紙書

七十二峯

東山周氏合編

卷三十三十一

帛書莫報子卿存爭說君恩未是恩  
棲止水雲全野性再休題墨在天門

周魯

魯字東籬

結廬

結廬溪上住竹木遶樊圃青山即比隣  
流泉當我戶一卷恒自持先民樂與聚  
涉獵歲月深雞鳴泣風雨念厥終始艱  
汲汲究何補靜守率天真入俗動多迂  
顏色未解低富貴詎紆取我生洵不辰  
所

適靡寧宇追維昇平歡乃識離亂苦  
長此保知希屏跡類踽踽冲懷群物空  
寓目隘今古對酒仰陶令行吟眷漁父  
宛昔避秦人姓氏曷足譜

采蓴于湖

蓴絲潔如冰蓴葉寒於水蕩漾隨扁舟  
采采亦有以張翰思三秋陸雲稱千里  
我本湖上人四月作羹始

過高峰寺訪孤松上人

孤藤越巉巖閒挂白雲走下山山彌深  
人烟望無

七十二峯

東山周氏合編

卷三十三十二

有寺荒竹木多佛卧危樓久面壁惟老  
衲蕭然終歲守住此果何心茹草還飯糗  
大笑置不答清福自消受

亂後

壁立燒殘市形枯亂後人夜船搖避賊  
晨輒費依鄰冠履村中舊旌旗城上新  
所如難寓目不語暗傷神

可畏

遇亂身無主遄歸暮獨行橋傾多斷水  
人散一空

城逸馬奔塵暗。飢鳥叫月明。見聞真可畏。魂夢幾時清。

拜林和靖墓

處士風流未杳然。殘碑荒塚草芊芊。空傳鶴唳醒明月。暗逐梅魂冷碧天。姓氏不埋孤嶼裏。塵氛幾到斷橋邊。只今憑弔存廉潔。醉土還將澗壑泉。

漁父既醉四絕句

兩漿一篙即是家。桃花源口老生涯。雨簑典酒酒還盡。問道酒家賒不賒。

七十二峯  
足徵集

東山  
周氏合編

卷三十一  
三十三

昨日東村今北村。柳陰漁鼓鬧兒孫。晚涼更勸阿翁飲。荷葉擎來當酒樽。

留得佳魚不賣人。一杯一酌自天真。秋風掛網無長物。飄泊蘆花笑我貧。

風歌簫笠雪蒙頭。下餌窺魚不上鉤。團雪自烹消醉渴。一絲烟起在滄洲。

周師

師字征吉

秋日登海虞新塔

竦立稜層接太空。扶欄宛曲白雲通。展眉日月升沉外。回首乾坤俯仰中。隻影欲來湖上鶴。數聲將沒海邊鴻。虛疑絕頂登臨快。還放襟期嘯晚風。

周宗

宗字冷玉

巢松亭

徑吐巉巖曲亭閒。樹杪秋竹分雙寺。古橋鎖一谿。流石峭花迎壑雲。孤月浸樓舉翰臨。景異毋槩擬丹邱。

七十二峯  
足徵集

東山  
周氏合編

卷三十一  
三十四

郭外偶成

烟樹樓臺屈曲城。山花落盡鳥無聲。窮囊遍買墟頭酒。難慰春歸一段情。

七十二峯足徵集卷三十三

武峰吳定璋友篁蒐錄

吳江迵雲龍耕石編訂

葉善道

善道字胥臺仁心為質見貧者恒周給之而不望報嘗游下邳過圯橋咏詩有子房類儒者納履亦文章之句年五十一卒子延壽甫周歲側室吳氏所出時吳年方二十歲矢志撫孤稚結操作與諸婢伍俟子成立委以家事獨居小閣長齋繡佛享

七十二峯

東山  
葉氏合編

卷三十三

年七十有三孫即梅友諱松以詩鳴於天崇間

客從遠方來

客從遠方來貽我五言詩繫以迴文錦訴以長相思關河苦難越歲月疾如馳富貴倘有分何為生別離

涉江采芙蓉

涉江采芙蓉扁舟破虛碧豈不畏風波愛子好顏色為裳褰修能作佩芝蘭匹幸免風露零應懷君子德

葉松

松字梅友號淳庵貌古而朴詩必自作格調不趨時尚吳錦雯司李吾吳獨賞識梅友詩許為捐俸梓之已而錦雯去任以疾卒梅友私飲泣曰若人死誰復有知吾詩之苦心者乳山道人林茂之序其集曰梅友苦心人也其為詩敦尚漢魏李唐真淳朴茂識力俱到其讀洛社耆英圖記立論大關世教而憂憤規諷見乎詞句之間與少陵相出入表彰賣菜傭則借以誅肉食者夢父語家政意在

七十二峯

東山  
葉氏合編

卷三十三

以家寓國而欲慮謹藩籬悉從國事起見豈惟一味於詩而已今讀其集如乳山所稱憂時紀夢感君父而懷忠孝之什皆不之載蒼舒素傾倒于梅友其輯兩朝國雅錄梅友詩最多欲俟刻成焚一通於墓側以酬宿草之痛者而如乳山所稱道諸作亦無一存豈通明之士亦牽于世俗忌諱之見耶則梅友之詩之亡也多矣能無慨然

中秋讌集二首

虛堂涵夜景素月流中庭寒蛩咽瑤砌桂樹吐芳

馨故人愛良覲張席故重局琴尊左右列抗坐已  
忘形疎星何寥寥高天自青冥縱論發感慨浩歌  
白露零

停觴夜向午砧杵忽飄颻攜手下庭際徘徊挹孤  
光四宇既廓落一雁猶飛翔爰念遠行役千里去  
故鄉湖山怨迢遞羈旅多風霜幸對素心友晨夕  
為徜徉

徐天俞嚴開一過山齋小飲

柴荆閉春風客來破幽獨邀我和新詩好懷能自

七十二峯

東山  
葉氏合編

卷三

足山齋無俗營竹影布清肅開尊向山光窓虛見  
樵牧

半榻庵為天俞賦

藏名無定居一枕附山閣伊人避群囂陶情入冥  
冥四壁雲光清高欄泉聲落咿唔日閉門松風寒  
鎖鑰下榻亦偶然素心有所托

四皓祠

高賢所遊止往往說不一吾聞有四皓本是商山  
逸漢祖莫能臣而為太子客片言已定儲子房亦

辟易伊昔魯仲連鮮紛轡同跡乾坤偶戲玩飄然  
任所適東海死可蹈西山生可歷矧茲季札地仍  
多好泉石黃獨雜紫芝日夕供采摘樂斯則忘返  
相視嘻莫逆冥冥天邊鴻慕者奚以弋土人高其  
風建祠自疇昔千秋萬歲後波靡猶能式

魏武帝觀稼臺

天地產此人寧為畎畝事英雄不肯閒學稼亦經  
濟靈帝光和前海內尚云治爰假耕耨心以寄縱  
橫氣觀其起關東本負澄清志殷勤惜罷癯驅策

七千二峯

東山  
葉氏合編

卷三

盡勇智本初三公後又具四州勢河北軍上游雌  
雄迥然異奈何迎天子竟失沮生計勝着一讓之  
性命亦為制至如布術徒就死又其次成功還許  
下三分有其二威震人心疑篡奪勢必至不然功  
罪身退位將焉置君子循既往在設身處地何可  
任筆舌好惡恣論議我來弔遺踪碑仆苔蝕字禾  
黍亦離離牛羊還隊隊西陵同寂寥無人感興廢  
空慕命世才驅驢歸獨自

周處臺

將軍本無賴一朝能改過讀書志自喜奮戰身不顧萬臺留至今誰歟不欣慕同時戴若思為盜有異度士衡遙與語涕泣隨感悟卒為晉名臣士固慎末路側聞講學者生平只君父卓卓式吾人朝野知敬懼洎其盛衰際翻然忘所措名義如輕塵此竟奚以故

登長干報恩寺塔

金碧炫空際稜嶒接天壤未登始勇敢及登屢俯仰已登旋視下果致青雲上蠢動無端倪心胸舒

七十二峯  
足徵集

東山  
葉氏合編

卷三  
五

翫麟南山真可挾帝城瞭諸掌行人不盈尺一線江豈廣闊外遊群靈寃中涵萬象鴻濛鑿何時誰為此蒼莽我欲追金仙冥搜悉諸妄悚然來悲悽清磬下方響

過關山

石氣不敢合何年集鬼斧人影逼雲天車散接風雨想其未鑿時南北自區宇造物亦好事廣大復何補遂使勢利徒驅馳昧辛苦

林屋洞

自混沌未分此石闕已久古佛宅其中寔將先覺守君看冥冥色皆為劫前有深入試莫還窮年那能究靈幻又其餘篆書出偽手聖人徒疑猜天地非一剖昨聞盤古翁掉斧進稽首微功不敢居但嗟生太後

煉藥洲

學仙惟釋累累釋仙可求試觀古仙人其跡同浮漚如何華屋士黃金盈牀頭擁姬煮丹砂日暮崑崙游

七十二峯  
足徵集

東山  
葉氏合編

卷三  
六

彌勒寺西隱堂

西方到中國畢竟何處好竊謂法律禪莫先溫醉飽如何西來意一堂深杳杳

出門

晨鷄勸出門欲別還珍重自非江海人誰能不心動解子帶上環携向舟中弄新月夜窓開幽情屬來夢

雲石庵同吳不官

松篁閤幽逕逕窮精舍出虛閣層雲根推窓空翠

逼斫竹引山泉曲折入香積坐來不能去心魂同  
寂寂

### 馬蹟山

穆然氣蒼寒瞻望辨高厚橫亘百餘里烟雲出其  
藪翠蔭北湖偏勢絡群峰首祖龍何年遊駐蹕山  
之後蹀躞有龍駒遺跡大如斗前此又誰名世遠  
不遑究

### 易水行

天下蒼生憂未已咸陽祖龍不得死壯士悲歌此

七十二舉

東山  
葉氏合編

卷三

水濱送客聞之皆髮指七首無靈手亦悞不中其  
身中銅柱舞陽戰慄足莫前讀史千秋猶有怒可  
憐博徒魯勾踐弗為相助空說劍漸離矐目還報  
仇吾客何人終不見燕之屠狗宋如意笑哭無端  
日沉醉瀟瀟流水寒向東若為英雄訴心事

### 淬鐵池

直瀆役竣隨賦鐵吳民力瘁嗟財竭萬工齎淬水  
為熱君臣謀國何其拙王濬從空飛建業要是長  
江鎖難截城頭軍散降旗列池上鍛轂猶未歇菰

蒲風起寒烟滅舊國淒涼不可說惟有一泓清且  
澈夜來還浸當時月

### 荊山

卞子以足證其目維衆曰石獨曰玉足則玉見山  
亦名粲然價可連城贖我來懷古動千秋帆外山  
頭雨初綠

### 縹車山

我過包山麓常聞織女嘆桑貴蠶無食機杼今年  
難豈知東隣桑陰淺昔年恒苦地不寬又見西隣

七十二舉

東山  
葉氏合編

卷三

伐桑樹惟有種菊及牡丹花花草草覓微利行歌  
本務供遊盤但令天下縹車廢三軍挾纊猶增寒

### 鹿城

四望皆絕壁中間如平疇草木豐且美真堪麋鹿  
遊吁嗟麋鹿徒為爾霸業將成子胥死孰令遊到

吳宮裡

### 鴨山

吳王閭國政遊戲悉有法涇裡采香湖種菱坡上  
聞鷄山養鴨山之東西設兵甲晝乃駢狸夜防獺

鴨正肥時越來伐霸圖如夢湖流咽殘膾成魚鴨  
飛躡山頭風雨聲杳杳

觀六朝松石

森然似攫忽焉怒有如龍盤或虎踞天矯連卷不  
可狀狎焉而喜還生怖雨洗霜堆苔色老興亡多  
少雲烟過勁骨蒼髯千載有當年香艷今何處

空翠閣

老僧構樓同佛住地選松杉最多處紅塵却盡綠  
陰來如水如烟浸梁柱幽人閒過自有家愛爾精

七十二峯

東山  
葉氏合編

卷三  
九

廬却難去

艷歌行

明珠為珮珊瑚鈎西家女兒字羅敷叶年紀十五  
嬌且柔盈盈采桑南陌頭陌頭塘水深不流郎來  
飲馬紫驂驕小妹十二未解羞謂姊當看鴛鴦不

古意倣長吉

銅龍水盡芙蓉冷繡綆霜侵轆轤井美人夢遠怨  
河陽淚濕臙脂膩鴛枕蛩散隔戶燈花落殘月溶  
溶漏珠箔玉環細字刻迴文愁貯香奩棄西閣

聽許子美彈琴

江樓月上孤桐鳴細濤輕卷入指清湘娥私竚婉  
難去欲托古調傳幽貞蘋花生香荻瑟瑟鶴影幾  
尺窓間白別有羈人夜無語商音聽罷情如許

牡丹二十四韻

種自西京至宜栽畫錦堂別名為國色集譜號花  
王賞處當春暮開時正日長閣高通結綺亭敞得  
沉香佩稱明璫掛嬌須繡幙張美人臨畫檻袪服  
闌新粧麗影堆瑤砌重慶簇夕陽臙脂留一捻詞

七十二峯

東山  
葉氏合編

卷三  
十

足徵集

調奏三章采采蜂翻蕊紛紛蝶過墻筵前催羯鼓

月下舞霓裳露浥穠逾勝烟籠艷不妨玉樓春富  
貴金谷曉芬芳入眼能何幾無枝弗異常袍加垂  
白帶瓜破獻紅韞綠到蛾眉上青分佛髻傍坡詩  
稱左紫錢氏貢姚黃解語應傾國同心隔斷腸池  
將生菡萏光預動鴛鴦不律空描寫將離敢頡頏  
繁華推雒邑頃刻憶韓湘霞舉如其藻風流本自  
莊隔窓時掩映循石或低昂雲雨羞飛燕嬪姬視  
海棠鼠姑蕙鹿韭何以辯精詳

石浪十韵 在射鵲山湖濱

疊疊亦稜稜山根曠致增湧開青一頃望滿白千  
層斧鑿群靈出蛟龍衆籟騰壑舟秋載月木客夜  
椎冰鳥學潛魚躍烟同怪蜃凝桃花波豈漲松雨  
澗將崩牧策驚移釣樵歌認采菱餘支分莫里故  
園本延陵咏既來多士游宜供野僧長風吹不斷  
宗慙可能乘

包山寺六韵

禪室藏雲壑來先別塢經石皆從徑曲松不漏天

七十二峯

東山  
葉氏合編

卷三  
十一

青蓋謂遊宜選茲焉屐可停山深僧自朴慮減佛  
能靈樹影榻前長泉穀厨下聽坐令幽興適樵斧  
遠丁丁

逢溫陵黃俞邵於三山門外

黃家今叔度真嘆莫能如天祿嘗餘閣名山自著  
書怪人多道汝傾蓋特為予山色兼江色高談對  
不虛

新春白下送王十三 季銓

如何新歲裡即送故人行花亦幾時看春纔兩日

晴到山仍住寺携酒好聽鶯心事同難盡駟驢話  
出城

送呂秋谷還虞山

鬱鬱又匆匆愁聞叫斷鴻芳樽誰耐醉細語未能  
終明日船離岼西風雪滿篷幾時吾谷口期我看  
丹楓

雪公過訪

白下擔行李丹陽上野航自言前夜雪正宿翠峰  
房山影沉松迳泉聲滿竹牀摘蔬留一飯度嶺又

七十二峯

東山  
葉氏合編

卷三  
十二

斜陽

菊存弟作詩一帙寄至清溪兼貽藥物言而

賦之

吾弟新吟咏居然小惠連家門添韵事意趣出塵  
緣同病遙分藥相思近隔年盈盈秋浦在還欲買  
漁船

葛斐仲移居東隣

久空墻東宅君來好結隣門嘗無過客巷始有居  
人詩法傳家舊 君係震甫先生猶子 山光換眼新素心或不

愧晨夕可相親

寄顧茂倫時輯英華集

風雅衰能整人知顧況名主持真有識筆削不容情作似才宜到傳非力可爭會須泉石畔縱論快生平

錄諸亡友詩寄閩中魏惟度入詩持之選

幸遇青雲士宜蒐白雪篇於時知匪急在誼想當然吾友燈前笑其詩死後傳可能今夜夢快聚似先年

七十二峯  
足徵集

東山  
葉氏合編

卷三  
十三

接樹和徐天俞

不害生成質難圖脫換功人居多事裡藝落後天中自分根荄別誰知造化同明年隨衆卉一樣領春風

過相思灣

疏鑿知非偶回環態自生我来心獨慕誰謂水無情沙靜眠鷗鵲洲香長杜蘅旁宜構亭子還以合歡名

醉翁亭

絕壁出雲立孤亭排樹開山川真勝處師弟盡奇才

蘇文忠書  
記刻石

野客耽忘返滌人慣莫來老梅須一拜猶是醉翁栽

再泊采石夜起坐月賦詩

草草咎吾前重游補慊然江聲幽稱夜松色碧生天有跡同估客為詩問謫仙無窮霜月皎獨倚木蘭船

郭景純墓

奇石炤江水水中聞葬君生惟疎禮節死亦隔塵

七十二峯  
足徵集

東山  
葉氏合編

卷三  
十四

氛蘋芷芳俱薦魚龍潔可群即今陵谷變誰是逆敦墳

一線天

在石公山

鬼斧誠多事深山破混沌奇分天左右險列石低昂日月流無影烟雲蓄有鄉可容魂夢入兩壁看青蒼

高峰寺

有卧佛

驅石安蘭若開軒對雪泉販過收果候樵唱采茶天一佛喚難醒兩峰青入天無生可無論詩是惠

休禪 寺僧孤松能詩

吉祥寺

一塢白雲出山門雲半遮携尊循竹徑有客問梅  
花寺破佛無法廊租人賣茶誰家新笋候牽蔓補  
籬笆

黃浦泊舟

何年開極浦浩浩亦溶溶怪蜃吹荒霧驚濤闖孽  
龍一源還帶渚數折自朝宗舟子停橈待潮來在

日春

七十二峯

東山  
葉氏合編

卷三  
十五

睢陽紀感

賊奴偏作逆流毒到孤城忠義士能死江淮民竟  
生語為人道重詩入笛散清當日誰爭烈顏家好  
弟兄

金山衛指揮侯懷玉父子殉節感賦

力戰已無援危城勢莫存戈難回白日血易慘黃  
昏自是君臣義誰招父子魂尋常談學者豈念國  
家恩

水漲

朝看湖面濶夜雨昨傾盆蟻穴新遷樹鷗光冷到  
門田園啓生意魚鰲托殘魂淮上聞多事從茲一  
洗煩

方正學先生祠

氣逼南山塞太虛聖明留輔憶當初九宗豈少同  
奇禍四字無多有太書臣受國恩身以殉君言家  
事義何如天心特欲存孤胤嬰杵先將俞魏儲尚書  
魏澤門人俞山月共匿先生遺孤

真州文丞相祠

七十二峯

東山  
葉氏合編

卷三  
十六

景炎宰相好鬚眉九死終興一旅師不就黃冠方  
外志還藏碧血帶中詞天將覆宋當何柰事若存  
公未可知正氣千秋豈無匹江南今有史公祠閣  
道隣公祠在龍江關口

史相國祠

挽天志切歷多艱江墅猶存憔悴顏庸主心肝慚  
叔寶遺民涕淚向文山英雄自昔偏餘恨荆棘何  
時始得刪已殉封疆酬列聖精誠隨月照邦關公殉

難于揚州之莊竹園

金陵懷古二首

星分牛斗古揚州秀得鍾山險石頭吳主以殘終  
北面秦淮無恙自西流鷄穀每促聯床客鶴唳何  
當破賊秋我慕恂恂賢太子選文千古有高樓  
六朝遺蹟大江東松石蒼然夕照中南渡馬牛當  
日別新亭涕泪幾人同城餘冷落悲蕭帝壘紀風  
流憶謝公一自荒臺游鳳去年年烟雨弔梧桐  
同司李吳錦雯王左車安節家林屋集莫愁

湖次吳韻二首

七十二峯  
足徵集

東山  
葉氏合編

卷三  
十七

江上山頭綠一湖佳人已去勝情孤連朝積雨生  
新漲到岼輕波沒豆蒲澤國烟嵐留嘯傲使君車  
馬得招呼蓮房吐艷秧針蒔柳底猶聞叫麦枯  
廬家何處問南湖湖上香銷亭子孤兩兩不聞花  
下艇青青惟見水中蒲想同桃葉遊相逐宛在蕪  
葭出可呼刺史風流能弔古陽春欲和笑腸枯  
人日寄黃九烟先生於潯溪

湖山兩載阻清歡百里舟航如此難雪意喜逢人  
日霽梅花方待客星看誰能對景無興感尚記登

高共整冠春到草堂新酒熟好催輕棹過前灘

答季子玉問病

胡牀斜倚竹間樓竹外傳書過釣舟臥病把詩能  
當藥懷人對酒不消愁蕪葭江晚烟波濶桂樹山  
深風雨秋我去金陵今十載因君還欲一來遊  
同家士安士毅雨過顧與治齋中留飲賦  
筆床長在藥香間苔上虛堂綠有斑風雨易令賓  
主醉亂離難得弟兄閒舊游尚記烟中棹新句同  
懷湖上山時事閉門愁未已欲依佛火傍禪關

七十二峯  
足徵集

東山  
葉氏合編

卷三  
十八

湖上曉行

曙色初開露氣浮滿湖涼意促行舟蕪葭自老漁  
人夢楊柳空懸客子愁橋裡小天通落月烟中半  
塔出層樓寒衣未寄鄉心切九點遙山欲報秋  
歸元恭過訪不值

作客常如出岫雲虛教屐齒破苔紋題詩當日不  
逢我對竹此時空憶君乘興倘能重趁雪開尊還  
擬細論文只愁把手翻如失所見應難遠所聞

寄吳錦雯司李

公去蘇郡歸  
錢塘湖上

江畔荷香記別離梅花今祇放相思如公千頃波  
非諛近日五湖長是誰傲骨去官成我癖奇懷減  
米刻人詩秋來擬享孤山勝淡月烟中一棹移

周公常溪亭

亭子亭亭立曲溪溪光一碧映檐低稻香秋早滿  
前墅漁唱日斜聞遠堤菽麥之間皆實際經綸以  
外有高棲避秦宛爾隣淳素十里花源犬與鷄

周魯元讀書靈源寺

碧峰入戶雲出床異書翻夜資佛光每將虛意答

七十二峯

東山  
葉氏合編

卷三  
十九

岑寂欲以古道留微茫隔林野人貽楫拙吹燈山  
鬼悲文章茗酣携我上高閣振衣清嘯松風長

無題三首

寶鴨香消繡閣空瑤階新月到梧桐牛郎有路諧  
星女龍子無緣牧雨工怨積易題純扇白詩成難  
寄御溝紅微裏倘得回君意他日花前質守宮  
禁鐘催曙隔花撞萬朶芙蓉壓綺窗桂殿輕霜寒  
角枕蘭膏未夜淺銀缸分描繡譜蓮頭並偷寄魚  
書錦字雙忽夢靈妃俱化鳳翩翩比翼過湘江

曾將古調學塋篋衆裡當年怯尚羞龍腦染衣香  
累月蝦鬚臨水氣常秋飛蕙自鎖鴛鴦瓦畫檻誰  
憑翡翠樓每愛獨來花架立偏生鸚鵡識人愁

燕子磯送女冠自閩之楚

各將一艇傍江磯江影灘聲入靜機峰遠武夷辭  
玉女步香湘水到靈妃靈妃步湘中地名新詩細字凌晨  
寫別夢輕帆隔浦飛同有天涯珍重意那能於此  
不依依

采蓮曲二首

七十二峯

東山  
葉氏合編

卷三  
二十

新製南湖歌郎私教儂熟暗笑同來伴猶唱舊時  
曲

曲終蕩槳去波靜月光白餘韻度花間憶殺歸舟  
客

相逢行

日暮踏青回相逢深柳下誰家游冶郎故勒花驄  
馬

江上紀夢

辛丑長至夜夢督學使者陳  
玉叔書此授予醒而紀之

誰把天塹開從天向東倒年年古渡頭白浪使人

老

烏衣巷

燕子又飛飛朱門似舊非冠裳新樣製莫用問烏衣

夷門憶侯生

監門歷數有高賢識力多君老益堅死報已知誠  
士事難其六十九年前

魏武帝讀書臺

石欄傾側長荆榛想見牙籤觸手新好色憐才皆

七十二峯

東山  
葉氏合編

卷三  
廿一

學問如公方是讀書人

張麗華墓

花飛玉樹怨黃昏腸斷君王井底恩狎客飄零金  
粉盡一坏猶得瘞香魂

尋井

叔實荒淫事可嗟兵臨甘作井中蛙直思在地為  
連理猶勝忘妻去徙家

隋堤

枯樹猶存錦纜痕誰歌一曲月黃昏楊花好逐東

流去喚醒江都不返魂

瓜洲晚渡

日落渡頭潮已平江南歷歷望來清隣舟相約蕩  
槳去趁此好風兼月明

雨花臺

泉清樹密斷塵氛中有香臺自昔聞天上天花是  
何物誨師來此便繽紛

綠珠

貞魂千載副高樓女士曾將知己酬堪與石家增

七十二峯

東山  
葉氏合編

卷三  
廿二

氣色似傷心事却風流

夢同訥公讀放鶴亭詩

清夢如烟夜不還孤亭寂歷倚孤山鶴教何處呼  
明月人在梅花萬樹間

湖上歌

湖上晚來湖水新老翁背日獨垂綸青山換色欲  
成雨白鳥獵魚不畏人

秋日江干閒集同周苦蟲王汾仲左車璞庵

雲房席漢翔許子美家青來士毅分韻得三

江二首

江亭寂寂倚清江天際征鴻見一雙  
茗椀且留論暮色寒潮殺滿落虛窗

空烟一劃過漁艘翠翼三山影到窓  
霜冷蕙葭楓欲赤野人情思滿吳江

江上觀王子雲房畫竹

少年勁腕筆孤嚴坐見琅玕逐个添  
江影碧涵茶竈外西風簌簌入湘簾

清涼山

七十二峯

東山葉氏合編

卷三

城外入游城裡山寺門葉落一僧還  
六朝舊事愁難問空對寒江碧一灣

葉源

源字熊始梅友之子

送吳不官雪中度嶺

踏雪前山去懷高形已勞無依成苦趣  
有句自風騷竹杖尋沙路梅花拂布袍  
到家看德曜敲火煖

新醪

殿先姪寄薛濤牋

擘繭精無比絨題特寄儂誰云錦江遠  
花色映芙蓉

七十二峯

東山葉氏合編

卷三

七十二峯足徵集卷三十四

武峰吳定璋友篁菟錄

金庭翁肇隆南嵩編訂

翁廉

廉字德明號狷軒西洞庭山人

晚秋書懷寄沈文英

心緒昏昏夢裡過魚書欲寄竟蹉跎黃花細雨清  
秋晚明鏡流年白髮多薄俗只今無鮑叔交遊若  
箇是常何知君素有冲霄志肯學疎慵老礪阿

七十二峯  
足徵集

西山  
翁氏合編

卷三十四

清樂居爲周廷輔題

洞天深處景清虛遶屋烟霞樂有餘摩詰輞川新  
別業子真谷口舊幽居淡中氣味一簞食靜裡工  
夫幾卷書瀟灑自能遺俗慮浮雲富貴竟何如

翁鉞

鉞字文威號希齋

寄吳門顧廷揚

君家門外市塵稀佳景長年與世違霜落碧溪楓  
葉醉雨餘綠野蟹螯肥每思對酒看明月未得停

舟訪夕暉莫謂青雲猶未步寒窓燈火鎮相依

翁藹

藹字吉士東山嵩下人永樂間南京禮部儒士

有悟

妙藥不苦口易心適殊境醇酒不亂神移情入長  
醒餐勝同醍醐觸香會機領往往全鈍拙可以挫  
鋒穎主心矢西極冥暉廓然炳

大盜不愛寶大隱不在山西國有至人白槌揚空  
言忍草茁冰雪雜花榮歲年卓哉周孔外特秘精

七十二峯  
足徵集

東山  
翁氏合編

卷三十四

理傳

翁彬

彬字順甫與施海虞葛震甫為友

五臺山客舍

空山有苑屋坐我澹忘憂古木垂藤晚陰暝落礪  
秋稻梁門外足烟月望中收得破浮生夢從君作  
旅遊

震父菰蘆小隱圖次韻

幽居獨著葦蕭間一派寒流百折灣客至開尊思

北海人歸采菊見南山隨行野鶴盟高潔托跡浮雲共往還此外風塵名利者忘機孰得似君閒

翁世畸

世畸字微同精地理之學與葉梅友吳不官相唱和格調以葛理問為宗

酒城隱贈龔鳴儀先生

薰風改新綠蕪雉空烟痕日月見疇昔桑麻自成村丈人非避世耕讀隨兒孫茅堂冷雲物寂歷太古存黃髮被兩肩怡然頽一尊性命託高遠焉使七十二峯足徵集

東山翁氏合編

卷三十四

同群昏溪水澹入戶流光炤心魂

游石公山

放舟烟雨外一碧深蕩漾水花媚照入白鳥飛兩兩凌西入天色屹然出異狀投足摩其巔勢挾波濤壯面面開玲瓏明心示腑臍因地空幽濛靈光一線上歸雲叩我微綽約精神王夷然飽奇觀艸木老清曠誠哉天地功產物爾何量

製苔笠贈非兀先生

采之若無心南山幾深入田田石上衣斑駁花片

濯野人多逸思命奇歸爾笠烟雲生異狀青翠如毡集覽茲物色中亦孰能同立雖云石可冠蒼古恐弗及

辛巳除夕二首

一荒天亦老吾事豈堪論漂母無餘飮王孫有斷魂衣冠俱避世盜賊獨開門是夕方為幸妻兒廼是存

幸我蒙天厚一年凍餒過長貪無好夢不死且高歌計拙將何補書空亦已多焚香言送臘庭樹雪

七十二峯足徵集

東山翁氏合編

卷三十四

婆婆

立春日折梅贈吳源長先生

一枝看早發已慰隴頭心古鐵莓苔半潛虬烟水深影疎存我意迹遠代君尋自引芳春入香飛翰墨林

松雨泉

活活長松下靈根絕世氛來從千片石落自一層雲雨露枝枝接江湖脉脈分泠然特異質殺遠遞相聞

喜昭道人還山

世事皆難定全身獨爾能不孤高士望猶足道人  
稱衲掛無名縷節攜有節藤心光惟自照歸到白  
雲層

天闕山

山勢渾如並蒂蓮層崖絕閣掛雲天塔垂空影堪  
求旨樹老蒼鱗莫紀年隨喜也持不語戒捨身仍  
作放生緣泛游豈盡諸靈異幾月冥搜事可傳

一博山草庵忽產白燕賦紀

七十二峯

東山

翁氏合編

卷三十四

五

去國宜乎來上方絳籠難繫雪衣娘未為天女心  
先潔不伴空王名亦香一壘自開新白社纖塵莫  
染小霓裳喃喃會語無生法晝寂猶如月在梁

看梅集嵩山

望裡深深樹萬千孤峯頽立在空中烟峻嶒眼角分  
青白予子籬邊相後先野意欲生中礪雨花光能  
作小晴天坐來嘯咏寧無據一段寒香自闌然

秋葉

莫怪西風剪剪欺秋深萬木自當夷憐他顏色剛

能好惜爾般音忽亦移蕭颯既云辭老榦翻飛寧  
復戀高枝衰榮應是尋常事安得霜華肯耐時

紙帳和徐服翁

冰綃不及太生寒燈載梅花雪影乾清夢未成蝴  
蝶妬石天六月有袁安

訪隱者

一湖寒影住樓中鶴子徒將姓字通道隱無從何  
所見空林饕餮夕陽紅

翁應玄

七十二峯

東山

翁氏合編

卷三十四

六

應玄字孝先其先世以貨殖富敵國名聞天下孝  
先豪宕不羈任俠愛客與婁東張韻家至鳳稱刎頸  
交當熹廟時東事孔亟熊芝岡以入關議被重典  
自壞萬里長城孝先詫嘆累日慨然走京師謁樞  
相願輸家財募死士出關捍敵許之授以叅將劄  
付豎義旗召募江淮豪傑其播告勤王文有云朝  
廷固自有人草野未為無士竝立大明之宇宙願  
為一代之忠良又云蜂蟻知君男子鬚眉可愧羔  
羊有節人倫冠履堪悲旬月間得萬人整旅而前

身親行陣時或酒間橫槊慷慨賦詩其大沽出師  
口號云黃沙障目疑妖氛大纛高牙捲陣雲多士  
乘風不脛走從天而降飛將軍麤豪之狀可掬也  
繼以不能媚權閹噤不得施展駐師秦皇島終歲  
食匱兵散而歸乃慟哭雉髮入山葛震甫送之以  
詩云亂雲深樹豈無家碧海青天自有涯結客少  
年空易水散金如雨付恒沙秋尋路入殘峰雪香  
坐風吹寂晝花許國一身仍許佛須防獸錦奪袈  
裟有集一卷名幻草與張韵家合刻

七十二峯

東山  
翁氏合編

卷三十四

長卿吳灤州來視師給餉喜賦

日射旌旗鼓角鳴森嚴不數漢家營傳餐已腴賢  
侯德挾纊應如父子兵談笑尊前多勝算縱橫原  
野任長征投鞭竟渡龍沙去試聽漁陽奏凱聲

葛沽別游監臺

海天雲薄映霜裘葉落征帆幾送秋未許垂綸終  
遇主誰能仗劍決封侯茫茫絕塞千年怨漠漠寒  
沙萬里流拂袖也將還故里黃金那惜盡床頭

幕中同韵家坐月

露花飛處聽疎鐘可惜杯行酒自醺坐甲幾人曾  
醉卧不堪回首月溶溶  
秋風纔動又鳴弦吹入胡笳更可憐深坐不關食  
夜月漁陽一望少人烟

翁天章

天章字漢津光祿亘寰之子雲南西河縣知縣廉  
惠有教其歸也祇攜大理石數片孩兒蓮一本晚  
年漸致窘澁售其宅於安定氏宅中故有太湖石  
一峰娟秀如畫公愛之恒坐卧其下乃曰我賣宅  
不賣石用巨絙束石架木踰垣出之移置虎邱別  
業人皆目之為癡而公之嗜好故自與俗殊醜酸  
也子誥負才名女子子二皆能詩

梅花

凌寒獨自放遲遲不禁東風日夜吹香引一絲尋  
不見鼻衿半縷冷猶知斷崖孤島留仙骨月帔雲  
裳護玉肌却恨廣平人絕代教吾鐵石賦新詩  
到處花開餘五色漸看春色過三分淺痕帶濕矜  
珠淚微馥凝烟壓麝薰能發廣寒常在月若生巫

七十二峯

東山  
翁氏合編

卷三十四

峽亦為雲莫嫌寂歷枝頭冷贏得冰姿迥不群

開襟閣獨坐

黛色斜連蘆荻洲碧琅玕外汎輕鷗閒情時逐溪  
雲度野興常為嶺月留習懶父書難徧讀避鷲石  
磴自清遊當年臺榭渾無恙只有長椿不耐秋

園居雜咏

夏夜清幽秋夜長且將古史就燈光賈生最肯憂  
時事呼酒憑澆硯礪腸

兩泥棠梨值夢醒春風摇曳酒帘青文園有賦誰

七十二峯  
足徵集

東山  
翁氏合編

卷三十四  
九

能續林壑初晴自啓扇

寒香香起釀冰壺劍氣凝眸乍有無讀罷離騷正  
橫斗櫓敵何處出菰蒲

桂樹叢生正我阿新漿紅滴欲生波洞庭雲氣多  
靈異佇聽花間繫馬歌

翁誥

誥初名永熙字元將弱冠能文章肆力於古學讀  
書成均六館之士未能或之先也徐健庵韓慕廬  
兩先生雅重之然自負不肯隨時俯仰以故垂老

迄不得一第卒於京邸其奴子馬二蠢才也七中

朝夕莫囊澁莫辦私計曰我主人生平所好者酒  
是不可少所乏者財須薦寔錢然主人生性曾不  
愛錢而愛文其遺稿若干卷嘗自酌酒歌吟數四  
詫曰吾死後誰其知者今身後無用曷焚與之以  
代寔錢當亦投其所好也遂七七焚燒比其孤子  
赴京扶柩而遺稿已盡是則先生詩文之一厄也  
厥孫肇隆蒐羅于故交處僅得百有餘首題曰焚  
餘草杏雨詞

七十二峯  
足徵集

東山  
翁氏合編

卷三十四  
十

徐德雨滇歸得汪長公消息

客從萬里來問訊萬里客吾友素心人定交在梁  
益馳騁文場中聲譽皆籍籍天涯遇知己兩載心  
莫逆吁嗟不久聚馬首各有適我理吳會裝彼滯  
甸町役灑淚忽分手山嶽永間隔傳聞在寧州入  
幕預籌畫西南反側夷難諭相如檄王師伐鬼方  
乘間奮長戟弄兵昆明池官長倂馘急寧州實首  
禍恐亦罹鋒鏑別離逾六年回首長慘感徐子乍  
歸來邂逅話所歷首及吾友名使吾憂頓釋吾友

喜無恙邊徼仍浪迹亂離幸脫免羈旅多艱厄東  
西南北人奔走如疇昔丈夫志四方不復思安宅  
功名苦無成瞬息已頭白中懷良憤懣嗟友還自  
惜旅食任漂泊家居甘棄擲有才纏坎壈今古同  
歎息

坐杓广對莫釐峰

吾家莫釐下茲樓對峰首開窓即覲面應接日已  
久烟嵐幻奇狀蒼紫時時有常把一卷書坐看卯  
及酉曉靄獨題詩暝色遙對酒登樓兩不厭相見

七十二峯

東山  
翁氏合編

卷三十五  
十一

如好友惘惘出門去嗟與故山負還家當高秋憑  
眺心胸剖爽氣灑衣襟明淨無氛垢欽翠色更佳  
積雪頂逾陡遙連數小峰歷歷在戶牖如見故人  
來山靈為招手雖有世網嬰幽興忽抖擻三載不  
登陟肯容俗駕否莫遣風雨催相期在重九

出都時穀似贈言未酬縣齋悶坐依韵寄之  
兄才冠當代拙者莫如弟胡為同自出皆汨風塵  
際爾我每相看髮白如絲細壯心亦漸衰十載成  
底事同學多高官落魄人遺二敢邀俗眼青抱璞

坡仇池石詩韵

火燄紋微黃蕉葉色非綠端谿石品高得一夔已  
足况經巧匠手摹古琢邊腹鑿池寬且深不似山  
澗盛當與泗濱磬一體貢州牧如何老不遇待聘  
戒干責我來一相賞似和獲荆玉龍尾與鳳味退  
舍俱屏伏當取非云貪不疑更何卜允宜文字偕  
豈向塵埃逐吾家嗣宗賢何年得溪谷旁觀者垂  
涎恐即奪所欲疾攬真懷袖徐玩愜心曲竊效蘭  
相如徑道持歸速

近歲有人餽余靈璧小白娟秀可喜橫之硯

七十二峯

東山  
翁氏合編

卷三十五  
十二

旁甚相稱也仍用前韵志之

靈陽產奇珍其色秀而綠奚必袖携三一邱幽賞  
足絕壁峙嶺背層巒聳岩腹翠髻結仍共修眉掃  
偏感林端稀栝柏人迹罕樵牧似有出岫雲不見  
蓄泉瀆比擬匪一狀蒼潤洵如玉九華敢闢奇仇  
池亦縮伏意欲于其間誅茅居是卜深藏洞壑幽  
好避車馬逐更喜得佳硯采自蠻溪谷與之為伴  
侶兩者皆我欲試邀中書君脫冠山水曲墨飽拭  
素紙揮洒雲烟速

七十二峯

東山  
翁氏合編

卷三十四

讀淮陰侯傳

淮陰布衣時常從人寄食下鄉有亭長初亦能留  
客人情安得久數月妻馱數蓐食晨先炊遲往釜  
已爍艱然遂絕去飢坐垂釣石漂母數飯之重報  
語感激一朝拜大將破羽王楚國酬恩出千金壯  
士增顏色亭長誠小人不能卒為德豈遽忘宿怨  
而賜以錢百雖無刀斧加亦足褫其魄寄語未遇  
人恩讐記明白

秋日山居遣悶

秋風蕭瑟天蔚藍洞庭始波峰收嵐湖之中央山

之南幽居髣髴僧家巷老樹扶疎類梗楠叢桂花  
落白氍毹門無剥啄誰停驂終日晏坐惟書龕艸  
木搖落何以堪不獨悲來還大慙自顧年齒纔及  
三洵是當世一妄男形神昏惰愚且慙求富之術  
終未諳田不能畊棄不蠶學書無成空撫鐔家徒  
壁立儲無餽啼飢號寒敲謫寄書乞錢回空函  
篋中典盡釵與簪堂上晨昏缺旨甘曷顧穉子覓  
梨柑憂心如焚復如惓愁詞半吐反半含年少曾

七十二峯

東山  
翁氏合編

卷三十四

於書籍耽拂拭几案走蝨蟬壁經冢竹頗研覃山  
碑石鼓亦討探無生妙法販瞿曇玄言雋永師莊  
聃筆鋒光芒奮長鏃文陣堅整披重鎬胸中自有  
武庫涵功名一戰立可戡猛銳渾如南山駢志氣  
勃勃視耽耽勇往更如千里驛奔騰直欲凌深潭  
年來二毛見鬢髮翻笑當時心太怵讀書無益已  
透參空委紙筆盈筐籃不如市井去負擔得錢沽  
酒常沈酣

鷄鳴

鷄鳴喔喔喚天曙街頭擊柝不住殘月照窓光  
朦朧布衾如鐵生寒風愁人展轉睡難着男呻女  
吟入耳惡翻憶往年出門苦四更上馬無人語

葉節婦

銀缸熒熒不肯滅啼蛄弔月殺淒切牀頭颯颯悲  
風來妾身未死心先灰胡為寂寞守長夜即便從  
夫九泉下夫得相從棄親速魂歸還向空房哭

聞蟋蟀歌

蓐收號令肅且嚴蠕動均為秋氣沾泥塗久辱能

七十二峯

東山  
翁氏合編

卷三十四  
十五

變化羽翰養成還深潛乘時跳躍依砌艸得意吟  
哦服野蔌朝飲沆瀣效鳴蜩夕吸華彩望老蟾有  
時步武出岩穴不覺罄欬徹堂簾英雄一朝遇知  
已艸間三顧勿棄嫌傾聽鼓響披灌莽搜羅遠近  
荷鰲枕傳巖克肖良弼象渭濱乍協非熊占清泉  
沃盥更推食金為屋宇玉為匱養精蓄銳埃大敵  
英姿颯颯來飛燕青袍如草顧盼偉顏色殊絕驚  
觀瞻矯健勇悍殺已振鬪爭嚼嚙性所恬奮身不  
顧衽金革布陣能暇諳韜鈴虎頭突兀觸四壁狼

牙快利擁雙鑣老拳搏擊類鷲鳥巨齒吞噬比長  
蚬三軍纔聞鎖甲響一揮共訝鎮鄒鉤堅強鎮靜  
足不動渾脫瀏灘牙不黏初如武侯操擒縱繼如  
秦帝恣并兼殺如空山走風雨勢如崑岡漲烟炎  
暗啞叱咤千人廢餘勇可賈張怒髯彼蠢一時號  
勅敵鎗刀不敢抗鋼鉗龍戰涿鹿血元黃兵鏖赤  
壁火焚燔小醜望風已逃遁渠魁授首克殄殲勝  
者歡呼似凱歌敗者緘默同銜拊傷人喝采主人  
喜頃刻俘獲值百緡吾知相物如相士隻眼甄拔

七十二峯

東山  
翁氏合編

卷三十四  
十六

不同僉良馬牝牡驪黃外此蟲何必爭毫纖大小  
既欲辨頸脰長短還須分蒼黔我雖畜養不知法  
議論娓娓良不厭憶昔賈相半間堂群姬分曹手  
摻摻吳綾蜀錦不知數踞地歡謔勝得拈更聞明  
代有天子旁求將帥逮間闔龍鳳瓦盆精且美至  
今寶玩遍窮簷微類逢時有遇合人生何獨長廢  
淹文彩輝耀蟲羽翼鋒銳利蟲牙共倘獲登壇  
司旗鼓萬夫辟易不得覘蛟螭困辱曾失水騏驥  
悲鳴空駕鹽感此不覺壯心動辭氣慷慨忘自謙

古人聞鷄有歌咏我亦效顰言或譖夜深更聽牀  
下語展轉不寐愁懷添

題亦陶運甕圖

清談坐嘯晉座圻五馬南奔避劉石長沙勵志向  
中原朝暮州齋運百甕樗蒲戲具牧奴事生既無  
聞死何益高論猶堪振懦夫光陰分寸誰珍惜金  
生名字慕古人昂藏磊落自寫真鷄群獨立千里  
鶴形貌不與尋常倫八州富貴非所羨名山大業  
當精勤讀書著述不知倦文采風流迥絕塵君不  
足徵集

七十二峯

東山  
翁氏合編

卷三十四  
十七

小飲庭中杏花下用東坡韵

杏花三月始爭春急須相賞邀同人典衣錢少選  
沽酒盤中野薺蕪溪蘋一樹垂垂連夜發似洒臙  
脂在冰雪淡粧偏愛濕輕烟嬌臉最宜月映徹花  
枝正照酒杯中盃有花枝不放空醉倒那知掩下  
卧香魂入夢春衫紅

留別金二 佩六弟 廖

歲云暮矣草木黃朔風凜冽飛嚴霜遊子惘惘出  
門去不覺涕泪沾衣裳憶昔二十弱冠時意氣雄  
豪筋力强萬里趨庭客邊徼輕裘肥馬頗清狂文  
場馳騁奪敵幟擬取功名在異鄉儒生望風咸走  
走州縣虛左相趨踰天涯傾蓋獲良友並驅逐鹿  
項 蕙與汪 斗聯 數奇事事多齟齬投名籍甚說高  
張懷抱利器不得展鬱鬱東歸道路長歸來瞬息  
已十載久投綵筆焚縹緲丈夫苦爲凍餒逼壯心  
足徵集

七十二峯

東山  
翁氏合編

卷三十四  
十八

感傷遣興愛我詩百首澆愁勸我酒千觴握手幾  
時復分袂人生聚散真不常別離豈作兒女態感  
時懷舊慨以慷明朝即便掛帆去五湖烟水空茫  
茫

將去汝南留別郡齋諸子

汝南城外雪三尺驅車疾走日之夕主人知我犯  
寒來速遣輿臺出迎客五年濶別喜相見置酒張  
燈具肴核座上賓朋盡俊豪纔聆語笑心莫逆將  
軍新建之子孫還羨南州好標格兩家子弟亦翩

七十二峯  
足徵集

東山  
翁氏合編

卷三十四  
十九

翩溫然侍坐如連璧亡何臘盡歲云除春風微和  
扇紫陌江南二月杏花紅我將去此更他適却數  
五旬得聚首俯仰之間已陳迹扁舟東下不可留  
迴望中原雲霧隔

王暉吉徐時敏漢儒昆季各有和篇贈別疊

前韵奉酬

明珠徑寸珊瑚尺照室輝煌光竟夕人間何處得  
至寶慷慨見貽漫遊客將軍下筆獨老成南州琢  
句最精核兩篇皆為世希有比之絳侯與曲逆徐

生年少類陰鏗奮勇相酬美丰格慙予自覽覺形穢  
珎石何堪見圭璧此行正當春日遲草碧花殷爛  
阡陌蓬窓對景一把玩斗酒歌呼甚暢適願隨山  
水老漁樵懶向風塵混踪跡他時會面倘可期再  
疊新篇敘睽隔

苞九去後索居寡歡和穀似贈別詩韻寄之  
歎息交成市人間賴有公真情能愧俗豪氣欲摩  
空弟子同原憲謂陸郎君非阿蒙季廉名足重慎  
勿羨炎烘

七十二峯  
足徵集

東山  
翁氏合編

卷三十四  
二十

亦復拂衣去蕭條獨剩余懸知臨午節已得到鄉  
間尊滑羹添菜鮓肥食有魚此間無可樂搔首歎  
離居

常動湖山興思之在眼前偶來非父計底事住多  
年策蹇離塵市開帆下巨洲言歸如得遂來歲可  
隨肩

初夏山居

歸來當四月事事羨山家穀老春留鳥籬香草剝  
花短鋤勻竹筍響柝護枇杷風土推何處吾鄉清

且嘉

寄沈辰階

九載不相見君來我已行參商難會面晨夕倍含情朔雪迴龍塞寒飈薄鳳城知同天上客把酒闌詩清

賦得涉江采芙蓉和韓大宗伯韻

彼美新粧淨從之隔一江風來香冉冉舟去水淙淙珠顆偏傾袖瑤簪恰傍窓蓋張擎雨露莖曲吸

罌缸纖跡宮娃步村謳溪女腔牽留休用楫深密

七十二峯

東山翁氏合編

卷三十四

不容艣欲折憐紅粉將歸赴碧瀧鴛鴦相並宿也學蒂成雙

陸孝子 名炳字文虎東山人

不道尋親世有人麻鞋徒步事猶新此心久已無生死一路何曾見苦辛匹地干戈難托足窮荒瘴癘易纏身可憐更作孤臣伴忠孝相看淚滿巾時方君偕行之粵王師下廣州方君死之

伯父謙尊携酌從叔季霖園亭看桂花從叔

元直從弟敷伯駕徵同集

小山桂樹自叢生亭子蕭蕭座客清花撲樽罍為

夜氣林藏風雨作秋葢能詩群從推康樂愛酒吾

家屬步兵語笑不知頻換燭欲邀明月照三更

九日從叔元直携酒招友暨群從集法海寺

予與從弟韓文先登莫釐峰頂

秋色蒼蒼第一峰登高直上不攜筇人來天半晴

雲盡寺隱林間晚翠重狂遇佳辰嘲最劇醉看爽

氣飲還濃興酣笑問招提客絕頂誰能着屐從

秋夜懷亦陶并簡

七十二峯

東山翁氏合編

卷三十四

一年不見驚人句此際知君思悄然涼雨灑窓悲

獨夜亂蟲喧砌坐秋天平生蕭瑟江南賦感興凋

傷巫峽篇籍籍才名誰得共新詩應任故交傳

解嘲

江北花開遲江南花開早着意為花歸不問春多

少

雁門關

回雁峰前曾過去雁門關外復來遊廿年奔走全

飛鳥博得鬚髭雪滿頭

七十二峰足徵集卷三十五

武峰吳定璋友篁菟錄

吟風顧紹愷景康編訂

施大政

大政字中行號不大少孤與兄中立相師友學日以進天啟中詔修神宗光宗兩朝實錄徵士之雋者珥筆史局實錄成議叙授府通判大司馬袁崇煥巡撫遼東奏請為叅軍邊事攸賴表授守脩又以却敵功陞都司當是時司馬倚之如左右手然

七十二峰足徵集

東山

施氏合編

卷三十五

曹烈婦 有序

烈婦周姓東山曹憲輅妻也年二十殯于曹曹固貧寡烈婦辟纊紉箴提甕操杵以佐之歲時伏臘罔或廢墜使憲輅無內顧憂得畢志牽車服賈居五年憲輅遘疾歸索如秋葉凡藥餌饔飧悉出於烈婦十指

七十二峰足徵集

東山

施氏合編

卷三十五

間嫁衣銀珥於焉斯盡然絕不露艱窘狀恐憲輅知而益其疾也越二年憲輅病甚自知不起因語其從兄曰兩年殘喘婦寔延之我死後兄其擇一善者歸之死無憾烈婦聞之飲痛自咎以為必我有所未盡故不獲見信爾翌日憲輅將易簀因握手告之曰疇昔子所語于伯氏者妾寔聞之恐傷子心故有志不敢白欲死而不敢死今其時矣子前行請從而後憲輅聞而目瞑烈婦哀至無般皇皇然如恐追之弗及亟起具湯親為沐浴襲衾而奠旋以殘湯自濯易筮縞而百結之乃投繯焉質明家人意其瘁極致失興居迨日高戶猶聞然排闥而入始知其以身殉也檢其笥惟存一釵值可易樁夫家無長物而獨留此其為樁謀豈一日哉無怪乎其就義之裕如也至于殘膏剩沐絕無一有可想其敬身也已里之君子周尚平輩矜其志節為文

以祭之復釀金為葬葬畢廼議其謚曰貞烈又或傳以傳之誄以哀之表以章之而猶慮其易盡于是播之詩歌所謂言之不足而長言之也烈婦其有艾哉詩云民之秉彜好是懿德諸子有焉嗟夫運丁季世雖士君子鮮能無過矧委巷寡人婦乎吾山素多節烈每湮沒于貧賤君子傷之自烈婦死于是陸仲飛朱枝昌嚴六如諸子徧搜遺節以成閭史以俟夫國書采焉夫

七十二峯  
足徵集

東山  
施氏合編

卷三十五  
三

而後知節烈雖貧賤其不後于富貴也如此甚矣烈婦不可不生而又不可不死也維其生而既死者藉以俱生維其死而後死者知所以死其有功名教豈渺小哉予性闇昧罔知所廵因烈婦而自檢其身聊為短章以竊附于好德之末云

猗與生民咸秉是則惇焉斯叙媒焉斯忒流俗抵顏曷其有極廸茲弗渝廼維閭國維此碩人生於側微詎爛禮教寧肄書詩七歲為婦昭茲令儀

動與道合厥德弗違食貧彌旨服勤愈安龜勉同心以暑以寒胡天疾威厥配用殘有終是圖心焉允單既備乃殉夙志維完其志維決慷慨歸焉其謀維豫從容與焉碩人何居惟一專曷知有譽願言罔愆碩人其逝徽音孔昭人皆泉壤爾獨雲霄愜彼黷倫視民以忼舜華灼灼曾不崇朝企其齊而誰云華高

同尹子求方伯登莫釐峰遇雨

我生山與俱相習轉相好境稔奇易忽從公作新

七十二峯  
足徵集

東山  
施氏合編

卷三十五  
四

眺枯芒飽濕翠步緩得詳到侶失勝為引屢誤心所校迴翔歷層級湖出始巔造諸峰沉裂雲雙蛾互顰笑對此胡能逸形神自相勞冥搜待月起秘美如我告山靈留所餘零雨促歸棹

古意

手持鴛鴦鳥拋向蕭郎抱不飛復不鳴願與君偕老芙蓉花葉岐中心牽藕絲西風吹或斷頰記並頭時

春泛陽城訪盛柯亭大令

輕舸小於鷗春水碧于玉搖搖入湖心置身在尺  
幅殘紅泛遠香濕翠潤枯目飽此復何之伊人在  
空谷迴翔歷層墟部簷出新綠寥寥幾人家孰辨  
爲公族苔花綉戶深屐齒不忍觸應門唯童烏對  
飲桃花獨垂簾讀道書飛鳥從野鹿古韻生素心  
澹情青葵菽試問閭閻城烏止于誰屋雅志得所  
求隨在忻自足三復五柳篇千秋有同躅

不寐詩爲金孝章賦

羅飛日云噎販宇成昧谷高鴻翔遠空潛鯢起平

七十二峯  
足徵集

東山  
施氏合編

卷三十五  
五

陸長夜旦何時醒者亦夢足中有不寐人寤嘆鼠  
思獨靖獻既末由疊耻痛奚贖飲血恒在心鄉晨  
恒在目遣情或披卷新恨生古觸無已起行遊山  
數盡愁蓄緬懷古狂士壹醉兵厨宿塗雖與君殊  
無迺有同轍願言且酒逃把臂入修竹

海上

舟行海上無相識便與海若相主客連朝風雨行  
路難瓶罄壘空愁轉劇遂疑海水即醇醪似我熱  
心宜一吸熱心沃水不能涼誰謂胸中有焦石何

如歸去太湖秋芙蓉露冷萼香碧

題溪山環翠圖爲馬太公壽

飛崖翠甃層雲起石繡苔花爛于綺瀑霏玉屑漉  
寒川游鴻漁艇遙相擬古松秀櫛如蓋茅孤亭高  
寄幽人巢榻閒時有落英臥味淡夜無塵夢交廣  
成子河上公竹深花暗相追蹤溪迴嶂絕烟爲通  
湖山貢鮮行庖充石髓瑩白霞漿紅金敷奉闕玉  
管從仙翁樂矣萬福同披圖玄賞知何窮百斗寧  
足供宵中

七十二峯  
足徵集

東山  
施氏合編

卷三十五  
六

載酒訪友有序

小春新霽景光可愛携酌訪盛蘭溪醉後  
作

湖開霽色湘簾捲光氣全收畫圖展花憐春小間  
嘖含峰怯寒新初黛斂舟群鷗汎相後先農歌何  
處來蒼烟土膏雨洽麥萌翠村村社集歡留連陶  
公菊老酒未有酒香一入重關剗匏尊數舉雨茫  
然不識門前幾株柳君不見灘上沙昔爲蜃市今  
人家又不見岬上屋昨歲朱扉今艸綠物情遞禪

類如此欲爾不爾徒心痕曷如長醉任天行芙蓉  
霜白秋還紫

爲能詩女郎壽

吳山翠簇層雲起吳江玉瑩明如洗雁書遠字落  
空青楓颺長林曳霞紫中有仙姝吹鳳簫翔鸞下  
集騰潛蛟風流曲度天籟協雲際聿臨簫史軺秦  
娥簫史洵佳耦才華卓犖誰先後筆鋒相射爭勝  
場墨花競吐驪珠走春風鼓棹百花洲秋月鳴鸞  
陟武邱遊山記就石生色到處詩成人共謳謔悅

七十二峯  
足徵集

東山  
施氏合編

卷三十五  
七

辰逢小春月老梅候至噴香雪盆盎爭開古樹花  
園林鳥轉如簧舌酌綠酒歌紫芝群真較擊來瑤  
池庭實競進山海奇瓊漿石髓馨若飴酌彼康爵  
前致辭願爾百祿眉壽齊笙竿迭奏觴羽飛蘭膏  
屢燼夜何其城烏啞啞東方晞

送尹西有

我客君來訪君歸我送行千秋成獨往半畝可同  
畔語爲牽愁止思從未別生常過猶恐去此去若  
爲情

冬夜集張興公齋頭同楊維斗邵僧彌朱九  
章徐士希時維斗將之秣陵分得香字

寤寤相求友何期在一堂雪晴生夜色月瑩洗花  
光酒滿爵金綠詩成玉屑香寧堪明有別司漏盡  
添長

同姚鶴冲秋眺

恍惚寒山莫孤雲若送迎禾香烟外濕鷗夢浪前  
輕秋思落鴻影高情薄世榮君堅薇蕨志岩畔可  
同耕

七十二峯  
足徵集

東山  
施氏合編

卷三十五  
八

舟泊雨

倦帆家荻渚吹濕雨宵成飄葉沸泉細滴波鳴玉  
清夢香花泣冷隙白月窺晴漏靜寒如沐呼燈覓  
酒鐺

秋日過倪鴻寶太史山齋有感次韻

山館嘗秋秋更清憂時寧遂廢閒情花窺書幄流  
香細石卧苔茵習懶成霖雨有君奚慮旱林泉無  
我孰堅盟相過且醉桐陰月卜夜開尊幾遇晴

過陸漢穀隱居賦贈

紅塵別有綠天幽砌繡苔茵襯履柔深竹日沉時  
失午高梧爽集月嘗秋酒澆花壘千愁破局布松  
陰百戰收于此寤歌堪世辟桃源端不外心求

東山瑞屏宗伯之祖業也至是而理之考槃  
在阿有永矢弗諼之意其中子仲莊賦詩索  
和次韻答之

山情宜處點孤亭石滿苔花篆古銘翽鳳欲棲家  
有穴飛鴻信宿迹同經泉穿層蘚流香碧露湛叢  
篁墜粉青棋罷晝長雲卧獨閒花落地靜堪聽

七十二峯  
足徵集

東山  
施氏合編

卷三十五  
九

盧龍道中

匹馬衝風萬里長壯遊曾不計津梁欲看長白山  
頭雪那問梅花故苑香

七夕海上阻風

淡雲踈雨暮天空海上颼來八面雄織女渡河人  
渡海有情雲雨不情風

施琨

琨字佩宜號荔村玉峰朱柏廬先生序其詩略曰  
荔村豪宕慷慨好學謙衷放浪湖海者踰三十載

所至之地弔古懷遠搜訪遺逸惟恐不獲性喜飲  
獨不能與俗客飲醉則引商刺羽好爲雅音今年  
已老囊空壁立灌園自給而吟咏弗輟詩學本于  
葛震甫遇當世以詩名者輒相與後先論究故其  
所造特深又善畫菊不屑泛泛爲酬應曾題一友畫  
扇云秋滿東籬酒滿觚西風寂寞老潛夫興來三  
徑閒吟遍漫把行藏托此圖斯亦可見荔村之梗  
概矣所著荔村合藁四卷

九日遊惠山

七十二峯  
足徵集

東山  
施氏合編

卷三十五  
十

泛舟泊靈境策杖事幽討矧復凌佳晨兼茲風日  
好雲蘿引逸興坦步隨高鳥崇阿梵宮開肅颯楓  
林遶嘯歌荅膠葛耳目豁然曉名泉如良朋見則  
樂傾倒芳鮮沁齒頰清泠肅懷抱區脈理莫窮源  
源殊未了得非元化功乃藉山霧表何當永棲托  
容與終吾老

黃蘆秋夜夢尋許紫眉

爽氣延太虛群木脫蒼綠向夕池館清沅覽霽心  
目烟月淡秋花香微寒影肅徘徊拊孤琴吟斷蛩

散續落葉引幽夢逍遙水雲曲伊人欣邂逅延我  
入茅屋清樽為我陳丹經遺我讀言從鸞鶴遊遽  
爾魂驚逐几上殘燈明檐外風鳴竹搖搖此時情  
何以慰幽獨

上文嶺

清晨遠晴爽欣然投竿萼蒼黃日射林浮沉雲御  
屬猶未詳端倪妄咎五丁鑿峰峰光怪生變幻忽  
無着篠莽憑躋攀緣忘筋力弱咄哉微藐軀何殊  
摩空鶚嘯傲凌烟霞心神越寥廓鴻濛一氣中化

七十二峯  
足徵集

東山  
施氏合編

卷三十五  
十一

理固難度

秋夜讀離騷

林壑氣清肅雲端月微明落葉積陰砌不掩孤螢  
散悠然坐殘醉一燈青熒熒顧影自無賴手披離  
騷經讀之未終篇拚卷餘涕零蘭芷方憔悴忠言  
誰復聽

秋霽招同社諸子集山齋聽秋散

敝廬如鳥巢未雨思綢繆初性懶慢成屈信良有  
由興居適吾適適當凌清秋願言偕同志可以恣

冥搜山氣昏旦異雲光衣上浮松濤屋角翻飛泉  
林端流落霞帶雁響陰砌虫啾啾物情怨遲暮人  
亦悲淹留余本高陽徒安知身後謀忘形喻艸木  
抗志堅清修紛紛觸網蟲奚如浴浪鷗

碧雪潭歌贈孤公

深山有潭名碧雪終古清泠流不竭峰巒影落碧  
光浮臘亦不冰伏不熱潭上婆婆一老僧行脚歸  
來卧嵒穴石門文字只糠粃南宗闡悟諸緣絕潭  
雲澹蕩似閒身潭月空明無起滅拄杖時攜潭畔

七十二峯  
足徵集

東山  
施氏合編

卷三十五  
十二

行笑看菓熟猿來竊

哭嚴用晦

君家我家如一家君栽菽秫我桑麻春風共倚看  
雲杖秋夜同乘泛月槎看雲泛月從無已豈香酒  
熟桑陰裡拊缶酣歌年復年一朝何意君先死檢  
及殘編淚即揮從此蓬門常不啓

重陽後五日招得山中諸子羽流開士畢集

荒齋同為歌體

烟封胥母松千尺松下仍多好泉石啜泉枕石伊

何人徜徉須讓山中客  
敝廬卜築澗之濱  
種竹澆花老此身  
架上不遺千古事  
窓前常具四時春  
蓬門曉起呼童掃  
剪蔬開甕招諸老  
佳節雖過落帽期  
紫萸黃菊依然好  
騷人高士集貧家  
榻管飛觴興倍賒  
洛社當年無鶴氅  
蘭亭昔日少袈裟  
留連竟日情未足  
更洗杯盤促然燭  
快意何分蝶與周  
勞心妄證蕉非鹿  
醉後紛紛踏月還  
一般長嘯碧空寒  
不妨明日重扶杖  
澗上還同賦考槃

由新城道出桐江

七十二峯  
足徵集

東山  
施氏合編

卷三十五  
十三

不覺驅馳久  
秋風吹客衣  
馬蹄黃葉亂  
鳥背夕陽微  
小縣千山裡  
長溪衆壑歸  
寒江烟漠漠  
遙識子陵磯

楚州除夕

客路當除夕  
持杯共影揮  
遙知千里外  
同此寸心違  
酒暖春將入  
燈寒鴈已微  
漏沉聊伏枕  
憑夢省慈幃

旅懷

一雨冷江村  
天涯獨掩門  
看雲消白日  
作客畏黃昏

昏花事須當惜  
萍蹤詎足論  
幸留長鋏在  
不獨敝裘存

春湖酒泛

逸興與時宜  
携觴就水湄  
波光閒自對  
雲影澹同移  
埜渡飛花早  
平林落日遲  
酒歌乘醉發  
魚鳥任追隨

春深湖氣潤  
峰影淡魚濃  
只此一樽酒  
能聽幾寺鐘  
沙禽衝浪起  
澗戶引雲封  
翻愛歸途窄  
蒼蒼指暮松

七十二峯  
足徵集

東山  
施氏合編

卷三十五  
十四

留別嚴天彛

盡醉始為別  
臨歧無一言  
蘼蕪江上路  
楊柳雨中村  
羌笛交鶯語  
春波蕩槳痕  
今宵新霽月  
兩地照離魂

同白類潔湖堤晚眺

客懷如遠夢  
到處任悠悠  
對此湖天曠  
堅余邱壑謀  
野烟迷古渡  
殘日隱高樓  
戀坐蘋香晚  
微吟狎水鷗

西湖夕汎

雲散六橋見千峰一氣連狂呼盃底月徐蕩水中  
天鷗夢清寒葦鐘敲破暝烟憑窓流遠目弔古憶  
逋仙

竹杖

根鬚休盡削天趣與人俱堅挺常如此龍鍾始不  
孤虛心危可托高節弱能扶遊覽提攜徧何曾却  
老夫

紙帳

紙帳山家物惟堪猿鶴親低垂縈遠夢靜掩絕纖

七十二峯  
足徵集

東山  
施氏合編

卷三十五  
十五

塵蘊素分梅影凝光照酒人夜來風雪盛高卧若  
爲春

人日山齋獨醉瓶中白菊一枝與水仙共貯  
嘆其後時猶芳援筆戲臨寄許子玉晨

自分遺籬落何緣並水仙冰霜欣有託氣味互相  
憐把盞殷勤對濡毫取次傳草堂無句贈聊以代

新篇

尋得香花甲歸種小庭

荷鉅遠尋至荒齋韵事生不教荆棘伍庶固石泉

盟翠影翻書帶芳香逼酒罌自今安杖屨銷得采  
山情

菰米

無煩耕耨力獨秀晚秋天波冷漂香遠霜清綻粒  
圓擷來光自潤炊出味尤鮮始信仙家節何曾不  
火烟

蛩殼

汝有何哀怨空階徹夜呼不嫌秋露冷頻遣壯心  
孤時序關微物摧殘類老夫紛紛絃管地得解此

七十二峯  
足徵集

東山  
施氏合編

卷三十五  
十六

音無

夏五社集高峰禪院

愛此烟霞地悠然太古風夙心聞磬冷世事到門  
空傑閣噴飛瀑清池飲斷虹相逢傳半偈嘿契翠  
微中

病歸示正修

汝病尚未起忽焉我繼之孤舟歸似葉一命險如  
絲有子聞呼至無錢請禱遲徒為抱恹憾不解任  
扶持

鄧尉探梅

湖光蕩漾涵空白鳥道紆迴出翠微殘月尚迷遊  
子屐清香已透野人衣板橋獨立鐘初度水曲徐  
行鶴共歸莫負來朝還策杖恐經風雨閉山扉

贈蕭芷厓

蕭然環堵水雲村一片蘼蕪綠到門亂薜覆檐供  
製服新鶯啼樹勸傾尊不妨織屨稱貧士豈慕披  
裘釣至尊聯袂登臺舒望眼海天長嘯碧無痕

五夜聞哀轂再哭吳不官

七十二峯

東山施氏合編

卷三十五  
十七

殘宵擁褐一燈昏聽徹悲轂不返魂君有老親翻  
送死九旬老母在堂我無至友再敲門吟酣彷彿音相繼  
望斷依稀影尚存雨雨風風頻結夢夢中猶幸得  
寒溫

冒雨隔溪尋天吉

沉寘愁卧故人稀不憚衝泥一款扉楊柳趁風頻  
拂面芙蓉和雨亂侵衣携將小草尋君話烹出名  
泉遲我歸溪路忽添新漲滿倚闌同看水禽飛

歲寒襟感

雨歇湖山氣轉清掛瓢林下少經營香殘蘚徑花

初落茶沸砂鐺句已成朔雁一殺催客泪浮雲千

變學人情夢魂不到邯鄲道獨自鈎簾坐月明

奔走塗窮枉問津歸休茅屋渺風塵汲來泉水清

于我折取梅花冷似人老嫗省炊非是懶癡兒覓

菓不知貧停雲榮木徒勞咏冰雪誰憐衣葛身

人事淒涼歲月殘買山容易采薇難琴書未售娛

仍在筆硯無靈咎可寬多病老妻長廢櫛忘貧稚

女善擎盤柴扉晝掩惟高卧爲閱浮雲又倚欄

七十二峯

東山施氏合編

卷三十五  
十八

滌研炊爐未得閒潛蹤終老任癡頑輪蹄不到蓬

蒿逕風雪偏侵薜荔關薄俗儘教瞠白眼野人只

解看青山晚晴携屐還開戶迴繞籬邊水一灣

彭澤飢驅也扣門淮陰一飯少酬恩未甘久下頻

彈鋏豈慕高居永灌園俗客遠離焉用逐顛毛全

禿不須髡此生已絕肥甘想只合山厨煮蕨根

玩世何妨潤俗塵偶然得醉遂忘貧慣遲作答人

疑死不務修為懶是真半榻亂書成故友一庭明

月是高隣獨憐牆畔瀟瀟竹有似清寒硯北身

自艾

歛跡衡茅萬事休  
翻嫌歲月轉悠悠  
滄桑于此惟歌哭  
烟水空憐獨去留  
自幸有山能葬骨  
莫言無地可埋憂  
茫茫豈謂前非少  
待得知非髮已秋

采蓮曲

小姑初解事  
隨伴強乘船  
怪他夫婦好  
偏折並頭蓮

赴張伯聖社

默坐心空磬響閒  
憑目斷嵐光不道野  
人情懶翻

七十二峯  
足徵集

東山  
施氏合編

卷三十五  
十九

嫌湖上雲忙

秋夜旅懷

滿窓風雨竹敲多  
明滅孤燈柰醉何  
衾枕亦憐鄉國異  
肯容殘夢渡烟波

獨酌

窓虛烟冷響蕪葭  
水國波明浴晚霞  
欲寫孤懷無好句  
漫持杯酒看鉶花

過葉梅友

秋花半庭秋雨晴  
記別去年山月明  
竹窓塵淨澗

殺冷兩人無語  
心魂清

訪許紫眉不遇

見敞雙扉意早欣  
呼殺未已笑殺聞  
今來何物堪留客  
滿徑秋花半榻雲

且遣吟

敞廬如繭我如蚕  
縮過浮生百不諳  
七十二峯波浪起  
只因風動釣魚竿

周隱遙廬

死生三度貌如常  
萬乘親求却老方  
方正對何曾及

七十二峯  
足徵集

東山  
施氏合編

卷三十五  
二十

修煉至今芝艸繞  
廬香

同許致遠訪同岑師于橘香庵因遊蔣氏園

亭聯句以贈

一徑斜陽外  
施理  
雙筇叩竹門  
窓虛分岫影  
許濬

榻冷潤雲痕  
砌畔蒼苔古  
施理  
松根亂水奔  
馴禽

窺鉢鉢  
許濬  
野鼠竄蘿垣  
苔發諸綠寂  
施理  
燈縣

半偈存名山  
歸定力  
許濬  
初地絕寒暄  
有得心同

契  
施理  
無言道益尊  
素交思北海  
許濬  
餘興過南

村  
施理  
畫園亭出  
清樽笑語溫  
風波連遠壑  
許

澹此地已桃源 施理

施逸

逸字彪文意趣閒遠蓄一鶴於泉石間日久馴甚  
拍手則鳴揮袖則舞客至則為前導夜分觀書鶴  
嘗在側倦或倚之雨雪之夕亦奉立榻前如子之  
侍父人以先生為孤山處士後身也

桃花礪社集壽吳餘生

清溪窈窕逼仙源春日尋真有此園鳴和珊然來  
鶴使星輝燦爾聚鴻軒花前綠髮飛黃帽檻外青

七十二峯

東山  
施氏合編

卷三十五  
二十一

山列紫垣稍待幾番香雨後三千桃熟酒爭喧

施弘道

弘道字仁昭一字丹崖習賈雲間雖身處市廛而  
晨夕不廢嘯歌與吳石霞周同齋周葭律相倡和  
有偶閒艸秋山詩二卷

送周同齋還山

同調欣逢處羈窓偶一留月明南浦夜葉落洞庭  
秋風靜漁人笛潮寒客子舟黃花應有約詩酒孰  
追遊

立秋日有懷盛子緒

一雨炎蒸減涼颼動碧虛每憐清夜夢無復故人  
書金井秋將至銀床葉落初不堪時序改旅况近  
何如

秋夕有懷仁遠兄 時在雁平幕

天涯無限意寥落對寒葉芳艸三年別王孫萬里  
情烟開江樹淨風起渭雲橫今夜朦朧月遙知照  
雁平

仁壽寺夜吟

七十二峯

東山  
施氏合編

卷三十五  
二十二

釋子幽棲地頻來減客愁鄉心春已暮花事麥初  
秋寂寂看雲坐閒閒對水流怡然接軟語不覺夜  
深留

山中秋日和石霞原韻

村中鷄犬白雲迷萬井晴看艸色低豈是尊思千  
里外只緣家在五湖西池塘雨歇蓮衣褪籬落風  
微樹影齊不向秦人問消息桑麻到處武陵溪  
秋來山色轉蒼然最是楓林欲暮天仙梵微微青  
嶂月平湖漠漠綠蕪烟凌雲不用逢楊意蹈海何

須笑魯連試問生涯何處是釣絲千尺一漁船

施大經

大經字綸公少不知詩學盡于志拈上人閱古名蹟題咏日多亦時為韵言自題其畫

南山圖

悠悠見南山相對常不足我欲結廬居長歌採芝曲

偶成

長日無人到艸堂捲簾孤坐對爐香拂牋正有濡

七十二峯

東山施氏合編

卷三十五

毫興風送花香到硯傍

施應登

應登字敬公業岐黃有自適謠一卷

牡丹

朱欄千外翠帷垂有美中藏爭慕之莫道春遊多顧盼寒心只在卸粧時

芍藥

少陵當日著欄前惜贈徒勞寄短篇國色較他無次第叢卑伍草自年年

七十二峰足徵集卷三十六

武峰吳定璋友篁菟錄

嵩峰葉魏堂編訂

吳橋

橋字子喬別號九湖山人白沙里古柏支也負姿英邁讀書目數行下為文章模範震澤而神與之會正隆間屢試不售遂涉大江以北縱遊齊魯燕趙與名公卿王孫戚里交欲一吐其胸中之奇而

未嘗有當也所為詩蘊藉深醇嘉禾項少岳伯仲

七十二峯

東山吳氏合編

卷三十六

姑蘇皇甫百泉皆推許焉所著有浪遊吟二卷歸

我庵序之其玄孫文灝梓以行世

過太湖

青山船頭來漸覺家鄉近况茲清夜風正滿帆中聽酌酒坐中流高天月如鏡當此不放歌何處復乘興

題王麟洲壁間山水

老夫家山為山人來見此山誇逼真朝煙暮靄儼相似又覺流水聲潐潐松間立鶴勢欲聳石上浮

雲光欲動拄杖行人若去來蒼苔不破空迎送青  
林茅屋門長開緋桃碧柳參差栽何人妙手奪天  
巧令君屋裏藏蓬萊

山寺晚歸

爲聽演三車歸途日已斜行吟驚落葉長嘯起棲  
鴉山送客分路月陪人到家禪心耿不寐竹影在  
牕紗

遊西亭王東園

仙館瀛洲麗名園金谷稱隔塵無路入閉戶有山

七十二峯

東山吳氏合編

卷三十六

登池影松雲合亭香花霧蒸不知幽隱地佳興許  
誰乘

陪西亭王壽樂宮宴坐

宴坐少人事閉門林木繁最憐王者宅恍若幽人  
園乃托杯中物相爲世外言追陪不覺暝華月到  
前軒

落葉和堯州王太守韻

葉老不自惜蕭疎謝舊柯寒宵騷夢寐清響下藤  
蘿樹影月中瘦雨聲塔下多嗟予正漂泊對爾一

興歌

寄海虛葉子

海內論知己似君良亦稀如何一水隔容易兩年  
違絡緯秋風巷梧桐夜月扉有懷不可見離思逐  
雲飛

冬日同王少谿重遊法海寺

歡聚憶當年笙歌別梵筵今來人已老僧寺亦蕭  
然古木荒煙外寒山落日前不知方外月能更幾  
回圓

七十二峯

東山吳氏合編

卷三十六

寄嘉禾項少岳

平生有離別不似別君難相去一水隔長將千里  
看含情白石暮對面青山寒惟有相思調時聞夢  
裡彈

答贈皇甫百泉憲副

吾子渺當世世人皆不容桂冠魏闕下脫鞅吳門  
東草爲王孫綠花因謝妓紅且當從所好偃仰碧  
山空

寄仲弟子琴

年少囊琴去竟忘頭白歸狂歌蔡謫月飢采嵩山  
薇飛鳥亦知倦孤雲何所依舊蹊松菊盡尚有釣  
魚砧

重訪王鳳洲時已宦遊因寄

自昔歎離羣臨風每憶君重來成白首遙望隔青  
雲賦草公卿覓詩名天子聞獨憐負猿鶴欲寄北  
山文

留別項少岳伯仲

情親即如故何必早相逢暫對花前酒應銷別後

七十二峯  
足徵集

東山  
吳氏合編

卷三十六  
四

紅虛堂秋暮雨空谷夜爇鐘明日歸湖上雲山眇  
幾重

王研山招飲化龍池同賦

共說茲山勝山人今始知亂峰藏虎穴雙澗合龍  
池路遠樵歸早林幽客散遲明朝重載酒先與白  
雲期

夏日獨坐懷東峰兄

高樹葢茅堂無風坐亦涼荒村少賓客散髮嬾衣  
裳流水增山靜鳴蟬助日長何當接里巷早晚得

相將

送司諫顧懷東詔徵北上

諫餘甘久廢聞召氣還雄臣道元宜直君心本愛  
忠名高九霄上面冷百僚中莫以年將暮燕然望  
勒功

維揚除夜

旅泊孤城迥鄉心落日懸風塵變鬢雪燈火一江  
船野哭聽殘夜羈愁積暮天明朝拜家慶缺我北  
堂前

七十二峯  
足徵集

東山  
吳氏合編

卷三十六  
五

冬杪嘉禾旅次步戚中岳韻

飄泊入窮年歸心落雁前煙開汀樹斷凍合水雲  
連落落無清夢悠悠誰獨賢月明寒不寐吹笛向  
江天

期項少岳看梅不至

風雨滿溪山梅花惜半殘故人期不至春色獨愁  
看窮巷柴門靜空山流水寒幾時重對酒相語會  
逢難

方硯山別予十年丙寅春日忽過山齋下榻

喜而同賦

十載分違後死生應未知豈期風雨夜復有對眠  
時共話添新喜相思誦舊詩從今莫輕別鬢髮各  
成絲

顧給事山亭燕集八韵

迢遞覓僊踪憐君氣味同坐來真境裏吟入假山  
中陰洞長含雨危峯欲墮空攀崖穿石罅迷路入  
花叢亭卧松陰冷樓迴樹色重水窮孤島出溪斷  
小橋通到處留行跡臨池照醉容躋攀興不盡長

七十二峯  
足徵集

東山  
吳氏合編

卷三十六  
六

嘯倚天風

題崑山

峰頂樓臺秀石攢入春高興此憑欄千家市擁青  
螺小四面城圍玉帶寬丹洞碧桃春日麗虛巖修  
竹暮雲寒下方野色猶堪愛清簾疎簾帶月看

寄贈皇甫百泉

辭官嬾作治生謀放達如君誰與儔上客日盈題  
賦館美姬長載泛湖舟即看白髮花前興何似青  
春禁苑遊惟有空林老棲遯一竿獨釣五湖秋

精嚴寺客懷

寺門葉落風颼颼欲行未行生客愁青山隔水碧  
雲暮白頭對雨黃花秋韓縈五夜伴長坐馮鍊十  
年悲遠遊總爲僧伽能好客不如歸汎五湖舟

僧居雨霽喜相知過訪夜話

日沒遠山山色蒼雨晴千澗落寒塘庭花弄月夜  
吹笛巖樹含風秋遠廊過客旋攜綠玉杖道人正  
卧青霞房相逢坐久話疇昔僧扣曉鐘開法堂

岑樓吟贈友

七十二峯  
足徵集

東山  
吳氏合編

卷三十六  
七

君家樓閣起晴空住近仙人玉兔宮四顧遠山飛  
鳥外一聲長嘯落雲中銀河夜浸瑤臺月玉露晨  
晞繡幄風他日朗吟看跨鶴我來相訪白雲東

秋日寄懷黃質山

林棲長日閉柴關世路逢迎覺厚顏適興賦詩臨  
夜月懷君閣酒對秋山雲林有約三年負門客無  
虛幾日閒况道名園近乘興夜深歌舞醉迷還

送雲谿上人遊越

未經相見各相聞一日逢君又送君野性久知甘

絕俗此行不用歎離羣吟邊黃葉飛晴雨到處青山卧白雲聞道才華逼文暢愧無韓愈贈行文

寄四溟謝山人

梁園燕別幾經秋每到秋來憶舊遊燈火千門同躍馬風塵萬里獨登樓定知末路誰青眼聞道長吟已白頭近喜西隣餘別業好來作伴卧林邱

題風竹晴竹二絕句

悠悠蒼玉亭獨坐忽忘世時有天風來冷然起秋

思

七十二峯

東山吳氏合編

卷三十六

曉日一床陰春風滿林玉山靜客來稀綠雲鎖茅屋

寄項少岳

浮雲南望意茫茫欲寄音書斷雁行獨有青山明月夜得飛清夢到君房

題教授李君百雁圖

萬里雲霄志已違聯羣江漢好忘機天邊雪霰多如許莫更衝寒向遠飛

閒居

溪巷松齋日掩扉不關家事十年餘道人高卧原非病愛讀人間未見書

和靖先生尋梅圖

猶見衝寒過野谿梅花消息六橋西探春歸去情無限殘雪千峯駐馬蹄

吳棟見太湖詩選

棟字

遊虞山

笑披雲漢陟峯頭風物都從望裏收巨浪欲吞江

七十二峯

東山吳氏合編

卷三十六

郭樹落霞遙帶海門秋亂山俯視成培塿一醉渾疑在斗牛逸興不隨歸鳥盡更須乘月泛仙舟

吳大本

大本字少札喜道家言號一元子

石澌泉

誰爲浚靈根涓涓月一痕寒香冬不竭清冽夜難昏自有本原在非徒古蹟存水經猶未悉識此示兒孫

喜羽遐冒雪放舟赴梅下約

吾山固梅藪果約快生平才發千林霽寒吹一葉  
輕冰魂同鶴載雪潛遠鷗盟却歎王猷棹千秋浪  
得名

吳嵩

崙字天玉

病起

病起登樓望秋山雨又晴月明千里白楓落一江  
晴遊子思鄉切悲笳入夢驚凜其情不盡愁悶莫  
雲平

七十二峯  
足徵集

東山  
吳氏合編

卷三十六  
十

吳嘉禎

嘉禎字源長北望人占籍六合縣登崇禎丁丑進  
士歷官軍福建按察司僉事脩兵興泉以才能稱  
嘗夢入佛寺中有轉藏法輪數軍牢將囚人置其  
上共十三人下墜其一極力推挽而不肯上次日  
兵士獲大盜十三人論斬其十二而原宥其一因  
悟生殺有定數天道殊可畏遂決志掛冠歸囊橐  
蕭然老屋數間不蔽風雨居之晏如也有詩四卷  
吳太冲序之曰澹泊真率善學韋孟又稱其爲人

外似渾樸而胸中如鏡洞悉事機可臨大節決大  
務云

感遇

南山有高樓巍巍接穹蒼其上仙人居縹緲見霓  
裳白日出丹牖碧梧翔鳳凰仙人倏已去鳳鳥亦  
已藏頽基長荆棘鷗鷺巢其旁人禽忽遷易誰能  
相扶匡緬思乘霞人四顧空茫茫

春光照上林春草綠平郊燕子雙飛飛迴翔尋舊  
巢舊巢今如何棟宇已漂搖主人不復見念舊聲

七十二峯  
足徵集

東山  
吳氏合編

卷三十六  
十一

嘈嘈倦飛不忍去風雨棲蓬蒿豈無阿閣麗怕見  
新粧驕銜泥土屋邊猶傍舊時橋

世人競繁華君子勵堅貞芳菲媚春日秋至甘爲  
塵曷觀千仞巖長松摩蒼昊蕭蕭竦冰雪歲久積  
龍鱗哀彼蜉蝣羽顧影戀朝晨崑崙有高士辟穀  
鍊其神

長江東逝波一去不復回山石高千丈斧鑿難爲  
開淑女貞不渝冶容甘自灰孤影照明月終身衣  
麻縗粲粲鄰家女于歸迨標梅我生命不猶之死

誓荒堆

石源詩

憶丁丑長安夢遊海濱山石巖巖泉湧石  
上有白雲滿地之銘覺而誌之壬午奉命  
泉南未出都晤閩友詢其鄉土友述清源  
與夢景不殊至泉一載偶過永春縣復夢  
世變遂請告歸時崇禎十六年八月十五  
日爰紀以詩

夜夢遊滄海高山石嶙峋石上寒泉流澄瑩洗心

七十二峯  
足徵集

東山  
吳氏合編

卷三十六  
十二

神徘徊洞壑間路向老僧詢白雲浮滿地銘碣倚  
松筠翩翩蝶夢醒山水俱幻因偶然履其境泉山  
對城闌飛閣交爽氣蒼靄照良辰靈景無常玩日  
月無停輪拂衣歸去來樸素還吾真  
至人靜無夢庸人隨夢馳我性本空寂夢覺自知  
之華胥可神行蕉鹿豈惑疑偶來靈山下泉流清  
且漪嵐光入澄懷石室有舊期游踪非久長遽遽  
翻夢時扁舟去滄海轉盼雲山移逍遙大化中何  
思復何爲

蘆渚

長風飄輕舟蕩漾入沙渚蘆荻何蕭蕭青山初過  
雨漁家習水濱兩三立相語客帆自往來白鷗閒  
不起

江上閉關贈鄧叔奇

靜氣依江渚雲波入戶深晝閒人跡杳耳目息空  
陰性與水相照天光虛欲沉魚龍各潛默何處寄  
孤心寂寞風雨內微吟送古今

寄懷沈蒼嶼

七十二峯  
足徵集

東山  
吳氏合編

卷三十六  
十三

渺渺一湖水我將溯從之驚聞蛟螭怒波湧道路  
危却顧不敢渡寤寐徒勞思思君立朝日直諫肅  
威儀天運倏陰晦宗廟嗟黍離君父終身淚偷生  
各自悲雲端得翰札珍重來贈貽詢知堂構闢蘭  
桂生庭基老閒筋力健丹莖結嬰兒我有書一卷  
真人所授持洞觀鴻濛上興衰理預知試看星辰  
表玉衡將轉移雲開日月朗良晤近有期

徐寰石園亭看菊

予從江上至家在山之陽言念故人德策杖過高

同霜樹丹黃染遊禽閒以翔衡門俯溪澗逶迤寒  
花香落落有奇石蕭疎種植良秋冬山氣肅半畝  
鬱芬芳隣翁三四輩晨夕遞飛觴我來亦醉歌欣  
對話羲皇坐深夜秉燭仰視星月光陶然遵舊路  
佳會耿難忘

歸東山次徐天子韻十首

湖水環山碧山阿古木深遶門溪響答挂壁石浮  
沉里巷欽先澤煙波許素心境幽風味淡晨夕動

長吟

七十二卷

東山吳氏合編

卷三十六

自昔先靈在淵源世不移松風吹遠歎水石總幽  
期勸影雲依我興言月繫思一峰青欲洗鼓枻向  
汀湄

嵐氣朝昏變濤聲屋上風奇書消晝永老樹表庭  
空不覺塵囂遠悠然太古同花開隨地飲遊伴有  
隣東

一水天無色山門綠挂蘿徑荒苔蘚密人靜鳥言  
多種蕙分蔬圃垂綸傍柳柯忽來雲外句散步日  
頭科

寂坐浮情息藏修憶古人雲山青不了溪月白當  
新歲儉惟宜樸交疎獨守貧遙鐘醒午夜夢影愧  
南閩

從遊欣有托物外締同心看水斜陽立尋僧晚磬  
沉偶然長嘯發相對至言淡以此怡清暇天風爽  
袖襟

不出此灣內棲遲有兩人君多筆墨妙我任性情  
真素習衣冠古愁聞世代新巖深花善護燦燦歷  
冬春

七十二卷

東山吳氏合編

卷三十六

靜氣收天地寒燈夜最清有懷通月性無夢雜泉  
聲半壑容吾嬾千春誰記名併刪文字累默坐息  
煩情

草木結廬小湖山經幾盤嶺頭高屐齒谷口近星  
肝放艇探奇石尋吟遶碧珎四方魚鳥亂茲地得  
偷安

世亂藏身易奔流挽若何神龍離水去野魅嘯風  
過竚立生遐想微行且放歌穹蒼吾倦念力穡老  
巖阿

賦得雪中生白雲

空明何所望舒卷在寒林莫測陰晴候偶然天地  
心因風霧乍起出岫白彌深對此誰堪贈虛無只  
自尋

立冬夜偕象也園亭看菊

殘林留晚卉冬氣報淒涼碎葉依人綠寒花強自  
黃迎霜芳倚砌得月影窺床不醉北風夜空慚籬  
徑荒

湖上留別錢殷求

七十二峯

東山吳氏合編

卷三十六  
十六

秋水天無色秋心萬里同相逢嗟世隔惜別話湖  
中列嶂凝雲碧殘荷落晚紅從今煙樹渺感憶眇

高鴻

喜得親良友羈愁何暇論雲光依遠水山影墮空  
樽重以詩篇贈深于道義言江湖遼闊處風雨各  
倚門

湖上留別默冥次來韻

涼風吹暮雨黯淡對湖山我向寒林去君惟閉戶  
闌含情秋水外惜別桂花間後此相期意天開月

可攀

贈方爾舟

偉人攜劍至乍接心相披浩氣騰寥廓高文重鼎  
彝古今青白眼君父死生悲相對江花落雲光映  
酒卮

寄懷許茂勲

遙憶筠牕書影涼梅花好夢散孤航吟高嶺雪人  
如玉迹溷江簑水送香忠孝盟心千里月乾坤逆  
旅一宵牀幽懷欲寫愁無限願附雲鸞度八荒

七十二峯

東山吳氏合編

卷三十六  
十七

幼洪園亭

屋裏園開一徑新萬竿綠雪遶谿鄰露香曉帙花  
迎友潭影寒魚月近人棋酒對兄消永晝果蔬將  
毋樂芳春扁舟日繫衡門外羨此雲林好避秦

燈前菊影

幽花分幻現何因燭吐靈光花吐神夜氣淡描屏  
上畫秋容冷照鏡中身虛無化蕊霜窺室別有殘  
芳月透隣畏出寒籬宵採摘短檠書榻較相親

秋夜聽蟲

秋陰寂寞抱幽情獨對殘燈聽暗聲露冷草根吟  
似訴月昏籬落響何爭喧無節奏紫疎夢韻有同  
羣訂細盟酒醒空牕風散籜淒淒疑雨灑寒更

月下聞雁

徹地寒輝霜氣融荒天皎皎一聲鴻懸飛朗趁孤  
輪遠失侶哀聞萬籟空影帶疎星過靜渚音飄晴  
夜矯西風帛書迢迢如將下一片清光幽夢通

垂楊秋月

溪邊碧浪颺清秋光動千絲繫一鈎素影綠牽天

七十二峯

東山  
吳氏合編

卷三十六  
十八

不夢斜暉青綰樹交浮煙迷晴夜漁歸浦風弄空  
明笛倚樓捲盡微雲輕絮舞棲鳥驚曙遶枝頭

秋竹

森森碧玉影婆娑搖颺秋光映屋蘿修節凌霄霜  
不變籜聲疑雨夜偏多涼陰綠坐淇園裡寒夢漪  
迴渭水過滿目丹楓君獨異鳳凰音老在山坡

對雪次坡公韻

陰凝一望霰纖纖栗烈西風肌骨嚴天洗世塵空  
散瑞地翻海水素堆鹽寒巖有色冰千樹窮里無

煙爨幾簷莫謂凍塗迷所向白雲高護孝陵尖  
獨樹蕭條啼數鴉繽紛仙蘭亂雲車歲占豐穀祥  
霏玉氣動玄宮雨作花乘興溯遊孤訪夜閉門高  
卧樂貧家遙瞻江上簑堪畫骨傲風濤挺一叉

雪霽同友人作

脩脩人欲仙晶晶夜難暝淨掃天邊雲同乘月中  
艇

吳安伏

安伏字諱才庠姓嚴名龍源長之弟

七十二峯

東山  
吳氏合編

卷三十六  
十九

擬古十九首 選七

熒熒幽蘭室胡爲生別離思君重回首阻濶傷天  
涯幄中有芳馨君去空自知逝水迴斷波翔禽歸  
故枝遊子去已遠鏡塵膏沐緩恐君有新遇纏綿  
更不返草木帶霜颺心驚歲華晚念君還自持潔  
修進餐飯

靡靡山上松齒齒山下石盤坳錯蒼根軒東滯遊  
客結髮諧所樂德音向靡薄遊子慕帝鄉策名秦  
與洛寥寥玉閨中形影自糾索青青艸滿園荒荒

月搖宅浮雲限河漢心路隘咫尺寒暑通專慎慰  
遠莫相迫

澤陂布芬蘭含英花未齊旁有嬌女室蓀壁芙蓉  
階容光暗虛擲沉歎中鳴悲今日冰操女何年良  
士妻空餘窈窕姿流影相徘徊絡緯織愁聲風度  
秋音哀香澤非不減在俗知者稀思爲銜泥燕雙  
雙金屋飛

秋月生青蘿涼風搖綠艸故人萬里別展轉長征  
道何時歸舊鄉泉石養浩浩會我同心人抱德以

七十二峯

東山  
吳氏合編

卷三十六  
二十一

終老

茂林有芳樹翠落凋繁滋攀條不堪折遠道深相  
思眷言清秋節衣單更何之柔艷易凋謝非復離  
別時

遊子遠從軍去去祁連道遶風獵地鳴萎黃玉關  
艸吁嗟榮盛年坐愁刀劍老念我閨中妹旋歸苦  
不早攜手復何時奄忽難壽考浮雲隔千里策名  
安足寶

明月入綺疏照耀未垂幃河梁遠行客霜露增徘徊

徊美人在何許秋去猶未歸含情向柔幄長號知  
者誰離憂起淒風吹我羅裳衣

過寶帶橋

野曠江干澗星分亘遠流亂風春草積孤羽夕陽  
收橫邈遙歸岸排行少礙舟乘虛波浪息屬意覽  
芳洲

讀念茲旅聲艸

流澗深泓瑟山荒木葉闌帶聲虛月澹餘想入秋  
寒韵瘦清延竹神芬艷紉蘭遙思煙水處吟夢幾

七十二峯

東山  
吳氏合編

卷三十六  
二十一

回殘

寄大兄源長

靜裏驚榴艷紛然到爾思山遙蘭雪佩澤處夢吟  
時月鑒江城隔書緘鴻雁遲絲萼應在念浮棹解  
攢眉

吳景雱

景雱字惟一

分賦葉余山壽吳餘生

瀨渺水西洋如牽葦一行鍛曾嵇叔夜族半沈諸

梁石枕蒼巖裂花籠白版香月殘沙未曉點點漾  
鷗光

七十二峰  
足徵集

東山  
吳氏合編

卷三十六  
二十二

七十二峰足徵集卷三十七

武峰吳定璋友篁蒐錄

石公王奇信爾份編訂

葉崙

崙字羽遐專志於學敦篤友誼壯歲遊京師與西  
寧侯宋裕本恭順侯吳國華給事中臨川傅右君  
推官井研雷兩津閩中劉同人太原張九丰為最  
善右君直諫下獄死羽遐為之經理喪事兩津遊  
西湖以中菌毒暴卒羽遐聞訃即至杭不及與家  
人計行裝同人選吳縣令卒于途往哭盡哀九丰  
死子孟恭孤生無輔羽遐常左右之其為人誠懇  
有終始不以死生貧富易其心類如此性嗜六書  
與趙靈均交靈均父凡夫先生變玉筋為草篆著  
說文長箋靈均世其學而羽遐能得其筆法其八  
分書初規模宋比玉而以文衡山為宗後遊虞山  
見馮定遠定遠通明六書之學相與講貫源流派  
別乃盡棄其所學於是篆法一遵李斯玉筋而八  
分以尹宙曹全為歸晚年八分書瘦勁古秀迥非

七十二峰  
足徵集

東山  
葉氏合編

卷三十七  
一

文宋所可幾有佛母準提頌鴛鴦塚碑南葉螺峰  
阡石土地碑陰大得曹尹筆致北平有于奕正字  
司直者好金石文字刻聞羽遐名因編天下金石  
志寄之羽遐雖處貧然見漢唐搨名碑必典衣減  
食以相易有名山堂印譜一卷詩有雲持草葉蒼  
舒云余每接羽遐喜其琴心鶴姿神情閒遠及讀  
所賦雲持詩則曰如其人如其人

同吳凝父泛月有懷陸仲飛

蘋香吹午夜中流移艖艚白月冷無聲漣漪寫人

七千二峯  
足徵集

東山  
葉氏合編

卷三十七  
二

影孤峰青亦沉相弄秋萬頃長嘯答高空響落蛟  
宮警颼颼天風生殘酒颯然醒忽起伊人思寒烟  
紛耿耿

秋夜懷姚自行

碧月在西岑清暉斜入戶匡床趺坐殘夜深深欲  
午落葉下閒階淅瀝一庭雨雁影隔江干鶴影亦  
賓主不見孤山人延佇悄無語

江春曲

江春裏出垂楊綠江春望斷高樓目冷控湘簾小

玉鈎深掩雲屏舊銀燭蘭火慵薰翡翠衾鸞絲香  
褪芙蓉褥天涯有客夢歡娛閨閣何人坐幽獨闌  
干屈曲春山低生憎江上雙鴛樓宜男已長燕鷗  
出楊花飛盡征鴻迷楊花不解春愁惡一任輕狂  
撲羅幕君心未必似楊花恐變浮萍亂飄泊

贈于司直

夢寐深燕北于今喜識顏一泓秋水澹幾片野雲  
閒古榻惟堆帖虛堂宛見山不知三逕外車馬破

苔斑

七千二峯  
足徵集

東山  
葉氏合編

卷三十七  
三

寄宋西寧侯

綠漲波光渺輕舟次白門乘春沽夜酒帶雨渡花  
村在昔易分手於今翻斷魂八行多見訊彷彿對

王孫

會佳撫之和吉諸弟還山即別

南北此相見離愁猶未艾雨窓親大被烟浦借孤  
帆楓色鮮于酒秋痕澹似衫西風江上信時一寄  
深岩

過天長縣

此邦殷且朴災厲近難存已是歲無稔那堪科更繁  
草心青客路野燹赤柴門滿目驚蕭索吞穀未敢言

秋夜泊秦郵 聞西蜀李公有惠政

得蟹重沽酒輕舟旅夜情月明鳬夢稔人靜稻香生  
小屋通漁火孤城遞柝鼓因聞刺史政秋水共澄清

廣陵逢劉同人先輩因悼于司直

霜柳燕都折暮秋江南重值事遨遊平山訪友花

七十二峯 東山 葉氏合編 卷二十七 四

迷渡邗水聽簫月滿樓林壑有天容我放肝腸如雪  
感君留碎琴千古悲知己窓外濤聲動旅愁

旅中寄張澹城張方耳

花時無日不盤桓作客天涯白社寒潭拓經翻三  
夏遠虹橋酒濶一春殘鷗迷汀草遲歸夢鴻斷江  
雲問旅食每過水山奇絕處雙筇寥落憶同看

寄可南上人

一葦乘秋碧空懸湖上思幾看孤嶂月似對老僧  
時

宿寒山趙雪均家

枕書睡去門忘扃幽瀑吹來酒忽醒冷盡秋心立  
庭下寒山月白雲冥冥

同袁白賓住可南上人房

一春榻共野僧家林壑清幽鳥不譁惟許松風吹  
石澗月明無事對梅花

宿脅庵居士家

蒲團野鉢髮僧家坐到忘言月已斜一樹梧桐半  
庭影小闌干外尚煎茶

七十二峯 東山 葉氏合編 卷二十七 五

葉程南

程南字陽生常賈于秦晉間作臨高臺歌吳橋范  
司馬見而嘆曰有心人也

老夜

衰老無歸策愁擔未息肩空山嗟有屋近郭苦無  
田霜露光延夢楓梧葉改天燈寒徒結葦照影不  
成眠

泊泮水庵

寺門寒色動岸白草萋萋小犬迎船吠群鳥隔樹

啼吹烟茅屋底落日板橋西前路無多遠若溪與  
雪溪

伍家里

身既為國亡家亦為仇破一道越溪水日夜門前  
過

葉弘祖

弘祖字季昌

咏罌蕉和枝昌韵

吟幢閃翠影層層勺水含生潔似冰欲寄葉牋應

七十二峯

東山  
葉氏合編

卷三十七  
六

覓雁漫持花管為書蠅榻餘古玩清堪比硯借寒  
涓韵幾層任是栽培只盈尺案頭亦見綠天曾

葉有馨

有馨字子聞世居王舍弱冠能文寄籍雲間為諸  
生試輒冠軍與李舒章齊名時陳大樽宋轅文倡  
幾社與婁東復社並馳幾社多才華豪健之士而  
予聞舒章實為眉目生平足跡半天下著作甚富  
有咸悅堂詩文集當湖陸稼書先生序之

南征

蒼茫吳越野遊覽高山岑千里各風氣百里殊晴  
陰目極思煩紆親舍邈難尋商商雲扶轂鄉書願  
寄音迴颺吹之起奄忽與浮沉沉可奈何悲傷  
遊子吟維嶺噬魴鯉維鳥哺中林我獨何為者一  
別如商參常愛父母軀挺轡畏欽峯白華被高陵  
藉此慰遠心

流泉無緩瀾白日無停晷驅車下脩坂光景馳濛  
汜颯颯空穴風翳翳巖雲委蕭蕭松與楸鬱鬱列  
高壘歸鳥喧縱橫荒蹊號孤兕百年如朝暮功名

七十二峯

東山  
葉氏合編

卷三十七  
七

良可已願存五倉色飄飄享遐紀殊庭終難到誰  
親安期子順化我常足尺樞觀至理山行窮登降  
孤客載水宿潺湲百泉會批巖波逕復雷霆觸石  
鳴頽響奔林谷乘流濯鵠首豁雲不能逐荒驛無  
人烟但見鼯與鹿沙塢忽相聚帆過飛集木神颺  
激華薄菲菲蘭芷馥蘭芷我所攀徑路漸資葦大  
澤何寥泬託棲豈一族蝮蛇橫蓁蓁靈虬蟠泥伏  
時化安可知感物百慮感  
援狄擁樹條鷓鴣宿石根高下不易性物各戀所

存我家本五湖乃為甌越人海氣變朝夕極望無  
崖垠星漢浴其波日月吐與吞求藥中道去徐福  
良負秦我願引連弩殪射吞舟鯢東瞰扶桑谷西  
窮弱水濱爰居告我災嘆息懷友親訾黃歸且下  
髣髴精衛神

孤雲群相逐羈旅獨無儔仰見啣泥燕俯聽草虫  
啾肅肅廣庭陰纖纖月如鉤孟夏愁夜長憑檻望  
斗牛河鼓東北起天駟西南流悲風鳴我側海瀕  
黑霧稠往來分杼軸中乃隱高樓慘澹非我土所  
足徵集 東山 葉氏合編 卷三十七 八  
思湖之洲將比黃鵠翼何為中淹留女蘿托喬松  
青萍依水浮常屏南策慮曠達可忘憂

感懷

盛夏三五夜澹澹河橫樹玉衡指大火朱鳥參差  
度草虫為我吟望舒為我顧人生幾何時少壯忽  
衰暮高下陵谷遷宮闕夷為墓繁華難久耀窮愁  
焉足顧鳳皇乘風翔玄豹隱寒霧神物皆有托我  
志寡所附白水歌已矣采蔬北山路

雲間五君詠

董尚書玄宰

尚書邱壑性濡翰思邈然華組豈不縈世網誰能  
牽處順類有道放情若遊仙不服西山藥何以獨  
延年

陳徵君仲醇

徵君志龍蠖浮沉任所如大隱平津舍小隱東山  
廬虛舟物罕觸尺椽理常餘蕭蕭墓木拱過者猶  
歎歎

夏吏部瑗公

吏部何特達道消志不傾隱憫感僕御翰墨皆甲  
兵貫日非報國沉淵豈矜名山公不復覲誰為揚  
濁清

陳給諫卧子

卧子核華道豈其資墳索三都固揚榘五噫非徒  
作身變方無違倚伏昭在約終從彭咸居古義良  
不作

李內史舒章

李生好奇服談言豁雲霧性峻不傷物時危乃窘

步反初憚用犧薄遊漸戢羽將招北方魂誰託要  
離墓

七里灘

連峰束滄江青翠相蕩漾攀林夜露晞登臺朝瞰  
上明滅樹含暉稠疊山多狀風遲響萬谷猿吟靜  
孤嶂玩物理無垠尋幽欲可盪采石隱名跡垂釣  
齊得喪豈不希高蹤琢山誰遇匠龍螭時化遷懷  
抱永夷曠

陽春曲

七十二峯

東山  
葉氏合編

卷三  
十

白苧城邊春雪融白苧城南青草葱洪濤萬疊春  
申浦雲開灩灩落彩虹沙棠之舟疾于箭雙撓兩  
槳繞芳甸梨花如霰梅花飛千樹萬樹流鶯囀鶯  
啼不住好風來吹開曲院又層臺佳人清晝梳墮  
馬凭闌睇望春徘徊可憐戲魚兩相顧可憐汀渚  
雙飛鷺忽聞簫策吹城頭樓船沉沉隱海霧歸義  
侯家百斛珠橫海將軍錦襪璣捷書屢報賞不薄  
六博五白相喧呼軍中為樂且若茲何況江南游  
俠兒挾彈走馬垂楊畔嘯侶擊鞠當中遠旗亭新

酒酒色綠當壚少婦顏如玉吳羹香滑天下奇飲  
罷金錢紛碌碌歸來華館臨清波蘭膏散暉蕩翠  
娥秦箏齊瑟鼓唧唧鵲鳩悲鳴奈樂何君不見樂  
遊苑內龍蛇吟館娃宮中榛棘深目極千里增煩  
鬱春來春去傷春心

兵車行

飛挽雲流枉矢朔風颯颯哀笳起素甲朱旗寒易  
水縣官次第給芻糧親戚攀號倒道旁道旁一婦  
殺酸悲兩手抱持苦訴之大兒十八樓船卒小兒

七十二峯

東山  
葉氏合編

卷三  
十一

十六橫海麾老夫五十吳鉤劍西隨博望巡邊陲  
博望河源音信稀南飛雙雁幾時歸君不見無諸  
城倚南斗側丹蛇百丈蟠十圍大海蛟龍晝夜舞  
天吳髣髴若可覩五溪七姓漢軍鋒田田銅鼓飛  
石砮悲哉渡瀘水四月烏鳶死况涉流沙道八月  
無枯艸昔為征人婦今為征人母朝飢且負薪夜  
寒常春白無夫強自持門戶無兒誰與終隴畝君  
不見鹽澤磧中骨如雪牂牁江內流成血鐵衣片  
片生莓苔孤魂不到黃金臺

長相思

長相思久別離玉砌紅蘭白露垂涼風吹月入羅幃披衣獨坐數螢火澹澹長河掛樹枝與君相見顏如玉與君相別髮如絲年年歲歲衡陽雁願向重華陳素詞山鬼嘯雨猿啼月南洲北渚共然疑半牀綠綺上苔色含情欲語當告誰不見金井百尺梧桐葉桐葉脫盡根不移

長相思斷中腸停梭不忍織鳳皇撫柱還羞唱鴛鴦挑笙薄寒秋夜長紫綃之帷風自揚龍鱗翠波

七十二峯

東山葉氏合編

卷三十七

十二

向身瀉網戶疎星窺玉牀君若黃河水東流日茫茫妾如砧上月來去凝清月光光團團墜金塘嚴霜夜飛百艸黃愁顏祇落明鏡裡血淚常流錦瑟傍君歸照鏡彈錦瑟百憂展轉豈能忘

縹緲峰

君不見具區連峰龍虎蹲縹緲視之皆兒孫半里漫漫泄雲氣黃雲湧起白雲屯絕頂孤圓無艸樹俯挹北斗窺天門天門不即開眺望嗟無已楚山越山數點烟九州盡在空濛裡低頭近看太湖水

晶晶浮光五百里青山倒掛碎天璣漁帆歌側走翠微日出日落紛照耀紅霞萬道無定暉大風吹月度五湖魚龍戲舞山鬼呼雲中車蓋來咫尺舉觴酬之問疇昔悲帝子思重華焉知此山有巴陵之地脉

冬夜渡太湖

吾歸嗟歲暮乘夜發扁舟自顧無行侶相隨孤月流濤鼓卷嶺霧帆影起沙鷗燈火微微外山家古渡頭

七十二峯

東山葉氏合編

卷三十七

十三

對月

月到炎州澹榕陰萬樹圓哀猿青嶂外疎笛白雲邊影拂荒宮艸寒浮古驛烟海天輦鼓急水夜照樓船

釣臺

七里連峰秀霜臺青翠中嶺雲常帶雪溪石忽鳴風地迥炊烟斷亭虛列宿通滄江今古在何處漢家宮

過洞庭湖

不上岳陽樓乘風過岳州遠天連九水高浪駕群  
邱帆影雲中斷湖散月下秋忽聞猿嘯曙有客起  
鄉愁

白鶴嶺

未盡炎州地紛紛朔雪飛天邊重嶺隱馬首亂山  
圍海水侵城樹蠻雲落客衣寒深豺虎叫惟有塞  
鴻稀

永嘉江

江納衆溪寬春濤湧翠巒天厓城帶水山靜月流

七十二峯

東山  
葉氏合編

卷三十七  
十四

灘謝客巖雲落陶君竈火寒南歸裘敝盡鷗鷺浴  
相看

上巳後一日同人讌集

天涯賓客一尊前急管悲歌夜雨懸高會偏多梁  
苑客憂時誰著祖生鞭空庭響雜搖朱火古劍花  
寒落綺錢醉後相看頭盡白漁樵蓑笠五湖烟

天壇寓目

漢郊秦時鎖寒烟歷歷粉榆不記年萬戶樓臺金  
闕外諸陵風雨石壇前鶴歸夜靜笙簫轉雲去祠

空星斗懸複道紛傳過豹尾揚雄何不賦甘泉  
上帝園邱對鳳城九霄雲霧擢金莖長松古柏何  
人種紫燕黃鸝舊國報宣室論神驚賈誼泰壇議  
禮拙匡衡悠悠雨後平疇水斜映山頭落日明

雨夜禁鐘

燕臺孤客正悲傷况復秋風旅雁翔雨急千家砧  
杵靜雲陰五夜禁鐘涼清報飄颻諸陵樹殘夢愁  
聞舊苑香誰道宮中行樂極曉來歌舞散昭陽

濟寧舟中遠望泰山六韵

七十二峯

東山  
葉氏合編

卷三十七  
十五

扁舟濟水北泰岳海雲東大野星還白扶桑日正  
紅嵐浮三郡外峰掛九霄中風雨思秦樹烟光憶  
漢宮寒深山氣合望迴帝靈通若遇登封禮相如  
草未工

五日飲方鑑亭十韵

白水含金澗紅亭泛兕觥席搖千樹色歌亂百泉  
聲閒鳥隨花落潛魚觸藻驚日疎槐覆瓦風聚竹  
當薨瀕海雲偏黑環山畫轉清蠻烟迷楚塞越嶠  
到吳京墨鼓長干壯飛鳧白下輕玉鞭驕朔馬銀

甲發西第麥秀昭陽殿苔眠承露莖臨觴悲舊事  
此日賜臯羹

葉英

英字菊存梅友弟也學詩於兄攻苦久之幾與兄  
敵嘗賣藥華亭市中有子能治生而不好紙筆菊  
存病中喟然曰吾詩將遺誰守耶與其零落覆瓿  
不若付之祖龍盡焚其稿鄰童陳某拾取一卷名  
秋吟州率皆近體

羅山人以詩稿見示賦贈

七十二峯

東山  
葉氏合編

卷三十七  
十六

寶瑟被朱絃本當奏清廟抱器不遇時瓦缶反相  
譙以茲抗志徒不與世競劬婆娑邱壑間往往自  
歌嘯咄哉羅山人偉抱固難料示我一卷詩泠然  
具衆妙讀之沁心魂凜若冰雪照薄俗日頽靡哇  
蚓恣喧鬧聽此太古音毋乃不同調什襲謹藏弃  
願言永為好

亂後過玉山縣

荒城滿荆榛豺虎自雄長墟里絕人聲寒流動哀  
響貧賤遭亂離奔走事俯仰傷哉行路難塵勞日

執掌人生能幾何長歌發慨慷

黃河

禹功難盡處三患至今存雲帶千帆遠風呼萬馬  
奔鬼工通地脉玄化自天根擬逐窮源旆崑崙試  
一捫

弔韓鄴王墓

豐碑突兀翠微根聞說鄴王墓尚存山水盡含南  
渡恨風雲猶似宋時屯松楸雨黑群魑舞石馬祠  
寒野日昏懷古獨來原上望離離烟艸正銷魂

七十二峯

東山  
葉氏合編

卷三十七  
十七

陸魯望故宅

曾是當年處士家至今高柳覆蕙葭曲欄不見人  
言鴨廢圃空餘官地蛙堂下蘼蕪生欲遍望中烟  
水浩無涯近來江上鱸魚美擬學先生理釣槎

過史閣部墓

十載蒼生望袞衣孤忠許國久忘軀但知桑土宜  
先雨豈料豺狼已負嵎亘古邗江流碧血至今遺  
老薦生芻我來憑弔蕪城下蔓艸銷纏戰骨枯  
癸亥冬日嚴寒浦東越宿積冰成山感賦

年來無暇尋邱壑忽見米山十丈高潮湧海門驅  
鐵騎日高瑤島射金鼉清霜縞夜聽鳴玉寒月滄  
江起素濤自嘆客瑯渾英盡朔風無那利如刀

送人從軍

年少翩翩冀北行居然冠劍魯諸生敢投定遠當  
時筆為請終軍舊日纓秋水蓮花王儉幕春旗柳  
色亞夫營燕臺市駿今方急看爾臨風振鬣鳴

秋日出山

故園霜落萬峰寒滿目丹黃葉欲乾十里晚烟迎

七十二峯

東山  
葉氏合編

卷三十七  
十八

客棹一灣秋水浸漁竿山中酒熟仙人釀籬下花  
開處士食負此林泉事行役他年能免北山彈

宿靈巖山

別館驚秋枕簟涼秋葭偏銜九迴腸半天鈴鐸風  
初起萬竅笙竽韻正長石罅暗泉鳴斷壑女蘿山  
鬼嘯空廊最憐窓外寒蟬苦助我悲歌夜未央

園中木芙蓉開放諸昆弟讌集賦詩卜夜

拒霜初蕊映寒潭群季携樽此盍簪明月掛簷澄  
夜氣彩雲當檻落晴嵐謝公好句生池草阮氏家

風飭釀壘且喜詩成皆敏捷不煩金谷酒行三

董孔望園亭看芙蓉適請仙降箕賦詩和韵

十里秋原繚錦城幽居如畫擁形雲龍門未許人  
輕到玄語偏容我與聞下里愧非芳樹曲上真閒  
策護花勲直須署作芙蓉府碧落行頒十賚文

廣陵次梅友大兄韻

雷塘殘塚認前朝墓木淒其葉半凋天市垣空雲  
霧羃邗溝潮漲恨迢迢徒聞野鶴來華表不見佳

人教鳳簫舊日迷樓何處是玉鉤芳艸正魂消

七十二峯

東山  
葉氏合編

卷三十七  
十九

登金山

江漢狂瀾日夜流巨靈特地湧丹邱百川回首趨  
三輔一柱擎天鎮十洲澤國雲開看蜃結海門月

出見珠浮山風吹上蓬壺頂疑是騎鯨物外遊

晚渡吳淞江

蒼蒼葭菼蟪蛄鳴水面微波五兩輕天外夕陽衰  
艸遠雁邊寒色暮雲平何年疏鑿從神禹當日風  
流憶步兵買得釣船從此去三高祠畔寄餘生

金塢

閒雲片片蔽餘筇竹木微通一徑斜願向箇中租  
十畝盡教繞屋種梅花

題畫

桂樹桐陰一色青層岩飛瀑打窓櫺此時高士朗  
吟罷獨坐艸亭攤水經

葉澄高

澄高字秋浦梅友從弟寄籍婁縣為諸生

塞下曲

少年矜壯志不信封侯難馳馬逐硬手橫戈擁雕

七十二峯

東山

葉氏合編

卷三十七

二十

鞍孰知邊塞苦日照錢衣寒

秋懷

秋風凋池蓮白露榮園橋時序易遷流感念情非  
一中宵對友朋濁醪慰蓬室西門豈智求北宮非  
愚失布衣輕萬乘片言重千鎰誰云古共今高  
駕不相軼各勉玄髮期毋慙素絲質

遊豐樂亭

豐樂當峰起環滁一望開寒空低作雪陰壑鬱生  
雷是日倏忽山光隱蒼茫雁陣來感時重搔首倚

嘯更登臺

黃浦曉發

出浦聞鷄唱舟行欲曙天疎鐘深寺裡落月片帆  
前樹隱孤村屋潮平西岸田滔滔逝不息疏鑿是  
何年

錦溪堂為周公常賦

卜築茅堂西澗西隱心應與古人齊千花爛熳勝  
於錦萬壑潺湲來此溪盡日賓朋相笑語有時鷗  
鷺自相依乘風欲進江邊棹烟樹茫茫一望速

七十二峯

東山

葉氏合編

卷三十七

二十一

葉世偶

世偶字有一負氣豪邁飲酒至一石不亂嘗製一  
舟邀同人徧遊七十二峰所至輒多題咏摩崖書  
姓名石上又喜花壇月社自以為天賦第一情種  
也遂號情仙作情譜十詠其體格如韓致堯多旖  
旎柔情予恐其詞之近於誨淫也故違衆好而不  
錄

中秋後二日社集中峰山房待月得秋字  
去望雨宵隔賞心猶在秋月遲憐佛火人醉倚僧

樓雲色涵窓淨烟光載石浮更深林影動鵲夢繞清謳

七十二峯足徵集

東山葉氏合編

卷三十七

七十二峯足徵集卷三十八

武峰吳定璋友篁菟錄

震澤沈裕雲我瞻編訂

席汚

汚字楚臣東山人隱居翠峰種竹遶屋王太傅鑿題曰筠軒贈之以詩因號筠軒老人

筠軒歌

筠軒老人慕詞壇高士盡結平生歡幽栖卜築山之麓四窓俱對青琅玕新梢扶疎半吐葉老節挺

七十二峯足徵集

東山席氏合編

卷三十六

勁皆成竿有時清風颯然至微聞戛玉鏘鳴鸞七賢六逸時枉駕清談酣飲欣盤桓興高采烈爭落筆忽驚滿壁龍蛇蟠墨光竹色相照耀歲寒不改千秋觀入林自是我同調莫說叩門來借看

席學武

學武字可憲號磐石有卧篋顰眉稿二卷

效白體何處難忘酒二首

何處難忘酒芳時正少年秋宵明月下春日好花前粉面香連袂青鵷錦列羈此時無一盞辜負是

良天

何處難忘酒孤燈夜坐深  
薄衾籠瘦骨短髮落輕簪  
夢斷三更漏愁回萬里心  
此時無一盞不復有知音

歲除有感

冷風殘雪逼窮年  
杯酒辛盤聊自緣  
脫粟久甘今夕供  
綈袍安藉故人憐  
壯圖已負平生願  
敗局原輸一着先  
六十歸來雙鬢白  
夜深合掌對金仙

漂母祠

七十二峯

東山  
席氏合編

卷三十八

漂母祠前野水寒  
王孫曾此寄人餐  
早知雲夢車中載  
只合淮陰把釣竿

席本廣

本廣字伯宏著有滌心齋集

登金山

舍舟立江心狂瀾撼我足  
及登第一樓兩岸平腰束  
窓中極萬里帆檣疊于目  
月白潮欲來浪翻千點玉  
令人心鏡空頓覺離塵俗

同綱臣訪眉師遇雨止宿

山鳥呼山客入門一試茶  
白雲遮屋暗綠柳掩溪斜  
並坐聽新雨微吟惜落花  
淹留還剪燭相與酌流霞

席啟紘

啟紘字文表縣諸生規言矩行直道待人時葛震甫負吳下重名遠宦滇南其太夫人年已八旬文表作藥名詩諷之云知母年高獨活悵當歸奚事向天南云云震甫得詩心動即掛冠歸里登文表之堂再拜曰先生教一龍以孝一龍母子受賜

七十二峯

東山  
席氏合編

卷三十八

多矣世嘉震甫之虛懷亦多文表之古誼  
秋日鶴湖感事

孤村繞水樹籠烟此夕清輝一鏡懸  
蛙鼓不驚漁父夢榆錢祇給社公緣  
靈均去國三秋接吉甫專征六月聯  
翹首槐槍猶未隱相逢聊與話滄田

席啟鳳

啟鳳字文儀文表雁行也其先世以貴雄郡國後稍中落文儀能以織書筋力振其家業入貲為郎未及遷調而卒

九日舟次

斷續重陽雨孤舟獨坐時龍山何可到竹葉不須  
辭擁鼻甘棲泊懷人入夢思去年饒逸興載酒過  
東籬

泊邗江

月到廣陵秋征人賦遠遊江天寬一望烟水渺孤  
舟已切京華念渾忘旅客愁蕪城佳麗地何處問  
隋樓

偶題次張文寺雪咏韵全劉公勇

七十二峯  
足徵集

東山  
席氏合編

卷三十八  
四

凡間不見有青城半醉遊來山半晴日暮酒壚尋  
獨客橋西古寺欲三更人吹玉笛天能老春到梅  
花氣不平苦覓古今間受用漁樵容易過餘生

席啟圖

啟圖字文輿號嘯濱太僕本楨之仲子以貢士補  
內閣中書舍人少異常兒至性過人生母譚早卒  
鞠于嫡母吳氏屢病瀕於危憂惶調治晝夜罔懈  
自艸青詞籲神願以身代死先後凡四十九章居  
常歎山中素封不一家或不再傳而衰微我但令

子孫衣食粗足餘當悉其所有以行善庶不負上

天厚我先人貽我之意其施濟諸事詳汪堯峰墓

誌徐東海傳略中生平恬靜寡欲惟好稽古讀書

嘗手自輯錄先賢嘉言懿行條晰部居若干卷名

曰畜德錄其病也先期謝遣醫藥語諸子曰吾之

生也太歲在寅今歲申也月又如之寅申相戰吾

殆將不免既而果然達者謂之知命康熙中祀鄉

賢寧都魏冰叔云孟子曰親親而仁民仁民而愛

物若舍人者庶幾矣雖歿而祭於社何忝焉

七十二峯  
足徵集

東山  
席氏合編

卷三十八  
五

夜讀

群動亦已息一燈還自炳展卷繹名理旨趣時獨  
領漏轉銀河傾爐熄茶烟冷四壁無虫聲明窓自花  
影答馬夢中吾疎鐘報警枕

勿謂夜未央翰音還相促起視天宇清底幾消煩  
渾徙倚堦除間晨光動初旭中懷淡且寧不使外  
物牴牾踣于焉分從茲永自曷

庚子秋日全朱柏廬先生集吳南村齋頭

泛舟過曲港菱葉露將晞握手竹深處探奇石浪

磯晴雲光照酒蚤桂馥沾衣已盡平原樂何須十日歸

中秋後三日偕石城諸兄集天立觀濤閣玩

月

觀濤閣上晚涼生笑語臨風待月明湖面忽看浮玉鏡浪頭層出洗銀晶紅燈綠酒秋懷好碧水丹山夜氣清怪底吳儂渾未見浪尋美景石湖行

虎邱中秋口號全金天立

高下笙歌聽幾回如雲士女占樓臺鄉人也畏半

七十二峯

東山  
席氏合編

卷三十八

升粟問到千人石上來

席濤

濤字文瀾號兀齋才思敏捷詞壇有溫八叉之目壯遊京師喜與豪俠結納言必信行必果窮交恃為緩急名聞齊魯間嘗以病得老道士授吐納之術鬚鬢蒼而復黑益究心丹砂化煉工夫親試火候或閉戶經歲不出好道者慕之從千里外迎致奉為老師兀齋亦居之不疑自號月津道人有隴西故交為人波累瘦死獄中家貧子幼兀齋慨然

赴其家為之主持經紀人皆義之後竟卒於隴西氏或云蛻于汶上縣詩一卷外甥翁志琦輯錄兀齋自為之序

宿翁令脩齋中

人生在天涯感激一知遇我來長安道風雨亂春暮叩門投鄉人欣然許我住尊酒醒沉寒款洽若平素因之發長嘆歷歷念親故當世尚有人猛虎任盈路

書感二首

七十二峯

東山  
席氏合編

卷三十八

白水沉黃金不動蕙士心碧血灑青林欲招俠客吟高山高巍巍流水流深深抱琴問伯牙舉世誰知音

一卷冰雪文萬里山川氣懷挾謁卿相進退避忌

諱士當太平世雅志附韓魏偉哉李藥師能失越

公貴

征婦怨

雁聲哀怨砧聲急空房少婦含愁泣良人千里邁孤征歲歲寒衣早收拾九月天高風色嚴剪刀聲

冷銀針澁銀針澁紅袖濕幾迴欲上合歡床無言  
又背孤燈立

鐵筆行贈楊漁山

壁間美酒貯十斛案頭文石積半簾楊生醉後不  
見人獨舞鐵筆睜雙目劃然直下神與遊庖丁游  
刃無全牛悄然歛息色若怵逢蒙彀弓欲貫螭蜻  
蛭水面一點回抱花癡蜂驅不開燈殘黯鼠嚙筍  
籠戛戛索索敲相催水流花落春光靜風雨歇來  
成幻景酒醒投筆望遠天隱躍几間動光影剖珠  
足徵集

東山  
席氏合編

卷三六

秋風歌

噓噫秋風何蕭蕭蒼黃半僵鳴柯條寒廬有孤客  
擁褐傷飄搖頻年消息驗毛髮匣裡劍光射妖孛  
土壁難開石鏡花寶鞭誰指關山月啾啾唧唧不

堪問徐娘猶說存丰韵脫帽投地絕叫呼雙眼仰  
看日脚暈江南有美人塞北多青燐悲歡轉瞬成  
舊新秋風此地徒愴神噓噫秋風此地徒愴神

題畫扇贈式金甥

古石添綠苔漸肥野花野艸爭芳菲艷陽觸目自  
成媚蜂蜂蝶蝶雙雙飛韶光九十原無幾轉眼遷  
移若流水前朝人道送春歸何幸相逢尚如許閒  
窓展玩頻嘆息人生莫負少年日少年意氣同春  
光莫待春殘空斷腸

足徵集

東山  
席氏合編

卷三六

贈湯士先

長安識君故鄉客俠氣勝情老成癖詩卷囊儲河  
海心鬚眉影壯風塵跡黃金有光劍有殺致人生  
死同一情訝君何事獲深譽肝腸諒不辜平生余  
游京國寡親故邂逅遭逢恍如素白袷看花客况  
秋清尊嚼酒詩懷暮廿載誰能鑒我心空携寒袖  
擁孤琴古人結交良不易一吟佳句慚知音  
邵隣智齋頭復晤若賈趙子  
士得一知己可以慰平生况當長安道反覆皆世

情余初與君不相識但讀君詩變顏色毒龍猛虎  
非易馴深訝此中不可測繼從京華對君面骨鐵  
氣虹眼如電長揖相將別去來一載于茲未相見  
春風秋雨遞紛紛作文送窮徒爾云吹簫擊筑究  
何濟棄繻寧止慚終軍邵公締交誠長者善獎鬚  
眉作客治閒叩高齋復晤君殊慰杜陵賦白也僂  
依爐火意何親脫畧形骸情倍真縱橫談笑默領  
會吾儕結交非俗倫訊君景况頗不惡顧余嗟嘆  
話淪落漫說綈袍不耐寒雄髯猶幸還如昨天涯

七十二峯  
足徵集

東山  
席氏合編

卷三十八  
十

王平遠五十

自守在立志相與須知心讀書每每悵管鮑千古  
徒自誇分金君心我心不可說人或問余答不屑  
眼前醜觀苦折旋駕馬棧豆故蹄齧仰天大笑不  
能已狂者進取任譽毀頻年潦倒誰右余造物無  
權我誠倚人壽百歲君得半數君生平起長嘆手  
拂焦桐聽者群流水高山更誰判吾聞東海有三  
神山三千弱水相迴環遠思羽化作輕舉徐市一  
去何年還又聞西方有極樂國具足神通大知識

七十二峯  
足徵集

東山  
席氏合編

卷三十八  
十一

龔粹敏過寓酌酒遣興遂有此作

春風吹吹花滿林秋月照照宵閒砧百年光景過  
如電相逢有酒還共斟與君斟我且吟平生結交  
在寸心頭上漸看生白髮眼前不識真黃金深山  
深處深復深浩然歸去誰能尋松花釀酒雲布衾

飲酣枕藉樂不禁悠悠此意忘古今吁嗟塵世誰知音

滯跡京華十有四載黃梁夢熟決意入山偶以春遊借宿陳堯九館中敘說鄉園感懷身世因成長句以誌同心質諸故人知予勸駕人生何所樂富貴成神仙碧落寃誰到黃金都自賢壯遊若個多親故布衣却被文章誤十丈紅塵蔽馬頭揮鞭猶訊長安路淹留如予剩孤身白眼看天天不嗔知交相見輒相笑笑余誰是同心人

七十二峯

東山席氏合編

卷三十八

十二

東風昨夜吹楊柳禁城邂逅陳堯九握手殷勤話舊遊記得太湖烟水否太湖烟水杳茫茫君亦辭家入帝鄉帳內異書誰解竊牀頭有酒客來嘗倦遊生計類如此挾策幾人得金紫痛飲高歌且共寬燈花落盡商行止年來屈指是非羸得蕭蕭兩鬢稀亂峰深處我今去三徑荒來君急歸讀書耕田享清福努力歸家買黃犢祖宗廬墓歷滄桑回首姑蘇還聚族百年光景逝如波浮名浮利何足多人生有子萬事足五十到頭君奈何勸君決

計須及早妻梅子鶴難終老且招玉燕入懷香駕鹿車偕隱好竹籬苑舍住山翁遙指長江東樓東梅花萬樹人不到鳴雞眠犬烟雲中七十二峰青似昨安樂窩成得歸着神仙富貴總難能如此行藏良不惡題詩留別出門行野服黃冠萬里情一般長嘯海天濶故鄉珍重陳先生

送謝殷男二首

君馬白我馬青相逢下馬勞勞亭西風吹人酒易醒黃花插頭詩不吟盡此一觴且為別歲暮何堪

七十二峯

東山席氏合編

卷三十八

十三

作客心

行行重行行天涯意愁絕走馬為送君與君話離別青山一片多白雲亂楊衰艸吹斜曛眼前潦倒漫相惜吾輩讀書還似君

贈七兄

三十不可再棲遲柰老何鬢星今日鏡淚澁去年羅芳草香車路秋風團扇歌玉簫吹別恨最是五更多

寒夜

浪遊良未易此地笑淹留久客歸心短窮冬旅食  
羞酒醒無夢夜寒入最高樓漸聽鴉鳴曙悠悠奈  
遠憂

別洪易庵

逐逐風塵裡先生得隱名江山歸去好風月老來  
清世路黃金價平生青眼情臨歧一尊酒吾輩謝  
逢迎

春雨

細雨窓楹靜輕寒衣袂生遙知啼鳥處半是落花

七十二峯

東山  
席氏合編

卷三十六  
十四

殺春水開漁舫烟疇動曉畊依依奈詩思芳艸不  
勝情

武城送別熊月槎

無端熊道士別我出柴關河水入秋濶漁舟渡客  
閒好傳千里信為說幾時還笑揖不回首遲余獨  
立閒

懷月槎

消息杳漫漫知君行路難傳聞過碧海未必老黃  
冠春暖鯨波濶秋深龍窟寒浪遊千萬里底事豈

無端

陸西朋過訪

風雨動黃昏荒園客叩門十年諸事改萬里一身  
存帳內書仍秘燈前酒尚溫知君還有意心事好  
重論

冬夜和次周韵

昨宵因病酒剪燭負西窓霜色曙猶白鐘鼓曉未  
撞夢魂同楚岫愁思似春江明日鄉書至離情逐  
去艤

七十二峯

東山  
席氏合編

卷三十六  
十五

蚤起

烏啼天竟曙蚤起更無難徹夜風塵思徘徊故戶  
看馬蹄霜路薄人語酒壚寒顧我何為者科頭一  
倚闌

歲暮送元翰之雲中

風雪吹邊塞孤征意可知憑將遊子淚重寫送行  
詩去去頭顱白看看歲月馳京華還有事努力赴  
歸期

別薄樸庵

如我如君者居山與出山神仙終浩蕩兒女自癡  
頑有事去何處無情樂此間相逢看異日應笑異  
毛斑

客夜全范次丞

客舍無生事西風吹掩門綈袍憐范叔短笛老劉  
琨破壁明朝在殘燈此夜昏蕭條遠遊子相對各  
銷魂

與楊漁山話舊

負氣思年少同君興不殊驢壇曾放膽酒陣欲捐  
足七十二集  
東山  
席氏合編  
卷三十六  
十六

軀晚景蝸牛縮閒情野鶴癯相看今與昔能不動  
長吁

螢

點點復星星秋庭集亂螢及時身有燄何物艸能  
雪侵入書燈白行隨鬼火青可憐明滅意囊扇未  
曾經

清明郊行

檢點客愁新東風又暮春自憐寒食節偏見上墳  
人塵暗來油幔林疎布綉茵踏青行樂地忽覺一

沾巾

秋夜讀徐竺村詩存

秋晴君獨過袖出數篇詩冰雪清塵眼山川動遠  
思十年為客況半夜未眠時展讀添惆悵梧桐月  
上遲

已卯歲暮出都陳堯九龔粹敏送至彰義門  
言別

驅車出京郭莫問去何之半夜束裝急無人留別  
詩吾行多感慨君輩謝栖遲揮手願珍重平生業

足七十二集

東山  
席氏合編

卷三十八  
十七

共期

過趙北口

當年形勝地遼宋作鴻溝王業蕭條盡征人感慨  
遊波光明鏡動堤影遠虹浮却笑關河險遺名亦  
自留

寒夜大雪四鼓送竺村之濟南

踏雪出門去寒鷄猶未鳴客懷當歲暮生事尚宵  
征踈懶慚勞拙周旋賴老成掩扉愁不寐遙與計  
行程

贈瞿端叔

落落江南一布衣，鬢毛老大舊交稀。  
九重天上人難問，五十年来事總非。  
筆底杜鵑清夜血，夢中蝴蝶故園紅。  
塵土長安路珍重，先生蚤賦歸。

夜雨疊前韵

夜夜隣砧聞擣衣，閒愁何似鬢毛稀。  
不禁風雨來今夕，相對親朋話昨非。  
千里勞人憐襪被，十年作客嘆柴扉。  
挑燈且醉尊中酒，莫使鄉心逐雁歸。

十月先開嶺上梅次韻

七十二峯

東山席氏合編

卷三十六十八

玉笛敲沉謝，故知寒林忽放向南枝。  
黃花老去見春信，紅葉叢中發異姿。  
路入孤山疑雪早，詩傳驛使帶霜馳。  
金尊檀板休爭美，留待東風正有時。

和式金秋感二首

擊筑吹簫事可悲，疎鴻斷雁嘆群離。  
愁來乘醉登高處，天際懷人獨立時。  
袖手每嫌觀局少，掉頭真悔出山遲。  
西風萬里鳴笳角，不信相逢雙鬢衰。  
秋來偏覺興無窮，杖笠思隨采藥翁。  
放眼飽看千尺瀑，高歌遙應一溪風。  
逢僧談虎冥清畫，攜客騎

龍上碧空擬買芒鞋，明日事霜林極目暮山中。

已卯午日有感

依舊紅榴映綠蒲，又逢午日起長吁。  
薛人早已忘公子，楚俗何須弔大夫。  
泛去龍舟空故事，射來角黍半新租。  
眼看時序傷今古，漫向京華憶太湖。

九日

依然時序又重陽，客裡登臨幾斷腸。  
城外群山何處好，擔頭叢菊為誰黃。  
陶潛乞食飢驅苦，杜甫題詩老去傷。  
雙鬢自憐青未改，從教落帽話他鄉。

七十二峯

東山席氏合編

卷三十六十九

冬曉次韵

問誰詞賦富三都，書劍頻年伴我孤。  
江海夢醒頭欲白，關山雪霽艸全枯。  
避秦擬覓劉郎渡，霸越猶傳少伯湖。  
事業只今誰論定，謾言歲月老狂夫。

柳

萬縷千絲綠不齊，牽將別恨到隋堤。  
東風蕩漾春三月，曉影離披烟一溪。  
寶馬繫來青旆外，流鶯啼過畫橋西。  
年年華歲歲憐寒食，折盡新枝譜舊題。

范次丞五十

落落風塵鬢髩疎殘書短策廿年餘侯門何處能  
投轄公子誰人解讀書醉後呼盧劉毅老愁中得  
句杜陵噓一尊客邸勞相慰莫負江東舊州廬  
三十年來得意無空留名姓署狂夫天涯結客黃  
金盡湖海傳餐青眼孤夜半論交來鬼哭日中為  
市向誰趨相逢痛飲休辭醉吾亦高陽一酒徒

有感

孤衾短枕總堪嗟黠鼠侵燈落燼花野夢模糊仍  
似醒客貧檢點一何賒幾般殘柝霜華白半樹啼

七十二峯  
足徵集

東山  
席氏合編

卷三十六  
二十一

烏凍月斜却憶東隣頗同况夜寒曾否賦思家  
莫道相逢意氣新仍然潦倒一孤身存將吾舌天  
門遠寒到人心友道真雪霽未能消白艸風狂只  
是攪黃塵布袍自顧曾無恙記取年華得幾巡

塞上曲

馬嘶青海帳屯雲曉角宵笳不斷聞月照鐵衣寒  
入骨分明記得衛將軍  
祁連山水無波夜夜沙中見紫駝閨夢不知關  
塞路莫隨明月渡黃河

雪中戎馬度陰山雲裡旌旗出漢關烽火頻年燒  
白骨羽書連夜老紅顏  
羌笛秋高吹戍樓居延夜火接涼州征人百萬邊  
城外待得封侯已白頭

簫聲

紫玉鸞笙碧玉床鮫綃半幅泪千行此生未了相  
思債偶聽簫聲殺復斷腸

送問源和尚之關東

野鶴孤雲不住峰沒踪跡處寄疎慵行行鴨綠江

七十二峯  
足徵集

東山  
席氏合編

卷三十六  
二十一

頭水好仗慈悲咒毒龍

結交未必誤平生此地離群亦感情極目黃雲隔  
關塞征鴻依舊故鄉聲

席啟泰

啟泰字開生幼習制舉數奇不售其父汝廉督過  
之乃去而為賈獨精音律所至必以絲管自隨及  
寇蹂清源所業遂廢暮年教授於姊夫家姊夫以  
常輩視之無可與言書空咄咄矢口而吟散撼四  
壁姊夫益厭苦之辭辭不得志遂至失明葉蒼舒

序其詩曰昔人不云乎盲於目而不育于心子僅  
盲於目耳固未嘗盲於心也古有以瞽而傳以跛  
而傳以支離而傳則子之盲正以子之詩傳耳未  
幾開生死有季曰澈賢而好學能讀父書云

甲申夏五同王雙鳧集酒綠軒拈午字韵時  
國難告急也

風雨摧戶牖弗早徹桑土懷古弔靈均遺恨在夷  
甫有生處五湖傲睨薄寰宇毀棄見黃鐘雷鳴盡  
瓦釜雄心寄杯酒隱憂灼肺腑豈期世無陽緣以

七十二集

東山  
席氏合編

卷三十六  
二十二

人舛五堪嘆好名流不恤一毛羽時事是如何殆  
欲學五穀以之投深山不食亦狼虎

初夏錦鳩峰看新綠懷鄒舜五

紅芳乍消歇集此嶺幽芬葉滿鄰山雨涼生薄暮  
陰杯飛潭影亂歌動鳥鼓分共飲歡無度馳情幾  
到君

朝鮮牡丹

薄染胭脂褰綠裳佳名執貢自殊方相思幾縮同  
心結密蕊交垂合錦囊枝葉盛唐初演派衣冠小

鳥亦稱王俛容翼翼稱臣伏自向中原奉朔嘗

秋葵次顧子超韵

弱骨稜稜倚檻前幾回認作少非烟因疑久病強  
支起還似新愁瘦損邊秋到盡含梧葉怨霜微乍  
領菊花鮮芳容易老令人惜對爾朝華托素傳

翠峰松徑

筇竹携來松逕邊波濤輕作澗流泉千株掩寺青  
無地百尺齊雲綠到天蝕土脂香應計歲著書鱗  
老不知年深山六月原無暑况對清風聽鶴眠

七十二集

東山  
席氏合編

卷三十六  
二十三

自君之出矣

自君之出矣對鏡畫蛾眉思君難對面鏡裡似相  
窺

閨情

絲絲楊柳弄輕柔手撚長條入畫樓不是等閒攀  
折盡誰言少婦不知愁

子夜歌

淺紅綺翠滿林塘索伴相携下曲廊但得同心兼  
比翼使君寧是野鴛鴦

席啟吉

啟吉字庶常開生胞弟

待雪

曠歲虛清賞相期有素心  
預探藏酒甕頻滌煮茶  
驚凍雀跳高瓦凝雲定遠岑占豐情更切猶恐散

沉陰

席啟疇

啟疇字文九

出胥口

七十二峯  
足徵集

東山  
席氏合編

卷三十六  
二十四

舟出胥江路斜陽古渡頭  
依雲虹若帶度嶺川如  
鉤岬遠燈窺樹風高浪拍舟  
鳴夷魂不返殘恨咽  
寒流

虞山法勝寺  
唐李嗣將軍捨宅

花雨清涼水月空將軍甲第  
化琳宮法輪自轉輕  
車外勝果都成大樹中  
謾謾松穀禪榻靜沉沉蓮  
漏佛燈紅高臺愛妾當年  
盡猶有漁樵話晚風

聞鷄

漏盡鐘疎響忽傳桃都山  
上一鳴先畫樓月落驚

聞夢茅店霜清動客眠  
喚起紅塵爭視夜唱開青  
瑣待朝天田文祖逖皆銷  
歇風雨相思益惘然

題畫

山靜雲閑太古時林泉曲  
曲護郊茨落花滿地無  
行跡便有漁郎也未知

七十二峯  
足徵集

東山  
席氏合編

卷三十六  
二十五

七十二峰足徵集卷三十九

武峰吳定璋友篁菟錄

鳩峰吳定衡天儀編訂

陳愛民

愛民字時之武山人襟懷高淡不汲汲於名利善  
交遊喜登覽意有所愜見之吟詠客金陵入秦淮  
詩社年躋大耋神明不衰耆英高會輒推領袖所  
著虫鳴草金信孚翁升伯序之墓在目青山下葉  
蒼舒過而弔之以詩曰猶記踰躔鶴髮仙一根藜  
杖七條絃風塵塞北輕來往詩酒江南醉十千穗  
死敗燈紅作焰蕉堆殘墨綠成烟亭亭萬樹桃花  
影好與幽人護墓田可以想其高致矣

閒居雜咏

炎威不敢觸裸跣竹窓前手搖白羽扇口誦南華  
篇柴門日長閉心靜無所牽流雲入我牖氣潤詩  
畫箋一瞬三伏過浩歎時易遷金飈吹瑟瑟散出  
涼秋天幽徑蘚苔碧稻花香滿田顧彼老樗櫟婆  
娑蒼澗邊峰巒倏紫翠泉壑寫繁絃晴川落雁影

七十二峯  
足徵集

武山  
陳氏合編

卷三十九

片片霞增妍山水遠我意俯仰恣留連歸來不覺  
晚月掛藤蘿烟

昨日重陽節風雨阻登臨今日聊出戶岩壑陰森  
森空山落葉響寺靜鐘鼓瘖攀援穿鳥道樵子同  
歌吟美人依修竹清嘯白雲岑同坐松下石膝上  
橫瑤琴有弦何不彈所恨無知音泌水自堪樂塵  
世徒駸駸鷗鳥不飛去知我無機心

天高霜氣肅風勁寒颼颼艸木換秋色湖山儘堪  
遊碧天飛白鳥紅樹影清流霜酣橘柚圃露艷芙

七十二峯  
足徵集

武山  
陳氏合編

卷三十九

蓉洲獨携一樽酒逸興登高邱隔溪動砧杵令我  
增離憂鶴鴒原上叫雛引雛啾啾天道默元化人  
苦不自由吳王歌舞地臺鹿空呦呦鄴城銅雀瓦  
盡為硯材求長安賣瓜人誰識東陵侯漢武好神  
仙何曾壽千秋顯晦各有志冥心絕無謀一枝聊  
寄跡葵藿比珍羞人生不滿百須悟同浮漚

和坡仙五更山吐月

二更山吐月最樂此良夜桐影亂庭除陰虫鳴葉  
下靜觀林壑秋盡得清輝藉癡心玩月人欲問婦

娥話

三更山吐月破鏡忽飛起照我頭上霜年來已知  
此衣濡玉露涼心淨冰壺水天上奏霓裳人間誰  
側耳

秋杪携酒同曹開明翁一清登錦鳩峰

九月十月濃霜湔楓林高下何鮮妍層巒錯綵蜀  
錦懸蓬萊閭苑難爭先携壺挈榼來岑巔箕踞解  
石如擎拳香橙紫蟹羅滿前觥籌交錯酒百千聯

詩倡和追昔賢樵子驚訝疑群仙仰觀長松參碧

七十二峯

武山  
陳氏合編

卷三  
三

天俯聽曲澗鳴流泉湖吞落日翻金漣林麓橫靄  
凝暮烟翩翩沙頭飛白鷺悠悠水面歸漁船畫圖  
中樂真天然誰能倣此鈎其玄置我松根石上眠  
筆牀茶竈列兩邊雙髻奚童抱綺絃一寫勝槩我  
獨專

桐軒詩為葉甥公亮賦

數椽古屋對遙岑庭曠簷虛塵不侵窓外梧桐高  
百尺碧雲覆瓦陰森森閉戶寂然無剌咏中有幽  
人鳴素琴高山流水隨指見宮商清亮如龍吟宣

清氣最優德自娛何必尋知音焚香靜坐暫停  
鼓黃庭一卷惟觀心但愛明月照桐影不關世事  
任浮沉

八月初十月下小酌

月到秋偏皎溶溶漾碧空未盈如破鏡尚疑似懸  
弓竹影來衣上松陰落檻中明宵晴未定且自醉  
清風

春日同葛瑤臺仲御昆玉受之君儒遊西湖

粼粼春水泛西湖隔岸穀穀叫鷓鴣山遶城邊青

七十二峯

武山  
陳氏合編

卷三  
四

嶂合花飛堤畔錦霞鋪六橋烟柳迷遊騎一葉扁  
舟入畫圖醉看月波搖塔影嘯歌驚起宿沙鳧

秋思

西風颯颯意蕭然笛韻悠揚聽未眠千里相逢清  
夜夢一行新雁碧雲天秋霜點髮悲離別紅葉臨  
流想舊緣憶昔送行曾折柳柳枝衰盡有誰憐

春日遊封山

日暖芳菲二月天黃鸝散出綠楊烟百花爭放山  
鋪錦一壑通流水奏絃雲裡鐘鳴沉遠岫堤邊樹

影浴晴川尋春不覺回  
曉晚酒滿金尊月滿船

聽雪

空裏如聞天籟清  
珊珊多向竹邊生  
穿簾不動憚心寂  
拂羽能教雀夢驚  
靜夜飄來微有韻  
迴風吹去細無聲  
開門欲採梅消息  
滿地瑤瑤一尺盈

夜踏月歸廬

凍樹寒鴉集鴻鵠  
帶月飛荒烟從滿地  
步出踏雲歸

送友之金陵

七十二峯

武山陳氏合編

卷三十九

送別長堤酒一瓢  
關情枝上鳥鵲嬌  
片帆杳杳渡湖去  
翹首春風立小橋

過烏龍潭道院訪友座中竹窓遠眺烟水微

茫秋山木落隔岸人家環山面水真若圖畫  
其中高樓水閣垂柳疎桐即亡妾劉紫蘭昔  
日僑居之所予不登此樓十有三年矣回想  
當時不勝悲愴賦此志感

隔水高樓我昔遊  
花晨月夕恣淹留  
可憐埋玉樓空閉  
柳鎖寒烟一片愁

城市山林此地幽  
一潭秋月水明樓  
樓中仙子驂鸞去  
山自清涼水自愁

地近清涼山莫愁湖

憶昔啣杯此露臺  
白蓮曾見並頭開  
蓮開蓮謝絲難斷  
同賞花人不再來

惆悵當年住拍浮  
芙蓉嬌艷柳條柔  
晴嵐烟水梧桐月  
總是邯鄲枕上游

陳之桂

之桂字香岩著有韻芳集

秋日登雨花臺

七十二峯

陳氏合編

卷三十九

把酒看紅葉來登木末岡  
旅懷同慷慨秋色自淒涼  
天暝江痕出雲低塔影藏  
故園何處是初冷念高堂

含輝綸寄酒

知我生平好貽來  
滿甕春既安愁裡夢且王  
病餘神色惜梅花淡香分  
竹葉新虛窓清夜月聊伴  
醉吟人

賦得秋風旅鴈歸

雲空極目忽添情  
又屬南來字幾橫  
未識鳥知行

役苦最傷人看別離輕無端曲折隨風度不盡  
涼月行忽憶相逢在何許去年曾住客途在

月波亭址

青浮水上小如錢半着菰蒲半着烟但見荒洲存  
古跡不知丹竈廢何年仙翁已去無消息明月仍  
來照逝川寂寞夜深漁艇外殘燈獨伴野鷗眠

秋望

殘秋無事一憑高滿目山川共寂寥紅樹白雲岩  
畔寺夕陽衰柳澗邊橋應憐宋玉成悲賦却憶楊

七十二峯

武山

陳氏合編

卷三十九

七

雄擅鮮嘲我亦臨風多感觸愁懷漠漠髮蕭蕭

擬古

一段綢繆意願作蛛絲吐結網在郵亭長罥離人

過

閨詞

纖手招鄰姑笑問未答語忽聞郎馬嘶驚躲花陰  
處

紅梅

離離清影照蒼苔一段風情帶露開却似玉人簾

外立無多春酒上香腮

聞鴈

殺殺聲借北風傳一種淒涼落枕邊只恐蘆花江  
月冷夢魂同是不成眠

陳啟寅

啟寅字旭維號蘭齋香岩之姪有囊琴艸

夜宿王文起道院

白雲堆裡坐嵐翠欲沾裳月照江天靜風傳艸木  
香話深忘漏永髮短嘆心長願謝塵囂事相隨禮

七十二峯

武山

陳氏合編

卷三十九

八

玉皇

陳復新

復新字漢弘

送姚後卿還山

木落林皋靜江頭送客歸非關憐菊瘦應是念鱸  
肥遠雁凌寒吹孤帆背夕暉知君懷故舊勿使尺  
書稀

水北訪友

君來栖僻地結里盡農家岸綠芹分葉園香菜作

托懷人書遠寄好客酒頻賒莫慮無魚食門前泊釣槎

陳 綸

綸字世掌西山東園人與陳滄洲先生交遊相倡和

曉過彭澤有懷陶靖節先生

我愛陶淵明出處豈容苟不折五斗腰只種五株柳三徑雖就荒松菊尚堪守脩然賦歸來天命樂自有芳躅已云遙令名垂不朽大澤片帆過臨流

七十二峯  
足徵集

西山  
陳氏合編

卷三十九

酌尊酒

江行

猿叢來兩岸蓬底醉醺醺風湧江濤立天空漢月孤黃沙飛鳥嶼芳樹暗蘼蕪老我長征客難將問釣徒

曉發之寧鄉

僕被時方束征車戴亂星斷橋霜皚皚夾竹水泠泠月色千山樹鷄赦十里亭莫愁前路遠隱約井烟青

益陽早行

疎星還掛樹躑躅萬山中虎嘯深林出溪流野澗通寒烟千嶺白茅屋一燈紅何處藏幽寺霜鐘遶曉風

陳 蘭

蘭字佩芳厥山人

無題

萬里蓬山欲去難仙禽六翮枉摧殘絳霄盡日罡風惡滄海何年弱水乾夢入高唐山自碧神歸洛

七十二峯  
足徵集

厥山  
陳氏合編

卷三十九

浦月空寒阿環一去無消息銀漢徒勞仔細看

陳 椿

椿字大年葉山人

有憶

楊柳絲絲拂板橋雙魚久不慰無聊自憐詩句愁中廢誰道相思夢裡消花落閒庭人寂寂艸深荒徑雨瀟瀟澆書攤飯渾無緒瘦盡東陽沈約腰

咏史

羞嗔無不可憐人國色何須笑始春翻怪幽王太

多事一番烽火戲諸臣

七十二峯  
足徵集

葉山  
楊氏合編

卷三十九  
十一

楊允魁

允魁字匡六號退庵東山人少無宦情日以詩酒  
自娛逍遙環堵送老白雲垂沒之日以詩稿授其  
三子嗣宏戒毋散佚後乞湯天邑沐序而梓之

山居

鬱鬱巖畔松泠泠澗中水  
靛色迥幽絕隱映深山  
裏道人不出山白雲共  
行止磅礴向此間世事  
焉足理松亦不刮目水  
亦不洗耳但當合沉冥  
逍遙托終始

七十二峯  
足徵集

東山  
楊氏合編

卷三十九  
十二

偶感

鳳凰鳴高岡竹實始肯食  
鴟鴞集枯桑腐鼠恐見  
匿廉貪一何異品類當可  
識俯仰天地間念之嘗  
惻惻

贈西山朱復吾

先生抱高志卷跡歸山林  
竹屋自棲隱超然遺俗  
心朝種南山田晚樵北  
山岑一瓢意常足高歌豁  
幽襟臨淵或把釣坐石還  
鳴琴行止任疎放拘束  
疇能禁花開信春早木落  
知秋深悠悠塵事外曷

問升與沉

招龔非兀

斯境了不凡渺若與世隔福地併洞天自昔神仙  
宅秘書探靈威扁舟遊少伯置身湖山間頗覺滄  
溟窄宜傾曠士懷一引幽人跡敝廬雖不廣聊可  
停雙屐藏笈雖不多亦足娛晨夕况茲松菊英瑣  
瑣皆遷核倘肯一筇來青山獲佳客

餅花引

有花相對且高歌坐享芳華不用多折得一枝堪

七十二峯

東山  
楊氏合編

卷三十九  
十三

作供軍持日日注清波梅信南園春最早次第山  
花開正好籬蔬尤稱耐久朋歲暮相存非艸草愛  
花原屬少年場垂老誰知興更狂清供有時還斷  
續幾回幽夢惜殘香

雙樹柴門為朱昌枝賦

處士閒門裡偏深二柳情色黍苔徑碧影助艸堂  
清啼鳥催花夢吟蟬絮露穀栖遲憐歲久未肯浪  
題名

雪夜集竹石居得寒字

雪光淨如拭更許月同看野客自為夜山禽亦耐  
寒庭延雲氣肅竹引籟散乾安坐忘歸去高吟燭  
易殘

喜微同折梅見贈

一枝開獨早矯矯意無倫分破雪谿凍折來雲嶺  
春花疎香乍吐幹老蘚交屯寂供山窓畔依然對  
故人

野香

幽香無定止獨向野人侵溪隔還能至巖高欲費

七十二峯

東山  
楊氏合編

卷三十九  
十四

尋以空應入妙於想覺來深鼻觀饒清供知因更  
洗心

酬訥公惠芥茶

露片秋為勝新涼喜見貽淡嘗開士意清汲野人  
思鑪響松風細甌香雪色奇偏能助吟興快絕賞  
心時

庭艸

莫嫌階土薄在地若為寬雨露施猶及風塵了不  
關閒居供點綴小立藉盤桓亦竟存天意衰勞每

自安

棠邑遇吳謂才酌酒以別

蕭然江上又逢君  
娓娓清言久未聞  
近市韓康終賣藥  
避人劉蛻早埋文  
廿年客路看黃髮  
千里家山夢白雲  
此後論心更何處  
勉沽一盞且同醺

予聞還山即約看梅全非兀雨時

幸能不負探花期  
咫尺香林慰所思  
同往幾忘扶杖遠  
全開猶恨到家遲  
輕風樹角頻吹處  
好月山腰正上時  
酒榼詩囊忙數日  
如君可謂有情癡

七十二峯  
足徵集

東山  
楊氏合編

卷三十九  
十五

瓶梅

不用扶筇更遠遊  
一枝相對小窓幽  
出林猶帶烟嵐氣  
入室無煩風雨愁  
名士香從衣上染  
美人影向鏡中收  
每思坐卧同朝夕  
夙願於今正可酬

輓龔非兀

花畔時驚入夢頻  
那知辟穀反沉淪  
窮交世外留雙眼  
高行山中老一身  
詩句幸傳金石響  
畫圖空歎水雲真  
此番哭盡平生淚  
知已如君尚幾人

旅言

一自出山後幾番生遠心  
端憐昨夜夢引入落花深

石帆山

江心片石水泠泠  
吐納雲烟夾岸青  
今古客帆從此渡  
幾人曾解扣山靈

遣懷

一爐活火煮名泉  
近聽松風到耳邊  
消遣孤懷閒得趣  
坐中無語自悠然

楊 匡

七十二峯  
足徵集

東山  
楊氏合編

卷三十九  
十六

匡字又衡號漁山性嗜酒  
落拓不羈工篆書追摹漢印  
其鐵筆奄有顧云美之長  
後遊京師汪退谷徐畏壘諸名士  
皆樂與之飲酒好事者爭下榻迎致  
意稍不愜拂衣竟去而金石犀象之章  
非瞿端叔手製組不屑下筆也  
端叔為前留守稼軒先生之子  
漁山與之莫逆稱同調酒酣以往歌哭  
任意人咸目之為狂翁  
琢山作酒狂歌席兀齋作鐵筆行贈之所著嬾真庵詩燕臺雜咏二卷

湖上

秋老柴門外長堤湖水平村閒農醉語船近客呼  
名晚景涵群動西風悵遠情棲遲雖有願未獲事  
躬畊

秋前一日宿觀濤閣

暑氣晚全收涼生閣上頭微風吹枕簟新月下香  
篝竹葉一尊酒梧桐明日秋主人情不厭既醉復  
能留

聞蛩

砌蛩吟客館獨坐忽生愁無那此宵意偏同去國

七十二峯

東山  
楊氏合編

卷三十九  
十七

秋艸根方露下梧葉又堆頭微物還驚候孤踪惜  
久留

送薄樸庵還保定

傾蓋即云別此中殊惘然黃流拚共倒紫氣是何  
年寶馬東風裡金臺夕照邊相思隔春樹引領暮  
雲天

花魂

一種芳菲一種春好憑畫檻認真真照來夜月曾  
無影吹向東風似有身蜂股逡巡勾欲去鶯聲宛

轉喚回頭却憐倩女當年事落盡紅香化碧磷

丙子春暮束裝北遊同人置酒餞別賦謝

湖上啣杯莽欲行烏啼花落酒頻傾遙看春色還  
三月細數長途得幾程好友別離都鄭重孤懷懔  
慨自生平片帆回首烟波濶渺渺青山黯黯情

登白塔

西苑浮圖縱目時九重宮闕影參差香塵繚繞承  
光殿春氣氤氳太液池翠憶雕鞍遊子意青絲烏  
帽野人詩憑闌任爾催歸急一刻偏深千載思

七十二峯

東山  
楊氏合編

卷三十九  
十八

都門留別詩 有序

三年作客空負狂名千里遨遊終成浪跡  
謬見稱於先達常叨詩酒之緣幸不棄於  
同人差慰風塵之苦顧以故園風月客夢  
常牽况逢異地鶯花歸思彌切蕭然就道  
尚同去國王孫聊爾迴車當類倦遊季子  
撫今追昔情不能堪觸緒興懷言何可已

撲面緇塵染素衣初懷檢點竟全非湖山有約還  
招隱江水多情恰送歸驛路重過春艸綠旗亭回

首暮烟微倦遊豈少離群恨不柰疎狂與世遠  
典盡琴書也東裝諸君莫笑祇空囊天涯試問何  
人樂世上猶容我輩狂詩句飄零留半卷酒懷浩  
落計千場原嘗高誼今還在不負驅車入帝鄉  
春山啼遍鷓鴣聲歸思離情却並生去日那堪逢  
上巳到家已是過清明桃花蹊外誰聯袂楊柳堤  
邊獨聽鶯莫道臨風憑眺處等閒忘却故人情  
芳艸淒淒古渡頭拂衣仍上估人舟乘潮自識江  
南路送客誰登天際樓千里關河成汗漫三年詩

七十二卷

東山  
楊氏合編

卷三十九  
十九

酒笑淹留故山風景知無恙猿鶴清閒尚許儔

### 記得

記得當年瓜步頭畫船遙接大江流三分宿酒風  
前立一曲清歌月下遊丹障有仙圖閨苑黃金無  
價買揚州重逢勝地傷蕭寂落日孤蓬起暮愁

### 蕭殺

紫玉鸞笙碧玉牀蛟綃半幅淚千行風流銷盡狂  
猶在偶聽蕭殺聲復斷腸

### 濟寧登二賢樓

千秋綵筆伴金甌詩酒英豪誰許儔笑我客遊難  
覓伴晚風吹上二賢樓

### 題畫蕉石

黃漸肥時綠漸深石林兩過氣陰陰書窓靜坐消  
清晝寫出春風一卷心

### 小遊仙

仙桂香濃天上寒廣寒宮闕没人看吳剛醉後還  
酣卧玉斧一枝偷不難

瑤池燕罷盡無譁滿地流霞費捉挈無柰檢將仙

七十一卷

東山  
楊氏合編

卷三十九  
二十

果核揚州且去種瓊花

### 楊一鶚

一鶚字紫翰馬蹟山檀溪灣人廣東揭陽縣湖口  
司巡檢

### 題隱君泉

傳得泉名自隱君還嫌君隱以泉聞如何不與泉  
俱隱千古空餘一片雲

### 探梅送友

新年十日半陰晴棹雨尋來溪水平天意猶憐人

惜別梅花無語自含情

楊信圭

信圭字公執一鶚從子

古意

底事輕別離歸期未可期丈夫固慷慨似於妾不宜

客中聞笛

我非賈誼長沙謫也是江南飄泊客客中到處有悲涼况聽鄰家吹玉笛笛聲宛轉動人愁山色青

七十二峯  
足徵集

馬蹟山  
楊氏合編

卷三十九  
二十一

青水不流折楊柳今春夜雨落梅花今五月秋移宮換羽自成調隔牆偷曲誰年少吁嗟寡和空好音壁月當天自孤照

鋤禾婦

農家好夫婦苦樂總相憐強用閨中力同芸隴上田只知謀饁餉何暇整釵鈿亦有隣家女朝來約採蓮

落花

一賦誰傳洛水神胭脂難寫鏡中真西施去後無

傾國杜牧來時已嫁人坐對香風霏玉屑踏殘幽艸積紅塵返魂有術枝難上空把相思費暮春

送春

細雨斜風花落頻綠楊如幄覆通津不知那是春歸路空向冥茫說送春

七十二峯  
足徵集

馬蹟山  
楊氏合編

卷三十九  
二十二

高鴻舉

鴻舉字介祉馬蹟山人縣諸生

掃葉

脫葉供吾用呼童掃更儲火溫寒夜半湯沸竹爐  
初芋熟功非淺茶香韻有餘豪家多煖閣獸炭竟  
何如

漁雪

漁息磯邊老寒簑狎海鷗綸竿空出手霜雪亂蒙  
頭吾意幾人識此翁何所求孤舟獨釣者五月已

七十二峯  
足徵集

馬蹟山  
高氏合編

卷三十九  
二十三

披裘

飼雀

乞食主人餓柴桑凍雀喧聊分仁者粟散作廣生  
恩物小憐群命憂殷異佛門太倉無數米一粒一  
乾坤

高學渭

學渭字望綸介祉之子恬淡不樂仕進侍者年之  
祖奉孀居之母授徒供養不與戶外人推篤行君  
子焉

盟頂秋夜

前溪殘日度空庭落餘暉漸見山影沒林氣森成  
圍坐久松月深寒翠從中飛松與月俱靜群動殺  
自希白雲如我心淡蕩何所依此心未見道已覺  
清且微徒倚夜將半輕風冷荷衣

傷春

荒庭晝不掃落花春可憐客去且獨坐月高猶未  
眠養疴知藥性習懶厭塵綠白髮已種種何人都  
百年

七十二峯  
足徵集

馬蹟山  
高氏合編

卷三十九  
二十四

七十二峯足徵集卷四十

武峰吳定璋友篁菟錄

申江張鎬京南編訂

葛彌光

彌光字定甫震甫從弟業賈而有士行能文而無名心嘗遊嘉定與婁唐徐李諸君子交又訪趙凡夫於寒山盡和其寒山雜詠二百八首其興致固自不群也妻子柔題其像贊曰洞庭葛寔甫往歲浮舟東下於友人席上一見語合知其為讀書自

七十二峯足徵集

武山

葛氏合編

卷四十

喜人也居常見伯兄震甫以能詩稱于人君亦學為詩當其得意似不肯多讓然予頗疑其貌鬚髯奮張眉睫間常有精悍之色必不徒以漁父老也君嘗客徐州從蕭陽間豪儁遊遂慨然有志當世思自奮于功名為國家干城禦侮之臣而未有當也會其所親有客居予邑者間歲必一來來即數相過從因乞為像贊蓋予嘗自謂生長瀉鹵之鄉每思放浪于湖山而君更去其浩渺之觀汨汨焉若不能少自逸者此若不可曉然其寔一也譬夫

抱幽憂之疾則企羨遊仙甘麴蘖之味則不堪枯

寂其于內不足而不能無羨乎外等耳曷足怪焉

贊曰子之家山水奇絕殆與世隔子之生平以詩

人自命豈與庸庸者而為役顧乃舍舟楫於江南

而走風塵于淮北蓋吾觀子之貌而得子之心寧

有多髭而赤頰警然若有所自喜而肯以自暇逸

為適者乎徐汝庶序其詩畧曰山人氣冲而貌朴

與之言若不解者見貴人則攢眉而去幾不知有

人間揖讓之節寒暄之態以其心靜觀默識凡天

七十二峯足徵集

武山

葛氏合編

卷四十

地萬物往古來今一觸于其喜怒哀樂之性而寄之於詩故其詩清而婉華而不艷逸而節山人能不為勢利故性情出焉山人咏其性情故人之性情動焉其為諸名家稱許如此今人知有震甫而不知有寔甫故特表而出之

石城曲

佳人麗且閑盈盈二八餘無勞問名姓家在石城衢新聲妙一世自小工笙竽頭戴玳瑁簪腰佩明月珠翩翩出畫堂夫婿故自殊豈若蕩子婦采桑

城南隅

山中懷徐汝庶

月明不成寐中庭散幽躅池暖春水生清影帶花  
竹雲氣滿石床松風壓我屋何時語山椒相對鬚  
眉綠

春日喜慈山大師嚴道澈太守見尋

幽岩新雨霽風吹茶烟白時作無生想每為泉石  
役肩輿與錫杖忽枉山中宅然燈照清冷雲光散  
空碧殘磬寂寂然松際月淪魄

七十二峯  
足徵集

武山  
葛氏合編

卷四  
三

溪上夜泊

後孤舟夜泉寂流汨汨雁向沙上飛鷗隨浪花  
沒依依遙相望隔岸寺中歇林際浮濕光石上已  
生月

春日幽居

一片蘼蕪春水綠山風吹我松下屋流鶯啼過小  
園東烟遲無人走麋鹿青山寂寂花冥冥杖藜獨  
往青溪曲

瓜洲城南遲吳凝父不至

春潮渺渺楊柳灣春風拂拂棹歌還樓頭先見海  
門日城外盡是江南山遠鐘忽送水西寺鳥啼一  
散花滿樹美人有約來何遲蘼蕪目斷揚州路

采香涇

吳王好色越女來采香競進宮門開美人去後采  
香歌惟有此水流不竭花落花開春滿枝看花終  
不是西施

月夜同震甫九兄湖上看梅因過永福寺

春來湖上今宵始梅花千樹半臨水山月初生僧

七十二峯  
足徵集

武山  
葛氏合編

卷四  
四

未眠殘燈一點梅花裡枝頭如雪雪生香日日携

醉樹傍莫待春殘花落盡滿林風雨坐僧房

元日劉明仲總戎招飲衙齋同賦

玉帳調金鼓亭臺喜氣開當軒清景愜命席管弦  
來初日生高柳晴香動早梅詩從橫槊賦一一見  
新裁

侯豫瞻兄弟見過

過我不辭遠知君意最專過橋船到岸入市柳生  
烟虛室晴香冷空庭樹影圓向予兼愛敬相視並

依然

答郭二見寄

別後杳無信近知還寺居水烟開碧瓦齋供摘青蔬燈在雲生處鐘殘月上初松關相憶坐重展寄來書

答婁子柔見贈

無事閉門久書來知是卿水烟空旅爨簷雨動吟聲暝色向窓冷秋光著樹清石公山下路瓢笠待君行

七十二峯  
足徵集

武山  
葛氏合編

卷四十  
五

湖中夜歸

尋出柳外隨岸轉藤蘿浪裡逐漁火月西來棹歌水清烟練薄村白野花多隔浦人初靜峯陰帆自過

唐叔達園中

為園在城郭宛似郊原間潮水過門落晴雲到海還草生空腹樹萍聚狀流灣攢石多清蔭離疎花氣閒

城南訪范穆其

未識幽居處幾回尋見君門前掛疎柳簷際宿孤雲村酒賒能慣天寒坐易曛新詩聊自咏何處不相聞

懷聖僕

雨歇林光動思君正惘然多從寺裡住幾過客中年高詠夕陽樹獨游寒色天洞庭山下月曾送渡湖船

同王顯之益之寇尊生馬叔章游雲龍山因懷張克正

七十二峯  
足徵集

武山  
葛氏合編

卷四十  
六

簷敞林逾寂河光近寺門遠風吹竹枝斜日下籬根石壁生霞氣溪光帶雨痕有懷應咫尺不共此開樽

同縱伯玉過古蕭國

故國已無城池荒積草平當時百戰地今日幾人耕村樹疎林白山風薄暮清蕭蕭黃葉寺殘磬一聲聲

同黃伯傳登靈巖山

花竹攢孤塔藤蘿罨廢城洞雲歸復出湖月隱還

明石屋香烟冷琴臺松韵清瓦燈照閒坐空翠寺  
前生

華山訪一雨法師同趙靈均

來從亂峰裡葉影雨初收雲向崩崖起螢依古塚  
流靜聽松若語高視石如樓講罷師方出依依話  
昔遊

懷鄭開孟

晴絲風暖日悠悠桃李參差小徑幽孤館寂寥生  
午夢尺書迢遞隔春愁雲開山色窓前滿雨歇泉

七十二峯

武山  
葛氏合編

卷四  
七

殺枕上流歲歲韶光暗拋擲芳菲時節不同遊

送九兄之金陵兼寄郭聖僕聖胎聖真

濕雲初散曉風輕綠酒紅亭送遠行句曲東來山  
似障長江南去石為城五更客夢池邊草一片春  
殺馬上驚別後莫愁知己少郭家兄弟最多情

答吳昌侯明府見招

雨歇東林返照初閒行一逕到幽居留賓尚拂萊  
蕪甌徙宅惟擔郭架書隔院松殺秋自遠傍簷花  
影晚來疎凭欄幾處炊烟起半是樵蘇半是漁

送九兄北上

三十年來不出林時時山水伴幽尋遠遊豈樂為  
官好捧檄惟惟老母心以此圖書付兒輩暫將耳  
目別高深北方氣候江南異莫向秋風獨自吟

夏夜吳康侯邀泛秦淮分得舟字

不獨今宵可共遊偶因清暇念淮流殘陽漸去方  
知水美蔭非多却在舟風露半更天盡月樓臺三  
伏氣為秋一涼以外全無待朋侶溪山得自由

九日携姪昭夏登雨花臺

七十二峯

武山  
葛氏合編

卷四  
八

節物登高雨未成出門聊復愛其名客邊難見重  
陽好郭外剛傳此日晴子姪漸親知老至江山無  
故覺情生悲秋欲問秋何處絲肉叢中鴈一聲

月下觀妓

明月初臨玉樹枝相輝相映亦相宜行雲宛逐峰  
前度長袖疑從鏡裡垂頻顧影來應自愛暗流波  
處有誰知去時莫訂刀環約好記彎彎學畫眉

和趙凡夫寒山雜詠

青霞榭

松風吹石林桐花落簷際坐久轉生寒林中雨初霽

小隱岡

遠風吟高岡空林松子落出入幽林中惟有一孤鶴

抱甕陂

種菰南山中抱甕汲朝夕昨夜春水生菰蘆沒一尺

瑤席

七十二峯

武山  
葛氏合編

卷四十九

山中一片石平如地上雲夜深明月上松影掃苔文

千仞岡

高躅千仞岡烟花亂山塢落日照幽花疎林濕殘雨

拂秋霞

獨步上松嶺秋風吹布袍兩袖拂落霞月出霜天高

須雲閣

高閣起空中雲去杳無迹倚檻不移時捲簾雲欲入

飛狐腿

林中秋正深林外雲陰薄涼月照高岡峽中泉夜落

支公石室

當時栖隱處四壁石谿訝更有何人在鳥啼空落花

山店

七十二峯

武山  
葛氏合編

卷四十九

置屋山之阿汲泉花裡釀惟有樵人沽青帘掛松上

松徑

徑轉長松下空濛翠欲飛山僧來掛笠獨荷夕陽歸

千尋磴

山行不可盡一上一回顧歸來蒼翠濃已濕樵人路

蓮花嶼

野水時平岸芰荷一逞風  
隔林罷清磬閒坐柳陰風

藏蛟峽

幽壑何窈窕中有蛟龍蟠  
白日山下暝忽生風雨寒

碧琳泉

石罅靈泉出清清只在山  
惟堪供酌客不載出人間

題胡彭舉畫

七十二峯

武山

葛氏合編

卷四十一

參差雲外數峰青古木陰森一草亭  
流水繞籬山犬吠隔花搖過打魚船

寄趙凡夫

石林寂歷樹離離光響森沉冷氣吹折得梅花下  
山去滿船風雪渡湖時

湖中暮歸

野岸灣灣樹樹花遠光作冷亂棲鴉  
片帆半掛斜陽外一路看花直到家

葛御夏

御夏字無斆震甫長子有自求草一卷

肅矣二章 感秋風也

肅矣萬籟忽焉若噓伊神之居兮將游乎太虛  
肅矣萬籟胡然若吼我居我廬萬里父母

遊雲穴山訪半岩洪道士

采采南澗杞忽見松烟起始知懸瀑西乃有眠雲  
侶岩半響幽壑霞氣滿流水潭影空魚鳥洞口盛  
桃李日月自終古閉門證無始再扣忘年術願授  
玄妙理笑指潭中水淨澈無塵滓歸來仰石壁三

七十二峯

武山

葛氏合編

卷四十二

嘆對樵子

烏夜啼

麥秀漸漸兮城烏反哺時庭前有巢在高樹卵翼  
已成飛遶枝游子未歸念桑梓烏夜啼兮遊子悲

讀海眼詩

萬古清不測盈虛非所程願挽七襄絲一汲空青  
鑿為洗膏肓聾與瞽日浴咸池眼底明

積雲行

雪浪送臘迷春路玉女臨春散花霧花霧繽紛滿

玉樓樓頭長晝無昏暮仙翁樓上晏群仙花饌盈  
盈列素筵雙鬟舞半轉相盼剪水裁雲總成練

雙忠祠看紅葉

俗因佳節貪鋪歡艷棄丹林淡棄雪誰為來對真  
邱壑整冠一拜雙忠碣登眺還傷一寸心懷古情  
深肝胆結孤松樸樵老人容月昏人靜聞鷓鴣霜  
下啼殘滿樹紅斑斑疑染孤臣血正色凌秋表歲  
寒紫朱自昔分優劣夕陽影裡話前朝酌酒臨風  
一嗚咽放歌欲挽長江水惟恐江流怒迴滌

七十二峯

武山  
葛氏合編

卷四十  
十三

飲曲水亭

林淡思無端虛檐生畫寒蕭疎霜籜淨樸樛古楓  
丹文飲情彌洽玄談夜欲闌西隣增菊圃攜燭過  
溪看

立春後六日曙戒堂感賦

日歸曾未暮愁侵林鳥喧然換舊音天意悠悠真  
莫問物華冉冉欲霑襟蹉跎徐孺躬畊意狼籍山  
公老世心三畝尚存蘿薜徑十年重話竹簷深  
行止勞勞邁楚吟無聊清寐聽春禽感非江客同

遲暮涕有懷沙異古今俗忤敢嫌多束縛才難莫  
謂久埋沉虛懷渺渺故鄉夢又見東風吹舊林

攬勝石看梅

盪槩蘆峰雪巘登東風軟處漾層冰鮫人入谷珠  
林綴龍友棲巖竇霧升竹浪半空翻玉島松篁一  
帶奏霜棚茲遊不負當年約潑酒何妨直若澠

聽美人彈琴

辨出鴛絃與鳳絲雙鸞為曲燕鶯辭幽蘭粲發春  
風繞弱筍新抽夜月遲神女歡娛疇得意楚妃長

七十二峯

武山  
葛氏合編

卷四十  
十四

嘆孰微思離鴻別鶴聞鼓感莫聽求凰載弄時

秦淮夜聽子規

羈旅閒窓明月西故園夢繞綠烟迷人情多道江  
南好何必鼓聲子夜啼

葛昭夏

昭夏字亮生震甫叔子邑諸生有冬情草行世自  
為敘

荊卿

丈夫感知遇所償非杯酒肝胆擲他人七尺鬼神

有荆卿氣何隆把圖閔中走曹沫事不成一死寒  
星斗或云君術疎所未善七首豈知當年意生劫  
一言剖謀慮求萬全自然多掣肘深心擊筑人憤  
發曾不苟高歌秦王庭慷慨殉其友始信義烈士  
天地不敢厚國亡亦自亡六王難獨久人言卿滅  
燕君子則曰否

西庵

西菴十畝竹冷盡城南隅秋聲抱夜屋風雨鳴菰

蘆中有讀書人歲月心眼殊隕釋起微悟搖影生

七十二峯  
足徵集

武山  
葛氏合編

卷四十  
十五

獨娛最愛萬竿中一折一巖阿到門經數轉清磬

出林紆自令塵囂屏人遐夢亦孤何況團蕉上與

僧事事無

贈季銓即送還山因致有大

君與葉子好因及其心知葉子予所懷對君如見  
之交道信有神新故安足疑穀氣索莫內兩人披  
肝時君來游京華所期或在斯句生名山色示我  
南郊詩桃葉獨無咏意豈輕蛾眉即此小異人想  
見君所為江城盛兵氣動君太湖思余亦理歸楫

心已先東馳幸語君好友虎山當見遲

下天關山坐白雲梯還望兜率巖諸峰頂

不盡秋山懷言歸獨悵罔齒齒下山路殘日烟蒼  
莽險過心魂驚乍平亦易賞已失衆峰尊俯瞰猶  
雲上乃知所歷高無能礙天廣載拜禮大樹肅穆  
英靈仰巉巖出其巔互列亘空壤峰峰鬟翠墮有  
若群奔往少望意以欣久乃成颯爽不異上山時  
危情抱深想入暝一僧歸靈風答孤響微微遠天  
去滄絕人三兩

七十二峯  
足徵集

武山  
葛氏合編

卷四十  
十六

白門晤山補出示贈予詩感賦答贈

空山欲笑梅花開雪來映之雨不猜古道照人有  
朱子淡極微聞真氣來秋齋肅肅秋聲起與君相  
遇在其裡君時方切故人悲爾悲我悲同一旨補  
為蔡以寧刺詩稿以寧死白下涼秋欣再觀靜燈  
予同往哭之是日始定交炯炯枯禪室立談恣論巖壑奇唯恐幽靈眼中失  
山水如君多冷情勝處每從寂莫生而以一片孤  
嚴意選勝兼之及友穀鍾淮之間誰與伍鍾淮之  
人自千古東山經濟半山文莫愁桃葉猶堪數君

之所遇或在斯目前無侶豈須疑奇文不第復東  
去高懷且挽江流住夙昔成詩今贈余夜夜羈人  
共枕書

### 爐火

微火不易熄通彼金石情所矜溫是性不徇烈為  
名灰有能燃想冰當共處爭藝香方夜久消息一  
烟生

### 江泊

水勢蒼然歛群如到岸為徒成江路濶賴使客心

七十二峯

武山

葛氏合編

卷四十  
十七

遲月照魚龍靜舟連天漠移波濶竟不起予亦澹

無思

### 莫愁湖上晨雨

曦光明滅際湖水益幽濛新潤蘆疎覺微涼閣敞  
通洲齊平野綠花泣墜灘紅無限蕭閒思泠然來  
此中

### 枝昌舜五訪予媚獨居小酌賦詩

蟲殼鳥殼亂竹柏自清疎好友能來共良辰此不  
虛慨當以憚日晝亦似宵餘何似柴門掩涼風靜

### 晨書

#### 秋夜念大文讀書蕭寺

此夜懷君託咏吟知君思共窈然深燈將與月分  
人影露亦如霜肅草心當有詩篇酬寂寞幾翻名  
理快研尋空庭無語徘徊久想見秋林立暮陰

### 葛行夏

行夏字賓嶠震甫猶子吟詩作字皆能仰承家學  
憂憂自異惜早世存稿寥寥

### 謁陸魯望先生祠

七十二峯

武山

葛氏合編

卷四十  
十八

甫里渡江來浮烟閉清曉唐賢有高躅亭際踏秋  
草辭近佛氏樓鳴蟬集林杪涼風左右至鴨水開  
清照寂寂半閒房悠悠見古貌當隱亂離日薄田  
恒苦潦息意謝徵書閒情對茶竈誰為後來者拂  
衣自垂釣

### 送舍弟幼洪往淮上迎新婦

帶甲滿吳關舟人畏消息長淮雖有期理棹不得  
出天寒循舊途念別已多日千里先水程清江落  
楓急蕭蕭荒崗騎筋力亦須惜到彼轉家室歸來

就新鷓鴣洪河下廣陵揚子達震澤卻公雅好詩  
可記朝々歲閏梅先春思迴望疎白無聊還自持  
聽雁清宵立

行野嘆

滄海碧雲歸哀鴻望平陸東鄉畊力盡但種花與  
菽半賈盡售之安望春酒綠催租吏何來怒呼無  
停躅溪上棹華船路旁指美服誰知寒女歎空對  
杼與軸

春日過虎邱

七十二峯

武山  
葛氏合編

卷四十  
十九

高塔浮舟外喧禽宿霧間好花齊映戶列寺恰藏  
山懶步乘閒適幽期得再攀從遊偏妬雨蕭颯怨  
紅顏

重訪佛慧庵

花穠禪路隔渡雨喚輕舟山斷臨津綠人行改岸  
幽殘僧何處去片偈昔年留空負松筠約淒然望  
古樓

寄淨圓上人兼呈金岐嶺

荒居聽梵後客夢一峯前未收疎鄉問知師尚醉

禪草陰隨杖細山紫向樓懸此際看幽桂何人就  
月眠

登虎峰

群峰低一望鳥道出叢蘿拂黛遙山勝浮烟近野  
多微茫看未極縹緲去如何村落饒芳樹春畦間  
綠波鷗輕隨日漾虎渡覺風和陟勝人宜息乘幽  
步屢過不知重嶺下已起晚漁歌

奉酬卽自周師兼懷園居讀書處

滄洲曾嘆花枝少金谷長牋勞遠情自失論文疎

七十二峯

武山  
葛氏合編

卷四十  
二十

現席蹉跎今日愧先生青峰定益莓苔色碧檻猶  
思柳榮明歲烟波發歸棹絳幃應許一經橫

青村城望海

塘衰草極吳邊城影扶桑隔萬天圻候久傳臨  
汛日征旗曾閃盛明年龍藏古水靈雲白鳥沒寒  
峰朔氣懸處處金笳連粉堞乘槎縹緲羨飛仙

客窓對梅

青山夢斷月明村一樹出岫尋古根折去便思江  
外信興來且倒客中樽香携短袖憐清氣紅入春

燈帶笑痕爛熳正宜深夜賞莫教吹笛怨黃昏

葛承章

承章字斐仲震甫猶子

黃河舟中

泛泛一舟輕危檣信所征綠楊依岸立白鳥亂沙  
明星宿源頭遠風雷水面生橫流何浩浩何日見  
澄清

竹

簫簫千頃碧搖寒瑟瑟苔階分數竿長伴幽人碎

七十二峯

武山  
葛氏合編

卷四十  
二十一

敲月亭亭高節動琅玕

葛畊

畊字耘襄號介庵震甫之孫著就正草一卷

偶有感

今世已非古古人遠異今欲為今不可作古無知  
音我心自如水莫問今人心

鏡中美人

一展清光幻體陳玉容相對暗凝神曉粧細整羞  
花貌未夜先邀待月人顧盼生情驚宛肖綢繆故

我識誰真張郎有筆難描黛幾許相思化一身

蕉扇

裁葉成團扇驅煩代化工情味綠熱後不敢怨秋

風

葛之耆

之耆字漢皓號商山賓嶠猶子

戲咏蠶蛾

破塚還魂轉飛飛羽翼成今朝欣解脫當日悔纏  
縈伉儷三生重兒孫一紙輕黛眉翻勝昔馬草舊

上十二峯

武山  
葛氏合編

卷四十  
二十二

多情

七十二峰足徵集卷四十一

武峰吳定璋友篁菴錄

翠峰席紹董士奇編訂

許之漸

之漸字儀吉號青嶼鼎臣長子登順治乙未進士  
初授戶曹旋擢御史遇事敢言彈劾不避權貴巡  
按陝西茶馬悉心簡閱除一切陋規釐奸剔弊與  
當道者牴牾遂落職居林下者數十年年近九十  
兒孫五代兩舉鄉飲大賓所謂三達尊者兼有之  
七十二峰足徵集  
馬蹟山  
許氏合編  
卷四十一  
一  
矣

過嚴陵

歷歷富春山黃鸝為我語崇臺峙中流欲登暫延  
佇帝子玄纁來大隱不復處澤中披裘翁投綸向  
何所

送巢魚山同年南歸

飛雨滌川陸晨風散暄氛之子行去國搔首東南  
雲守道勵素絲撫仕何足云庶無愧夙夜身去將  
焉丈行吟脫塵鞅葆靜子所欣矧此陂澤幽萼荇

揚清芬黃鶴盤遠勢所思寄榆枌徘徊蹊路間豈  
獨憮離群

維亭晚泊

柔櫓衝烟暝湖光度浦橋夕春依近岼漁火點初  
潮楓冷聞吳詠蘭薰續楚招數穀秋雁過歸夢水  
天遙

送龔天岳歸東臯

當代論知己文章有鉅公依人穀勢外作客嘯歌  
中岼憤秦關月披襟魯國風天涯燃桂盡飄泊浣  
七十二峰足徵集  
馬蹟山  
許氏合編  
卷四十一  
二  
花翁

花翁

水驛乘新漲江干問釣磯過家非失路投老足忘  
機鳥語催歸棹山光上客衣帝城千萬樹楊柳更  
依依

霜輶述懷 存一

數載留微祿相看入髻絲青山負同學黃卷任諸  
兒憂國懷冰夕思家落日時壯心行已折無改舊  
鬚眉

秋夕聽雨

雨聲連日夜萬戶水雲深颯颯生枯絮沉沉正積陰  
穉兒閒問字癡女漫拈鍼對此忘羈旅天涯慰好音

仰屋敢辭漏波生在陸舟羈懷千慮盡殘夢一燈留  
局促傷籠鳥蒼茫寄遠鷗蕭然風雨夕吾意動高秋

謁顧文康祠步文肅題壁韵

白露秋殘木葉時石屏雲鎖相君祠畫檐不改蒼山色  
莓瓦猶令燕雀知相傳祠宇不栖燕雀臚唱年年人接

七十二峯

馬蹟山  
許氏合編

卷四十一

武翰音寂寂事忝差摩娑題咏看前輩又折春風最上枝

陳龍川先生墓

麥秀荒畦雉子飛千灘新漲覆沙磯招魂欲賦空流水  
埋骨猶思挽落暉宰相肯容英傑老門生休諱姓名微  
龍沈夜壑鳴孤劍一曲錢塘事已非

寺

郊原膏洗潤行旌漢水盈盈入望平雲暗千山封

棧閣雨隨小隊向褒城荒村氓聚迎驄馬古寺僧貧足  
菜羹莫笑綉衣甘寂寞度人初地學無生

莊浪彈丸寒磧番族最貧而能先事輸誠宣慰既畢以示將吏

軺傳星騎畫塵紅榆落鵬飛破朔風首路霜清蒲海靜  
諸羗草偃酒泉通胡沙十里生秋菡宛馬千群入漢宮自是皇仁敷澤遠敢云持斧遂稱雄

東平道中所見

百里空村見野蒿寒山雲白鳥飛高艸衰古道連

七十二峯

馬蹟山  
許氏合編

卷四十一

荒漠峰接長陰捲逝濤兵後十年猶白骨逃餘三戶尚吹毛  
只令海國氛烟息南北無煩羽騎勞

七夕泊津門風雨不歇

別浦遙傳月殿秋白榆風起思悠悠河分雙闕隨年度  
星落孤槎任自流帝縷已升香霧靄聞是日天家行禮天機欲罷彩虹浮開蓬未忍看牛斗夜雨空懷故國樓

許之溥

之溥字觀生號庶庵之漸胞弟縣諸生恃才曠放

與吳門金聖歎稱同調金嘗贈句云庶庵死日原  
無病聖歎生來只有貧後遊華山登絕頂奇峰舉  
首遐觀鼓掌大笑失足墮崖而卒金詩死日原無  
病者殆其識歟有賦閒樓詩集

山夜憂三首

新愁簇蝶裙舊恨齊紈扇含笑夢中來隨風作花  
片正亂艸蛩鳴的皪流光見一感白頭心使我青  
春賤

現皖谷中鶯翻躑梁底燕巢空故枝折花下還相

七十二峯

馬蹟山  
許氏合編

卷四十一  
五

見嬌小春風裏不識春風面步艷石榴裙鬟輕碧  
雲鈿分明明鏡中新愁成婉戀青陰小月寒開簾  
蹙青盼盈盈玉階上細草生人美當時正可憐豈  
謂經霜霰

出門如始歸寂寞山行遍不辭草露多細泉隨步  
轉南風吹片雲頃刻峰頭變物情難久居觸事空  
悲戀

雜怨

寶鏡拂秋水蕩漾青蛾眉虫絲自閨曳小葉風來

吹坐令衣帶緩徒然羅幃垂奈何眼意間宛轉貽  
我悲碧草還舊色青蟬亂遙思空閨誰復見敢望  
君子知

楊柳未垂時自云本孤直昨夜蝴蝶來乃見春風  
仄與君初燕婉談笑入胸臆見妾百種心謂妾好  
顏色明鏡無常榮芳蘭有時息使我白日光夜夜  
烏啼黑烏啼復天曙宛轉楊花聚開門南北望闕  
門淚如雨

誰人當古道栽柳受斜陽車馬去不盡令人日斷

七十二峯

馬蹟山  
許氏合編

卷四十一  
六

腸君行日已遠幽暗生空房空房四隅艸螢火互  
低昂微物感時運各自呈輝光孤衾清光滿關河  
歸夢長盛年廢巧笑疇能免悲傷

高樓半入雲棟牖含空清平原青不了畦隴縱橫  
成風吹羅裳起笑語落天赦行人夕照裡問此生  
離情飢馬鞭不進顧艸徘徊鳴鄉里日蕭索隨人  
成重輕塵土滿鬢髮旅宿魂夢驚歲月寄飛電何  
時致公卿

含情如霧中濛濛無定止欲寄一寸心鯉魚風未

起韓憑夜夜鳴孤怨結空水同心感真氣所貴非  
宮徵商音裂金石楚奏不悅耳中夜歌嘯興尋繹  
念之子顧瞻河漢明側有浮雲駛掩蔽牛女光何  
由達深旨

手中持素絲相看長嘆息欲成雲綺艸染作青黃  
色上有連理枝下有雙飛翼裁成合歡袖含嬌舞  
君側文章何陸離真白無由得涇水何溷溷渭水  
何湜湜秋風心正孤懼君不察識

幽蘭在空谷芳香何秘醇未及克君佩寒風夜中

七十二峯

馬蹟山  
許氏合編

卷四十一  
七

發蟪蛄思正斷蟋蟀悲不歇美人抱遙怨孤心吐  
秋月對面猶難知况復隔楚越恐君魂夢疎不敢  
生白髮秋天空不盡精誠當易竭沉吟抱襟帶此  
生何倉猝不及翩翩燕雙飛向金闕

偶感

何事感人深劉桐成古琴木中本無響指上非有  
音何以山水奏遂傳君子心陰陽易感化遇物成  
差參義農去我久情意自然沉舉世無由問清淚  
盈衣襟

月夜

寒氣約耳目艸木來空新寥寥庭宇中霜露肅我  
神夜深影響盡月正天青真空烟化為水淡蕩如  
江濱每思萬竹下水石清粼粼薇蕨成性情明月  
為終身斯懷既靡遂多病離亂辰良友各高蹈棄  
我如微塵豈無衆年少特以謔浪親使我終日內  
遇靜如歸人閉門勿復道念之徒苦辛

古意

繡枕結青絲雙綠並蒂枝焚香自拂拭本為君來  
時嬌愛秋風隔相思坐成昔夜夜夢魂中淚痕尋  
舊迹願郎回馬頭一問山頭石

秋風感

空山氣肅秋風早風捲山花滿樵道山裡衡門披  
褐人每向山花惜懷抱少年汲汲修空名日暮看  
書嘆衰老清溪流水何粼粼水底白石何皓皓流  
水白石既如此人生立身有同好子虛賦就貴同  
時丞相門前君莫掃一悟陰符不復言日日開扉  
對青艸

七十二峯

馬蹟山  
許氏合編

卷四十一  
八

吐花詞

吐花劉氏歌姬也劉氏歌舞照耀耳目世變滄桑旋致寂寞時人感之命予作吐花詞

玉欄春老紅芳失海紗影薄東風疾歛眉斜倚碧  
窓人霧鬢花顏年十七沉香迴步錫明珠玉燕飛  
光對寒日態盡羅衣金鳳老雲和彈作燕支艸蜀  
山雲去月荒涼魂接輕烟墮清曉

秋來

山中異風日爽氣動衣襟子落空天夜花開斷壁  
陰暮雲遊子病初月夜虫心寂寂絃歌戶朝來青

草侵

七十二峯  
足徵集

馬蹟山  
許氏合編

卷四十一  
九

春閨怨

小雨易成夕懷人已至今密言知在眼細艸解生  
心碧樹當樓淺青燈向淚深回頭看枕簟不忍使  
君臨

晤張月初

亂泥高擁沒霜蹄君去長安我至齊千里共聞冰  
雪句一時同悵暮雲低稚兒多慧能留客素壁無  
才不敢題浩蕩乾坤相見日萬花深處聽黃鸝

半塘竹枝詞

野鴨高飛家鴨眠相看不厭兩欣然鴛鴦經過原  
無事一夜相思淚滿川

許之澍

之澍字志淇侍御從弟

茅屋

狂夫築茅屋門對石橋北傍水侶魚蝦近山友麋  
鹿衣冠與衆同詩酒豈吾獨四壁誠蕭然真堪隱  
濤宿

蘆花

七十二峯  
足徵集

馬蹟山  
許氏合編

卷四十一  
十

僻處秋湖上皤然致不同長宵栖夜月落日下征  
鴻受盡風霜苦添來蒼老容白頭時自點想已悟  
窮通

許維挺

維挺字松年號黠山侍御青嶼長子康熙己酉舉  
人司鐸揚州者數年陞北直武強縣令不耐煩劇  
解組歸里時胞弟維楫亦自楚罷任兄弟雍愉彩  
服趨庭父子之間日以唱和為樂不知老之將至  
也侍御年至八十八歲而歿時維挺年亦六十八

歲涕泣若孺子視含殮悲痛不勝甫三日亦卒人  
以爲真孝子也

常山曉發遇雨

驅馬出郭門微雨來天際俄頃濕雲屯淋漓滿征  
袂古道遠斥堠進退雨迢遞僮僕咸嘆嗟致遠或  
恐泥子遭行路難喜雨無怨憐憶昨登城樓郊野  
苦久霽田禾色欲焦望雲無點翳天心本至仁忍  
使群黎斃一雨蘇其困崇朝施大惠跋履雖艱辛  
畎畝消稷戾旱魃不爲災有秋可卜歲征伐正四

七十二峯  
足徵集

馬蹟山  
許氏合編

卷四十一

出籌餉奉新制庶幾嘉穀登公私均獲濟念此忘  
客憂行行敢云蹶

旅中立秋

客裡少相識獨坐臨空墀疎雨忽有聲高樹涼風  
吹去年憶此日讀書梁溪湄當軒映清沼文思生  
連漪往來悉知己談笑約相披去家百餘里撫景  
猶淒其今胡遠行役漂泊天之涯堂上白髮親望  
遠顰雙眉有兒雖幼穉亦解問歸期自憐岐路客  
節序忽復移感時聽哀雁沾臆空淚垂

春江花月歌

春漲潮生江水平江邊春樹百花生百花灼灼波  
間影却值春江月正明月映江流遠花甸月籠花  
色如飛霰好花忽向客中看空江皓月人愁見天  
清雲淨絕纖塵皎皎當頭掛一輪何年不照長江  
水此夜偏疑照遠人人生睽合無窮已月盈月缺  
恒相似遙想月光穿綉戶遙憐花影高樓裡高樓  
明月獨徘徊恰對深閨粧鏡臺幾度捲簾遮不住  
數回垂幕又重來此時音信杳難聞願逐清輝直  
七十二峯  
足徵集

馬蹟山  
許氏合編

卷四十二

向君生憎雁斷雲中字不見魚浮水面文斜月西  
沉起烟霧目斷鄉關不知路朝朝江上送離人夜  
夜離情滿江樹

奉和家大人自笑自懺詩原韵二十首

存三

紛紛塵紲內骨鯁自嫌殊任世呼爲馬臨風憶是  
鱸甲兵終日動耕鑿幾人蘓感憤東山側清流想  
顧厨

忝廁賢書日含沙有細人親寬終去國客舍幸全  
身宴悵虛鳴鹿

出閨後即返津門旅  
舍未與鹿鳴嘉宴

衣憐似結鴉

遙思閩海路

時家大人客游閩中悲喜一孤臣

白髮愁多病頻年藥累難健國當書永覓句入更  
闌執手誰還熱論心我欲寒親闌千里外那得報  
平安

新樂郵亭見家大人庚子西巡題壁云井陘  
入晉是為先大中丞百戰地有懷往烈情見  
乎詞敬和二章以誌今昔之感

皇華綉斧使西偏萬里風清息燧烟驛館舊題悲  
往代鄉關遙隔畏兵連短衣浪跡南天外長劍空

七十二峯  
足徵集

馬蹟山  
許氏合編

卷四十二  
十三

依北斗邊逐隊車輪驅歲晚不堪回首憶當年

百戰功高祖德偏建牙三晉值風烟經過壁壘心  
還壯吟咏詩篇淚欲連廊廟即今思借箸艸茅何  
策可安邊承先自是男兒志碌碌塵埃惜歲年

超然書院謁楊忠愍公像

嶽麓秋生舊講堂孤臣遺像肅冠裳龍門豈遜授  
荒日馬市仍飛諫艸霜積石怒流還浩浩摩雲竦  
立自蒼蒼當年碧血藏千古淚洒西風怨夕陽

別朱宛湘

俠骨朱家見后昆一編環堵氣猶存掉頭不樂三  
公伍長揖輕從七貴言彈鋏有誰尊上客買絲何  
處繡平原也知別路無多遠尊酒燈前且共論

許維楫

維楫字傳舟號胥山侍御青嶼之子康熙丙午舉  
人侍御遭徽人楊光先以西洋湯若望一案羅織  
幾陷不測維楫奮不顧身日呼籲於大人之門侍  
御以此獲免其秉鐸新安也迎養侍御於學舍父  
子祖孫同遊黃山作記以誌其遇旋陞湖廣鍾祥

七十二峯  
足徵集

馬蹟山  
許氏合編

卷四十二  
十四

縣知縣待士民如家人父子時夏逆作亂群情洶  
洶維楫諭以大義咸帖然願為死守城幸瓦全去  
任之日百姓遮道攀轅有涕泣者著有嘉成堂詩  
鈔蘭陔艸行世

過蘆溝橋

君不見蘆溝橋上石獅子冷面看人類相似又不  
見蘆溝橋下桑乾水濁流動地波瀾起千人萬人  
日夕過多少英雄困於此憶昔少年負劍遊壯懷  
題柱意未休臯夔稷契謬身許功名直欲垂千秋

詎知五上長安道一過蘆溝一回老只今短褐歸  
蓬蒿首宿寒穠事州州請君聽我蘆溝吟富貴應  
須致身早

河間旅店盆中晚菊用少陵歎庭前甘菊花  
韵

黃菊爭開九月節對酒重陽人共摘過時花發等  
閒看爛漫庭前復何益主人愛菊晚正芳伴我寥  
寂同茅堂棄捐遲暮雖已矣幾度念爾凌風霜

九日登學舍後山

七十二峯

馬蹟山

卷四十一

許氏合編

十五

傍屋開蔬圃綠牆補竹籬居然高士宅宛在暮秋  
時三載卑栖慣千峰遠眺宜不須羞落帽散髮每  
低垂

江上

浪急船頭打風高雁影橫萍踪三楚地歸思六龍  
城樓自悲王粲金誰贈馬卿無官身尚累祗是一  
囊輕

胡受益招同諸公泛舟秦淮即席分韵

秦淮秋水浸樓臺放棹中流共引杯疎柳拂簾人

語細遠山橫郭峴容開六朝事共蒐遺蹟百里星  
看接上台我自天都深處至好憑風月賭詩才

阻風漢川道中

吹斷江邊老樹根石尤狂吼晝昏昏驚濤圯岸迷  
湘瑟冷雨孤篷弔楚魂天日總緣雲重掩網羅無  
礙鷺高翻妻孥歸棹休嫌滯已得抽簪望里門

山莊課村僮種植

紅橘黃橙美洞庭家家種植有遺經常思遠屋誅  
茅盡萬綠陰中結小亭

七十二峯

馬蹟山

卷四十一

許氏合編

十六

舍旁隙地薙蓬蒿界畫分明付汝曹樹木十年猶  
未晚良材會看綠陰高

許麟燿

麟燿字祥趾侍御長孫松年之子居重慶下而又  
有含飴弄孫之樂極家庭之盛事焉為縣諸生食  
餼有年不獲一第意澹然也

過汪氏園亭

相賞林泉意留人落照遲石塘開古鑑竹籟譜清  
絲花老蜂還過雲歸鳥不知籬邊殊寂寂無限暮

秋思

白沙秋月次揚州刺史施文仙韵

皓魄無纖翳長江淡素秋群峰支碧漢一柱砥中流  
乍脫山公帽還登庾亮樓風雲渾未卜常喜月當頭

登千佛閣

高閣巍峩入太清臨風搔首不勝情上方有相皆清淨  
初地無塵自晚晴檻外橫江烟艇亂窓前疊嶂野雲生  
布金人遠祇園在依舊簷蘿紫翠縈

七十二峯

馬蹟山  
許氏合編

卷四十一  
十七

許璿耀

璿耀字在衡別號秋菰居士維楫長子幼有夙慧  
不茹葷捺觚時即落筆成章有老成風格應童子  
試名在第一而困塲場屋者四十餘年窮經之暇  
究心竺典雖生簪纓之家居重慶之下而穀色貨  
利一無所好終身蔬布若老禪和識者謂有宿根  
焉

題荷花贈李石湖

李君諱蓮湖廣鍾祥縣孝廉為先君門下士

紅衣映芳塘翠蓋還相倚下有白鷺立羽毛亦鮮

美荷香遠益清愛自漁溪始欲採君子花持以贈君子

題秋山話別圖

蓬軒颯颯涼颼起紫花碧葉秋光裡呼童放鶴破  
寂寥有客携圖忽至止開圖烟樹莽蒼蒼曲磴平  
沙道路長臨歧握手者誰子為送王生向太行太  
行岩堯千仞碧三晉雲山盡支脈斜陽驢背憶敲  
詩我亦當年舊遊客君今策道渡桑乾豫讓橋邊  
水未寒相依得有佳公子不須彈鋏同馮驩珠履

七十二峯

馬蹟山  
許氏合編

卷四十一  
十八

三千脫穎出文采風流君第一河陽縣中潘令花  
紅蓮幕裡江郎筆賢主嘉賓互唱酬到時九月菊  
花秋盈盈白墮香騰座燁燁紅萸笑插頭羨君四  
美二難并愧予匏繫閒居冷折來衰柳不勝情遙  
望鞭絲與帽影男兒生非麋鹿儔東西南北恣遨  
遊河汾秋色尤堪賦早晚詩筒託置郵

山行

深山長夏不知暑古木沉沉拔地起如何亭午未  
聞鷄數間茅屋山坳裡野橋半圯無人行橋下澌

澗自流

冬日過陳健夫西峰州堂次楊耐庵韵

閉戶袁安隔世塵  
漫漫雪徑屐痕新  
酒寒易水憐同調  
屋繞梅花擬結隣  
此日羈人逢路劇  
自來才子坐詩貧  
只應玉宇瓊樓上  
位置元龍百尺身

蝴蝶

翩翩花蝴蝶飛上  
蝴蝶花兩物孰真假  
吾將閉南華

即事

七十二峯

馬蹟山  
許氏合編

卷四十一  
十九

天際凝雲膩庭前細雨篩  
此時寥落意只有亂蛩知

機杼殷伊軋涼宵燈火清  
吾家無懶婦促織不須鳴

以南姪自金陵挈妻子還得四絕句

新買園林綠四圍  
牕前有鳥喚催歸  
齊眉夫婦歸來後  
井臼從茲得所依

金陵門第說盧家  
八載東床壻亦佳  
聞道冰清憐玉潤  
可能容易別秦淮

高陽門第賴撐持  
冢婦操家潔醴醢  
大父堂前還衣彩  
吾兄膝下復含飴

高曾五世一堂中  
共羨全家道氣濃  
九十太公重慶下  
長留青白振吾宗

許台耀

台耀字在三維  
輯次子諸生以子元基任四川  
州蒲江縣知縣遇覃恩得追贈  
文林郎

芙蓉湖泛舟

秋來水面起涼颼  
一葦飄飄任所之  
騷客寒芳依

七十二峯

馬蹟山  
許氏合編

卷四十一  
二十

桂棹漁家買酒指  
青旗落霞孤鷺半天  
盡楓葉蘆花滿地  
詩長笛數般何處  
響美人渺渺費相思

許元愷

元愷初名南耀  
字壽纏侍御之孫  
維枚之子早歲  
遊庠三蹟南闈  
乃奮志入都觀  
光上國康熙庚  
子以徐元愷名  
應順天鄉試遂  
歌鹿鳴會試兩  
下第而不歸竟  
卒於京邸

雨中秋海棠

海棠顏色如嬌娃  
牆隅棄置亦可嗟  
忍看一雨委

泥沙佳人命薄多若此西施湖中葬魚蝦明妃馬  
上彈琵琶

見落梅

滿庭香玉落歲寒莫問南枝與北枝一瓣飛來心  
一死萬千心事有誰知

七十二峯

馬蹟山  
許氏合編

卷四十一  
二十一

七十二峰足徵集卷四十二

武峰吳定璋友篁菟錄

上元張 堅漱石編訂

葉 蕃

蕃字君錫白沙里人服奇而古言博而辨好黃白  
之術日鼓鑪燒汞盡破其產而不止葛震甫其婦  
翁也二子隱僧能詩豈僧能畫

感懷

欲看青山雨後真慍窮何意似居陳閒雲自在因

七十二峯

東山  
葉氏合編

卷四十二  
一

無蒂孤鶴逍遙未解貧溪上落花能出世夢中騎  
蝶不飛身申胥今向何方哭碧淚熒熒化野燐  
詩魔如酒可忘憂行伴登臨卧枕頭嗜字蠹魚曾  
種癖苦吟蟋蟀賦多愁季真自昔稱狂客蘇子於  
今笑敝裘感憤吹然秦政火焚書臺上毀春秋

戊戌小春出山

一葉乘秋當折蘆洞庭秋老雁聲孤霜前紅樹開  
生面節後黃花識故吾煉藥獨慙勾漏令牽船猶  
傍莫愁湖也知此去從丁鶴華表歸來事有無

葉闇

闇字隱僧初學詩即精心騷雅及壯不婚不宦徧走吳越秦楚燕粵間以詩文自豪蒼舒記其語曰予半生游食性不狎世所往輒困而詩文益奇吾爲文一以莊騷爲帛爲粟爲腰脰爲瞑瞬咳唾如是者積三十年遭嘗以甘腹詭以智不自知其變化之道如風雨之無鄉也每拈題構局沉思竟日不成隻字或當威霆破電之下砒然衝激則急起而赴之如是者十年人以為烟霧我以為山川人

七十二峯

東山  
葉氏合編

卷四十一

以為騎蒼我以為鳥獸上有高岸下有深谷其于爲文幾幾乎危而得之矣今夫詩文之勁篇也孫子之言曰渾渾淪淪形圓而不變紛紛紜紜闐闐而不可亂則詩之謂也夫舞者左袖召游龍右袖駛飛鴻盤互衿裾呼吸洪濤十步之外瀑氣飲人于肝脾膈胎間使褊褐皂衣舉禿肘而謝不能矣其自矜詡如此觀年更號林屋嘗選近代人詩二卷名曰詩逢詩晚所著有樹滋堂集學古吟茗柯刺言東徙吟數種江陰張大育爲之序云林屋自

具一肺肝不肯乞靈于古人亦自成其為林屋之詩而已

劉文學栢感遇

神臯宜適館在藻臨清源公子愛敬客賓從寔有繁繼日乃卜夜追歡意未諼倬彼延秋露風枝曳偏反明燈不如月綺麗滿西園儻咏遽流盼觴至抗且論朱華盡昭晰夕鳥時驚翻鼙鼓蕩金波極樂四坐喧正體兼弘貸無令監史噴所欽親儀平生比澗紫微臣厠儒雅懿此太康言

七十二峯

東山  
葉氏合編

卷四十二

應文學瑒侍集

黃鵠一再舉迴翔下平柯同群羞燕雀中道阻山河黃臺滿荊棘江海苦增谿咏君瑯琊稻粱君液池荷風華時菊媚顥氣露莖多鸞鳳同轂響飛揚舞傿傿公子光天步酌我金叵羅纏綿心自許宮徵調相和獻壽兼誦詩思柔豈不那逝展輪翮用載颺起謳歌

嵇中散康言志

傾轉畏夷路穀利坐相捐靈根植初九不違養生

年伊余早孤露望道阻高堅簡身任懶僻直性矜  
自然時網嬰世患吾壽何當延往者不可諫將來  
圖靜便華池為鍛淬樾蔭息詩肩鬢眉淡流水嘯  
般入寥天齊物莊生達知常老氏玄灑落七情外  
超遙三山巔樗材散乃大木鷄形乃全傲睨人間  
世知音藉揮絃

阮步兵藉詠懷

雙龍驅夏后白日淩丹崖豈不罹辛苦曠望有所  
諧洋洋流水曲可以喻中懷經天耀四海靈曄麗

七十二峯

東山  
葉氏合編

卷四十二

三階謠詠忽聞之羽翼臨當乖雲霞紛變態運會  
非安排何必同衾幃處浦長自偕焉用通媒問心  
儀季女齊

劉太尉琨傷亂

朱鬣呈天驥萬里効馳驅妖牝開藩虜戎成薄海  
隅艾杼夏一旅尹仲周蒸徒中興自此始司隸還  
東都腹心重寄托屈楚任夷吾讐黨為之用展然  
霸莒蒲人言困能亨習坎維中孚吾生希數子禍  
亂啟良圖豈惟汲短綆抑亦爭衰顛時乎功不逮

去矣歲云徂祖生不相待荒雞中夜呼長鞭策馬  
腹劍首呖錕鋹天高那可問晉壘沓飛狐社鬼新  
君子羈臣故大夫生存家難恤死逝國恩孤誰辨  
荆和璧楚僉混硤硤

郭弘農璞遊仙

湔裙謁大羅雲城鬱霄起鳳旂戴勝滄海三見  
徙淺立金銀臺芝田交蕙耜麟龍游其畦日月出  
其裏瑤島聞精香琳園餐玉李兜玄蟪蛄窟太極  
無濛汜雙成顧我笑中州不足展薊子喻千齡若

七十二峯

東山  
葉氏合編

卷四十三

士越萬里

許徵君詢自叙

靈曜晝經天奔馳不待脛深眇至人居玄冥離華  
競吾生信有涯觀化原無竟畊藉東海田藥采台  
山勝理至排空筌機忘捐智穿天游獨解設一往  
雲裝淨石室閤重閣松風颯寒勁甘菊資糗糧黃  
精劓鏡柄異哉牧豕子所遇皆仙聖去矣巢商山  
葆塞其性命向氏窺損益尼父體居正五蓋發屯  
蒙心淵秉如鏡

陶徵士潛田居

宿雨霽村烟鳩鳴桑土上晨光荷鋤出沿塍汙流  
響時至無落事卒歲資生養少壯力勤劬為禾勿  
鹵莽塗足理荒穢良苗疏易長午鷄遠相聞子婦  
饁偕往隴上輟耜耕落日更舉網濁醪呼隣叟既  
醉歌擊壤畏壘民風淳男田女績紡五斗謝腰組  
歸來足偃仰

顏特進延之觀穫

三壤今則賦千耦古開阡不有西門溉疇瞻北郭

七十二峯  
足徵集

東山  
葉氏合編

卷四十二  
六

隴皇心宅無逸孝敬永祈年乘豫臨秋藉璿臺輟

宮縣倉箱盈量鼓登頌樂成平叶日霽樓觀迥齋

清饒吉蠲司空拓玄武都尉誌蒐田嘉魚占屢夢

芝房湧醴泉原省場功畢櫛慘物化堅薄海膏雨

露棲畝遍山川報蜡民神洽王猷富教宣汜生明

五見管氏藏三權儒臣從孔首提繫起區墨班綴

吹幽簫陳詩賡大田

袁太尉淑從駕

時為御史中丞從  
宋祖拜廟南郊

中和宸極建仁孝泰元交佑命熙三社端儀穆五

教王春發獻歲渙假廟還郊大報享盈在江漢貢

青茅赤車龍氣繆彩伏鳳旂標田燭迎為旦街亭

憩作寮恭先文袞冕虔告簡陶匏相辟園皇邸伶

倫奏簫韶膏薌烹列鼎薦薦行庖海嶽依京裸

臣民浹駟有風祥調舜捺天吉吐義苞一成例順

動九伐格有苗待勒東封石臨文崇國膠

王徵君微養疾

肘柳今猶在申我三彭仇檄株為此拘人生實贅

瘤何物冥靈老祇抵螻蛄秋寒月規如玉玄雲澹

七十二峯  
足徵集

東山  
葉氏合編

卷四十二  
七

不流鵬鳴津戶聞猿吟峽山幽自得桐君錄心以

虛為舟

鮑參軍昭戎行

遑秋候烽急塞雲遮關隴選騎一當萬奮氣士皆

踊畫地喋觴來刁斗無喧詢漢鹵紛拏間槍呼如

洶湧挑入大軍鋒貫出西將種飢得真顏粟渴就

祁連漣日暮抗旌還月上明妃冢長白舊東山因

余賈餘勇

謝光祿莊郊遊

綠溪挹澗酌秣樾且臨坻秋水歸無止衡門足棲  
遲振策迴鴈嶺方舟化龍陂爽籟叩虛壑清暉吐  
朝曦菊芳粲蘭薄楓色冷江湄旅生兼晝短絲髮  
受風欺果腹青精飯酖顏碧玉卮願偕同心侶獲  
我復何期

邱中郎遲侍晏

椒圖啟曙扉輦路春暉滿雉子拂林斑龍媒承步  
緩天花散御香語鳥調仙琯藻景商容臺卯色飛  
廉館皇恩被親睦宗工登晏衍表海知在茲來方

七十二峯

東山  
葉氏合編

卷四十二

還及旦戎旃喟莫從離會榮雕簷

王洗馬筠僧房

華陽十賚存梵天三士列靈峰麗修景溟漲排空  
濶荒林鹿野曠古寺篆碑缺得意即乘閒冥心趣  
乃別羅戶衆山青照檻華池潔霽雨呌蒲塘落日  
明鶴埕泠泠澗沙瑩縱縱谷雲紕巾幘淨埃氛几  
葉清炎熱嗒焉物外心一棹滄洲發

韓詩

才杜于文章兩雄力相聞彌天振長策元音肇太

勢正色吐光芒烈日照宇宙韓公起紹之陟降帝  
左右玉鞭鞭紫麟龍鸞亢先後捫天挾雲霓赤三  
拳星宿招徠若虬角簸弄丹鳳啣神闕劃靈籙尾  
斧鑿玄竇采琛無端倪高躅騁馳驟陰陽自搏抗  
風雨相輻輳無巨細美惡形色與穀臭隨其所喜  
怒齒頰恣陵詬帝欲昌斯文故使公領袖一飯告  
屢空五薦僅乃售躑躅謫陽山郡齋侶猿狖稍遷  
法曹掾瘴癘猶未復洞庭波浩淼幾壑蛟螭口四  
門迪胄子進學多造就佛骨上封事吾道除稂莠

七十二峯

東山  
葉氏合編

卷四十三

一麾路八千下瀧驅經走雄文協王鈇至誠感乃  
祐起轅晉吏部出使寢藩寇朝廷伏公力帝座安  
如阜方將登三事奎壁歸天帝天生昌黎公為世  
衰靡救排空障狂瀾百川皆歸瀆叶豈惟文雄杰  
忠鯁骨挺秀嗟吾生世晚末學竊荒謬于文得正  
宗詩乃驚篆籀餘子競蛙鳴黃鐘掩瓦缶矢筆為  
公述無慙風雅右

山行

兩山白雲合平楚皆蒼松參差松絡雲松陰雲重

重行人轉谷口出路雲已封白雲瀾似水蒼松矯  
如龍飛瀑盪雲開奔雲成溶溶依稀水雲外更有  
千萬峰瞑烟四圍起茅庵尋暮鐘投宿白雲下明  
朝數芙蓉

聽松堂社集賦得庭前五色梅

庭前老梅樹著此五色奇今歲天晴暖迎霜弄春  
枝山堂促燕膝邂逅新相知三雅一再行言懷各  
賦詩當茲庭樹葩艷雪芳歲艱本以貞素質而為  
倩盼姿他山供栽接橐駝妙功施始識矯制力變

七十二峯

東山  
葉氏合編

卷四十二

化竟如斯草木貴學問况乃生人為

和昌谷章和二年中

棟花風盡鳩拂羽蘄蘄麥秀粟天雨去年寡婦歎  
無襦今年農父慶添租社酒黃雞歌帝力溝塍涓  
涓湧泉脈嗤彼跋跋游冶兒寶馬金羈驕上客醉  
拍田家老瓦盆松毛為茵蕭為席牧人夢魚獻天  
子更道明年虫蝗死

苦寒行

太行山何崔嵬太行雪何紛披北風溪面來縱橫

裂人肌男兒輕行役豈為寒所欺我指即墮我馬  
猶馳載雪與負鹽榮辱亦相岐我聞將軍義幕下  
擁爐呼酒汗交頤帳外健兒僵凍死帳內將軍那  
得知嗚呼燠即我酖寒我師苦寒教我無已時

飲馬長城窟行

將軍手提烏號弓將軍身跨烏騅龍天山血戰不  
論功歸來飲馬仍嘶風長城水深白骨古中宵猶  
作秦人語萬里成城功不收千年遊魂歸何土驪  
山烽火屠咸陽不是賢王是楚王八千子弟雄渡  
江何不江邊高築墻男兒裹尸葬馬革徒死殉君  
君未得秦皇翻作漢功臣為爾任怨築爾城古來  
土木皆如此鵲架巢時鳩不理

沙路曲

免目栗栗青槐樹黃閣轟轟白沙路二十五點清  
漏長鳳子隨飛金根去蒼龍闕下虎豹關莫問淮  
南大小山頭會箕斂困縣官丞相低眉誦孟盤平  
津不語汲公語烹桑弘羊天乃雨

泚水詞

淥水蒲葉青小姑采蓮處阿侯來不來按碎蓮心  
苦蒲生勾蓮蒂蓮枯見蒲根莫拔斷蒲根恐傷芙  
蓉魂

秦王飲酒歌

秦王隻手撼鰲極鞭石成梁跨海碧彎弓射鯨憂  
有鼓鯨背翻波海不平日邊酒旗搖天星擊缶烏  
烏鼓振振仙人鶴駕吹玉笙群臣卻聽酒不行星  
辰爛爛照眼明驪宮月落夜三更虎枕高眠鼾猶  
惺卷衣宮女侍華清山鬼白晝盜壺觥十二金人

七十二峯

東山葉氏合編

卷四十三

衣甲輕扶蘇塞上淚泓泓

崑崙使者

流沙萬里驥一息粵天直下吞海色荒唐博望斗  
邊槎石榴葡萄帶不得昆明石鯨鱗甲寒西內扶  
荔愁枝折可惜劉郎鞭箠心烏孫馬上彈明月

雁門太守行

太白八月妖星摧細柳營門甲帳開孤軍轉戰重  
圍和秋水橫腰陣雲紫不用囊沙與背水馬尾桀  
桀嘶風起報主雪仇明得意英雄不共鼓教死

羽丹種曲

雒神夜怨宮城老黃袖仙人種瑤草掐根染就九  
色霞火字兩行照清曉漢宮不臘野炊烟君家小  
築護雕闌預畜紅醺歡相待花下拍肩張鷟絃花  
神笑踏月黃昏姚家魏家最承恩沉香魂醉銷無  
主寂寂小窓聽鶯語

北中寒

狐裘白白貂裘紫百尺冰垂僵不死紫軒宛頸肉  
連理五更玉結天河水駟酒醍醐錢十千灰剗燒

七十二峯

東山葉氏合編

卷四十三

殘不夜天黃金沓地醉莫喧北斗關千天倒懸

貴主征行樂

追詠馮洗夫人用兵平蠻

錦繡晃晃犀渠甲瓔絡交垂千蓮葉男兒糝束騎  
出城鴉黃洗却從遠征葡萄夜光香燠玉梨花鎗  
朶沉沉綠和轅畫角鳴唔咿百隊蠻酋解鐵衣

長平箭頭歌

戰場鬼火飛黃沙驚魂酸骨眼生花猩血班班鋼  
簇簇當年虎鬬折龍牙三脊射人或射馬搏拏旋  
風如雨下塵埋土蝕雁翎湮赤豹文狸嗥寒夜新

鬼離襪舊鬼瘦紙錢澆酒牛心炙煩冤濁體相撐  
住縕束咸陽三月火揮涕零淋摩古鏃幾度醫瘡  
剝無肉

### 祭酒荷校謠

紀李時勉也公名懋正統三年為國子祭酒忤王振坐伐文廟樹荷校于學門太學生石大用上章願以身代

司禮先生共天下英宗嘗稱王振國子先生不相假明倫

堂前樹童童一枝可伐既可嫁緹騎至何洵洵李

先生何從容當年斷骨幸自接獻陵言事廷播折肋今日荷

七十二舉足徵集東山葉氏合編卷四十一

校項似鐵諸生號泣奔且訴禁掖猶憐老師傳少

年天子應未知薛家少卿來問故

天子請客歌孝廟賜譙老臣曰請客

五日對平臺十日對便殿中興聖主志太平老臣

只恨受知晚劉司馬戴大夫左右却避不敢前語

久始知倩人扶兼金宮錦尚方饌承恩下階日已

晡戴大夫不敢言疾劉司馬請骸骨帝曰君臣魚

水歡有如主人堅留客客何判袂欲辭歸二臣相

顧辭不得丈夫生逢知己恩但當輩轂之下死報

遇於乎明日忽聞天上騎箕尾又道乘龍上鼎湖  
老臣腔血淚欲枯主人留客奴逐客奴劉瑾也不然安  
得東山草堂歌烏烏

### 獻皇考歌

獻皇世廟之生父世廟入承大統議尊獻皇楊廷和毛澄主議遵宋濮王禮稱孝宗為皇考獻王為皇叔張璁爭之稱孝宗為皇伯獻王為皇考恭穆獻皇帝

不稱宗曷稱考既稱考應入廟更命不在登大寶

祝融之威天所告時清寧宮小室災假改議不果不念康陵十六

年今日稱宗何草草嗚呼魯史躋僖公新鬼大兮

七十二舉足徵集東山葉氏合編卷四十二

故鬼小一人承桃兩人絕孝宗武宗大禮是非何可道

### 椒山膽謠

楊繼盛疏嚴嵩十罪五奸嵩恚謀廷杖死之時校尉苗生飲之蚺蛇胆酒楊置酒不飲曰椒山自有胆

馬市開誰當言大臣不言小臣言謫戍狄道豺虎

邊折脛幸未死中歲忽三遷國恩何以報願擊大

慙發大奸諫書入重受杖椒山自有胆不因蚺蛇

壯枷鎖過滿城香割胆如飴甘可嘗藏忠胆當化

碧龍逢比干國柱石

鵲血袍歌

毛山人出入張江陵之門張奪情時衣緋錦袍賀萬壽山人指而諷曰此杜鵑血染成也江陵不悟

張相君何汲汲馮瑒猶在可再入父死何云歸不得李賢即可師羅倫小子無所知爾曹何用殺我為毛山人勿饒舌宮袍錯訝啼鵲血相君何不早求脫帝留相君相君胡不歸帝厭相君相君欲歸不得歸

大刀誅

七十二峯

東山葉氏合編

卷十三

劉將軍綏號劉大刀與杜將軍進兵駐于寬奠謀者傳杜已入公恐杜之先也冒險疾馳中伏馬蹶坑焉偕義子劉招孫及朝鮮帥金應河俱死

劉將軍年近七旬大刀百斤身騎雙馬夾翅劉招孫平翻海水踏崑崙據鞍矍鑠超其群詎知深入兵法忌犄角不成走死地風折牙旗豈天意吁嗟入傾老將斃

經撫入關行 惜經略熊廷弼也

世無班定遠安得生入玉門關世無秦穆公安得素服哭峭山我今東北睨熊王胡為並驅入閭陽

經撫雖云本一事其中情罪能無異奇才衆殺有

誰憐宵人之黨況中權一夜矯旨出駕帖不死疆場死妖孽自壞萬里一長城敵人歡喜國人驚正如楚敗殺子玉安得定遠與秦穆

楚王孫

誰言楚王真主者沈四明誰言楚王假主者郭江夏莫問楚王真與假但較主者官高下言真是言假非郭公掛冠去妖書搜其帷舟泊楊柳渡一家宛轉啼若非皇太子骸骨安得歸有人自鄢來為

七十二峯

東山葉氏合編

卷十三

道楚官邸老馬變為駒鳳皇啄粟米不見六國時有春申憲宗朝有難陰獨使王孫攻者累累鎖項死至今鄂渚流酸辛

大楊小楊誼 哀楊漣子之易之賦也

大楊花小楊花飛絮落誰家

井梁謠

雲間徐念祖乃尚寶之子八月初三偕其妻陸妾李驅兒女子并夫妻妾列繼中堂三日後劈門入見之面色如生

徐尚寶好兒郎大妻小妾從屋梁佳兒嬌女井中

央

四牌樓怨歌

熊芝岡袁自如兩經畧授命于此

四牌樓接西市血海一泓染霜紫冷風吹折白旗  
竿百千累鬼啼辛酸酷吏爰書駕帖頻厲鬼夜附  
怪鴟起中有二鬼殺特雄慘悲相喚吁復言烽火  
熒熒乍遠邇細聆俱作沙場語不死沙場死此間  
屬鏐從來冤國士誰憐朋黨坐封疆生不能生死  
非死骯髒熊袁二老魂千年不散秋雨洗

石砭女將歌

七十二峯  
足徵集

東山  
葉氏合編

卷四十三  
十八

天啟中西川石砭土司女將秦良玉率所部兵入衛荊州熊紫珍太守表為將軍既入京陛見遂命赴遼經畧熊公奏卻遣還謂中國豈無鬚眉丈夫

先朝陽九天啟時荆南表率勤王師供億餽糧欸  
女將鸞韓雪甲西川姿中原豈是無猛士此女獨  
建靈姑鈐朝廷黃榜招豪杰一萬安家二萬齋黃  
龍未敢出半步玄菟何時能拯危獨漉獨漉秦家  
女家世鐵印宣慰司清水潭邊磨劍試班布山下  
調馬騎萬里曉粧投鏡起三千組練同驅馳金步  
搖卸兜鍪鑿玉條脫繫光明披麾前佩刀蠻蠻女

部下强弩巴賓兒自言夫婿伏波後身經百戰夜

郎睡不分丈夫盡巾幗可堪塞北有胭脂願當一

戰先諸道手開五石射郅支施南酉陽無顏色奢

香不敢窺滇池霜風汗血桃花馬塞月新彎柳葉

眉重池珠極窄兩袖梨花之鎗雪一枝羞殺蕭娘

與呂姥人中詎得別雄雌石砭女將壯艷有如此

娘子軍木蘭女石龍夫人錦繡老繡旗女帥劍光

死唯汝濯濯復盈盈快步秭歸過荆市十日黃河

半月燕鼓吹直入朝天子天子勅賜飛龍馬捧出

七十二峯  
足徵集

東山  
葉氏合編

卷四十三  
十九

尚膳珍羞醴下馬稽首飲顏酤殿上公卿咸色喜奉詔指日出榆關經畧熊公一疏止中國不道無男兒裙釵何以辱車騎婦女在軍軍不揚經畧熊公得大體吁嗟乎經畧熊公得大體

俺答三娘子歌

三娘子以孽孫故和好中國關門之不被兵革者四十年

北門開良馬入誰其為者關氏力關氏有力制單  
于塞外無烽烟塞內吹笙竿長城交馬如市衢四  
十年無兵火望闕氏如花朵花朵天天不長好昭

君冢上青青草中國男兒徒膠擾

### 二夏詞

紀殉節也大夏名之旭舜仲兄小夏名完  
淳彝仲子五月十三卧子既執復執二夏  
大夏夜赴文廟雉經顏子位前小夏執自  
嘉善過弘化關望見鍾山長歌痛哭謂人  
曰吾得投骨于舊京死復何恨  
臨刑神色不變時年方十七

雉子斑斑不如二夏之文彩兮况小夏之少年飲  
咏兮五步十步艾而張羅目以連大夏矢死四顧  
城市不可盛我尸走歸至聖前田也短命我其從  
梅小夏仰天而語儂如黃口羽毛摧頽魂魄猶能

七十二峯

東山  
葉氏合編

卷四十三  
二十一

飛上天天上白玉樓近在鍾陵山大哀以扣之金  
門訇然開祖龍老子皤皤蒼髮呼來前阿父騎長  
箕舜仲死節  
在三年前阿伯步斗躔小子授簡命艸仙入篇  
天以南天以北與協鳳皇鳴不隨鷄鶩食

### 太學石鼓歌

少年躍冶陵江許足躡石龍聽銅鼓兒童跳躍嚮  
春雷萬樹鶯花變風雨偶訪故人到衡陽衡陽石  
鼓湘江浦云是張華叩蜀桐時一瞥眼紅亭路回  
首蹉跎燕市春拜謁素王宮殿廡森森法物觀兩

序翠碧琉璃妍且古如鞞如鞞字滿腹蟲魚嚼盡  
蛟螭怒或如落落望晨星或如離離驚鳳翥或如  
歷歷軍竈減或如翩翩雁鴻聚或如杵臼頂炊寒  
龍飛骨出鬣折股我家籀帖昉于此前朝傳自四  
可甫鯉庭幼肄傲宿儒阿蒙無人為訓詰驀然驚  
見石磊磊古字輝煌殘齟齬是時冲聖肇當陽聞  
道饒歌下朱鷺遠海廣寧唇齒寒寂不聞言邊塞  
苦金人銘背口三緘奮欲擊之中涓怒艸莽小臣  
無言責空懷獻納向誰語坎坎無聲立鼓邊心在

七十二峯

東山  
葉氏合編

卷四十三  
二十一

車攻馬同句安得六龍排法駕天清日朗聖顏睹  
走願置身牛馬間手折楊柳貫魴鱖驅使貔貅磨  
盾鼻大獵三驅雄鹵簿上馬殺賊下馬歌小醜角  
崩而竄舞殿上綵毫讓公等快覩膺懲揚我武奇  
字何人邁子雲風雅誰堪嫺吉甫側聞左氏椒舉  
言成王春蒐岐之許實寔枚枚作鼓形有如神禹  
九鼎鑄周公制作時大備功業文章非小補駕言  
徂東徼洛社北符岐陽威大鹵卜世卜年祚八百  
轍跡邇來莫西顧宣尼周流未過秦但採車麟駟

鐵賦比千銅盤佚殷姬李斯罽嶧空齊魯自從淪  
沒十六州天地冥冥日未吐我祖台山出漠北頌  
聖詩章嵌廊廡雖無牧豕牛礪角忽有宮牆生眾  
康兩序赤文皆失色祭酒諸生耻樽俎往往清夜  
聞鬼嘯至寶辱污棄祿楚捐歸東海春復春磊砢  
未能平肺腑風簷取展回環讀拭拂塵埃辨魚魯  
書生妄意闢聰明疑者闕之信者譜十篇完好登  
雅頌爾雅周官相參伍夢寐衣冠釋奠時升歌舞  
蹈協鐘鼓千秋法物吾得之慎勿示人驚僮父

七十二峯

東山

葉氏合編

卷四十二

二十二

奇石歌

奇石奇石乃在吳門之南長洲之北徐氏東苑之  
西凹靈峰截業日未睹唐宋記載無其曹縱之五  
丈橫丈五氣色瓌岬千人豪餘峰攢簇露詭怪或  
用金錢相牽牢上下壓疊巖岩磴洄狀蹙脊來驚  
飈綉窩團結百葢亂穿漏崩蝕千窩粿光開天目  
乍虧蔽鏤空地肺疑藏蛟峰巒促縮見彷彿五岳  
繪寫存頭尻恭聞此石之來自宋世道君正受明  
堂朝薄海晏然稱無事花石綱運民頻勞搜林剔

數破苑圃此石始築何岩堯驅工作山號萬壽特

立艮岳撐雲霄六宮凝睇至尊笑嘉名肇錫傳臣

僚東京繁華歛成夢赭服青衣長天鴛穆清延福

悉灰燼冰天雪窖魂難招流離轉徙四百載風斤

雨削何漂搖嘉靖之季尚書董購經震澤沉波濤

千夫推挽始得出并獲磐石如巨鰲試將此盤盛

此石天然位置匪斲雕乃知神物有訶護雌雄劍

合寧虛譟徐園主人曾幾時摩挲舞拍羊家腰珍

似平泉解醒酒用大空遺五石瓢頽然塌倒卧荒

七十二峯

東山

葉氏合編

卷四十二

二十三

草斷處人言霹靂焦童敲牛礪一間耳猶有三峯  
高建標我來瞻拜瑞雲下歎息奇物失所遭禹金  
鑄鼎閔年代成毀在天非人料姪奢工巧致天折  
詎係此物能神妖瑤琨琳瑯古職貢聖人修德却  
旅葵魏榆辨石石有憑叔夜持論於旅遠升沉榮  
辱皆如此間披苔蘚話前朝

行行且遊獵篇

朔方健兒誇身手能騎生馬弓懸肘高秋射獵陰  
山道直過三隴逐飛走黃沙白艸磧不平呼鷹牽

犬出邊城控弦一發僕姑叫血花片片抗前旌老  
獐狡兔不得活駕鶴天邊落蒼鵲行庖擊鮮酒如  
泉捧卮為解將軍渴歸來半醉垂金鞭華堂歌舞  
艷能璲滿天雪落貂裘寒肉屏狎客圍兩邊人生  
快意當如此白頭牖下徒為耳何用區區獻天子

觀徐彥臣闕若韓鄒許士圍碁歌

有客有客憑石几寂寞精神手不起摹空擘畫交  
垂頭良久鏗然落一子游戲神通小戰場橫迎直  
擊爭生死漢高石勒逢中原兵法孫吳安足齒中

七十二峯  
足徵集

東山  
葉氏合編

卷四十二  
二十四

間大道坦且平仁義周旋齊進止有意無意置若  
忘各守鴻溝勿虞爾偏師忽穿子午谷間道疾趨  
號令詭襲川鄧艾懸崖行王濟樓船飛渡水豈曾  
無備任蹂躪墨守輸攻驚彼此相持一間係全軍  
轟雷奔雷阻溝壘別有救趙施奇謀舍敵銜枚路  
直指騎兵吞併計未成割地翻輸數百里劉項屬  
意俱關中智者潛窺隱忍俟伏奇借勢制人先四  
塞山河歸表裏邊隅蕞爾不足存動色經營爭未  
已殺傷狹巷差相當八陣五花嚴律紀長驅一蹶

失萬全東南半壁俱傾矣鄒生自命飛將軍應接  
先機脫兔徒若韓刁斗何無譁敵來十步佯不理  
徐子將將更有神旁觀指顧運籌美勝負未決相  
徘徊為漢為楚一言倚風流羽扇更何人三子爭  
驅今並執得暇來從鉅鹿觀棘門灞上等兒戲太  
原道士生同時此局全輸復奚似橫絕意氣百戰  
間表降遺事真堪耻斂衽黑白條已空舉手一笑  
誰英雄

虎牢關

七十二峯  
足徵集

東山  
葉氏合編

卷四十二  
二十五

浩蕩關門路沙場戰骨高秋風驚塞州寒雨下亭  
臯間左徵求急荒村甲戶逃老當驅策過蒿目嘆  
民勞

銅官驛

扁舟如落葉飄轉到黔川江漢無情極乾坤醉眼  
前長沙揮涕日萬里入春天今夜銅官月清光再  
上弦

燈下草虫鳴

不敢雜他響幽聽半夜中已知絲裊裊難辨艸茸

茸殘火散形似羈人心緒同鬢毛吹幾縷愁謝共  
西風

蛟門登觀音閣望海

驅石暫停鞭蛟門三萼連洪濤朝古佛危閣挾飛  
仙地軸虛無合天荒開闢前平生湖海氣到此竟  
茫然

湖上送張子發

湖口雨初霽夕陽烟水空舟移燈火外人語別離  
中飄泊看歸鳥安危任轉蓬去留俱客路彈鋏警

七十二峯

東山  
葉氏合編

卷四十二  
二十六

霜鴻

慈溪夜植

暝色入江郭江轂流到天靡靡葭渚亂析析星波  
圓沙竹澄細火岡茅生遠烟片帆乘夜發不寐擁  
衾眠

小桃源感舊

荒墅城中不遠村翛然籬築柳欹門昔年携手半  
泉下此地看山破寺存藉艸坐遲野老語斷雲吹  
冷夕陽痕支願一往空雙髻消盡春風石上魂

粵使檻貢釋虎

白額南山堪伏處居然咸若子孫繁林端霧散斑  
文起檻底風生卧嘯喧阿閣鳳巢曾賀瑞殊方藝  
至總承恩聖朝詔絕珍奇貢上苑多時罷虎園

中秋經堂坐月

無端問水汙江濱禿筆驅人浪拍身佳節偏宜秋  
在寺故鄉惟有月隨人靜中年譜愁堪紀亂後詩  
筒老更親此夕經堂坐孤韵誰言狂客不傷神

入門

七十二峯

東山  
葉氏合編

卷四十二  
二十七

八載過門慵掃逕却憐去住近如何傷心灑血都  
成淚垂老無家一放歌尚有乾坤容戰鬪祇將日  
月付烟蘿孤闌寂掩聞鴟嘯蒙袂歸來廢蓼莪

吳穀子夜歌

歡嗔儂有心儂道歡無情燈火語玻黎爾薄我分  
付

雜吟

春蚕吐春絲却在繭中住衣被世間人一身不能  
庇

明霞墓

馮司李愛姬墓在湖州峴山

千古良緣半負辜最慳才士與名姝季倫一去無消息值得詞人弔綠珠

七十二峯  
足徵集

東山  
葉氏合編

卷四十三  
二十八

七十二峯足徵集卷四十三

武峰吳定璋友篋蒐錄

屏山金世襄翎文編訂

金信

信字

東山人與楊鐵崖倡和詩載震澤編

洞庭曲十首

奇峰七十二菡萏青蓮開遙看出雲雨不似楚陽臺

海客走相報龍王嫁女來雷車挾風雨高浪白成

七十二峯  
足徵集

東山  
金氏合編

卷四十三  
一

堆

波濤三萬頃倒浸中天月蛟精戲神珠開局白銀

闕

洞庭西去浪出沒有雙雷遙看青兩兩不識具雪

堆

浩蕩太湖水東西兩洞庭吹簫明月裡龍女坐來

聽

毛公來刺船遂入林屋洞洞戶夜不扃風雷自相

聞

雌風吹雨脚龍腥湖上聞小姑彭蠡至來謁洞庭君

日落洞庭波青天風雨作垂龍掛脩尾有似青旗脚

湖上望蘓臺水與青天遠長風送飛帆忽到長洲苑

有客浮槎去槎頭掛客星仍將莫邪笛吹與老蛟聽

### 金繼昌

七十二峯

東山金氏合編

卷四十三

繼昌字思善號養浩明弘治間廩貢與蔡景東為友

### 賦得富貴須當置身早

海枯川竭蛟螭泣轉盼風雨飛鳴急丈夫變化未  
有期功名還向少年立烏丸疾奔不可擊誰能喝  
之使倒行昨日朱顏今白骨剩得秋郊鬼哭聲拖  
青紵紫豈足以致君無術深所恥詞源續寫萬言  
書黑頭三公世無比君不見班超投筆事邊籌二  
十功成便拜侯又不見鄧禹伏策二十四雲臺敷

業遂素志上馬橫梁下賦詩一生富貴亦隨之嗟  
彼利劍常在手及鋒不試待何時

### 寄蔡景東

病裡思君問易添書齋白日坐淹淹東風莫道無  
情思也送飛花入小簾

### 金燔

燔字伯獻金自南渡來為山中望族咸雄於貴伯  
獻能折節讀書與四方名士交遊以詩鳴於五湖  
間葛震父吳凝父咸重之所居有亭跨澗上水聲

七十二峯

東山金氏合編

卷四十三

潺潺遠几席郭聖僕題其壁云青山若為雲扶起  
碧澗時因水作聲有客看山還聽澗十年塵土一  
朝清所著澗戶集一卷固始令葛逢夏序而梓之

### 范蠡宅

少伯却鼎俎以柔克強吳功成掛帆去漂泊同鷗  
鳬偕隱完初心擇地安所居相傳五湖宅乃在山  
之隅碑蘇滅蜎斗鉤花落遺墟人國亦已矣對此  
增嗟吁

### 春日能仁寺

古寺一山盡隔淑生孤島人烟雜深樹雲帆落飛  
鳥去年曾此宿風光自然好故人讀書處花落無  
人掃

仲孫有芳北上示之

弱冠已作客來歸觀吾老今日復遠離正值春陽  
早同遊二三子麗服映芳草南雲望漸北夕鳥織  
還曉慚無祖德聲得見孫枝好惟謙受明益一實  
消虛憍此語良足規服之以為寶

澗亭

七十二峯  
足徵集

東山  
金氏合編

卷四十三  
四

溪轉花間僻亭開石上幽晚山歸野衲晴雪點沙  
鷗世態雲俱幻年光水共流酒杯長日月於此足  
淹留

小構喜新成溪流綠漲平竹深無日氣花落帶秋  
聲投餌魚爭出敲棋鳥不驚陶然一日卧亦足了  
平生

震甫尺木齋

種竹新開迳看山舊主賓相尋不待暇好語竟生  
春綠酒吾堪老青緇子自親桃花池上照流影

潛鱗

同許裕文酌張徵君

每會無嫌數今逢感歲華月知玄度侶秋好季鷹  
家誼古天俱露觴多政不譁涼風吹白恰香落鏡  
中花

送雪公之金陵

已共山中老如何又出山水雲今日別瓢笠幾時  
還乞食人烟外題詩面壁間六朝燈火在次第訪  
禪閑

七十二峯  
足徵集

東山  
金氏合編

卷四十三  
五

寄萬養浩時在由拳

看花花裏約春去轉徘徊婉孌鱸鄉語風流兔苑  
才雲邊雙鳥沒烟外一帆開悵望成孤嘯松風日  
暮來

夜過石湖

雨後澄新漲蘆邊起夜風水燈懸塔照山磬落舟  
空可數吳江樹同歸笠澤鴻長謠對霜月溪路石  
橋東

病起

一病當秋起枯藤藉未安感時吟思苦隔序社盟  
寒水艷芙蓉老霜聲木葉乾沾沾兒女喜減藥漸  
加餐

病間得震父書

卧病經三季艱辛祇自傷相思日月滿為別水天  
長一鳥伴孤寂雙魚來八行歸期君不遠同醉白  
雲房

夏日過周逸人

平生感道誼今日到幽居池上藕花發窻間蕉葉

七十二峯  
足徵集

東山  
金氏合編

卷四十三  
六

舒閑情天放鳥樂意我知魚自此勤相命山尊綠  
有餘

風雨中謝孔道行招

欲赴山中約輕船已在門詎堪風雨意不解水雲  
村百歲無多酒孤花有斷魂悶懷何所遣獨坐到  
黃昏

湖樓坐月

涼宴開中夜高樓在水濱相看惟有月此外更無  
人秋氣酒堪入天聲歌與鄰幾家雲裡宅喔喔報

司晨

吳城止張汝陽家

幾曲城壕路因君此放船登樓憐丙夜遵海憶丁  
年雪白孤尊酒霜清一雁天西風吹禿髮把手話  
燈前

秋夜訪周逸人

此夜乘幽興還疑剡曲游數溪連一水雙槳蕩孤  
舟犬吠柴門月蟲吟草迳秋相逢無長語呼酒醉  
南樓

七十二峯  
足徵集

東山  
金氏合編

卷四十三  
七

首夏翠峰寺

不到山中寺林光掩白雲養蠶僧不見啼鳥客相  
聞盧橘亦已熟芭蕉猶未分門前澗水落寒坐到  
斜曛

晚眺

木落空山凍雨收野荒隨意豁吟眸隔溪取火客  
船泊傍晚打鐘僧寺幽天遠疊雲沈去雁沙明如  
雪快眠鷗山翁病起無多日尚怯寒光逼敝裘

秋夜與陳眉公話別

山中已設十年榻渡口忽開三泖船無論相看青  
鬢雪却能消受綠簾烟秋當楓渡吟詩冷路出鱸  
亭得饌鮮見說高齋白雲裡鳥巢平對一僧眠

夜遲靜菴不至

故人湖上問漁竿病裡相逢淚欲彈入寺正當鐘  
梵起過橋惟見水雲寬情牽楊柳三年別信杏梅  
花兩地寒草草未能留一宿夜深樽酒若為懽

月下觀白蓮

月明花淡兩相疑照向水中誰得知一唱采蓮鷗

七十二峯  
足徵集

東山  
金氏合編

卷四十三  
八

鷺起拍浮人在影娥池

金 冶

冶字躍不與陸仲飛嚴開一倡和

登僊

黃雲為衫白雲裳天芬錯亂垂衣香玉姬捧幢立  
我傍蒼螭攬轡風烟忙木公金母修遲光笙簫嚶  
嚶引上方脯麟炙虬瓊液揚嬌烟妙月意正長鸞  
鳴鶴舞何翩翩逸情媚態皆悠然彩絲縛芝色尚  
鮮鮮擘紅霞駐我顏奇章異錄携洞天坐雲時看

草木閑

金鼎臣

鼎臣字日昇明末以武功任參戎

秋日送陶仲文智林為僧

伊人素志傲烟霞厭看兵戈亂若麻亡國無家留  
燕子空門有意宿蘆花六根蓮淨何須水一衲蘿  
披不用紗謝却風塵歸寶地天香滿路月生華

金 令

令字邑侯善書其篆法尤古健

七十二峯  
足徵集

東山  
金氏合編

卷四十三  
九

送姪之淮上

天涯竹林暮草草送殘春一自北書屈誰賢東郭  
貧風吹辭壘燕月照渡江人歸日瓜期定高堂慰  
老親

徐雲子南還贈別

前月廣陵別春歸爾獨留蒼茫隔魂夢風雨暗江  
洲豈意北樓望得逢南去舟靜言贈終始精意莫  
能酬

金 鼎

鼎字重甫

分賦衡山壽吳餘生

山根起處獨當衝  
日夕洪濤響鉅鐘  
秋穀至今傳禹甸  
春桑猶自徧堯封  
雲中有路聞仙犬  
石上無塵卧玉龍  
亘古青青磐石固  
在願期眉壽埒茲峰

金礪

先生字元台邑侯之孫  
吳庠增廣生年七歲隨隣  
翁登莫釐峰有和氣化為風  
雨露層巒渾合水雲  
天之句時號神童居恒事親  
以養志為主恭兄友

七十二峯  
足徵集

東山  
金氏合編

卷四十三  
十

弟家無私財中年連丁外內艱不居內者六載不肯作佛事致為施氏姑所詈受業於石門呂氏篤信好學當湖陸稼書先生崑山朱柏廬先生為理學名儒問難往復意決神契咸以遠大器期之為文章根柢六經出入八家自成杼軸究心六書之學尤工篆隸何義門太史亟稱之先生嚴氣正性撝廉履方人爭延致為子弟師多所成就其卒也門人私謚曰孝正先生有瞻雲閣集求是集二卷雪

鹽絮吟來舊寒空  
變態加風篩渾作粉  
水剪旋成花死到草  
無色鍊教梅吐葩  
柴扉對一尺高卧答  
年華

遊金山寺

一拳拄江水萬古俯滄洲  
壁罅峴峴樓掛山根駭浪  
搜龍眠驚磬起帆遠逐鷗  
浮臨眺一懷古蒼茫烟  
景秋

登焦山

漢末焦先隱此三詔不起

三詔今何有  
名山餘耿光  
江聲寒入坐  
岬樹倒窺

七十二峯  
足徵集

東山  
金氏合編

卷四十三  
十一

牀劈石驚雷巧探奇  
笑我狂于水上有太石聳峙  
名留攝衣還謁廟  
壞壁透斜陽

遊岱心吳園梅下

但是歲寒種何須定屬官  
窺墻千點白照水幾株  
寒飛辦蜂先得招魂笛  
欲闌可容身作耦鎮日此  
盤桓

豐圻觀梅同陸大靈昭

山曲全堆雪窮幽任所之  
微風香陣陣凍日影離  
離挹取孤高韵裁成斌媚詞  
茲遊殊勝絕莫遣俗

人知

雪霽同葉世南吳次程登微香閣

且息剡溪棹山樓放眼寬數峯排玉笋一水湧晶

盤畏偈梅增瘦憑威風轉酸安能化珠粟比戶慰

飢寒

哭內

廿年稱結髮一夕悼空房菽水今方賴糟糠夙所

嘗兒號殘藥累婢泣嫁衣裳已矣高堂在潛收淚

數行

七十二峯

東山金氏合編

卷四十三

洞山觀梅

靈壑環梅海更無他種花欣來香雪國悞入玉妃

家曲曲詩情引重重醉眼遮笑他窮處士幾樹漫

相誇

依綠園社集分韻得名字

勝友半新集薌畦尋舊盟荷翻魚戲蔭林暖鳥喧

晴筆陣雄師列詩壇險韻爭儒生慙遠志即此是

功名

歲晚即事

剩歲斜陽裡迎年臘鼓中飢鴉寒啄雪疎竹勁當  
風酒薄聊祛悶詩工祇益窮吾生生計拙事事信  
天公

老梅

兀傲嶽崎品格清絕如高士屏榮名幽香習慣傳  
春信瘦影天教伴月明邀得此君成老友肯從餘  
子訂新盟李桃儘向春風笑枯淡何心與世爭

贈葉十三世南

震澤風流久渺茫誰歟繼者殆南陽芙蓉比質天

七十二峯

金氏合編

卷四十三

生艷求雪為肌字挾香蕭寺攤書邀夜月敞雲縱  
酒賸清狂一枝深慰連牆願風雨來過極不忘

村居初夏

靜裡流光故故催新蟬迎暑到茅齋名心已解隨  
春去遠性難教與熱諧蛙鼓何私占兩足繭絲有  
政嘆時垂郊行一事差堪慰禾滿平疇水滿涯

春日過依綠園有感呈次程社長

名園春色有前盟挾悶重尋莽欲迎花感新陽連

晚發蛙爭廢沼過時鳴執經非復當年事  
丑間全

侍嚴賓間瞻岵應同此日情園為尊先人所構喜是蘭芽

先生於此今正茁國香取次振家聲令嗣右王去冬采芹

### 消夏灣讀書同席瑗景伯

雲梯東望隔塵蹊禹穴探書怪我遲燕壘泥乾春  
去後蠶家門閉日長時茂林是處堪忘暑古水誰  
人解樂飢便掇把茅成小隱從教黜陟不須知  
燕朋熱客自崖分龍女毛公割臂盟雙蜨晝過幽  
夢穩一編朝擁俗情輕投竿好待羊裘老采秀權  
當角里生却恨居人渾不領翻從城市逐紛爭

七十二峯  
足徵集

東山  
金氏合編

卷四十三  
十四

### 南灣

一徑山根曲折通人家半是翠微封堤經水啣柳  
橫出澗值橋傾流倒春沙際柴門維釣艇田忙時  
節走山農絕憐此地炎歊遠避暑還來認昔踪

### 避暑

炎蒸四壁等張羅疑是天公降譴訶赤腳踏冰邨  
可得碧筒酣飲竟如何共驚揮汗都成雨不道鉏  
禾只短簑安坐鍊教心火息涼飈颯颯起庭柯

### 早秋書懷

坐卧書巢百不憂背人歲月去悠悠芙蕖香裡饒  
殘暑絡緯聲中又早秋敢道名小山工著述幸非小  
草愧林邱毛公綺季論交舊時向湖干買小舟

### 輓吳浩然

萬事何堪問彼蒼一經聊爾守先王甘同珠玉埋  
光氣肯逐鷄鳧竊稻梁濁酒幾澆胸塊壘敞廬長  
伴塚荒涼浩然自命應無愧寂寂聲名邨用傷

### 遊法螺庵

勝境頻年結想殷禪扉蔽竹到來明溪迴石作窪

七十二峯  
足徵集

東山  
金氏合編

卷四十三  
十五

尊受徑邃人疑陰洞行古蹟漸湮微變態好峯相

對若平生迂儒不入繁華隊雲屨風簾自送迎

### 輓徐烈女

女為湖沙徐允正從孫女字蕙信懷間葉山信潛易素服赴水死

柏舟未賦矢靡他幽壺偏存大義多止水如心常

並潔沉淵決計肯隨波生前伉儷空成約身後碑

銘永不磨死孝死貞元自合芳名千載繼曹娥乙酉

閏四月

### 秧信喜雨

欠水秧田插未齊桔槔聲苦竟何裨忽看膚寸空

中布直訝茅簷瀑欲垂當厄良苗如有喜乘時化  
雨自無私四郊今夜占農慶奚止區區為促詩

### 新荷

暑雨初過水氣香新荷簇簇滿池塘早看不染同  
君子未訝天然似六郎戲蔭魚穿錢子母趁涼鷺  
擁蓋低昂閒來相對饒幽興何必携筒效酒狂

### 霽碧樓社集

林擁紅粧山擁鬟春風次第徧人間乍驚和景為

三月便覺繁香闌百般釀蜜野蜂忙競出手晴癡

七十二峯

東山金氏合編

卷四十二

蝶戀還披襟莫訝形神釋須信東皇暫許閒

### 題鄭氏桃源山莊

小築依山十畝賒烟霞作供隔塵沙真成谷口躬

畔地兼種秦人避世花坐久異葩飄硯額夢闌好

鳥報檐牙應憐我是知津者待得春明輒命車

### 呈滄洲陳公

時羈鎮江城隍廟

仕路由來號險巇吟詩得謗亦何奇廷評已矣清

風在宦橐蕭然廉石知一日臨池垂特鑒

陳公在任托蔡

鶴峯乞余策

三年因夢寄相思扁舟果動巖栖志

隸書二幅

舟里毛公亦我師

十月廿二日晚從吳灣到受祉堂夢業師嚴

賓聞先生命賦梅花一絕及醒猶記落句因

足成之是日寔先師忌辰也

點染荒村只一枝嚴霜凍雪眾幽姿紛紛自乏凌

寒節翻笑逋翁不入時

### 題席漢翼小照

若不勝衣迥出塵浮華刊落任吾真素統移入長

康筆猶自清襟朗照人

七十二峯

東山金氏合編

卷四十三

問字童烏洵異材笑看雙桂擬三槐經箱定勝庸

師本曾向鵞湖手授來

尊師為陸稼書先生

### 題目存上人丹青奉母圖

皎然兼有巨然長將母年年行脚忙豈是渠從禪

得力只緣一本不容忘

鼎鐘致享文焉用甘脆承顏愛始真多少當塗違

養客寸心應自愧斯人

七十二峰足徵集卷四十四

武峰吳定璋友篁蒐錄

屏山金

洪錫陳  
源龍發編訂

王禹聲

禹聲字遵考號聞溪文格曾孫萬曆己丑進士官至湖廣承天府知府承天為興都陵寢湯沐地設守脩太監領衛所官兵數百及三奉祠所丁校數百維時閭閻甚熾中外一氣陵轢地方有司承奉稍不愜則脩監輒叅去之萬曆庚子遣太監陳奉

七十二峯

東山  
王氏合編

卷四十四

足徵集  
收稅於郢奉憑勢貪暴與脩監朋比指蹤奸民誣神祥縣令鄒光弼私利龍王洲產金匿不上聞提具獄命在旦夕士民惶惶議集聖廟共赴其難備監偵知調兵校分屯捕捉剿則數人重傷數十人而以郢人欲殺錦衣欽使非常大變其疏公遺書力爭具揭內外臺院為士民訟冤畧云夫激變者由激乃有變今厚誅其變者而曲諱其激者此何以故也以不持寸鐵乞靈聖廟者為倡亂而以刀割生耳鎗傷生顱者為靖亂甚至歸罪于

初變再變者而歸功于三變者此何以故也稅監

牌提縣令置之不問而反誣士民殺縣令稅監夾

打生員若罔聞知而反代稅監殺生負此何以故

也生負承天府之生負百姓鍾祥縣之百姓今不

捕之府不捕之縣而捕之閹不獄之府不獄之縣

而獄之衛此何以故也地保執結取諸七月十六

日士民激變在六月十七日嚴刑厚利倒提年月

該監既有府縣獨無此何以故也刑拷地保責取

諸生鼓噪反狀而出自司房王南準之筆暗藏兵

七十二峯

東山  
王氏合編

卷四十四

足徵集  
罷欲誣生負沈希孟判謀而取自伊隣劉司房之

家此何以故也伏乞俯念士民激變有因閹豎稱

兵無上首正其震驚陵寢之罪改罵學宮之罪擅

調官軍之罪次正其戕殺生負之罪併正職守土

無狀之罪生固終焉一察死亦含笑九原辭氣壯

直廷論驪之乃寢杜監奏而有旨謫知府王禹聲

知縣鄒光弼為民餘弗問合肥萬振孫有承天士

民激變錄新安洪文衡稱公臨變屹然二揭三諭

五書心昭日月卒能反危為安有古大臣之烈云

著有白社鵲音附刻文恪公集後

古意

薊北多浮雲雲中下雙鶩願言問雙鶩我征戍不  
復首蒼青如何靡蕪幾度綠昨暮尺書至將軍出  
上谷生還未可期歸計焉能卜願此盈尊酒舉之  
當誰屬有時夢君還倉皇理膏沐夢回明月光依  
然照孤獨

賦得長安雪

長安佳氣何葱蒨層樓阿閣參差見同雲飄飄帝

七十二峯

東山王氏合編

卷四

城頭凜冽西風凝作霰穿簾入戶太輕狂冒棟綠  
費任撩亂夢回蝴蝶晝遶遶凍拆梨花飛片片梨  
花蝴蝶淡芳菲點綴寒光上客衣踟躕天外霓裳  
舞飄忽空中正練飛萬戶夜疑金闕曙千官寒照  
玉珂歸但見朱門皆白屋誰知粉署總黃扉倏忽  
冰輪掛疎樾藍田萬頃清光發瑤華直射玉毫寒  
素質不隨蟾影沒五侯七貴競良宵浮白呼盧歡  
未歇走馬何來輕薄兒瓊瑤碎踏章臺月章臺柳  
絮尚縈紆謝女才情今在無窮巷無人問車轍深

宮也自映金鋪何處才人能取酒誰家少婦恰當  
鑪都將楚國陽春調付與梁園子大夫

紫駟馬

宛馬久不至驂駟應見稀乍疑烟燧起忽逐電光  
飛鳴為胡笳動驕緣塞草肥懸支山下過血汗點  
征衣

枕上吟

宦拙俄驚漸白頭途窮興轉寄滄洲寒灰不逐東  
風暖歸夢長隨潞水流日落自憐醒對酒春深無

七十二峯

東山王氏合編

卷四

奈獨登樓蕭條旅館誰知己惟有孤衾共敝裘  
閒來頻咏舊題詩抵掌猶堪見往時人去赤城空  
有賦盟尋白社杳無期歸裝贏得玄經在傲骨惟  
應賀監知同好近年零落甚獨操齊瑟欲何之

送同年胡湛宇潯陽視權便道省親

匡廬萬丈鬱嵯峨彭蠡春深旅雁過此去彩衣翻  
畫錦遙看紫鳳映鳴珂烟波隱現漁舟晚帆影參  
差估客多把臂青衫應濕遍豈堪重聽百勞歌

送鄧翠屏僉憲督學滇南

屈指離觴又送君天涯雁影幾回分鑑懸秋水溟  
池月帳動春風闕海雲鞭弭中原誰左席驪黃南  
國定空羣點蒼山色青如許賦就還憑驛使聞

月下聞雁

胡雁鳴秋朔氣寒尚依明月到長安應憐毛羽冰  
霜悴似訴關河道路難客子音書頻斷絕故園叢  
菊半凋殘遙天目送歸飛影知落蘆花何處灘

送同年郭鶴野還朝

仙郎新領度支章倬值應含漢署香十道徵求今

七十二峯

東山王氏合編

卷四十四

太急好將詞賦托長楊

王晉

晉字研山與吳子喬黃質山為友詩載子喬稿末  
東山詩紀錄存一首

嘉禾送宗上舍遊南雍

闕城初日上征衣袖拂吳鉤露正晞馬踏長干春  
草細路分橋李越禽稀五經博士爭推席六館諸  
生幸接惟此是園橋真盛事素交從此借餘輝

王嘉衡

嘉衡字季銓

分賦大竹山壽吳餘生

漪漪簌簌分湖流吾家子猷應艤舟一碧崛起勢  
居右可能斫取為高樓同君歌咏樓之上尊醉  
入南山秋

柳

搖曳何多態離魂覓覓牽寒生千樹雨晴結一溪  
烟彭澤傳幽致章臺繫好緣東風吹不醒長日足

三眠

七十二峯

東山王氏合編

卷四十四

客窓夜懷羅較書袂次陸公榮韵

檐花落處夜清冷雨滴虛窗似可聽香剪愁無披  
客枕寒生疑有到禪扃孤懷青對燈將暝渴病紅  
沉酒半醒好夢尋歡應不遠淡梅瘦影拂疎櫺

秦淮社集同吳餘生

年來漂泊江南北也向秦淮問酒家語到傾心揮  
塵尾醉來推手却琵琶香車滿路爭馳驟珠箔排  
空開麗華震澤烟波三萬頃掛帆歸去訪丹霞

王尊賢

尊賢字汝德幼穎慧有胡僧見之謂其父心山曰  
此子異日當成法器宜令讀書弱冠遊庠文有出  
塵之想屢蹶場屋遂棄去讀岐黃書能起沉疴汝  
德亦體弱多病瀕危輒聞異香枕上時感異夢遂  
痊因嘆曰人生寓世而不明無上妙義非夫也於  
是專心內典凝神參悟至不知飢寒所著有金剛  
經解心經解圓覺經解喫緊問答或矢口成詩皆  
有機鋒指點其門生張希明輩梓以行世名曰王  
居士天籟集

七十二峯  
足徵集

東山  
王氏合編

卷四十四  
七

看劍

慧劍偶塵氛磨洗原無價幾見誤途人撒在西山  
下

遇達池

倏別已經秋人生如飄絮相見又無言夕陽自西  
去

月夜獨坐

世界何寥廓虛空不着塵一輪天上鏡偏照有情  
人

立秋

人生深信似蜉蝣每向江邊對水鷗日掩柴扉無  
客到梧桐葉落始知秋

同吳文台明台遊山

萬花春谷試春衣月下推敲作勢歸詩思不從驢  
上得目前花鳥盡天機

包山夜雨

高山驟雨瀉洪波蝶夢難成遶薜蘿道是水聲愁  
聒耳夜深清思逼人多

七十二峯  
足徵集

東山  
王氏合編

卷四十四  
八

霧

遠望山頭時不見依稀若有若無中迷人不解其  
中意捲盡浮翳即太空

王希

希字公晉號知我

顧狷庵席上贈朱枝昌

烟濤雪浪洞庭開秀出君家未易才吞吐雲霞從  
筆底有無山色與胸垓江淮落落漁舟隱風雨說  
說鳥道來寂寞未酬



願殷勤且盡故人杯

王憲度

憲度字輪中

寒食節放舟之莫釐峰

樹色嵐光放眼寬  
晴波萬頃碧無瀾  
一百五日隙中過  
七十二峰鏡裏看  
遠去孤帆明落日  
閒飛白鳥襯層巒  
還思往歲今朝事  
風送船歌暮雨殘

王武

武字勤中文恪公六世孫居西城柱國故第以諸生入太學淡於仕進博學無方而尤精於畫前太

七十二峯  
足徵集

東山  
王氏合編

卷四十四  
九

常王烟客亦善畫猶亟稱之曰近代寫生多畫院

氣獨吾勤中所作神韻生動當在妙品中京師貴

人慕其名出兼金觀其畫不能得甚有作贗筆以

售者內閣宋文恪公

德宜

其至戚也方貴顯于朝移

書招之入京笑而不應間語人曰古之善畫者莫

一非高人傑士以文行著者也吾先少傳諸客如

沈徵君文待詔唐解元之屬其人皆能為畫重不

則畫豈能重人乎晚而自號忘庵或徵其說乃曰

魚相忘於江湖人相忘於道術今予之補剿息機

于此也世忘予乎予忘世乎兩相忘則去道近矣

嘗以展墓至洞庭好事者持繅素乞畫無虛日潤

筆之資輒緣手盡不為問舍求田計也晚歲多病

不復多作畫故人有貧乏者強之作便欣然執筆

曰聊以佐吾子晨夕需族父年老有孫女貧不能

嫁復力疾為作數幅俾鬻以治奩具客有以病諫

者曰吾財不足而力有餘敢自愛耶卒年五十有

九汪堯峰太史為之傳贊曰吾吳故多高隱之士

前明淵孝先生杜瓊石田沈翁願祖辰子武陸治

七十二峯  
足徵集

東山  
王氏合編

卷四十四  
十

叔平之流莫不以善畫有聞流風餘韻迄今為吳

人所稱說越百數十年而王先生始繼起先生文

章詞翰雖視石田稍遜願其風尚標致與淵孝子

武叔平相伯仲惜乎享年不永而世之稱王先生

者又以畫掩其名德予不勝為之太息云

和先少傳靜觀軒詩

蒼狗固微茫白駒何倏忽觀心得長生靜氣歸造

物

乙丑中秋將遊故山訪默叔貽適園居先作

芝蘭為寄

芝蘭詎無本靈秀鍾山阿源遠流自長汪洋萬頃  
波金庭一拳石賴以滋青莎高木各榮暢芳叢匝  
坡陀燦燦五色芝王香扇微和耳目一何曠雲霞  
耀盤渦靈氣鬱九秋策杖披荆蘿

題翁養齋教子圖

君家真畫裏故作假山水野馬與塵埃浮生亦假  
耳滔滔三萬頃一勺坳堂似俯仰輪蹄間趨羶笑  
蟲蟻何如樂天倫玉樹臨風倚竹韻和松濤琅琅

七十二峯  
足徵集

東山  
王氏合編

卷四十四  
十一

誦詩禮螽斯衍慶長圖畫須能事為寫諸鳳毛溪  
藤十丈紙

寄山中諸叔

去年渡湖御風走片帆抵山不及酉歸來直取水  
東道涼氣侵衣月當九今秋人事多纏綿不復閒  
情寄詩酒紫蟹黃雞入小春寒濤萬頃精神抖何  
當明月青天孤醉倚扁舟出胥口

千頭松產於東洞庭之豐圻夏子東步以小  
影屬布景并賦以贈

輕帆渡湖湖水平晚烟落日羣峰明倚楫看雲去  
鳥沒不知身已登蓬瀛水在天邊天在水返視吾  
軀蟲與蟻西去東馳無日休笑予宛轉浮漚裏烟  
火千家荻葦叢山隈蒙密多長松就中百尺何天  
矯千頭鱗鬣堆青銅攫霧擎烟自俯仰號風犯雪  
經春冬吁嗟乎良材如斯得終保為生岩谷知者  
少

題晉賢叔扇頭白蓮

洞庭山水真奇絕況生吾祖人中傑堂構栽栽二

七十二峯  
足徵集

東山  
王氏合編

卷四十四  
十二

百年太常墨竹森然列可憐諸父善支吾齒疎髮  
禿心為枯對酒開軒山翠入讀書携幼雲光徂長  
風吹香不知處清氣拂拂繞談塵林木忽沉山雨  
來龍腥一陣昏天際君不見城市人日中襌襪追  
蹄輪

石公丈人乞寫芝石題贈

我將移家於洞庭之西山飽看烟嵐日日閒采芝  
五色爛盈掬白雲出岫隨風還君不見商山老為  
成羽翼凋朱顏

新正五日默持叔從山中折梅相過促踐前  
約明日即返詩以謝之

吾叔飄然至新梅掛杖頭花開已如此人懶復何  
尤乘興輕來往看山易逗留筆牀兼藥裹風便一  
扁舟

得月亭在太湖之濱乃八世祖惟道公所建  
也西崖李公匏庵吳公各有詩載震澤編秋  
夜坐月追和二首

顥氣溟濛一望收蟾蜍分照衆山頭漁燈亂點汀

七十二峯

東山  
王氏合編

卷四十四  
十三

烟薄木葉高飛鳥樹秋水上游人珠是淚眼前物

態蜃為樓何當早謝風塵苦龍渚停橈一下鈞

閭閻滾滾逐蹄輪何處仙源可問津兔魄孤懸空

俗慮湖光萬頃著閒人入雲鴻雁薰葭老矚景蕭

森感慨頻吾祖風流勞想像亭中恐亦廁前身

畫贈西山劉君賢

消夏灣邊春幾何水風山雨落花多吾家舊住莫

釐下可許雙橈訪薜蘿

畫桃花別哥寄山中大叔

莫釐峰下太湖濱開到桃花正好春空谷閉門塵  
跡斷但聽鸚鵡語如人

王祚謙

祚謙字益之精於醫理

端陽後一日六虛邀集浴景閣

岑閣涵空明超超迥塵外登臨邀太虛不負烟霞  
債令序忽云遷杯盤豈難再榴花紅似然柳葉碧  
于黛萬頃玻璃光洗出芙蓉態浮雲勞去來青綠  
依然在達者會其源動靜皆無礙斗酒澆詩魂觴

七十二峯

東山  
王氏合編

卷四十四  
十四

罷聞天籟主人情思濃山水有攸賴

梅夜

日息無異候當此梅開時孤芳落晶影靜色涵幽  
姿初若霜凝際遠疑月在茲杳冥有深會清韻聞  
相知

王就學

就學字所敬號翼庵馬蹟之桃花灣人其父死於  
盜終身以不得盜為恨每飲酣輒流涕呼天人咸  
悲之登萬曆丙戌進士初授戶部驗糧廳主事中

官需索甚橫解戶有困斃不得掣批者就學稱引  
祖制章兩上卒得著為令旋以東事轉餉徧採見  
聞疏可慮者四可乘者三語稍侵執政改禮曹教  
習駙馬同卿顧憲成雅重之尋調吏部會仁聖太  
后梓宮將發上當送之門外先一日有遣官恭代  
之命就學惛然即夜具疏其略言皇上之身皆太  
后之身也凡可以報恩者何得復顧其身今舉期  
在此一刺則憑棺痛踊亦惟此一刺而獨斬板送  
以致聖孝不終寧獨非古禮聖心亦何安上領之

七十二峯

馬蹟山  
王氏合編

卷四十四  
十五

終以此得罪未幾削職歸崇禎初起建言諸臣時  
就學已卒追贈光祿寺少卿

### 過內間訪友

幽谷雲樵信口歌綠陰滿徑繞藤蘿清風竹塢人  
烟少白浪魚沙鳥跡多問字不妨頻日至看山還  
約幾時過一尊相對開顏笑盡日留連小竹窩

### 月夜出胥口

月下揚帆出巨川水光一色接長天遠看漁火明  
還滅靜聽鴻聲斷復連四面有山剛剩影孤舟無

伴若登仙飄然一葉乘風下瞬息桃源在眼前

### 王來誥

來誥字仲文吏部翼庵之從孫秉質厚重勤求學  
問順治辛卯領鄉薦未及會試卒

### 山中誌事

此際幽棲別有天茅簷古木薜蘿牽田夫帶雨耕  
黃犢蚕女臨風理素綿湖上魚蝦朝作市月中雞  
犬夜長眠倘逢壕吏來征稅應訝桃源在此邊

### 王熙祖

七十二峯

馬蹟山  
王氏合編

卷四十四  
十六

熙祖字文緝號敏齋仲文猶子自幼刻苦誦讀不  
分晝夜作文刺以寸香而困於童子試年近四十  
始以五經七義見售旋食餽苦心揣摩力追先輩  
又閱二十餘年而卒所著有性理彙解行世詩派  
近擊壤集

### 見梁燕飼雛有感

紫燕雙雙飼小雛去來上下只須臾可憐雨驟風  
吹急還自如梭不愛軀

但看老燕哺新雛幾見新雛學義鳥到得來春知

育子生初辛苦記還無

王奕達

奕達字九達武山人丰標俊朗資性敏捷能為小  
詩及陸博彈碁絲竹謳歌靡不精曉惜天不假年  
未三十而卒

舟行

作客經旬日舟行過百灣水寒魚性懶村靜鳥歌  
閒問路花頻落看山雲獨還倚橈凝眺霞雙鷺下  
沙間

七十二峯  
足徵集

武山  
王氏合編

卷四十四  
十七

秋日送兄

滿目風塵苦臨岐每羨歸人隨秋漸老心與雁分  
飛淚洒寒江暮情牽病葉殊別愁聊復慰賴子奉  
親幃

過烏衣巷

燕子重來故主非石頭舊壘夢依稀朱門紫戟歸  
何處古巷烏衣盡白衣

王世庸

世庸字希績西山圻村人

錦西風

好教素女織流黃膩綠嬌紅媚夕陽莫恃此生偏  
衣錦空林昨夜有微霜

蟋蟀

越國曾聞衣錦還西泠非復會稽山式蛙亦是前  
人事師相如何愛半閒

促織

聲聲如漏促鳴機斜月流光白板扉飽爵露華音  
韻苦拋梭人尚怯朝飢

七十二峯  
足徵集

西山  
王氏合編

卷四十四  
十八

王、需

需字遵時號西庭石公山人康熙壬午舉人

題漁莊兄聽泉圖

阿弟風塵狀難兄山水心蓋頭松似幄揮手瀑為  
琴俠骨成高隱孤懷托苦吟泉聲渺何處洗耳少  
知音

王奇佶

奇佶字爾份別號漁莊生平足跡半天下交遊甚  
廣居京師作聽泉小照名公卿題贈卷軸如牛腰

所最莫逆者陳滄洲沈歸愚兩先生石公山建節  
孝祠歸愚作碑記并作西山風土記皆應漁莊之  
請也年逾七十手輯石公山志搜討不倦老而好  
學有 君子之風焉

丁亥初夏同陳滄洲太守簡霞山明府張近  
愚進士宋櫟翁檢討張錫田家不石兩孝廉  
豐臺看芍藥

結伴出春明南去二十里野橋渡清流西山矗雲  
起尋芳古豐臺碧草印雙履芍藥戎豔友翻翻鬪

七十二峯

西山  
王氏合編

卷四十四  
十九

紅紫千金重國色何必揚州市留此殿春風欲去  
檻還倚羣公志嘉會貴盡洛陽紙

喜晤於在文

竭來混跡金臺畔意氣如君孰有加忽漫相逢俱  
是客若為萍聚可忘家清談永日陰移樹對飲中  
宵月在花他日如尋具區上石公巖畔有桑麻

題畫

空山霜落變秋容妙墨真能入化工一段蒼涼何  
處見薊門風勁角聲中

七十二峯足徵集卷四十五

武峰吳定璋友篁  
莫釐鄭尚忠德傳編訂

鄭階

階字晉之海若之姪貌古行樸好學不怠其於詩  
也辨香少陵口誦心維若或見之齋中設木主題  
曰唐拾遺子美杜公之位晨興必肅衣冠而揖之  
朔望則致奠或得醇醪香茗佳果必先薦而後嘗  
雖旅寓寺居不廢輟也居貧教授里中精于音韻

七十二峯

東山  
鄭氏合編

卷四十五  
一

四聲平仄探喉而出不遺一字著有慎獨居詩千  
餘首手繕二帙為族子士期借鈔一夕士期忽發  
癲癇舉火焚其廬并晉之稿亦灰燼焉今所傳者  
乃其中表許濬所錄而厥孫德昌梓之者僅十之  
二三云

飲酒

因病學坐禪因貧欲辟穀唯同賢聖人日日陶清  
濁况對佳山水兼之幽花竹友生聚固好自酌不  
嫌獨

蟋蟀鳴秋堂冉冉歲云暮若不飲美酒日月舍我去貧無車馬過老棄琴瑟御唯唱獨酌謠掀髯散千慮

日日欲出門遑遑無所之飢寒不自謀仰天且吟詩邂逅西隣友怡然開竹扉置酒留我飲相對寡言辭

京口曉發

遙山掛落月黯淡天將曙鷄鳴水店空孤舟趁潮去城根鬼火青擊汰流光沂引領探風晴煙霏滿

七十二峯

東山鄭氏合編

卷四十五

足徵集

江行

日出亂峯紫曉煙飛不起千檣樹裡行船尾東風死斷岸潮痕落白鳥立沙汀人語識真州高城依片水

毛公壇

包山路茫昧委蛇履艱澁塢窮覺人語計程將二十鷄犬隱桃花松蘿遶原隰巖雲白襍襍谷風清習習振衣躡危磴見石先拜揖仙遊三千載寂寞

壇猶立苔蘚漢時青碑題唐世緝樓觀幸幾存居人貧亦給傳聞紺毛叟養真羅浮爰木食龍虎馴道尊山鬼泣胡為乎來斯洞天冥自翕宇宙元一粟往來特呼吸夜靜湖月高鶴馭必常集攀竹仰清風曠哉天如笠空餘鍊丹井渴心聊用汲欲去意猶夷芒鞋帶露溼將希尚子念瑤草定相拾

春日集雨花菴山亭

虛亭倚雲開下瞰南湖渡三點五點帆千家萬家樹峰迴松葉靜村遠桃花聚老宿六時閒林香三

七十二峯

東山鄭氏合編

卷四十五

足徵集

月暮殘經幽處畢疎磬吟餘度裊裊遊絲飛幻作天花驚青陽過嶺背陰景催暝酤壘空情有餘長歌取樵路

秋晚山行

秋蟲變新聲秋草發幽花觸處耳目會豈向他人誇閒過修嶺間跬步歷谿舂樵歌林杪出山背日西斜凭虛瞰平疇煙氣鎖千家

月夜邀禹侯酌臺上得納字

見月思好仇科頭笑相拉怡然心不逆灑灑飛輕

輟言升雲上臺高涼坐深納情曠景逾爽趣同行  
自合但得賢聖親何煩蔬筍雜疎鐘動煙樹夜山  
紛合沓天地一蘧廬古今煩問答奔星犯河漢長  
風下間闔却感魏武章繞樹烏三匝

搗線詞

井水搗線黑湖水搗線白約束向前溪臨流坐隄  
石涼風吹蓬鬢顧影惟自惜雙臂不停敲敢辭鮮  
筋力歸來幽窻下撫線思遠客心淚如可穿寄君  
勞相憶

七十二峯  
足徵集

東山  
鄭氏合編

卷四十五  
四

卧佛頌

衆生無一惺何忍獨為覺非是疲津梁示人真寂  
學大夢不可返虛空長宵邈縱卧萬劫塵吾觀猶  
晦朔

寺居雜言

放形元自縛有若野蠶繭即有外人來禮法先已  
遣本懷固簡淡交疎言自淺一笑指秋雲招之落  
詩卷

南總堪寄傲日對此君坐濯濯薰風生醉來枕書

卧雖罹三伏暑反覺百憂破滿月白珊珊照人金  
盆大

燈下瓶梅

然此無盡燈照此無根花空幃受香影斗室縣光  
華微酣春不寒清卧情寵嘉緬想羅浮境夢中有  
人家

同陸貞明寓高峯禪院

趣靜迹偶同不期緣自合遠公容酒徒蕭蕭分禪  
榻幽禽時晤言流水如問答陰靄生蒙翳晴巒開

七十二峯  
足徵集

東山  
鄭氏合編

卷四十五  
五

重杳籬落叫花厖松根吠青蛤石林月高立苔徑  
雨餘踏晝卧颺茶煙夜吟銷燭蠟相期耐久心優  
游終歲臆

雄朝雉

家鷄未鳴野鷄喔風露凄清山月落高原曠隰綠  
成帷時帶疾音三嗅作雄雌求偶無嫌猜相喚相  
呼即孕胎豈似孤鷺與單鵠旋教獨客感生哀調  
羹升鼎廟廊事登木宿芻山野志誰知守介世不  
容翻作士人相見贊禽乎禽乎爾何因誰能顧首

不顧身一朝鷹犬相乘後五采文章未足珍

將離曲

攜佳人兮登高山石峻嶒兮路險艱日晡晚兮難  
引板雲漫漫兮水潺潺我有隱憂兮未遑與還空  
羨雙鳥兮意自閒溪林杳冥兮霜葉斑目送不見  
兮使我涕潛

樓上曙

東方漸高海氣鮮殘魄欲墮嵐光妍灌木千章列  
大麓屏山一帶開墟烟酒徒早起頭顱禿寄傲北

七十二峯

東山  
鄭氏合編

卷四十五

六

意遙注目飽餐沆瀣神逾清解却宿醒三百斛丹  
霞遠映吳江表點點漁帆移樹杪蘋末風生水國  
秋樓頭花發湖山曉

浮梁月

浮踪愛踏浮梁月浮梁梁下波明滅幾家虛閣露  
風燈無數賈船魚貫列行人漸少月漸高夜山一  
片鎖江潮江潮流月入滁去碎雲在天煙在樹

雨後臺上

千山飛雨散一枕受涼新破月亦佳客斷虹如美

人鳥還煙裏寺帆過樹移津小飲從吾好秋聲動  
白蘋

過張莊葉君韶寓

秋旻落日遠山色映籬笆重擔收秔稻輕舟繫柳  
了豆瓜能上屋鵝鴨自還家流憇衙門下隣人爲  
點茶

冬日感懷

五十無聞見鬚眉奈爾何病心歡日少寒色暮年  
多慟哭亡羊路淒其叩角歌空庭盟鳥雀不敢說

七十二峯

東山  
鄭氏合編

卷四十五

七

足徵集

懷葛斐仲

爲別柳舒葉相思桂試花書來剛對酒秋到未還  
家今夜月千里伊人天一涯此生長契濶期信不  
如爪

旅館莫少陵先生

萬里橋西客五湖天外村依依攜木主落落共匏  
尊山水隨情盡禽魚與道存懷公壯遊作曾一過  
吳門

醉步南村過允謙復酌

南宅多逸地獨往聽秋聲行野杖橫把出村船倒  
撐碧雲寒弄影紅樹晚含情恰有幽人過重沽爲  
解醒

寺言

嫋嫋秋風至悠然愜素懷老猶存面目貧直浪形  
骸彼佛元無相吾生亦有涯松筠知護法蒼翠滿  
蕭絲

陰壑留殘雪幽尋合獨看草香羊性悅林茂鳥心

七十二峯

東山

鄭氏合編

卷四十五

八

安跂石吟梁甫瞻雲誦考槃寺煙青一縷歸路暮  
光寒

韜光菴

下方擾攘上方幽磴道縈紆古木稠剝竹引泉分  
入寺鑿雲開徑就登樓青蔬白飯僧緣重蒼髯紅  
塵客念休徙倚北高峰畔立浙江如練抱湖流

東樓雜詠

一樓風雨半春天日假磁甌對聖賢醉裡放懷臻  
至境夢中譚語露真詮向隅花樹常含泣占嚮禽

言若取憐禁足泥塗窮巷悄采薪人在溼雲顛

枕高衾薄淡篝燈酒醒詩成正四更沉雨洗心春

斷絕殘花啼夜恨縱橫天涯信去知情重河上人

離惜夢輕衆鳥一呼鳴在竹曉簷餘溜尚聲聲

庭草欣欣積雨披麥秋涼冷薄綿知嬌啼砌蛩元

從潔亂吠鄰蛙各爲私箕子有歌悲故國巴人無

曲和春詞溼雲低樹天垂幕獨嘯高原思正遲

梅凋時候苦陰霾曳杖衙門想日暉野雉獨從山

塢鷺文鴛雙向雨中飛瓶花開盡無生理徑草滋

七十二峯

東山

鄭氏合編

卷四十五

九

長有殺機醉裏擊壺歌一闕且燃木火自薰衣

齒殘犬馬血枯心尚得從容勘古今惡食惡衣貧

裡過佳兒佳婦老來珍花間蝶引三生夢樹底蟬

調一曲音世亂歲荒須順受床頭宜酒不宜金

涼風吹樹草堂寬秋雨連山綵布寒與婦說詩翻

致笑弄孫沽酒獨成歡閉眼斗帳筋骸放深閑柴

門耳目安晚色撩人天欲霽兩三歸鳥過簷端

南湖蓴菜北溪芹采采奚童意亦勤處置案頭供

野老無能天上獻吾君傳聞烽火連閩漳每見風

濤接楚雲草澤散人憂類杞山穀村釀托沉醺

寺言

佛意西來風日東吾生潦倒處其中杜公竹葉千秋綠王母桃花幾度紅有夢不愁湘水隔逢人莫話武陵通當時羨殺輕肥子回首邯鄲故步空生計惟應命綠尊世情今已近黃昏貧來幸喜無田地老去猶憐有子孫泯泯泉聲穿竹屋嚶嚶鳥語入松門浪遊江客歸難晤我有新詩孰與論斯時只合守菰蘆歲宴衝寒雁背孤前路已知無

七十二峯

東山鄭氏合編

卷四十五

足徵集

東山鄭氏合編

卷四十五

鮑子中原寧復有夷吾陶公歸隱存三徑少伯全

身託五湖醉語贈君禪似覺梅花開處夢相符

五風吹盡屬純陰子半將回刺我心澤國寒光難

料理西南日色易銷沉離居自念情非老獨止惟

愁醉不深遙望四郊多禿木棲禽無主怨空林

客夜

小閣藏秋夜氣香醉醒相半怯衾涼鐘聲打夢人

千里雁語關心月一床行役馬徒趨驛堠亂離金

火遍江鄉隱憂耿耿諸喧外卻憶山林歸興長

虎邱泛月同楊姬送葛亮生之白門

遲月移舟水絕塵借山留客夜如春花迴綺路吹香遠酒壓銀塘得政新吉士已希消渴令美人无是莫愁隣歌情未闕還成別願挹秦淮寄一嘖

擬齊梁小體

羅衣貼體涼對鏡儂自傷隻燕守空巢誰知獨棲梁

學織回文錦愁心無已時風吹殘燈滅教儂暗尋絲

七十二峯

東山鄭氏合編

卷四十五

湖上

點點春山小片片春帆度帆去忽天涯青山自朝暮

晚嫁娘

擇配阿娘意憐儂翻悞儂及歸時已暮何面向春風

聞鐘

小扣更鐘大扣鐺真言百八本來空聽鳴互唱催人急斷送年華是此中

鄭圖

圃字薇令初名玉琬郡學生與錢吉士徐君和爲舉業之文矩度先民體裁醇正書學二王過得意處可以亂真鼎革後盡焚其制作隱而學圃改今名所居桃源村有地數弓老梅百株遶屋扶疎讀易其中顏曰易圃葉石君云薇令治易以朱程之義必求其盡心焉窮神屏氣以測其微每至終日不食終夜不寢若古人之不聞雷聲不接人聽有疾痛而不知者著讀易緒言一卷推求於天人變化之理欲自名一家若與程朱爭衡者夫經學之荒久矣自唐有註疏之書說歸於一幾無自得之學程朱氏出盡掃從前講說而精研之邵康節有先天之學伊川異其象數考亭更而純之歸震川嘗云吾怪夫儒者不敢以文王之易爲伏羲之易而乃以伏羲之易爲邵子之易也震川且然况粗者耶若以象數不足尚則繫辭所云天一地二天三地四天五地六天七地八天九地十何爲乎薇令之用心可謂勤且苦矣暮年屬疾蹢躅其足而

七十二峯  
足徵集

東山  
鄭氏合編

卷四十五  
十三

此學不能教一世天固靳之耶昔王知遠注易天

神以震雷取之不傳于世豈其意耶自古高人畸士或隱于詩酒或樂于山水以遂其意若薇令者藏于一邱一壑矣而猶致意于易想其胸中有一段不可磨滅之氣無從發揮思于易見之而竟不獲遂易有仙道古人往往由此而得仙若王輔嗣是也倘薇令結習不除至今猶不捨于爻象占玩之故其與輔嗣周旋洞府亦未可知也至於詩酒山水之興則又淺焉者乎同里有朱羽皇者工五

七十二峯  
足徵集

東山  
鄭氏合編

卷四十五  
十四

擬古

芳蘭生谷中遂與衆草伍葉短不出草焉能免壓侮曦陽不到地微雨不及土嘿嘿終歲間安敢增怨惡嚴冬衆草萎幽花乃自吐不遇同心人終當老山塢

種園先種麻種果不種花種麻麻可績種花秋食

賒惘惘可憐子傾命爭矜誇結客向燕趙驅車來  
京華物情有衰歇世事隨隆汙意氣一朝盡日暮  
徒咨嗟

古人歎浮生如夢亦如客客久必思家夢豈常愉  
懌欣戚總無端彭殤寢大宅食熊常自肥食蛙常  
自瘠志士多苦言疲庸增笑唾苟不採朝榮鮮華  
不待夕

東家有醜女顏面如戚施雖貧不自棄修整多容  
儀芳澤時在側蒞芷常自齋一朝三盥沐皓潔無

七十二峯  
足徵集

東山  
鄭氏合編

卷四十五  
十五

纖埃如蘭吐辭氣詳步誠委蛇含貞以待字未肯  
輕結襮

### 懷古

黃虞去我久上邇幾千祀杳如思夢寐邈忽難悉  
指天地無終窮古今同一視彈指數千年我獨非  
姚姒禮樂半古初文章遂憂齒滔滔等逝波斯人  
將何止

孤雲起天末溝水從東流驅車向周道戚戚將焉  
求人生有根本貧賤豈所羞啓期行帶索四皓歸

山邱當年常凍餒至死非身謀

田鼓聲逢逢二缶能惑鐘執德苟不固一肯迷西  
東君子秉高操咫尺非所崇細泉不到海蔓草靡  
秋風膏粱與醉夢千古灰英雄

### 送路安卿歸廣平

人生貴知己知己良復難王陽昔未登貢公冠不  
彈我家本吳會君去歸邯鄲相去二千里孰能生  
羽翰今日不盡歡他日徒長歎

惜別未忍言嚴裝已頻顧人生非影形安得久相

七十二峯  
足徵集

東山  
鄭氏合編

卷四十五  
十六

聚但思後會艱餘年就遲暮惻惻心腸推遙遙夜  
屢寤欽哉各努力相將保貞素

### 梅下

寒花有幽理靜對則得之古澹不以色高簡全於  
枝夜影月半戶水滌雲一池相看無可喻思議恐  
支離

### 園居雜咏

谷口先人業桃源舊得名桑麻隨地長村徑逐門  
成山色無秦晉年華任變更逃虛三十載修竹滿

前楹

山路荒荒白谿流漫漫清遠原常野燒古墓有春  
畔日落漁樵過雲歸煙靄生不嗟身世短欣戚已  
忘情

蒿邇入柴門書聲處處聞隣家能治產老子獨談  
文懶性違時好冥心喜夜分病中就習靜筆墨苦  
紛紛

遐想鵬雲壑中園起土臺未能過樹杪已得見山  
隈暴日松垂影乘風月近杯杖藜時一坐便覺遠

七十二峯  
足徵集

東山  
鄭氏合編

卷四十五  
十七

情來

莫釐天外矗直下是三茅峰頂圓如笠巖阿抱似  
娟小園當谷口破屋近梅梢縱有蒲輪至雲山不  
用嘲

木落蒼山近天晴鷹隼高閒行舒倦目負手聽松  
濤寒菜青依壠牛羊白散臯山池乾旱久灌溉豈  
非勞

追維百事誤自喜獨無名白髮容疎放青山任耦  
耕道存天地闊意得死生輕門外無車馬寒溪一

派清

包山寺

數里松杉路群峯擁石樓地偏清磬寂僧少法堂  
幽翠竹無三伏丹楓有九秋何時同素侶高枕聽  
泉流

壬寅夏五次歸玄恭寓居荒園韻

小園當谷口修竹出雲端鳥向花間聽山從枕上  
看時危生計拙地僻野情安臥起無多事斜陽隔  
遠巒

七十二峯  
足徵集

東山  
鄭氏合編

卷四十五  
十八

送友遊燕

山林春色好遊子憶神京囊底無長物胃中有不  
平雁門秋自早龍口月徧明莫上燕臺望徒深千  
古情

山居

山居不羨五侯過偃仰欣看美蔭多溪暖夜深魚  
跳子桐陰晝永鶴教雛好風竹樹閒蔬圃微雨郊  
原長綠莎三十五年徒夢夢許渾從此老漁簑  
路安卿讀書寺中

寥泚秋光何處尋山中雲物自蕭森  
其不到野人夢節序能驚壯士心  
鐘定月高山鬼嘯夜涼風細草蟲吟  
孤懷酒醒空騷屑一點禪燈擁布衾

初夏

急雨迴風動晚眠葛衣初試喜涼天  
盡翻盆盎儲梅水欲焙琴書養木煙  
世亂闖情惟盜賊家貧屬望是豐年  
牆頭適共鄰農語莫負頭時時蚤田  
翩翩獨對美人花猶喜春風日影賒  
年少但思裘馬樂中原誰問鼓鞳譁  
山川亂後歸茅屋文物清

七十二峯

東山鄭氏合編

卷四十五

時憶永嘉達賢只今傷老大不知何處羨魚蝦

夏日汪魏美侯若孩路安卿集竹亭分韻

碧柳蟬嘶雨後風山中烏鵲不驚弓  
尊前峙壘看君輩局外分權敗乃公  
驚鴨池塘蒲稗綠雲霞亭榭夕陽紅  
一年幾許能沉醉又見梧桐月在東

寄同岑和上

相逢桃李正芳妍忽對西風意惘然  
時事向人常掩耳病魔賺我只高眠  
看雲湖上心期杳拄杖峰頭落照懸  
欲問橘香香又近不知清磬與誰傳

和吳不官秋日感懷

老去無能萬慮空畫眉那比少年工  
衰殘身世霜前柳零落心情井上桐  
幾處荷太催夜雨百年茅屋破秋風  
滔滔江漢稱南紀誰使狂瀾不向東

冬日雨中

不將煩惱送餘年易園先生不似前  
頭暈尚思尋好句眼昏猶自檢殘編  
鋤瓜織屨隨高士泛宅浮家憶散仙  
若使沉疴能去體定驅鷄犬入雲烟

病中作

七十二峯

東山鄭氏合編

卷四十五

偶然攬鏡辨形容正合清癯山澤中  
脚氣久拘思惹改頭毛不櫛類蒿蓬  
當今世界存皮骨我亦心消喜晦蒙  
理學直從高閣置但看花鳥坐春風  
海若世父贈余園居詩意謂林泉足  
樂號啼可免次韻解嘲

舉足今堪投者稀歸來懸鋏掩雙扉  
囊錢已為收書盡欲買花栽又典衣  
陋巷蕭條剝啄稀猶煩明月到柴扉  
空庭何以勞銀魄獨自歌翻金縷衣

鄭逸

逸字遺民薇令之姪能爲小詩薇令死哀其集與許致遠訂而梓之者遺民也

村暮

落日高低樹歸鴉遠近村湖春流拍岸草暗綠侵門蝶夢酣花氣人愁戀酒尊遙憐故園月此夜黯銷魂

秋夜遊來鶴亭

歸憶歸鴻候來遊來鶴亭秋高鳴墜葉水落露遙

七十二峯

東山鄭氏合編

卷四十五  
二十一

足徵集  
河亂石通幽徑虛檐響暮鈴摩碑尋舊蹟苔蘚似繁星

暮春過翠峯寺晚眺

秋高驚落葉策杖過荒村小徑循山麓長松夾寺門野烟籠夕照飛瀑瀉雲根坐看嵐光合微茫遠岫吞

鄭華晟

華晟字子昌號南邨

恭紀母節

天運有往復世路有跛平家門連慘變追憶心怦怦吾父秉異質弱冠露奇英無祿早凋謝母氏矢堅貞上有孀大母下遺孤弟兄兄年纔毀齒歲甫離孩嬰骨月只四口老穉何憚憚移居傍舅氏一廬聊寄生何來珠與桂晨夕苦搢搢辛勤奉滄漣拮据供葵羹大母卧床蓐湯藥手自營養生兼送足徵集  
東山鄭氏合編  
卷四十五  
二十二  
死循禮復竭情負土躬舂錘指血派佳城卵翼兩孤雛姑息念不萌熬膏勤課讀中宵燈尚明不辭心力瘁勉望令名成痛念吾母節振觸淚縱橫孝慈垂懿範芳徽詎能名清操五十載茹荼味若飴典盡嫁時衣終身服布荆顧慙兄若弟垂老作鄉氓春暉忍長負寸草未敷榮恭逢 聖天子幽潛昭光晶鉅典賁蓬華恩綸被里閭敢云報罔極苦節賴表旌顯揚期後嗣努力振家聲

七十二峰足徵集卷四十六

武峰吳定璋友篁菟錄

堯峯汪 楚笠閒編訂

吳鼎芳

鼎芳字凝父號卮菴居士少喜游俠復作綺語及壯掃除故習與范東生王亦房黃伯傳費元朗茅止生葛震父釋道敷實訥結社苦吟靜對身世俱忘為親刺血寫經畫大士像一百二十軸遇凍餒者解衣推食以活之心空一切具出世想矣李本

七十二峰足徵集

武山吳氏合編

卷四十六

寧序其詩畧曰凝父之先有為洞庭清氣者如思復思德諸公相與鳴一時之盛史氏繼起文獻具在凝父毅然欲振中葉而程先民所為詩去一切儼佻鉤棘寒儉鹵莽陳腐冗俚之病法不隱才采不廢質取態濃淡之間而見巧虛實之際要之清氣二言足以蔽之錢牧齋列朝詩序曰居士為詩蕭閒簡遠有出塵之致與范東生刻意宗唐刊落凡近有披襟倡和集行世一時肥皮厚肉取青婉白之倫望之人人自遠也嘗與東生及子游苕溪

碧浪湖入夾山漾往返二十日風清月白苦吟清

肅僅得七言絕句一首其矜重自愛如此凝父與

葛震父稱詩於洞庭皆能拔除俗調自豎眉目震

父晚自信不篤頗折入於鍾譚而凝父亭亭落落

迥然塵垢之外鄭晉之轍詩云吾山虎峰下孕此

一狂者十五好試劍十七能馳馬放浪遊南都干

金恣揮洒平康花月隊盡識吳郎哆縱飲得天和

俠氣自傾瀉三十學題詩清峻凌孟賈四十悟無

生薰脩歸白社隨意寄行蹤面壁作死啞蘊真以

七十二峰足徵集

武山吳氏合編

卷四十六

治性萬物為土苴一朝化神奇遨遊廣漠野招魂誰與續蘊露歌空寫遙想古苔陰悲風動蘭若合觀三公之詞可以得其真矣及為僧稱噉覺香公

古別離

迢迢去故里耿耿天一鄉征車無淹軌日暮多悲

涼為歡有睽隔別後焉可量潛魚樂深藻鳴蟬抱

枯楊還期何浩浩會面苦不早愁思從中來臨食

不能飽坐令西日徂容華歇芳草風霜載前途歲

月期自保

春曉曲

梨花暖乍勻門外香塵滿曉日貼重垣嬌鶯時一  
轉惆悵不成眠芳巾熒淚點簾幕自沉沉東風動  
深淺

三婦艷

大婦理膏沐中婦啟房櫳小婦獨無事但問落花  
風良人且安卧東牆日未紅

靈峰山房夜起

寥寥青蓮宇出步夜方永蟬鳴四山秋鹿飲一潭

七十二峯

武山  
吳氏合編

卷四十六

靜圓月當碧空孤塔立無影花落樹留香竹溪澗  
亦冷烟光散如水明星上高嶺

答松上人過訪不值

孤踪石上雲飄忽本無住門外即青山一瓢向何  
處離心寄春草柔艷欲飛去引領生白煙花落祇  
陀樹

柳浪溪

山青秋雨後人坐秋風裏平沙下鷗鷺簌簌動蘆  
葦夜半明月光漁舟弄空水

靈源寺夜期朱雲從不至

美人雲壑期禪宮夜無閉林光忽如拭碧月生雨  
霽空色映潭心天香出岩際山童汲澗響野鶴時  
一唳幽意寄晨鐘遙遙自相遙

泊北固山下

夕陽江色遠艤棹潮初退獨客吟清秋沙鷗冷相  
對水氣上城根風聲隱岩背漁舟載烟火撐入菰  
茨內

寺夜

林均動蕭檝橡葉走簷際柴門夜忘關山風自開  
閉邑邑如有懷遙遙轉無寐佛燈清可依城柝冷  
相遞斜月苦近牀嚴霜白滿地

嚴明甫園中

為園剛一畝生事已云足日午聞雞聲炊烟起茅  
屋石色秀可食林香暖盈掬相見無寒暄惟言酒  
新漉

宿江上

山色下空江江光動舳舻霜楓紅不盡已入暮秋

景來雁忽有聲歸雲漸無影醉卧蘆花中月高夢魂冷

月夜懷東生

雲光吹作水半在湖中央遙看胥母樹葉脫山蒼蒼美人但高卧不知今夜長

秋懷

枕上聞搗衣月白秋繞屋東家紅淚妾淒淒滅餘燭閒階隨橡栗野鼠走簌簌風吹斷夢來竟夕不能續衰鬢伴寒結霜花寫心曲

七十二峯  
足徵集

武山  
吳氏合編

卷四十六  
五

天台中

白雲伴衾宿開戶雲飛去出戶尋白雲蒼厓濕芒履峰頭異域僧洞口先朝樹流水帶餘花從來不知處

度嶺

林僧言別去自憇松下石紅泉界空翠巢居叫霜笛夕光淡西水千頃成一碧冷信雁傳來秋容楓點出閒雲滿懷袖邀我過山脊

過高峯菴

林迴覺路枉路枉亦自適光風不作寒吹烟半晴濕澗春多異芳嶺月少行迹大吠空山雲山僧杖藜出

虞美人行

營門颯颯驚風雨一片楚歌中夜起拔山力盡霸業空八千子弟淮河水腰間雄劍無精光神龍幻作魑魅語美人宛轉其奈何啼痕盡染征袍紫請從劍下化香魂花枝肯傍秋風主妾心不作青山雲妾身甘作青山土君心若肯報妾身重向江東整師旅

七十二峯  
足徵集

武山  
吳氏合編

卷四十六  
六

橫塘秋思

橫塘風起芙蓉委秋月娟娟媚秋水雙燕雙飛有別離浮雲那得還山期屏山不動簾衣亞自背殘缸清淚瀉晨雞膊膊烏啞啞霜花凍裂鴛鴦瓦

廢墓歎

廢墓蔽荆榛下有妖狐穴哀菟泣杜鵑化作楓林血顏波聲斷夕陽空傷心莫向英雄說恩亦不堪酬讐亦不堪雪神仙寂滅天地古世故茫茫幾銷

歌吳王臺上望胥江依然冷浸清秋月

邯鄲枕

君不見邯鄲枕得意功名在俄頃黃糧未熟夢已醒醒來再拜向老翁可憐淪沒塵埃中三山歸路渺何處掀髯一笑青天空古今得喪俱草草回首終南苦不早相看只解說盧生茫茫幾許邯鄲道

飛樓曲戲東茅止生

飛樓宛轉芙蓉簇對列鴛鴦三十六東風著意渡江來染出蛾眉春水綠樓頭何處得春光非霧非

七十二峯

吳武山  
吳氏合編

卷四十六

烟俱可憐紅芳離選錦茵軟塵香不上雙行纏婢娟花月曾無價只向嫦娥乞長夜夜長夜短那得分鬱金自繞珊瑚雲青絲玉壺正傾倒楊柳烏啼白門曉

樂神曲

蕙綢擗兮瑤席陳采芳馨兮湘之濱女紛進子交舞鳴笙兮雜拊鼓神之來兮可憑楓林寂兮秋冥冥神之去兮容與江花零子波瀾瀾焚靈錢酌桂漿鴉飛飛空夕陽

清明日泛舟

似晴欲雨養花天湖中冉冉生白烟波光夾岸綠無際買得偏舟春可憐可憐最是清明節青青踏露盈盈機陌上漸歌桑渡頭仍弄楫燕燕正飛來鶯鶯啼未歇幾樹啼鶯歇更啼幾家芳草綠初齊橋迴野渡還官渡路接山溪又水溪山邊水邊春風起松花柳花飛不已春風搖蕩棹歌前花香撲亂篷窗底棹擊空明濺酒衣中流容與澹忘歸雨林落日東林暝隔水漁燈映遠扉

七十二峯

吳武山  
吳氏合編

卷四十六

秦淮酒樓送顧九疇

秦淮樓下偉歸艇樓上雲鬟慵不整綠陰如酒凝春衫離歌漸短天漸暝歌漸短路正長落花落絮流晴香晴香流入隔江樹斷雨風吹不知處

天界寺贈田上人

南朝古寺疎林外落莫同師日煮菜羨師愛師痴絕倫胸次悠然了無礙松風聲林秋正驕恍疑此夜眠波濤寒生布被夢無著起來搔首霜天高霜天月魄淨如水木葉飛來打窓紙晨光欲動晨鐘

鳴屋上慈烏正喧起開門却為青山色青山自青  
雲自白竹杖相携爭出門癡師已踞峰頭石

采香涇

柔風吹斷蘼蕪死歲歲春芳付流水西岩尤剩昔  
時雲斜陽照出行宮址香魂去不還野鳥愁空山  
輕羅綉作苔花斑苔花斑空山冷夜淚露泣西施  
井

百花洲

百花洲春草綠春洲水暖鳬鷺浴夜夜城頭烏夜

七十二峯

武山  
吳氏合編

卷四十六

啼吳儂爭唱吳趨曲

寄趙凡夫

十里寒山路香風正采茶偶隨樵客去一到隱君  
家細語生清月閒心托片霞別來湖水濶秋色上  
蘋花

晚坐雞山水濱

湖風來不斷石壁浪花生暝入孤雲冷秋歸獨樹  
清與僧成野坐酌水了閒情更覺前山靜冷然磬  
一聲

飯石峰晚步

白鳥不飛霞雲光和水凝自吟松下路遙見寺中  
燈夕與山無雨春寒澗有冰隔花相問訊月照荷  
鋤僧

雨後登虎峰送張七

山雨飛纔歇山雲散已齊林香清一寺草綠過重  
溪氣暖梅初熟紅殘鳥不啼夕陽催客去湖口掛  
帆低

秋夜同朱十四懷令弟十六

七十二峯

武山  
吳氏合編

卷四十六

秋色帶檐楹空山夜倍清為歡翻憶別因弟轉憐  
兄雨葉晴猶濕霜根水共明經年書一紙曾達石  
頭城

泛石湖同篠園居士

放棹秋光遠殘陽湖水西樹圍漁戶小山截寺門  
低野渡一僧立汀花數鳥啼且沽橋外酒同宿越  
來溪

泊舊遊處懷蔣季昌葛稚孫

月暗迷汀棹橋迴一市燈人家相繫處風雨亦來

曾薄醉偏憐夜貧遊轉累僧兩年三竺寺同到不  
同登

虎邱

移舟遙見塔石逕轉烟蘿山色出林少茶名借寺  
多未秋先候月向晚漸聞歌花市無冬夏遊人雨  
亦過

泊松陵懷沈四汝興

垂虹亭畔泊一帶遶漁梁燈影懸秋店歌聲到野  
航葉疎風不管水遠月相忘未識城西路尋君夢

七十二峯

武山  
吳氏合編

卷四十六  
十一

亦忙

寺夜看瓶菊

分取東籬色磁餅晚更宜香生携被處艷冷着燈  
時夜久僧還對秋深蝶不知若教歡賞地風露正  
淒其

三山寺夜望茗上懷吳允兆

只此堪乘興秋風一放船天清皆在水樹冷不生  
烟靜極轉忘寐望窮殊可憐書來同所願池內有  
青蓮

前溪

野風迤白衲隨步已前溪落日在流水遠山青不  
齊花寒聊自憚鳥倦偶然啼何處茶烟起漁舟繫  
竹西

破山寺

曉岬隨路轉迤邐蹋花行古壁蛟龍氣空巖風雨  
聲佛香清度水鳥路白過城漸覺衣裳潤蒼然海  
霧生

沈端伯陸仲飛携酒過碧雲菴

七十二峯

武山  
吳氏合編

卷四十六  
十二

秋色前山好雙扉盡日開卧雲禪侶寂曳竹酒人  
來空響生黃葉清陰護碧苔城中同是月不及此  
遲回

夏夜雨花臺簡茅大

不少前朝寺鐘聲取次聞三山微雨過遙送隔江  
雲夜久涼仍在春歸綠不分坐憐明月近持此報  
夫君

金閨夜別費元朗

交從他處定路自故園分有夢難成夜無言可贈

君一燈殘細雨孤素向寒雲未曉林中葉蕭蕭已  
厭聞

歸湖上

西風吹箬笠無恙舊江天白鳥飛破水青山移近  
船晚晴楓葉外秋冷荻花邊泊霏遙堪指柴門生  
野烟

西湖夜泛

疎雨洗空翠來看湖上山斷橋芳柳下小艇白鷗  
閒月在美人遠春忙流水閒西陵猶喚酒燈影出

七十二峯  
足徵集

吳山  
吳氏合編

卷四十六  
十三

花開

雪中過彌勒寺

雪中尋寺遠先得一僧逢無數梅花裏亭亭出古  
松濕烟穿破壁野水寂寒春不待前山去風林報

晚鐘

暮投上方寺

暝色投荒寺行盤翠幾層磴花分積雪橋月遞流  
冰一宿同僧被孤吟借佛燈曉看山下路濕氣滿  
霜藤

林屋山石上遲謝去非不至

曾記林中別相期石上遊亂山空欲暮殘葉已無  
秋岸白雲初斷江寒月自流行踪烟水濶何處問  
沙鷗

翠峰山居過陳仲醇

仄逗峰陰入青霞拂曙關好閒常住寺無意亦看  
山飲鶴空潭上烹泉亂竹間牀頭雲一片飛去不  
知還

月夜同劉虛受錢時將

七十二峯  
足徵集

吳山  
吳氏合編

卷四十六  
十四

空翠滴松寮庭閒暑自消所期非一度不易是今  
宵河淨雨先濯露香風漸飄東家猶未寢花裏喚  
吹簫

西湖曉起

殘鐘湖上月杳杳落層岑曉色散為水秋聲聚作  
林閒來曾不慣幽霏每相尋叢桂南山下晴香一  
逕深

和靖祠前晚坐

山翠出林杪祠前芳杜洲孤烟生後暝雙鳥去邊

秋燈影參差水歌聲遠近舟梅花無復主剩有暗香浮

送張十二之彭城

迴颺欺短褐歲晚欲何之白草但一色黃雲無盡時城荒園夜燒涼冷咽流澌盼盼題詩處煩君拂網絲

懷東生卧病

引領限河水別離常有餘始知三月病那得一行書已落牀頭葉空懷池上居扁舟相見日雙鬢欲何如

七十二峯  
足徵集

武山  
吳氏合編

卷四十六  
十五

虎邱僧房尋郭二同諸上人乘月登山

長堤沿短棹轉入翠微灣酒伴秋相集僧寮夜不閒布袍先受月竹杪早過山何處簫聲起縈迴灌木間

法海寺訪孟禮席上看落梅

亂雲穿一迳隔竹見雙扉山氣晴猶冷松花翠欲飛乍逢如舊識偶坐便忘歸風霞花殘雪吹香酒上衣

發舟

碧靄生春霽村村出浣紗兩行新柳色一意送浮家野水全欺草紅霞不讓花秦淮今夜月先得聽琵琶

小院

小院曾行處今來不忍行是花皆黯淡有月未分明轉覺非前事終憐負此生遙波春一片流恨復流清

鞦韆月

七十二峯  
足徵集

武山  
吳氏合編

卷四十六  
十六

子夜鞦韆月盈盈似可携乍窺金架冷旋向綵繩低著露凝芳迳和烟帶綠溪閒情憑柳繫幽夢隔花迷影度重欄外光殘小院西林鶯繞一轉曙色在中閨

美女篇

娥睂深谷裏婉孌復嬋娟待月移羅襪因風整翠鈿雜花香不辨照水影俱憐媚逐迴波處情生欲語先瓜期頻自惜荏苒一年年

新秋同寶慧二僧泛碧浪湖

出郭先瞻塔移舟只共僧山容秋自遠湖色晚猶  
澄片石成初席迴風唱早菱斷橋通鷺渚疎柳開  
魚罾屢泊依雙樹遲留見一燈松篁如有待亭檻  
轉堪凭靜與吟情得涼教酒力勝更憐明月上清  
影罨空藤

送雲公北上

直北窮荒路孤遊歲莫天搭衣何地雪乞食幾家  
烟投迹雞聲外安禪樹影邊月窺臨水店雲引渡  
江船屢說無生法猶存未了緣行行忘曉夕芳草

七十二峯  
足徵集

武山  
吳氏合編

卷四十六  
十七

是新年

七夕舟中懷遐周

柵下橋西路垂楊自繫舟墟烟青忽夜野水淡將  
秋新月斜侵樹明河直界樓離心生遠道涼思在  
中洲有夢初砧杵無家及女牛空成文乞巧書信  
著窮愁兀兀蓬窓底遙遙葦岸頭所懷如可寄一  
葉隔江流

早春同韓求仲王曰常沈虎臣范東生費元

朗遊湖中諸山

春晴風色好十日看山綠野寺花迷月重湖水澄  
烟雜香開酒逕空翠接歌船握麈青菰上流杯白  
鳥邊荒榛局古洞怪石島平川醉醒常無定談諧  
亦自然柳絲猶拂短荇葉未寒圓坐對殘宵後情  
生去路先移家隨處可惟欠買隣錢

曉過湖心亭

漁燈欲滅煙漫漫小舟撐過金沙灘渡頭叢樹擁  
秋霽城角片鴻來曉寒圓月隋地白堪拾遠峰出  
雲青可餐風前短髮忘盥櫛樵巾一幅凭闌干

七十二峯  
足徵集

武山  
吳氏合編

卷四十六  
十八

秋夜西湖觀妓

藕花相約舞衫輕油壁初停月正明黛色低顰秋  
有怨釵痕斜溜夜無聲弱雲已攬難教夢艷曲纔  
聞未識名只恐臨風便飛去水邊留取襪盈盈

雨花臺送印公之巫山密公之廬山

去路悠悠夕照催可堪離思共登臺錫歸西蜀秋  
剛盡衲掛東林月正來晏坐峯頭飛瀑冷經行峽  
裏斷猿哀他時證取菩提果兩地曇花一日開

秋日閒居東隱公

溪橋南向岸東頭盡日盤渦到白鷗黃葉聲中花  
徑杳青山影裡竹扉幽人情似水偏宜淡生計如  
雲好耐秋一自野僧相識後每因明月上扁舟

宿虎跑寺

濕烟鬱結亂山橫敲斷鐘聲燈自明野寺冰霜經  
晚歲石林風雨伴殘更十年一夢浮雲冷四海孤  
身落葉輕願得皈依清淨理蓮花香裏證無生

雨渡橫涇懷孫惟化

東風作冷石湖船節屆清明倍可憐一日客程偏

七十二峯

武山  
吳氏合編

卷四十六  
十九

遇雨幾家茅屋不生烟野田水綠迷楊柳古廟花  
深出杜鵑寂莫橫塘人去後吳姬歌舞自年年

哭吳健父

寒日沉沉下遠村空堂寂寂閉黃昏文章命薄誰  
知己山水多情即故園一壑荒烟收病骨三更冷  
雨送愁魂傷心莫問王孫草幾日春風綠燒痕

柳陳甫墓

古道盤迴向遠岑荒墳悽楚帶長林浮雲已斷還  
家夢衰草空餘佳世心海色隔城邀暮碧江聲挾

雨送秋陰青蓮後事何堪問幾處情交淚滿襟

閨中曲

客歸青海頭報道單于死曉起望征人新妝從此  
理

怨詞

華屋春將盡紗窗日易昏不知多少恨相見與君  
言

秋雨

孤燭自明滅陰蛩若相語夜半小窓前無人聽秋

七十二峯

武山  
吳氏合編

卷四十六  
二十

雨

燈下

野寺十年心無言坐燈下夜半風雨來瀟瀟打破  
瓦

月夜

昨夜因看月清光動旅思今宵宜早睡莫待月明  
時

山中竹枝詞

青山是處鎖蛾眉日日湖邊有別離却怪烟波三

萬頃扁舟只許載西施

江南一雪苦非常湖上空餘橘柚鄉萬樹千頭零落盡于今那得洞庭霜

湖船來往慣風波尾後黃旗飛虎圖一夜王程三百里枇杷明日進胥都

柳枝詞

雨雨風風釀綠深官亭迢遞見晴陰垂條何用長如許不繫離人一寸心

綠陰如雨萬條斜啼罷朝鶯又晚鴉盡日春風無

七十二  
足徵集

武山  
吳氏合編

卷四十六  
二十一

別意只吹花點過西家

針樓曲

薄雲纖月露零零碧樹深沉掩畫屏樓上相隨穿一縷自來樓下拜雙星

青谿小姑曲

十五盈盈學解愁珠簾不捲倚篴多情明月無情水夜夜青溪映酒樓

春游曲

西餘芳草綠新齊亭樹無人繡幙低忽漫好風傳

笑語流鶯飛過杏花西

楊柳依依燕燕飛乍晴香雨點春衣花間記得經遊處青粉牆頭白板扉

舟中遲錢受之內翰

長塘露白鳥啼樹短棹夷猶歌何處月光併在水聲中一夜篷窗流不去

尋梅

行盡山厓又水涯亂雲狼籍樹離披不知何處春來早昨日僧房見折枝

七十二  
足徵集

武山  
吳氏合編

卷四十六  
二十二

無題

綺疏微透曉光寒欲貼鴉黃展鏡鵲錯怪桃花似懷面一番風雨便春殘

夢

春風吹夢落誰家鷓鴣分明教點茶斜月一痕人散後小窗香燼伴梅花

曉過西塢

薄雲和月隴前巒九寺鐘聲送曉寒曲曲清溪行不盡石橋紅樹待僧看

寄如公

野塘水綠拋香絮夢到晝公焚草屐悄風斜月露  
華中一一棲鳥自飛去

送景周王孫還豫章

採菱歌斷鴈初聞一幅離帆趁夕曛前路贈君秋  
色好大江烟月小孤雲

吳士竑

士竑字咸抑疑父之子

陳君孝招集清涼山醉竹軒同瑞之諸子

七十二峯

武山  
吳氏合編

卷四十六  
二十三

結茅倚山根修竹恰成趣暇集憑綠醅佳朋愜幽  
素波搖遠近村霜逼離披樹獨鶴不避人花間自  
來去

晚過言成禪室

行行路逾遠日暮始投寺林鐘發清響閑僧尚無  
睡相見各慰言一月幾迴醉

殘絲曲

殘絲斷續聲悄悄紫塞金閨間昏曉遲回宛轉縱  
復橫幾許芳心盡繁遠塵蒙鈿匣雙鸞死憔悴笑

蕖泣秋水屏山不障綃帳寒金徒抱箭嚴更起紅

燈隔簾紅影紅亞藥錦花香夢空空堦碎踏纖纖

月方響悠揚颺曉風斷絲續絲化為血援彼瑤華

歌一闋商懷徵怨兮結思多柔情往好兮逝素波

殘絲殘絲兮奈何

蚤春送嚴開一之秣陵

客路消晴雪和風稱薄裝仙鄉瞻句曲山驛過雲  
陽草店春缸綠烟花旅服香秦淮金粉地到日滿

新芳

七十二峯

武山  
吳氏合編

卷四十六  
二十四

雪後同可南師晚坐懷邱無為

夜半寂無寐披襟對一僧林寒月翳翳巒失雲層  
層簾隙青支竹池空白滿冰有懷多病客清話再

挑燈

布金寺尋八師不值

頽霞縷縷兼白烟蘋花香冷秋滿船一條雪水綠  
無意幾點吳山青可憐雲蹤不着浪中寺錫飛宵  
作人間綠砧聲近遠那得寐月明短棹夷猶還

春潭

春融景物蘓水暖莓苔綠遊魚自往來獨坐看不足

送君遠七兄

不次垂楊色迢迢自幾村春風芳草路好去醉平原

秦淮夜歸

放棹歸來月將墜隔岸酒家猶未睡疎疎燈影出花間隱隱歌聲在烟內

葉青之見過

七十二峯

武山  
吳氏合編

卷四十六  
二十五

辛夷落露燕飛飛竹裏茅茨白板扉野客獨來相訊處滿庭空翠濕蘿衣

吳玄齡

玄齡字季貞賦質清臞服西方教與葛震父鄒舜五蔣季昌釋可南結清齋社有詩一卷曰清齋社草癡叔疑父為之序

和趙凡夫先生寒山

寒山有茅屋正在雲深處山人不出山白雲自來去

耕烟墅

宅臨太湖水秧種太湖田有時向南畝耕破一犁煙

夏日登碧螺峰

薰風披拂碧螺峰暇日來登信短筇七十二峰青不斷湖波萬頃浸芙蓉

七十二峯

武山  
吳氏合編

卷四十六  
二十六

七十二峰足徵集卷四十七

武峰吳定璋友篁菟錄

岱心劉世禧錫茲合編

葉時蕃

時蕃字仲衍一字羅浮武峰葛震甫稱詩雄視一世而仲衍與邱無爲者則兄事而實師事者也爲詩句琢字追復意象超然其生平佳句膾炙人口如中秋待月云千古有明月一年惟此宵喜僧結龕云烟火不生累松風或可餐答鄭五云宿香吹

七十二峰

武山  
葉氏合編

卷四十七

麥秋雨

急雨何繩繩四月秋甲子十日九日陰黃雲黑雲死黢濕鳴水蛙羽重泣朝雉江南歲海飢草木半爲米官長異戰國過隣羅不許天意苟憐時寸晷卽消弭幸無西北憂烽火得一洗

春桑陌上行

誰家南陌風正香采桑女兒艷新粧春衫拂溪溪水綠路滑提筐行才于高枝承露露未晞皓腕斜攀冷纖玉驕嘶郎馬東南來片片桃花葉上開致詞不語亦不應空林落日相低徊明朝更訪叢臺路難道此心如死灰

雪泊聽隣舟歌聲

北風淅淅溪光冷水天淡淡平煙井何處嬌喉夜吐聲凍魂淒斷紅窓影隔面脂香生縷縷冰蟲情

七十二峰

武山  
葉氏合編

卷四十七

癡撲燈死新鶯蓬底一教聞風雪滿天春不分

射鵝山

驚波怒雪荒煙寺舊是吳王射雕處鷄城隔水高我我養鷄不啻如養士有雕睥睨去復來應弦墮地良奇哉智巧果敏寡儔匹國亡身死令人哀太阿倒置是非昧民社爲輕闢鷄貴青山舉鏃落天飛石室開籠放鳥羣煙燼蘇臺鹿走時彈鷄承蜩矢仍在君不見賢臣爲弓士爲矢到處飲金當沒羽

雨宿獨秀軒葛震甫夜話

紙窓高濕氣寒淺隔林深雙影孤燈夜三年一雨  
心耳般銷數响簷溜答蛩吟此際雖堪聽愁邊恐  
不禁

賦得雨中紅葉送鄒舜五

野火發不息濕天應炙晴葉疑霜後失花似雨邊  
生碧血當秋洗斜陽通晚明離眸開不得浦上正  
盈盈

雨中送友之武昌

七十二峯

武山  
葉氏合編

卷四十七

西日猶堪挽君行不少留獨憐今夜雨偏到未眠  
舟海氣連官渡秋般落戍樓未須頻洒淚前去是  
江州

暖月阿爲張仲美賦

飛棟危巢接窺臨與夜休不寒非二月無雨即中  
秋平楚搖花席空香載茗甌瓦光高片水如坐米  
家舟

樹樓爲馬叔明賦

掇翠俯平川樓飛獨樹顛小於蓮葉舫廣倍橘壺

天木處追堯父風眠入鳥禪靈槎吹不去陸地得  
栖僊

白門喜逢葛震甫歸自滇南時方病起

微雨照繩床庭除鳥字荒胸懷自寥廓顏面未衰  
黃尸祝留蠻貊生逢卽故鄉不須問垂橐長物只  
檳榔

暮投烏衣墓

迷離艸色雨如塵夢夢長途欲倦人返照數家江  
燕里殘山一騎堦花春紅襟對語前朝客白板斜

七十二峯

武山  
葉氏合編

卷四十七

連舊日隣我到正逢寒食候隔溪烟火夜炊新

游絲

乍引青驄去酒壚復懸香雨弄珠珠一風拂面調  
遊女百尺牽花惹釣徒纖露枝間驚蛺蝶颺晴簷  
角惱蜘蛛橫斜搖曳春風裡繫得離心半寸無  
茉莉

微雪不消暑小星香照眠最奇桃葉渡燈火賣花  
天

曹武惠王祠

矢衆爐煙藝至今好生恩澤及人深角崩稽首猶  
漂血尚父如知有媿心

別意

輕裝冉冉撥晨涼蟬蛩遙天引劍光不住棹歌風  
外起布帆一路藕花香

江上見

垂楊艸屋帶溪斜牛背無人立暮鴉小婦笑來漁  
網下一瓶春釀餉蘆花

葉繼忠

七十二峯

武山  
葉氏合編

卷四十七

繼忠字九一竹屋古醜菽水自好靜占天官之曆  
閒種山人之花居然名士風流也詩一卷曰谷應  
草大致宗眉道人而稍加雕飾者

余山訪眉公先生

落紅香甃蘼蕪路短笠孤筇破煙霧流鶯啼過東  
余岡文翠沉沉滴水柳仰止遙遙一叩關相攜共  
坐柳花灣傾珠露玉珠未竟松月漸高栖鳥閒

惜別行送客所之聞

獨夜空齋書咄咄時覺香風到帝月朝來曳策小

橋東幾點梅花照溪雪徙倚花林未忍回忽聞花  
外故人來故人遠作建州客短棹輕帆花底出挽  
袂銷魂無限情相呼濁酒對花傾垂垂凍雨鮫珠  
瀉寂寂幽香仙珮迎仙珮凌風去鄉國鮫珠和淚  
沾衣濕山海梯航須健食莫愁風雪路行難平原  
何地無知己曷酒春梓爲解寒

送孔明之之白門因遊武昌

夫君標格自翩翩彩鷁乘潮望若仙燕子掠香簾  
外舞芙蓉呈艷鏡中妍飄飄帆影輕於葉衝破長

七十二峯

武山  
葉氏合編

卷四十七

風浪飛雪撒却家山何處遊秦淮煙水楚江秋竹  
枝詞唱三更月桃葉簫吹十二樓客裡聞歌莫住  
帆琵琶容易濕青衫空林雨色晴飛瀑煙寺鐘敲  
日下崑西風颭颭天際起楓葉蘆花滿江水搖落  
江天喧暮鴉可堪回首客天涯歸歟莫讓梅花早  
松石山頭酒可賒

登天竺還過九里松

一徑轉深谷出林疑入林晚霞扶落日去馬逆歸  
禽壁立天光限雲分瀑影森掩關僧課誦清磬隔

松陰

次施善長寄懷沙美人

咄咄蓬窓底無聊數雁行閒情寄流水幽恨語斜陽  
悅短牽絲遠衾餘抱影香夢回看月色疑對好容光

相期曲次吳凝父

贈郎芍藥與郎期潮到門前月上時郎信不如潮  
信淮月明潮落獨相思

葉時育

七十二峯  
足徵集

武山  
葉氏合編

卷四七

時育字鑑韋羅浮兄弟行也晚年棲心禪誦宛如  
高座道人獨不廢棋酒以爲可以學道可以養生  
云

山上舟爲張子傳賦

一室渺於芥居然千頃思自非河不廣恰與山相  
宜帆影動蕉綠濤香生墨池使星千載下仍照古  
槎枝

吳次圭出自賊中遇于郛城旅舍夜話同賦

臨去幾逡巡間關脅從身蒿萊如有待  
被擄至荏平縣界夜

啤深蒿之左遂呵護豈無神白草霜邊骨青山夢  
符窺身脫歸  
裡人問經焚掠處嗚咽不能陳

葉元發

元發字智華鑑韋子也幼能詩亦善弈以奕致病  
猶指畫不倦與父究心竺典頗得其宗嘗從天懋  
師問答有物先天地無形本寂寥能爲萬象主不  
逐四時凋問云既不逐四時凋因甚秋來黃葉落  
答云嶺上孤松山頭明月泠泠澗泉嚶嚶駉駉  
恁麼見莫生分別珊瑚枝枝撐着月

七十二峯  
足徵集

武山  
葉氏合編

卷四七

七夕有懷

朱明幸息駕虛簷引餘清火流陽節改蒲柳感吾  
生艸木載涼颼梧楸一已零冥遊天宇淨列宿爛  
以盈所居薄江臯銀漢兼有轂緬彼山中人遙睇  
高煙平斯時不遑寐峰月嫵前楹念我于役苦風  
微絕相傾百憂悲契濶歡懷冷楸枰田園久蕪穢  
何乃滯歸畊澤雉垂飲啄勞勞爲誰營朝霞信難  
久將返葦柴荆

雪蓮上人結茅虎峯

雪公挾奇骨結巢萬松裏聽濤躍清機對石飲靜  
理寒谷遲春風慙雲顏不起山中久無人今乃屬  
之子

輓噫覽大師

一片寒光寂此心無所依但留千嶂月空誦五言  
詩芳躅難爲繼微詮了不疑越山高峻處仰止見  
吾師

立春前三日見籬下白菊始開

霜戰群枝勁凌寒鴈雪姿深心無可語或許梅花

七十二集

武山  
葉氏合編

卷十七

知

尊冰舫看雨

雨當花發後怨殺幾多紅翠濕新開悵寒禁半吐  
叢

棠溪

碧溪吹縹柳花風點點飛帆落鏡中野寺數聲鐘  
斷後石梁立個釣魚翁

採蓴

一棹烟簑攬紫莢田田湖上綠千層拋綸擲釣人

歸去贏得雲峰幾點青

葉之恒

先生諱之恒字公亮智華冢君也自幼茹素奉佛  
家傳舍利二顆範金爲塔貯之朝夕頂禮舍利大  
如黍子一白一粉紅色歲或放光一二度知者乞  
借觀虔懇不已乃拈香叩首請出注淨水於磁甌  
中以舍利左右投入光溢水面久之兩舍利漸引  
而相迎人爭異之後竟爲黠者竊去璋總角時從  
先生於家塾與人言及失舍利事尚懊恨不已以

七十二集

武山  
葉氏合編

卷十七

爲與佛無緣生此魔障耳其課徒也專功記誦規  
範頗嚴午課不竟飯至弗食日課未畢夜分不眠  
經書背誦務如瓶中瀉水無一此粘滯而後已磨  
鍊生徒真若苦行頭陀不肯自暇逸者書學二王  
詩不甚作適興矢口都弗存稿璋童時所心記者  
纔二首而已

仲冬同諸子登莫釐峰

携筇緩步轉山阿一片閒情發浩歌老樹不堪霜  
葉墮塞鴻愁載夕陽過人家野燒迷蒼靄天際晴

峯列碧螺極目白雲連鳥道遲遲待月意如何

六言自警

社燕惟知栖幕夏蟲馬語水莫逐世情冷暝自  
然心少愛憎

葉之倫

之倫字公明智華次子早亡

誦楚詞

叢蘭重叠怨幽暉楚厲迷離淚濕衣巫峽雲深神  
女夢湘江雨暗鷓鴣飛山中桂樹幽人宅潭畔行

七十二峯

武山  
葉氏合編

卷四十一

吟漁父磯日暮哀歌心獨苦驚魂欲傷大招歸

梅花

空山香不絕天縱枝頭雪忽聞碎玉教林下有人  
折

葉聲

聲字天聞號鳴一居射鵰山下年弱冠名噪庠序  
家有酤坊在金陵歲一往與海內名士遊學日以  
進會兩京相繼傾覆遂高隱不仕私心嚮往康節  
先生扁其所居室曰小安樂窩茗椀爐烟晨夕嘯

咏其爲詩安雅恬適從容不迫居然有道氣象及  
疾革預刻時日以待命諸子書其碣曰明學博某  
某之墓

園居春日

菊苗初茁倚籬栽曲逕迂斜半是苔富麗昔年推  
沁水淒涼今日話叢臺黃庭讀罷爐煙歇白苧歌  
殘山雨來莫笑謀生事全拙先疇猶喜未污萊

七十二峯

武山  
葉氏合編

卷四十一

三月春色枝頭已十分客散酒醒筇相鶴僧歸茶

熟展鸞群柳塘昨夜添新漲拂面微風縐縠紋

連朝春色甚堪描微雨初晴潤藥苗壯志大都消

趨葉閒情全副傲漁樵新鶯嚶嚶嬌歌扇弱柳纖

纖倚舞腰風日正佳同志好看山擬欲上蘭橈

意氣相逢莫盡傾且沽斗酒漫閒評人生何必營

三窟時局真堪對一枰昨日好花難再艷他年青

史不須爭蹉跎莫負韶華老來試新調玉穆羹

到處名山即便留吾生何處不夷猶文難駭俗琴

休碎相不封侯筆莫投賸有釣緇懸竹屋偶攜茶

竈上扁舟辛夷正發山窓下病渴相如已倦遊  
不羨江陵千木奴得錢即付酒家胡朱家一去無  
真俠郭解原來只博徒老衲訂期翻貝葉野人相  
過饌雕菰春風和煦堪攜杖次第溪山入畫圖  
傳聞湖上徧精藍挈榼扶筇恣意探辭以勝遊皆  
絕調飲因同契得沉酣漫誇昔日屠龍技且縱今  
宵捫虱談欲構一菴容我老笑他托足入終南

感興

颯然兩鬢已成翁往事如雲與夢同童子莫矜能

七十二集

武山  
葉氏合編

卷四  
十三

刻鵠壯夫原不事雕虫難邀俗眼驪黃外孰寄知  
音雨雪中何日粗酬塵仝了最高樓上聽松風

偶成

閒居幽事屬田園何必山林始避喧足水旱禾分  
子母多年修竹長翁孫欣然勝敗無心奕兀爾醉  
醒隨意尊昨夜一番微雨過綠波喜漲曲池痕

葉芳嘉

芳嘉字平仲號鷗莊鳴一之子穎悟過人讀書好  
古其舅氏湯聖弘勝國名宿也平仲得其指授舍

英咀華浸潤磨礪發爲文章原本經史人以爲酷  
似其舅莫不以大器期之乃數奇不偶終于青衿  
知者惜之有匏瓜集學圃吟行世其未梓者有讀  
史論斷二十卷擇雅堂詩選百卷

夏日苦雨和張黃門協

祝融司夏令朱火炳南陸一從義馭隱寒色映深  
竹圓池翻小荷荒圃浸孤菊怪哉暄陽候反令群  
物肅幽華不敢滋芳蘭失其馥綠知氣候乖異事  
警耳目天運未可知明德當自勗

七十二集

武山  
葉氏合編

卷四  
十四

閒居觀物化義軒不可欺空齋十日卧雨脚散如  
絲良友日以遠幽憂日以滋寢興無可適願言懷  
所思街衢方淅淅三徑絕履綦荆扉恒晝掩苔綠  
上堦基只恐生意盡永失芳菲時

淒風吹廣陌寒氣結重陰潺湲澗溪水浩若江河  
深地脉潤朝礎凝雲蔽遙岑自應商羊舞非關傳  
說霖惟餘畸士室稍不廢閒吟芳荷猶滴瀝修竹  
自蕭森養道有餘致孤懷來好音願將希古志進  
此論世心浩歌行當去母爲坐自沈問誰懷小艸

我語幽林

長信怨

憶昔未承恩蛾眉莫言好及當專寵時盡道畫眉  
巧今來長信中修眉翻更工君王不時顧雙臉漸  
銷紅

讀史

讀史如觀場喜憚在俄頃徒據紙上言其識終坐  
井輪扁安在哉何從得要領

讀書

七十二峯  
足徵集

武山  
葉氏合編

卷四十七  
十五

陶公道中庸元氣在天壤杜陵百谷王吐納含萬  
象昌黎最晚出獨欲爭雄長瞿瞿僂耳翁其舌長  
且廣喟彼渭南老悠然發遐想

閑語錄

拈花惟一笑本不落言詮如何諸老宿競立文字  
禪政如蠶入繭吐絲以自纏我欲使一空悉化爲  
雲烟

溪上

獨坐水邊磯喧寂兩何有垂綸無所羨釣竿忘在

手人語採菱歸悠然一回首白鷺忽驚飛復下前  
溪口

望遠曲

朝辭湘江頭暮宿湘江尾江行不暫停千里復萬  
里登高望遠帆日落風烟起環珮鳴空閨洞房冷  
如水

初起看月

青天本無月月在幽人心孤光生綠烟澹絕不可  
尋坐起當中夜涼露盈衣襟山童有幽夢亦在松

七十二峯  
足徵集

武山  
葉氏合編

卷四十七  
十六

風林

鍾山絕頂作

城居望雙峰陰嵐變晴靄及茲策杖遊氣象果雄  
大先登謂捷足屢歇亦匪懈放眼最高頂始覺平  
日隘此山若齊楚諸嶺盡陳蔡橫我印壑懷胸次  
無芥蒂中峰似龍脊起伏領諸派奇哉數仞石壁  
立狀可怪都會偏一隅平江遶如帶遠水忽明滅  
又在江影外故老言先朝蔚蔚萬松檜今茲爲童  
山興廢殊可慨帝圖既灰寒鴻冢亦蟬蛻吁嗟漢

高魂猶當戀豐沛古今同一盡孰職其成敗何年  
將軍墳蔓草亦荒穢落日聞歸樵臨風激天籟

### 登長干寺塔

晴秋風日佳賈勇試芒屨淒涼帝京餘氣象仍磅  
礴層塔矗雲霄巍然煥丹雘楹拱鈎槍梧蘗螭護  
棖楠登臨發惆悵屬目驚寥廓煙中百萬家俯視  
盡一握群峰互起伏蜿蜒疑龍蟠遙想肇造初般  
倻幾揆度壯麗侔皇居經營實天作高皇昔創建  
定鼎同卜洛卉服侍郊壇長江自鎖鑰守文貽委  
任七十二峯  
武山  
葉氏合編  
卷四十七  
裴謀國效鼂錯同氣忍干矛義士甘鼎鑊哀哉十  
族誅至今鬼猶愕何以謝三靈琳宮獨恢拓結構  
窮鬼工萬象就繩削六龍時經過十里聞鈴鐸于  
焉報佛恩童叟咸歡躍藉此日月光一洗兵氣燭  
甲子已頻移風流舉非昨殿閣悲黍離冠蓋付零  
燼獨有阿育居焜煌照南郭始知佛力尊不與運  
會角遙對孝陵巔松栢悉摧劇衰草自淒淒飛雲  
仍漠漠

### 茅山

前山直來兩殷殷雷始作侵曉化雲英嶺然遍高  
壑探奇忘盟櫛寒雲命芒屨磴道雪烟嵐層巘勢  
崖崿喬木萬餘株中有飛泉落頗多肥道士恐未  
解領略東卿寔治此楊許事猶昨至今三峰頂時  
見雙白鶴靈爽無端倪精裡走真漢童初有真館  
仙級庶可學五岳此造端鴻心入寥廓

### 曉行茅山道中

輿夢續還勘山勢崎復屹野田霧迷漫瀾瀾水光  
接羣峰蒼然來松影破微月上方梵唄動廣衢紛

七十二峯

武山  
葉氏合編

卷四十七

車轍鷄鳴一標起人心各區別

### 松下看月

新月涼如水松影亦娟娟遠山微可數林際生空  
煙群動一以息幽人猶未還

### 客至

好風吹客來夕陽催客去樹影東西移視之徒坐  
具客稱愛山從登澹如山趣此中車馬無胡弗爲  
我往

### 長門曲

吳娃越女皆傾國並入深宮闢顏色若個蛾眉青  
讓人居然獨在君王側羅衣綽約從風颺風從衣  
過生異香迴黃轉綠爭覆手人生得意那可長成  
都十樣黛螺小連嬌占盡人間巧願伊承恩且勿  
誇不見無數嬌鶯鵲燕方如花

### 悲歌

小亦不作百夫長大亦不作萬戶侯男兒三十不  
得志昂藏空自懸吳鈞吳鈞雖光芒不若控飛鵲  
千載麟閣人身後亦寂寞朝持玉東西暮倒金鑿

七十二峯  
足徵集

武山  
葉氏合編

卷四十七  
十九

落酒酣談笑收菴渾歸來仍着登山屨

### 鷄山鷄山懷古

牝鷄之晨惟家之索鷄鳥累百不如一鷄夫差盛  
氣失禽荒強向羽毛分厚薄鷄如宰嚭鷄如胥以  
誅誅胥母乃錯鷄去千秋鷄亦無溪山如舊空菰  
蒲惟餘石上星星赤似寫荃弘碧血圖

### 懊儂歌

縹絲軋軋頭緒多鴛鴦拍拍飛帶波門前楊柳已  
藏烏郎來不來當語吾

### 送獨任上人住石頭庵長句

碧峰古有石頭庵石頭蘊公之所住蘊公本出雪  
浪門法派相傳非有異吾聞雪浪大導師長于三  
秀名尤著雪浪慈其徒不乏根器人異師之講兩  
師註巢松浸公一雨潤公皆雪浪之高弟也諸老去今凡幾年古德

門庭誰可繼後賢振起有獨公乃是龍河親法嗣

碧空大師更從靈隱得真宗具德老人不假言銓落文字拈

花拈竹有妙悟吟詩作繪其餘事一杖歸來瓢笠

輕卜廬正得前朝寺古來入地不相待夙世機緣

七十二峯  
足徵集

武山  
葉氏合編

卷四十七  
二十

若符契預知法席當轉盛大慧復興行在是主持  
絕學肯敢辭說甚麼石頭路滑不可去

### 蕪子磯觀落照

夾江高岸龍從起約束江流若龍尾萬古洪濤春  
不移獨砥坤維一何偉百尺孤亭如御風夕陽似  
鏡懸晴空澄波不動白于練頃刻化作胭脂紅已  
落猶餘半邊赤上天下天同一色萬語嘈嘈爭渡  
喧遠浦歸櫓呼尤急漁歌杳杳生暮愁孤亭縹緲  
不可留我欲乘風一飛去慚無兩翼凌九州歸來

獨向蓬窓倚目光眩掉猶未已娟娟素月照薰蔭  
呼起蒙莊誦秋水

舟中對月有懷獨上人山圖耕一寶樹

高秋雨過天如藍山容鮮潔無烟嵐獨乘一葉凌  
萬頃晶盤海底誰能探斯須圓魄出東嶺照我短  
髮風鬢飄徘徊斗牛江漸白水波漱灑流光涵太  
陰逢秋金氣盛萬古此理莫可參空明欲卧失衾  
枕蓬窓低小如僧龕自憐野癖戀幽寂涼宵清景  
性所貪每逢山水意便住誓欲策杖窮巖嵌揮杯

七十二峯  
足徵集

武山  
葉氏合編

卷四十七  
二十一

孤影自相勸輕航恰受人兩三因憶生平素心友  
高材一一皆梗楠南宗長老心寂寞屏跡獨臥林  
中庵潑墨倪黃在胸次問字往往窮書蟬山人白  
首猶作客驚座雄辯生微酣傾囊倒篋出詩卷揚  
北風雅無包含趙子不飲得飲趣腹筇今古皆能  
諧吳郎自是著作手下筆有如食葉蠶愛而不見  
但搔首樽前誰與持雙柑伊余埋憂惟斗室終歲  
誦讀常喃喃書生本不諳世務獻策屢別誠留慚  
側聞荏苒起蜂蟄轉輪不息勞征驂關山幾處當

學拆壯士荷甲操戈鏃吾徒貧賤易藏匿婦子止  
須石與甌况兼山野性伉直干祿豈徒七不堪強  
行將必發狂疾願辭所苦適所甘不如拂衣歸舊  
業種菱種秫荒江潭黃冠白足相慰勞棲心匿影  
歸瞿瞿胸中萬事如轉轂所思曠邈誰堪談扣舷  
坐久清露下咄哉此景心猶耽夜深酒盡睡不得  
一曲自唱烏飛南更持鐵笛叫湘女爲我拂拭雲  
中簪

送沈方鄴遊羅浮歌

七十二峯  
足徵集

武山  
葉氏合編

卷四十七  
二十二

嶺南山水甲天下風離雨合惟羅浮奇峰四百三  
十二石臺窈窕芝房幽朱明古洞神所秘玉書金  
簡藏巖隙梅花萬樹白如雪古幹偃結疑蛟蚪林  
間倒掛多翠鳥參橫月落鳴啾啾丹砂滿地不須  
乞葛洪鮑靚終身留今之作者有髯沈策杖過嶺  
窮探蒐髯居宛溪今幾載敬亭山色誇梅歐傳家  
武武世忠孝讀書萬象供冥搜商歌泠泠中金石  
皎若霜月明清秋生平好奇仍嗜險片展一節隨  
所投茲行夜半看日出層雲盪胸襟雨眸鉅公投

卷已盈把一字貴比雙琳球鯁生奚足當贈處亦  
玷名字同牛溲感君意氣飲君酒請辨孰莛從君  
游明年決策之五嶽薰烟九點空齊州不然或鼓  
太湖柁詩成大笑呼浮邱男兒似此亦不惡焉能  
齷齪于王侯髯今髯今欲何道飲酣起舞揚清謳

吉祥菴老梅歌

靈谷塢中梅萬樹花光歷亂騰烟霧薄寒流水倚  
柴門掩抑空村自朝暮城中何處停遊騶吉祥更  
有老梅莽苔痕冷澁繡如鐵銅柯溜雨低僧龕孤

七十二峯  
足徵集

武山  
葉氏合編

卷四十七  
二十三

貞不與羣芳偶偃卧欹斜甘老醜靈物猶煩鬼神  
護繆枝直挾蛟龍走眠霜齧雪年復年花時亦放  
春風顛黃昏鐘磬長寂寞晴日酒盞還喧闐金陵  
名園歌舞地喪亂以來多不記高臺盡圯曲池平  
古檜喬松失蒼翠禪扉獨自留奇姿寒葩照眼光  
參差看花無語忽惆悵此意遊人知不知

弔五人墓

指鹿謀方稔吹毛令已苛纓冠救同室履尾信危  
波大義一朝立英風千載多布衣能死國名字肯

銷磨

發憤捐軀者無如數子奇身非仇俠累塚亦近要  
離檜栢風霜肅碑銘日月垂來遊踏黃葉弔古薦  
江籬

雨夕秦淮

天意怜佳客清陰愛此宵碧波芳草渡紅袖美人  
簫雨氣侵簾幙荷香入酒瓢晚來煙色暝燈火自  
迎潮

曉渡

七十二峯  
足徵集

武山  
葉氏合編

卷四十七  
二十四

露氣橫江白清光滿釣船好風送微月孤鳥劃空  
烟帆影中流見葭葢隔岸連問津吾不記極目但  
長天

推枕

推枕覺秋思起看河漢斜烏驚風在竹人定男當  
花節物已如此吾生固有涯關山怨何事長笛起

鄰家

舟中聽雨口占

斷蓬滴疎雨孤雁叫深秋此夜扁舟客應添萬斛

愁但能來枕上無不到心頭斷續殘更夢匆匆亦未休

聞促織

唧唧夜窓冷墻陰暗語幽有懷爭訴月如怨各驚秋久戍征夫淚寒機思婦愁酒醒欹枕聽淒切亂更籌

詢蒼舒弟卧病

秋色蒼蒼遠南樓一雁飛以予纔見月知女暫開扉詩卷閒頻把禽魚興莫違癯姿易憔悴未卜可

七十二峯  
足徵集

武山  
葉氏合編

卷四十七  
二十五

勝衣

舟泊觀音門

小艇因涼泊星河落枕前風生兩崖葉月上一江煙水宿方知夜城居畏有天是時盛暑夢魂無著處秋信此中偏

初夏園林遲客

園林初夏中鳥語近簾櫳遠樹養深綠孤花存晚紅梵書徵午夢醺面受微風獨許幽人過應門試小童

和友人山居雜詩

好卜南村隱知因爲買隣菊枝何論晉桃辨已無秦猿鶴真堪侶雲山不厭貧濁醪猶可辦漉酒借頭巾

曉思松谿冷含情自覺幽烏啼霜裡月人語竹間樓歌哭禽言拙褒誅野史留名山如有待三地慰窮愁

平山閣

山閣凌無地蒼茫島嶼浮遠帆飛極浦緩浪逐輕

七十二峯  
足徵集

武山  
葉氏合編

卷四十七  
二十六

鷗覽勝情何亟憑高興轉幽風烟南北渡載盡古今愁

贈張宛邱

聞道彈琴日閒庭對落花以時呼父老細與話桑麻解綬吟幽壑尋秋上野艇翻嫌勾漏令辛苦覓丹砂

城南景公方公二祠

舊京宮闕黍離離遺廟雙忠儼在茲千載白虹猶自亘九原碧血至今垂能教俗慕無窮義力與天

爭已定時俎豆不隨朝市改夕陽弔古有餘思

奉輓前給諫萊陽姜貞毅先生

先生諱塚字如農萊陽人崇禎辛未進士  
官禮科給事中以論列權相某諸不法事  
下詔獄拜廷杖者三甲申二月遣戍宣州  
衛甫出國門卽有鼎湖之變先生終不歸  
故鄉流寓吳門垂三十年將卒命其子曰  
必葬我敬亭之麓終君命也既易簀嗣子  
奉治命往窆焉門人私謚曰貞毅先生友

七十二峯  
足徵集

武山  
葉氏合編

卷七  
二十七

人沈方鄴泌先生門下士也來徵輓詩敬  
賦二章

聞說先朝有直臣青蒲毆血事酸辛尚方一劍平  
生志園土三年未死身變姓久同吳市卒荷戈終  
作敬亭人先生寫小照題曰荷戈圖自稱曰宣州老軍白衣會葬哀歌  
發古道于今誼轉親

漢臣折檻諫書存國是當年未可論血杖至今猶  
膽落赭衣終老是君恩賜環望絕心徒苦易簀歌  
成道愈尊荆棘銅駝多少恨孤忠何用更招魂

送黃俞邵再奉 詔入史館

重把離觴話夕曛先朝近事易紛紜神烹以後尤  
多故朝野之間頗異聞慎重傳疑成信史折衷持  
正發高文三長並擅應無忝袞鉞千秋定屬君

鳳凰臺置酒有懷李白

衰草蒼茫雉堞平一杯何處酌秋清村環老圃疎  
籬晚寺對寒山夕雨晴天寶亂來無賦草夜卽遷  
後剩詩名風流寂寞荒原在夜夜啼烏遠鳳城

重遊靈谷

七十二峯  
足徵集

武山  
葉氏合編

卷七  
二十八

石磴憑虛拾級登昔人何代此傳燈導泉世外僧  
經濟伐木山中寺廢興龍虎氣衰空定鼎林泉夢  
稔嬾扶藤悲歌幾處堪頭白一片斜陽是孝陵  
夏日道中書所見

行盡烟墟又鹿場江雲斷處稻雲黃諸峰似髻參  
差出官道如弦宛轉長蟬弄葉風翻古寺犢依柳  
影卧方塘桔槔不信耕夫苦汗滴禾根背夕陽

梅花

孤山回首是耶非剝水殘山可息機疎雨滴簷春

事早軟風吹雪夜香微佳尋有客同移棹僵卧何  
人獨掩扉料得鏤冰還覓句病來詩骨不堪肥  
野夫何不棄儒冠澗曲山阿賦考槃破涕只因憐  
骨立悲歌應已識心酸久拚疎雨荒烟裏長在孤  
舟野水灘冷蘂不隨攀折盡頓令驛使悔征鞍  
兀坐書空意未寧偶來花底註茶經月臨瘦影寒  
相向露挹繁枝素有馨去國帆低春水渡采香人  
悵夕陽亭可憐知己無多在應被時人笑獨醒

自有高懷許陸沉入山何事不能深歌橋水淺垂

七十二峯

武山

葉氏合編

卷四十七

二十九

垂合滑路人稀策策尋茅屋數間時抱膝野雲一  
片自成陰樵歌欲歇衙門閉搖落偏知感素心

### 無題和韻

從他粉黛有三千傾國湏教見始憐容色似花還  
似月夢魂如雨復如煙浴餘小立窺來久粧罷微  
吟喚不前記得並肩私語際星河不動影娟娟  
天上迢迢十二城悞人仙級是梁清來從碧落期  
難準話到銀河妬亦生枕淚有痕羞薄倖髣髴無  
計諱多情夜涼月白天如水猶倚花陰學弄笙

縹緲曾經弱水遊藐姑宛在水中洲也知洞府難  
重到賴是神仙不解愁萬樹落紅溪口渡千山罨  
畫雨中樓低徊莫話驂鸞夕荇葉菱花一片秋

戊申四月奉 旨祭孝陵都人士皆得縱觀

余亦與焉目睹盛典敬賦一章

火德移三統橋山峙一隅風雲空想像日月自馳  
驅異代明禋歇 興王禮數殊禁臣來上苑寶冊  
出天都拜起煩冠劍紛陳用史巫大庖盈簋簋雅  
樂飭笙竽憶昔規模遠安知運會徂守衛熊虎立

七十二峯

武山

葉氏合編

卷四十七

三十

當殿鬼神趨勛置蕭曹從親將魯衛俱朝光浮玉  
雁夜氣識金鳧請隧猶聞晉藏鉤忽去吳燒痕殘  
鳥道艸色隱龜趺月出非原廟春遊半島湖牧兒  
常睥睨野老獨踟躕復見千官集欣聞萬歲呼白  
頭官監在盱眙託靈符

### 芙蓉湖夜泊八韻

木脫鴉如葉香銷月在衾波園七里郭舟聚五方  
音歲月移人事水霜見客心故園千種菊鄉思萬  
家砧道路行逾遠庭闈夢自深親衰尤念子愁至

卽盈襟意氣還如昨頭顱漸不禁翻飛驚宿鳥把  
盞一沉吟

花落

曉來片雨過燕語閒花落君莫訴春風春風不中  
託

竹月

琴音不出林片月來相矚見此竹中人鬚眉盡皆  
綠

月下獨酌

七十二舉  
足徵集

武山  
葉氏合編

卷四十七  
三十一

蟾蜍入深杯蟋蟀共我語清光如佳人孤意誰能  
取

長干行

君家長千里妾住石城邊同鄉不識面底事解留  
連

擬霓裳曲

太平天子獨風流羯鼓親撾御手柔博得阿姨迴  
一笑消他百萬錦纏頭

別有新腔自按圖承恩法部逐番呼分毫拍數休

教悞瞞得花奴怕玉奴

明妃夢回漢宮

莫道春風面未真丹青原不解傳神君王細認妾  
顏色可是當年畫裡人

薛夜來

漢水東流去不迴六宮簫鼓在漳臺袁家新婦思  
何在更勅香車迎夜來

春閨怨

燕子歸來客未還但傳征戍在蕭關空閨亦有封

七十二舉  
足徵集

武山  
葉氏合編

卷四十七  
三十二

侯夢片枕曾行萬里山

栖霞山中

峰峯疑黛綠生煙萬壑松潮捲到天桂冷月遲香  
欲濕一光忽墮艸堂前

高帝斬蛇劍

大澤真人仗轆轤中原尚有橫行無火龍一躍金  
精死直取咸陽作帝都

秋宮詞

蟋蟀鳴時枕簟涼疎簾如水月如霜玉階人杳梧

桐靜恩夢不知誰短長

鷓鴣山乘涼似月上人

石浪山根似古槎已公留客進茶瓜微茫一寸波  
心塔知是吳江數萬家

咏史

佳令何須負弩迎王孫只合荷鋤畔漢家多少憐  
才者不及蛾眉識長卿

歲除有感

燈前笑語愛團圓細雨疎簾夜未闌將母自知慚

七十二  
足徵集

武山  
葉氏合編

卷四十七  
三十三

阿弟高堂溫得錦衾寒

莫釐峰

將軍遺骨此山阿贏得山名永不磨欲覓殘碑無  
一字陣雲爭似墓雲多

花游曲

夕陽明艷萬枝垂露曉風晴總道宜安得夜深人  
去盡看他明月上來時  
野老當年手自栽惹教屐齒破蒼苔不知雨打風  
吹後可有遊人特地來

葉萬年

萬年字聖俞縣諸生以舌耕爲產每有著作多任  
天真不暇選言而出落筆縱橫不復收拾存稿寥  
寥

雨後月

滴破秋山色空明忽改觀床頭如水白猶帶雨光  
寒

自君之出矣

自君之出矣耿耿離愁絆思君如繭絲纏綿不能

七十二  
足徵集

武山  
葉氏合編

卷四十七  
三十四

斷

葉萬里

萬里號素謙博學能識奇字襟度淵如扣無不應  
壯年再試不利遂力于古文辭有震澤諸賦二十  
餘篇爲詞壇所稱求其遺稿杳不可得僅于舊屏  
幃間得詩二首而已

乙未春送人遊下相

震澤冰初泮黃河水未澌蜚鴻看遍野尺羽正交  
馳草暗甘羅宅烟銷項羽祠少年饒意氣四海一

囊詩

題嚴德偉山舟

誰云十乘可移家家在浮鷗水一涯  
泰華峰頭艤片五支機石上訪靈槎  
月明金粟三珠樹窻映芙蓉四照花  
碧眼醉眠書畫舫擬將大瓢扣南華

七十二峰足徵集

武山葉氏合編

卷四十七  
三十五

七十二峰足徵集卷四十八

武峰吳定璋友篁菟錄

湘鄉易祖棧淑南編訂

徐復陽

復陽字見初號心策馬蹟之雁門灣人天資警敏童子時日誦數千言甫搥觚下筆便斬然見頭角攻苦舉業無間寒暑除夕秉燭把酒揮七義萬曆丙午以儒士領鄉薦繼登丙辰進士初任江西建昌府南昌縣知縣調繁豐城縣丁內艱補福建興化府莆田縣報最行取四川道監察御史改南京江西道御史晉太僕寺卿歷任內外清白自矢其助大工助軍餉兩奏有隨事納忠之惓不愧古大臣風節卒年七十有五囊無長物惟遺書八樹悉親手批閱丹黃間錯者

寓攸九月之四日忽報警人心惶惶初六日

訛傳賊渡河居民四竄化離萬狀感而有作授衣月之四或曰寇將至闌市開然譁簣燭弛固志宵旦數復驚鑒往輒謀避偵卒祇望風焦勞獨

七十二峰足徵集

馬蹟山徐氏合編

卷四十八  
一

長吏劄弁少事權烟兵出營一女堞跨可踰攻守  
兩難議六日方晨炊道路競奔馳託言喘風鶴竄  
突禁莫治征逐恐弗前蓬跣拖汗髮牽舟駛並疾  
駢肩隕涕泗紈袴匍匐艱閨變褪粉膩結隊紛烏  
飛崩崖萬蹄躑蹉嗟此成聚區云何患無備內訌膏  
肓深奸宄歲一試乘虛則窺關假靛恒伏負虺蝎  
窟種繁震號亦孔易蹴沓安仁城入縣搜帑積莫  
高熊耳山睨作凌遲地故相債前轅授服多係累  
分汛籌要區荒徼秦越視星沙三湘擴所以豪黠

七十二峯

馬蹟山  
徐氏合編

卷八

萃况年不順成飢鷹爪牙利伺釁而蠢動肘腋盡  
迴魅國朝稱二王藤峽威所暨安得踵厥武殲渠  
勒勒記

### 禽言

行不得哥哥善馬不走溪與河善獵不捺猛獸窩  
行不得哥哥  
提壺盧壺盧提採桑日夕飼蚕飢蚕得食我得衣  
姑惡姑惡大婦侍不周小婦諧復數當食輟哺飯  
匙落

不如歸去濕田種苗旱田種芋旱濕不求人我怨  
辛巳春仲邇流赴楚西梁山阻風  
客裏驅馳日桃花二月天夢回黃綺社愁鎖綠楊  
烟去去湘江曲飛飛燕子前那堪圓魄夜孤枕一  
燈懸

### 贈攸令君賴見虞

翻於百里見君才日月深山曉鏡開吏散午衙喧  
鳥雀堂空秋雨長蒿萊沙隄萬堞輪廓偉烟火孤  
城迫路臺一榻久垂鄉夢疊五湖端欲賦歸來

七十二峯

馬蹟山  
徐氏合編

卷八

介庵晤陳史占韶年翩翩投予詩箋次韻奉

### 酬

移錦雙鳥駐崑崙吾道青山亦一尊開境絕塵開  
淨土逃名此處即桃源丰神冠玉稽中散詩句敲  
金杜審言賴有名茶澆旅渴欲將靈簫叩宗門  
肩輿赴長沙值霍潦湮沒村民或家於舟或  
巢於樹浮槎三十餘里始抵郡郭

肩輿山谷又乘查萬頃平疇捲浪花野釜滿船傷  
露宿酒旗何處覓村家連雲檣影寒朝旭晒日魚

習習晚霞國課點金真寡術上書誰復泣長沙

雨中次驛壁韻

苦晴誰料復祈晴水浸川原萬壑傾逆旅不齊歸  
造化羊腸何處少人行

題寨前灣

春水橋邊春草多曾經旗幟列松坡太平不設防  
湖壘遙聽漁人發棹歌

徐國瑞

國瑞字開先號夢巽同卿同祖弟也七歲而父母

足徵集

馬蹟山  
徐氏合編

卷四八

俱亡依外家錢氏讀書成名崇禎庚午領鄉薦任

安府山陽縣教諭陞湖廣長沙府醴陵縣知縣

值臨藍劇賊寇境上率兵堵截梟其二魁賊遂潰

乘勝搗其巢穴地方獲寧謐又會勦湖南燕子窩

巨寇殺賊六十三名時值指汪公承詔撫軍陳公

睿謨交章特薦銓部紀錄候任滿入覲奉旨將有

才能官負調補殘破因再任北直河間府河間縣

招撫流亡給種勸耕增兵固壘屹然巖邑一載任

滿奏最召對稱旨面擢諫垣不數日而國變遂屏

跡南還病卒年僅四十有九

石友

無用女媧鍊他山自混成美多攻玉質堅有斷金  
聲態豈炎涼變心何寵辱驚礪礪重交誼歲久不

寒盟

雪壓梅

白頭垂萬樹一色和南枝補密花疎霰添肥骨瘦  
時香禁風不度影凍月偏奇寄語隴頭客休嫌信

到遲

足徵集

馬蹟山  
徐氏合編

卷四八

客夜

自是不能寐非關戍柝驚江夢思易結池草夢難  
成骨鯁千秋鐵心清一片冰漸看窓漏月衾枕湛

虛明

雨夜

何關蕭索雨偏是擾心頭砌豔紅將洗庭芳翠欲  
流驚回千里夢滴碎五更愁衾枕應憐我淒涼脉

似秋

漁家

生計全憑一葉舟，烟波隨處任遨遊。眼前富貴皆春夢，物外興亡付野鷗。蘭漿蕩開湘水碧，金鈎釣破楚江秋。晚來醉擁蓑衣卧，明月蘆花古渡頭。

江上

丹楓葉落時，片片飛秋色。對景倍傷情，孤舟江上客。

徐震陽

震陽字慎初，號午義，亦同卿之同祖弟。潔身脩行，高尚其志。生平以硯田爲業，年逾古稀，嗜學不厭。

七十二峯  
足徵集

馬蹟山  
徐氏合編

卷四十八  
六

所著有破閒草閒餘集、村塾吟、續脩馬蹟山志。

促織吟

夢醒枕頭欹，月穿窗眼直。萬籟涵秋清，新商破暝寂。披衣聆遠音，似學天孫織。梭戀漢宮絲，機支楚原石。吳綾展寒素，湘紋迴秋碧。一縷繫年華，寸陰不虛擲。雖無補世功，似於懶嬾益。

贈陳竹溪

先生卜居溪之北，種得綠陰都是竹。千竿晴雨洒琴臺，六月涼風逼書屋。有時携簟蔭中眠，有時展

易林下讀浩然，清氣滿乾坤。覺我心胸絕塵俗，我亦鍾情愛此君。爲君堅有歲寒心，歲寒不改冰霜節。箕踞何妨日日親，嘯歌晨夕渾不厭。對竹如對先生面，青青五尺截爲筇。春雷驚見飛蒼龍，須臾吸盡溪之水，化作甘霖沛太空。

新霽登石崖

晴崖開壁石，攀躡上高頭。蘚滑時驚步，躋窮自豁眸。影花初見蝶，聲樹不聞鳩。空翠從天濺，霏霏滿敝裘。

七十二峯  
足徵集

馬蹟山  
徐氏合編

卷四十八  
七

登南臺山

直上最高處，飄飄逸興清。不辭數里遠，隨步五雲輕。擊石苔錢碎，敲松鶴夢驚。臨風發長嘯，空谷和餘聲。

贈吳彥卿借劍之洛陽

餞無杯酒壯南征，礪有霜鋒耀斗明。敬把似君投上國，慎須留意過延平。萬重雲樹迷秦路，百折關河遠漢城。聞道主人能重客，莫將閒處偶彈聲。

望軍峰山

在南豐縣外四十里，號江西絕頂。秦漢時有軍屯，此因以名山。

峯律奇山疊萬重翠盤雲髻挽螺峰勢凌玉宇分  
天碧影嵌熹明破日紅飛瀑落巖驚虎嘯怪松懸  
壁擬騰龍有時絕頂觀碑銘秦漢功名在眼中

醴陵即事

城內有李靖祠  
城外有紅拂墓

虹橋飛空橫淦江城分南北通周行衛公祠食萬  
年血紅拂墓流千載芳夜絕燐燐冷花縣晝酣鶴  
夢閒琴堂喜有群黎歌五袴何愁一令曰無裳

贈茅庵幻覺上人

山不半畝秀且靈結庵斗樣通虛明數株老樹有

七十二峯

馬蹟山  
徐氏合編

卷四十八

奇趣一個衲僧無俗情潭躍魚龍驚洗鉢座環猿  
鶴聽談經夜深月到伴孤影天鑑照徹禪心清

畫意

數竿修竹環茅屋一水清流瀉鳴玉寂寂閒庭人  
不來飛花點破苔痕綠

春曉

風送飛輪下碧空東窓日影燭紗紅寄言啼鳥休  
驚覺故國湖山在夢中

徐騰暉

騰暉字宣仲號禹度同卿次子性孝友九歲喪母  
躄踊幾絕父有疾衣不解帶焚香籲天願以身代  
事兩繼母人無間言順治乙酉舉於鄉壬辰成進  
士任江西贛州福建福州二府推官宅裏慈愛屏  
絕苞苴培植人才教養兼至士民德之

感懷

西望無青雀東歸有玄鶴莫言物是人民非可道  
今朝已殊昨吾生長與白雲俱一片閒心在寥廓

登官長峯絕頂

七十二峯

馬蹟山  
徐氏合編

卷四十八

避世入深山危巒次第攀雲移天自靜花落鳥俱  
閒古木巢青狖流泉偃玉環坐深忘日永落照映  
人還

月夜入棲雲庵

不到最幽處安知別有天竹光延步屨星影浸寒  
泉寺好夜逾靜僧閒雲共眠塵緣了無極於此欲  
逃禪

徐騰暉

騰暉字升如號笠澤郡諸生崇尚氣節士林推重

運遭陽九遂絕意功名息影著述嘗泛舟太湖按  
週湖之地勢察山體之順逆作七十二峰記以補  
王文恪陳椒峯說之所未脩有紺珠堂文集三十  
卷易簣時命子孫悉以殉葬以示身隱焉文之意

魏培遠齋中賞梅有贈

一枝梅綻小春遲數點含英玉乳垂人過斷橋冰  
乍合客來花塢雪初吹香飄曲徑偎紅袖影入瑤  
軒倚綠庖素質亭亭何所似館娃新進越西施

徐騰照

七十二峯

馬蹟山  
徐氏合編

卷四十八  
十

騰照字天鏡號蔚園諫垣國瑞之遺腹子生當多  
難孤苦伶仃而能食貧嚮學以繼書香壯年遊歷  
四方落落寡合退老山中硯田自給其教人先品  
行而後辭章抗顏直道一鄉稱嚴師焉所著有天  
都剩稿楚遊草暮蟬吟

登石鐘山

在湖口縣

誰將一塊石鏤出玲瓏狀上為隼鵠巢下作蛟螭  
藏扣之以瓦礫其聲頗雄壯我來躡其巔四顧心  
目暢湖水走急湍江風掀巨浪奔赴會石下風水

互相盪激撞無時休磨礱日月曠緬維大造逸意  
外得巧匠中虛則能應勢高聲自旺

睢陽弔南將軍霽雲

睢陽錄奇節張許史班班誰識南將軍義勇不可  
攀百戰背城廓誓欲保河山突圍乞援兵陳辭泪  
潺湲羈留意微露指落華筵間丈夫既許國焉肯  
作轉環翻身入危邑庶幾共險艱城陷姑就縛蓄  
志非覲顏南八呼一聲赴義同安閒

咏史之一

七十二峯

馬蹟山  
徐氏合編

卷四十八  
十一

五代秦苻登為姚萇所襲毛后率親兵數  
十騎力戰馬蹶被執萇欲納之后大罵曰  
姚萇汝已弑天子又敢辱皇后耶皇天后  
土豈能容汝遂被害

南北遭喪亂夫婦不相保壯哉秦皇后從君事征  
討艷質勇絕倫俠氣貫蒼昊夜半遭掩襲四顧賊  
兵遶躍馬自衝突殺人如刈草血戰不知疲刃缺  
壺矢少衆寡勢不敵馬蹶人亦倒向賊陳大義賊  
意繆為好怒罵蹈白刃完節庶獲考

送汪聖游余宸玉旋里

送君瀨江頭天寒淡日色枯蓼鳴悲風片帆漾江  
側僮僕喧解維舟子悵日昃相看重徘徊握手止  
頃刻別離不足道感憤在通窅去去復何言願君  
各努力

五憶歌

有母有母痛倚閭三秋不見平安書數盡征鴻雲  
外字望來歸梓里中兒嚙殘柔指若為知嗚呼一  
歌兮歌勤劬生兒豚豕愧林烏

七十二峯  
足徵集

馬蹟山  
徐氏合編

卷四十八  
十二

有姊有姊隔千里病骨支離資藥餌思親有夢及  
黃泉憶弟無眠憑素几半百年華看屈指嗚呼再  
歌兮歌命否雁行零落都衰矣

有妻有妻甘糟糠脫簪解珥佐行囊砧杵夜敲空  
盡力輓轡曉汲幾迴腸離人何事滯他鄉嗚呼三  
歌兮歌淒涼悔不備春並孟光

有子有子免椎魯臨行送我江之滸大兒牽袖問  
歸期小兒脫手連呼父瞻望歸帆淚如雨嗚呼四  
歌兮歌轉苦歲暮風寒休陟岵

有女有女雙明珠婉婉深閨習母儀繡拆天吳聊  
禦凍烟寒夜燮不言飢弟兄姊妹相提携嗚呼五  
歌兮歌聲淒不如梁燕哺諸雛

題徐寶堂畫贈蔣山人

蔣子一生愛泉石名手丹青滿四壁中懸徐君山  
水圖依稀王宰留真跡徐君仕宦多潦倒胸中硯  
礪借筆掃孤城隱約隔巉巖輕舟容與向浩渺五  
斗之粟值幾何不如歸去樂盤邁寫示蔣子見大  
意一邱一壑無風波

七十二峯  
足徵集

馬蹟山  
徐氏合編

卷四十八  
十三

對月

冬夜月初圓清輝照不眠疎更人欲靜虛閣影相  
憐淚逐啼蜚咽心隨去雁懸淹留綠底事搔首向  
霜天

寒蜚

在野豈不適秋風日漸清來依簷下宿頗識客中  
情啾唧煩相戒淒涼自暗驚寒衣曾未整莫便遶  
牀鳴

五丈原

五丈原頭隕大星三軍飲泣捲旄旌鞠躬盡瘁無  
明日報國輸忠有再生返旆尚能寒賊膽遺箋何  
不動君情可憐父子捐軀後一面降旗颺錦城

宋玉井

菊已荒蕪宅已更惟餘井幹記芳名瑩瑩白雪傳  
孤介泔泔寒泉映獨清雲雨至今迷楚岫才華自  
昔冠方城招魂人往誰同調空望湘流遡屈平

玉簪花

蓮褪紅衣桂未黃瓊英幾箭簇東墻心空早識靈

七十二峯

馬蹟山  
徐氏合編

卷四  
十四

犀透蒂削爭憐素領長卞璞雖良應遜潔馮釵縱  
好却輸香金風莫便輕摧折好薦秋閨襯曉妝

金沙懷古

峭壁懸崖曲徑通平沙漠漠水溶溶唱籌事往灘  
痕滅牧馬人歸石室空運去赤心徒死諫時來烏  
喙轉成功龍爭虎鬪今安在羨煞漁舟一葉風

老郎廟

漢口梨園會館中塑袁冕  
少年相傳是唐莊宗像

但有歌童拜冕旒曾無黎庶祀春秋如何血戰為  
天子只與梨園作教頭

夜聞絡緯

枕簟初涼夢欲成草間忽作弄機聲荒村杼軸空  
來久虛把無衣婦子驚

徐兆鼎

兆鼎字晉九號陟庵騰暉之子少無俗韻折節讀  
書爲文章好議論而証據經傳子史根柢磐深有  
陸宣公蘓文忠兩家氣脉士林稱之乃數奇不偶  
明經終老

竹塢灣懷古

七十二峯

馬蹟山  
徐氏合編

卷四  
十五

水天豁雙眸空碧凝霞彩一望洞庭山頓覺心磊  
磊誰惜青松老自笑朱顏改仙家有靈藥芝草瑤  
光璨嘆之可長生我欲從茲采

蘋蘩薦古墓披拂傷秋草青天北雁鳴黃葉西風  
掃悲歌行路難過客意潦倒遙見漁犢家半在蘆  
花渚忽生眼前恨烟景空幽討

祥符大中堂同湘兩禪師劇談次韻

震澤潏潏襟三江一峰矗矗峙中央小靈山名傳  
盛唐巍巍梵宇雲深藏千年大地幾滄桑虬松百

樹猶滿岡中有高人棲芸房珠璣滿腹吞瀟湘  
凝蘂龍結道裝棒喝元要誰低昂悟徹燃燈濟宗  
昌我畏世道同羊腸汎艇尋幽詣上方君欣遲我  
碧蕉窓煮茗論文忘晝長我談孔孟空栖皇君談  
佛祖真清涼出世入世雖岐鄉儒心禪性兩何妨  
願優聖域遍黔蒼風謾謾兮鳴脩篁雨瀟瀟兮向  
虛堂漫言用舍與行藏愴懷今古還惶惶倦携瓦  
枕愁絕牀邯鄲幻景正濃嘗爲報黃梁飯已香嗚  
呼安得黃梁飯盡香

七十二峯  
足徵集

馬蹟山  
徐氏合編

卷四十八  
十六

秋山即事

數聲山寺暮鐘催掠陣寒雅帶日回落葉一庭閒  
不掃灌花三徑獨歸來山高似覺秋雲近野澗能  
令望眼開逸興飄飄正無際恰逢鄰叟喚啣杯

石塘喧渡

蒹葭灘上布帆收返照爭歸估客舟人自匆忙儂  
自暇柴門近在小山頭

徐兆貞

兆貞字位乳號鹿泉騰暉次子苦志力學爲諸生

食餼當貢而卒

六一泉

歐陽文忠公自號六一居士蘇子瞻通判  
杭州別公而南公曰西湖僧慧勤甚長于  
文予昔爲山中曲三章贈之子閒於民事  
求人於湖山而不得則往從勤平踰六年  
公薨又十八年子瞻守杭州則勤亦逝矣  
其弟二仲畫六一公像與勤像祀之孤山  
之南有泉出講堂下子瞻因思公之意名  
之曰六一并銘之云

七十二峯  
足徵集

馬蹟山  
徐氏合編

卷四十八  
一七

泉名何所自憶本自廬陵居士清猶在孤山老未  
曾糝糊銘石字寂寞講堂燈誰共談遺事涓涓瀉  
碧澄

飲五柳居

倦遊謀小憩沽酒坐高樓山意迎窓靜波光入座  
浮似從黃鶴飲不減洞庭秋何處來孤笛憑闌更  
少留

梅花

栽花人在古初時老植根株勁植枝浩氣與天爭  
闔闔淡懷觀物薄騰脂曉寒霜刻山翁屢夜靜香  
生靈士詩我欲寫真問同調松雲竹月兩相宜  
孤根自喜托江村樵笠漁簑可共論淺水一溪浮  
鶴夢寒烟半嶺帶霜痕佛容我靜參清影天許山  
空托異根歲歲花開甘冷落不知何地有春溫

湖心亭

四面波光作水城坐來心地自空明何須更到蓬  
瀛上始信人間有太清

七十二峯

馬蹟山  
徐氏合編

卷四十八

徐兆衡

兆衡字起莘騰暉少子攻制舉之文而心希往話  
能肆力於古文辭著作之富倍於父兄惜遺稿散  
佚令人有莫窺全豹之憾

擬古

灼灼園中花青青溪畔柳觀物心感傷離別一何  
久家本江南居長向燕京走知有相見期顏色恐  
非舊

獨坐黃昏時銀燈忽垂蕊雖然不足憑對之頗自

喜曉起上妝樓遠望徒從倚下簾復捲簾雙雙來  
燕子

偶興

苔澗通荷芰茅簷俯薜蘿地幽塵跡少林靜鳥聲  
多看劍思雄畧調絃養太和倦來橫石枕憑夢入  
南柯

晚望

落日影依依荒亭獨倚時天高秋峽迥江遠暮帆  
遲驛馬尋歸道林鴉返故枝誰家橫笛起哀韻滿

七十二峯

馬蹟山  
徐氏合編

卷四十八

離思

徐佩

佩字玉川復陽之從弟縣諸生

逐鹿吟

予憶十年前山中本無鹿估客先致之吾輩復相  
續飛章聚父老約法不許戮孽息曾幾時生長遂  
蕃育散蒙不知數時見百為族呦呦出林杪蹄跡  
滿山谷始猶居深林今乃游平陸始猶食山穀今  
乃啖田粟髡我春前韭剗我秋後菊災每及二麥

害竟徧百穀八堡廿三灣靡不被其毒如此義當  
殺止為法拘束合山繫長繩分畦插密竹稍可免  
闌入庶幾無噬齧豈知久慣汝依然恣相扑白日  
不避人決藩往而復時見鄉農詈或聞寡婦哭嚮  
者為此舉聊以媚林麓譬如芳草中點綴獮與犢  
疇知害至此桑梓歛怨譴法窮會有變曷禁人起  
逐一呼集援鋤衆憤力自勑犄角共踣之寢皮食  
其肉怙恩而肆惡禍實汝自速為作逐鹿吟敢告

虎狼族

七十二舉  
足徵集

馬蹟山  
徐氏合編

卷四六  
二十一

有感

牀頭一日盡黃金把臂誰能更入林養虎養鷹人  
自術呼牛呼馬我何心文章還向窮愁作詩句休  
從放浪吟尺五去天真不遠浮雲容易散還陰

寒夜偶感

坐成老大髮看絲倚劒揚鞭未有期才盡不堪鶚  
鵠賦情深却有鳳凰詩正平睥睨覬華鬣太白猖  
狂捉月時失意所為無不可風流千載動人思

十六夜文課後作

黃昏細雨薄涼天風起雲消月尚圓乘興豪吟秋  
落紙不須斗酒思如泉

徐承中

承中字伯傳號默所博學工文尤通左氏春秋熊  
芝岡督學南畿首拔以冠多士父為仇家所扼鬱  
鬱以死迺積數年之心力以報復之人稱其孝

孟素吾過文度齋頭出新醅小飲論詩別後  
却寄

小夫規規不足齒貴耳賤目昔然矣吾徒才具雖

七十二舉  
足徵集

馬蹟山  
徐氏合編

卷四六  
二十一

不多高致深情各有以時乎毛穎走龍蛇陣馬風  
檣倏千里時乎手腕生斧斤墨守般攻幾九死前  
無往古後無今初盛中晚置不理喜吾孟子忽相  
過傾我詩囊讀不已中間更賞觀蓮章難兄難弟  
雙玉倚因憶君家兩詩翁拔俗出塵揆一同北面  
王韓隸餘子太湖之風今稱雄乃知持論自衣鉢  
小溟低嶽敢如此嶽崎歷落老徐生不虞衆否惟  
一唯

過祥符寺

時庚子弟字兒  
筆讀書其中

為愛觀書處無如此地偏披懷來梵月濯足在山  
泉若解風旛動方知衣鉢傳寄言諸子弟得力是  
棲禪

陳企漁過訪留宿南園書屋見月賦

平生寡知己今夕共君看一屋夜光滿半牀春影  
寒雨餘衣自潤望後扇還圓珍重如娥意鈞簾坐  
夜闌

十五夜觀照田蠶

照田火把簇如星口祝灤灤開夜聲水渚隨風連

七十二峯

馬蹟山  
徐氏合編

卷四十八  
二十二

復斷山灣帶月往還行不教野燒疑庭燎但許年  
華卜歲成此景此年惟此夜已看五十一回明

花朝喜晴

還我青天舊月明百花今日是生辰連宵風雨欣  
消歇領取千金一刻春

徐庾體

庾體字文度承中胞弟髫年失怙能受兄教遜志  
於學亦為督學熊芝岡識拔名噪一時

同兄承中湖上觀蓮和韻

年年此日說風光蓮葯誰拋種下塘擁出素波皆  
越女傳來朱粉盡張郎雖無菱唱歌汀泚恰有蘭  
舟繫石梁濯水不留塵土面走盤常帶露華香已  
揅笑臉供時眼頓惹芳魂入醉鄉撒燭送歸疑未  
得貼金移步轉難忘欲期翠帳同清夢明月光中  
候晚粧

徐臨

臨宇無疆庾體長子上事老母下撫諸弟克盡孝  
友昂華後隱居教授終身不入城郭

七十二峯

馬蹟山  
徐氏合編

卷四十八  
二十三

夜起

一番雨過一番涼月白星稀迥夜光閱世何當吟  
抱膝引人聊復醉為鄉雄如魏武堪橫槊豪比元  
龍不卧牀自舞自歌還自笑東方白處是扶桑

秋山

遠山如沐有餘清遙對虛堂爽氣生為上平岡一  
騁望最高高處有人行

秋夜

嫩涼時候一燈親無賴燈花別又新莫聽擣衣生

別想眼前都是獨眠人

徐龍乾

龍乾字天臣佩之孫

秋風

顛倒弄柔翰  
詼諧寄酒杯  
秋風不識意  
吹送萬端來

湖中懷古

不說挫衄者  
但看功成人  
其中不必問  
春草又翻新

新

七十二峯  
足徵集

馬蹟山  
徐氏合編

卷四十八  
二十四

題畫

疎籬曲徑屋茅遮  
樹遶荒村水護沙  
也有小橋通世畛  
阿誰能到野人家

徐又彬

又彬字仲玉檀溪灣人  
少有文名  
鼎革後絕意進取  
心室一切疾革時置酒召親友曰  
今日與諸君永訣  
俱痛飲為我歌以祖道  
又戒妻杭氏曰勿哭泣  
以亂我心揮手而逝

棲雲庵

雲鎖禪關烟鎖樓  
松陰山靄兩悠悠  
梵天不語塵到落  
翠風光千古留

庵中有落翠軒

徐兆龍

兆龍字起田號艾洲國瑞之孫  
天資明敏強記博聞  
品行端方歷試不獲一售  
遂絕意進取殫心著述  
續修馬蹟山志余輯七十二峯文獻賴其蒐羅  
卒年六十有八家無長物惟書史數篋子洪名讀書自好能世其家學云

春夜自西村踏月返舍

七十二峯  
足徵集

馬蹟山  
徐氏合編

卷四十八  
二十五

獨客歸來晚  
千山月正明  
湖靄天外落  
夜色嶺頭迎  
醉影歆虛白  
沉懷玩太清  
行行成五字  
衡宇入詩情

秋興

數椽卜築在深山  
鹿豕同遊泉石間  
冷暖久經叅造化  
風波歷盡識機關  
頻年客況蕭條色  
故里人驚憔悴顏  
賦命自知得秋氣  
頭顱未白髮先斑

七十二峰足徵集卷四十九

武峰吳定璋友篁

蒐錄

漁洋華朱鵬振飛編訂

蔣璇

璇字璣孟號愚齋洞庭山人

游孤園寺得木字

勝遊入招提清爽敵煩燠醉舞影翻堦高歌殺應  
谷古苔無纖埃衰蓮有餘馥坐久不歸去殘陽鳥  
栖木

七十二峰足徵集

西山蔣氏合編

卷四十九

蔣秀

秀字定湖

題屠二峰畫卷

疊嶂層巒聳碧霄莫矐縹緲闔岩堯眼中自覺三  
山小筆底寧知五岳高萬頃烟波詩思濶一天風  
月酒懷豪幽人採藥時來往探盡靈竒却忘勞

蔣之紱

之紱字赤臣孝廉

淮汎廣陵

水店晨光動殘燈帶露挑草淒塘岸濕日出海雲  
高浪沸張鈴閣盤虛薦吐毛石尤無我瑞為湖廣  
陵濤

鄭超宗招宴影園觀燈船同集者南粵黎美

周江右康小范萬茂先漂陽陳百史海鹽徐

巢友新安陳穆倩梁飲光宗開先如臯冒辟

疆諸子

落梅雨霽過橫塘密樹垂垂水氣涼盡舫炤天燒  
綺燭玉簫吹月度清商西園製字傳鸚鵡東道投

七十二峰足徵集

西山蔣氏合編

卷四十九

輪慰驕驕昔謂平原驪十日今同四海集津梁

蔣尚義

尚義字子方所著有包山社稿十卷

早春行

古澗雲初消瓶冰忽焉泮東風吹郊原柳條綠將  
半佳人坐樓頭黯然生感嘆願身化柳花飛至良  
人畔只恐隨飄風中途委憂患

擬君子行

小人行險易君子固窮難人生有定分何必常吁

歎所以古志士不辭飢與寒苦節首夷齊樂道稱  
孔顏後有龔勝輩高潔豈徒然丈夫貴立德所重  
非衣冠

過俞石澗先生墨池

先生誕大宋仙去歲已久遺宅沒荆榛方池漾蚪  
蚪勺水餘墨香何異千日酒舉手一酌之浣我中  
腸垢間有黑蛟潛風雨時翹首憶昔註周易光華  
映山斗今來動遐思似執伊人手

摘香庵初集

七十二卷

西山  
蔣氏合編

卷四十九

大雅慨蕪廢吾山更沉淪文字久寂寂吟咏竟何  
人豈意白蓮社乃舉梅花春遠公為首倡善誘能  
循循宗雷復誰繼所望在同群願言各努力千載  
貽令名

銷夏灣採菱歌

太湖秋至波光綠消夏灣前山更曲駕鸞幾對戲  
沙汀白蘋斷處芙蓉續短槳輕橈共採菱凌波來  
往驚鳬浴迎風蕩漾笑歌還明月映儂顏似玉  
蔡世及初冬見過訂遊石公

忽枉高朋駕清風四座生菊開三徑晚雲散一峰  
晴騷雅期君繼踈慵任我成石公奇秀處登覽愜  
幽情

春夜龍山坐雨有懷岑公

獨對琴書夕離愁未得刪潯鼓寒震澤花氣暖龍  
山一室孤燈靜千家細雨閒浮杯如過我共汎綠  
楊灣

五湖釣艇

浮宅風塵外高歌漫扣舷孤踪小笠澤生計老雲  
足徵集

西山  
蔣氏合編

卷四十九

烟帆掛春風細綸垂夜月圓遙知名利客夢不到  
鷗邊

秋鶯

蕭瑟林泉裡秋鶯尚有聲過時候未澁坐老羽偏  
明百轉寒蟬和孤飛塞雁迎好音成獨賞靜聽疑  
緜笙

秋杪酬松陵王咸平先生

曾約探梅過林屋君不至忽秋深橘香寒樹霜  
三徑雁叫空山月一林卷拙自甘棲小築懷才君

喜著高吟年華已逝愁遲暮願結襟期論素心

坐梅下

昨夜春風至梅花遍翠微坐深啼鳥寂香霧欲沾衣

過陸二雲墓

佳城喜近卧龍松古木清泉護幾重俠骨已埋名  
勝地吟魂常在白雲峰

知君遺篋有鴻篇筆染烟霞骨可仙形質偶然隨  
物化才名千古世爭傳

七十二峯  
足徵集

西山  
蔣氏合編

卷四九  
五

蔣、槃

槃字亦宣後學人聯諸生

公餞悟入游廣陵

二月八日風色寒柳條嫩綠催征鞍杜陵空囊久  
羞澁無能治臚傾交歡東陽隴西皆妙士一友西  
河取更端合錢付庖本真率菜羹可芼枯魚乾十  
千盡買春醅綠何須玉筯羅金槃中天皎皎出片  
月夜深光墮浮闌干促坐呼燈話縷縷有客有旅  
我亦主獻客酬旅各一人獨恠主人偏得五共憐

十載困蓬窻陳言枉自談今古男兒一旦出門交

有功何必栖栖六尺懷鄉土良相良醫所願同周  
時濟世心皆苦和溥春色滿烟花廣陵濤殺雜風  
雨濤殺春色足逢迎青樓載酒看歌舞舟車南北  
此樞機茫茫人海誰能數訪道尋師豈乏人知好  
真龍無畫虎今宵擊鉢送君行一半秦殺半楚殺  
未愁去後關河遠恒惜春來離別輕惜別君當盡  
酒卮獨携肘後素書奇丹砂一粒蕃釐觀會見瓊  
華發滿枝

七十二峯  
足徵集

西山  
蔣氏合編

卷四九  
六

丁巳春日雨中訪秦存古

細雨濕初春燈花剪故人九年遲杖履一夕慰風  
塵冰雪文心淨魚蔬客具真天涯聞戰伐相對幸  
忘貧

存古和包山倡和詩復次一首兼求作序

久知心隱即山深近市無囂墨作林顧我一鳴空  
北野讀君四韵等南金烟霞此地能容席富貴何  
人肯枉尋惟有乞靈元晏筆引吭猶似候虫吟  
和存古次孫孟嘉寄懷同公韵

何人高節似所君蘭自移根谷自芬桑柘周旋懷  
舊雨友朋疎濶念停雲詩來蓮社期相和肅在蘓  
門忍獨聞湖渺山空留待久莫憑書札羨云云

次前韵贈同公

漫拉王猷過此君還從蓮社挹清芬新詩味雋同  
官酒老屋涼多陰法雲莫問食功猶食志試看何  
見亦何聞香燈且結空山社一證菩提意所云

題菊

獨向西風占冷香空山行跡野人裝白雲伴我心

補山

補山合編

卷四九

同野紅樹輸君骨未蒼酒泛重陽惟有醉松留三  
徑不曾荒品題終是風塵相甲子陶家月令黃

贈沈文長別

百尺樓高此置身天風浩浩四無隣尋君綠樹黃  
鸝候醒我青鞋白髮人往事十年魂夢冷佳言一  
夕性情真祇憐花帶將離色欲挽驪駒送酒頻

夏日同鄭理齋蔡貞遐過舍上人枕流居

欲識幽居共客過黃茆一把蓋頭多上人自得臨  
流趣孺子何知濯足歌鉢供春香分綠鰲窓窺寒

玉走青螺煩君更取茶銚試醒我愁魂細細哦

坐梅花下

萬樹春無色三更月亦香苔榻分片席晴雪下荷  
裳

山中雜咏之二

攜筐日暮采茶還老稚人人不愛閒十指辛勤纔  
一飽外鄉風味重鴉山

桑芽初綠子蚕新看到絲成倍苦辛阿母莫嫌雙

鬢亂鳳釵正月典條銀

補山

補山合編

卷四九

蔣湛

湛字澄懷

花朝雪懷友

梅發覺山春韶年物候新寧知沙海雪猶逼艷陽  
辰入戶明歌席穿帷妬舞人梁園有羈客賦就已  
無倫

蔣瑛

瑛字懋旃一字文河廩膳生康熙甲午拔貢未及  
銓選而卒有燕程紀游詩一卷今所存者廣陵咏

古數首而已

董井

江都曾設董公惟井甃依然似昔時汲古無人引  
修綆只餘碧艸鎖空祠

隋堤

蘭橈繡柱接金隄能使君王望裡迷今日綠楊婀娜地一川烟艸杜鵑啼

竹西亭

不聞歌吹遏行雲祇有招提傍水濱客子停驂頻

七十一

西山  
蔣氏合編

卷四十九

張望詩中猶記杜司勳

康山

平生仗義歷多艱放誕行蹤孰可攀一曲琵琶二  
百載尚留餘韻在康山

蔣琦

琦字良玉號鶴山文河之弟精篆刻著有鶴山詩  
集

題王漁庄聽泉圖

同為山中人同作京華客齷齪塞兩耳欲洗無所

適美君何昂藏顧我何偏仄忽然見此卷靈境動  
心魄百尺垂天紳神釜破山碧風雲自卷舒珠璣  
共拋擲宛聞子晉笙轂繞靈威宅萬里長相携那  
覺苦行役一日看百回饋沐不忍釋他年許相從  
偕漱此中石

蔣應昌

應期字季昌武山人與葛震甫鄒舜五為友詩派  
亦相似

桃源

七十一

西山  
蔣氏合編

卷四十九

歷徧山川裡淳風此獨存熙遊黃髮者種作白雲  
村靈洞藏烟火桃花付子孫一隅天地外流水淨  
松門

橫山尋謝去非不遇

碧嶼浮波小藏名自一邱井烟通渚花氣煖漁  
舟君在此中住春來何處游貢湖殘焰濶寂寂下  
簾鉤

牡丹

艷倚紅闌不忍親恐他多看也生嗔春風面上三

凌諍臣

諍臣字諤卿西洞庭舟里人與陸二雲同岑上人  
輩結詩社有集二卷

古意

少年不自惜忽忽成衰老一別幾何時相思各枯  
槁莫恨歸來遲祇傷頭白早灼灼東園花顏色殊  
鮮好日暮秋風生嚴霜悲弱草珍重寄雙魚願言  
永相保

采菱曲

七十二峯

西山  
凌氏合編

卷四十九  
十一

湖上誰家女羅襦靚端飾搖漾綠波中花葉淨如  
拭弱蔓牽難定纖腕嬌無力采采悵然思葉開見  
顏色見顏色日易昃菱歌唱徹情何極

春日漫興

三分春去二行樂刻值千所以飲達旦秉燭豈徒  
然落日靜遠水新月明半天曲響雲欲留興高醉  
忘眠竹林稱放達寧讓彼獨賢

題岳陽樓圖

南洞庭兮西洞庭巴陵林屋留圖經吳楚相去數

千里往來地穴通仙靈煥發山川壯樓觀出納日  
月混渤溟晴沙雁落雲漠漠幽岩猿嘯烟冥冥恍  
然坐我酒香石醉澆秋色長不醒滂湃洪深氣呼  
吸風號老樹妖螭泣高浪飽帆劈箭來長年大叫  
篙師急歷險驚危勢宛然丹青運思窮毫汁巫峽  
瀟湘一覽開倚闌獨對君山立

同陸二雲登綉石遠眺

石在衡門山嶺  
下二雲所題

幽壑翠疊長烟封品題奇拔誠豪雄春風重躡拜  
石丈曠然遐覽開群蒙五湖百瀆來指掌三山二

七十二峯

西山  
凌氏合編

卷四十九  
十二

雷西自東錦雲石炙漏花纈鬼斧穿鑿何玲瓏光  
恠忽垂虹萬丈秀發恍突金芙蓉青霄輕揚亂沙  
鳥夕陽隱現浮漁量眼前景物倏變幻絲丹縷碧  
難為容我欲煩君寫生繪畫通神妙詩尤工不惜  
床頭酒百斛醉卧嶙峋睨遠空

登涵塢三元閣聽泉

香閣跨飛泉松闕闕暝烟響添千澗雨影落一燈  
禪激石傳清楚臨流斷俗緣興當山水會高寄白  
雲邊

夏日過藕服御山齋聽琴

長日情慮淡聽君彈素琴宮商間清越山水忽高深不盡瀟湘意而多太古音涼颼隨指發爽氣颯開襟

秋日寄懷同岑和尚二首

醉憶分花社相携臥竹關情懸雙樹月夢隔萬重山黃葉隨詩瘦白雲同意閒古藤枝下別三度雁看還

開社橋名庵匡床塵夜談萬株梅照屋一片月澄

七十二峯

西山

凌氏合編

卷四九

十三

潭詩夢秋頻做禪機晚欲叅旋携方竹杖重過翠

微南

彭城清明有懷蘇服卿

江河遙遠隔吳雲風雨彭城歎索群客路二千經兩月春光九十剩三分忽驚楊柳愁中節却憶梅花話別君獨坐黃昏怕憔悴正燒高燭檢雄文

泗歸述懷燕別元長

縹緲湖山入望賒身憑孤劍逐星槎誰知毛檄非干祿却笑秦惟不顧家驛路春風搖柳色馬蹄殘

雪襯梅花相達又向天涯去老大生憎鬢有華

雨後登虎邱

乘興獨來無一事入山端試第三泉塵襟雨滌方離垢仙磴雲扶直上天池躍龍光長射月峰留虎跡不知年禪心默印生公石歇聽笙歌亂夕烟

茸城秋感

漠漠輕陰暗戍樓一聲畫角動邊愁吳天雲去九峰出瀚海潮來萬派流禾黍野田空風雀金刀南國困貔貅請纓賸有終童志不禁芙蓉笑白頭

七十二峯

西山

凌氏合編

卷四九

十四

次蔣亦宣弔張賓樵故廬元韻

碧山久蛻訪劉根老屋蘿牽石柱門春柳風前思幾度梅花月到引吟魂胎禽華表呼仙客旅轍中庭續稻稊題刻偃波真蹟在學書弟子拭啼痕

贈陳世掌兼謝為鑄圖章

欲執難成一莖名知君才慧自天生尊前風雨隨詩至筆下烟雲帶艸行白石便宜親雅製青山從此佩珠榮衰遲莫嘆馮唐老畫地通侯印易成

月影梅花二首和友人韻

金波流地乍分身縞帶臨風下美人發墨圖中留  
想像返魂香裡識精神廣平賦可酬仙韵林逋詩  
誰步後塵疎影漸移侵石榻扶他清夢入高真  
香流雪液玉分身疑是當年醉裡人須識廣寒開  
畫譜浪傳藻荇入詩神雙清合作同床夢孤影難  
分隔世塵也惜龍鍾金玉照為添鶴髮亦留真

遊登盡溪

十里陰森古木遮村流曲曲抱人家片雲橫斷千  
山竹一水平分兩岬花樹裡酒香通下箸蘆頭漁  
足徵集  
凌氏合編  
卷四九  
十五  
網出三叉浣紗石上人如玉錯認前溪是若耶

山居志感

飽則行歌飢采芝風安耕鑿葛天遺花村大吠千  
家月秋水鷗閒一釣絲雲物屢移迷漢代人烟忽  
異避秦時偶然石上逢樵奕着眼頻看幻劫基

廣陵夜泊

秋江水尾暮潮頭南望青青北固愁擁棹聽歌何  
處好竹西燈火舊迷樓

邗關曉發

戟髯落落媿奇男纓請無成志豈甘舊路不教闕  
吏見却乘殘月下江南

凌啟蒙

啟蒙字聖功諤卿之孫少嗜學問作詩不名一家  
務闢清新嘗咏雁字句云此外空言何所托個中  
秋思屬誰多水仙句云洛川賦裡淩波襪水月光  
中出定僧皆能脫落前人窠臼自樹風標晚年得  
兩山風雅原本獨取西洞庭詩人之詩彙錄十二  
冊題曰金庭合選今求其書止存八冊而已然西  
足徵集  
凌氏合編  
卷四九  
十六  
洞庭前代詩人得以不盡歸湮沒者幸賴有此聖  
功之功懋矣所著養拙艸湘碧樓集數卷

次答馬日菴

不意廿年間居然復會此醒醉兩忘言肝脾割秋  
水秉燭照花枝冷淡吾何似去住不堪思鴻啼霜  
月裡

冬夜作家書

倚燭蓬軒下寒生野柝清月含孤樹白風逼夜窓  
鳴愁結辭難措心摧涕欲橫恐傷堂上意不敢罄

餘情

酬呂明遠

東海風猶古泱泱表大哉清吟隨籟發老氣逼秋  
橫喜具幽棲癖能忘寵辱驚醉餘多逸致冰雪濯  
星泓

小至前一日夜坐

地坼分吳楚乾坤此夜心漂零非自棄感激為誰  
深斷雁迷歸渚飢鳥戀舊林故山梅信早清夢宵  
難尋

七十二峯  
足徵集

西山  
凌氏合編

卷四九  
十七

舟行觀紅梨葉

已丑小春自舟里泛舟過慈里幾十餘里  
見梨樹千林絢然若錦照耀山谷洵平生  
快觀也憶乙卯春梨花當厄載食一空先  
大父曾以詩弔之今春與乙卯無異其葉  
復為載虫食盡所發二葉經秋未脫遇霜  
而赤雖乏梨雲之勝槩翻成火樹之奇觀  
爰賦四章以貽同好

曾弔花神厄運篇低徊往事一潸然尚留白雪微

前夢誰擲丹砂返少年艷麗豈須誇步障勝情能

不墜金鞭却忘身在冰壺裡誤入成都濯錦川

一曲滄浪溯碧潰洞庭秋色醉包君絳雲遠接山

凹寺赤幟齊爭水上軍地美不教虛勝賞天荒留

待破鴻文從今莫作悲秋賦且放愁腸對夕曛

秋江渺渺落霞飛擊楫空明過釣磯望裡正疑丹

嶂隔醉中爭唱錦帆歸隋家白昔曾留綵大谷于

今盡賜緋自是天孫翻舊譜為添花樣試新機

誰令神師試火牛新屯烽燧動高秋朱簾風捲三

七十二峯  
足徵集

西山  
凌氏合編

卷四九  
十八

千戶絳闕雲開十二樓山鳥下來驚遶樹榜人笑  
指欲橫舟年年愛好花如雪青女翻能媚白頭

山居雜感

信道山居樂事偏五湖一曲半花天人烟寥落悲  
荒畝春雨連綿畏麦田輸輓未充庾廩粟追呼且  
辦石壕錢鄰翁相對無他語惟願頻書大有年  
一硯拋荒等石田最關心處豈徒然將軍共駭從  
天下關有添設太守爭傳出世賢滄洲陳公鳥鵲  
定巢猶繞樹魚蝦入市不論錢偶傳一事堪歡笑

為道沿江盡火船

登黃鶴樓

黃鶴磯頭黃鶴樓飛仙曾與白雲留江山至此無  
遺勝天地於吾有剩愁彷彿孤城來玉笛縱橫野  
渡汎楊舟一身莫謂長萍梗未必浮湘非壯遊

登晴川閣

憑空高閣枕江流大別山前一望收水勢接天分  
漢沔樹陰含雨壓城樓登臨更切風塵感指顧常  
關今古愁去去不堪回首處暮烟春艸亂汀洲

七十二峯

西山

凌氏合編

卷四十九

次岳邁亭學憲登衡山原韵二首

尋遊五嶽問誰多車馬遙臨興若何萬里風烟迴  
斷雁千盤鳥道出旋螺星辰握底分南極鷄犬雲  
中接大羅記取玉堂清話夜好將逸事譜鑿坡

未向皇華驛路回先從岳頂問丹臺時名已與孤

松並羅念庵手植松相紫何須半芋催烟霞峯嶺殘分芋啖

鄴侯于闕柯厓尚存舜水遠連江上樹禹碑深蝕字中苔心胸雲

海時相盪可有當年鐵腳來鐵腳道人夜半登天柱峯觀日出叫曰雲

心胃

寄馮賓伯

風雨相思近廿年倦飛知返也徒然重來空有青  
山社一往猶深春水船尋夢艸枯休問夜可憐花  
盡欲箋天還當滿載玄亭酒來續桃源紀事篇

次李慈利暫醉亭原韵

誰言無地起樓臺萬古江山得暫開妙境不妨終  
日酒刳塵休問昔年灰醉吟欲上騎鯨月過耳何  
如繞柱雷去住不須閒計較還教秉燭夜方回

春日述懷

七十二峯

西山

凌氏合編

卷四十九

墨苑初荒走蠹魚此心奚忍問居諸竊聞衰鳳歌  
猶是欲比靈蛇術已疎敢謂食貧能去國何堪親  
老念牽裾傳家長物真何有只剩先民一束書

猶豫終難問六爻寄形湖海志蓬茅曾無一藝堪

隨世未有空囊可定交山鬼冥頑猶竊笑愁魔婉

變更誰教頻年浪迹頭堪白千古何人善解嘲

休將身世問滄澄吾亦無煩入愛憎故態難調頻

按劍慧心常照已忘燈風塵孰話三生夢天地同

爭一字能媿殺壺山清絕處白雲來往見嵯嶒

寄陳繹思

落花啼鳥禁烟時  
楔事於君孰共持  
皮裡春秋兼美刺  
華端風雨獨驅馳  
臺將避債曾無築  
酒許逃名益可思  
莫道近來都習嬾  
一年清景要新詩

題畫

空岬老樹縱復橫  
欲落不落含秋聲  
山色正佳人蹟靜  
風吹琴動寒泉清

七十二峰  
足徵集

西山  
凌氏合編

卷四十九  
二十一

七十二峰足徵集卷五十

武峰吳定璋友篁菟錄

具區沈廷壓龍文編訂

湯漢

漢字聖弘一字昭夔允繩猶子天資敏悟嚮學精專于書無所不讀而尋源竟委探微索隱不肯一字放過弱冠補博士弟子員家有藏書數萬卷丹黃評隲日以為事嘗與金陵丁函生黃俞邵訂古歡社十日一集互為主客集之日各挈一笈各出

七十二峰  
足徵集

東山  
湯氏合編

卷五十  
一

所得為何書所構為何義所論定為何事實奇質疑其學益進晚年尤精易理旁及天官曆筭星數筮法韻學諸書下帷纂述相與討論者桐城方密之宣城梅杓司崑山顧寧人山陽張力臣數人而已時方舉博學弘辭以無相知有氣力者薦之于朝遂終老牖下士林惜之其刊行者有湖上秋懷金陵名勝雁字倡和集香草堂稿其已削稿而未刻者讀易考畧六卷春秋曆補二卷楚辭古韻四卷測天新說六卷石鼓文詮三卷歷朝大節錄二

卷說文部敍六書集義六書譜音聲定位圖數  
卷第沐誌銘中載其目

春陰

春至地氣上青冥厚自養積雨失朝昏兼辰絕塵  
埃空瀟瀟野色沉綠奔新莽水原白一村深谷靜  
寒響以予應物拙投杖方偃仰日夕竟無喧閒中  
得真賞

春桑陌上行

風吹南陌塵正香有女春朝行采桑新裝帶露鬢

七十二峯

東山  
湯氏合編

卷五十

一

雲濕曉日初升照顏色纖纖素手約雙環采得桑  
條同飼蠶騎馬誰家遊冶子銀鞍玉勒春風裡迴  
頭墜却珊瑚鞭立馬躊躇行不前嬌羞未許深相  
見樹拂春衫半遮面脉脈有情知未知多在停筐  
不采時

松石圖為李子猶題

憶在秣陵看古松杏花村外烟濛濛蒼然傳是六  
朝物傍倚怪石生姿容遙映隔江春水碧定山雲  
起交青蔥我來玉浦望奇氣佳哉乃在高堂中半

壁忽聞風雨至虬枝屈曲迴蒼龍神物不爾便飛  
去盤踞恰有飛來峰六時氣候迥殊絕恍與方外  
方壺通我聞神仙去人亦復爾况藉蟠根仙李家  
世餘清風赤松子逢黃石公是一是二將無同願  
受素書一卷與君卧讀其下閒評甲子忘春冬

燕子磯

半壁東南石孤根削不成倚空浮海色截地走江  
聲入夜漁燈集經年鐵鎖橫烟帆來萬里白葦照  
人行

七十二峯

東山  
湯氏合編

卷五十

一

邀笛步

絕代誰同調高風想至今靡蕪三月夢楊柳一年  
心載酒香浮淺穿花曲度深那知行樂地偏使客  
愁侵

鳳凰臺

荒臺空鳳跡數武且留連藉草題新句吹簫憶往  
年鶯花三月酒松石六朝烟更覺江流遠滄桑殆  
偶然

長千里

出城曾未遠步步踏山光風亦有時綠草於何處  
香小橋行且立古寺到難忘一路聽鶯去穿雲度  
柳塘

送自天歸白門

蚤負雕龍譽清詞瀉百川文章知己貴禮法野人  
賢繪竹藏風勢題蕉冷雪烟一竿投自可歸趁釣  
魚船

長干寺塔燈

拜禮依清磬中宵夢不成枕書看累月瀟茗對三

七十二峯

東山  
湯氏合編

卷五十  
四

更隱識金銀氣全空香火情山樓藏倒影指畫倍

分明

九枝傳寶炬合見九重春法象知無上高明信有

神為誰評月旦共我守庚申風雨終難昧殊堪慰

旅人

冥搜追遠寄相望隔疎林月滿光難定烟浮翠欲

沉底幾存夜氣真可見天心鈴鐸高低影時生空

外音

雲外懸幽賞離離出上方龍文舒淨土象教護空

王遍寓山河影重開日月光熏修兼二八達旦  
花香

香草堂落成二十韻

買隱曾無地栖遲只敝廬一邱雲宛在三徑草新  
除補屋牽蘿適當軒列檉疎榻移松影外簾捲燕  
飛初整整斜斜竹堂堂策策魚花源開石鏡柳浪  
待鶯校林下盟伊邇牆東咏自如披衣仍薜荔照  
水即芙蓉況是歸來日頻過離亂餘為家聊復爾  
玩世豈惟余戴笠歌隣酒分燈讀父書青天思渺

七十二峯

東山  
湯氏合編

卷五十  
五

渺白晝夢遽訪菊霜前屐看山雨後車忘機還

射獵生事及樵漁玉豉充微藥金盞間早蔬桐陰

鈎帖坐月上帶經鉏佩與幽人集糧因高士儲未

須還遠道祇可賦閒居好以迂偏適愁綠病轉舒

點塵不到處翠掩半窓虛

斂性就幽蓬為吳不官賦

未竟遠遊志投閒似老禪歸來仍舊里亂後是餘  
年繞屋編籬徑瀕湖種藕田坐惟供壑石飲亦致  
名泉幾度春風曲長吟秋水篇采蓴千里月移竹

一溪烟懷古情難已趨時意不然始知窮日好轉  
覺野人賢酒社逢花集書床對雨眠待余曾有約  
同買打魚船

夜看瓶內海棠

一枝誰解惜餘芳隱几平添客思忙夜魄易為醒  
醉艷春心豈在有無香生生絳雪歌鼓遠盼盼青  
燈酒夢長睡起也知嬌未足粧成何事怨朝陽

桃源村為鄭薇令賦

仙源近許野人知步入桃花片片隨十畝之間仍

七十二峯

東山  
湯氏合編

卷五十  
六

谷口數椽以外又秦時巷多古木前朝植架有藏

書累世遺安得言歸相傍隱茅牆土屋補新籬

雨坐東汪晦先

野翠生寒潤小園陰陰一徑竹遮門閑消翻悔春  
忙累寂甚如傳谷語喧尊酒綠空思滄遠餅花香  
近坐溫存君家比屋佳山水短杖應知不出村

閏四月五日汎舟秦淮同鳴一天儀

新漲平橋綠舊痕輕舟無繫逐桃根酒通隔舫能  
醒醉花隱重樓判寂喧銷夏儘堪今月閑當歌劇

有故人存不然此夕知何夕秦水吳航招楚魂

五日雨中同懋昭天邑秦淮水榭

涓涓環碧自西流在汴遙看帶雨舟久客正逢兄  
弟好短歌難放舊新愁菱荷香偏千家水臺榭涼  
生一夕秋把盞憑欄共惆悵石城山翠隔烟收

懷領寧人歸元恭

虎頭應復讓君癡儒俠僧樵事事宜千百國風存  
野記十三陵樹補新詩音聲小悟殊堪喜姓字頻  
更莫浪疑懷友句成翻自媿半函烟雨隔秋思

七十二峯

東山  
湯氏合編

卷五十  
七

送孤松上人還山

長干山翠擁蒲團香老梅花勝易安無法可為高  
士說有詩仍許故人看經翻夜雪孤鴻隱衲染松  
雲片石寒此去菱湖重問渡折蘆幾尺響驚湍

過王際和隱居

清水塘邊藁黍離布衣遙拜蔣山碑仙家甕許分  
身隱高士巾傳折角垂東郭豈無殘雪夜西江半  
是夕陽時青天一日看能遍木榻倚然空所思

江雨有懷

江天曉霧渺難分兩帶江湖入夢聞寒浪蹴花高  
作岸遠風吹樹薄成雲天隨帆面都能下人與鷗  
身不易群但把愁心問楊子無端行住却如君

湖上秋懷

每行屋裡見青山曲折松陰不禁闌紅稻晚香秋  
簌簌蒼灣月照夜閒閒清涼魂夢義皇上草澤衣  
冠漢魏間客去又逢花落盡小童時報借書還  
秋陰一徑冷開扉目送征鴻當遠歸紅葉題殘霜  
樹晚白雲耕破雪田肥有心人可居空谷多事時

七十二峯

東山  
湯氏合編

卷五十

須處布衣幾見海塵身未老花源抱甕習忘機

爽氣西窓日夕佳青青苔影上空階神清獨與雲

霞近嘯出時聞風雨偕心史可傳才已放頭支自

責老能諧閒居十載全無賦別有深情向酒埋

輕身無繫引枯藤冷盡雲衣折數層遠水烟清宜

晚棹香林月上是秋燈仙人化石情何已天馬行

空見未曾莫向深山長痛哭高臺舊許客同登

數椽板屋及誅茅絕似秋林構短巢以寫我憂長

自嘯不因入熱待誰嘲踏莎古路開荒荆刺棄家

圍起落匏珍重客來清供好金盞玉盃出山遙  
踏遍幽林采石苓狂歌亦復怨飄零九秋況有  
湘夢方寸難平五嶽形酒社逢人傳舊曆雨窓罨  
客寫遺經扶筇暗洒洒西風淚濕盡征衫幾片青

獨餘清影照書龕小几無塵隱自堪偶學古人存  
大意為逢知己始深談雲謁或遇山之半秋盡何  
分江以南遠志祇今誠草草濁醪妙理日曾諳  
開周江左移得白秋海棠戲題奉寄

空說紅香過眼無數枝幻出寄冰壺桐陰下露臨

七十二峯

東山  
湯氏合編

卷五十

秋影一幅新描蛺蝶圖

似忘情復斷人腸小立西風憶渺茫幽砌嶙峋當

金屋溫柔鄉是白雲鄉

湯大任

大任字將茲聖弘長子邑諸生

古松行

福源寺裡羅漢松根如虎踞餘如龍垂枝老柯相  
覆蓋鱗皮古色疑青銅天生神物不數見奇材磊  
落時其同風濤忽起滿清聽烟雲夾翠流重重不

知植自何人手相傳或自宋元中河山屢易終不改鬼神呵護靈氣鍾忽憶孝陵千萬樹當年豈無一二同可憐俱隨斧斤盡菁蔥之色鍾山空此松僻處法王地匠石剪伐無由從君不見從來盛名下幾何得保天年終

和吳不官飲性篇韻

莫道耽瓢笠閒情偶若禪停雲元亮宅修楔永和年春色浮桑落秋香發稻田樓頭湖上月山腳石邊泉更續養生論長吟招隱篇草迷三徑雨門納七十二峯  
東山 湯氏合編 卷五十 十一  
足徵集  
一溪烟避世自應爾隨波定不然異書開暇日同志得遺賢枕茗為清供瓶花許對眠幾時來問渡齊上打魚船

湯大訓

大訓字言茲聖弘次子邑諸生

和吳不官飲性就幽達韻

何曾買邱壑隱處見詩禪蒿畔求羊徑山中魏晉年未經歌擊壤且得賦歸田寂寂籬邊鳥重重樹杪泉數椽娛老計一卷示兒篇遠浪翻初月孤村

放晚烟撫時聊復爾懷古豈徒然痛飲呼同志臨流想昔賢晚香和露采枯木枕根眠此後如相憶應浮雪夜船

湯一麟

一麟字西岑聖弘孫邑諸生

偕沈元臣同社諸子虎賁營觀桃

雨過渡龍津衣袂春風薄路滑遊屐稀肯負看花約曲徑柳堤迴澄溪纓可濯誰謂武陵源至今迷洞壑紅白繡成堆半開還半落疑入錦官游帶城七十二峯  
東山 湯氏合編 卷五十 十一  
足徵集  
魚帶郭望裡酒家旗倦足欣有托列坐雜朱顏忘年殊脫略拇戰飲興雄醒者咸愕愕莫嗤醉扶歸及時樂吾樂

德公同寓忽之虞山雪夜有懷

寒江同逆旅別我更何之小閣聯牀處殘燈獨坐時遙憐行李薄先受雪風欺促促歲云暮應添鬢幾絲

過竹林蘭若

竹裡藏幽寺深林半壁懸古碑沉綠字冷窺明紅

象萬籟此俱寂寸心聊復然徘徊夕陽下山外一  
江烟

再過虎賁營看桃花

風恬日暖淨無塵為愛桃源復問津卧酒又經芳  
草地惜花還是白頭人烟將綠處鶯教巧雨欲紅  
時蝶夢新世事韶華皆過客年年休負此芳辰

除夕

一歲云除一歲新徒傷老大莫傷貧未聞玉壘驅  
窮鬼但見梅花索笑人風雪自朝還自夕弟兄為

七十二峯  
足徵集

東山  
湯氏合編

卷五十  
十二

主復為賓挑燈且共樽前醉楮拙圍爐慰老親

秋水居

白露凝蕙葭蒼蒼隔秋水伊人何處居遙指芙蓉  
裡

沐月陂

皓月澄清輝印水水彌潔能令慧心人聰明淨冰  
雪

漫興

江南江北春如許柳色鶯聲惱客腸六代風流餘

恨在石城烟樹曉蒼蒼

扁舟載得綠簑來釣得鱸魚酒甕開秋水蘆花任  
深淺高眠不上子陵臺

湯一騏

一騏字千里號鹿如將茲子弱冠補博士弟子員  
試輒前茅食餽當貢而卒無嗣生平所著詩古文  
辭皆為人持去訪求不獲僅於門生沈廷璧笈中  
得詩數首文一首而已

送聖嗣上人

七十二峯  
足徵集

東山  
湯氏合編

卷五十  
十三

雪滿荒江路孤鴻獨遠騫古林茅草外鍾阜夕陽  
邊山衲空雙袖詩囊壓半肩蚤梅應有約開到未  
歸前

玉臺琴怨

有敘

內子曹靜嫺弱齡失恃悲感成疾歲已卯  
始歸余家自春徂冬靜好殊篤藥鑪茗椀  
倡和靡間除夕前一日溘焉長逝悲悼之  
餘率成近體六章向於七夕夢得玉臺春  
雨怨琴言之句不意竟成哀識因用名篇

情之所發不自知其俚也

羽化何年得更歸一春寒雨黑空幃鶯殺又到誰  
同聽燕壘方成不飛紙香芙蓉人宛在屏移翡翠  
事全非餘芬豈逐輕烟散落盡梅花未掩扉  
詩裁艷體每同商綴粉含香擁石倉病裡娛閒圖  
蛺蝶燈前疑字問鴛鴦玉臺夢幻驚秋早彤管花  
殘紀恨長為檢遺編題幼婦不知泣斷幾迴腸

送友人歸洞庭

楚水吳山豈二天十年不上范蠡船名場久笑居

七十二峯

東山  
湯氏合編

卷五  
十四

人後歸計今還讓爾前深柳聽鶯銷白日輕刀泛  
月醉紅蓮幽栖直似羲皇上可廢南華第一篇

金陵懷古

埋金何處覓秦宮王氣銷沉霸業空芳樂苑迷春  
草碧臙脂井覆落花紅高樓明月誰酣酒深柳青  
溪自颺風莫訝興亡同逝水繁華仍屬大江東  
鍾阜閒雲擁翠微石頭春水漲斜暉千秋佳麗分  
今昔六代風流半是非花發未聞歌玉樹燕來可  
解認烏衣青青一帶臺城柳吹絮還同古雪霏

戊戌三月送沈生龍文返洞庭

江干送客手頻揮為爾偏教淚滿衣十載師生千  
里別五湖風雨一人歸拜依宿草親魂宵坐對空  
山生計微賴有遺書堪細讀到家且自掩雙扉  
壯歲韶華日在東莫令心事歎如蓬夔夔多累煩  
諸父顧復無人倚祖公種橘早宜傳世藻授經昨  
可續家風歸帆我欲來湖上偕隱春山萬木中

暑中遣興

莫辨深林避鬱蒸北窓幽敞愛晨興門前客過如

七十二峯

東山  
湯氏合編

卷五  
十五

中酒樹下風來勝飲冰有夢每嫌驚白鳥無說亦  
自憎青蠅問天幾度頻搔首領得秋陰也未曾

思歸故山適風雨交作擬之以詩

我欲浮家橘社前半肩書壓洞庭船山隨雲影疑  
無地雨袂飛濤不辨天楓樹冷搖雙櫓去梅花香  
送一人旋歸來掃石容高枕買隱須知不費錢

沈東山先生五十生日避客他往

雲嶺無心更出山出山仍似在山閒靜思四十九  
年事滿篋新詩手自刪

酒熟逢花呼我醉詩成向夜課兒鈔望衡長  
相過水綠萍香月沒橋

五湖春水接江湖門外輕帆落小刀千里高堂雙  
白髮分甘遠寄到冰桃

先生兩尊人皆耆年壽考

避人何處足徜徉路隔桃源似宵茫茗椀鑪香清  
自賞花間春晝為君長

湯 輅

輅字弘載

桃花澗社集壽吳餘生

七十二峯

東山  
湯氏合編

卷五十  
十六

餘生歲八十蒼頭白髭鬚不知老將至而以詩自  
娛興到時登山不用竹杖扶得句遽然返歸來結  
跣趺良辰動懷友遣僕過招呼東鄰有名園載酒  
坐蘼蕪捧杯共為壽吐詞均珠璣春風吹桃花澗  
水流出湖主賓不相顧起舞歌烏烏安得李伯時  
捉筆補作圖

湯 光

光字孝和號漁村

登平山和吳禮菴韵

放眼江天外群峰翠欲飛風高斜雁陣木脫露僧  
扉倚閣客猶在盪舟人已歸悠然夕陽裡頓覺息  
塵機

客邸秋夜

客底秋宵冷淡情西風搔首憶尊羹  
初白夢到家山月正明唧唧窗前蟲語絮  
外雁聲清蕭然千里長為客幾載風塵幾事成

感懷

若得歸與興自幽漁村無恙問扁舟白蘋香裡吹

七十二峯

東山  
湯氏合編

卷五十  
十七

橫笛綠野橋邊把釣鉤名利已知同夢鹿形骸端  
合伴閒鷗得魚換酒邀明月一曲滄浪醉枕流

沈本

公即五湖漫士張斯植也其曾祖惠幼育於張彥  
昇遂仍其姓斯植年高德劭名重吳中隆慶初郡  
守延為鄉飲賓斯植乃具呈南都御史海公瑞請  
復姓沈其略曰本曾祖張惠係沈興五嫡孫有洪  
武中勘合戶由文契存証惠因幼孤張彥昇鞠為  
子是姓繫於張遂衍螭蛉之緒家傳歷世竟忘為  
鳥之情思昔程嬰委質以存孤希文上言以改姓  
心跡雖有不同忠孝原無二致本今儼叨鄉飲深  
七十二峰  
足徵集  
東山  
沈氏合編  
卷五十  
十八  
漸未叙乎彞倫男餘烈濫厠膠庠安可得罪于名  
教國之大事在祀家之立愛唯親附于他人非先  
王賜姓立宗之意忘所自出豈孝子追遠報本之  
心况幸際明時忍效投秦之范叔隱居樂地肯為  
儲葉之諸梁在張序居末行匪係宗祧之輕重於  
沈實為嫡長允關宗子之存亡懇乞仁恩批縣准  
復云云斯植既歸宗乃纂輯家譜以明世係脩理  
宗祠以合族屬自號忘機野老所居吟風岡下有  
桐山書屋王文恪公題匾文休承圖為卷陳子兼

王履吉諸名士題咏甚夥其耳孫維璠嘗出以示  
予琳琅滿眼愛玩不忍釋手茲訪其後人已不知  
所在為可惜也

五湖全稿已載張氏合編今考吳興家譜著其歸宗復姓之實錄存數詩為沈氏壓卷

本寨劣選與世無能為役冥栖五湖煙水  
之間俞俞終其身自號忘機野老因為忘機  
野老吟以自適

寂寞竟縻天地外一觀如幻本無機意隨流水激  
靡競飄逐閒雲渺自飛星漢那煩問蜀叟桃源不  
復改秦衣長風故作白蘋嘯明月還登黃鶴磯

七十二峰  
足徵集

東山  
沈氏合編

卷五十  
十九

世人貴榮吾獨非白頭何意理玄機清秋偏喜猿  
同嘯日暮元知鳥倦飛笠澤常眠白雲渚虞淵不  
漸紫霞衣煙波隨處堪容與况有嚴陵舊釣磯  
癸未春嘗侍王師文恪公登蔡經煉墩有作  
忽憶往事復次前韻

煙霞自信繇堪遜姓字誰云不可逃丹竈火沉閒  
日月紫蘭香浸極波濤激區涵泳迴鱗甲碧落翱  
翔映羽毛記得譙隨明傳日桃花吹絮撲宮袍

山居

嬾嫚東山田舍翁無休畚鍤笑龜蒙天機靜裏從  
真適花落花開一醉中

仙鳴天開泉石幽高牽白犢飲清流林前自有消  
閒地誰謂神仙不可求

沈餘烈

餘烈字叔揚斯植之子縣諸生

得一菴

魏道士坐化處

理有萬殊本則一道人何得復何失一菴藏壑似

虛舟木落千巘秋瑟瑟風吹白雲高天空山靜真

七十二峰

東山  
沈氏合編

卷五十一

與太古同金膏滿庭芝草茁采茹不到商山翁真

心自得黑甜趣千年誰見丹爐紅

沈啟元

啟元字端伯

遊永定寺

幽尋不憚遠薄暮興還乘風葉鳴蘿徑霜花落豆  
棚片雲閒對客獨鶴嬾依僧更有東林約今宵宿  
未能

秋日江樓送友

寒色驚徒旅投荒今昔關念君行役意同我去留  
艱才雅齊東觀風流昭北山憑高追笑語雲日麗

江灣

沈啟明

啟明字熙仲

秦淮五日看燈船

錦標獵獵鼓喧喧燦夜遊龍矯夜魂鱗挾電飛千  
鏡閃棹追星隕一天繁盤迴攪盡驪珠串光燄燒  
殘綠蟻尊莫使笙歌催早曙且看桃葉火為源

七十二峰

東山  
沈氏合編

卷五十一

沈謙用

謙用字六徵幼習儒業迨邇多病家藏方書甚多  
盡發而讀之不啻三折股焉遂為洞庭名醫詩不  
多作取適性情而已

落花

上苑韶光老繁枝漸覺輕蝶隨紅影亂風逐膩香  
行飄泊征夫淚摧殘棄婦情芳菲狼籍盡何意聽  
啼鶯

再登金山寺有感

金山古刹石嶙峋今日登臨悵望頻京口旌旗連  
樹色瓜洲鼓角答潮聲十年書劍重游地三月鶯  
花一旅人勝蹟只今餘戰壘更從何處弔靈均

花游曲

踏花還過商邱臺姹紫妖紅接日開惟有花娘最  
標格恰同蝴蝶一齊來

遙聞女郎倚棹歌

滿溪烟雨白鷗閒莫莫魚罾占一灣幾縷清歌雲  
外出吳姬分月蕩舟還

七十二峯  
足徵集

東山  
沈氏合編

卷五  
三

沈維璜

維璜字世周號在山六徵次子業岐黃與翁琢山  
金峴亭相唱和

甲戌除夕長淮道中寄吟岡兄

千里孤舟泊蕭然歲欲除客途今若此旅况復何  
如念母愁心切思兄音問疎一燈寒欲滅風透竹  
櫺虛

食鮮荔枝有感

翠葉遙疑桂幾叢龍睛紫綴枝中不隨橘柚因

秋綠却殿枇杷入夏紅鮮色尚餘妃子愛香肌今  
見八娘風幾迴欲向親前寄水國茫茫恨莫通  
邨居同金峴亭限仄韻

清溪曲遠茅茨屋脩竹千竿臨水北藥闌兩面半  
栽花草徑一灣雙睡鹿談玄揮塵挾精微默坐焚  
香慎幽獨林深地僻誰與鄰寒月孤梅常伴宿

題扇頭畫

秋堦月冷傷心色海棠枝上聲如織吟盡深閨一  
片情不知露溼雙飛翼

七十二峯  
足徵集

東山  
沈氏合編

卷五  
三

沈國元

國元字以匡年少能文試每冠軍讀書成均攻苦  
致疾因究心岐黃書自葆其身精通醫理遇有沉  
疴投劑輒應手愈性喜吟詩兼工書畫歷遊燕趙  
齊魯之地名公巨卿咸折節願交呼為東山先生  
晚年寓棠邑與溧陽史千里先生尤稱莫逆唱予  
和女積歲成帙史先生序其卷首後攜歸太湖值  
風暴覆舟行裝散失稿亦泯爛不可展玩子廷歷  
記憶手錄僅存數十首名曰歸湖餘草

文石得自靈巖山

春雨度空山雲根淨如滌荷鏡縱冥搜穿澗窮幽  
別天幸獲一拳質瑩文五色高下自邱壑花樹宛  
生植隱約秋風起蘋末藻荇參差雜蘆荻又似峨  
嵋積雪深萬年藤上元猿趺丹砂黑漆難盡形女  
媧鍊後留奇礫愚公見此應欲移山亦何心作奇  
特

和金雪舫九月十三夜作

江月隨潮上開簾照白頭涵虛增爽氣乘醉縱清

七十二峯

東山  
沈氏合編

卷五十  
二十四

遊但覺難為夜不知何處秋有懷空悵望未得一  
登樓

真州道中曉行次王女器韻

聯轡江鄉路行行過渚汀角寒城上月風亂柳邊  
星近寺鐘初起荒郊轍未停松濤何處發入耳正  
泠泠

和朱岳青夢月夜過寓齋看梅

君得寒宵夢春風到小梅枝疎憐月映香暗逐詩  
來虛牖半簾水隔年雙屐苦尋禽還寂寂新句好

催開

岳青雨中過寓齋看綠萼梅次韻

放眼看花日驚心聽雨時泥銜高士履香沁小庭  
堦無月自相映抱珠人未知東風如有意留取在  
低枝

秋日送盛石帆之甌寧

垂老投知己扁舟作遠遊灘殺入殘夢猿嘯逼深  
秋落葉千山迥長天一雁愁客程應不易何日過

泉州

七十二峯

東山  
沈氏合編

卷五十  
二十五

三度移居答和同社諸子

漫學楊雄自解嘲五年三易舊衡茆絕憐明月梅  
花屋又補春風燕子巢向暄早聽留客榻借書忙  
為課兒鈔浮生久信安排定去住何勞問笑交

題畫寄韓靜菴

木落江干野水連不知何處問歸船思君却憶十  
年事為寫寒山寄遠天

沈希孟

希孟字子遷

賦得秋柳送客

萬樹臨津路，清秋綠未凋。  
鴉猶藏露葉，蟬不集烟條。  
汴水留殘黛，荆臺冷細腰。  
薄陰遮遠道，暝色上長橋。  
旅思看時攪，離魂折處銷。  
江皋難以別，况聽笛聲飄。

沈瓚

瓚字西山人

石公留別譚子常勞維明

榜人且勿歌，聽我呼石公。  
一呼復一答，聲應氣亦通。

七十二峯足徵集

西山沈氏合編

卷五十二十六

通是時，晝方晦。山雨青溟濛，濤聲汎岩際。  
黛色飛酒中，羨此林壑奇。思彼造化工，主人進醇酎。  
為我發清容，念當夕陰合。掛帆歸山東，握手不得語。  
踟躕嗟異同。

王氏弄珠樓同譚勞二君

白浪吞珠閣，青山對隱君。  
湖明常見月，柳暗不妨雲。  
神女招可致，石公呼即聞。  
且無頻進酒，留看夕波紋。

陸纂甫見訪因寄勞維明

洞庭霜落水烟空，有客泛艇寒波中。  
胸懷片刺豈輕擲，囊携一肩猶未窮。  
詩篇不減古人意，齒頰似帶山家風。  
君歸試語勞季子，相見豈須桃蕊紅。

沈世宏

世宏字仲遠

曉行

躑躅帶星行，枝寒鳥不驚。  
殘篝明佛宇，孤月闇山城。  
歷險翻疑醉，縈愁獨畏兵。  
前村知未遠，曦影動柴荆。

七十二峯足徵集

西山三山沈氏合編

卷五十二十七

草

陌上盈盈綠，王孫倍自憐。  
幸無車馬跡，春思接遙天。

沈莊

莊字敬之三山人，遷居東洞庭之高下。

擬卜居

吾羨彼牧童，日夕從牛羊。  
冬春陽坡暖，夏秋青草長。  
牛羊自遨遊，牧童自徜徉。  
寧生方窮賤，叩角發清商。  
一朝感明君，軒車共翱翔。  
齊桓不可作，哀響

遊朱園

沈高桂

高桂字天英禹朔山人

壽孫羽士

蓬萊道士五將旬鍊得輕軀似鶴形丹熟鼎中食  
絳雪月來花底讀黃庭筐携瑤島三芝草杖倚枯

七十

東山禹期山  
沈氏合編

卷五十八

岩萬歲應笑武皇求秘訣却遺方朔任沉寔

武峰吳定璋友篁菴錄

安定席紹灝又梁編訂

翁天游

天游字元震號心齋富而能學詩文皆清雋拔俗以歲貢授內閣中書舍人出爲大梁司馬政事之餘恒命駕遊佳山水憑弔古蹟吟哦聲時出車馬間有大異于俗吏之所爲者翁之先有名園于太湖濱近山作抱活水通流林壑之美爲洞庭第二

七十二峯  
足徵集

東山翁氏合編

卷五十一

後人弗能守售於富室有石工胡某者萌利心而  
聳富室徙其園于內地遂毀爲墟心齋致仕而歸  
也顧之嘆息泣下未幾石工之子以姻禮謁其所  
親高軒盛服而過心齋之門心齋憤甚命僮僕摔  
之堦下乃陳列大梁司馬儀仗赫然南面數其父  
之罪褫其衣予大杖三十曰吾爲集賢圃復仇此  
舉雖甚鹵莽而山中之人無不稱快者所著古香  
堂存稿六卷別集一卷

古意

聞說天馬行來往疾如電更羨雲中鶴蹁躚羽不  
倦人生宇宙間富貴何足戀靜夜清悟生幽懷獨  
輾轉

有所思

紛紛黃葉下伊人在何所秋水碧連天溯洄脩且  
阻相思不相見形疎神自許幾時駕扁舟同泛湖  
之渚

恒山道中

自從恒山行韶華眩人目馬嘶靡草春到霞花成

七十二峯

東山  
翁氏合編

卷五十一

簇楊柳復依依驛路都芳馥其如鴻雁哀嗷嗷日  
待鞠惻然感 皇仁下詔賑糜粥襁負遍郊圻老  
弱均果腹我行盡傷心瞻顧常感感倉皇走薄沱  
馳驅過鉅鹿郭公騎箕霞沙河多灌木武安接邯  
鄲黃梁曾否熟投宿野人廬御窮無旨蓄一杯村  
落酒盤餐供首宿星言向山路太行何轟轟吾聞  
山之陽絕勝稱盤谷幽人居此中紆迴更重複嶺  
頭多白雲繞舍叢綠竹指點杏花村笛聲出黃犢  
流水小橋通悠然想濠濮吾願從茲遊巖栖返初

服昔在黃金臺曾乞升斗祿曠官歷數年握粟何  
能穀翻馬賦歸來十載還耕讀長嘯莫釐巔微吟  
翠峰麓所苦家食艱王程又奔逐宦海信浮沉天  
運多反復瞻烏日飛飛爰止于誰屋

淫雨

甲寅乃淫雨漸漬江南土早春達黃梅夜月空三  
五韶光九十日零落花無主村村困泥途家家蟠  
水府屋角驚雷轟牀頭雜蛙鼓野漲浸高谷奔濤  
飛遶塢荒盡郭外田何論湖上圃漁翁縱一葦隨

七十二峯

東山  
翁氏合編

卷五十一

地施數畧伊人在中央感感殊自苦咫尺邈山河  
出門艱數武誰能騎馬迎舟通堂下廡濕雲蔽五  
湖混茫接太古竊恐成胥溺傷心在瓦釜安得莢  
五穀皇然問農父

宿鄭州次王摩詰集中韻

俯仰一籛廬過客成信宿為哀管國鴻脂車更僕  
僕倉皇過莆田落日沉西陸古人謀野處停驂詢  
樵牧寒寒愧王臣渠渠感夏屋此地非邯鄲那得  
黃梁熟喜拜呂翁祠還憶子真谷自昔介之推誠

哉不言祿

從戒壇至極樂峰下次王敬哉先生韵

朝來尋極樂蒼翠集遐想歷歷壇畔路心神尚惘  
恍僧老杖相扶鐘鳴谷亦響既塞洞口蘭復攪溪  
邊莽遙溯赤松遊脩然欲長往揮塵坐清風披雲  
對天朗

憶遠曲次高青邱韻

宵來忽聽秋風起秋風蕭瑟人千里名香半冷博

山鑪花前有酒為誰酤郎今漂泊長安道浪遊辜

七十二峯

東山

翁氏合編

卷五十一

四

負年華好荒烟落日鳥知歸郎在天涯未授衣  
嘹亮飛鴻亂心曲欲寄愁懷無雁足潸然流涕目橫  
波良夜其如明月何兩地相思頭欲白轉瞬光陰  
悲過客

由石景山渡渾河

即桑乾河

石景山南一帶水源出天池流萬里驚濤滾滾號  
渾河雷奔雲洩疾于矢晨朝策馬向桑乾桑乾南  
下如飛翰莫訝問津迷野渡還思擊楫回狂瀾習  
習清風吹白袷此日臨流意頗愜夾岸長橋亘兩

虹灑空濁浪傾三峽渺漫派自晉陽來晝夜奔騰  
繞鳳臺玉輦金輿頻幸此望洋徒嘆濟川才

仰山石礪次楊曰補韻

入山深處春裘冷尋幽路繞丹砂井井上碧梧起  
交枝溪邊小閣承倒影礪壑爭奇巖畫中粼粼白  
日障川東枕流觀瀑皆仙境何必崑崙遡閭風忽  
驚花落春將去暮雲靄靄歸何處

儀封懷古

東昏城北黃河繞觸暑遨遊日正鰲請見亭邊且

七十二峯

東山

翁氏合編

卷五十一

五

振纓登高望遠青未了自昔梁王全盛時紫竹名  
園傍古儀翠葆雲旂委蔓草只今寥落野人居宋  
代名賢景文宅二妙風流傳往昔漁翁無復泛扁  
舟渡蟻橋廢室砂磧聞說元戎有女郎金花插鬢  
武維揚繡旗雄風猶在否營荒遙見陣雲黃何如  
百尺琉璃井千秋不改涵清冷我懷若渴此中消  
飲水思源發渙省

雪後山中曉行

曉光映積雪四顧皆瑩瑩忽訝梅花發還疑皓月

明馬從沂水度人在玉山行何處袁安卧心旌向洛城

雪深迷野徑溪凍失重灘絕有關山勝其如道路難攬綏僵十指思酒敵奇寒指點雲凝處岩堯見泰安

長椿寺坐月次吳園次太守韻

披襟蕭寺靜好月一鉤彎鐘磬傳清籟藤蘿話故山時危貪結客官冷愛偷閒喜有元卿在何妨夜

啓關

七十集

東山翁氏合編

卷五十一

德州喜晤金大年太守

歷盡長安道纔經山左城度河水未泮問俗水常清忽忽班荆語依依贈紵情故人逢鮑叔真不負平生

滕王閣

作賦何年事憑高想勝遊才人元命薄帶子自風流江湧千峰日山涵萬頃秋曠然共今古豈謂興沉浮

惠山二泉亭為吳伯成使君賦

翠壁空亭合名標第二泉每懷心似水共說吏如仙秋月含秦鏡松風奏魯絃白雲樓外起逸興倍悠然

倦吟次羅周師太守韻

淒淒風雨夜四壁亂蛩侵恰是悲秋客聊為抱膝吟歎名千古夢憂患百年心回憶蒼茫處山高水自深

春愁

春草綠于烟春愁獨黯然洛中花滿地吳下水連

七十集

東山翁氏合編

卷五十一

天旅夢隨蝴蝶離心托杜鵑遙知嵇阮輩共泛五

湖船

冬夜獨坐次友人韻

不寢悲長夜淒然感去留燈昏依獨客月冷入高樓清夢輸莊叟閒敲愧奕秋懷沙難三復一卷伴牢愁

斐園納涼次周魯庵韻

政暇開三徑相將賦委蛇微吟疎雨後淺醉小風時坐久飛花密談深得句遲敢嫌清俸薄多愧素

餐詩

曉入瀛臺

瑤臺高峙近蓬萊  
侵曉曠曠仙仗開  
繡鎧早啣珠勒去  
金莖新浥露盤來  
鬱蔥樹色連天闕  
瀲灩波光接上台  
簪筆群賢思獻賦  
揮毫誰是長卿才

卧佛寺同宋比部牧仲作

行春聯騎過郊坰  
細草繁花雨後醒  
卧佛能留高士榻  
歸雲亦戀退翁亭  
捲簾桂魄當峰見  
欹枕松濤入夢聽  
為愛廣平詩思好  
狂吟西眺萬山青

七十二峰

東山翁氏合編

卷五十一

謝斐天夫子以詩贈行次韻酬別

薄宦江頭好泛槎  
金臺賦別夕陽斜  
篇章暗灑孤臣淚  
桃李空憐上苑花  
匹馬風塵遲鶴禁  
片帆烟雨寄鷗沙  
龍門回首增惆悵  
彭蠡茫茫未有涯

旅舍書懷

庾樓舒嘯倚繩牀  
露白葭蒼望渺茫  
獨客逢秋悲宋玉  
遠山如畫愛襄陽  
過江鴻鵠飛高岸  
隔苑芙蓉亞短牆  
却憶五湖雲物好  
扁舟隨處聽滄浪

重過嚴先生釣臺

富春日暮泊孤舟  
風景依稀憶舊遊  
淼淼白波千頃月  
蕭蕭黃葉萬山秋  
徵君遺像凝生氣  
倦客登臺散旅愁  
獨向蒼茫回首處  
何人肯向此中休

汴梁信宿

歸然百雉古皇州  
砥柱河源天外流  
車駕先朝後扈蹕  
鶯花故國感鳴騶  
梁園春草新詩卷  
雒市青帘舊酒樓  
不是此邦多戀戀  
關情水木故淹留

自承事公扈蹕南渡遂居東山

寄題養齋弟新構微雲樓

七十二峰

東山翁氏合編

卷五十一

湖山秋老醉霜楓  
聞說岑樓倚碧空  
新築已知仙島近  
故園仍在洞庭東  
樽前嫋嫋歌金縷  
檻外粼粼走玉虹  
自昔主人能愛客  
唱酬爭向畫圖中

秋興次徐逸菴方伯韻

碧落香飄古桂秋  
排空雁字寫離愁  
繁臺露冷欺紅葉  
震澤風高起白鷗  
有客獨吟孤月下  
何人長嘯萬峰頭  
卻欣松菊渾無恙  
好向田園共鶴謀

渡黃河

乍信沙為岸  
旋驚浪是洲  
中流誰砥柱  
漂泊古今愁

愁

望君子莊

係蓬伯五故里

誰是知非者猶傳君子莊  
亂雲迷去路立馬一徬徨

題雪灘釣叟圖次王阮亭祭酒韻

萬斛寒瓊一漁父江湖滿地感浮生  
知君會得任公意東海投竿豈釣名

翁澍

澍字季霖天游之弟博古嗜學不求仕進自號胥

七十二峯

東山翁氏合編

卷五十一

母山人搜羅湖山名勝人文事蹟為具區志少時  
學詩於吳梅村先生金陵余淡心稱其高而不抗  
卑而不墜幽而不枯麗而不靡為婁東入室弟子  
云

紫玉歌

芙蓉灼灼秋水盈盈奪芳無人為誰敷  
繁西風蕭瑟候蟲悲鳴深宮靜夜顧影愁生  
河洲有鳥是名睢鳩不得其偶孤生何由碧天  
無際令我凝眸永懷君子願結好逑

門有車馬客行

門有車馬客朱輪耀金紫捷步往相訊乃是故鄉  
士執手上中堂形容各端視別時方壯顏忽忽驚  
衰齒但坐論悲辛殷勤出妻子臨觴未能酌慘然  
問桑梓飄零三十年交情半生死杜宇啼新墳窮  
猿嘯故址匪獨人事衰天道盡如此俯仰興謝端  
悲感河時已

京邸寓園訪侯大年

驅車亦何為孟夏走上谷風塵罕所適况乃感炎

七十二峯

東山翁氏合編

卷五十一

燠之子素心人時來慰幽獨貽我琅玕詩開編豁  
心目褰衣步園亭繞舍多古木入門涼風生清影  
亂藤竹主人臨軒寔悲八列簡牘雅興耽琴書深  
情醉醺醺誰知長安市亦自有濠濮勝境忘久留  
良會期難續

寓言

造物本無意榮枯自有時君看籬畔菊獨挺霜雪  
姿飛鴻正南翔哀鳴欲何之念彼天涯人歲晚空  
驅馳素書聊自展卮酒誰與持柴門臨浩渺高咏

兼葭詩

庭除漸蕭瑟，倏忽踰秋暮。長貧始有味，擁書時墮戶。感茲搖落辰，衣裘乏新故。宵長苦無寐，篝火琢新句。斗酒不可少，謀之婦能具。供盤芋栗耳，敢望雞與鶩。

初春過白雲塢同紫微茗集遺公禪室

此庵足遺世，雲塢雲中開。偏于處境僻，能令幽人來。試登觀瀾坪，何異生公臺。晴湖盪胸次，寓目無纖埃。層軒閼綠竹，古徑埋蒼苔。遺公漏霜秀，粲然足徵集。  
東山 翁氏合編 卷五十一 十二

歲朝雨雪人日未止經旬茗戰詩以自嘲

門靜耽朝眠，氣衰謝午酌。那知年華增，但得寂處樂。經旬雨雪中，苦寒北地若。老夫拾隋樵，履穿類東郭。大瓢煮雪乳，紫筍綠垂脚。頗識茗飲勝，自覺梁肉惡。欲參定慧禪，稽首三峰諾。  
指輪 公人生如寄耳，願力今非昨。謀身無一可，玩世同陸博。寧守子陵

竿肯受長孺爵，書淫任嘲嗤。語誕徒驚愕，無地著斯人。終當置邱壑。

落葉哀蟬曲

西風吹黃葉，淒淒黃葉下。秋蟬啼砌草，蕭條徑花冷。芙蓉香墜洞房靜，美人倦酒垂繡幃。自息銀缸怕孤影，征人一去塞垣深。夜夜長懸萬里心，請聽金井寒蛩語。何似邊城曉角音。

秋風詞

秋風淒兮百草黃，河水波增兮雁南翔。叢桂落兮

七十二峯

東山 翁氏合編

卷五十一 十三

菊吐金，盼龍車兮徒含情。鼓柁樓兮汎中流，願帝京兮心悠悠。蒼山巍兮天際浮，河東郡兮人民稠。宴群臣兮樂未休。

鴛鴦惜別歌

河之洲兮雙鴛鴦，芙蓉為巢兮菰為糧。朝朝暮暮兮棲芳塘，不三年忽飛散。唯雄相離，羽毛換。主人悵望秋水畔，菱葉菱花共零亂。時不我與兮歲殘，客不可留兮飲闌。驅駒一曲兮誰彈，鴛鴦鴛鴦兮奈爾孤單。

陌上花

梁元帝妃每歲春月渡江歸寧帝作書報妃曰陌上花開可緩歸矣後人遂作樂府題曰陌上花因擬賦之

陌上花開可速美人生小貯金屋九重宴罷侍君  
王曉鏡新粧試膏沐流蕙帳掩香塵隔斷鄉關  
歸未得漫將綵筆寄瓊箋無數叮嚀在胸臆陌上  
花開爛漫傷春美人怯春半趁得花時緩緩歸歸  
心蚤到江南畔筆端不盡纏綿意欲倩青鸞更寄  
語陌上花春漸老宮中人朱顏好可惜韶光不肯  
留怨紅愁綠連芳草尺素通雙魚接油壁車木蘭  
足徵集 東山 翁氏合編 卷五十一 十四  
檄陸可登水可涉緩緩歸君心愜

和禽言四章

泥滑滑

泥滑滑十里長途五里歇道逢總有蹇驢人淖沒  
四蹄時一蹶嗚呼驢蹶可憂寧徒步慎勿顛危在  
中路

提葫蘆

提葫蘆牀頭酒盡從人沽東隣西隣識狂士日給  
一斗無青蚨嗚呼香醪自趣仙家祿招得良朋本

姓麴

婆餅焦

婆餅焦婦任織縑男採樵忽傳王師出邊塞壯夫  
點盡從征徭嗚呼婆餅焦時婦心苦今年無力祈  
田租

歸去樂

歸去樂世路風波今更惡尺地渾如蜀道難人情  
甘比秋雲薄嗚呼丈夫功名何足數窮死還須守

鄉土

七十一

東山 翁氏合編

卷五十一 十五

故人久別擬駭體以招之

水泚泚兮長川樹蒼蒼兮深谷之子兮不來心隨  
雲兮遐逐人澹遠兮孤鴻行芬芳兮秋菊愛吟詩  
兮擬陶兼品茶兮師陸汎震澤兮扁舟結包山兮  
茅屋笑朱紫兮滿朝寓青白兮雙目狎商顏兮綺  
季友孤山兮君復誓夫君兮相從庶一椽兮可卜  
白鶴一去兮何從雲冥冥兮山重重梅花開兮誰  
共尺素緘兮奚通十年不見兮神傷時瞻落月兮  
屋梁云賣藥兮泗水豈學估兮三湘動離愁兮夕陽

亂吟魂兮寒蛩嗟我衰兮何嗜獨好友兮難忘

嚴烈婦

陳家媛嚴家婦婦兮七載失所天懷中有孤正舍  
舖舖孤三齡孤亦忘白頭哀痛連高堂拮据良人  
歸窀穸縞帶高懸繡房夕

哭王忘菴

哀哉忘菴豈真死一慟寢門呼不起白頭兄弟屈  
指間傾倒惟君一人耳風流王謝舊家聲詞翰丹  
青世罕比性情磊落興詠諧抵掌雄談駭鄰里芳

足徵集

東山  
翁氏合編

卷五十一  
十六

草堂中每過從茶白香清酒尤旨筆端造化幻入  
神不是畫禪即詩史寧都魏子作畫記畫手文心  
通妙理去年相逢六月杪君方卧病南軒裏面羸  
體瘦氣益衰未暇寒暄但唯唯入山未幾余暑病  
欲寄憂懷輒中止忽聞訃至心愴然瓊樹摧殘遽  
如此撫琴痛哭志未申濡筆題詩句難已當年好  
客氣如雲眼底交情薄于紙祇留遺墨在人間尺  
幅流傳遍遐邇

春暮有所思

草際烟光薄花間鳥語忙遊蜂粘網戶新燕掠紗  
窗去年送君客橋李今年憶君涉湘水庭樹傷心  
幾度花天涯夢斷人千里

藤杖

萬年藤杖誠天工離奇天矯如蛟龍生長深山與  
大澤乃在太湖中央縹緲峰扶危跋險歷奇觀一  
身左右時相從穿雲忽過太華側指日或向扶桑  
東與君契合真手足維持衰病防龍鍾一朝變化  
同九節夢中恍遇蓬萊翁

足徵集

東山  
翁氏合編

卷五十一  
十七

玉少傳招隱園

盛世文章伯中朝柱石臣賜歸成大隱關園得閒  
身樓敞黃花墅蒼澗樓前菜  
花一望數頃堂開綠野春青青堤畔柳  
依舊拂遊人

湖上懷顧茂倫

憶別故人久吟愁入夢中沙明春水濶天遠暮雲  
空避世袁閎老耽詩顧况工江城花未落悵望五  
湖東

梁溪訪高彙旃先生

先生棲隱霞門對九龍山衆卉自開落孤雲時往  
還異書深左藏草聖繼高閑自與器塵隔松陰晝  
掩關

登微香閣

一閣當山半憑臨見遠村湖光移樹杪泉響出雲  
根採藥鹿眠徑彈棋鶴到門東尚起秋月歸路蹋  
黃昏

季秋同金亦陶席允生宿包山寺

結伴投山寺登臨興未窮客來霜氣早雲住道心

七十二峯

東山

翁氏合編

卷五十一

十八

空僧語松林月鐘傳竹院風潭光侵樹影人在翠

微中

九日同顧伊人飲春草亭

偃息長林下欣逢顧况來十年驚會面一笑且啣  
杯巖畔桂初落籬邊菊未開兵戈迷處所酒盡易  
生哀

上金西麓憩石梅下小飲

娛花就磐石酌水汲天池循徑不憚遠曠懷隨所  
之空濛香霧合淡蕩夕陽遲曳杖促歸去月明勞

夢思

翠峰松迳

逶迤古松徑夾道垂清陰雲來白鶴下風起蒼龍  
吟空響落幽澗積翠飛高岑招提僧在定清磬出  
重林

菱湖秋月

五湖之一夫菱時  
種菱於此故名

吳宮消歇後淒斷採菱謳此夕一輪月照人千古  
愁沙明龍女廟雲淨葛洪洲耿耿清光裡彌深澤

國秋

七十二峯

東山

翁氏合編

卷五十一

十九

輓吳司成梅村先生

大雅已淪沒河汾事杳然別離輕半載坐死滿重  
泉服素情難展心喪誼自專典型斯世少絕學有  
誰宣東海悲劉向南州憶鄭玄家聲堪獨步名譽  
絕隨肩遇合風雲會差池冠蓋年書探金匱秘人  
列玉堂仙理學資宸聽絲綸贊講筵從容趨密勿  
安雅得真詮晨謁磚移日宵回燭擁蓮聖恩方眷  
顧國步已迍邅門閤江干第風波塞外天長沙思  
故里彭澤賦歸田易下憂時淚難招浮海船夢迴

天壽月腸斷永和篇朝野衣冠改山林嘯傲堅道  
高鷹隼嫉志屈卯巢全蕝武原歸漢君虞尚入燕  
此中深意苦詎使世人憐百里書方致三吳訃遽  
傳殘燈情脉脉曉雨淚漣漣題碣留遺憾先生遺言  
我歿後止  
當題以吳詩  
窮經剩斷編時方志春秋  
地輿未成哲人其萎矣吾  
道卜終焉舊夢憑黃鶴新愁託杜鵑嶺梅空自吐  
江月為誰圓鄧尉青山在重開京兆阡

汎太湖十韻

閱世雙蓬髮栖身一畝官山懸苔水北門對越城

七十二峯

東山

翁氏合編

卷五十一

二十一

東地脉從幽達仙源有路通際天浮大澤插漢湧  
群峰帆影三山口人聲百瀆中村村晴樹碧閃閃  
落霞紅自與塵緣薄非開心境空杜圻傳少伯甫  
里萊龜蒙日月相摩蕩乾坤自渺濛却疑武陵路  
彷彿遇漁翁

臘盡矣留滯長干旅舍王汾仲遲余小飲漫賦

破帽羸驢有底忙頻年踪跡滯他鄉雄心似鷁飛  
還退歸思如盲視不忘占夢豈期身富貴挽河難

洗世炎涼窮途賴有高陽侶綠酒銀燈話正長

阻雨石公山同徐大司寇登明秀閣

山色湖光分外親閣前風景最宜春捲簾沙鳥欲  
迎客倚檻堦花如笑人雲歛斜陽迷遠岫雨滋芳  
徑淨纖塵登臨回晚不歸去索笑檐前又幾巡

周廣巷洗馬移居石公山和韻賦贈

寄跡烟波杳霽中越城西畔五湖東高懷得似圓  
真不別業將無刻曲同龍渚澄波秋放棹劍樓晴

嶂晚吟風名山端藉人增重好事猶傳袁石公

七十二峯

東山

翁氏合編

卷五十一

二十一

足徵集  
即為吳邑令愛石  
公山因以自號

濂溪自昔稱高隱新結三椽水竹居芸閣儘探金  
置秘洞天重叩石函書凭闌野景逢秋獵欹枕歌  
聲聚市漁莫怪山窓頻剝啄詩人應是蔡秦余

韶秦存古皆  
山中詩人

寒夜偕二三勝侶乘月步至十八盤微聞款

冬花香詩以紀事

兩袖風輕如羽翰晚來登陟路漫漫湖平月白三  
千頃山靜花香十八盤眼底交遊驚聚散夢中身

世雜悲歡碧岩勝處堪吟眺好事遲君坐夜間

溽暑排悶

苦無京雨洗埃塵雪藕調冰不厭頻  
據我情懷管城子耐誰炎熱竹夫人  
細推物理知消長閒檢兒書見故新  
非是孤高偏絕俗暮年心地本天真

春仲懷嚴子張先生雨阻包山却寄

無邊雲樹接長空獨放輕舠訪石公  
兩地烟波人去住一春藜杖淹西東  
跨橋楊柳垂垂綠蘸水桃花續續紅  
九十韶光能幾許穠華消盡雨聲中

七十二峯足徵集

東山翁氏合編

卷五十一  
二十二

送春日雨集鄭薇令園亭限韻

嫩綠陰陰蔽短牆商量何法送春光  
閒遶雨過櫻桃重小院風微豆蔻香  
是處鶯聲催別騎一簾草色怨啼粧  
多君卜夜留連意莫笑狂夫醉更狂

莫釐峰志感

隋莫釐將軍居  
此峯下故名

勛業消沉匣劍愁名山舊隱記通侯  
英雄自逐滄波遠形勝空隨姓氏留  
曠覽烟巒浮大澤平臨雲物淨高秋  
夕陽影裡歸鴉急萬頃蒼茫暮色收

春杪別友

柳陌征衫緩帶遊送君吹笛五湖舟  
飄零燕子悲王謝狼籍桃花惜阮劉  
不稱意時春易老最窮處客難留  
天涯兄弟分携苦惆悵東風杜若洲

寒食感懷

墟里人家似禁烟桃花水漲綠平田  
盤飧乍薦長腰米尊酒初陳縮項鰻  
喜雨龍蛇潛欲動怯寒楊柳起還眠  
青山何處悲新塚芳草殘花隨紙錢

將出許墅醉山塘麗人家

春水平蕪競畫船滿堤歌吹咽流泉  
東風人醉半

七十二峯足徵集

東山翁氏合編

卷五十一  
二十三

塘酒細雨鶯啼三月天紅藥贈行偏  
旂旄綠楊牽恨太纏綿荀郎遊俠年  
非少容髮蕭疎祇自憐

春曉江行

東風剪剪柳毵毵客裏輕過三月三  
曉起推篷看霽色青山一帶是江南

和韻贈錢子式

五載論文見素心湖山勝處共憑臨  
一編在手足忘世記得種松今十尋

初夏過錫山秦氏園

泉聲曲曲路高低錦繡湖山罨畫溪滿地落花閒  
鶴夢綠陰堆裡鷓鴣啼

鄒愚谷園亭志感

寂寂朱扉鎖暗塵敗垣零落剩荒蓁東風狼籍春  
無主枉殺碧桃開向人

吳公全來碧軒晚眺

烟拖樹色夕陽低一望平疇刈獲齊來碧軒中吟  
眺霰稻堆如屋板橋西

翁文梓

七十二峯

東山  
翁氏合編

卷五十一  
二十四

文梓字友桐心齋次子性豪邁善交遊馮瞻堂太  
史未遇時館其家稱莫逆焉喜蓄蘭名種悉脩構  
紉佩齋置之晚年寄情音律製樂譜與山中同調  
被之管絃抑揚節奏盡得其妙月夕花晨好事者  
或載酒至著紉佩齋稿十卷馮太史序稱其雅淡  
越俗深有得乎蘭之趣者

梅雨

梅熟陰晴候榴花開謝天滴簷聲斷續瀉澗勢迴  
旋籠霧迷朝樹因風咽暮蟬何人同抱甕茶竈試

新烟

杏隣書屋

遲日攤書坐端居迥隔塵莫嫌茅作屋且喜杏為  
隣燕語紅雲近花香雪案新上林春色好走馬是  
何人

聞蟋蟀

微物緣何事因人亦自爭奮髯神抖搜交口勢縱  
橫同類忍相噬一鳴何盡驚只宜安枕畔兒女最  
關情

七十二峯

東山  
翁氏合編

卷五十一  
二十五

海印和尚邀看丹桂

偷閒來半日心地頓成空樹與僧俱老花迎日愈  
紅樓高當喝月岡偃好吟風茶話情無限斜陽下  
萬松

曉發壽州河口

月白星明宿雨收晨鷄啼徹大河頭千行垂柳迷  
村落一片征帆出壽州遙望遠山雲靄靄漸聽喬  
木鳥啾啾風行數里曉光動早有人開賣酒樓  
贈目存上人

鶴跡雲踪不染塵高懷落落任天真赤雙白足長  
逃世寫幅丹青自養親氣吐烟霞吟好句杖挑瓢  
笠稱閒身遠公他日開蓮社擬傍廬山事隱淪

庭前菊花遲放式金姪賦詩催之次和

籬種隣分著意栽重陽始得見花胎吐遲有意存  
高潔欲並梅花十月開

菱歌

清秋忽報菱初熟出蕩嘗來味特鮮采采浩歌來  
澤畔好聽最是曉涼天

七十二峯

東山  
翁氏合編

卷五十一  
二十六

贈春濤姪

幼齡失怙嘆零丁就學從師仗友生

馮瞻堂先生主予家  
塾春濤執經從學

記得昔年燈火夜隔牆時有讀書聲

手携書卷向城中衣鉢傳經茂苑東耕取硯田歸  
奉母孝思真有古人風

翁士芬

士芬字佩蘭

桃花澗社集壽吳餘生

一道清泉入澗飛落紅片片弄晴暉鳥聲求友時

傾耳花氣薰人欲醉衣霞士尋芳心自遠耆英選  
勝跡多微山中舊擬邀秦處黃綺風期定不違

七十二峯

東山  
翁氏合編

卷五十一  
二十七

七十二峰足徵集卷五十二

武峰吳定璋友篁蒐錄

嵩山王言廷謬士編訂

周采

采字亮臣一字若予占籍江寧為諸生遊於吳源  
長先生之門詩古文辭時有出藍之譽適時多故  
絕意進取嘗於都下遇一老中貴得所輯宮史凡  
歷朝宮闈之軼事歲時有司之典守以及嬪妃監  
厥之職銜與夫殿閣臺榭苑囿之名制纖悉畢脩  
七十二峰足徵集

東山周氏合編

卷五十二

有所思二首

我所思在崑崙乘翠隴陟天門狎玄鸞友白猿有  
美人雲旗騫滛容與徒思存路之脩折其轅望玉  
京紅亂屯崑崙遠莫倫尚神妃界我璫  
我所思在玄圃祛靈螭伐鼉鼓呼旋風沛霖雨有  
美人揮瓊塵杳靄漫徒思苦塗之紆曠其武叩神  
閔弱水杜玄圃遠遠中土尚彼姝佩我組

野田黃雀行

寄生在微族拚飛上茅屋剝啄無奢求所需惟粒  
稬翔集向菑畬兒童輒驚逐戢羽入雲中復恐矰  
繳戮天地亦曠哉進退何維谷庶幾遠弋人結巢  
深林宿

秦宮曲

自入咸陽宮春閨三十六甲帳初鐘鼓夜深競箏  
筑秋風玉筍流月殿金鈎肅宮車宵然過但聞聲  
輶輶

七十二峰足徵集

東山周氏合編

卷五十二

擬陶飲酒

山居了無事月白松風清濁醪時酌之身隱焉用  
名鷄豚聞籬外戶扃無喧聲來朝啟東作荷鋤後  
耦耕

訪朱山人

曠步北山麓言扣幽人扉蘭氣出戶庭群動何希  
微煙青爨松檜談笑還忘機塢深答虛籟鳴禽背  
斜暉柴墟冷然別天風吹裳衣

杏園

佳氣散林樾坐愛春花深野榻疊石為小飲悵幽襟紅英雜芳翠山鳥來清音微風灑醺面泉壁生空陰蘿門嬾雲守膝橫寒星琴

竹林寺

古寺隱翠叢飛甍出木杪層磴寒苔深刻竹接泉逶予來值晚秋空山遍清眺蒼松夾霜柿颼颼吼雲表石罅瞞江光淼渺搖晴篠幽塔冒藤蘿烟冷洞門小夕陽下同峰客緒孤悄悄

拘幽操

七十二峯  
足徵集

東山  
周氏合編

卷五十二

臣之身何足惜君之心不可格不能感悟君王時便使臣罪如山積

妾薄命

憶妾少時紅樓女臨春未解啼春緒梳頭學整金鈿釵見人嬌羞不能語十五學琵琶顏色麗如花十六學為公子裳新豔彩線多容光自此結禱事君子綠蒲交暝雙鴛鴦妾心皎潔信白日君情中斷始參商妾如水底月清輝就衰歇君如隴頭雲散去漠漠雲嫁時明鏡蟠花匣但照分離不照合

閨中并刀利於眸只剪吳綾不剪愁

同李侍御少文汪孝廉我生賀伊源冠白門校書讌集吳光祿梧齋

高館空庭結陰綠桐影風翻兔初浴雲母果愚玳瑁卮錦幄蘭燈曷交促長鯨瀉酒紅玉軟翠娥紫黛嬌度曲客亦清歌聲薄雲雁柱斜飛金管續歡情醉緒春滿堂丁冬細漏聽未足飛瓊酒史約束嚴酒中眉語神先屬旋呼小玉出花籃貽我素馨冷香觸頰臾白髮青驄君起看銀漢辭醺醪寶騎翩翩擁花去別後月華光燭燭

七十二峯  
足徵集

東山  
周氏合編

卷五十二

六  
南澗懷朱羽文葉予聞龔非元徐天予楊匡

幾日不來南澗遊雨餘泉漲多奔流南澗泉聲度北澗山靈割據分鴻溝忽憶向時汎觴處坐送飛雲過湖去向時吾友多素心抱琴彈向春泉陰一彈再鼓復三嘆人生惟有山當玩青泉白石無窮期晨賞何妨至日盱山童狎我時笑粲笑問泉癖何旦旦笑而不答入雲中獨携一卷聽松風

冰雪姿連袂共此春泉花雨濛

賦得考槃在澗

茅齋如釣舫飛藻媚癯容白瀉松上瀑青來門外  
峰雲奩棲浴鳥石屋走濤龍枕漱施皆得浮烟翠  
萬重

雪霽遊石公山

山與冰湖一流漸孤棹牽石瞠雲外叟鬼琢線中  
天寒落蛟宮水晴開鳥道烟禹文蒙玉屑携篠掃  
琅篇

七十二峯  
足徵集

東山  
周氏合編

卷五十二  
五

海塘

潏沆東南極隄防滄海邊岬高沙滑馬地鹵竈飛  
烟野舶乘潮活墩塋積草連島氛知永息控御想  
當年

黃俞邵結古歡社賦贈

叔度風流美新歡遇古生定交殊不偶立社到忘  
名人以素心合道由博物明寤歌考槃陸金石出  
商聲

觀書知大意慨釜志烹魚淚洒遺民錄悲歌萬事

除松孤陶逕裏山邃石倉儲讀罷霜天迥新畦帶  
月鋤

人生三不朽浩歎古無涯研討事幽蹟沉幾息囂  
譁鷗盟堅道懷蟬飮空諸家百世俟知我何勞問  
齒牙

元規塵不到片席靜烽烟側足惟懷古搔頭屢問  
天學山希躋岱祭海必先川書著窮愁日虞卿養  
晦年

自七里洲行至石頭城

七十二峯  
足徵集

東山  
周氏合編

卷五十二  
六

已捨大江楫綠溪舟復同爭橋晨販市打棹老漁  
一鵲健初下數鷗閒向空遙憐鬼臉石興廢幾  
朝中

奉賦貢龍衣舫

尚方徵績繡画鷁纒江干鼓吹驚鼉宿旂旗閃月  
寒臣慙補衮未天副御龍難多少無衣者承恩待  
縣官

靜業禪林獨憇

出門尋野寺愛此竹房間暑未收天上秋先到屋

間香林雲罨樹烟篠響凝山竟日無人至籬陰自  
杖還

賦得萬壑應孤磬分得杉字

響破空山寂遙遙度碧巖焚脩通木石玄悟起松  
杉虛谷傳能徧無風籟不凡置身禪榻上機慮共  
應芟

至夜泊江干

寒催暮雨響流漸此際孤舟轉自疑蕩子一年長  
至夜龍江萬里四更時闕城無月鷗機靜海國微

七十二峯

東山周氏合編

卷五十二

兵噩夢危最是隣船多暗語吳音到耳動鄉思

將之京口番別諸同社

山市飛花趁薄游感深風雨敝貂裘十年短劍傷  
心處萬里長江快眼秋家破未須縈遠夢身聞只  
合泛虛舟徂徠故舊如相憶鐵甕城西月一鉤

吳次圭為龔非元寫鏡中半身小影

心地常依日月光應從象罔覓行藏三毫顙上摩  
尼寶五字城邊雲水莊淨洗聰明標寂體獨留膚  
髮鑑寒霜知君不欲全身現為怕塵勞駐足忙

送徐天子適泖上

翩翩孺子意何如不是山居即海居三徑有家茅  
補屋九峰作客薜為裾漁迎雪澱中流塔鶴伴沙  
汀午夜書君去正肥鱸膾後機雲名士待交初

哭嚴開一

每惜才高却誤人等閒化碧倍傷神血枯一滴窮  
交淚腸斷千年隔世身天上玉樓增氣象人間蓮  
幕失嶙峋吟魂飲癖招難起風雨泉臺到十旬

題淳化鎮店壁

七十二峯

東山周氏合編

卷五十二

浙水吳山扼上游烟霞竹木滿前邱驢因慣餉奔  
茅店人為聞香識酒樓年去年來岡畔路時風時  
雨客邊愁若教碾得青青破南北輪蹄卒未休

賦得杏村問酒

行行暖陌簇春齊索醉王孫送馬蹄牧笛江城寒  
食候雨絲花片小橋西銀瓶指點胡姬笑金勒驕  
嘶客眼迷歸路不妨遲屐齒夕陽紅罨晚來溪

烏龍潭納涼酬朱雪崖二十韻

瀟澤巖城近園亭野徑寬四圍山色健十里浪花

團飛閣通波跨迴廊隔水看翠鈿金屋煥

時彩白門校書寓此

絳節玉京寒

潭上有雲閣

蕭散淇濱竹幽芬楚畹蘭清風

來水面暑氣退河干荇藻參差碧芙蓉漱澗丹雨

絲殘遠黛霞脚碎晴灘縈縈鱗鯨啣花弄羽翰

到茲塵慮斷頃使客愁刊饌出韓侯款籩加戎核

鑽酒醺浮珀盃瓜累薦冰盤絲竹兩牀發笙歌一

席攢神龍驚石瀨綵鳳下雲端來往無烟艇逢迎

有釣竿片雲催杜甫萬火送田單秋未生梧葉涼

先動井幹嬌姬銷粉汗公子怯冰絃雅譙追山簡

七十二峯

東山

周氏合編

卷五十二

詩才愧子安夕陽翻赤壁歸路醉蹒跚

清明日葉天聞招同湯聖弘治城道院看海

棠

江南百五風光好桃李紛紛下有蹊搓碧柳嬌新

雨壩踏青人悵舊京堤天都窈窕蓬萊近花信綢

繡屐齒齊一曲幽欄凝絳露千年芳蕊出丹溪艷

魂幾逐鸞笙斷春氣方酣鶴語低看到半開猩帶

暈飲教全醉客如泥僊閑閒却女郎樹綠筆虛留

十子題殿裡芝童通紫籙樓頭柑酒澁黃鸝猫珽

玳瑁撩娟影蝶戲紋襦點素哇過眼麗華銀燭夜

感時攀歷鳳城西常悲漢寢無蒲籜整喜江寧息

鼓聲席罷醉聞狂蜀魄聲聲猶向孝陵啼

摹帖

幽壑龍蛇起點畫觀無始但悟庖丁喻不必黑池

水

次毘陵驛

古驛多春草孤舟逐野雲書生無伎倆不敢說從

軍

七十二峯

東山

周氏合編

卷五十二

投友人

病馬曹唐真可憐項斯室說向人前龍蛇筆底成

何事悞盡王孫自古天

朱珩壁席上觀女劇

相思優孟較來真一度追歡一愴神借得傳奇虛

話本分明心事語他人

綵甲花盛隱繡裙汗流白雪亂香雲等閒中惘成

何事今日方知娘子軍

新鶯啼處鼓頻撾檀板輕催欲出花少婦宮袍生

百媚依稀憶得舊官家

齣齣春心眷語時鳳凰簫轉度聲遲斷腸詩是纏頭物漫惹蘇州一段癡

明宮詞

凡選官人撥三四十名年幼者隸靈臺司

習學天文

宮人幼習步天歌星歷陰陽畫揣摩玄象有時微示譴蛾眉脫珥諫違和

內監中選讀書有德行者俾教宮女能通

七十二峯

東山周氏合編

卷五十一

文義諸典故者為女秀才升女史女官司六局掌印凡太后后妃禮儀等事皆女秀才為引禮贊禮官

嬌嬈自小選名來內宦教成女秀才六局漸升方尚寶中宮引駕贊儀回

聖人視學出鑾輿宮女花間讀秘書恐怕天言徐問及暫將簫管一時疎

文華殿設圍屏數十中數扇畫地輿圖左數扇貼文官職名右數扇貼武官職名遇

陞遷則更易之係萬曆初輔臣張文忠創進

文華殿裡圖書府左史前巫及漆經文武普天防失職盡拈名姓在圍屏

西內秋收時鐘鼓司在無逸殿等處扮農

夫村婦為打稻戲

鐘鼓司存聖駕回御前迎導樂如雷莫言打稻徒嘻戲繪出農家作苦來

仁廟為太子時失意於文皇一日侍晏對

七十二峯

東山周氏合編

卷五十二

后呵之既而曰媳婦好他日我家虧他撐持俄頃忽不見太子妃在侍文皇令覓之乃在嬖室手製湯餅以薦文皇大喜為痛飲而罷儲位乃安

上苑鶯花爭笑日蠶池輦降御三盆持家賴有佳兒婦湯餅親調獻至尊

先朝隆禮儒臣嘗稱講官為先生

鶴禁春曹侍講迴寢門省夜笑顏開君王細細問今日先生幾個來

宮中有漢經番經道經三殿每選宮人各撥數十人隸之

持齋玉女似神人道服翻經度曉春一朶梨花籠淡月水晶涼殿絕纖塵

省愆居製用木為通透之基高三尺餘下不令牆壁至地其四圍亦不與別處連接遇天變災青居之上林即南海子有林衡嘉蔬等四署

君王昨幸省愆居四接通連地閣虛寵貴內人都

七十二峯

東山

周氏合編

卷五十二

十三

不御野虞惟進上林蔬

鐸針居帽中央金銀珠翠珊瑚皆可製年節則大吉胡蘆元宵則燈籠端午則天師中秋則月兔萬壽節則萬萬壽洪福齊天之類洪福者於齊天字兩傍各綴紅蝙蝠一枚以取意挑板製與鐸針同而珍珠珊瑚自鐸端下垂耳下墜腳世宗曾以之賜大臣

鐸針協節寶裝成洪福齊天各首擎內侍漫勞沾

異寵輔臣挑板亦殊榮

文皇時一宮人姓韓身不滿三尺而長於棋呼為韓長帝與之奕負則賜一金錢勝則命仆地三轉而起以為笑樂

永巷曾推女奕秋親同御手較誰優敲殘翠鳳宮中月贏得金錢下玉樓

宣宗御寫玄兔圖以淡墨微圍其旁似碧空滿月上有丹桂清華可人神宗御文華名輔臣賦詩親書于軸得三十五人復命

七十二峯

東山

周氏合編

卷五十二

十四

圖其副勒之石

玄兔如生御墨鮮玉蟾金桂兩嬋娟台司賡詠陽春調副本圖來也可傳

景皇帝嘗以金錢銀豆撒地令宮人爭拾為笑閨編脩臣賦銀豆謠以諷

金豆從空灑舞衣宮娥爭拾袖携歸更多買笑銀花片剪作西園玉蝶飛

武宗時臧賢得寵中外爭賂之得所願者賢報以名香目曰雪中春信

戶外西山雲日齊雪中春信曉嵐迷翠華時向深  
宮隱五鳳簾垂九殿低

思宗時一宮人名阿奇能以青梅雕刻脫  
核鏤成花鳥以手擘之玲瓏如金合之復  
為梅號曰梅籃

脫核鏤成小玉函精工花鳥號梅籃貴妃索得垂  
金簋乞與玲瓏八寶簪

宮人有罪發墩鎖或提鈴每天晚宮門下  
鎖自乾清門裏至日精門回至月華門仍

七十二峯

東山周氏合編

卷五十二

十五

還乾清門裏提者必徐行正步雖大風雨  
不敢避而鈴聲四字一句若天下太平云  
提鈴款步奈宵何玉殿瑤堦百遍過風雨斷魂無  
可避鈴中猶唱太平歌

周而淳

而淳字黎同東山楊灣人順治壬辰進士

縹緲峰

西山有峰名縹緲迥然傑出青冥表中有幽人鑿  
翠居白鶴青巖戶外繞石鑪丹竈藥苗香洞中禹

篆人無曉劫前不計滄桑更鏡中常見芙蓉小長  
嘯一聲烟水深洞庭即是蓬萊島

周官

官字其人順治科舉人

卿雲和張素存年兄

遙映江波濯錦裙天孫機上理紛紛奇峰夏出非  
多見五色天開到至文鳳鳥欲來符應兆山川先  
得氣氤氲誰當人物鍾靈異江左才華自昔聞

周維新

七十二峯

東山周氏合編

卷五十二

十六

維新字邵自廩貢生

秋夜寫懷

庭丹桂影孤坐落花前衆籟依心寂餘香入酒  
月行何太速露下竟忘眠欲泛天河去靈槎信  
莫傳

周恒

恒字公常

夏初新月

節序及朱明西樓片月橫似因花氣重轉覺露華

輕影入深盃，煖光移半壁。清南薰吹更好，會看夜珠盈。

有贈

秋江過雨晚涼新，倚棹相看共玉人。解佩只宜巫峽夢，傳花却憶武陵春。歌喉宛轉偏生態，步襪輕盈不染塵。若問移家何處好，蓬山西畔可為隣。

雨泛

朝來烟靄乍沾衣，曲岸人看画鷁飛。一片波瀾生黯淡，四圍蒼翠轉霏微。初如江渚弄潮罷，還似楚

七十二峯

東山周氏合編

卷五十二

十七

臺行雨歸，好待雲開華月出。船頭携酒款清輝。

夢中題画梅

空香雲活活，瘦骨雪瑤瑤。莫謂天涯苦，春風倚筆生。

周吉

吉字天自

落花

青郊回首惜年光，幾處飄零易斷腸。鳥語如簧偏帶咽，蝶衣雖舞不沾香。風前心怨春狼籍，月下魂

消夜渺茫。片片相思隨逝水，朝來那忍到芳塘。不住鶯啼是輓歌，頻飄池面起芳波。梁園漫惜飛金鞦，隋苑空傳剪綺羅。石上平鋪苔繡錯，闌邊斜灑淚痕多。十分春色消磨盡，羯鼓齊催可奈何。

周玉基

玉基字會五，號築巖。

早行

晨興赴遠道，落月留微光。鷄聲出老屋，策蹇沿荒塘。山澤多縈紆，關城迷所望。哀風起木末，隋葉帶

七十二峯

東山周氏合編

卷五十二

十八

清霜觸物感懷抱，涕淚沾衣裳。悲哉浪遊子，歸期安可量。

周祖典

祖典字景堯，號雲高。太學生，有觀濤閣詩一卷。

楓林晚眺

偶來林下有誰期，秋老山中晚更宜。風靜且留將，隋葉霜輕早。染最高枝，蒼寒暝色僧歸外。黯淡烟嵐日落時，好句冷江成絕唱。苦吟堪笑獨歸遲。

遊石公

片帆飛渡石公山絕巘層巒任往還雲峽有情天  
覺小月波無主地偏開步隨香雪仙源近身倚岑  
樓俗慮剛自笑此生成老大百年能得幾回扳

周德星

德星字荀龍雲高之子有療俗亭詩百幻詩草

雲戕

凌虛一幅脫鸞容濯錦江頭展曉風龍護衍波頌  
絳闌鳳啣玉版下蒼穹月規高映銀鈎淡鴈字斜  
行墨影空最愛浣花溪上色稜層分得斷霞紅

七十二峯  
足徵集

東山  
周氏合編

卷五十二  
十九

周斐仲

斐仲字餘山徐侯山人

雪曉

夜來謾謾聲千嶂忽然失我欲問樵夫樵夫卧不  
出

周禹

禹字孟汲縣諸生懷經世之略遇地方公事有不  
可者義形於色侃侃持論不避鈇鉞康熙初議設  
江浙太湖營遊擊一員轄兵弁八百六十名駐劄  
東山禹謂東山非太湖扼要地繪太湖一覽圖且  
為之說云太湖首西北而尾東南駐兵宜在西北  
據上游以控制東南勢如建瓴若設營東山失地  
利非宜具呈江浙督撫當事建之遣官偕禹徧歷  
太湖相度形勢定議駐西山之舟頭居中調度無  
七十二峯  
足徵集

東山  
周氏合編

卷五十二  
二十

鞭長不及之患措置稱允當焉

西湖秋夕與友坐談

湖上相逢阮步兵呼燈共罄別離情襟懷豈為閒  
愁窄笑語欣看知己生斜月侵簾移樹影微風入  
戶送秋聲櫻心時事難為寐聽盡城頭長短更

七十二峰足徵集卷五十三

武峰吳定璋友篁菴錄

螺峰王世岐聲壇編訂

吳 暘

暘字麗中號南谷馬蹟張青灣人登萬曆丁未進士初授理評平反活九人遷戶部主事督餉天津歷負外郎擢知河南府時福藩以帝愛子僕御放縱吏不得問暘持已廉潔守正不阿輒引義規諷王王戒左右歛輯民賴以安陞浙江副使尋陞廣

七十二峰足徵集

馬蹟山吳氏合編

卷五十三

東叅政香山澳者倭奴貿易處也詎香山縣治二十里倭奴萬指屯聚其中奸民基之築城造炮臺隱有不軌志巡撫何士晉議弭之以屬暘暘嚴緝奸宄杜交通召其渠魁諭以朝廷威德咸俯首聽命毀其城夷其臺事竣會何公以事去任其績弗獲上聞尋擢四川副使陞江西右藩轉福建左藩時海內多事征調旁午暘竭蹶支應無匱乏虞庚午入覲召見數對稱旨仍命回閩中途病卒閩撫按敘其勦海寇李魁奇鍾斌功追贈太僕卿

嚴陵釣臺

把釣臨清流臺在青山上先生高隱心千崖競相向嶙峋百尺基竟敵雲臺壯古木叢高柯白雲出孤嶂臨眺憶當年芳踪一何曠天子稱故人志豈慕卿相盛世有烟霞客星自高尚天地一綸竿骨與磻溪抗所以炎鼎移富春常在望

咏史二首

淮陰本王孫一飮亦偶爾如何漂母名千載遂如此丈夫在酬恩耿耿志永矢漢王國士知恩遇誠

七十二峰足徵集

馬蹟山吳氏合編

卷五十三

莫比所以蒯通言終因倍義止不然楚漢間成敗未堪擬豈料雲夢遊翻爲絳灌耻功名烈士心過激則難已空悲長樂室就烹兒女子賈生命世才能文正年少關心治亂數反來老成誚失志謫長沙徒爾靈均弔鵬鳥賦淒其忽承宣室召前席問鬼神蒼生復何告憂時過不平漢文稱有道上書痛哭言未免近孤傲

白雲歌

我樵山之巔白雲繞我足我旋山之腰白雲在我

腹我於山下結蓬茅白雲依然覆我屋我行雲亦  
隨我止雲亦宿我坐雲爲賓我與雲作僕我家常  
寄夫椒陽白雲與我同一鄉我願乘風遊萬里白  
雲應許共翱翔

放鶴歌

朝放鶴放鶴山之陽羽毛纔一振寥廓信翱翔  
放鶴放鶴山之陰凌風倏然起杳渺迥難尋鶴兮  
矯矯將誰集不入鷄群爭粟粒擬遶丹爐伴老仙  
擬啣芝艸依沙隰鶴兮汝去好歸休莫戀蓬瀛十

七十二峯

馬蹟山  
吳氏合編

卷五十三

二樓子晉升天缺雙翼定教羈汝作驂騑

瘦竹歌

嗟嗟此君何困約蒼皮老骨癯如削分明絕繁腹  
空虛拄地撐天強撐着曾被嚴霜幾度虐又遭凍  
雪連番劇儘他陰慘迭摧殘勁直稜稜終自若譬  
彼西山兩餓夫流風千載振塵污數窮候變人心  
死獨挺幽貞一片孤簪彼典午七賢士科頭赤脚  
相招呼世法不拘任疎放蕭然物外天爲徒尋常  
妖卉君羞昵璀璨琅玕琪樹比不遇中郎能解音

蕪亭埋沒誰收取久交朋好空期許我愛此君偏  
契汝朝咏酣今暮嘯長月來照影翔仙羽

螢

已近秋風裡還飛客館來捲簾吹易入傍檻去仍  
迴淡月荒堤暗微霜小徑開本多飄泊意非動逐  
臣哀

秋柳

休說青青傍堦橋望來秋氣已先凋西風難比東  
風軟倦態全非眠態嬌護子烏巢陰莫覆逐群黃

七十二峯

馬蹟山  
吳氏合編

卷五十三

蝶葉同飄畫眉小婦情偏厚猶憶春初好樣描

吳惺

惺字睿中號完冲方伯從弟縣諸生

醉後

狂歌縱飲夜如何山寺疎鐘到薜蘿劍術未通羞  
語俠酒泉無令豈嫌苛微虫鼓翼秋將晚殘燭飛  
花漏轉多生理不謀畊鑿外莫呼牛馬問風波

登觀星臺

萬古荒臺秋色中登臨何限事難窮星辰錯落仍

垂象法物蕭條已半空小苑芙蓉傷牧馬故陵松  
栢斷歸鴻風流誰更思王謝惟有平湖晚照紅

十月二十八夜

小雪離家復二旬天涯囊橐阮咸貧飛鴻漸遠三  
更夢殘月常隨萬里身寂寥酒杯清夜斷飄零詩  
卷暫時親不堪歲暮滄江上日日歸期總未真

喜晴

一庭晴色暖繩床安穩高眠即故鄉未有重裘供  
病骨且將濁酒浣愁腸輕雲迴薄鴛鴦瓦宿雨沾

七十二峯

馬蹟山  
吳氏合編

卷五十三

濡薜荔墻休訝江南春信杳老梅根底已含香

晚步

日沉遙浦水冥冥散步平橋酒半醒霜落自深松  
桂色山昏莫辨虎龍形人將臘盡增歸思梅欲春  
先放萼青隔岸誰家飛玉笛殷殷清怨不堪聽

秋興

十年相顧尚飄蓬寥落登樓見白鴻玉砌風寒吟  
蟋蟀銀床雨過響梧桐雲連北極關河在賦就江  
南州木空獨憶柴桑歸去後清樽猶對菊花叢

吳伯尚

伯尚字敬躋號臯賡方伯長子崇禎癸未進士授  
中書舍人

曉行望太嶽

輕鑣驅落月望嶽轉林臯樹得秦封古雲憑日觀  
高淮徐開地脈遼海接波濤杜老驚人句長吟破  
寂寥

題所居

屋破居何陋幽棲性不違親朋疎杖履世事冷荆

七十二峯

馬蹟山  
吳氏合編

卷五十三

扉細雨藤蘿重空厨鳥雀稀百年難可計無淚向

牛衣

湖中作

萬里星源接分流蒼海東孤帆山影裡群雁水聲  
中底定推神力交爭厭伯功欲將今古事樽酒問  
漁翁

鏡中美人影

玉臺凝艷質掩映出菱花漫惜歡悲肖應嫌語默  
遐遠山同倩筆新髻各籠紗幾許相憐意還將繡

蓋遮

望點山

晴光欲灑動清波嶺上梅花近若何深島曲藏茅  
舍穩平林遙阻片帆過耕漁事業勞天壤蕉鹿身  
心託咏歌歷盡艱辛驚尚在殘山剩水感情多

劍門

孤攀絕頂步蹣跚鳥道烟空恣遠觀翠壁忽分雲  
斷影鐵崖並峙月爭寒光凝落照芙蓉冷勢激飛  
泉珠玉殘故國荒涼兵燹後不堪遙望起悲酸

七十二峯  
足徵集

馬蹟山  
吳氏合編

卷五十三  
七

秋眺

征雁成群喚碧天溪明如練向亭懸幾家村落松  
雲杪何代樓臺夕照邊客久儲糧猜野雀病餘心  
力近枯禪休將涕淚悲生事牛馬風塵又十年

吳仲正

仲正字敬立方伯次子太學生

立夏小集

今日已稱夏此時還是春剩紅花戀舊雅綠樹趨  
新晴色淨於練香光暖襲人山家迎送簡鶯語爲

留賓

耽眠

出門惟信步隨寓只耽眠世事干戈裡塵緣塗炭  
邊夢爭江子筆囊澁范家錢日憶田園好平生豈  
受憐

題伍子盟頂

歷盡滄桑不記年山名還藉昔賢傳臣心可剖盟  
如日石骨長撐劍倚天壯志自完當日事剛腸寧  
許後人憐忠魂不逐鴟夷沒靜夜深林泣杜鵑

七十二峯  
足徵集

馬蹟山  
吳氏合編

卷五十三  
八

江陵遇寇

城頭日落角聲哀聞道流氛捲地來燐火夜生千  
鬼泣炊烟村斷幾人回雲迷故國旌旗冷江集新  
營辟壘開元老壯猷矜獨得乘風早展濟川才

馬跡

何年留得此奇踪踏破蒼苔首欲東在昔不禁悲  
過隙到今還自憶追風雲屯竹塢磯凝白春到桃  
花嶺綴紅駐馬英雄何處問五湖烟雨滿長空

荆溪長橋

橋伏蛟龍勢波涵晝夜般荆溪千古事周處僅傳名

雨不絕

春光多向雨中過不識天心竟若何二麥將供魚  
鱉盡清時能吏日催科

吳渭

渭字清之性情介絕俗家貧業攻木以自食其力  
暇時不廢吟咏崇禎甲申之變閉門絕粒賦詩二  
首堅卧而歿

七十二峯  
從微集

馬蹟山  
吳氏合編

卷五十三  
九

弔古

首陽埋白骨含悲目未瞑採薇非貪生浩歌吐哀  
情叩馬非多言大義麗乾坤高風百世師我心尤  
耿耿爲君紆長恨商周共泯泯

吳軫

軫字星子號若客伯尚長子少遊粵西因寄籍登  
康熙辛丑進士初任安東縣知縣補太平縣知縣  
陞德州知州卒于官

獨漉篇

獨漉獨漉水深泥濁寧喪我轅母飲我犢鬪獸之  
困怯于虬蜉讓國之賢見訟乾鯀家有敝帚享之  
千金桐實養梟求其鳳音白龍魚服雖窘何傷犬  
被羈貂目爲不祥利劍在掌不成報仇嗟彼舞陽  
孰如女休雄雉于飛不顧其雌我欲射雄得雌何  
爲

雜詩

割肉飼猛虎其勢固易窮結客少年場何如隨賈  
農豈不惜牙爪怨毒在其中朝爲挾彈遊日暮自

七十二峯  
足微集

馬蹟山  
吳氏合編

卷五十三  
十

相攻高馬鳴路側一身死垣東亦有千金劍未成  
銖兩功但爲觀者笑流傳都市同

束髮夫何爲被服好鄒魯搖落蓬蒿間亮節賤如  
土非無堯與舜揖讓竟何補悠悠策馬途獨望已  
愁苦鳳飛赤霄上豈亦畏羅罟寂寞人間遊徒然  
誦往古

感舊

俎豆移莽泯國章焉足論淫淫百憂集飛鸞竟何  
門偶影暮宿昔迴薄彌傷頰生平好賦頌傾寫誰

爲援布衣四五人著述累萬言頗合陶謝理迺蹈  
胥平冤嶠嶮氣堅樸談兵有淵源須子茂才藝決  
昔無平原慷慨未及終流亡已安存返顧壁上辭  
宛爾全幽喧恍若風雨夕攘攘油汙樽挑蔬膾鯉  
魚飲如鯨鯢奔曲指未十載倏忽毛羽斃修文豈  
寂寥于我遺晨昏重違伯桃義竊負豫讓恩嗟哉  
同學人誰復類虎賁蓁蓁狐域首安用招爾魂願  
得傾高柯光儀不可捫徒將百里淚沾洒椅桐根

南磧

七十二峯  
足徵集

馬蹟山  
吳氏合編

卷五十三  
十一

南磧久陰雪有廬亦傾頽爲感生平事厭臨歌吹  
臺弭棹下清溪凌厲風色哀哀哀日云晚我行猶  
水隈春寒野鳬稀地折孤瀾迴喧阗向窮巷柴荆  
綠我開有酒不在多聊以靜徘徊感嘆百年內安  
能委蒿萊尊前射虎兒可似李廣才躍馬未爲暮  
胡爲心似灰

將歸江南哭亡奴墓所

汝骨竟不歸吾悲豈能道相倚萬里途視汝未艸  
草何期朝露促歎忽遂終天今晨跨青駒駸駸涉

寒潦低墳埋瘴癘立馬費追討呼呌那復知徘徊  
重煩懊人生等秋露生存固難保吾返心迷茫汝  
留骨枯槁但恐歲月深此地迹如掃灑泪沾土泥  
淒風動禾藁

贈蔣見洲

見洲名溶一雒陽人曾任叅戎聖安朝以  
爭童后事忤貴陽落職壬辰秋賣藥長干  
與予遇於逆旅君之兄名澄一者先大父  
門下士也大父守河南當福藩初建裁抑  
諸豪橫不法事至以死力爭雒人得安然  
此惟雒人知之雒人能言之蔣君兄弟尤  
知之深者故其言甚備予因採家乘合諸  
蔣君之語述爲短章雖奉揚先烈亦以見  
故人之情也

神廟定儲位賴此綺與黃愛子封雒陽千乘辭朝  
陽恩賜古莫比旌旗亞梁王我祖起廷尉再仕司  
農郎才名動寮尹一時依末光帝曰汝往哉爲朕  
守是方拜命自茲出汲汲修紀綱故事賜田土編

七十二峯  
足徵集

馬蹟山  
吳氏合編

卷五十三  
十二

戶供梁梁王欲易衛士盡爲屯牧場雒陽百萬指  
旦夕離耕桑我祖力持之激切成短章箋凡四五  
上鷗羽不得翔三載去雒城雒人淚如血稚子望  
轅啼紅女泣幕側但言我公去生死未可必今已  
戰伐餘思慕猶往昔雒陽有蔣君意氣萬人敵相  
遇治城間黯然爲我迷反掌四十年細事無所失  
彷彿雲龍姿聞者皆嘆息在昔中州陷玉戶滿鋒  
鏑誰知四守祠遺棟還突兀蔣君本國士挾策事  
戎軒方在聖安世揮霍如平原論事忤貴陽幾欲  
足徵集

七十二峯

馬蹟山  
吳氏合編

卷五十三  
十三

墜兵樊不及永嘉難拂衣歸故園今日復來止賣  
藥青溪源數見紫髯動輒聞慷慨言我故戒飲酒  
也爲君開君則善飲流臨觴反徘徊區區故人  
意豈在同酒盃幸爲良吏後握手向塵埃敢令先  
世業零落隨蒿萊日月未遲暮簪筆望雲臺

悼志

丹漆不同素逝波寧復迴高視蓬海間殷憂孰能  
開終賈正年少忽從西日頽菑川牧豕翁晚侍柏  
梁臺窮達會有時且盡手中杯但逢江夏守莫談

鸚鵡才

歲暮二首

萬兆豈無歸誰能順其候何如鹿裘兒杖屨在田  
狩寒風吹黃艸一發斃三獸弓矢雖不仁牙角詎  
終壽策馬過朱門伐鼓晏清晝秦鼓彈未終竟落  
戎馬後

歲暮復多陰獨居良不歡雖挾麒麟蜀不如締綵  
安豐屋上雲霄致此或非難所以苦寒士終持滄  
海竿稚空子房去圖畫荆軻殘雖然疎劍術亦令  
人心寒

七十二峯

馬蹟山  
吳氏合編

卷五十三  
十四

靈巖寺夜坐

孤禽亦懷群獨夜誰與適猶有薄雲歸滄洲意不  
隔幽幽叢桂側未見淮南客微月度烟霄秋心去  
無迹生隨蓬草盡幾對空山夕還喚未眠僧同上  
琴臺石

夢爲怨辭

歷蘂蕪兮陰和紛百獸兮騰波接幼媚兮怡悅舒  
光明兮若何交輕袂兮恍忽握靈珠兮逶迤將奮

飛兮從汝憂讒言兮孔多

與客談往事有感

日出暮旗晝鳴鼓帶甲者誰兄與虎但看數騎向  
東來城上無人張一弩啞啞鳥叫女牆邊君王乘  
夜上樓船美人鐘簫歸無日百處樓臺生野烟

九月七日宿皆樹樓

小樓人未去庭葉晚來多渺渺羊裘客看星意若  
何高風傳鼓角微月上雲蘿遠憶京西壘猶然夜

枕戈

七十二峯  
足徵集

馬蹟山  
吳氏合編

卷五十三  
十五

感運三首

漢王居蜀促燕將守齊疎棧道過原馬聊城泣鼎  
魚已傳諸葛表况射魯連書不識天心在何須問  
出車

歷歷雲臺客寥寥石戶農眼隨旌鼓異道與蒺藜  
窮望峴空留碣歸朝盡賜弓穀城如肯待猶可問  
侯封

劍壘來歸後謳歌屬望專懸車惟一水帶甲又三  
年不敢桃笙暖時聞竹箭傳霜前行殿隔未見海

東船

冬日雜感

林屋經年客夢違破寒稀見塞禽歸梅過半壑香  
猶淺雲滿重江濕不飛滄碣久傳戎馬競鷹臺應  
試谷風微著書未合隆中事何況投閒問釣磯  
來鶴樓前壁壘虛當年真似子雲居不聞饋酒尋  
元亮惟有登城感閭閻蝦菜船歸空有恨葡萄雨  
斷竟無書共傳躍馬傳花地尺五天邊姓氏除  
秦篝齊縷莫招魂夢到空山未敢言採藥人亡終

七十二峯  
足徵集

馬蹟山  
吳氏合編

卷五十三  
十六

贈介子姑丈

十年處亂推師表一日幽囚見古人梁獄至今書  
未上秦庭何意血猶新天迴自辨龍蛇氣事定還  
存艸莽身搖落長千秋雨後又聞開閣盡麒麟

旅懷

一旬鄉邑報書稀獨對平闌孤柳微落日關心雙  
艇子遠山回首半烟霏比來鳳沼無藏甲不復龍

沙急成衣銀塹玉床人夢斷清江惟有暮鴻飛

聞信

短劍飄零歷九州茫茫嬰杵孰爲謀  
黃河萬里身孤去白水千年泪獨流  
夢裡雲章曾再見腰間寶玦有誰收  
爲吟走馬金臺句落木風含四野愁

蠟梅和人韻

羅浮別種九迴香逗得春風一縷長  
應是色身金粟現未容描寫上流黃

吳翼

七十二峯

馬蹟山  
吳氏合編

卷五十三  
十七

翼字文祚號自遠伯尚次子

三月三日遊桃花熨斗崖

暮春歸故山新霽愜幽抱  
襖襖逸難追孤情恣探討  
捫蘿入雲峰復下清溪道  
不見古離宮但見閒花草  
花艸常欣欣朱顏惜空老  
豈知千載後俯仰中心擣  
遊覽興不窮曲折向遐島  
山勢行欲盡風濤起浩浩  
危嵒峙水湄奇景若天造  
寥寥罕人蹤僻隱漁舟好  
縱橫指顧間舊蹟誰稽考  
殘陽遠近分影落松筠倒  
杖策還敝廬塵氛悉除掃  
相期卧

林泉自此謝煩惱

送旦華之江左

古人惜離別慷慨贈微辭  
况以骨肉情當此兵革時  
江帆影蕭蕭江水波瀾瀾  
歲杪復遠征念子多憂思  
十載罹家難一身幾貼危  
曠懷越流俗招毀固所宜  
崎嶇山水間役役安足悲  
孤憤去故鄉空囊走天涯  
荆楚覓舊交晨夕行相資  
豈曰布衣士落落不見知  
歎息萬里心寧爲衣食私  
嗟予長貧賤獨負佳廬期  
羨彼孤飛鵠肅肅振羽儀  
願言乘清風與子相追隨

七十二峯

馬蹟山  
吳氏合編

卷五十三  
十八

遠山蕩遇風

朔風怒號天作雪萬里同雲忽崩裂  
陣雁披靡落遠灘黃蘆白荻紛枯折  
誰云乘船似乘馬捩柁驚湍轉生劣  
山色冥冥水色寒邨得神力平狂瀾  
不知灩澦瞿塘險處處悲歌行路難  
四海風波何日安一泓恬靜魚龍歡

山鼠

山鼠微軀不盈握攀條弄葉喜跳踔  
淺毫軟骨怯

霜露終夜呼群潛屋角空山幽壑多猿猱足力猥  
捷心貪饕行人挾弩未相向已踞絕壁鼓悲號可  
憐鼯鼠無全技罟密機深難竄避銀絲絡頸性未  
馴尚思解脫求其類吁嗟道路網羅深暴殄纖弱  
傷天心騶虞神雀多靈性竭海窮山何處尋

客夜

歲晚驚爲客澆愁酒易乾江雲千里暮山雨萬家  
寒拂榻驅飢鼠搔頭却敝冠梵鐘何處發歸緒起  
無端

七十二峯

馬蹟山  
吳氏合編

卷五十三  
十九

懷鐵三貫天

狂歌已無地知己晤良難一飯王孫去千江風月  
寒黃金高駿骨白髮老漁竿久負佳廬約三年夢  
未安

送張文顯歸

銀箭樓頭罷鼓聲送君郊外意悽悽千巖月曉飛  
征騎孤店燈殘候曙鷄歸路渺知懸劍閣致書難  
似入蠻溪相期不過平原日莫待寒梅花放齊

村舍聞鐘

遠寺鐘聲歇纖纖旅夢生誰云千里隔始動故鄉  
情

賦得新詞傳在宮人口

昭陽美女夜鳴絃赤鳳歌聲可憐天子風流今  
已矣新詞翻盡鷓鴣天

吳夢青

夢青字鳳逸號筠上方伯暘之孫占籍長洲縣爲  
諸生讀書五行俱下工古文辭落筆千言不加點  
竄所著有畫山堂集

七十二峯

馬蹟山  
吳氏合編

卷五十三  
二十

九日登胥山用陶集已酉九日韵

涼風吹我衣霜降今始交殘葉作雨飛仰見萬木  
凋登山陟其巔雲淨秋旻高長嘯人不聞清音激  
空霄咄嗟行路難奔涉何勞勞志氣百無成但遣  
髣髴焦悠然東籬下千載止一陶將攜素心人把  
酒忘昏朝

題馮西書舍

湖水到溪盡窅兀溪上屋畧約斜向門籬徑繚而  
曲草堂讀書處高下蒔花竹柘陰過矮墻曉落半

窓綠人語悄不聞樹頭鳴布穀我來意頗愜掩關  
抱羈獨亂書手自繙古硯日頻浴風爐支石畔睡  
美茶正熟悠然得清吟懶散無拘束念茲十笏地  
容我避塵俗捲簾納湖光軟枕望山麓小隱非世  
外幽居安用卜

董二叔魚以小詩寄懷依韵奉答

亭午啟蕉窓撫玩韭花帖尺蹠忽見貽喜色動眉  
睫小篆鈴紙尾猩紅印猶濕踈疎三數行遙情百  
端集詩句清而幽寒花弄秋蝶狂吟不盡意書遍

七十二峯

馬蹟山  
吳氏合編

卷五十三  
二十一

芭蕉葉

夜宿田家

村墟烟莽蒼淡月掛枯木籬芭聞犬吠燈火出茅  
屋野老情頗真留客致欸曲溪魚斫作膾搗薑煮  
初熟濁酒不嫌村香稻美可粥問答惟耕桑不及  
世事俗掃地設繩床秧薦軟且燠閉門顧倦僕冒  
絮如蜩縮須臾亦就枕頽然展兩足四壁無人殺  
風窓憂寒竹

玉川舅氏拙存堂祀少陵先生限浣花二字

勝事成嘉招攜履破習懶入門庭宇淨樹影立如  
織中祀子美子烟霏散緩緩同調八九人秩然奉  
圭瓚沉沉下廳簾穠穢跡亦罕摩挲几案覽詩瓢  
共茗枕清談雜嘲轟相於愜情欸值此澹沲天南  
颺弄微暖分曹拚縱飲戶小惜易滿薄醉轉廊腰  
苔竹若新浣

在昔創祀事意氣殊紛奢詩句各闢奇往往窮幽  
遐今者集斯堂懽娛雜咨嗟聚難散苦易放手同  
搏沙得杯須共持肯負茲歲華吾家寒山邊松門

七十二峯

馬蹟山  
吳氏合編

卷五十三  
二十二

赴溪斜盡日無人殺山翠當窓遮他時薦先生新  
筍醪松花湖田鋤早芋嶠寺焙秋茶諸君有意乎  
預涼候漁槎

感懷二首

啟戶倚危檻涼宇含夕清風吹隨地葉索落如人  
行感時徒傷懷頻年百無成壯志昔何爲僂俛趨  
浮名塞座浩文史遮眼若堅城窮亦足自娛捫心  
悔前營

故人擁輕肥得意難自忘寒士相追歡強顏氣不

揚如彼江上舟與波爲低昂我懷抱秋月落落澄  
孤光靜閱此世俗醒眼恥酒狂行路吁孔艱會須  
守一鄉寂寂山中居草木日就荒行行卧田廬釋  
志親耕桑

中夜不成寐仰天明星稀涼風吹衣裳霜月穿窓  
扉寂寞顧者誰惟影永相依相依不相忤終此無  
是非嗟我行事疎動多與心違祇應茅屋下辛苦  
抱詩飢清吟托秋蟲草根弄微微

題春江放舟小照

七十二峯

馬蹟山  
吳氏合編

卷五十三  
二十三

春溪淨無痕楊柳青模糊放船者誰子嗒然欲忘  
吾船頭安釣綸船尾掛酒壺注目不在遠心與閒  
雲俱我聞高隱流肆志浮東湖談笑輕王侯歌吟  
托蒲菰君其買簑笠從之爲釣徒

冬夜讀徐辛齋堅節集用集中送友韵賦贈

窮士逼歲暮壯氣爲之降百憂從中來仰天竦路  
躑朝炊愁濕薪夜照慳明缸飢寒亂胸臆操筆增  
惛憒獲示堅節吟讀之內懷懣情話痛刺骨着紙  
皆戈鋌薄俗多割砭恥格還淳龐直挾杜藩籬下

此疇能雙今時羞淺陋奚翅曹鄴邦雲荆不敢校  
如智摧窮龐從茲風騷壇先生擁麾幢竊怪俗尚  
殊夸言一何哢謂當返大雅道若補破椿廼復飾

皮毛愕然具空腔狂瀾肆奔電日下流瑋淙一去  
莫可挽迅比舟出瀧欲牽而上之安得百尺簾徒  
滋識者哂直戲叅軍椿飛燕誇輕盈玉環妬脰肱  
採之空所得悔入山崆峒今讀卷中詩喜逾空谷  
楚昔我從事斯如縱一葉艘茫乎不知險而涉彼  
大江仰窺天漫漫俯矚波從從未許測涯涘矧能  
事蘭茝竭來若有見終愧蜂鑽窗所欠識歸處捫  
心嗟莽撞醍醐未灌頂魯酒徒盈缸吾其甘守株  
閉門絕奔馳願從導岐路無俾迷歸解

不寐

霜月鋪空階冷艷賽雪色照此不寐人起坐增歎  
息一身久漂泊歲月屢見逼悔心棄耰鋤失策事  
筆墨初強安蛇足終哂啖鷄肋朝朝耽苦吟詎作  
一錢直徒令寸寸腸付與愁百織誓依無始因永  
發大願力淬茲智慧劍除彼煩惱賊飄然溷頭陀

七十二峯

馬蹟山  
吳氏合編

卷五十三  
二十四

托鉢華胥國

短燈檠歌追和韓昌黎韻

短檠短檠夜正長  
夜霜穿屋寒無光  
青燐如豆睽不定  
紙窗破碎風淒涼  
起挑殘焰放寸碧  
照見竹素羅單床  
中有低頭讀書客  
兀坐咿唔悔非策  
雨雨風風二十年  
顏如脫葉凝霜白  
一杯再拜短檠前  
我欲謝汝貪酣眠  
不然入山聊自恣  
山月招呼飲山翠  
吁嗟短檠吾語汝  
牆角從今忍捐棄

正月六日舟次京口送九徵赴漁陽官舍即

馬蹟山

吳氏合編

卷五十三  
二十五

事賦贈

新正未破春風乍  
山茶坼苞酒初榨  
正好風光近試燈  
孤裝結束扁舟駕  
出郭修脩行者稀  
寒塘拍拍雁初下  
幾見溪橋酒旆欹  
每逢村店梅梢亞  
僧鐘纔到呂蒙城  
爆竹暗驚羈旅夜  
傍岸雪飄蘆葉響  
上燈風逗船窓罅  
罅腹瓶罌煖濁醪  
披綿黃雀燒殘炙  
肯嫌拉雜減別語  
共笑拳拳聊枕藉  
五更鷄唱客亦興  
一抹晴光天更借  
金翠粧明近米樓  
簞琶拍緊臨江榭  
信美長江南北分  
起觀雙髻金

焦迂鹿眼蓬如貝  
葉飛靴紋波賽吳綾  
牙見說登臨意最  
惟來當送別心仍怕  
船尾濤殺苦似茶鞭  
梢山色甘如蔗歇馬  
騰空冀北羣搖毫爭  
長江南價惟憐見月  
撥鄉愁還恐看雲憶  
親舍放手即今散若  
星拂背流光去如射  
千里征途慷慨行一  
春懽處闌珊謝但記  
籬邊菊可采要待花  
前殘同瀉願君毋忘  
繞朝策蹇驢趁着秋  
衫跨

月蝕

玉兔撲簌青雲端  
咄咄何物來爭餐  
紅殷血色手

馬蹟山

吳氏合編

卷五十三  
二十六

可搏火齊倒換琉璃  
盤官衙逢逢鼓鼗乾  
萬戶嘈雜顏無歡  
大地捩眼頃改觀  
三伏肌粟生陰寒  
泊良掃出舊官闕  
姮娥起舞乘白鸞  
來去絕跡將誰護  
搔首問天天漫漫  
春秋中漏仲尼筆  
群儒捩拾紛天官  
恨不借我雙羽翰  
攬身飛上天門看  
此月萬古懸疑團

憂旱篇

農夫辛苦何所憊  
家無糧春望秋斂  
四月農忙已插秧  
水浸及胛泥汗臉  
高低蒔罷一半功  
斂錢作

社祈天公五日一風十日雨妻孥惟樂歌年豐今年旱魃吁太虐赤日炎炎金石鑠偶然片雨頭上來散入江風幾曾落有河岸水河底乾無水岸田歛手看黃秧枯死救不得眼中泪滴心頭酸大旱不過七月半天意何曾許人筭四野秋無一把禾夜月依然照田畔一百廿日天宇晴田如石堅不可耕耕牛賤賣買貴米買米喫盡何聊生農家最是凶年苦闔戶啼飢向誰訴君不見前朝縣帖下催糧糧不急完吏來捕

七十一

馬蹟山  
吳氏合編

卷五  
二十七

### 饑民歎

今年旱虐吁最烈江北村村無米喫貧民家具值幾何賣得錢完米難糶初聞是處刮樹皮樹皮味劣無膏脂縱其有皮亦易盡何以救得蒼生饑朝來渡江來箇箇風吹肌膚布衫破肌寒腹餒走不前往往病倒街心卧就中老翁雪盈顛兩眼垂淚口乞錢自言衰朽罹此厄眼見不日歸黃泉區區微命何足數無食無兒心更苦一朝餓死在城根骸骨何年埋故土我聞翁言割中腸仰面太息呼

老蒼安得有米千萬斛按戶計口月給糧昨日傳言煮官粥粥少人多空逐逐來早欣逢到口嘗來遲還坐鍋前哭豐年一飯衆亦輕年凶一粥人亦爭所爭微渺所係大常恐流落填飢坑餓坑有命知無那且請從天忍寒飢君不見豪家置酒日權牛笙歌一樣凶年過

### 牽牛花

溪頭藥圃茸不芟牽牛引蔓花摻摻晨光一逕色初洗露明如水浮新藍怪汝柔枝太頽放欲倩籬

七十二

馬蹟山  
吳氏合編

卷五  
二十八

落相扶挽游行得地轉羈絆到底繚繞成嬌態下有秋蟲響逾急似放衆口交譏說秋深結子供採掇攬入本艸嗤庸凡稍充下乘備佐使強與世味分酸醎得依僻野寄幽潔豈有麗質青紅嵌更嗟顏色易萎落秋日艷艷如刀鏡客來對花莫朝弄眼底轆轤誰能劍詩成獨立苦吟望碧雲葉葉飄秋衫

### 泛舟漏湖用東坡九日黃樓韵

漏湖好景無人說我上扁舟趁晴發波平沙軟不

生紋淺碧粼粼苔面滑久栖僻地慣疎慵箕踞船  
頭脫巾被偶包芥茗汲清泠瓦鈔埽爐自煎呷兩  
岬纔看泥土乾種菜人來攜短鍤水楊風起穀颺  
颺點染秋光增肅殺沙灘日落纜漁艇曬網高竿  
如列剝蘆花雪白望不到遠浦鳴橈低軋軋欸乃  
一鼓烟森茫亂鴻幾點寒雲壓捲蓬葉作乾雨飛  
林巒成削秋梢鬢暝烟村落動晚炊野老門前數  
鵝鴨天然此景最清絕何似塵寰人語雪

端二日仝人集浣花閣祀少陵先生遂觀競

七十二峯  
足徵集

馬蹟山  
吳氏合編

卷五  
二十九

渡

白雲溪頭水溶溶溪深水濶涼生風旁有三楹浣  
花閣蔽以高柳挽青穹舊經此地嘆幽絕欲置尊  
酒無由同今來結伴祀杜老正值令節當天中畫  
船簫鼓看不足波光髣髴影疎簾通可憐沉淵意寬  
苦剝與後世誇豪雄閣中雜坐恣吟嘯邀我弔古  
嗟才窮獨憶丙午際此日董生作社遶群公大船  
撐向柳深處觥船百罰珍珠紅席間分闔體不一  
各騁雄怪鏡天工嗟哉董生逝不返使我對此憂

心中勝事距今已十載星馳電掣何匆匆眼前景  
物真可惜遮莫轉盼成虛空酒闌散步大堤去日  
落水面烟溟濛

十里泉

出城驅馬過十里半詎傍山泉五泓一泉一景狀  
不得下馬獨吟心自清老樹蕭蕭霜葉下荒臺渺  
渺夕陽橫可憐地僻無人問誰載茶鐺為此行

雪

妬月色相映迎風影自斜撲窓疑欲碎糝徑淨無

七十二峯  
足徵集

馬蹟山  
吳氏合編

卷五  
三十

瑕野鳥寒偎樹江梅早看花柴門有人掃誰問姓

東山梨花數十樹一時盛放

滿林香冉冉數畝白紛紛覆屋驚春雪依山想暮  
雲鶴歸渾易失蝶繞較難分何日攜尊酒花前儻  
一醺

掃墓

千里扶孤櫬湖山寄一隈白雲迷斷嶺黃葉沒荒  
苔路遠違時節家貧薄酒杯何年華表鶴還望一

歸來

過古昆陽城

秋艸連天路渺茫，  
搖鞭策馬過昆陽。  
亂鴉殘堞浮雲黑，  
古木荒祠落日黃。  
憶昔中興饒事業，  
到今陳迹感滄桑。  
可憐憔悴麻衣客，  
獨弔中原古戰場。

南陽村庄

南陽村落結幽栖，  
莽莽中原客思迷。  
冒雨剪蔬雙不借，  
跨驢沽酒一偏提。  
白楊颯颯寒鴉舞，  
蕎麥茫茫野雉啼。  
無限傷心何處遣，  
悲涼詩就壁間題。

七十二峰

馬蹟山  
吳氏合編

卷五十三  
三十一

嶧陽官舍春曉

棠梨落盡葉初肥，  
花事全稀燕正飛。  
細雨每愁侵客枕，  
餘寒猶覺戀春衣。  
連宵酒盞傷心把，  
千里家園合眼歸。  
却憶綠蘿湖上路，  
漲痕應沒釣魚磯。

客夜得家書

官衙秋老雨兼風，  
千里書來蠟炬紅。  
檢點藥方憐婦病，  
拋殘文字信吾窮。  
先人事業堂堂去，  
壯歲光陰碌碌中。  
懷抱向人言未得，  
畫屏無睡漫書空。

過常山縣

四野濃陰漫不收，  
波濤十日始離舟。  
穿林涉水遙山縣，  
細雨斜風坐竹兜。  
茅店數家松磴下，  
秋城一線樹梢頭。  
計程恰入常山境，  
深屋寒燈照獨愁。

佛手

秋來擬向上方收，  
當酒擎看似送鈎。  
未許天花輕拾得，  
曾將貝葉一緇不。  
樹間影撫栖禽背，  
榻畔香扶醉客頭。  
見說深閨還好事，  
笑藏紅袖闌纖柔。

天竹

數穗天竹實離離，  
想像櫻桃乍熟時。  
霜後壓枝珠錯落，  
燭邊分艷火參差。  
石榴裙衩勞相妬，  
玳瑁簾櫳看更宜。  
歌席偶拈充記拍，  
小名應許喚紅兒。

七十二峰

馬蹟山  
吳氏合編

卷五十三  
三十二

藕

蓮子當時尚記不，  
細嘗風味較誰優。  
層層入骨絲千縷，  
節節關心眼一週。  
雪腕乍分芳樹月，  
冰肌還浸野塘秋。  
閒來酒畔重拈起，  
分得玲瓏片片愁。

菜花

帝城春色浩無邊，  
各逞芳菲到眼前。  
獨倚江南畦畔老，  
東風吹過艷陽天。

吳彥深

彥深字蒼舒號聖涯翼長子太學生

酬劉木君示別之作

倦翮懷故林征途悵修阻獨立寒松枝嚶嚶念儔侶儔侶遠方來相對無剩語何必平生交襟期重古處何意轉燭間翻飛入雲去欲栖無梧桐豈肯少延竚君去凌高岡予留宿荒渚淒淒傷別情切切動愁緒相送涉郊原秋風滿禾黍

戊寅元旦雜題

七十二峰

吳氏合編

卷五十三

鄉心同草發日日暗中生書信經年斷風塵萬里輕有兒嗟失學多女亦關情昨夜馳歸夢蒼茫繞澗行

七十二峰足徵集卷五十四

武峰吳定璋友篁菟錄

胥母邱 觀資宣編訂

葉方標

方標字蒼舒號瀟峪鳴一次子廩貢生與兄鷗園同學下帷攻苦研精書卷有得便涉筆評騭能發古人之所未發文學莊周詩宗李長吉著有深柳讀書堂詩鈔瀟峪偶存草冰雪篇香草數種及所選兩朝國雅蒼舒家本素封其戚之黠者誘之捐

七十二峰

武山 葉氏合編

卷五十四

官畜妾園亭骨董樗蒲徵逐破其家遂至貧窘老死無子其嗣子尤駸九經廿一史諸書鬻殆盡予嘗過其齋觀其所藏書萬餘卷皆手批丹黃間錯有閱至三四徧者惜無力致之任其散落他手南陽讀書之士首推石君閔博次則蒼舒觀兩家藏書有考訂之功有論議之識原原委委實能用數十年苦功成其學問非僅以藏弃之富誇人也

咏史

陸生起布衣帷幄不預商西楚非真霸淮陰實假

王從容奏新語為漢開文章調和將相間為漢復  
舊疆舌辯下尉陀不齎千金裝置身功名外仕隱  
皆翱翔

丙吉居尚書病卧百官謁巧宦陳萬年獨留不偕  
輟萬年在所舉數日清華陟吉為漢賢相猶喜受  
容悅今昔孤直士權貴未能浹破格待賢豪茲風  
久已絕

仲華佐光武三十封通侯及爾裔鄧芝亦從昭烈  
遊七十始獲遇拜爵已白頭同為漢功臣祖孫胡

七十二峯

武山

葉氏合編

卷五十四

不侔太息風雲會此豈繫人謀咄咄英雄姿窮達  
非妄求

炎炎漢祚衰宦豎恣睢皆何進召外兵宮禁皆血  
滓冤及無鬚人駢戮若犬彘操卓萌覬覦更互盜  
神器群雄日紛爭釀成鼎足勢古人有良箴疽裂  
身隨斃

### 白頭吟

有魚恒比目有鳥不單棲兔絲附喬木得以庇高  
枝女子志從壹頭白守中閨不願頭白早只願頭

白齊豈期參與商新故相依違茂陵有好女自炫  
顏色奇情以見異遷梗以流波移掩抑遠山翠憔  
悴芙蓉姿彈琴看髣髴不念當壚時林茂鸞鳳集  
河深鯉魚肥單絲不纏綿焉用情義為

上方山美湯中丞

壬戌

楞迦古名山吟蠻走士女牲牢及酒醴倡優雜歌  
舞淫髡朋奸巫鳴鳴學神語東家索繒帛西鄰邀  
春糲歡娛究蕭瑟厥膺皇穹怒矯矯大中丞持節  
駐江潯水鏡挾城狐火犀照社鼠矧茲土偶物本  
足徵集

七十二峯

武山

葉氏合編

卷五十四

如蛩負鉅神智洞愚駭小醜生齟齬毅然投水火  
清風動禾黍

### 宿谿上閣

黛色當門來知是洞庭綠眺此湖中山留我雲外  
宿隔溪度流螢隱隱入脩竹

### 登天關峰

高秋木葉脫策杖騁遠步睠茲天關峰南邦作撐  
拄憑陵躋日觀幽蒼敵天姥雙闕表牛頭王氣此  
焉注振衣登危岡曠覽豁烟霧川原莽蕭條村落

迴回互氣勢實雄大絕不類媚嫵雲海盪心胸冥  
默不得語

文殊洞

逶迤盤曲磴得茲稍平行呀然古洞開曷測其深  
淺虛牝嘯谷風丁斧劈荒巖石色積黝鍊雲頑不  
可銑中坐師利尊螺髻蜂蠆卷林靜禪悅孤鐘停  
佛香善未悵探奇心林黑火山犬

兜率崖

白雲如禪衣片片向余隨遠江耀素波近嶂列紫

七十二峯

武山

葉氏合編

卷五十四

斤樹剝膚林幽花自妥曾吟鐘磬聲韃韃香

燈課悠悠洞中人面壁九年坐片偈持苦空閱世  
在無我

獻花崖

晨曦散高天策蹇至初地僧閒掃茅茨鳥悅下深  
翠萬壑同一音瀟然松濤至

宿西湖

朝向湖中游暮向湖中宿瞑目烟花交化作一片  
綠萬柳飲朝曦西子出新沐持獻館娃宮翠綃圖

短幅

焦山寺觀周鼎

泛濫江海心登頓力猶飭波浪怯北隤紫河紆覽  
眺亭午入寺門孤磬穿木杪敬觀古雲雷局幕亦  
光曜山僧謬恭謹鄭重岐陽兆大可容三升廣未  
踰九醕躓踞蹲茵燹丹青蝕蚓竅問不容郢人襲  
豈類燕料嘆息石鼓文已自淪海嶠寶此三代姿  
留鎮玉帶約

辛未穀日大雪友人相遇飲博戲効韓孟體

七十二峯

武山

葉氏合編

卷五十四

呈諸公

穀日宜晴暄疾威播騰六絳綵剪鵝毛霏微布牛  
日無聲灑破扉有隙穿老屋僮手拆疥乾樵薪如  
濕束銅瓶泣蚓竅石鼎脹豕腹就榻跂欠伸柴門  
聞刺啄雄飲吞燕毳攤錢倚秦鹿屢掣裘典驕呼  
使雉成犢勝績咩咩敵鷄退逐予每有天幸  
往往敗而復否泰卜循環天地運翻覆籌行玉女  
移漏點金人促坐忘履決踵頻剪跋見燭俄聞晨  
雞號側聽酸風颭竈婦憂瓜羹小豎互單複見曉

何時消朝煦映窓幅出門踏踈蹻倚杖愁躑躅簷溜鳴琮琤宛若奏琴筑

古詩四章貽陸大靈昭

仙人翔雲中當風揚素裾霞漿以爲食明月以爲榆粲然顧我笑玉齒珂雪如含意前致辭鄉澤春華敷勸予學大道授之鳥跡書寸陰慎所習日月傷其除

其除歲云暮抗首懷古歡卓犖陸平原矯矯凌雲翰匣有龍門桐不鼓亦不彈太音既曰希賞心良

七十二峯

武山  
葉氏合編

卷五四

獨難孤絃泛清汜聲迸玉指寒揮手再三嘆松風

數危端

危端無停波大雅亦唐喪瓦釜競雷鳴淫哇亂精爽美彼雲龍儀鈞天召奇賞左鼓韶石清右應咸池響陋巷王佐才爲邦鄭所放而我若爰居駭以鐘鼓享

鐘鼓樂嘉賓之子機與雲雖曰少壯姿擺脫屐與裾矯矯荆山質汲汲蘭膏焚冥心義皇理研窮莊列文寄我冰雪卷讀之香氣氤出入懷袖間終以

張吾軍

送張山人還鄧尉山中

青山萬古宅君到梅花天巖前花幾枝春風搖綠烟凝睇羌獨立含意山之顛仙人終不見悠悠聞夜泉

感遇

麒麟產魯鄙獲者曰不祥駕寒日戀棧上給三品糧無以別妍醜何論修與殤生乃爲盜蹠死即謚首陽

七十二峯

武山  
葉氏合編

卷五四

擬唐人梳頭歌

女兒十六新上頭千梳萬梳不肯休纖手已盤雲猶餘三尺春烟流春烟綠膩慵難起髻鴉飛出蟾光裏待得妝成日已斜漫拂瑤徽弄秋水

夢天效李長吉

天門蕩決高九重手扳日月騎兩龍驪山墓下草已白王母嶺上桃更紅正欲揮斤凌八極側翅摩天忽塌翼玻璃敲日火烏聲玉兔不春老蟾泣雲香雨綠九點烟倒吹桑海變作田垌綠急管真宰

醉坐看翠壑埋神仙

圓圓曲

吳王城上月如銀吳王城下溪水新  
苧羅村口重幻出合是西家舊日顰  
色藝青樓稱第一明眸皓齒曾無匹  
霍王小女善撫箏楊氏諸姨能弄笛  
追憶當年長樂門相如詞賦賤黃金  
同輦妬多趙姊妹楚歌氣盡戚夫人  
武安貴倖勢炙手憑藉椒風無不有  
鳳舸龍舟泛彩漪蘭炊桂饌羅春酒  
公卿貴客宴神仙妙選紅粧侍玳筵  
紫雲姓字宮闈識

七十二峯

武山  
葉氏合編

卷五十四

八

出御史驄寧知蛾賊翻地軸鋒鏑流星射黃屋

糝糊寶玦泣王孫破碎昂湖悲逐鹿干戈滿地遍風

塵弱質飄零何處尋邯鄲才人厮養婦黑山桃李

黥傷心老將誓師興縞素斬取黃巾報故主搜牢

覓得舊妖嬈今年殺賊因此故可憐國破山河改

頻笑誰看舊人在朔風飄蕩已難支綠珠憔悴真

無賴竈上騷除入劍門錦城玉壘建名藩攀髯帝

子空書葬異姓真王獨拜恩醜類肺腸多反覆白

晝風波起平陸舍人告變掖門西斷冢夷尸萬鬼

七十二峯

武山  
葉氏合編

卷五十四

九

族此時何處問圓圓姑蘇臺上草如烟紅顏青鬢  
俱泥土空托春心叫杜鵑

南樂舊苑行

金陵昔日誇繁華夾道皆住青樓家鶯鶯燕燕時  
相見小小端端盡可誇月華如水沉魚目銅盤子  
夜鏘黃竹丁緩薰爐已罷焚周郎金縷猶徵曲就  
中鄭妥最風流小彈烏珠帖玉投

妥娘善彈  
百無一失

沙氏美

人工較奕喬家小妹能新謳豪華偏數燕臺駿芳

蘭生手柔荑嫩

馬湘蘭

白鶴經殘繡幕香綠熊簾冷桃

笙觀茗戰琴心有范朱

朱玉耶  
范雙玉

溫潤蕭娘較不如蟬

髻秀才能舞劍紅顏姝子獨耽書更出嬌嬈巧笑

女教坊別隊精歌舞纏頭那惜五銖錢賭伎平推

十番鼓春花夜月可怜秋烽火江南起暮愁牡丹

賦冷三千字燕子春閒十二樓斷橋野草蒙茸路

即是當年行樂處耕人拾得舊金鈿老嫗偷傳畫

眉譜冠娘紅袖亦啼殘

寇媚

停粧淚落曲欄杆細

馬挾歸沙叱利明駝裝艷上長安公子西園夜聞

雨佳人南國成黃土臺榭都飛瓦礫場陂塘散牧

七十二峯

武山  
葉氏合編

卷五十四

牛羊侶水田叫噪華林蛙夕陽亭亭空綺霞門前

道路堪羅雀任啄溪頭野枇杷

地震行

戊申

涖灘之歲月宿午旁死魄時悉安堵忽然坤隅若

簌揚自燕及吳越淮楚高岬為谷谷為陵豈但崩

摧及棟礎徧地白毛如蜩生向是耳聞今日睹君

不見山東李家庄濁河流湯湯平地裂開數十丈

一時陷入仆且僵西來鬼馬踏霧走何人招魂呼

國殤

洪水行

庚戌

潮頭夜卷一丈起高田低塋都沒水大魚跳波瘦

蛟舞黿鼉蹒跚驚鴨喜童謠入市找短舸雨纜直

繫崖上枳流尸撞入前村家家具都隨流沫毀况

聞兵火連荆襄飢人食人如食豕回視屋角號妻

孀呼聲水聲哭聲裏吁嗟河伯胡不仁乃使蛟龍

飽人髓

龍王嫁女詞

錢塘龍君嫁龍女鱗旗魚馬紛無數天吳夜卷海

七十二峯

武山  
葉氏合編

卷五十四

水高坐擁粉娥纔十五貝宮夫人羅兩行霧泣花

愁細如縷雨工青甲騎羊車馮夷絳綃擊鼉鼓珠

輪彭彭千萬乘瘦蛟倒立啣卮舞紫絲絡項雙黃

熊寄書還向柳郎覓金釵劃破橘井深恐掀古社

作溪浦

行春橋串月歌

吳儂愛踏長橋月長橋橋下月生滅一月散為千

月光玉塔倒懸差比說塔顛畢卓琉璃輪濁水摩

尼珠照徹月隋雲中不可呼散入澹臺湖畔沒露

冷林昏難久留殘影在天雲似雪

金陵八月十五夜燒香曲

天街夜色鴻聲裡水簾銀牀睡初起樓頭戍鼓報  
一更月華滿地涼如水侍女殷勤盪畫裙  
移待彩雲一雙瑤鴨金猊間細擘犀紋沉水薰秋  
宵三五今宵滿薇露濺香手屢盟默祈心事人不  
知海山結蓋烟成串桂風吹夢星斗稀神官夜過  
星離離麝臍龍髓總塵濁獨有心香盟素輝

打冰詞 癸亥

七十二峯

武山  
葉氏合編

卷十四  
十二

朔月北風吼十日太湖一夜冰三尺骨堅勢厚稜  
稜高去楫來舟空嘆息前船賈勇亦莫行後船啣  
尾排似織船頭估客秦復陶欲去勢難生羽翼買  
醉長年亂舞驚白楮兩點椎難入擊玉鳴珠雖有  
聲斷機裂帛曾無迹仰視天地正沉冥霜花草上  
如錢積寒光日射增嚴威試一把椎面深墨龍潭  
縱有蛟螭蟠纏繞冰車行亦得

紡織謠

吳中諸邑皆工紡織惟山中人不善且弗

習也席舍人文輿憫之催工人教以紡織  
之法人稍習焉又以粗惡難售其業終廢  
吾悲夫人有禦寒之具而不知自迫于寒  
也爲作謠以傷之

男畊田女織布不令無襦復無袴山人解畊不解  
織妻子伶仃度朝暮安得種棉如白雲精可作綸  
粗作繒若能紡雲作衣著世上應少飢寒人

走狗塘

春堤芳草茸茸淺此地吳王曾走犬破費官廚供

七十二峯

武山  
葉氏合編

卷十四  
十三

麋鬣毛巧作五花剪不獵猛獸但食肉越人肥  
死不有逐棄人用汝亦何爲眼看蘓臺上麋鹿

水夫行

漁陽戍卒多踐更上船下船啣尾行健兒驕悍氣  
如虎坐索水夫向官府西家水夫纔新婚里胥簽  
名朝出門豈料身死黃河邊誰爲水夫焚紙錢閨  
中少婦猶夜作縫得寒衣待郎着

兩松行贈鳳山僧笠霜

松勢閣雲雲不行撐天雙蓋如生成九漈嶺頭烟

霧氣報國寺前風雨聲鳳山之松頂已禿其旁小  
松亦老宿年深蜿蜒化為龍鱗甲怒張不敢觸君  
不見昔日泰岱有五株呼以大夫胡為乎松義弗  
受引長嘯如欲洗耳深山逋惟愛亭亭此兩樹老  
僧夜來棲此處明月清風疑為君持以問松松不  
語

湖亭翁園故址

湖亭集賢圃光祿翁君所築也面瞰具區  
背負莫釐葑房桂棟互虧蔽于川原早雁

七十二峯

武山

葉氏合編

卷十四

春鶯共唱酬于朝夕主人則燒華燈而度  
曲賓從則浮大白以呼盧洵勝甲一山賞  
魚四美者也乃河山既改陵谷都非伊人  
高閣錦石與瓦礫俱灰文選高樓嘉木與  
散樗並盡隋草亭於西蜀豈為玄言破茅  
屋于滄浪匪關秋雨嗟乎弔雍門者猶慨  
想於田文望九京者亦流連于隋會固如  
是乎

名園縹緲若地湧結構絕妙般與僊千夫耶許立

危石百金掉鞅成曲池灩澦川原入鏡閣渺渺雲  
霧生山眉玉笙哀怨夜堂雨金鈿委隋春衫垂一  
朝肩越落人手東家移置西家基泉壑彌縫傳脂  
粉樓臺層疊增肥癡新者豈如故者嗟因山架屋  
湖作坻眼前滄桑知幾變坐令華屋成荒陂千年  
壯觀不復睹今之存者蓋已罕草間翁仲夜相語  
平陂往復皆如斯牧人野火燒不盡鬼雀飛出青  
棠枝

題陳涉江先生為王玉質畫西華秋色卷

七十二峯

武山

葉氏合編

卷十五

吾生夙有名山意方寸五嶽隆然起開緘示我西  
華圖十日摩挲不忍置陳君筆力何雄哉千巖萬  
壑參差開車箱日月看吞吐箭括風雲絕往來其  
中登者畏孤迥前人見踵後見頂握綆渾似猿猱  
蹲拾級並愁肢體隕曠望玉女居雲中星冠霞佩  
烟濛濛足跡蓮萼若承蓋掩映臉際雙芙蓉詰曲  
山畔露招提迷離木末通橋市中條窈窕清渭斜  
疑有鷄犬相鳴吠誰能振袂凌空虛瑤草金沙光  
有無紅塵不入避詔洞白雲常護仙掌書從此微

茫盡烟霧青山一髮中原路柱史仙翁紫氣來華  
陽道士青驢度不見仙人九節杖不見玉井十丈  
蓮太白長嘯帝之側昌黎痛哭山之顛始知幽奇  
自險絕金天遠賜游人玦試一輕身聳紫烟千秋  
萬古填冰雪君圖此卷非等閒良工慘澹愁心顏  
十日一山五日水不受促迫成雲巒荆關老筆差  
堪擬勿教寒具沾案几他年粗了向平願請辦芒  
鞋自隗始

蘭雪堂觀女劇

七十二峯

武山  
葉氏合編

卷五  
十六

夜簾靄靄春烟膩銀雲櫺櫺花垂地放出鶯雛不  
惜聲滿堂蘭雪交香氣纏頭豈肯吝千金畫袴還  
須分兩隊貴妃弟子檀霓裳紫髯參軍舞赤幟粉  
郎綠髻好神仙俠客紅顏偏嫵媚如笑如啼半面  
難傾城傾國新妝異腰肢無力楊柳眠臉頰嬌羞  
海棠睡歌翻檀板過行塵坐處矍鑠落釵翠主人  
情重獨留髧飲酣一石無餘漬娓娓情語未曾終  
喔喔天雞已早至莫教玉漏盡金壺圖與春宵酬  
秘戲安用局促囚山囚豈若狂來醉鄉醉

讀四聲猿劇書後

青藤山人青藤束歲歲藤花蔓空谷騷心賦手莫  
與倫老筆荆關看不足獨行踽踽知音稀憔悴悲  
吟曲江曲海上視師胡尚書掀髯大笑參帷幄有  
時出飲酒家鑪戟門夜啟傳呼速是時天子好神  
仙定海寧波表白鹿凌雲詞賦喜同時一日聲名  
動黃屋可憐尚書功狗烹山人亦慮潮通族滿腔  
悲憤國士悲那有荆歌同漸筑挑燈夜讀四聲猿  
悲意悲酸當痛哭斷腸不必待三聲一聲再聽腸

七十二峯

武山  
葉氏合編

卷五  
十七

難續安得花奴鼓段師絃發聲誰分絲與肉闐闐  
鼓作漁陽撾裊裊蓮衣裊榻簇木蘭慨慷代從軍  
崇嘏風流變冠服本是英雄失路悲却教兒女啼  
痕漣瓊璣不惜漏如年酒盞何妨裘典驕子建傳  
粉蹋鳩鵲參軍紫髯舞鸚鵡羅襦衿鮮赫澤敷留  
髧更剪西窓燭

鄧尉山觀梅

家家太湖綠處處梅花多香到滿城去人爭一日  
過水流皆酒氣鳥啼入春和結伴晚歸後沿堤從

棹歌

早睡

早睡枕不着山家已閉門人稀虎欲出月白雞初  
言修竹間三徑寒雲荒一園閒聽隔籬杵香稻夜  
春繁

過翠微菴

踏葉响幽徑珊珊綦履平梵魚雲際出松瀑石邊  
生古佛有寒色空山無世情懶殘真解脫煨芋傍  
花鐺

七十二峯  
足徵集

武山  
葉氏合編

卷五四  
十八

月

待月如遲客更闌始到門深檐風葉亂陰翳露蟲  
喧似水踏成路積霜非有痕空堂翳寒燭照我獨  
無言

早行句曲道中

廣衢群轍動清淨僕夫醒新月啣沙白征衫讓草  
青冰蹄韻寒鐸雞口落殘星策策前途迥低徊數  
堠亭

半峰庵坐雨

積雨難昏曉空林煙霧生半峰分破榻孤坐入殘  
更山果無人落池蛙得意鳴援琴彈古調流水一  
房聲

漁舟

斷續斜陽隊漁舟幾箇連烟炊叢葦內罟晒太湖  
邊兒女衣裳薄風波骨肉堅吾思欲買此長伴米  
家船

石公山

屐未探天姥遊先問石公雲關千仞削箭筈一痕

七十二峯  
足徵集

武山  
葉氏合編

卷五四  
十九

通菴曰移天上樓臺現水中何能生羽翰直跨玉

虹

林屋洞

真宰蒼茫意靈奇莫作猜陰壑入巴蜀深壑起樓  
臺或有雲君至曾無日馭來多應秘仙笈不許鶴  
書裁

影江閣

樹杪飲夕翠樓頭眺萬青石蹲疑虎踞松怪走龍  
形塌壁簷棲鵲搖風塔語鈴推窓江影出孤雁下

殘汀

斷臂崖

萬類獻秋眺荒崖攢攢橫遠峰青削劍奔溜月沈  
纂石立天疑聞雲低樹可撐茲遊奇絕處宿向峽  
江平

婁水道中

放艇逐波斜溪頭見浣紗浴殘春盡繭採到雨前  
茶帆碧迎茗水林香過越花停橈沽野店小犬吠  
籬笆

七十二峯  
足徵集

武山  
葉氏合編

卷五十四  
二十一

柳上酒家

野宿無魚食鱸鄉浪得名山荒風有力屋破月多  
情酒壓村槽白霜收市鼓清自憐五畝薄尚未得  
躬畊

夜宿茸城客樓大風

吹沙驚眼暗落木識風饕亂葉走平地窮簷卷敗  
茅嘯原奔虎豹空壁出波濤若挈酒人往歌同沛  
邑高

余塢晚歸

林樾暮烟出花村一暝縫犬聲連細火人影亂深  
松月化前溪水雲停隔塢峰山僧正歸寺杳靄起  
疎鐘

飛來峰

靈鷲飛來者蒼然勢不群天支將鍊石山走欲崩  
雲為道千層險龍泓一竅分神奇誰可識真宰邈  
難聞

飲子眉齋待月并憶子文

山月待人久來遲翻可憐遙生嶺外寺漸脫樹頭  
足徵集

武山  
葉氏合編

卷五十四  
二十一

烟野濶光無定林空籟易傳孤征燕薊客同照影  
娟娟

秋步

危岑挺霜骨溪草淨寒叢一鵲健初下數鷗閒向  
空水雲無定碧巖樹忽然紅鼓枻滄波去延緣學  
釣翁

漢武

青雀西飛事可哀宣房又報濁流開栽桑島上無  
靈藥帶劒陵邊有劫灰袍亂赤霜窺虎齒雪迷青

海怨龍媒人間若可長生住徐市應從弱水迴

廣濟庵水亭

湖隄齒齒留春沙蘆筍戎戎吐稚芽青畝虹梁橋  
八字白迷鷗浦港三叉荒林有燒侵殘冢破網無  
魚掛落花風雨一天聞喚渡烟波萬頃可浮家

謁天下大師墓

四海流離未有家誰於門外泣龍蛇漢廷枉自誅  
晁錯燕將愁聞易趙奢伯李景隆三統未能肩日月一

杯猶得葬袈裟從亡贏得孤臣在不種冬青滿樹

七十二峯

武山  
葉氏合編

卷五十四  
二十二

繅絲

穿牙門掩夕陽天煮蠶穿籬出綠烟卹緯欲增婆  
婦淚繅統難覓宋人傳醫瘡剜肉真何補舊穀新  
絲劇可憐聞道六宮敦節儉天孫錦樣冷雲邊  
話到

話到山樓風雨淡腴田負郭已成塵米鹽不答妻  
孥怪詩句吟傷兒女心破甑何煩重視孟沉舟力  
戰可忺秦寧知精銳銷磨久燭武曾嗟不若人

寒食

百五風光到賣錫雙檐焚尾出郊坰驕馳滾雪嘶  
香埒晴鴿當空掣小鈴野哭農歌情自別塢頭陌  
上眼初經鄰家來餉桃花粥踏碎蒼苔一片青

旅思

北斗將闌樓角懸一痕新月掛愁邊照人難得此  
清夜中酒有時翻不眠寒氣欲升皆在水遠鐘過  
後盡成烟風光澹蕩偏爲客擬托家書覓便船

菱湖秋月

社集施佩宜齋中限韻

七十二峯

武山  
葉氏合編

卷五十四  
二十三

冰輪湧出馮夷宮微瀾蕩漾菱花紅初圓正愛素  
秋潔下起未離滄海東一氣幻作蔚藍色大地都  
琉璃中夜半長鯨跳潑刺錦袍疑坐捉月翁

靈巖

葉嶺紅古剎高上方鈴鐸韻空冥風蘿卷葢張  
清翠雲塔浮嵐掛漢青廊靜無人知扉響鐘寒有  
伴共僧聽夕陽頗耐興衰事又照巖前積翠屏

秦淮

秦淮曾住莫愁家曲曲朱闌網碧紗燈火炙波潮

欲熱笙歌買夜月將斜王孫惜別官橋柳商女清謳玉樹花最憶昔年行樂處銀箏金管聞琵琶

和友人秋興韻

平楚蒼然入眺迷凭欄幾點暮山齊干戈爭躍塞中馬風雨聽殘枕上雞俠客有心投塞北深閨無夢到遼西壽時正是英雄事匣劍如聞龍夜啼

感興

千里烽烟達漢宮天晴雲影映山紅將軍有樹飄秋葉公子無衣賦小戎沸耳干戈魚鳥隊關心書

七十二峯

武山  
葉氏合編

卷五十四  
二十四

信馬牛風杜陵辛苦蘓州日猶望欖槍四海空

財賦重東吳集苑如今已集枯玉壘新添戌尉金穰愁聽癸庚呼晉陽祇見餘三版問左何人歌五襦欲向深山逃稅課寧知草木亦荒蕪

古意

夜坐罷裁縫燈下剪刀冷挑盡藍雙頭照人不成寢

團扇詞

愛逐秋風謝愁消明月痕但存君篋裡便是裁君

思

雜興

腹  
飢鵲捕露蟬殺之亦已酷雖然唧唧鳴寧知是空

春曉詞

綵杓夜勸長庚醉錦帳春酥海棠睡玉釵纖手不自持綠賦無聲枕間墜

虎邱竹枝詞

芳草青青一片香虎邱山下葬真娘遊人日日來

七十二峯

武山  
葉氏合編

卷五十四  
二十五

酒吹殺秋風不肯黃

虎邱中秋曲

年年此夕聞歌喉人雜聲喧看月浮待到五更清吹發落花風定一絲游

江行

峰巒倒影浸江潭玉女明裝十八鬟縱使蒲帆風力飽不留蓬底看青山

葉良楨

良楨字端右天開少子早夭

健兒行

健兒黃鬚身特瘦說是曾充弓弩手前年朝廷大  
出師檢點得從飛騎後西市鞍轡北市鞭號令只  
隨大旗走都護一戰定水西金錢掠得軍裝厚肥  
酒大肉日相要笑殺腐儒三不朽吁嗟兮兵凶戰  
危詎可狃君不見官軍又出蜚狐口

野步

野步橫溪好披襟曳履過寒鴉依古樹哀雁掠長  
河隔岸窺漁火臨流聞棹歌前山青數點不及亂

七十二峯  
足徵集

武山  
葉氏合編

卷五十四  
二十六

雲多

嘲梅

索笑問梅花梅花獨不語只恐春風來開時自無  
主

七夕

玉梭織盡到清秋縷縷絲絲都是愁天上雙星今  
夜渡明河只在樹西頭

葉聯璧

聯璧字仲玉

贈可南上人

掛衲空林久須知物外身禪機如覺悟一筏渡西  
津

七十二峯  
足徵集

武山  
葉氏合編

卷五十四  
二十七

七十二峰足徵集卷五十五

武峰吳定璋友篁菟錄

湖沙徐弘績虞若編訂

周建鑣

建鑣字武揚號同齋武山瓦塔人讀書勵志法度  
前詰與弟建銘友愛相為師友里黨咸以陳仲弓  
王彥方目之有長青集十卷

秋懷次高青邱韻

存二音

風月自冷冷虛窓亦灑灑閒吟靖節詩不作悲秋

七十二峰足徵集

武山周氏合編

卷五十五

者鶴唳聞九皋猿啼在中野行雲水上來木葉蕭

蕭下一氣入清商幽懷我能寫

高蟬喧落日長梧覆深井獨坐晚風涼虛齋習禪

靜豈無名利場燕山霜月冷秋色澹忘懷閒中任

酩酊

江館

深樹逼江寒幽禽自相語落日在烟蕪孤帆去沙  
渚天迴泰岱雲風挾瀟湘雨萬事付洪流私心慕  
巢許

空城雀

野雀飛飛空城秋早落葉隨風嚴霜載道長河歲  
不熟一望成枯槁弋者正相求心焉怒如擣毛羽  
漸摧殘飢寒殊未保村墅有黃花鄉曲無楊寶菰  
米墜秋烟還是江南好

夜夜曲

秋河亘長天明星燦如水不聞烏鵲噪但見流螢  
駛西風初入戶頓覺新寒起幙下一燈殘杼聲長  
不已

七十二峰足徵集

武山周氏合編

卷五十五

有所思

曉起理新粧盈盈隔秋水一日幾回看時在雙眸  
裡山外有閒雲片片隨風起青天萬里遙行雲去  
不止

鴈宕山

勝地不可得名山有顯晦好奇似康樂曾未聞其  
概爰及宋祥符異境知所在高峰七十七怪險殊  
出類上有十里湖積水常不退下有千年松朝烟  
浮然黛鴻雁度隆冬林垌成鰕隼故知永嘉山處

處皆堪愛

龍門閣

巍巍綿谷山仰望雲漠漠下有嘉陵江上有龍門  
閣斗立數千尋似將神斧削鐵色古爛斑尺土石  
不著長藤絡空際時有風瓣落迴濤雪屋濺點同  
飛電落不知皇古初石竅何由鑿俯仰盡高深驚魂  
莫能察

讀指月錄

西方有聖人慈心愍濁世說法五十年真常了一

七十二峯

武山周氏合編

卷五十五

足徵集

周氏合編

卷五十五

足徵集

切我愛碧蓮臺於中求妙諦五戒早聞修六如明  
宿契無黨亦無偏不遺而不贅蕩蕩百年身漸覺  
臨邊際我命在天樞一絲無所繫富貴不增榮清  
貧不加厲但願懺嗔癡并夫生智慧耳不聰管弦  
目不明姝麗階砌獲芬芳簞瓢有粗糲來去慎精  
詳休使靈臺閉勿生左道家免學傷生藝前者莫  
教疎後者還相繼鐵杵作花針皆當身自勵區區  
一線功日積毋留滯妙法見恒沙深仁具弘誓苟  
有善心生慈航無不濟哀哉有盡年歲月同流逝

惟茲無盡靈後天終不替尺蠖與神龍相去何迢  
遞至道莫能名潛然下悲涕

明河篇

秋高銀漢明如練夜長倚照深深院院中思婦感  
離情良人一去無由見玉關征戍幾何時聞道天  
山猶轉戰鐵甲寒花映早霜那堪歲月如流電太  
平天子御戎衣將軍若箇人寂寞莫幽窓萬里  
心裏盡淚痕珠滿串星房枕上寒聲月殿梨花  
舞嬌倩天上人間一樣愁清宮何用悲絢扇

七十二峯

武山周氏合編

卷五十五

足徵集

周氏合編

卷五十五

足徵集

承蓮曲

鏡花淺感湘紋綺佳人緩棹秋烟裡香房的的多  
青子多青子漫相攀新月現唱歌還

秋風辭

岳陽城上秋風起點雲吹盡空山裡園林草木初  
變衰浮光倏忽隨流水待將一札寄江南麟鴻中  
斷誰堪使熒熒兒女通飢寒愁懷遠繫天涯子芳  
草王孫事已休紅蓮綠水仍虛擬烏鵲橋邊昨夜  
秋瑶天斗柄還西拍來是何緣今若此滿頭白髮

心如飛淚花飄動何容止吳頭楚尾恨迢迢何況  
關山千萬里窮通故是循環理大鵬指日南溟徙  
坐待扶搖良有以

劍閣

蜀道當天險山川萬國西荒堆分象馬古棧截虹  
蜺峽暗疑龍隱林深有豹啼劍閣雄壯戶不待一  
九泥

光嶽樓遇舊

瀕海開生目排空倚暮闌俯觀殘雪在猶覺早春

七十二峯

武山

周氏合編

卷五十五

足徵集  
寒酒到花生乳詩成墨起瀾清音山水合不作雍

津

聞猿

三巴西望泝江行遠客思歸萬里情衰髮有霜先  
已脫愁懷如水未能平半竿落日青楓浦一片秋  
風白帝城莫怪短襟雙淚漬殘宵啼盡百千聲  
登太行山五盤至長平又四盤而至頂

嶺落盤盤逼太清車徒相顧馬長鳴下臨絕壑疑  
無底上倚懸崖勢欲傾雨汗徧揮聲雜遝風塵頻

動影縱橫峰巒望斷青山外千葉蓮花萬朶生

接舍弟武功書

康熙五十三年十一月十二日在岳陽

時日驚看歲已終衰年孤旅歎飄蓬身臨絕谷心  
心怯步上高竿面面空禿髮不煩霜借白凍頭安  
得酒為紅層巒忽有雙魚至豈是銀河一派通  
雲山滿目恨何之一片歸心入夢遲老去更為兒  
女累貧來惟有弟兄知盡中寤寐供衰疾獨取吟  
哦作歲時日暮碧天鴻雁盡斷腸無計寫相思

丙申正月初十日過三不管宿黑獺溝

七十二峯

武山

周氏合編

卷五十五

六

足徵集  
亂山層繞障空虛幽壑深沉萬仞餘顧我曠遊非  
虎兕況他高隱並樵斂寒林日暮悲風動古徑霜  
殘落葉疎列縣共稱三不管荒原無稅不耕鋤

漁父詞

草滿池塘水滿川一竿時掛柳梢烟杯中飲盡閒  
風月却有魚蝦當酒錢  
家住吳中烟水鄉慣將風月自斟量晚來移棹隔  
洲去幾陣蘋花撲鼻香

竹枝詞

長江西來天際頭峽中水勢無安流郎船似馬快  
馳騁不道有人樓上愁

蜀江春漲雪初消楚客東歸引画橈家在漢陽城  
外住綠楊深處第三橋

周建銘

建銘字武功有放言草十六卷

與客登莫釐峰

山下望山山通天每思策杖尋其巔今來乘興踏  
山路山高真與雲相連新霜染彩遍巖谷千巒萬

七十二峯

武山  
周氏合編

卷五十五  
七

簇爭妖妍峯迴嶺轉更奇絕輕衣捷步如飛仙既

登峻極衆峰亞明湖萬頃山脚邊吳江東下勢浩

渺浮玉遥插微茫邊風帆遠近點波裡黃雲滿野

栖平田寰區頻歲游飢饉東南今喜書有年風淳

景美真樂土興亡之感何有焉夕陽忽忽下西崦

林中萬竈生暮烟我歌爾和盡百觴不妨醉倒同

高眠

花下懷繼昭叔

獨立東風咏暮雲梅花如雪正思君詩傳驛路人

千里香遶山齋夢十分碁局燕居誰敵手酒杯狼  
藉悵離群一枝沉落難相寄祇向高樓笛裡聞

書懷

三十年來世路難勞勞都作戲場看條將司馬鑪  
邊器拋盡宜僚手裡丸榮辱龜藏千慮息去來蝶  
夢五更安幾年浪說知天命心境於今始覺安

席農部樹屏構控鶴亭於翠峰

十年絃管醉揚州勇退歸來控鶴遊縱覽烟霞酬  
逸興獨吟松菊副高秋琴隨夜月人如趙笙和天

七十二峯

武山  
周氏合編

卷五十五  
八

風世並周莫謂神仙必遐舉但拋名利即丹邱

周沈祿

祿初名翰字若水號鱸客僑居青浦之白華港

食貧礪志能文章兼精繪事性嗜酒有不可

一世之槩弱冠角逐童子場不售耻之慨曰寧為

百夫長勝作一書生即入市買弓矢篝燈誦孫吳

書竟夕曰得之矣比試補吳庠生嘗館蕪城富室

志鬱鬱不得一日主人設盛饌晏貴客命女伎行

酒娛賓若水廁席頤曲自浮大白哦錢玉友末座

慣傾拚命酒，散裘曾傍可憐村。之句擊節嘆堂旁。  
若無人會貴客，有愛伎而加諸膝者。若水乃戲手  
大罵，幸北人不解吳語，以為儻儻舞態耳。既醒，以  
不自安謝去。遊京師，以友朋力入河南鹿中丞。祐  
幕中丞，固名進士，一見有水乳之合。以上賓禮之。  
若水亦快得知己胸中塊壘，清釋過半，不復飛揚。  
跋扈久之，中丞予告歸潁州，猶授粲課諸孫。迨中  
丞歿，而若水有人琴俱亡之痛，亦倖遊矣。體素羸，  
弱患痰癰，肺傷於酒，時喀血卒。年四十九。

七十二峯

武山  
周氏合編

卷五十五

九  
淞南寄懷吳孟直

去年與君會華堂，香湧初開桂。今年與君別渡口，  
桃花落紅雪。今年去年景已殊，爾心我心長不滅。  
相思北望情依依，雲山黯淡愁同結。噫嘻！一在天  
之涯，一在海之角。天涯海角路何長，故人顏色應  
如昨。題詩此夜憶舊遊，仰視屋梁月未落。

冬暮

雪花時一墮，雲隙露微青。淡日下高樹，寒鴻號遠  
汀。天心有餘蘊，萬象無全形。感此歲云暮，還愁兩

鬢星

村居

水北閒開迳，花南小結廬。賤偏思犢背，性不耐城  
居。窻隨禽殘果，園分蠹蝕蔬。莫嫌生計拙，猶勝世  
情疎。

舟行風雨

風雨何關我，惟愁榜不前。破簑人似蜩，縮項鷺如  
拳。樹暝邨無路，雲封水著天。茫茫身外景，一葉點  
秋烟。

七十二峯

武山  
周氏合編

卷五十五

感秋

信步不知處，肅然生感傷。鷄鳴應村落，人語立斜  
陽。水歛漁磯出，藤枯蔬圃荒。清磬催響急，九月授  
衣忙。

新霽

秋雲旋作雨，數點散林塘。池面波紋縹，亭間客意  
涼。鶉鴉啼苦竹，翡翠立枯楊。添得芙蓉媚，娟娟洗  
晚粧。

春雨偶興

東風如剪雨如絲春到晴和曾幾時蠟屐蹂香花  
逕軟短犁畔綠草田滋鶯聲忽轉新簧舌山色遙  
添淺黛眉多少王孫遊未倦江南何處寄愁思

閒居感懷

林風簷日互遲遲散葛輕衫且趁時用巧不能甘  
用拙為雄未必勝為雌斗間劍氣人空識默下琴  
焦世莫知無限欲顰還欲笑閉門歌泣杜陵詩

奔走栖栖名利途人生能得幾歡娛每嗤宰相成  
錢癖還嘆先生為食驅鶴影夜寒三柳月蕚絲秋  
七十二峯

武山  
周氏合編

卷五十五  
十一

老具區湖不如歸種吳田好春雨犁鋤強自扶

題友人蘆舟小影

一棹殘書一葉艫烟波深處老潛夫蘆花雪色桃  
花雨三月蕚絲九月鱸興至采蓮浮葑水閒來放  
鶴出菱湖登壇不羨淮陰子手把綸竿當握符  
倦倚蓬窗捲釣綸高天明淨自無垠滄桑眼底隨  
時幻風月船頭樂我真茶竈筆牀長作伴桃源栗  
里結為隣江東自古多遺隱始信蘆中尚有人

歲暮述懷來春將館吳城漫成六首東武山

諸友

湖海優游未辦家羞將身計問年華鄉書不至期  
歸雁好事難憑數暮鴉卒歲句多歌雨雪倚閭人  
應念天涯無端廿載成何補寧謂毛錐事業差  
潦倒明時愧不才敢期圖報上雲臺琴焦燬下欣  
逢蔡劍隱豐城未遇雷寒雪尚思邀臘住暖風蚤  
已促梅開他年舊壘依然在留取雕梁待燕回

檢點行囊刺一窩琴書無恙奈愁何貧交共有憐  
才淚吾輩其如恨事多蝸角縱橫歸北鄙蟻封都  
七十二峯

武山  
周氏合編

卷五十五  
十二

邑聚南柯烟波江上思鱸客肯戀青衫棄綠簑

金錢擲損卜良緣仍作蓬山萬里看紅葉定情渾  
泛泛冰花散恨只漫漫羞云髻與秋娘老不道身  
同月姊單欲向桃源問消息烟霞深鎖石橋寒  
豪氣年來正未銷此生何路達雲霄雄心敵酒惟  
拚醉落魄論才那敢驕誰信文園工作賦且從吳  
市學吹簫即今海內知名士昔日頭顱半珥貂  
閒情常結故山緣每遇佳時輒向前霜後橘香龍  
女廟歲寒松老濮公巔吟邊傳侶來三四杖底烟

雲起萬千回憶勝遊難再得春朝獨上渡湖船

春杪吳門感興

眼看春色去難留狼籍榆錢散不收花作態時風  
掩丹燕爭巢處雨綢繆蓴羹供饌諳鄉味香積尋  
僧憶舊遊一室坐來渾似繭春絲吐盡只拘囚  
吹盡山茶一院風飛鷓鴣啼斷夕陽鐘白雲陟屺家  
何在芳草懷人路不窮南浦潮迴雙鯉杳西河夢  
去小樓空不知幾許閑情處悶倚闌干數落紅

蕩漾晴光逼眼來鬱懷于此掃除開便思弄筆有

七十二峯

武山

周氏合編

卷五十五

十三

佳趣更喜作詩具別才薄命凋殘惜紅葯酸心老

大摘青梅重門深掩餘香在蜂蝶紛紛莫浪猜

共擁殘編對檢扉薄寒猶未減重衣覆牆隣樹陰

初密穿巷賣花人漸稀憔悴鼠姑春意老飄零燕

子舊巢非祇愁飛絮難拘束苦被東風不放歸

牆外新桐映碧紗閒情無那遶天涯憂心直似三

眠柳客意還同欲落花正假琴書消暇隙何來冠

蓋動喧譁天池穀雨看看近期與山翁唱采茶

旭日移簾過半牆科頭盥漱立南廊蔽蘭泥露珠

光潤嫩蘚黏花翠罍香盆水魚游爭活潑紙窗蜂  
開覓康莊已知無計邀春住牽惹晴絲寄客腸

寓齋秋感

歲序頻看日易西客情秋思轉淒迷林梢響趁風  
為力天步高難月作梯老驥爭馳千里足飛鳥仍  
借一枝棲翻憐景物真無賴愁說槐黃促馬蹄  
茂苑蕭齋對素秋美人遙憶隔滄洲機絲密織情  
千縷眉黛空描月半鉤蟋蟀夜寒捐白苧鴛鴦波  
冷罷蓮舟佳期轉盼來朝是銀漢迢迢渡女牛

七十二峯

武山

周氏合編

卷五十五

十四

宿丹陽

更鼓聽初傳篷底挑燈思惘然斷雁有聲雲  
墨寒蘆不盡水如烟僅留寸管營生計好辨雙  
眸敵世緣寄語長風待明發多情吹上渡江船

望岱

半生擬躡泰山巔今得欣瞻意肅然鰲背有鱗多  
載石龍頭無角獨擎天竇連衆壑盈科水州散中  
原九點烟呼吸倘能通帝座儒生堪列掌書仙

秋晚寄懷吳友篁

雨線霜針繡短衣怕寒人已掩雙扉自憐客意還  
同雁歲歲秋來冒冷飛

聽竹

雨後蒲湘起碧濤非閑雲水響騷騷龍孫百萬當  
秋怒厥住金風作戰塵

題畫贈吳友篁

憶昔南村把臂時文壇藝府各爭奇而今老去都  
蕭散我拙還能沒字詩

繪聲寫影君能擅畫角描頭我豈諳若把文章通

七十二峰

武山周氏合編

卷五十五  
十五

翰墨水中鹽味可同參

載菊吟

浮生江海似蘆蘆身外吟殘一束書載得霜香伴  
歸夢要將佳興配鱸魚  
斜塘東去指吳淞漸聽鄉音雜箇儂黃葉度頭殘  
照裡有人歸棹載秋容

七十二峰足徵集卷五十五

七十二峰足徵集卷五十六

武峰吳定璋友篁蒐錄

長洲吳勳幼清編訂

馬雲程

雲程字昂霄西山人張士誠據蘓日招之不出

述懷示友

彈指無人會此心且隨麋鹿卧長林淵明籬下青  
山老茂叔窓前碧草深半榻清風閒注易一尊濁  
酒夜橫琴悠然自可忘身世何用徵書特地臨

七十二峰

西山馬氏合編

卷五十六  
一

馬箎

箎字仲和

遊上真宮

廣福舊琳宮幽深一徑通砌鋪芳草綠水泛落花  
紅露濕栖松鶴天垂飲澗虹鍊師能愛客陪坐說  
參同

題祥符寺

遙憶少年日禪宮著屐遊夫椒山外境笠澤水邊  
樓梅雨一旬暝松風五月秋何能訪僧去重汎壯

湖舟

馬春

春字景陽

舟次漢陽輓南平趙輔之

楚水湘雲滯客程旅懷於此重傷情文星入夜光  
何在華月逢秋色自明白鶴幾時歸北海青山何  
處是南平臨風不盡追思意愁倚孤蓬到五更

七十二峯  
足徵集

西山  
馬氏合編

卷五十六  
二

徐偉

偉字朝羈號古心東園人幼嗜學不樂仕進品行  
端方布衣終老壽躋八十登臨嘯咏之興不減少  
年著有漫成稿數卷

讀史

避亂居東海就養歸西周遜位遠去國此德諒為  
優叩馬苦強諫高誼摩清秋君臣道既喪食粟誠  
為羞試問首陽山薇菜今生不

周亡六國滅天下歸暴主志士報君仇倡義一擊

七十二峯  
足徵集

西山  
徐氏合編

卷五十六  
三

始成功三寸間封留志足矣淮陰參夷禍相國下  
獄耻惟公獨知幾從遊赤松子

漢獻失君德群雄力角爭人龍隱南陽不求利與  
名一朝感三顧君臣魚水情出師表忠節正統得  
以明天胡不假年大星殞前營

出岫雲無心倦飛鳥還樹采采菊有華園廬日成  
趣不為五斗粟折腰挫吾志五柳春意多其間足  
潛世至今信史中特書晉徵士

對菊

爲愛風霜姿值之庭之與侵晨理苔蕪祇恐伍莽  
草春葉密以稠秋叢嫵而好寒風揚汝香嚴霜厲  
汝操桃李競春陽宵與較晏蚤嗟哉君子心歲月  
坐成老致言肅殺時晚節善自保

### 電

維茲戊戌年孟夏月在巳草木正長養繞屋綠陰  
翳百果實已碩趁麦花放始朔越初八日疾風西  
北起迅雷忽奔騰降雹澍大雨大者或如拳小者  
沙礫比頃刻遍階除深厚盈寸許初陰奪五陽差

七十二峯  
足徵集

西山  
徐氏合編

卷五十六  
四

以積雪擬牛羊皆鼓栗雞犬凍欲死兒女不解事  
觀之反欣喜相呼競相掇爭藏罐甕裏彼嚼齒頰  
寒我見毛髮豎兀坐小窓前對之默不語從申直  
至戌三時尚未已可憐茅茨居漏濕無乾處夜半  
纔少息明發始開霽橘林實已空秧針偃洪水方  
長盡摧折條枚總萎靡植物既誅夷吾民亦何恃  
一年衣食資一夕竟已矣吁嗟乎蒼生負此養生  
計無麦與無禾何以保卒歲廊廟非無人陰陽當  
變理災祥果天乎疇能問太史

### 木梳嘆

嗟彼凌雲材性稟青陽德長者作棟梁短者不棄  
擲雖加刀鋸功豈爲矯揉質形取偃與俯齒愛平  
而密一朝一相見用舍隨所適亂則賴爾理曲則  
賴爾直青年與相契至今逾半百爾當銘剌時吾  
髮正鬢黑今爾齒已鈍嗟我頭已白爾壽固在我  
我當爲爾惜我壽固在天調攝爾有益順氣祛風  
邪仗此疏通力人物兩相保勿使侵邪慝惜無百  
年身視爾三嘆息

七十二峯  
足徵集

西山  
徐氏合編

卷五十六  
五

### 夢梅曲

湖山青湖水綠湖邊萬卉皆發育杏桃含露將茁  
芽楊柳凝烟半曠感耐寒挺挺有喬松掃月修修  
多美竹何如湖上幾株梅不入群芳自幽獨月移  
疎影寫橫斜絕勝佳人在空谷恍然身與梅魂會  
千古師雄夢還續嫣然一笑倚林下雲爲衣兮綃  
爲服談諧霏屑吐清香吟詩不落香奩局一觴一  
詠可流連半醉半醒那敢觸良夜迢迢何所有太  
虛爲室月爲燭不須更扣酒家門一枕黃梁夢初

熟枝上翠禽啼曉烟獨步蒼苔指病目嗚呼茲遇  
真絕奇三嘆臨風歌此曲明朝酒醒還復來香雪  
紛紛滿林麓

胥口阻風二首

寒氣驚征裘而風阻客舟故山一水際殘夢五更  
頭身世空中葉亂坤波上漚壯懷猶未已呼酒看  
吳鉤

信宿胥溪口風濤勢未平千林正搖落萬竅忽爭

鳴旅夢苦難就閒愁何易生年來生計拙桂玉轉

七十二峯

西山  
徐氏合編

卷五十六  
六

閑情

過淡雲上人山房

重到空王宅山房失皎然未傳金粟影已作玉樓

仙局罷彈碁子瓢虛飲鹿泉寂寥白蓮社誰復可

談禪

秋夕感懷二首

一聲秋鴈到江南燈燼蕭然旅思添金馬石渠寧

強致嘉魚熊掌信難兼寒蛩泣露偏依井涼月流

輝半入簾萬事縈心眠未得坐來殊覺夜慙慙

不將心事寫離憂肯把年光嘆白頭倚砌寒蛩時  
泣露迎風枯木自鳴秋故交落落晨星散往事悠  
悠逝水流誰唱吳歌當子夜令人自起攬貂裘

遊水月寺

石路登登破蘚斑松陰落落趣溪灣不論佛法  
沙界却兼僧家占好山塵世獨怜忙裡老禪心常  
是定時閒殷勤為掃西軒壁珍重題詩記往還

觸目

觸目晴溪緩步行滿湖風浪喜初平一雙白鳥不

七十二峯

西山  
徐氏合編

卷五十六  
七

飛去無數青山若笑迎鷹隼翱翔雲外翼魚龍游

泳水邊情莫言野渡無人濟尚有漁舟一葉橫

蘆花

兩岬蘆花一色秋月明常伴釣魚舟兒童莫道無

顏色歷盡風波到白頭

徐璋可

璋可字完璞古心之孫郡諸生

登鳳山

欲覽鳳山勝携筇第一峰日光浮紫翠水氣靜魚

龍倚石發長嘯聽濤落萬松采芝思往事閒躡野  
樵蹤

寄友

魚書雁信兩茫然越水吳山各一天何日與君重  
載酒看花同上木蘭船

徐瑜可

瑜可字完玉完璞胞弟亦諸生

山行

不隨人步履俯視五湖雄綠締松岡鶴襟披大澤

七十二峯

西山  
徐氏合編

卷五十六

風子身千仞立萬慮一時空遇有樵雲叟滄桑話  
不窮

徐玠可

玠可字介子號萍石少具文武才長而遊學京師  
占衛籍中天啟丁卯武舉未仕遭鼎革浪游滇黔  
楚粵間旅死楚中

輓叔叅姪防守應城挺身殉難一絕

惟汝愚忠不愛生憑將一劍捍孤城莫嗟死後收  
無骨贏得千秋烈士名

諸葛洞

勝地名傳盡瘁功率師南伐駐黔中洞門雲布縱  
橫勢猶是當年八陣雄

渡瀘五月定南方汗馬嘶風幽壑涼萬里摧鋒來  
此地白雲閒煞卧龍岡

夜坐

寂寂簾櫳淡淡風一鉤新月印梧桐莫將往事閒  
惆悵十二巫山一夢中

徐志宏

七十二峯

西山  
徐氏合編

卷五十六

志宏字重遠博學無方天官地理無不通曉性尤  
喜詩年至八十有六尚吟咏不倦

虞美人花

當年劍血報重瞳化作名花映日紅雌雞負慙人  
最慘虞兮千古笑東風

孤棹

不將孤棹泛滄浪歸繫垂楊夜未央十里清風簾  
笠冷半湖明月芰荷香

徐廷珂

廷珂字公玉縣諸生

分賦津里山壽吳餘生

似有秦人避世緣  
迷津猶復問前川  
雲開豁曲通幽境  
路轉湖濱闊小天  
幾度野桃迷歲月  
半林啼鳥隔春烟  
山翁迥得陶然味  
畊鑿何須誌昔年

徐三函

三函字子開號倚農少好讀書長游湘湖間所至多吟咏查太史聲山云倚農之詩原本淵明闢入樂天新格俱有真味

七十二峯

西山  
徐氏合編

卷五十六

中秋雨霽泊青山

連朝風雨今夕收孤蓬  
夜宿青山頭團團皓魄海  
角浮光晃水底如晶毬  
碧天無瑕清露幽漢江萬  
頃寒波流舟人酣睡華胥遊  
雁聲嘹唳荻花洲堪惜  
此際無同儔幸有携來酒  
似油舉杯對月心悠悠  
何必更羨庾公樓

楚人有問洞庭山風景者漫成以答

君問洞庭居結廬近棹樵  
湖上多清風山間足明月  
但看鹿豕遊不聞虎豹窟  
歲餘無流離堪採蓴

與蕨

君問洞庭居田園樂有餘  
人烟雜雞犬問答足樵  
漁時聽催畊鳥閒繙種樹書  
不知塵世裏得失意何如

瀟湘秋懷

蕙葭風動雁聲過  
兩岸丹楓映綠波  
莫謂旅人頭易白  
瀟湘秋思上心多

見雁

木落天寒來北雁  
幾聲嘹唳荻花洲  
相呼齊向沙頭宿  
不共鳬鷺水上浮

七十二峯

西山  
徐氏合編

卷五十六

鄧旭

旭字元昭西洞庭綺里人寄籍壽州中順治丁亥進士歷官翰林院編脩陝西臨洮副使

秋怨詞

梧桐葉落平銀牀玉階露白啼寒螢金鋪閉月博山冷羅衾重添坐夜長五彩流蘇心共結菱花半壁窺鴛絕紫驕嘶過水邊樓掩面鮫綃淚成血

戊午秋晚同吳晴岩呂六英年丈家文常諸

孫由石公林屋過包山寺訪妙峰大師及衲

七十二峯

西山  
鄧氏合編

卷五十六  
十二

孫白行夜宿山閣賦

萬里霜風晚烟波縱一舸閒心看水穀清夢落松濤帶甲嗟豺虎卽杯醉蟹螯良朋未易盡切莫戀

春醪

曳杖看秋色天開錦繡屏湖波吞室白山翠滴簷

青蚪蚪迷蒼篆玄纁失禹銘夜深僧梵貝惟有老

龍聽

親友凋零盡靈光歎老僧茶烹六代井齋勸九秋燈夜迥飄金鐸山高矗玉繩何當藉慧劍一爲斬

鍾藤

憑將方外友引上白雲層花散無名樹貝刪有病經詩瓢傳錦水香鉢飯支硎舍此將焉逝誅茅老洞庭

宿上方寺時衲孫白行導余遊十八寺之勝

踏盡方州勝具區誰比肩無山不挹水有樹悉參天梵宇蒼巒合村墟碧嶂連縱觀縹緲外三島漾雲烟

過鯉魚山

七十二峯

西山  
鄧氏合編

卷五十六  
十三

鯉魚山下泛輕鷗小艇橫磯落釣釣寄語柯陳賢子弟放舟潛上閩江樓

鄧秉鉅

秉鉅字介明號西園孝友誠慈鄉黨稱之著有西園聲草

石公山玩月

石公稱絕勝雄踞五湖間月湧峰頭出雲歸洞口閒亭高虹落影波濶水明山不盡登臨興深更鼓棹還

題半樓

羨爾城南客幽居有半樓窓邀靈麓翠簾捲碧湘  
流鄉國思偏遠閒情世覺浮遙聞多過後詩賦足  
淹留

舟泊江口

恬風霽雨度鍾山清夜江聲到碧灣半世路難誰  
見惜一舟月好自相閑蕭蕭落木鄉心遠隱隱悲  
笳客淚潛因念浪遊成底事惟將年少易衰顏

題王漁庄聽泉圖

七十二峯  
足徵集  
西山  
鄧氏合編  
卷五十六  
十四  
知君性愛邱壑幽青山白石長年留飛泉千尺掛  
絕壁聲來天漢鳴高秋

蘇一善

一善字服卿西洞庭山人有閒來吟四卷蔣孝廉  
赤臣序之

采菊

幽情遺勝事澹懷得妙理東籬日徜徉采采馥盈  
指獨對意悠然同看心亦喜刪繁而就簡閒課閒  
無比彭澤餘清風千秋疇繼起

秋郊晚眺

秋氣正孤清郊垌可閒步丹楓幽壑肥翠靄遠山  
七十二峯  
足徵集  
西山  
蘇氏合編  
卷五十六  
十五  
暮淡懷適天遊好景與神遇曳杖轉江隼夕波明  
野樹

竹下奕

世事多紛變林間一局消石枰依美竹木榻倚虛  
棹賭墅還希謝忘機且學陶此中塵慮滌清蔭共  
逍遙

和陸二雲膠城旅次懷故山同社韻

移棹膠城訪未能孤吟常似望雲僧曾邀品菊開  
三徑屢共尋梅炙一燈到此有懷誰可語相聞懸

榻未留朋羈愁短髮新生白未必如予髮雪增

七十二峯  
足徵集

西山  
孫氏合編

卷五十六  
十六

孫治

治字元錫橫山人

漁父歎

壯風吹緊同雲壓雪捲湖天  
逃野鴨滕六作威世界寒蛟龍亦自藏  
鱗甲衝波冒冷漁家兒開頭下網正此時  
凍僵十指若為痛千觔繩挽如馬馳為漁寧  
不知漁苦可嘆立錐無寸土女不識織男不  
畊生計只憑弄網罟殘冬口食欠周全剩有  
蘆花被可眠還恐賬船來小甲不循常例要添錢

七十二峯  
足徵集

西山  
孫氏合編

卷五十六  
十七

閒居雜興

出處居然夢桃源去不還製冠思漢魏  
斷髮笑荆蠻放棹層層水登樓面面山  
此中真可老塵慮盡情刪

竹下

森森林立古苔痕惜色為天綠映門  
棋局酒尊書卷外駕迴俗士不聞喧

美人燒燈照海棠

海棠庭砌夜沉沉須惜春宵一刻金人  
愿伴花花

欲語明燈堪與證香心

七十二峰足徵集

橫山孫氏合編

卷五十八

七十二峰足徵集卷五十七

武峰吳定璋友篁蒐錄

湖沙徐 贊稚章編訂

葉弘勛

弘勛字有大郡諸生績學工文有莊子註唐詩選平詩法初津儀汐軒稿行世

江南曲

橫塘柳暗鴛鴦浴亂擊溪蒲搖菰綠迎波蕩槳水花飛賽雪生綃初試衣紅蕖娟淨如新盥荷葉漫

七十二峰足徵集

東山葉氏合編

卷五十七

天勝帷幔個人舉手低招喚采摘無多愁日旰

補錢塘破陣樂曲

柳郎傳書慙愁恚哭聲喚起千年睡黃金鎖斷截脆葱丹堦石裂吼生銅火鱗烟鬣灼天紫雷霆一聲聾萬耳鼉驅鱷走如麻亂毒風腥雨失昏旦仇兵蝟集等跛鱉濁涇沸撓波流血天門獻捷驚紫薇鏗鐘撞鼓君王歸

補龍女還宮樂曲

流蘇雜組晴霓綵七寶輕軒雲鬋颺波宮歡動萬

陽春桂殿開簾迎玉真萬花簇簇驚紅粧香風蕩  
地流輝光淫陽小子真薄福風鬟霧鬢重膏沐珍  
珠歸掌翻痛楚燒燕植鰕搗戎旅柳郎別去各天  
涯人間粉黛如泥沙

金閭競渡歌

雷奔海沸閩閩城金鼓散作一天聲競渡年年稱  
故事傾城士女難爲情文鴛綵鷁魚鱗比蘭澤芬  
芳發羅綺南國佳人悉澹粧東吳妖嬈方髻齒磨  
來曲子驪珠圓纔拋悲管又哀絃伎呈金盡豈遑

七十一二峯

東山

葉氏合編

卷五十七

惜隨風吹落知音遠知音一霎魂銷散聽罷無言

但清嘆繁華消寂互爲根羽觴飛罷何須筭夜深  
雲水空濛濛燈光溪光上下紅歸舟爭進亂無次  
眼波簾影遙相通今年靈潦傷二麥街頭斗粟錢  
五百吳兒驕慣不知愁且把巨羅逐歌拍

塞下曲

岳家軍令肅范老甲兵多邊塞羞言守朝廷耻議  
和射鵬空漠北牧馬避南河已舉平安火元戎醉  
綺羅

雨後納涼

漲水沒池沙秋籬落豆花烟深猶罩柳雲濕未成  
霞晞髮藤牀冷披襟葛帔斜長空風陣急亂捲百  
千鴉

揚州酒貴有歎

小槽紅滴似珍珠傾盡囊錢問有無肺渴豈關先  
主禁身寒難入步兵厨高歌恨不移封地熱淚真  
當洒舊壚街上醉人須是瑞未知何術釁青蚨

黃成子求婚未遂乃有怨詩次韻寄調

七十一二峯

東山

葉氏合編

卷五十七

去來雙燕鬱金堂冷落詞場月露光楊柳不將依  
白傅蓮花枉遣似張郎徒傳星渡鳥蕪鵲未見天  
鳳凰跨皇勞瘁裴航求玉杵藍橋仙信尚茫茫

侍御陸竺庵母舅宦遊兩粵十年乃歸感賦

別來人世海桑遷罄訴愁悰已十年墨綬時艱戎  
幕寄繡衣霜冷謫書傳遙思故國黃柑美飽噉蠻  
鄉錦荔鮮江左風華方掃地粵南兵燹又漫天未  
容草檄銷邊燧但得題詩瘞瘴烟流寓豈堪驚喚  
鶴歸裝端為感啼鵲身家不繫同遊子仕宦多忘

似謫仙蓮社每邀元亮醉蘭帷空憶孟光賢憂時  
匣撫雌雄劍愛客囊空子母錢花鳥春光清咏徧  
尊鱸秋興素盟堅甘辭匠石留千載擬卜桃源共  
一椽喜見巖巖新白髮自慚孑孑舊青瑣琴尊且  
樂粉榆里筆札應陪書畫船獨媿小才依大厦支  
離難續渭陽篇

葉之庶

之庶字公介性沉靜讀書終日無倦容補郡學生  
以攻苦邁羸疾卒

七十二舉

東山  
葉氏合編

卷五十七

清明日訪陳羽士欽念不遇

鳥語晴偏滑山行雙屐輕花蹊紛綵色松徑亂濤  
聲仙去雲封戶人來鶴問名憑高一悵望處處紙  
烟平

不向酒家問探幽春服輕雨餘桃欲笑風急鳥藏  
聲採藥忘歸路題詩紀姓名晚來清磬發回首白  
雲平

問炬庵上人索蒼雪法師詩集

蒼公說法滿人間萬里滇池隻履還憲下注經窪

石硯松間趺坐敞雲閣何因不演魚山梵怪  
尋雞足山舊日二楞庵在否暮烟荒塔佇孤顏  
雨後看薔薇有感  
軟紅無力伴書臺有客相扶帶笑來欲向花神酌  
好句疎狂多媿孟公才

葉兆昌

兆昌字允文太學生負氣尚義里中有不平事恒  
爲直之駟僮悉側目屏息焉

桃花間贈吳餘生

七十二舉

東山  
葉氏合編

卷五十七

久住名山許結鄰桃花長滿洞中春不知漢魏爲  
何代直作義皇以上人庭下珍禽巢玉樹筵中銀  
鱸雜芳尊欣看蓮社相推重洛下耆英步後塵

初秋送客

布帆高颺出湖濱波上輕鷗啄紫蓴到日計君當  
七夕看星應憶畫樓人

葉張綏

綏字世南負不羈之才攻苦力學後雲間沈疴溪  
先生游遂寄籍爲華亭縣諸生實世居紀革里也

康熙己卯以春秋中經魁屢上南宮未捷而文名藉甚京師貴人爭延致之山中後起習麟經者翕然宗之

還自包山飲梅源花下

雲房黯將暮谷口方夕陽置酒坐花深樽席盈妙香欲借天上月花下高燈張醉起舞婆娑倒幘巖樹傍

宿梅源人家

野棲四無隣梅花繞茅屋夜深醉忘歸揖客花間

七十二峯

東山  
葉氏合編

卷五十七

宿倦枕眠易安日高夢正熟階下爐烟青烹泉曉燃竹

山居述懷

采薇北山下林薄蔚迴互中有五色芝亭亭植雲路靈根濯太和浴日溉清露灌莽敷春榮翳彼琅玕樹不遇蓬壺人誰為擷之去

羽公贈菊數本植之庭中適御雲見過留飲

唱和

凡草無好姿柔枝挺孤秀橫檻臨秋香眾芳適爭

湊日夕三徑開之子信良覲陶令思酒時太常正齋候

御雲茹素子亦偶齋

一尊羅野藪清致逼襟袖百物有真

味交情淡彌舊嗤彼金石盟雨雲或翻覆而我頗落落幽蘭得同臭長耻丈夫骨高門事奔走君遊遠仍困我居狂轉瘦納履不厭穿居室豈知陋浩蕩天地間意氣獨馳驟攬月梯層崖塞雲陟危岫際此秋宵良明蟾懸清畫木末萬籟鳴笙竽宛然奏倚醉一高歌寒空盪群宿

月下與友酌酒

七十二峯

東山  
葉氏合編

卷五十七

牀頭無黃金解衣換春酒清樽泛瑤階皓月入素手微言意彌親疑義快共剖涼颼侵薄帷促膝坐忘久知心世已希良會信非偶百壺傾衷腸愁於我何有

看梅鷄籠山循丙場而還

層岡四圍合一洞穿平疇花深不知路身在孤山頭霽景麗初旭萬斛寒香浮林邊兩三家竹戶臨清流荷鉏值園父指我循廣邱高下縱復橫光怪搖星眸群坐或孤往曲折窮討搜此中非人世何

處尋瀛洲

高真堂讀橫山叔氏詩文集賦贈

川嶽鼓靈氣翰墨流精英雲房一開卷耳目皆清  
明橫山先生天下士卓卓功名策青史彭澤歸來  
三十年赤紱朱軒真敞屣閉門終歲耽著書吐屬  
直在黃虞初蔚為雲霞炳日星班馬作者供驅除  
有時孤吟振寥廓風雨猝至雷霆薄或為清廟明  
堂歌百物條暢含熙和豈復斬新闢格律鍛鍊造  
化歸洪鑪名山絕業不脛走于先生身亦何有太

七十二峯  
足徵集

東山  
葉氏合編

卷五十七

湖東畔草堂間日坐春風飲醇酒

秋夜聽琴贈張梧岡

長松獵獵秋風生吹淨吳天孤月明有客携琴坐  
松下羽觴未奏先淒清一彈帝子楚江曲湘水無  
波到今綠鼎湖龍去不可期竹上啼痕碎青玉沙  
寒露白菰米香鴻飛颯沓來衡陽呼雛求匹自相  
語欲隨不墮紛迴翔繁音促節忽交變目送手揮  
意彌晏村童罷牧樵父歸一一溪山靜中見低徊  
坐作懷故情請君且息絃上聲疇昔相逢五茸北

橫雲霽色開林麓君為安絃我賦詩一酌青州倒  
千斛彈指流光十載過元龍豪氣今如何射策金  
門遭按劍羊裘風雪歸江湖聽君冰操意瀟灑萬  
籟俱寂幽泉瀉珍重蜀桐莫輕下廣陵散後誰知  
者

漁隱圖為沈世文題

青山望不極烟水何漫漫手把一竿坐江麓清颺  
習習生微寒世途漸識風波惡翻雲覆雨須臾作  
如君意氣薄層霄金石匪堅重然諾曠哉人間別

七十二峯  
足徵集

東山  
葉氏合編

卷五十七

有天晴沙狎入鷗群眠香餌不施任魚躍桐江片  
石今依然予懷渺渺望彼羨溯洄從之在中沚安  
得載酒千斛長相隨醉吸湖光看雲起

烈婦行

烈婦姓施氏名婉貞適金灣吳翰章蚤蚤  
卒無子其父母皆未葬施苦節自守無立  
後舉襄計拮据盡瘁而奪于繼姑積五載  
弗獲知己志終莫售也買席地為夫墓臨  
視寔歸則設苦禱於寢如殮具蒙被結炕

死時康熙戊寅十二月十三日也先一夕

作絕命詞四章粘之壁遺書白父及翰董

伯母諄諄屬以葬嗣事與成宿志焉

太湖瀕洞吞鴻濛中有高山天削青芙蓉靈氣磅

礴詎終閱有明盛時六七鉅公文采照耀相媲美

如吳少恭施宗銘王守溪諸先哲皆東山人數十年來靈氣歇鬚眉齷齪鮮奇

傑遜抗機雲安在哉徒聞婦人女子節烈轟如雷

或甫字而寡或乍色而拆剝胸決脰直等閒髡髮

割耳那足惜事詳東山貞烈傳昔予聞聲相思愴以哀斷碑

七十集東山葉氏合編 卷五十七

殘碣埋沒尋蒿萊表章末由蓄深耻又見延陵有

婦慷慨從容死世本先賢太史家係施宗銘公族鹿車手挽

洗鉛華焉孤五載忍苟活三喪負土其疇耶百千

荼苦志莫遂片玉深埋復何事絕命詞成歸去來

泉臺相對真無愧吁嗟烈婦一死慷慨兼從容悲

吟凜冽愁寒空湖波倒流山欲裂會見碧血千年

亘白虹

### 江行

鏡光搖碧江天曉宿雨峯尖青縹緲一篙撐出葦

花深水面驚飛雙白鳥擁衾酌酒發初寒魚龍卧  
穩風波小

### 曉行泰安道中擬登岱嶽

春風吹客上征鞍得得霜蹄破曉寒野曠星文羅  
掌上天低人語在雲端江湖踪跡青山遠京洛才  
華碧海寬攬輿便須凌日觀扶桑枝下望長安

### 早春讀書高峰寺

古寺白雲谷藤蘿一徑偏林疎深見月山靜遠聞  
泉有客茶先熟無人榻自懸中宵眠未穩佛火印

七十集東山葉氏合編 卷五十七

清編

### 夏日寄懷高峰寺諸友

避暑真無計羲皇在此中長廊雙樹雨疎竹一池  
風世味春冰薄禪心夜月空北窓欹枕卧得句不  
求工

### 林屋看梅至色山寺

雙輦處處躡春風路入花深轉不窮青斷山腰雲  
欲起香迷天半日微烘穿林鳥啄飛瓊碎灌圃泉  
疏別澗通十載上方身未到蘚牆醉墨記朦朧

閒意

深炷爐香斗室清靜觀物理覺心平事因見晚常  
多悔名不嫌低得免爭出岫看雲無故態迴風度  
竹有疎聲午慵獨凭南窓几一卷黃庭手自橫

山居

白版雙扉屋數椽斷橋流水入迴瀾門無車馬將  
迎少身在山林俯仰寬采藥籃携巖雨潤尋花屐  
印曉霜寒幽栖擬並巢松鶴懶向雲霄振羽翰

秋日茸城舟次

七十二峯

東山  
葉氏合編

卷五十七  
十一

客路斜陽秋又殘扁舟猶帶蓼花灘波平天影漾  
空碧日暮江風吹薄寒未祿漸登勤築圃萼鱸正  
美羨投竿此生甘被儒冠誤不為三陽指一彈

雪霽同金元台登微香閣

小閣嵯嵯香霽閒登臨一為破愁顏撐空玉立千  
崖樹向暖青留一角山脉脉炊烟村舍寂寥寥犬  
吠寺門閒冰壺滌盡人間想十二層城跨鶴還

蒼來携尊金隴看梅

百徧看花興未窮青鞵又踏白雲叢不知人世在

香國無限春光來酒中茲徑坐迷巖霧暝林墟還  
映夕陽紅溪邊野父勞相訊杯茗熙然上古風

衡門

衡門無事少追尋習氣消來閱世深節省盤餐皆  
物力護持庭卉亦天心一編與古成交臂四海何  
人是賞音偶出溪頭迷故步白雲看意鎖山林

飲盧鴻緒山館

葦牆低稱野人棲過雨庭莎透軟泥曉枕忘機無  
夢蝶夜窓解語有鳴雞酒瓢舊熟青州釀詩課新

七十二峯

東山  
葉氏合編

卷五十七  
十三

徵白社題好事漁莊烟水足一竿坐老莫湖西

君山懷古同金元台吳次程分次壁間韻

牧馬嘶寒野色陰石闌西畔弔斜曛江聲挾海鯨  
鯢上山勢兼城壁壘分埋劍孤墳穿兔窟沉沙鐵  
戟宿鷗群登臨不復新亭恨一片閒心寄白雲  
百戰間關白日低二侯祠廟女牆西山城草木銷  
兵氣水國魚龍卧鼓輦鞭石何時真到海射潮無  
力欲平堤蒼涼往事歸樵牧醺酒江天飲怒蜺

關山道中

驛路西馳千疊山連峰中斷故嚴關太平草木  
塵靜樂土人民歲月閒野寺題詩尋薜蘿市橋沽  
酒醉酡顏清流昨夜初消雪愛聽溪聲不記還

送蒼臣若淵第後南還

邗江風雪夜舟孤支抵寒威共酒壚千里駿蹄先  
日馭一雙健翮下雲衢真令戰鼓無堅陣不愧關  
門有棄繻歸路早應登岱岳海天空濶是東吳

秋日海甸登甕山還憇湖上

小山先試登高屐風袖飄然信所之樹色初寒殘

七十二峯

東山  
葉氏合編

卷五十七  
十四

葉墜雲陰漸近遠峰移晴沙雁陣湘江盡秋色蘆  
花笠澤詩東望苑牆垂柳下蓬萊咫尺海天思

送友南還

共數歸期指塞鴻征塵已隔薊門東五更客夢鞭  
梢月萬樹秋聲馬耳風玉返空山仍在璞劍埋寒  
雨未成虹故鄉倘語垂綸者青桂年來道至公

慰別

十九年窺夜雪寒楓花黃過六回看漫因久客思  
歸切曾省前時欲到難見慣湖山終在眼別來親

故幸皆安桑弧自是平生願未覺天涯萬里寬

將還江南奉別韓城張夫子兼呈禮闈本房  
兩先生

南歸不為近樵漁門閉深深竹石居花落故枝生  
意在苔侵行徑俗緣疎細磨舊日將穿硯更讀後  
前未睹書舉首長安函丈隔征鞍欲跨故徐徐  
天上霓裳不共聞西風驢背倚斜曛心迴止水隨  
流水路別青雲向白雲無壁可將知己感有人曾  
鑒苦吟文太湖未隔蓬山在咫尺還依鸞鶴群

七十二峯

東山  
葉氏合編

卷五十七  
十五

郊城問官里

土屋茅簷郊子城豐碑猶紀問官名雲龍水火都  
消歇留得王正鳳鳥聲

羊沈店訪羊叔子墓

叔子風流迥絕塵輕裘依約想丰神峴山淚向空  
碑墮古塚斜陽有牧人

春日偶成

腰裏花駝軟塵御溝流水落紅新無端二月京  
華夢開過江梅一度春

液池沉碧柳參參禁苑烟深帶曉嵐昨夜落花風  
信急撩人飛絮似江南

碧雲寺故明諸大璫墓在焉極侈麗過之有感

漢家舊寢荒秋色常侍叢祠鎖夕陽長望虎邱山  
下路五人墓草為誰芳

初八夜塲中偶成

棘垣東畔小池橫月色中分半壁明曲體和衣服  
自穩微聞仙樂在層城

七十二峯

東山  
葉氏合編

卷五十七  
十六

從湖沙過嶺晤御雲

雲生履底步珊珊七十烟鬟顧盼間踏徧秋林將  
日暮因君更過一重山

枕上聞鐘聲

簾捲松風露氣清疎鐘催送一聲聲景陽敲破繁  
華夢長與山僧報五更

雪後登費允脩壺閣

小隱壺天一閣寬嵩山千尺俯蒼寒仙翁住慣人  
間世絳雪成丹不耐餐

葉汝賢

汝賢字克惟三山人

分賦三山壽吳餘生

倚窓遙望小蓬萊亂石巉巖拍浪開海上三神應  
在此不知何處是天台

七十二峯

東山  
葉氏合編

卷五十七  
十七

七十二峰足徵集卷五十八

武峰吳定璋友篁蕙藻

茂苑汪澍周長編訂

翁美

美字非彥風神俊朗志趣閒逸不以貧屨累其心  
翁之族多雄于貲輒喜豪舉有亘寰者輸金助邊  
餉授光祿寺署丞築名園於湖亭鑿龍渚石壘為  
三峰靈竒秀削渾若天成可與徐園之瑞雲相伯  
仲有登之者蓄駿馬名姬擇翠峰勝處構樓閣十

七十二峰

東山翁氏合編

卷五十八

二諸姬分曹掌之按日游晏嘗月夜擁諸姬携樂  
罷從十八盤折澗橋至金牛嶺於馬上奏龍女還  
宮曲燈火之光絲管之聲徹夜在林谷間有孝先  
者好水嬉命機匠造飛舸一日能行三百餘里又  
散財結客募死士欲出山海關奪遼東以還報天  
子有小伯者輦金於舊院徵歌買笑久而不歸其  
主管夥計轉徙貨賄必至金陵稟出納時挾妓登  
長干塔有夥計自粵中來詣塔言事曰此來何取  
曰赤金若干沉檀玳瑁若干因袖出赤金一帖呈

樣適風吹金箔飛落瓦間日光照耀彩色異常妓

顧之歡笑乃命盡發舟中金令數十人于塔之上

下八門颺之隨風飄洒金色滿空界夕陽西下塔

已成黃金相矣迨夜命取諸品香薰塔芬芳鬱烈

之氣聞三十里外有群鶴盤旋其上比曉不散直

入雲上如彈丸聚而觀者千人而非彥之所好獨

在山水間嘗曰疆域中有山水則大塊為之不陋

性靈中有山水則耿軀為之不俗吾生長湖山日

對佳景遊履所至不肯輕易放過胸中隱隱隆隆

七十二峰

東山翁氏合編

卷五十八

覺有山水相吞吐者因各紀其勝為記四十有九  
為詩六十有四名曰家山逸響葉隱僧序而傳之

擬卜居九塢

俞塢浪塢東塢西塢高塢金經塢霖泉塢  
梁家塢綠塢九塢之水咸歸澗橋入湖

上士貴隱心曼倩滯難冕中士貴隱顏闔未跡

顯潛虬護玄珠幽蘭媚蒼蘚物類各有榮道在任

舒卷檢點九塢中永矢博一選誅茅覆黃雲排闥

落青巖巧構慕懸巢拙藏類蟄齒吸彼大塊寬忘

我環堵淺味作寓一勤胼胝良自勉桓妻耻綺羅

霸子異豚犬憤鼻課長鬚頭科足並跣豈無苦樂

知不置榮辱辨仲蔚園可窺君伯戶不鍵悔負詩  
書名健身且游衍

莫登渡

虎峰青斲芙蓉根白虹截地通禹門馮夷司險守  
其隘東迎日月蛟龍吞英雄渡去那足數開闢湖  
天自今古遙憶吳王射鶚來至今血染山頭土蘆  
花兩岸西風開一天浪湧青山來三山渺渺去無  
極公欲渡河胡為哉鴻濛破後分天險兵燹由來  
不驚漆靈威移檄絕塵軌王洞藏文奇自檢

七十二峯  
足徵集

東山  
翁氏合編

卷五八  
三

雞山

君不見吳王雞衛公鶴帶幘乘軒俱寂寞千秋鶴  
化已無歸祇有雞名高阜託館娃香夢醉西施半  
夜啼來聲不惡起舞疇憐國欲傾羽毛豈誤君恩  
薄東南旭日來扶桑影射闢場跡猶昨佇立峰頭  
想木形何來高唱聞雲壑

廐里

東南澤國咸膠土鞭策無能似船補吳王養馬色  
別群不馱戰士馱歌舞歌舞香消馬倦蹄廊空響

屎鵝鳴啼豈知尚有千金骨好事無人問古蹟

高峰卧佛寺

一塢千峰滿青開屋上蓮鳥閒隨佛瞑雲靜護  
禪曉徑香生霧疎鐘響破烟如來寧有夢欲度夢  
人緣

白雉灣看梅宋長組留飲同吳朴三金與宣  
久而似沉醉一晴如解醒暖衣驅薄絮寒友聚殘  
星霜琢梅痕白風疏草氣青步深憐倦足藉爾一  
杯靈

七十二峯  
足徵集

東山  
翁氏合編

卷五八  
四

翠峰寺贈止白上人

守壁拔群萃去筌暢孤往直根玄要端一盡天地  
廣寶雪驅炎塵并龍分化壤敷辭藻古音裂素流  
清響灼灼烟霞姿奔赴鬚眉朗聲翻貝葉香語隨  
蓮花長引客坐蕉團牽雲出方丈懸知彼岸呼省  
我攢眉想

翁泰

泰字開甫

分賦衡山壽吳餘生

湖上山名衝烟雲結奇狀於此砥狂瀾奔騰勢莫  
抗老樹倚危崖蛟龍窟深漾一拳天地寬千古自  
清曠以之壽君子乘風踞其上

翁大賚

大賚字巖求別號蘭學主人生負花癖尤好菰蘭  
近自荆宣越楚遠及閩廣滇蜀之名種無不羅而  
致之風日燥濕珍惜培養雖父母之於子女不啻  
也卞中丞永雅重之撫閩日寄以素心蘭蕙各一  
本喜甚於是考其出處第其品格為蘭譜各系以

七十二峯

東山  
翁氏合編

卷五  
五

詩金耿庵為之序

玉女蘭出福州即所稱獨頭一幹一花最香

此真蘭也與一莖叢花者迥異

香清萼獨始稱蘭丰格休同蕙草看髣髴洗頭華  
微頂風前晞髮怯輕寒

素心春蘭花色淺碧心純白其香淡遠

曾向瑤臺事玉真六銖衣薄不勝春素心自與塵  
緣斷肯學垂鸞寫韵人

素心蕙歷觀素蕙中花瓣花情不一曾見一

枝中蕊有間出微紅者輒異之及開則花背  
隱見赤絲所云赤背也

春風百晦玉抽苗一片冰心未易描服媚不為燕  
姑夢紫桐花底笑紅蕉

白衣觀音即閩素出興化府葉頗大每幹七  
八花韻逸香幽為素蘭中第一閩撫卞中丞  
所寄

奇花不信人間有載雪何由泛海來幸許擷芳貽  
作佩秋風搔首向芸臺

七十二峯

東山  
翁氏合編

卷五  
六

頭陀蘭花葉俱柔花出葉頂開時叢簇有鬚

鬆之狀或云培始山僧故名

花葉鬚鬚類阿師真成抖擻出塵姿臨風妙悟傳  
微笑不似嵩山面壁時

醉楊妃葉長而柔花莖嫵媚盛開則飛舞四

出粵中名種

幽花態比玉環輕却帶餘酣百媚生香重一枝扶  
不起嬌羞真得醉時情

玉蝴蝶花大而白一莖三四朶花態翩翩如

蝶

阿誰鏤玉為胡蝶  
栩栩枝頭儼欲飛  
果蝶戀花花戀蝶  
前身應合是玄機

翁大貴

大貴字漢生  
坎坷一生備嘗逆境  
作無告說以自叙  
著采芝吟二卷

葛氏吟壇荒廢久矣  
軼凡社長整而新之喜賦

吟壇名字內今喜復新之花  
豈隋宮剪山疑竺國

七十二峯

東山  
翁氏合編

卷五十八

移片雲常近榻  
獨鶴自臨池  
攜手來登眺  
因歌矯

禍詩

震甫先生十八集  
中有矯禍吟二卷

重遊法海寺

策杖尋禪侶  
雲深鶴未還  
苔依舊綠  
新竹已成

斑屋老藤蘿  
滿山空日月  
閒有懷青白水  
松下聽

潺湲

法海寺前有青白石池二  
泉雖雨溢其色不消

挽萬幼餘

少微星隕草堂虛  
花落閒庭草不除  
猿鶴已歸山

月冷白雲猶護一牀書

貧居百詠之二

吟哦難賦嫁愁詩  
良辰芳辰廢酒卮  
門外春風常不到  
等閒錯過看花時

莫道今年雖也無  
檢囊猶剩幾青蚨  
買將破墨憑雙手  
寫出三江烟雨圖

翁旭

旭字申伯  
縣諸生與鄭薇令同研學  
易窮究理數各有所見  
申伯著松窓讀易漁樵語  
闡發天人性

命精義薇令自以為不及  
序而傳之有磨魯集八

七十二峯

東山  
翁氏合編

卷五十八

卷

獨坐吟

陋室忘今古  
枯坐心自達  
立言廣若林  
觀理細如

髮一瞬亦無窮  
何必千秋活  
驪珠在襟袖  
高歌弄

明月

龍母祠

青枝何天翹  
往往往掛白鱗  
凡物皆有崇  
豈龍獨無

神原聚族於海  
乃借胎于人  
赤目翹雲霧  
子來朝

其親事無乃近  
怪而理則天  
倫歲至挾風雨  
谷岸

或沉淪巫祝語喋喋疑假還疑真一笑看畫壁龍  
性誰能馴

過季霖弟春草亭

歲月殊未久著書滿一亭品茶蕪品酒談史亦談  
經而過池添綠林深竹鬪青我來欣有會幽鳥喚  
人醒

仙人橋

仙人昔日曾稅駕至今橋以仙人名仙人踪跡不  
可見令我橋上空追尋試問清風與明月清風無

七十二峯

東山  
翁氏合編

卷五十八  
九

影月無聲惟有流水年年碧逝者如斯無刺停仙  
人幻化皆如是何須涉海求滄瀛

翁守神

守神字蘊宏申伯之子業岐黃

除夕有感

今夕是除夕須除心地棘心地棘如何大率為衣  
食世網束幻軀形疲神亦惑彈指三十年面目變  
蒼黑昔聞古至人乾坤由我立生死一夢覺寒暑  
一呼吸煉性化其形紫氣常熠熠願言從之遊讀

盡古秘笈

海眼吟

巨靈劈開混沌戶奇水奇山盡難譜太湖七十二  
點青莫釐巍巍小齊魯雲蒸怪石天半移豐圻峻  
阪尤稱奇石端雙穴名海眼古苔斑剝如尊彝八  
萬由旬深莫測相傳通達蛟龍國縱遇旱乾泉不  
枯此眼天開豈人力林深徑僻行人少蕪沒空山  
世未曉惟有前明少傅王特錫如椽為題表迄茲  
二百有餘年牧豎樵夫時過焉今春 天子南巡

七十二峯

東山  
翁氏合編

卷五十八  
十

狩省方擬泛洞庭船有司張皇查古蹟海眼名亦  
列于冊鑿山通道勞民夫虎胥持牌索酒食孰知  
天子明且聖一切扈從俱裁屏片帆飛渡太湖  
心惟恐驚擾我百姓海眼雖奇竟未遊恩光已遍  
碧山頭却令龍女祠前地傳與人間比十洲

感鶴行

皇矣上帝聲赫濯鑒觀四方求民瘼惟我億兆心  
未純地維不寧今思索洞庭有灣姓系查烟雲深  
霧長桑麻先世若非秦避者胡為夾岸皆桃花因

逢灾青成脩省敬延羽士朝元懇總角龐眉容秩  
然青詞虔肅陳微悃何來白鶴盤空戲洵是精誠  
能格帝帝座原來呼吸通天心亦自崇孝悌君不  
見金穴當年第一家瑚鈞珠箔賽明霞於今廣厦  
皆新主燕子徒來怨落花

燒蘭詞

水凍蘭根幽谷空火燃蘭葉北窗紅六經昔且遭  
秦政九畹今焉避祝融存性終當滋化雨劫灰初  
弗怨驚風人工盡憑天運既濟難爭未濟功一

七十二峯  
足徵集

東山  
翁氏合編

卷五  
十一

翁校

校字秀升季霖長子縣諸生少日有春閨詞傳誦  
人口後客死都門稿俱散佚

春閨詞

楊柳隨風弱可憐毵毵宜月復宜烟當年錯種粧  
臺畔無限春絲祇自牽  
風拂香塵到檻前梨花淡淡月娟娟不知今夜綠  
何事剔盡燈煤未肯眠  
頻汲銀瓶供海棠旋澆芍藥出迴廊香閨盡說多

閒暇但到花時日日忙

紅樓簾捲夕陽遲繡線拈來若有思恰好一雙蝴蝶影隨風飛上海棠枝

鸚鵡經年養漸馴茜紅盈嘴翠盈身虧他解事康成婢教念新詩不罵人

餘寒清峭透羅裳深院無花亦有香不聽隔林啼百舌風光錯認是秋涼

翁格

格字去非季霖次子縣諸生

七十二峯  
足徵集

東山  
翁氏合編

卷五  
十二

暮春

莫怨春歸早花還向晚紅但存根蒂在歲歲有東風

翁棧

棧字猶張少從金耿庵先生游先生德劭行清博學多識所與交皆海內名士棧操几杖側聞緒論間亦吟詩作字步武後塵先生頷之莞爾而笑其於古書籍尤酷嗜凡山中藏書家暨玉峰徐司寇家蘓城顧維岳陸其清兩家宋元鈔本皆乞借抄

字畫端楷題識歲月於後康熙間今大學士陳公  
世倌時官翰林院編脩奉 詔纂輯康熙字典開  
書局於蘇郡延知古之士分校刊刻以試董其事  
時問奇焉年近八旬猶握管作小楷錄其生平詩  
為七卷題曰釣采吟自序略曰塵事紛如每以雨  
雪為幸夜二鼓展卷不怠性之所好他莫能奪也  
又曰錄成卷帙不敢妄希風雅自負能詩但使子  
若孫知此翁自少所好以至於老者如此云

卜用章招集山居乘涼即事

七十二峯  
足徵集

東山  
翁氏合編

卷五十八  
十三

高宇多涼風赤日暑不到湖山清氣萃軒豁異幽  
與向來避炎威晨輒入澗道客久歸宛然况值秋  
暑暴憶昔弱冠時同客薛澱澳廿載共晨夕中年  
各趣造斑白會山中及茲相慰勞茶烹悟道泉酒  
雜茅柴醪旋將瓜果削不但溪毛茸隨量自醉醒  
忘形適靜躁悠然太古時坐睡多兀傲風來庭際  
松韻落忽驚覺神清倚檻看曠遠微昏眺南湖武  
峰外波卸斜陽浩垂虹杳靄間三江想疏鑿倏聞  
碧濤翻瀉空似飛瀑陣勢隔嶺來雷車為之凜雲

頭競爭噪駛越紛旗纛青蒼失林巒喧壓白雲  
豪飲以當之通言成叫噪少焉星月明澄空淨如  
掃題途類樵漁誰堅冠履操赤脚亂流泉快作層  
冰蹈

歲五日同友遊澱山禪寺

立春才十日歲與春俱淺放舟出中流已覺湖波  
軟晴雲去如流前山露偃蹇伊余終歲勞得此一  
日遣登山訪蘭若寂寂循廊詩延坐斗室中笑逐  
清談展脩竹對便娟孤梅呈婉孌我本湖山久勢

七十二峯  
足徵集

東山  
翁氏合編

卷五十八  
十四

此味永雋意得體以舒神會辭難辯胡為匆匆者  
不共余心戀正是讀新書未半輒掩卷

翠峰晤目存上人

觀書神或疲散步老無侶每向林麓間幽獨趣誰  
語欣師杯度來計別歲已五相見笑言生不覺成  
翫縷筆墨妙入神詩篇積幾許更當承晏閒玄言  
確松塵

除夕登山看雪

郡歸逢大雪舟行阻胥口曉色霽湖光銀鋪三萬

畝風利一帆飛七十二峰走大小互隱現名難指  
某某日晡到蓬廬積素庭尺厚寒苦相慰勞時屆  
除夕右開窓耀凝華琳琅家富有頻年寓城市此  
景曾有否造物似相憐為獻瓊瑤藪因念後山崇  
竒觀當更又老肯怯朝寒勇還憑卯酒兩履一枝  
筇獨往凌絕陡粉壁立障面冰枝橫礙肘欽岑玉  
笋珥玲瓏歲寒友委靡兼倔強盡美無一醜紺宇  
襯多情青烟映無垢遠水及遙村一一堪回首此  
但得其偏全景猶餘九沒腴不能前捷徑安能取

七十二峯

東山  
翁氏合編

卷五十八  
十五

善遊亦戒貪且效衛荊苟天如假我年勝概寧無  
後我老不出山終當落吾手從茲歲領畧補償前  
所負

### 吳橋獨步

田疇一望迷邊幅江水迴環市廛壓客居樓上孰  
為歡散步橋西遣幽獨人烟斷處野煙生高樹平  
來低樹續水分鄰隔板橋通細草隄邊卧黃犢看  
花客少花自開桃李無言倚脩竹此日孤吟得自  
由何須儔侶相追逐

### 月夜同伯兄駕徵自橫塘返山

鼓棹亂金波溪塘溯月過山寒雲影淨木落雁聲  
多枕被宵還共頃簾調自和庭闌瞻望近喜作扣  
舷歌

### 登微香閣

徑盡見危閣時來一倚欄嶺雲隨幔捲嵐翠逼窓  
寒松罅湖光遠洲前日影殘炊烟透平野衡宇在  
林端

### 次程元龍月夜江樓韻

七十二峯

東山  
翁氏合編

卷五十八  
十六

佳景在高樓江清月復幽露華無限好沆瀣浩然  
秋天際真人想生涯造物遊浮雲何所蔽莫漫起  
閒愁

### 張岳未進士戲咏甘蔗丞相次韻

草木居然也是官華筵伴食動人觀即今佳境甘  
而美異古和羹醖與酸誰許碗底紅瑪瑙自多皮  
相紫衣冠斬新坊簞沙堤直亂插花枝露未乾

### 翁紹基

紹基字成九猶張之孫恂恂好學惜其無年

和琢山伯蝸廬獨坐韻

蝸廬饒逸趣心境兩清閒坐月花移影吟詩肩聳  
山周旋無俗韻抱膝想歡顏獨許承高論柴門夜  
未開

幽居殊不惡目病得身閒花弄輕盈態庭堆突兀  
山峨詩堪破寂貯藥為怡顏屏跡蕭然坐柴門晝  
亦關

翁國權

國權字梅峰東山人寄籍江浦縣為諸生

七十二峯  
足徵集

東山  
翁氏合編

卷五十八  
十七

和桂峰弟梅花三十韻

清極天然空傍依絮雲梨雪擬全非只知花入春  
初盛不道香從臘首飛憶日頻嫌多事阻見時如  
遇故人歸誰能移植瑤池上濯魄光生玉液輝  
天與之貌地與形雪為幕兮雲為屏倚竹忽見何  
皎皎遺世獨立空亭亭廣莫風前花正白清明節  
近葉纔青豈無驚采與絕艷山華方之殊易零

翁國相

國相字廉石號桂峰與國權孿生也有杏花詩十

首為杜雲川太史所賞識

古意

皎皎天上月照我堂東牖清風吹單衣浮光欲盈  
袖感此出中庭佇立延望久孤雲方北征河漢復  
西走天時苦相催良夜不再有願此方寸心胡為  
獨縈寃開樽呼明月共此一斗酒

杏花

華館春融樹樹香倚雲風格異紅粧彩霞一片臨  
邛市艷雪千堆碎錦坊詞客賦成應載筆仙人種  
七十二峯  
足徵集

東山  
翁氏合編

卷五十八  
十八

罷漫傳方讀書賴爾壇前伴莫遣靈家作畫梁  
綺陌賞過思舊事上林晏罷記當年燕來南國春  
將半人立西廂月正圓間柳間梅寒食候宜晴宜  
雨夕陽天青旗颺霰游韉駐共向春風醉十千

七十二峯卷五十八

七十二峰足徵集卷五十九

武峰吳定璋友篁蒐錄

鳳山葛 恒繼武編訂

葛 峻

峻字佃夫初名駿字月駟震甫之孫鼎革後棄儒冠而為野人服改其名字說曰予本名駿字月駟考之字義馬之超軼絕塵者曰駿徵之文選曰祖雲螭兮稟靈月駟駟房星也光熒炯炯今予貧困委頓常在入後精神耗鑠動昧事幾已與名字之

七十二峰

武山  
葛氏合編

卷五十九

義不相當矣今世之仕者類多出身戎行否則讀法習吏予未諳刀筆體復孱弱欲副我名曷從而可四民之序曰士曰農士為首而農即次之古人不得於時往往托於躬耕以自食其力此風不替我尚可以自勉乎更名曰峻字佃夫示志也所著課餘焚草五卷自為之序葉隱僧又為詩小序以疏其義

仲夏遣悶二首

寂寂丘中岑嘉木翳清陰嚶嚶枝上鳥慰我多好

音貧賤得餘樂閉戶遂幽深非敢竟遺世洵覺少所侵撫日感慨多懷古欽良箴敬茲百年身倏忽已至今賴有古人書時時開我襟園蔬足滋味酌酒還高吟良時不易得無負天地心

仲夏復清晝草木負微暄虛室罕人跡何必非郊園顧影與形俱習聽無餘言念我有此身榮悴紛焉繁歷歲閱佳日塊然形氣存未遂天地性仰負生成恩高嶺榮秀木蔓草靡荒原欽哉慎所處雷雨多晝昏

七十二峰

武山  
葛氏合編

卷五十九

鳥栖曲

鳥飛紛然歸下鳴復高翔不集珍樹顛乃止佳人房佳人正太息顧視心皇皇君子遠行役暮宿知何方往來湖海上忠信為舟航榜楫不在手隨風恐飄颻飄颻君善持妾獨縈肝腸結髮為夫婦恩義天地長堂上姑嫜在兒女未成行君異枝上鳥妾似門前桑鳥飛暮來歸桑落絲滿筐別離千萬里相思無時忘行人在遠道聞教悲異鄉

雜詩

誰云天地窄庇我常有餘日月雖易邁老我終徐  
徐經過三十年邑里幾成墟吾身幸無恙尚得安  
田廬寶茲後時慮努力隨所如

傷歌行

片片辭條葉隨風各紛飛傷心故園樹零落青者  
稀返室局四牖命僕掩雙扉只恐嚴霜氣着我身  
上衣黃昏明月下輝光照庭闌愛月意難捨攬衣  
上池磯浮雲忽吹集細雨來霏霏月既置我去悲  
哉知己希遊子憶故鄉坐令身命微

七十二峯  
足徵集

武山  
葛氏合編

卷五十九  
三

白紵詞

促織無聲白日短涼沁柔肌羅帶緩持刀裁剪作  
衣裳拈却金針意翻嬾聲殺啼過南來雁征人書  
信何曾管

聽鳥啼

日暮鳥亂啼起視鳥所栖鳥栖靡定所鳥殺何慘  
悽念遊子兮歸無處方行役于河之隄鳥下止兮  
鳥飛翔黃河水流聲湯湯念遊子兮歸無日傾耳  
聽之心悲傷鳥飛去兮不我憐我顧見之益淒然

黃河之水千里一曲比之我心曾不盈束我思雖  
長不能順風而縱呼當願遊子洗耳聽鳥堂有白  
髮室有釋雛海水易竭山石易枯聚處為難爾豈  
必遠涉河梁而後謂之丈夫

索畫於亦陶

崑崙嵩高高接天峨嵋倒視雲霞妍傳言上為神  
仙宅金堂玉室奏神絃道路迢遙不可見我欲往  
遊無由前心心願乞虎頭筆掃取海嶽圖雲烟遊  
神一往藐姑射洗心清冷之深淵眼中之人惟我

七十二峯  
足徵集

武山  
葛氏合編

卷五十九  
四

子胸藏邱壑筆湧泉意氣神明兩超越試一伸紙  
空前賢

上巳晴

未竟清明雨何期上巳晴芳原延細草密樹試新  
鶯修楔從誰問沿堤且獨行景光隨水媚一曲一  
縈情

望月有懷

明月仍相照伊人尚未還光涵明滅樹影浸有無  
山問字孤鴻杳分題片葉閒不堪回首處雲氣獨

斑斕

晚香亭舊植卉木荒蕪殆盡菊花猶有存者  
衆卉荒蕪盡籬根尚有花不終埋蔓草宛爾映秋  
霞一瘦憐同我餘生喜復芽傲霜矜晚節零落若  
為嗟

見隱僧墨竹

不有滄洲興胡然貌此君法從與可授派向魯巖  
分葉葉藏春雨枝枝掃暮雲故人江水上警教久  
無聞

七十二峯  
足徵集

武山  
葛氏合編

卷五十九  
五

亦陶生日有感賦詩依韵奉和

貧有老親仕未能蕭閒贏得似山僧飢食任給荒  
園菜夜坐平分廢院燈日寫道經遺好事幾儲佳  
醞待良朋一般清約偏宜我不分中煩欲飲冰  
八月驚看風乍驕經秋蒲柳易辭條疎慵畏事思  
張翰孤憤無聊憶鮑焦雙燕出巢人語寂斷鴻離  
塞旅魂消平居索莫心勞悴歸隱家園費遠招

鳩婦

棄逐非關拙陰晴天所司可憐終命薄常遇不晴

時

病中東亦陶

長日光陰虛度難把君詩畫不時看少陵句法王  
維意箇是儂家起死丹

葛喬年

喬年字世高號木公震甫之孫修髯偉幹意氣公  
舉能飲一石恒惺然與人獻酬談論古今証據子  
史儕輩莫能屈也兼通音律博奕投壺無不精妙  
人咸愛之然其持身也和而介交遊雖廣不務苟

七十二峯  
足徵集

武山  
葛氏合編

卷五十九  
六

得卒至困窮長子士範習吏事僑居盱眙因往終  
老焉有寄閒齋詩四卷

深柳讀書堂為葉蒼舒賦

結廬在南阜種柳疎成行晝霽拂簷隙瞑然生山  
光伊人耽竹素累累陳縑繡書聲徹晨夕冷翠沾  
衣裳客至恣盤礴草木賁幽香我當携素琴共彼  
天一方泛濫讀山海樂哉真羲皇

青溪雷九則過訪

蕭然無一事天涯閒此身汲泉灌蔬圃叩門來故

人乘彼溪上棹愛我山中春  
瀟灑無爾汝脫畧忘  
主賓紫萼擷千水濁醪沽諸隣  
坐花情可適剪燭  
意倍親茆齋下懸榻衷曲互為陳  
信宿忽云別腸  
斷南湖濱

重陽後五日社集且適齋補作

涼風習習吹羅衣  
籬花繞徑開參差  
詩翁酒熟期  
我往水湄山麓隨  
所宜猶憶中秋陟  
高阜屈指于  
今又重九胸藏五岳  
不能平吐詞振藻蛟龍走  
何  
必遠慕黃金臺  
家有好山歸去來  
虎溪老衲擔簦

七十二峯

武山  
葛氏合編

卷五十九

至緱嶺仙人駕鶴回

時有衲子淨圓  
羽士陳忱入社

杖屨悠悠風日好

筆花墨彩烟雲掃  
主人接席重留連  
快飲狂歌共

傾倒媿我茸城方繫舟  
匆匆漫作窮途遊  
山妻待

笑張儀舌旅客頻登王粲樓  
分題勞寄數紅葉白

社青邱悵離別歸向山中續舊盟  
茅堂空掩清溪

月

藕花徑

纖雲飛盡江月明  
藕花十里江風清  
花底流香共  
江月棹歌款乃輕橈橫  
主人年少誇風流  
愛花築

空臨江頭無數紅顏爭巧笑  
霓裳霞珮凌波遊  
荇藻紆迴映遠空  
亭亭如立玉山中  
年年此際花如綺  
好遣吟情對碧筒

青邨城望海

古木荒原外孤城對落暉  
一行新雁到萬里暮潮  
歸天濶秋容澹山遙雲影微  
劫塵飛不斷今昔自  
相違

茸城歸次答蒼舒韻

歸來湖上棹先叩故人廬  
深柳藏虛閣高眠枕異

七十二峯

武山  
葛氏合編

卷五十九

書隔溪風雨至把酒笑談初  
兩月憐蕭寂相逢意

有餘

題張伯聖響翠閣

為得烟霞趣樓開面面空  
溪聲流夜月樹色動秋  
風世事雙扉外吟情一榻中  
群峰霜葉滿登眺故  
人同

訪高涵明

忽作春遊興相過處士家  
板扉深巷柳茆屋隔牆  
花煮茗看山色論詩坐日斜  
蕭然同世外事事

清華

登燕子磯

薄暮停橈處來登燕子磯  
山紆清磬發江濶亂帆  
飛蔓草埋殘碣孤亭帶落暉  
怒濤流不盡回首六  
朝非

蚤起

東郊烟乍歛啟戶思無端  
紙帳消殘夢羅衣怯嫩  
寒鳥殺林裏聚山色霧中漫  
未卜陰晴意行人道  
路難

七十二峯  
足徵集

武山  
葛氏合編

卷五九  
九

送別

聚散原無定偏傷送別情  
一尊殘雨後雙槳午潮  
平柳色依江渚鶯聲共客程  
可憐今夜月誰復酒  
同傾

寒月

一片關山月清光下草堂  
照來渾似水踏去盡成  
霜冷伴砧聲急愁添雁影長  
終宵我無寐誰解旅  
人腸

春晴

霽日曉蒼蒼春光遍艸堂  
柳深鶯語細風暖燕泥  
香酒國青春老愁城白晝長  
街頭遊冶騎多只為  
花忙

周鳴珂廣文招飲

吳下推名士來茲歷歲寒  
一燈兒共讀冷暑鶴俱  
閒雪釀紅螺盞冰桃白玉盤  
相逢期刻燭痛飲盡  
清歡

山居

七十二峯  
足徵集

武山  
葛氏合編

卷五九  
十

清興從吾好猶堪垂老時  
奕食全勝局花愛半開  
枝淪茗神逾爽登高力不支  
但教春釀足兩鬢任  
如絲

自得安貧計身閒任所之  
種花消客債注水作家  
私禁飲狂非壯耽吟老更癡  
乍晴山色好隨意步  
遲遲

避喧如遁世就簡洽幽栖  
簷隙樹垂果桑陰午唱  
鷄調停扶老藥斟酌種花泥  
莫問乘除事心師物  
我齊

飲濮公墩時方雨霽

登眺此爲勝何辭衰老年追歡藉杯罍生趣得林  
泉花帶三分雨山拖半截烟清歌復長嘯日口短  
筇前

暮春同葉蒼舒許致遠陳欽念集吳次程齋  
頭分得林字

樽前不負十分春酒隱相逢在竹林醒悔醉時渾  
放浪靜嫌忙處約登臨畦蔬花簇黃金滿溪柳綿  
飛白雪深山麓水湄隨杖屨又看新綠漸成陰

過廢廬有感

七十  
足徵集

武山  
葛氏合編

卷五十九  
十一

芳草淒迷不忍看當時門第嘆凋殘百年雙桂荒  
三徑萬里孤身誤一官

先大父作  
宦滇南

乞食陶潛腰耻折

無家杜甫泪空彈多情最是吟壇月猶照瓊枝碧

蘇寒

吟壇係先高祖  
友梅翁所築

春霽過友人齋中留飲喜故人至相與話十

年之別

淡淡晴光細細風草堂相對語從容花開恰值新  
醅熟客况偏于舊恨濃雅奏紛來隣苑鳥驚濤忽  
起隔樓松沉酣不覺歸舟晚一路青山兩岸鐘

五十書懷四首

浮華如夢復如冰五十年來歷廢興寵辱不驚閒  
比鶴貪嗔已斷澹於僧興酣載酒趨芳社力倦遊  
山仗古藤自信疎狂殊未減對人敢謝老無能  
紙窓竹榻護桐陰閉戶甘為老境侵愁入夢魂窮  
始覺醉忘天地酒方深鋤畦檢點扶衰藥開卷安  
排放浪心一壑一邱吾事足鏡中那管雪盈簪  
老去風懷冉冉消最宜踪跡混漁樵茶逢穀雨扶  
筇採花過春分抱甕澆閒讀道書尋午夢晚移釣

七十  
足徵集

武山  
葛氏合編

卷五十九  
十二

艇候江潮隣翁也是傷遲暮相遇班荆話寂寥

清愁閒思合重圍索笑追歡興已微丹鼎有方蘇

酒病鶴糧無計典春衣旋春菰米供炊滑新擷蓴

絲入饌肥已自安貧養我拙不因今是悟前非

過橘香庵

花雨繽紛眼界清精藍磅礴洽幽情溪邊落日鳥  
初下林外打鐘烟乍生齋鉢烹葵除世味講臺留  
竹助秋聲山僧見處渾非俗只解逢迎不問名

和葉蒼舒園居

短垣高柳碧溪頭水滿池塘山滿樓春老猶憐花  
窈窕曉眠愛聽鳥軻輞寒梅欲吐珠千樹纖月初  
沉玉一鉤自是隱居幽味足蓬瀛何必海中求  
臨流結構水雲虛避世何妨市上居目送歸鴻天  
際遠花塢曲逕草堂紆溪山一棹晨携客風雨孤  
燈夜讀書解得此中幽興熟暫將心事托樵漁

旅次有感

江城留滯事多違節近重陽未卜歸垂老別家疑  
是夢薄寒侵骨嘆無衣菊纔分砌花將放豆早牽

七十二峯  
足徵集

武山  
葛氏合編

卷五  
十三

籬篴漸肥白雁數聲殊可羨長天相逐又南飛  
往來踪跡已頻頻意興蕭然媿此生多難不關詩  
酒債有愁豈是別離情秋風颯颯松當榻修竹深  
深晝掩荆數里青山歸學圃茆簷孤坐即蓬瀛

野宿二絕句

日沉路欲迷借宿魚蝦市何處問秋聲只在蘆花  
裡  
清宵戴月行極目秋如許江上已無人啾啾何物  
語

哭賓嶠叔

如夢三十年風流忽已矣生死不足悲所悲無一  
子

平生詩酒朋轉眼一何有人事薄秋雲泣向君前  
剖

桃花磯

天桃繞澗曲留春日日春風動綺塵翻笑武陵多  
俗客錯呼漁子作仙人

湘泊

七十二峯  
足徵集

武山  
葛氏合編

卷五  
十四

渺渺澄波塔影浮漁歌唱徹九峰秋偶從此夜湖  
心泊月色詩情載一舟

採蓮曲

花如妾面淩波媚妾似花枝帶露穠花影此時兼  
妾影不知若個是芙蓉

葛士範

士範字洪在木公長子少承家學而有理煩治劇  
之才以刑名衣食於大江左右就婚盱眙安其風  
土出橐中金置負郭田二頃遂家焉迎乃翁以就

養終其身不歸故山詩一卷名煉洲山人集示不忘所自也

寄女

念爾稚年別臨岐送水濱  
艤舟三顧復揮涕一悲辛  
荊棘遺雛鳳天涯思掌珍  
於今欣有托之子豈長貧

舟泊貴溪對月有作

薄暮收帆烟靄中  
疎林黃葉引秋風  
晴霞倒影山隈紫  
落日迴光水面紅  
殘柳淺沙漁晒網  
斷崖深

七十二峯  
足徵集

武山  
葛氏合編

卷五  
十五

樹鳥歸叢扣舷釀酒容清嘯  
明月一輪來碧空

玉山道中

涉水經過幾許灘  
今朝穩步入林巒  
數峰凝翠獻秋色  
一派空青帶曉寒  
行處頓忘舟楫險  
坐來差喜竹堦安  
明晨好泛西泠棹  
不必悲歌道路難

寄友

作賦誰云駕子虛  
臨邛慚媿客相如  
半生事業齊諧記  
十載交遊越絕書  
自分採山甘橡栗  
無須緣木問河魚  
故人裘馬長安道  
可憶衡茅有索居

虔州絕句

聚首剛三日懷人二十年  
江干重話別紅葉小春天

葛士邁

士邁字軼凡別號松崖少善讀書兼精心計而秉性誠慤有終始人皆信之恒倚賴焉嘗得震甫宅故墟築爲小圃疊石種花顏其室曰蔬香位置琴書古器日焚香煮茗以俟嘉賓之至觴咏盤桓真有不知老之將至者年逾古稀與山中老者結耆年會有且適吟一卷犬致派別于白太傅而自寫性靈者也

七十二峯  
足徵集

武山  
葛氏合編

卷五  
十六

百年歡幾日

百年歡幾日況作風塵客  
爲別動經年言歸猶滯跡  
春花落更紅秋草枯還碧  
嗟此名利縈羨彼山林逸  
韶華去不來白首徒嘆息

橫塘懷古

夫差昔日橫塘渡十里笙歌朝復暮  
霸業銷沉得幾時湖山掩映還如故  
月影潛移樹杪雲波光遙

接溪來路一天風露夜淒清誰家羌笛如悲訴

### 七十述懷

何曾有事上眉頭遊戲黃塵七十秋身健甘為朋  
友用心閒耻代子孫謀耽詩殢酒隨時適問柳探  
梅任意遊世上功名奚足羨惟期老作醉鄉侯

### 月夜懷金玉書

澄江月皎皎上下涵清輝思君屬江水流向五湖  
歸

### 種樹

足徵集 卷五 七  
地近吟壇小築園山村幽僻少塵喧欲延啼鳥先  
移樹試看清陰過短垣

### 對菊

東籬何必擬陶家老圃幽姿儘自嘉傾倒芳尊時  
取醉不嫌白髮對黃花

### 遺井吟

我祖詩名垂宇宙祇今想見舊風流堪嗟彥會堂  
前地汲古無人井尚留

### 葛國榮

國榮字尚敬別號乘風士邁猶子儀觀瑰偉舉止  
安詳少習舉業困於童子場者十數年乃棄去讀  
律挾策以要筮仕者輒有遇河西靳樹德襄平王  
緯尤有水乳之合其理獄也持心平恕不務深刻  
以見精明赭衣有陰受其福者所著耕硯堂詩四

### 卷

### 樹根天然几

有引

歲已酉余在奉川官署時王公竹村以公  
事出案無留牘心有餘閒偶步至積薪處

足徵集 卷五 七

葛氏合編

卷五 七

火者方運薪入爨下其中有蟠根焉狀甚  
奇高不盈尺而橢而長倍之余曰此蘇老  
泉記中物也亟命僕人持至中庭水之爬  
梳剔抉泥滓去皮膜淨摩抄曬旭發其光  
華內外具沉檀香色肌理蹙波縠紋凹凸  
玲瓏狀如飛來峰又若展翅鳳不假雕琢  
天然一几也置諸案頭頗雅稱王公歸顧  
而嘻曰此几遇子猶焦尾之遇中郎也出  
之水火登之衽席其几之遭逢乎然人與

物之相遇而相成也豈數之前定乎抑事  
之偶然乎余曰唯唯否否夫天地之生材  
不易既賦之以瑰異之質必將有所用之  
是物也若竟析之為薪火之為灰彼造物  
者何弗任其為樛散之材終老於山巔  
水涯朽腐於槁壤泥塗顧乃假手於樵蘇  
以出之借徑於割烹以遇之殆若有天焉  
而非偶然也雖然鹽車之驥非伯樂顧之  
無以展千里之足荆山之璞非卞和抱之

七十二峯  
足徵集

武山  
葛氏合編

卷五十九  
十九

無以重連城之價則天也而人實為之矣  
體造物因材而篤之心視夫瑰異之質而  
養之造就之隨材以器使之異於等夷  
不若拂之可以薦諸天子為席上珍可以  
傳之子孫為清白貽此君子之用心而官  
人之道也一凡雖小可以喻大公曰善請  
詩以紀之乃作五章章六句

雪竇之陽左陵右岡中有嘉木其材孔良工師  
之既成棟梁

侯根侯柢蟠結莫尋如彼卧龍出亦何心  
之穴處于陰  
天命允升石泐沙崩負異以出厥樵  
之于焉遇朋  
瞻瞻懷顧凡也渾成漱之櫛之以莫不  
之以莫不明  
擴而充之物物有形體天篤物以莫不  
使以莫不任

旅夜不寐聞風雪聲起視

七十二峯  
足徵集

武山  
葛氏合編

卷五十九  
二十

旅館生夜寒牀頭殘燭滅獨眠衾枕孤  
熱未免亦有情疇堪憶貧別恨云暮市  
拋撇懸懸菽水心臨風遙祝噎何堪鐵  
來淒切如雨洒竹樓又若窻紙裂淅淅  
徐渾不歇披衣啟戶看門外雪三尺銀  
紛紛飄玉屑隣寺已鳴鐘秘思抽未絕

登吟壇

吟壇在翔翅山之麓我高叔祖震甫公  
甫公嘯咏處也其間有彥會堂尺木齋四

方賓客至止者無虛日雲間陳眉公金陵  
顧與治楚中鍾伯敬譚友夏皆造廬結歡  
登壇倡和極一時之盛乃閱世未幾而鞠  
為茂草暇日過之不勝淒感因詩以志慨  
云

錦鳩峰東東湖西中有高陵儼丹梯下臨深谷上  
雲齊石負土出夷可躋七十二峰如籓籬暮朝紫  
翠烟光迷飛飛脚下風帆低詩情一片浮玻璃前  
賢樂此曾品題吟壇與季吹壘麓四時好景棣萼

七十二峯

武山  
葛氏合編

卷五十九  
二十一

怡詩成信手揮赫曉仙才鬼才從人疑芳叢遠播  
賢豪知鍾譚陳顧來問奇騷壇赤幟叔也馳牛耳  
匪獨秦淮持吁嗟木壞山頽而林亭也逐滄桑移  
壇前秋草空淒淒鶴歸留語虛無期徘徊四顧情  
如癡風流頃畫何如斯欲追先烈振裘箕驚駘自  
愧遜駢騷長歌當哭奚以為後之視今應更悲

### 登渚塔

盡却凌空步能令眼界寬日邊三渚靜雲外九峰  
蟠芳草迷前渡遙天壁遠灘機雲呼不起長嘯倚

危欄

### 金山步壁間韵

山向中流峙江濤燕尾分聽經龍入寺薰塔客登  
雲鐵甕揚旗見瓜洲擊柝聞憑高雄顧盼好試水  
犀軍

### 秋懷

漢殿秋光上碧桐月明夜夜闌深宮留仙裙絕笑  
方劇團扇歌殘漏未終魂夢易銷天地老情懷難  
放古今同登高遙望長安路雲樹蒼茫不可窮

七十二峯

武山  
葛氏合編

卷五十九  
二十二

絕壁寒烟鎖半空千章古木白雲封吼窻忽覺金  
風起垂菊初看玉露濃野老及時春早稻旅人每  
夜聽殘鐘羊裘已做多秋思不讀離騷也動容

### 落花

悲秋宋玉也傷春細雨斜風洛水濱世事似伊尤  
易謝人生如夢共成塵招魂剩有來年約對影空  
傷遠別神聞說餐英能却老釀方好乞謫仙人

七十二峰足徵集卷六十

武峰吳定璋友篁菟錄

林屋蔡書星蕙亭編訂

蔡維寧

維寧字以寧弱冠工詩優於經濟匹馬入長安工部尚書柳佐一見奇之遂定交時柳方董慶陵大工維寧實佐經畫工竣以勞例授官不拜會魏璫毒害縉紳柳欲上疏劾奸值病不能握管泣語維寧維寧奮筆代草烈烈數千言疏就柳已病革其七十二峰足徵集

西山

蔡氏合編

卷六十

家人懼禍竊焚之維寧忠憤不得抒慟哭出都門還山賦綠樹鳴虎諸詩以見意璫誅維寧踴躍治具之臨清拜柳墓而告之比返嘔血卒年僅三十一吳門金耿菴維寧友也謀梓其遺詩不可得越四十餘年耿菴亦老矣以死友遺詩不忍聽其不傳勤懇勸導於蔡之族人得周君覲侯鵠贊刻其秋林獨響兩集耿菴序而傳之

夜尋念佛聲

秋山靜觀聞翠逼諸天薄爾時盡一幽林葉不復

落誰轉舌上潮振我述中壑餘聲遂飄颺起止卒無著歛踪以求之指月可約略白雲與孤僧相依入冥漠

過寒山拜趙凡夫廬

谿風吹蚤霜微葉零寒枝捨舟路紆曲流雲帶孤茨欣焉意有屬小往誠忘疲路逢緇素人歎息頗可超驚吁望燈燭哭聲出霜籬跣足為斯文苟言來後時從前問奇屢此日拜孤兒豈無名山求或有封禪遺悲哉白頭人手自製誄詞如君可稱隱七十二峰足徵集

西山

蔡氏合編

卷六十一

字畫尤古師鑒荒破渾出大力追秦斯跡頭三百卷皆非救世資名高有責備典刑安所施晨星數老宿幾歲寒如照載求實在野不曰遐哉思鳥雀無栖聲幽泉流暮遲躊躇下木末竹色傷清池

寇貞素贈畫索詩因賦酬美人臨畫

微月照宛轉弱花駐幽暮美人欲化雲寒士重一頤言笑都未分傾懷托幽素曼睩凝光久皓穠不多露欲畫未畫時心想結深慕如索忽以得却壑隨所赴秋翠落華燈匪繇筆墨路遠天入孤舟夕陽

倚烟霧

雨暮入包山

寒林雨乍晴鳥雀無聲暮壑轉一星鐘燈圓石頭  
路奇懷合幽微形影具烟霧草木中有人風泉外  
無樹空山足妙理獨立觀所遇

藥洲秋汎同施恕先邵僧彌

月高大澤起帆滿碧天秋漁童鼓掌歌烟遠仙人  
洲仙人是吾家子孫千白頭芙蓉花發盡飛出雙

眠鷗

七十二峯  
足徵集

西山  
蔡氏合編

卷六十  
三

竭虎

竭虎翼其影日月晝匿明積威有若縮擇肉如無  
爭大憤發天地捋鬚思抉睛百拳力以盡不挫毛  
一莖豈知落饒口一噴山嶽傾血肉化腥涎狐鬼  
憑風聲為鼠爾有時死者傷我情敢告後來士勿  
矜打虎名

關山

渾沌鑿一門形勝自開局山色不通行天勢若為  
束孤僧始鳴磬一雨江南綠

葉影

高堂明靜夜影藻行空水故是非樹天飛飛者何  
以良久風寒生孤光忽以徒根帶了無因虛空自  
起止

雪後乘月登吟壇同震甫

積雪正如此恐難為月明衆山淨天表上下光無  
名寒結影不立過清神乃驚梅花照希夷啟我壇  
上行

渡太湖

七十二峯  
足徵集

西山  
蔡氏合編

卷六十  
四

三年鞍馬塵稍違舟楫性卒然臨風波乘流失其  
正維時仲夏交半渡寒猶勁雲雷見天地人鳥群  
奔命毛羊呼雨去日出迴流淨山喜覲良友蒼茫  
止恭敬好峰七十二一一拜嘉慶殷勤問昔游草  
木告名姓孤帆綠未已白髮垂楊映隔花手亂拈  
漁郎舊行徑

夜看庭中秋色明日震甫出山

秋氣何不悲孤燈兩心事窮困自可理衆草各相  
媚花葉亦憐時出山豈無為影人屢坐起浩歌一

天淚

山夜

寂寥山氣淡入雲選佳樹老人若有期披草與之  
遇朗月生音容冷風走指顧靈通不可測微昧輒  
生懼彈指見塵劫飛馳頃烏兔曉余以不言大地  
皆流寓長嘯星辰高白雲無前路驚嘆獨入門百  
蟲燈下聚

折古梅枝分寄震甫孝章

梅花不言傷春心古雲繡結知年深老樹無花枝

七十二峯

西山  
蔡氏合編

卷六

亦好一枝數花非草草分持同上太湖船香影離  
離風雪天幽寒之姿君所憐殷勤為置春燈前

訓震甫之檀城望諸山見寄

幾年不見山見山必色喜幾日不見君思君山色  
裡山歸驢背眼光綠烟泄孤茅投夜宿黃沙磧斷  
逃兵荒白草城空野老哭哭不在河東秋防交睫  
中虓虎耽耽卧榻側魚我肉我伺我窮野火燒海  
風邊聲吹客耳揖君月光戒行李候蟲呼夢秋滿  
憲書來同夢冷吳江

泉上

起滅不可測忽然心耳寒石應通太古月亦代  
瀾草木結靈氣禽魚得靜觀憑誰持此去三伏賣  
長安

山中七夕

未夕斷烟熒白雲遮滿門有無天上事珍重此黃  
昏河氣澹欲沒露花空際翻客心遠於月漸漸生  
秋痕

雨中

七十二峯

西山  
蔡氏合編

卷六

濕烟驅不出葉葉響空林數點晨光裏一重秋氣  
淡以茲飲水意遂見古人心放脚自孤往有無松  
外尋

天壽山塗中風雨

風雨千山滿雲雷掖馬乘詫驚非一狀徒跣拜諸  
陵葱鬱盤佳氣虛無焰漆燈飄零慚破帽仰笑擲  
擔簦

立夏前一日送顧仲從

猶是他鄉別難分一日春柳花吹市酒草色動歸

人久客非無累貧交定有神綠迷行李外一路主恩新

### 雨後山尋

飛翠濕幽路孤雲安可尋重來山露骨獨往澗通音花草得秋意鳥蟲寒雨心夕陽離不遠失馬入烟深

### 見新月

眇眇低相向生生漸及昏不離殘照影略破積烟痕愁曲明難吐情邊眉欲言幾堪如此夜消息一

七十二峯  
足徵集

西山  
蔡氏合編

卷六  
七

### 春魂

#### 梅花中聽百舌

微物含春意翻花舌不私愛香非敢默託足亦傷危小暖初堪聽孤心卒未移後新思反日為爾立多時

### 春夜同震甫開美得歌字

如此半春過堪無今夕何歸期一痛飲時事只悲歌到曉月難去媚燈花宵多所思湖上水酒夢滿烟蓑

### 古槐月下寄懷秦師六韻

月古寫奇狀雨新生綠光望來歸雁苦想到落花香好夜應如是平生且莫商所存真面目曾未了閒忙肯顧鵝雖難言馬齒長安心倘有藥不敢乞多方

### 遊西山次酬葛震甫寄訊

梅熟江南舊雨香寒衣猶著酒胡牀獨慚遊策三年倦翻似歸人半月忙杯滴松黃持夜露馬分山翠立朝陽看鄉不出春明裡只把孤雲放過牆

七十二峯  
足徵集

西山  
蔡氏合編

卷六  
八

### 中秋夜看月震甫寓得歸字

兩年同指葉光飛不脫燕塵幾變衣夜酒又持天上滿客心俱托月邊歸寒空露壁蟲絲響影落風隣杆力微相向意中秋盡半因君勿悔出山非送沈孝始還洞庭

北風吹老葉斑斑馬上寒沙帶客還吳市已聞無赤米官租能不累青山落帆好趁蕩絲裡投信應求橘樹間不語知君歸意在多將花壓酒胡鬟月下聽歌

無私天上亦同光一縷飛絲通夕涼響閣半空深  
樹露秋生何處獨愁鄉情傳眉曲低低月按落花  
邊字字香自顧自憐聲意外莫將輕許誤周郎

雨中過鮑叔墓

苦雨荒塗桃梗身穹碑幾字照陰燐千秋朽骨堪  
知己孤夜無魂定有神山鬼迷烟遮過客狐狸塞  
草哭殘春漂漂幸見先生去當世全交不用貧

秦淮夜別用震甫夢中酒當別處無醒法之

句報郭聖僕俞伯彭宋比玉諸君

七十二事

西山

蔡氏合編

卷六

九

眇眇新愁未可言薄涼如喚渡江魂酒當別處無  
醒法月滿歌邊有怨痕露歛孤花猶聚氣春傷流  
草盡非根分君一尺紅綃淚明日脂車謝白門

舟歸

百錢買得釣魚舟蓬席當風雨不愁渺渺倚山行  
入暮刁刁隨葉下殘秋桔槔倚壁澆蔬遍童子眠  
籬種豆休聞道楚江猶閉糴酸心數米過冬頭

見新柳遙憶長安呈王司農渤生鮑司農吾

鼎

杏花欲白見絲絲忽憶長安馬上詩黃帶宮鶯流  
入暮綠看鄉草去多時一江飛絮愁無定三月遊  
心苦自垂為是春風相識蚤靈和前殿不堪吹

雪中看雁懷施中行

北風吹雪滿荒田字字孤聲斷野烟兄弟有書應  
馬上兵戈垂淚只燈前黃雲直塞三千騎白羽穿  
江二九天醉卧漁舟長看汝烽銷草偃是歸年

渡江夢庭前青蓮花一枝兩葩芬芳入鼻醒

而成句

七十二事

西山

蔡氏合編

卷六

十

西風吹醒渡江身來去空空此覺真陽燄海中波  
散客青蓮花下夢餘人書囊一束歸良友藥裹經  
年累老親宿火未消潮未上月弦月魄兩回新

司空柳公晚酌趙公隄園

停驂橋外踏溪光門歇春陰綠抱塘突逆紅泉開  
石繡乍翻白鳥破山蒼蕙葭月出烟鐘冷芍藥風  
生露酒香此夜暫閒籌國箸枝枝藥藥算行觴

元日醉宿震甫梅下

梅花居起問新年不飲如花奈爾天非夢枝枝眉

髮上有神影影酒燈邊易經鄉眼頻開落難定歸  
期屢後先吹雪送香兄弟坐與君三宿不成眠

月夕湖上送顧太史歸舟

一帆徐動蚤涼天搖曳前山數點烟仙路不離花  
露上浮樽多倚藥洲邊魚龍抱月眠秋水麋鹿看  
人飲夜泉坐釣未能拘禮法暫將筆墨寄漁船

宮樹

敢是可憐生昭陽望不明也應春著意何樹綠無  
情

七十二峯

西山  
蔡氏合編

卷六十一

綠樹  
二月十八日作

綠樹非春樹殘花是暮魂傷心一種血地下恐無  
根

自天

玉消齊向月輪開獨謝君王上馬杯絕漢已知聞  
外事觀軍容使自天來

驚看

天憲如霆出九重城頭敢露老狐踪飛塵一簇來  
緹騎囚首驚看賣菜傭

野店夢施中行邵僧彌

細雨見家行不到出門秋草是長安村酌近魯無  
深力三十六峰來露寒

彭城弔項王二首

秦灰不熱火無光天殺天生一霸王運去英雄渾  
是胆田橫海上泣殘陽

無氣無聲宛轉喉提携到死不能休饒他一箸鴻  
門肉自賣千金垓下頭

蓼花

七十二峯

西山  
蔡氏合編

卷六十二

細細花吹細細風無聊深淺雨痕中二年今始開  
郎眼私引秋心一路紅

夢柳公二首

顏面消黃鬢雪絲一生清苦畏人知夢中無計求  
閒得愁絕三更病起時  
死生別路不通魂急雨將風數打門猶念布衣知  
已在遠來扶病每黃昏

朗公至

欲眠未眠童僕癡寒春無火我無詩菊花枝上故

人月恰是好風吹到時

題僧彌墨梅為香適師

木樨拈將鐵筴吹梅花無口笑君癡孤山終古閒  
風月敢向虛空插一枝

花草小詞

春頭春尾不曾難煖煖風身小小寒綠也自儂紅  
自我花花草草怨長干

桃花別

偏是晴香艷雨時翻紅成碧弄相思情知無賴桃

七十二峯

西山  
蔡氏合編

卷六  
十三

花命管得春風不別離

蔡開

開字玄錫縣諸生世居銷夏灣讀書者議論負氣  
節因夢中有老人指一古栢示之曰此君之隱處  
也遂自號栢隱并以顏其齊明弘光初立宦官矯  
旨入山採煤發古塚壘壘居民痛憤莫敢誰何公  
奮身而前戟手指斥宦官驚懼噎氣不能出聲潛  
夜入郡城嗾有司捕獲公笑詣官府倡議除害  
者蔡某也於地方何辜辭氣慷慨卒不累及一人

械送金陵至京口繫丹徒獄數日忽禁門大開則  
我

朝天兵下江南矣乃脫身歸山鍵戶不出惟以詩  
酒為樂論者謂其慷慨仗義有古烈士風卒之日  
適得一栢棺為殮與所夢符亦數之前定者也著  
有栢隱齋詩稿一卷

晉別諸同學十八首 存二

滿懷離別恨多為感君情對酒賓猶主論交勇與  
兄天空孤雁疾烟亂萬山橫未忍揮鞭去何堪

七十二峯

西山  
蔡氏合編

卷六  
十四

欲更

惜別殘陽裡知交氣誼同遙思楊柳月擬醉杏花  
風驛路寒烟白荒村野燒紅隴頭春信早還望寄  
詩筒

遙送吳青臣北上

柳贈河梁已後期想隨風雨縱高飛儘將彩筆供  
當軸好折丹枝慰采薇璧水暖生芳草夢華堂春  
滿老萊衣遙看燕市知何處五色雲多是帝畿  
冬日承時夏枉集荒齋即席分韻

感君踐約遠相過雞黍為歡興若何酬倡已無新  
壁壘笑談惟見舊山河壯懷不短青雲志滿袖欣  
携白雪歌翹首洞庭歸去晚月明幾處映藤蘿

春思

離離春雨逼簾櫳香滿疎枝逗曉風嫩綠半塘鶯  
語後落紅千片鴉聲中還家夢已憑蝴蝶問訊詩  
來托雁鴻遙憶天涯芳草色故園兄弟想應同

癸丑初夏館中憂母病未起

春去無多日那堪病轉增每思憔悴色別盡讀書

七十二峯  
足徵集

西山  
蔡氏合編

卷六  
十五

燈

月夜探梅

一林香雪和烟卧千點春冰帶月開只恐東風花  
信杳夜淡還過壠頭來

初夏懷友

思君何事歷間關携劍天涯客夢閒有約探梅情  
不盡春風吹過洞庭山

蔡士吉

士吉字世貞號謙齋天懷真摯淡于名利幼事秦

存古先生詩法得其衣鉢嘗隨息閑宗老謁徐侯  
齋孝廉命賦秋柳詩援筆立就咸許可之年七十  
餘無疾端坐而逝生平隱德詳家乘中遺稿一卷  
子汝琦手錄藏於家

膠城道中

輕舸載行李漸入水雲鄉古渡橋三疊遙空雁一  
行蘆花齊覆渚禾稻半登場日暮停雙槳城頭下  
夕陽

秋柳

七十二峯  
足徵集

西山  
蔡氏合編

卷六  
十六

古驛蕭條降薄霜長堤曲渚徧蒼黃千絲難結同  
心密一闌何堪樂府長綽約小蠻餘婉孌風流張  
緒曠疎狂悲秋莫作傷春句曾見垂垂綠滿塘

秋夜

桐陰如水照虛堂紙帳紗幮夜漸長絡緯聲中人  
不寐海棠砌畔蕊生香披衣數雁心同遠帶月聽  
泉境益涼不用聞雞思起舞獨呼斗酒沃詩腸

蔡疇

疇字自千工畫能詩與凌聖功友善聖功手錄金

庭合選十二卷身後散佚自千不惜搜羅乃得八  
卷西洞庭之風雅不致湮沒者寔賴斯人之力也

偶吟

策杖行吟破蘚斑臨池洗硯溪雲頑此生何福能  
消受鎮日看山又畫山

秦介眉五十初度同社訂九日稱觴余寫古  
松為壽侑之小詩

稱觴九日訂過往不寫黃花寫古松並在柴桑蹊  
徑裡不彫還讓老髯龍

七十二峯

西山  
蔡氏合編

卷六  
十七

寄中介小幅

前秋別我滿湘去兩見梅開尚未還欲寫春山令  
君憶寫來偏似別時山

寄葉爾澄

多君所愛在生平風檢相懷冰壑清下筆偶然成  
想境雲山可憶即秋情

蔡正堦

正堦字丕式少為縣諸生有聲康熙戊寅以選拔  
貢入京師數年終不獲一第所著有悲秋集留焚

草

中秋夜半獨起看月

人皆把酒爭對月月亦厭人相褻越我獨就寢不  
去看酒闌人散靜不謹月從窓隙偷窺枕寒光射  
人不能寢起弄清影月正中冰輪皎潔玉宇空四  
無人聲萬籟寂露華已向桂花滴庭中老松如怒  
蚪認月為珠勢欲抔月似避之向西走松轉不平  
作微吼松兮松兮汝能乘風逐月飛我將騎汝廣  
寒宮闕同歸依

七十二峯

西山  
蔡氏合編

卷六  
十八

小圃成

山足稱野人家林木參差石迳斜學稼未能先  
半園我蔬有隙便栽花室堪容膝居何陋墻僅及  
肩山不遮老去休嗟才思減田園詩解說桑麻

七十二峯足徵集卷六十

七十二峰足徵集第六十一卷

武峰吳定璋友篁蒐錄

高陽許汝璉宗玉編訂

許元愷

元愷字德先縣諸生專精舉業延名儒宿學為師

友置驛設醴歲無虛日士大夫之過洞庭者必以

高陽為東道主宅中有紫邏閣先後居西席者申

文定

時

朱文肅

國

溫烏程

仁

楊忠文

廷

錢吉士

禧

徐雲子

徐君和

鳴

嚴任夫

允

每月邀友朋會課

七十二峰

足徵集

東山

許氏合編

卷六十一

第其甲乙

取佳篇付之梓人

其後張天如

溥

有復

社之舉亦藉德先為眉目焉

懷維斗先生

好風吹不斷湖上明月起流光照鬚眉忽憶楊夫

子高齋當此夕不寐清吟始延佇無由從露下白

如水

聞蟬同葉聖野

五月十三日忽聞一聲蟬與我風馬牛緣何心愴

然功名鮮成就歲序頻流遷蹉跎老將至努力親

簡編

六月望日水明樓社集

水嬉何處避斜陽風月橋東受晚涼韵咽歌喉金

縷細座傳觴政碧筒香文章直欲追千古縞紵從

今盡四方豈是漫許河朔飲洞天試看耀奎光

題畫鷹

腕底風雲下邳都空山老樹着霜枯一枝莫笑栖

難穩任爾登臺不用呼

許彰

七十二峰

足徵集

東山

許氏合編

卷六十一

彰字倬雲德先長孫縣諸生

新荷

點破滄浪一葉青淤泥拔出漸亭亭從教獨立無

枝蔓豈肯羣鋪學苻萍花未發時香已遠珠能跳

處雨初零知君根柢原清白戲盡銀鱗不染腥

許彩

彩字素存號雪漁倬雲胞弟有金陵咏古桂蔭堂

詩

久雨見月適客至

積雨稀來往逢君正晚晴為憐芳樹色初照月華  
明溪浸春星碎風吹宿霧清坐來聞玉笛平是落  
梅聲

### 新亭

靜對青山話楚囚斷碑猶記晉風流當時名士羣  
相聚今日空亭我獨遊渺渺江光天半落悠悠晚  
景坐中收憑誰指點興王地日色蒼茫滿目愁

### 溪上

前溪片石枕漣漪嬈娜垂楊覆幾枝藻荇半浮苔

七十二峰

東山  
許氏合編

卷五  
三

半溼浣紗人去不多時

### 許彰

公字扶升號東畊璋外父也幼而敦敏為大父德  
先公所器與伯兄彰同學為制舉之文有聲庠序  
間躋棘闈者十一次賫志以沒家多藏書及紫邏  
閣諸先生會藝復社中未刻之文汪端喜貽白兩  
先生選明文往取材焉所著東畊草詩文詞數卷  
自為序

### 題農家壁

打稻新塲似鏡平倉箱千萬慶秋成得紆官賦私  
逋急消盡兒啼婦歎聲酒熟擁爐煨榾柮風高伐  
木補柴荆力田笑我逢年未樂歲終身恃筆畊

### 九日偕昆季子姪登高莫釐峯

高登峰頂應重陽帽落驚看兩鬢蒼百歲空償兒  
女債一身端為利名忙是月遣姪  
兼近科試楓殘南浦秋容老  
雁落晴沙鳥陣長半日偷閑同泛菊且將世慮暫  
消忘

### 觀爛柯圖示諸子

七十二峰

東山  
許氏合編

卷五  
四

兩童對奕空山裡一局未終柯爛矣百歲光陰曾  
幾何古人惜寸良有以

### 許元弼

元弼字仲良號心簡天啓丁卯舉人選授江西饒  
州府通判以慈惠稱

### 暑月歎

慨茲恒暘時曜靈不復匿安得迅飈興逢逢生肘  
腋日車往復迴朱光浩如積我思邈一方中庭自  
盤躄雪嶺何巍峩欲往無六翮

題臘梅為友人壽

不向瑤臺月下逢栽培只合近簾櫳春風未動枝  
先覺暖律將吹香已濃驢策灞橋欣獨早驛馳庚  
嶺訝難同冰霜歷盡花仍好直與蒼松鬪鬱葱

許章光

章光字紫眉別號晦堂讀書懷古好持議論時翁  
山人季霖以詩見稱於梅村先生耳食者咸奉為  
唐正聲悔堂獨卑視之立意每落落自異人或目  
之為怪不顧也乃弟炳光序其稿曰兄詩始以刻

七十二峰  
足徵集

東山  
許氏合編

卷六十一  
五

厲而造乎平淡入於幽沉雅健老境益變化離奇  
如東坡海外文字不可端倪無怪為山中之響  
也生平著作甚富子孫不才弗克守其遺書售於  
賈人存者皆不成卷第恐併此忘失負却一囊嘔  
血予年過八旬手戰眼暗苦難捉筆強為抄錄日  
或十首五首積而成帙凡得碎琴堂集二卷山簪  
集一卷還山吟一卷晦堂雜詩五卷共二千餘首  
細思當日填篋迭奏含毫構思之象不覺揮泪盈  
把夫以垂老濱死之餘綴拾於殘編斷簡之中孰

有知吾之苦心者倘天幸後世獲遇文字知已哀  
其志而存其詩則吾兄死且不朽當於冥冥中頓  
首以謝然而未可必也然而不得不存也

咏史

存四

燕趙不帝秦端由魯連子入圍說垣衍斯人何好  
事若使賢者流亦當先避世栖栖得浮名竟成天  
下士

子陵非矯俗自是一真士以足加人腹我卧亦如  
此異哉富貴徒交情要終始不臣遂放還千秋此

七十二峰  
足徵集

東山  
許氏合編

卷六十二  
六

知已

吾思好名者亘古有曹瞞衆心雖不義其如彼重  
賢漢相強自居周文妄自安弒后事難隱焉得為  
大奸

太宗能賞諫左右學面諍人皆以為賢我獨以為  
佞有臣如魏徵勿欺當自任大事諱不言千古留  
餘恨

古意

板橋楊柳外數畝荷花香宿花兩蝴蝶泛水雙鴛

鸞樓上一美人翠袖紅羅裳含情向天未好夢空  
茫茫

中秋讌集

良夜讌嘉客華燭搖秋光玉堦零桂露綺席飛瑤  
觴飄飄清風發吳歎聲抑揚珠簾動明月綠琴奏  
無荒滿座稱歡會咸起咏新章琅琅比金石再誦  
為激昂丈夫悲未遇彈鋏一慨慷紫燕不遑食獨  
立萎草傍欲渡河無梁安得騁四方

偶感

七十二峯  
足徵集

東山  
許氏合編

卷六十一  
七

靈龜亦畏死見夢宋元君所賴非其人終竟不得  
生生死生有定分豈此龜不靈書以告曲士金丹安  
足憑

盆中石菊始放酌酒相對醉中縱筆

疎疎春葉碧叢叢夏葩紅展卷向南牖幽思誰與  
同伊子負夙志立身憂患中伯夷與盜跖去去隨  
飄風山水固所懷花竹以時工將此一笑顏酬報  
天地功

春怨詞

蘭風吹院酒初醒午窗舞蝶紛娉婷落紅掃去香  
未散藕芽出萍色乍青鶯啼燕語自相惜伊人夢  
隔楚天碧深情只許枯桐知揮動七絃長太息

北湖看雨

有限青峰百千丈無限波瀾出雲上風驅牛馬作  
戰聲天地古今一接攘煙霧塞空晦五湖鬼恠魚  
龍入莽蒼撞翻海屋鯨鯢奔衝折崑崙逞飄蕩須  
臾不辨天面目萬弩射潮飛箭鏃海若含悲河伯  
驚羣靈處晦相持哭誰提河源倒不息四海合為

七十二峯  
足徵集

東山  
許氏合編

卷六十一  
八

一大瀆許子獨立混沌外一看一笑還一嘅

曹塢李花

午煙十里春濛濛芳姿斜照青溪中雙橫石板瑩  
如玉伊人却限西與東梅花有香桃有色豈若李  
根具仙骨墓門屋角翻素波青山紅寺非疇昔穿  
林不認粉蝶飛出籠不見馴鶴歸願爾結實百千  
斛普救山中庶士飢

題葉豈僧畫

葉子自具山水意能從筆底出靈異參差古木蒙

煙雲淒霏慘淡極幽邃長天縱望蕩波影衆峰疊  
疊掃空翠生成石室附絕壁仙人俯視下無地許  
生閉戶學死心泉若欲流風在林醉裏抱琴一揮  
手壁間瑟瑟來清音此中官渺有至理不許贊歎  
許神會世間俗眼那得知大道當前揔昧昧昔聞  
畫馬曹將軍偶逢佳士亦寫真可憐葉子生不遇  
漫用此意貌世人

江村獨目

天淨如懸鏡江平不易流暮雲生遠樹雙槳挾孤

七十二峯

東山  
許氏合編

卷六

舟白鳥飛難定青山看欲浮磯邊垂釣者寒暑只

科頭

長堤出遊女侍從婢僮翠袖邀飛蝶湘裙掃落

紅槿芳垂綠髮俯水照華容此俗適江漢誰能化

國風

雨後過汾仲

板橋先一望柳畔水窗開半里攜筇轉清晨着屐  
來悲歌論往事感慨自憐才雙髻愁中變名心未  
肯灰

贈周貞蓼先生

隨了平生事聲名不願傳何人明大義閱世揔奇  
緣眼倦看秋月魂消聽杜鵑江山留病骨俯仰獨  
淒然

即事

不覺經旬雨雙扉蔓綠藤嫩蔬憐采摘新蝶怯飛  
升攤卷當窗牖存疑待友朋晚晴江水濶皎潔擬  
吳綾

清江

七十二峯

東山  
許氏合編

卷六

清江十里闊俛仰有青山日靜愁如夢家貧身始

閒柳花香竹榻春水上柴關高興頻年盡傷心一

破閒

獨步

攜將竹杖看雲岑跌坐松根自正襟名在歡場中  
易減情於花落處偏深平坡芳草支公馬古樹清  
泉俞子琴我却從來無苦思不須彩筆助孤吟

放言十首

存四

樹裏柴門澗水滌繡書草草帶餘醒於今絕響釣

天樂終古誰聞二鳥鳴萍梗揔難長聚老神仙祇  
是一忘情桐宮放後能遷善值得要湯以割烹  
流水高山豈足珍伯牙斷送有情身避秦也當逃  
堯士倚市翻憐刺繡人風鶴力何能助晉孫曹勢  
不可爲隣閉門千古無餘事一聽須彌再化塵  
忘機任我說冬春不訪桃源洞口人仙鬼賦才唐  
白賀海山流涕宋君臣木爲誤當冲霄器土隅原  
非可相身生氣凜然撾鼓吏是誰能與一傳神  
周鼎商彝彼自知紛紛用偽到今時願生美女攀

七十二峯  
足徵集

東山  
許氏合編

卷十一

香煙四首

朗坐維摩丈室中石鑪長炷一星紅漸生孤縷盤  
空上任鑷幽窗信意通忽忽被風橫几榻陰陰如  
夢繞簾櫳幸無蜂蝶閒相鬧留取氤氲伴醉翁  
態比遊絲未可分掃來一筆烏蟲文迴旋易散難  
充蓋變化多端即是雲繡閣美人消寂寞薰籠佳  
氣正氤氲雙鬟亂後從新整丰韻偏依湘水裙

如霧如雲不雜霞有時深護胆餅花樓臺是蜃何  
須海砥礪呈奇却在家注眼尋源纔半點問誰踞  
坐演三車學成鼻觀原無益未見元規扇莫遮  
綠髮堆鴉不自知琴邊詩畔裊輕絲細風入戶青  
蛇嬾浩氣干霄寶鴨奇慣與茶香爲伯仲暫依燭  
影共參差洛神去矣煙波在渺渺愁予正此時

枯芭蕉

一枝黃落古牆東聽響全非舊雨風祇許右丞徒  
畫雪好辭懷素學書空立亡竟作尋常看取譬方

七十二峯  
足徵集

東山  
許氏合編

卷十二

對花有感

花開翻念欲殘時蝶舞茅檐引燕兒爲難雨風來  
不意多方談笑似成癡長判蠟屐迷芳草閒抱枯  
桐覓所知未遇古人真大恨世間誰可慰相思

素心蘭

一塵不染露全神彷彿無心是道人檢遍花經名  
少異續成香譜話從新凡情空戀繁華夢我意偏  
宜冷淡春猶憶昔年磐石上水仙曾與結芳隣

撥悶

五鳥但求食凡人兼乞衣  
秋秋滿天地人物誰是非

薪偶斲作琴椽偶斲作笛  
說與強解人再向此中覓

人間無美惡專自使愛憎  
驢鳴代弔者宿習又一层

賊何必黃巾獸何必犬豕  
風吹入鬼國所爭在彈指

東山先生集

卷六十一

十三

漫興

涼颼吹過越溪濱  
月底芙蓉也媚人  
坐卧釣船三十載  
短衣飛不上紅塵

西風千頃稻花香  
棋局攜將上野航  
欲訪故人棲隱處  
五湖煙雨冷雲房

感遇

萬仞孤峯煙水圍  
玄裳道士卧漁磯  
世間雞犬無仙骨  
飽殺金丹不會飛

寶匣多年塵暗侵  
絢光湧出報知音  
半生不作思

仇想珍重英雄一片心

杜鵑花

綠雲堆處間明霞  
粉壁金圍絳色花  
相對黯然思蜀帝  
不應啼血助繁華

寄漢翔

一片煙光無處尋  
石欄孤樹倚風吟  
何時醉向草堂下  
卧聽先生雪夜琴

許光炳

光炳字紫雲悔堂之弟  
遭時多故盡亡其貲產  
飢

東山先生集

卷六十一

十四

驅出門艱難困苦中  
不廢吟咏僑居松之南  
橋自號海翁以詩鳴  
時有就廡下語者  
悔堂沒孫孫無知以遺稿售書賈  
海翁為之收拾散亡彙錄成卷序而藏之  
予見其八十歲手抄本四大冊蠅頭細書  
前後端楷如一  
間有改定字句必下註原某字句  
以此見海翁之穩於悔堂也  
著有芙蓉亭集二卷海濱餘稿二卷

八月初三日雨花臺招隱始集

秋八月三日風雨爽晴霽  
喜得同心人登山共超

詣捫蘿俯幽徑策杖披荒翳野花如欲燃拂拂香  
侵袂因尋遠公廬遂得無生理昔聞天雨花乃在  
雲深處盤礴蔭長松徘徊眺孤嶼烹茶汲澗水採  
蔬摘石耳觥籌遞交錯嘯咏劇歡聚施子得天真  
陶然自成趣詩名四十年洒落驚風雨席子何澹  
然棲神宅高宇世有伯牙琴山水無知己張子懷  
古人埋照風塵裡葉子如雲騫葛子亦霞舉詩以  
大雅成文將衰陋洗伯氏多曠達清談自娓娓名  
理各引晰論難顧未已予心方嗒然既醉欲隱几

七十二峯  
足徵集

東山  
許氏合編

卷六  
十五

槁木與死灰甘為世所棄人生百年中為歡良有  
幾聚散本無定陰晴原自異日落遠渚明煙橫暮  
山蔽風帆共沙鳥來往渺無際燈然幡影懸泉響  
竹聲細夕露沾衣裳蔓草生虫語母云歸路賒新  
月一鉤起

仲冬二十二日偕席漢翔紫眉兄登莫釐絕  
頂看雪同用頂字

天淡氣嚴凝日照光炯炯空明貯一室咫尺寒已  
迥或可滌肺肝用以識枯靜賈勇上莫釐顛危越

籬屏衆峰亦人立白髮被其頂拱揖各相向彷彿  
聞欬聲有時露肌膚鬚眉植枯梗忽而擁髻鬟纖  
蛾耀明鏡包山指顧間肩摩欲相並風霜共砥礪  
昏晨自沉寔雙壁削寒玉六花繪素錦爰尋鹿豕  
跡笑墮蛟虬窠是陵即深谷無泉不淖潯怒臂當  
巨斧撥雲開仄徑既臻艱險理幸愜幽奇性巉巖  
兢納足狂顧非引領大地洗穠冶囂塵入清淨千  
巖燦琉璃天矯窮一瞬乃知最高處始得觀平等  
匍伏禮石龕古貌佛嚴冷松老如頭陀稽首前啟

七十二峯  
足徵集

東山  
許氏合編

卷六  
十六

請譬彼珠纓絡法相具妍靚宛疑白蓮臺莊嚴成  
妙境塢平揜院寺壟廢失閭井冰膠芒屨堅指直  
鶉衣整扶掖歸坦途居安復思警舟曾泛剡溪梅  
將寄庾嶺何為三神山上下波中影

得山中金氏女信

我老瀕飢寒流離轉海曲伶仃視溝壑形影自相  
逐故鄉非敢忘親朋莫舉目爨冷煙不興束手但  
仰屋含悲棄此身追計榮與辱既問疲癯疾再課  
兒童讀謀身苦未能安貧亦以足羞隨屠沽賤所

屈在口腹昔汝方稚齡失母痛顙復濱死得餘生  
數載勞撫育黃泉母酸辛紅閨女痛哭如此稍長  
成皇天彌降毒飢驅吾出門貧遣汝出閣秋燈夜  
紉縫春衫曉浣濯針針刺淚痕雙眸血相續勉  
從事人艱難兼作僕多病損柔肌善弱銷大肉每  
從藥裏中獲受平安福我今尚飄零存亡渾未卜  
戚屬如夢寐身世類風燭去歲汝有書云自能珍  
玉今茲駭傳聞忽爾壽命促祇因兒女累成就天  
公酷生存如掌珠零落同草木世事本空花露電

七十二峯  
足徵集

東山  
許氏合編

卷六  
十七

女共團簇

甲寅初夏偶感

事事無聊賴傷心亦固然醉中忘歲月愁裡見山  
川種草添新藥尋源得故泉謀生亦何計袖手立  
堦前

僦居岱心獨樂園家兄紫眉贈詩十首用廣  
予意依韻答之 存一

獨往將何適孤筇到處隨畏人三緘口罵鬼一揚

眉事後論成敗生前怨別離荒榛宿莽下消得數  
行碑

秋海棠

蓋聞梓澤重經依然天地桃源再問邈矣  
山川芳草怨王孫之不歸柔柔思帝女之  
長往淵明松菊隱傷烈士之心仲蔚蓬蒿  
漫托羈人之跡予一生恨骨萬寸愁腸飲  
曉露而葉底無聲哭春風而花前有泪遽  
憶垂條贈柳遐思避繳啣蘆於是覩薜英

七十二峯  
足徵集

東山  
許氏合編

卷六  
十八

之易謝見蘭蓀之早敗自秋徂冬從朝及  
暮藝成庭卉開到海棠獨標楚楚之姿自  
得僂僂之致翩翩顧影窈窕臨粧揆藻空  
華莫入芙蓉麗句吹藜絕照聊抒荊棘蕪  
詞 存二

明月秋窗夜幽花泣露姿寫將庭草句譜入海棠  
詩似有情堪訴非無骨可支莫言腸斷盡一寸一  
相思

石冷鳴蛩急天荒旅雁愁夢迴孤榻裡酒醒一更

頭羈思長凭檻貧粧不入樓良媒擬有托微賤又何求

己亥仲冬八十自壽三十首

存十

把卷吟餘破壁風梅花香夢入簾櫳王釵資福施  
僧院彩筆添毫贈畫工長物一身詩萬首當筵四  
坐曲三終末年事事皆堪恨深望於君恕曠聾

我自棲遲號海翁野鷗謝遣莫相從落英彭澤菊

三徑敗筆聊成書一封

魯仲連與燕將書其言有不合於理者故云敗筆

半貼鴛

鴛聯繡譜多時鸚鵡閑雕籠少陵生世窮如蠶千

七十二峯

東山  
許氏合編

卷六上  
十九

古文章却誤儂

多病生逢有道邦端居漸覺此心降未磨霜刃十  
年劒且放詩瓢萬里江綠酒輸他頭早白青燈照  
我影還雙前生未了寒儒願長與鳴雞伴曉窗  
不覺星星上鬢絲豈知髦蓋就衰遲蹉跎燭武臣  
今老問省王湛叔不癡為勸加餐長勉力非因命  
駕始相思愚生要是抒胸臆古錦囊中罵鬼詩

塵世功名偶不諧恰逢勝日好開懷定知吾道元  
無悶却喜卿言亦復佳計閨重繡前歲曆弄晴又

報午時牌劉伶荷鍤身猶醉未卜他年何處埋

焚香繡佛晚氤氲月到樓頭雁過羣已悟浮生真

似電豈知春夢却如雲心無為善何容惡身不求

名焉用文經卷藥爐吾事了倚闌拄頰望秋雲

寂寥深巷閉柴關清福無如半日閒已許將心付

流水誰教放眼看青山多情最恨天猶老適意何

妨夢不還烹汞燒丹傳九轉未聞奇藥在人間

早讀儒書晚學禪仙人左右亦周旋善評清聖濁

賢酒難料將晴欲雨天村店疏盤供脆滑市橋魚

七十二峯

東山  
許氏合編

卷六上  
二十

鼓報新鮮此身久已如槁木一笑從教息萬緣

著棋擔糞亦尋常鄙事多能也不妨扶杖看梅憐

予子開籠放鶴羨飛揚曉風屋角雲歸棟晴日簷

牙雪照堂獨訝磻溪垂釣者竟能耐老待文王

故國飄零暮景淹西風塵土舊青衫愁城有地皆

埋恨花史無官不署銜草稿尋常爭坐位桃源咫尺

異仙凡雲山遮却來時路萬里孤舟一葉帆

錄亡兄紫眉詩成集題後六首

卷一

看花七十二回春過眼風光拂面塵上藥一囊長

濟世布衣三教遂終身枯魚昔日為情死睡蝶何  
年了夢因事業聲名渾不計獨將詩酒用全神

雜感

古人不是重黃金管鮑交情直到今若使黃金土  
同價不堪重論古人心

放歌

不能成佛即成仙直造崑崙最上巔四顧山河一  
大地更無滄海與桑田

一點腥膻萬蟻攢縑塵堆裡出頭難世尊是大慈

七十二峯

東山  
許氏合編

卷六十一  
二十一

悲父却在旁邊袖手看

許昌岳

昌岳字聖裔業岐黃喜吟咏著有蠟味集

中秋夜同吳弔玉玩月次韻

月皎三更後秋高萬象中天香飄老桂空翠落疎  
桐壯志何時遂清尊此夕同靈查如肯泛吾欲問  
蟾宮

納涼即事

雨過黃昏後蕭然景物清竹枝篩月影梧葉墜秋

聲遠笛隨風度名花對酒傾夜深渾不寐覓句遂  
閒情

張元秉表叔祖見示詩集賦贈

衡門此日老潛夫勾當煙霞興不孤家法從來傳  
百忍詩名久矣冠三吳閒將花月供賓客靜對湖  
山展畫圖千古高風成獨往肯隨時世濫吹竽

東山王叅戎緒陞任吳興贈行四首

壯歲威名著海灣幾年建節鎮雲間三槐承露瞻  
庭樹五岳凝雲仰泰山筆燦如花文陣健波平若

七十二峯

東山  
許氏合編

卷六十一  
二十二

鏡戰旗開兩朝遇合誰能似萬頃恩膏溢聖顏

帝念勞臣政莫過幽閒新賜駐滄波梨花小隊尋

芳樹紅豆清歌記采荷詩酒情懷方更好鼎鐘事

業豈能磨具區無限屏山湧保障論功未足多

天綸重叠降金符虎帳吳興又上途幾處勛名登

史策千秋惠愛遍江湖瓊漿金瓊看傾若玉縷銀

盤羹鱸兩地總饒山水勝恩深圖報說伊吾

功成他日拜珠旒麟閣凌煙次第求擁篲鳴琴追

雅逸輕裘緩帶繼風流芝蘭秀茁青雲路蘅杜香

留白露洲此日吟詩頌嘉績五湖明月照烏舟

東山  
許氏合編

卷六十二

七十二峯足徵集卷六十二

武峰吳定璋友篁菴錄

白沙吳 曾萊庭

許官

官字應宿號味莪克之十五世孫博學多識夙固  
場屋遂絕意仕進究心六書四聲之學直造古人  
堂奧所著有味莪集

寄公先姪

頻年懷楚欲浮湘憶有吾宗在漢陽客到竟傳漁

七十二峯  
足徵集

馬蹟山  
許氏合編

卷六十二

浦碧書來如見鶴樓黃孤帆影裏雲千片月色天  
邊鴈幾行何日對床綿夜雨依依春草夢池塘

二泉拖練

山雨初晴石竅通二泉分注自西東人家茅屋依  
泉上都在丹崖碧樹中

牛渚春波

牛渚春波鴨頂鮮野人曾此飲烏犍東風滾綠新  
雷動波底魚龍欲上天

金沙鶴步

一灣流水護金沙水碧沙明眩日華老鶴避烟長  
過此也知原不爲魚蝦

許成才

成才字子學號小墅幼聰穎讀書不成以醫濟物  
著有拾芝閒咏

一井涵清

山根開鑿覆桐陰石甃清涵百尺深源本無窮通  
海脈波濤不起照天心能供里閭千家汲不受塵  
埃半點侵大地莫教憂亢旱從龍祇見化甘霖

七十二峰  
足徵集

馬蹟山  
許氏合編

卷六十二  
二

許朝元

朝元字文侯號慎哉官四世孫博學多才意氣軒  
舉壯遊國學遐覽名山大川車轍半天下其詩激  
昂感慨真氣流洽畤城侯記原謂其和令伯侍御  
寫懷詩句云舒扶義和手翔亂浮雲足此慎哉詩  
骨也有燕遊草楚遊草晉遊草豫章遊草暇耕堂  
詩行世

和家二伯兩樓寫懷二首用杜少陵韵呈侯

記原

蚤歲諷遺經論即卑儕俗常擬凌青雲高騫絕羈  
束舒扶義和手翔亂浮雲足此意竟迤邐空貽阮  
生哭途窮悲履霜萬事傷轉燭以茲悟生理觸處  
齊榮辱結廬隱夫椒力田啄餘粟開門望澄湖抱  
尚棲深谷楓林散秋紅春鳥啼晴綠把酒發狂歌  
欣然媚幽獨從此謝塵鞅伊誰繫心曲息機任天  
游于焉老樵牧

龍卧秬園叟梁父吟抱膝聲名五十年著書以永

日一門萃忠孝高義罕其匹芳蘭叢春花碩果繁

七十二峰  
足徵集

馬蹟山  
許氏合編

卷六十二  
三

秋實池館隔塵氛不聞羽書疾紛紛聲利徒視之  
若蟣蝨長貧抱遺經皓首願未畢我來畤城東相  
見殷膠漆敢托忘年交竊窺燕許筆維時殘雨收  
荷香竹陰密共坐明月堂涼風動蕭瑟默思新戰  
壘洗兵竟何術

德州道中書所見

朝發黃河涯暮宿阜城縣計程百四十行邁亦已  
倦日中始朝食所遇盡麤麪得食即已足何暇復  
論選獨憐畿輔民派離滿郊甸老稚競相攜妻孥

莫可遣兒或啼旁道女或鬻旂弁赤脚塵土中菜  
色鵠其面行李徒半肩氣息惟一綫丐錢共哀呼  
語聲實淒惋絡繹羸驂前傷心不忍見老夫爲我  
言兩年遘荒旱畿南數百里地赤綠蕪斲野榆無  
餘皮萬落廢烟爨餅罄一飽資邑有催科案飢來  
不自聊茫茫棄間開出門苦乏食米貴此身賤生  
不耐啼饑死即棄田畔同時八口出今已亡過半  
凌晨景州來勺水未嘗嚙年衰腹內虛頭眩天地  
旋有孫年十三亦已一高漢若鬻數百錢命可十

七十二峯  
足徵集

馬蹟山  
許氏合編

卷六十二  
四

日戀相聚死無益不如早分散我聞心愴然意緒  
不覺亂飢溺誰之辜對此負惶汗方今議賑蠲何  
以止奔竄皇仁之所及往往未能遍新鬼盈征途  
朱門日張讌萬國戎馬後死亡疇可算天意非不  
仁胡爲致斯變憂端莽無垠浩然發長嘆

### 大澇和湘雨和上用少陵三川觀漲韵

南歸至淮陰崩霖改平陸渡江入毘陵兩岬悉成  
谷暨乎返夫椒水勢更駭目相望唯滔天疾首生  
計感室廬飲洪濤衆流滙空曲舟從橋上過堤路

口傾踣愁見竈前蛙奚有林間鹿人家水浸門丸  
泥安可塞黑雲忽東來雨若建瓴速須臾尺水盈  
不復循溝瀆東鄰驚墻傾前港報舟覆千疇禾更  
沈萬柳枝益禿領引迴義輪心憂翻地軸吁嗟此  
子遺日夕惟水宿飢忍聽兒啼鬼屢聞宵哭天宇  
殊未清雷霆怒猶蓄腐草叢蟲蛆窮陰結黥黠乾  
坤遂飄蕩江海絕羈束牽船類飄蓬舉步虞側足  
鯨鯢緣跳梁嘆息土宇跼何時睹平成川瀆有歸  
宿庶幾數郡民得以脫魚腹在蜀見三星哀鳴念

七十二峯  
足徵集

馬蹟山  
許氏合編

卷六十二  
五

鴻鵠

過祥符大中堂湘雨和上留宿夜話用少陵  
大雲寺贊公房韵

青松影侵門白塵揮在手山中少客來掃除無用  
帚萬卷曬空庭一榻近虛牖鴿怖風前幡蟬吟池  
上柳對此澄俗情不落言詮後藜藿取充腸梨棗  
亦適口自笑遠遊人征衣被馬首世事真浮雲白  
衣與蒼狗胡爲棄故山碌碌事奔走廓然大中堂  
相視夫何有

于忠肅墓

湖北岳鄂王湖南于忠肅嗚呼兩少保祠墓遙聯  
屬孤忠千載同沉寃竟相續或攘奪門功或成片  
紙獄姦人去所忌用意何慘酷乃壞汝長城百身  
未能贖興衰關運數禍福有倚伏空令天壤間瞻  
拜走山谷靈旂捲寒風青燐聞夜哭枯骨幾何存  
過者猶慘目城隅伍相祠古今亦同躅

懷老母

咎我出門時高堂病初起鹵莽爲飢驅湯藥未全

七十二峰  
足徵集

馬蹟山  
許氏合編

卷六十二  
六

侍迨客城東隅家書得數紙云已能強飯舊疾漸  
平矣此心終悵然淚下每難止今西達皖城相去  
千里秋空無歸鴻清江罕雙鯉目斷高山雲夢  
國太湖水悠悠負米行嘆息貧所使遠遊雖有方  
究覺愧人子

管鮑分金處

古人以義交黃金何足齒臭味所契合在彼不在  
此管鮑當貧時分金偶茲里多取不爲貪知已一  
人耳後人詭相師專利怨由已紛紛較錙銖言之

總堪鄙驅車泗水濱殘碑尚堪指悵然懷古清秋  
風起蘭芷

宿遷渡黃河

古今爲患中原者莫甚黃河之一水方其從天入  
塞來勢尚徐徐只瀾瀾秦人得爲灌溉資畜牧魚  
米反稱美龍門直下恣奔騰蜿蜒輦洛禍伊始衝  
決遷移性不常往往浮沉千百里中州壤地本塵  
砂怒濤過處無人家金錢歲糜百餘萬築堤種柳  
聲徒譁東入淮徐流益怒其沸如羹急如弩可憐

七十二峰  
足徵集

馬蹟山  
許氏合編

卷六十二  
七

居人性命薄每與河伯爭此土清黃合流下安東  
舳艫銜尾乘南風庶幾玉粒登御廩漕運終始於  
河工孫家塘已十年決河流不復由前轍入海分  
爲三四支新河滔滔舊河竭河臣百計砥中流東  
修西補無時休大工垂成忽復潰天意難以人功  
謀我來河濱重太息狂瀾拍天白日匿驅車欲濟  
川無梁禹功渺渺思何極

姑射山

平陽

驅車河東股肱郡西望姑射之仙山琳宮靈窟在

咫尺一嬾遂悞相躋攀宵來魂夢幾飛越白雲渺  
渺層霄間我聞山中之人壽千歲去此蒼鹿垂青  
鬚上通玄穹三十六俯視一切空塵寰吁嗟僊路  
杳難即令我不得開心顏何時御風凌其巔相攜  
神女同時還

三侯廟

祀忠智侯公孫杵臼威信侯程嬰義成侯韓厥

下宮之難慘滅門模糊百口血染魂雲雨翻覆不  
堪數門下何人懷舊恩嗚呼公孫程嬰兩義士忠  
憤思延宣子祀秘計深謀得倖成趙氏真孤乃不

七十二峰  
足徵集

馬蹟山  
許氏合編

卷六十二  
八

死山中逃匿十五年立孤之難有如此大業天教  
再昌一言韓厥係興亡殺身下報程嬰死泉壤  
相逢路渺茫生死後先雖異致三人之仁則同耳  
我來經過三侯村祠墓千年猶故里慨然懷古一  
傳驂蕭蕭落葉秋風裏

出門

一病三年久貧來萬事難歲飢仍作客親老念加  
餐非市金臺駿誰憐范叔寒黃塵高幾丈日下望  
長安

望岱

泰岱山前路今看四度來天門雲尚鎖玉殿曉還  
開石磴迷蒼靄豐碑篆綠苔何年凌絕頂放眼望  
蓬萊

曉發泰安州

古巷餘殘柝晨光動遠岑星懸千嶂曉雲豁半天  
曉遂隊城南路思家夢後一識途憑老馬得句自  
長吟

徐孺子墓

七十二峰  
八徵集

馬蹟山  
許氏合編

卷六十二  
九

寒原迷宿草落木下斜陽古墓何人識高風奕代  
長碑看苔蘚沒客薦渚蘋香誰復能懸榻千秋意  
不忘

汴京懷古

河山猶繞大梁城上下千年幾戰爭艮嶽舊基  
在眼黨人殘碣枉鐫名尚誰痛飲黃龍府空悵沉  
光夾馬營欲向遺民間陳迹月明無語水無聲

平陽帝堯廟

君德巍巍冠古今平陽祠廟栢森森重簷非復茅

茨舊細草空埋莫莢深世共謳吟忘帝力治開精  
一見天心斜陽策馬經過地下里如聞擊壤音

望熊耳山

層巒縹緲出雲端紫氣朝來立馬看遠帶雨痕天  
共碧平分仙掌露初乾界泰樹色千重合入洛川  
光百道寒敢謂登高能作賦不禁懷古望長安

入國門

經褐飄零陌上塵羸驂逐隊入重關山川過目成  
千里鞍馬長途又兩旬無數紫雲連北闕不多青

七十二峰  
足徵集

馬蹟山  
許氏合編

卷六十二  
十

眼說平津重來擬獻長楊賦惆悵何由達紫宸

旅夜

攬勝樓南旅店空嚴城宵鼓聽方終燈殘孤客三  
更夢葉盡千林一夜風酒醉易醒人語後雞偏高  
唱月明中僕夫却早催行路馬首衝寒又向東

雨中過九峰

十幅蒲帆飽朔風極天衰草蔽寒空不多紅葉荒  
村外無數青山細雨中潮落澄江沙岬出烟迷古  
寺曉鐘通船頭隱隱葦城近何處蓴絲掛釣筒

宿夏邑會亭驛

落日停車處頽垣入草深逢人詢古跡不忍及株  
林

虞姬墓

拔山霸業已成塵却有虞姬墓未湮惆悵未央宮  
閉後更無人葬戚夫人

淮陰侯釣臺

釣竿亦自足平生何用王齊七十城莫怪弓藏飛  
鳥盡鄴生先已爲侯烹

七十二峰  
足徵集

馬蹟山  
許氏合編

卷六十二  
十一

采石磯

樹杳楓林始著霜望中紅葉間輕黃扁舟薄暮磯  
前過落日半天江路長

許志明

志明字亮侯號曉庵朝元從弟勵名節重然諾古  
道照人戶科都給事李宗孔雅重之延爲子弟師  
久而益敬所著有桃塢草堂詩集

雪

朔雪滿天地寒威一夜生聲隨修竹響光耀曉窓

明飢鳥歛雙翼朱門厭宿醒榮枯異炎冷悵絕客中情

潤州夜泊

鐵甕巖城夜孤舟丁卯橋愁偏深異國夢不隔今宵月暗飛殘雨江空響暮潮對杯須盡醉伏枕恐無聊

隋煬帝墓

草沒雷塘路幾重一坏何處覓遺踪可憐自愛揚州死返駕何曾少六龍

七十二峰

馬蹟山  
許氏合編

卷六十二  
十二

許鍾乙

鍾乙字應泰號誠齋志明子意氣豪邁喜爲人排難解紛嘗游京師多懷古之作而傳者寥寥

入都投季父文侯寓適周雅楫檢討至剪燈

共話遂達宵分

三載分南北常嗟見面難投鞭驚老瘦促坐問平安骨肉歡相聚風塵眼倦看挑燈情話久不覺暮鐘殘

將南歸留別周雅楫檢討

火雲流北陸匹馬獨南歸觸熱愁長路還家戀布衣湖山依淨几菽水奉慈幃不負生平約全身一釣磯

病後形殊瘦南來慰自深不忘車笠好猶見故人心落日愁分首陽關更苦吟同方殊出處努力早爲霖

登上方寺塔

寒雲飛不盡古塔汴城東俯視三千界平臨十四重未隨流水去獨出劫灰中帝座通呼吸憑高欲

七十二峰

馬蹟山  
許氏合編

卷六十二  
十三

御風

白溝河懷古

白溝橋下水茫茫策馬經過意黯傷衰艸百年餘戰壘空村數里對斜陽出師徒擬稱監國專閫何人賜上方往事不須重歎息北平建業遞興亡

趙北口

衝泥趙北堤邊過一望空濛似五湖鼓枻漁人還共語浴波水鳥自相呼烟村沙路橋南北蟹舍魚簪西有無對此忽然懷抱豁難忘偏覺是蓴鱸

送馮時佐還山

菖蒲蠹蠹芥花齊新筍成林桑樹低爲問家山好  
風景何人把酒對黃鸝

露筋廟和壁間韻

遺像千秋尚儼然落霞如綺柳如煙祠前日暮繫  
船處湖上晚風吹白蓮

許濬

濬字致遠號儒庵本鄭氏子薇令弟也幼育於許  
遂姓許氏致遠讀書攻苦博甘旨以養母性沉靜

七十二峰  
足徵集

東山  
許氏合編

卷六十二  
十四

少言不妄交與爲詩取法韋劉而得其淡遠爲文  
取法蘇柳而得其雋潔舉世之雕繪滿眼者弗逮  
也遇異書無力購買輒詣借抄手皴指瘃未嘗厭  
倦晚年佗係益借詩以自遣嘗暑月訪友解衣掛  
臂偶得佳句循途哦咏入門欲揖衣已遺矣其高  
致如此生平有許子詩存文存兩刻

秋蘭和陶榮木二章

猗猗秋蘭清芬在茲如瞻高士愛且敬之維王者  
香嗟不逢時援琴寫操鬱乎中而

紫莖亭亭托榮於根芬華雖茂雅素終存悠然庭  
畔殊彼當門願言朝夕臭味斯敦

和陶雜詩

容貌有零落志氣無衰老貞素貞一淪貴賤詎常  
保畏影當息陰惡濕必居燥仰視頭上霜努力苦  
不早齷齪百歲中未得盈懷抱磻溪與首陽隱現  
各有道

憂來忽無端百慮頓攢迫撚髭復長嘯愚智同邱  
陌汲汲爾胡爲黥焉倏成白牀頭蓄新醪常恨飲

七十二峰  
足徵集

東山  
許氏合編

卷六十二  
十五

爲我宅  
量窄今宵月正圓墻東過佳客一酌兩頰然乾坤

風從西北至枕席蚤已涼懷人不可見落月在屋  
梁黃花媚籬側玄鳥翔故鄉中庭有嘉樹葉上露  
微霜悵悵未云極晝短夜復長

和止酒

鄙人量淺窄遇飲先欲止竊怪耽飲徒生死麴蘖  
裡醉中歌八仙竹林稱七子禮法既虛設曠放自  
相喜浮俗爭慕之品目因而起呶呌不知非乃云

有妙理先師戒及亂搏節誠在已沈酒雖一身百  
事實隳矣縱情豈有涯滿腹苦無埃童毀垂抑篇  
取鑒信千祀

秋日山樓和郭主簿

輕颺擊高柯零露改炎節憑囁百尺樓天氣澄以  
澈清芬何處來隨風自續絕桂樹三兩株偃仰窻  
外列籬側繞佳英無乃傲霜傑幽契轉已深塵趣  
行可訣須臾斷山口冉冉生素月

夜歸

七十二峰  
足徵集

東山  
許氏合編

卷六十二  
十六

孤舟隨明月沿洄溯流光銀漢何清澄浩露沾衣  
袂迴颺動高樹野鳥栖復翔渚田通隱約巒岫分  
微茫遙辨雞犬音始覺逼近鄉憺然萬感寂乃悟  
人生忙

凌霄花

修藤倚高樹綠葉垂黃花溥溥浥朝露灼灼明鮮  
霞置身百尺上意氣殊騰拏雖非歲寒姿耳目暫  
得誇俯視籬下卉鬱鬱無光華體質本菲弱所托  
乃可嘉蘭芷不得地反遜蓬與麻鴻鵠囚樊籠未

若雀與鴉對花且命酒好景勿令賒

食豆謠

蠶浴豆始生蚕繭豆亦老箔上蠶正眠田中豆方  
好多謝隣家翁筠籠饋清曉香鮮碧玉勻軟潤春  
酥小年來飢饉仍道路多餓殍肉食匪所安茹菽  
豈枯槁漸余藜藿腸相對欣一飽楊惲南山歌憤  
懣寄懷抱燃萁詠陳思情迫喻固巧余非二子儔  
口腹事潦倒安得半頃田頻年無旱澇離離翠莢  
垂攜鉏自耘草

七十二峰  
足徵集

東山  
許氏合編

卷六十二  
十七

施孝子 有序

孝子名岳號敬山本邱姓濟寧人幼孤值  
歲變母子不能活吳客施姓者攜歸洞庭  
因蒙其姓及長習木工自食居恆忽忽孺  
慕枕席時見涕淚痕每傭作于人視其直  
稍有所贏必謹畜焉竊自計使我有三月  
糧當不終爲無母人矣天啓中間行求訪  
流寇梗道而返鼎革後累糧再往井廬非  
舊物色無從康熙丙午復禱神額祖誓此

行不能見母無以視息中途淮水驛發幾  
葬魚腹曲詢窮詎面鰲骨出一日借稚兒  
同憇道左偶與共語言及某莊有媪耄而  
且康常念一子流離異方未審存沒孝子  
心動問道所由亟往啓戶儼如而母子不  
相識也踰而自陳猶憶孩時母方炊餅兒  
倉皇取食湯火成癰伸掌宛然相持號慟  
夢耶真耶恍疑再世孝子於是遍謝其隣  
挽車導母來歸洞庭愉愉色養不知有疇

七十二峰  
足徵集

東山  
許氏合編

卷六十二  
十八

昔之顛連瑣尾焉者於戲媪今年已八袞  
而敬山亦且周甲使爲子者孝衰於妻子  
而不克全其孺慕則媪也終身有子而無  
子使爲母者春秋不永則敬山縱竭心嘔  
血將徒懷風木之痛終身有母而無母今  
一旦高堂皓首含飴弄孫豈偶然哉欽歎  
高風樂宣筆墨

皇天昔降喪灾禍瀾中原昨猶嬉膝下今忽隨輪  
轅哀哉生別離涕泗徒潺湲

南北各異縣綿邈隔山川母如層霄月兒如地底  
泉清輝縱長好安能照重淵  
兒今復有兒母兒豈空桑牽纏戲我側百結迴我  
腸驅車曷皇旦星言獨嚴裝  
閔河殊跋涉敢畏道路長行行越寒暑漸已近故  
鄉故鄉雖云近井邑多滄桑

舉目無一親諏諮多苦辛惆悵道旁子告語良有  
因至誠即冥感誰謂匪鬼神

歡極又成悲洒泪前相持母髮皓如雪兒亦霜染

七十二峰  
足徵集

東山  
許氏合編

卷六十二  
十九

髭桑梓久零落願母無淹遲

逶迤歷原隰母騎兒步隨揚帆順江流舟楫仍猶  
夷生平閨閣中無乃倦趨馳

入門集家慶列序羅子孫再拜問安否仰觀慈顏

溫雖云菽水薄聊以娛朝昏

欣嘆動四隣相謂咸嗟咨壽昌昔辭祿千載令譽

垂賢哉施氏兒繩武非爾誰

顧烈女  
有序

烈女名季縈湖州府學生顧漢第四女也

生而端慧女紅之暇兼精筆墨字烏程縣  
學生張庭芝之子九彰彰韶齡苦志羸疾  
而卒女聞訃驚慟死以自矢有所親媼强  
慰之曰幸未至張門女哭且叱曰我生平  
用一器一席尚不欲妄更况此身乎未幾  
顧有太母之喪張翁訂期設奠女是日飭  
裝若有所待翁至即好語給女伴出觀翁  
方捧爵靈几女已絕縵高閣矣檢其遺篋  
有絕命三詞句云憔悴綠窓人事改寂寥

七十二峰  
足徵集

東山  
許氏合編

卷六十二  
二十

簾外竹聲清又爐烟夜半香魂斷月魄沉  
餘玉色輕字字悽惋讀者咸歛歔太息殮  
之日弔奠者數百人兩翁遂議合葬以成  
其志嗚呼從容就義鬚眉大夫指不多屈  
况香閨一弱女子乎是豈一家一邑之榮  
實有關於名教者大矣賦詩以章其事庶  
輜軒之使得而採焉女殉節時年十有八  
歲康熙九年三月上巳日也

為魚願比目為禽願雙飛一身許夫子皓首期相

依名門生淑婉年色正芳菲女紅夙所嫻清風動  
房闈天桃未成咏瓊樹遽已萎松柏摧根株萬蘿  
安用施微軀亦自惜微志焉可違夫柩不獲憑夫  
穴諒可隨中夜紉衣裳魂魄同于歸素月照高堂  
驚飈捲空幃尋常慎筆墨洒血留哀辭辭短意何  
長促節含酸悲我觀史冊間彤管咸昭垂或為篤  
恩誼或為迫艱危乃今可無死胡反甘如飴死義  
非死情冰霜凜崔巍嗚呼顧季繁巾幗生光輝

望仙謠

七十二峰  
足徵集

東山  
許氏合編

卷六十二  
二十一

雲光縹緲浮晴空蘭旌蕙帔停雲中青鸞白鳳聲  
嚶嚶去來恂恂聞香風俛視下土真醯蠃瑤華一  
闕霜華赤十二金盞曉天濕雙鳬飛飛不可即弱  
水茫茫絕舟楫十洲烟霧凝遙碧

桐軒鼓琴歌

孤桐十丈無孫枝焦尾七尺冰為絲高軒夜敞寂  
寒時冷雲逗月凝階墀月飛桐影兩離離石邊拂  
軫鳴幽思初絃振振調華宮心胸夷懌神冲融轉  
作清高頓淒促瀟瀟風雨來長空楚客魂迷不待

招潛蛟起立湖波中  
當年中散已游仙  
指法于今久不傳  
知君妙得古人意  
流水高山在目前

翠峰寺

數里入空翠  
山風吹袂涼  
石泉落幽響  
松柏聞妙香  
一綫豁波浪  
四顧圍青蒼  
古殿合荒薺  
岩花能自芳

至微令兄園

同是山中住  
兄爲圃自深  
亭幽花作幔  
巷曲竹聯陰  
一榻眠峰影  
雙扉扃鳥音  
到能生靜想  
莫怪屢

七十二峰  
足徵集

東山  
許氏合編

卷六十二  
二十二

過尋

返棹訪履上人

湖上傳清梵  
維舟訪遠公  
行行苔徑滑  
隱隱寺門紅  
老樹斜陽外  
寒山落葉中  
冥然相對處  
心境得雙空

送梅上人

杖錫仍飛去  
孤雲不可尋  
閒心隨野鶴  
幽思託鳴琴  
堤畔草方綠  
山中春已深  
黯然分手處  
湖上起層陰

嘗新

今秋蛙入竈  
去夏井飛塵  
迴念前脰胝  
難逢此薦新  
香粘磁碗潤  
光瑩浦珠勻  
一食仍三歎  
隣多竭腹民

晚行

宵然天水合  
明月逐舟行  
草冷蟲啼切  
城嚴角語清  
寂寥追往事  
漂泊感浮生  
差喜江湖靜  
篙師不戒程

秋夜懷山中故人

七十二峰  
足徵集

東山  
許氏合編

卷六十二  
二十三

涼深更漸永  
孤館一燈青  
風雨滿天地  
草蟲鳴戶庭  
神昏書易忘  
愁劇夢無靈  
吾友家山近  
蒼葭白露汀

秋懷

草根無數亂蟲鳴  
霜髮朝來又幾莖  
連日雨多溪水白  
一天月好竹風清  
雁歸燕別經年事  
暑退涼生隔夜情  
砧杵家家聲正切  
朝廷何日議銷兵

白登

當年隆準困重城  
十萬霜笳一夜鳴  
烽燧有烟應

絕援將軍無劒請橫行  
閼氏解妬蛾眉色鐵甲旋  
回毳帳兵從此和戎傳  
妙策丈人天子可汗甥

厓山

山崩濤立四天昏  
片片帆檣下海門  
颶有機緣應共覆地無乾  
淨可圖存龍亡猶繫祥興  
號魚葬難招節義魂誰賦  
哀辭投水上至今清淚灑  
乾坤

留侯

眼底何曾有祖龍  
鐵椎如雷起沙中  
相韓五世讐終報輔漢兩  
番功已隆圯上受書黃石  
去山中辟

七十二峰  
足徵集

東山  
許氏合編

卷六十二  
二十四

穀赤松同淮陰夷族蕭何獄誰是冥冥天外鴻

閒居雜咏

從潘岳賦閒居一榻松風午夢餘  
才拙近惟思省事目昏猶自喜  
觀書東隣過雨朝分菊小圃衝  
烟晚灌蔬絲竹祇綠常在耳飛  
泉曲曲遶茅廬亭亭嘉樹立前  
除疎影遲遲碧蔭書作賦未能  
悲二鳥懷人時復寄雙魚寒輕  
小院飛花晚綠滿芳塘細雨餘  
卧看引雛簾外燕喃喃學語翻  
初飛垂垂弱柳曳輕烟芳草蒙  
茸小徑連閒倚竹窓看

哺鳥旋敲石火煮新泉浮名身外蝸爭角微祿人

間蟻慕羶且喜柴門終日閑淡雲疎雨暮春天

兵戈滿地戰爭初幸有青山可結廬甕蓄齏鹽滋

味足身兼貧病世緣疎每尋深樹欣聽鳥久坐澄

潭樂玩魚俛仰數椽如廣廈幽花珍藥滿前除

健即看書倦即眠興來小咏又成篇卷舒得與閒

雲共寵辱渾如大夢還窓下濤生茶竈沸湖邊鼓

響網魚鮮比年農夫爲隣慣見說繇繁懶種田

曲徑頽垣覆薜蘿栖遲寧得歎蹉跎百年自合漁

七十二峰  
足徵集

東山  
許氏合編

卷六十二  
二十五

樵老四海誰知戰伐多讒語昔曾成市虎康衢今

忽變鯨波軒前一榻當山設卧看閒雲出磻阿

髡頂枯髯似老僧青鞵白袷映烏藤行多躑躅憐

痛馬氣乏飛揚媿飽鷹逢好賓朋欣靜對得佳山

水愛閒登苦吟使酒當時事衰病而今已不能

山蕨湖蓴味有餘寧將馮鉞換田魚妻知貧樂能

思儉子爲飢驅任學疎放眼烟巒新得句依窓筆

硯便鈔書桑麻滿地連雞犬何處桃源更卜居

人日咏雪

堯英初七英獻歲儼三冬風勢聽逾猛雲光望  
同瀟瀟零霰集冉冉素華濃密灑炊烟濕低漫  
影空飄飄綠遂幕故故入雕櫳彩勝裁刀脆香簾  
點額融細鋪紅掛練瑒琢玉成宮餓兒蹲虛穴哀  
鴻叫斷叢星河移牖外瑤島立庭中孤嶼絲竿冷  
芳閣絮句工綴梅花滿密壓竹葉瓏恣高士窮廬  
卧山溪短棹通悲嘶憐伏檻浪走詫頑童白誤窗  
鷄警紅搖炭獸烘詞稱梁苑客詩憶灞橋翁莫辨  
浮屠頂微聞蘭若鐘鼎羹希劑和巒岫擬龍從黯  
足徵集

七十二峰

東山  
許氏合編

卷六十二  
二十六

淡乾坤色局藏日月蹤凝陰弭毒害盈尺兆年豐  
觸暖消仍易因高積漸崇然灰寧復熱化粉未須  
春極目真堪畫搜腸每媿瀟吟成聊自遣難寄草  
堂筒

上陳幼木先生

學業推宗主文章出鉅公英聲飛闕下雅望重江  
東威鳳苞呈彩雲鵬翼振風道高心益小才滿志  
彌冲斗嶽瞻韓愈生徒識馬融群才欣教養一德  
仰幷懔澄水環池碧高堂捲幄紅松筠朝氣爽

宿夜盤空引領官墻峻樞衣階級崇尚如囊處類  
孰信爨猶桐河飲真鼯鼠書藏類蠹虫肝腸思浣  
雪意氣欲干虹久任嵇康懶奚悲阮路窮參苓藥  
裹脩桃李院庭叢曷以酬明德微躬努力中

山居和吳不官韻

矮籬曲折到人家門讓溪流小帶斜清早上山尋  
藥去一庭寒雀啄梅花

舟行口占

小麥垂青豆莢稀岸花開遍野薔薇輕撓曲曲隨

足徵集

東山  
許氏合編

卷六十二  
二十七

溪轉卧看晴雲出翠微

姚國師道場

難歸來壯志消誅茅還向此山腰扶持皇叔原  
多事斷瓦殘碑又一朝

七十二峰卷六十二

終

七十二峰足徵集卷六十三

武峰吳定璋友篁菟錄

安定席 芬誦先編訂

翁志琦

先生字式金號琢山榜姓余席元齋甥也天賦異才文章舉筆立就句多奇警弱冠應童子試許時庵先生督學南畿三次識拔補吳江縣諸生一時知名之士咸願與結讌其後文益高機愈熟風簷奏藝賈其餘勇輒能沾溉多人然數奇聞中僂得

七十二峰足徵集

東山翁氏合編

卷六十三

復失者屢次康熙丁酉中副榜第一候選復設訓導未授卒年七十歲生平遊歷燕齊楚閩喜結交重然諾酷似其舅作詩不名一家而教人學詩則專以少陵爲準繩而詩外尋工夫一語尤爲示予秘密藏也所著有蝸廬詩存七卷

擬古

悠悠復悠悠與君別幾時碧梧暗綺疏驚風辭故枝萬里遙相望邂逅安可期參商互出沒一世長相離相離難自保昔別原草草形勢迫倉皇豈薄

夙昔好在再歲月遷歸期莫虛禱棄絕復何疑願惜塵顏老

斜陽帶歸鴻隔岸集衰柳高樓是誰家洗粧倚少婦寄目天一涯避人不回首夫婿去何處冰心累苦守尋常簾不鉤孰見纖纖手

嚴霜不改柯激水不轉石所思獨何心忍作萍梗客結昏曾幾時綢繆方永夕驅馬問長安冠蓋侈赫奕富貴良可圖執熱防手炙巍巍七貴門隱隱五侯宅紅塵十丈餘對面迷咫尺膠漆足歡娛痛

七十二峰足徵集

東山翁氏合編

卷六十三

君輕棄擲

十酒置高晏絲竹競新聲珠簾花影轉三五月正明焦桐重拂拭知音欽令名夜半揚鞭去冰絃彈未成至今掛空壁錦囊塵暗生丈夫貴特達心輕萬里行封侯急努力莫問兒女情

我有一端綺織成相思字出入懷袖中因風欲遠寄忽枉天外書開緘餘涕淚同心有如此何敢怨異地

反班婕妤怨歌行

團扇復團扇皎皎白於雪永晝引清颼良宵延素  
月珍重置箱奩尋常不輕發薄俗區故新君子貞  
涼熱團扇勿復疑誰謂恩義絕

和李長吉難忘曲

涼蟾透疎櫺脉脉手雙戟遙想合歡牀芙蓉好顏  
色故情比蘼蕪濡露淒以碧寄淚晚粧鏡難忘是  
今夕

結客歎

士為知己用握手出肝膽肝膽舉似誰未有知己

七十二峯

東山  
翁氏合編

卷六十三

感茫茫宇宙間大率盡一覽所以輕許人微軀尚  
不敢

夷門有長者屠狗以為侶緩急感知遇鐵椎手肯  
舉古人重結交如此乃吾與嘆息行路心悠悠獨  
如許

過采石磯

才人數偏奇竟使蛟龍得有淚不輕灑望古未相  
識今過采石磯幽憤滿胸臆騎鯨去何處徒滋聞  
者惑山高日影寒江濶雲氣黑夜深明月下猶思

見顏色

遊赤壁

黃州城西隅參差見樓閣遠尋赤壁游薄暮征帆  
落紆迴歷危磴心急脚力弱鼓勇凌其巔頓忘身  
所托虛堂前後賦景物應似昨如何未千載勝槩  
成蕭索髯公玉京客狂呼如可作我欲與之語一  
笑視寥廓

由長沙舟行至衡山縣

揚舲發長沙城郭遞隱現大江東南流奔瀉疾如

七十二峯

東山  
翁氏合編

卷六十三

箭舟行多回互力盡逆風牽所喜朝復昏物態隨  
時變懸崖積鐵立仰看勢壑面亂山草蒙茸樵徑  
露一綫應接方未暇風帆忽旋轉沙鳥性可馴蓼  
花色如茜左右顧盼急祇覺兩目眩客愁為掃除  
佳境實眷戀五日三百程令人意忘倦遙遙峙孤  
城笑指衡山縣

衡山道中

曉起登筇輿萬山開烟景迤邐歷平岡嶙峋度高  
嶺山深林舍稀路僻雞犬靜中途憇松間布地蕭

蕭影對此長嘆息寸心自耿耿翠峰三里松神往  
造幽境予家洞庭有翠峰松徑為八景之一誰遣名利驅倦馬安思騁應  
慚遺世士寂寞卧箕頽何當欽高風遯跡空山冷

白龍澗

泉聲駭奔騰尋源度高阜亂石布山椒縱橫雜怪  
醜急湍如白龍勢挾怒濤吼臨崖多澀縮足軟怯  
回首愛此清且淪無計掬盈斗携歸注滿甕甘美  
勝於酒

水簾洞

七十二峯  
足徵集  
東山  
翁氏合編  
卷六十三  
五  
遙岑掛飛泉一望勢何橫涉險耐崎嶇奮勇欲輕  
命力竭探洞天滿目珠光迸廣可一丈餘玲瓏復  
明淨敢笑畫堂前湘簾徒掩映何如造化妙水石  
互相競大觀費巧構對此萬事屏坐久日沉西澹  
然愜素性

祝融峰為衡山絕頂未獲一登感賦此詩

南嶽接楚天祝融在天外憑高試遠眺衆峰成莒  
蔡日出湧金鉅江流束玉帶下界見晴巒上方護  
陰靄白晝時昏黃風雨暗靈旆乃知無人境常有

百神會嗟余未往游極目徒寄慨游人自山歸奇  
景尤善繪神飛最高峰默然靜萬籟返視究塵埋  
一念別明昧秋高病骨蕪心真身亦泰誓當酬夙  
志放眼宇宙大

和杜堯邨三首

仲蔚舊柴門春深草鋪地三年夢頻歸千里人忽  
至剝啄童稚迎塵眼擎雙淚浪遊棄骨肉壯懷幾  
曾遂晚食列盤飧停箸還歔歔俯仰今昔間疲分  
誰得寐

七十二峯  
足徵集  
東山  
翁氏合編  
卷六十三  
六

侵曉攬明鏡面目寡生趣丈夫志四方私計揚鞭  
去盛壯不再來勲名宜早樹道路困羊腸飄蓬亦  
足慮低頭腹轉輪吞聲淚偷注恐驚堂上人有子  
傷遲暮

掩扉且斂跡世緣息紛爭遠歸畏問訊故舊謝班  
荆悲吟送暇日背手繞柱行冰心淡榮辱頗覺徹  
底清東籬有菊采北郭無田耕艱難愁寒憂辛苦  
念遠征命塞邁閭閻去住不定情何以寫幽抱孤  
琴膝上橫

友篁以詩稿屬余訂定聊述數言以効一得  
詩道本難言欲言人人殊感子意良厚聊爲陳我  
愚風雅絕遺響漢魏成坦途窺尋挾其髓群言皆  
皮膚旁及李唐下漁獵非可拘一長誰不擅陶鑄  
歸洪爐師承有本末氣味與之俱恃才徒妄作莽  
莽生荆蕪用意貴不苟立說在不誣人云我亦云  
於義還云何子才妙清新庾鮑堪爲徒一言勗精  
進詩外尋工夫

錄近詩訖東友篁聖謨

七十二峯

東山  
翁氏合編

卷六十三

我愛讀杜詩寢食恒於斯作者間世出公平實我  
師江陵元士曹流傳表墓詩推崇繼風雅卓識非  
阿私其論作詩法尤在不安爲流連逐光景美刺  
曾何裨鄙夫迂愚見常恐世俗嗤今茲得徵信洗  
然不復疑所恨才薄劣猶難涉樊籬橫空排硬語  
粗率時有之竊於比興體蠡測亦管窺下筆少干  
預雕飾顏忸怩抱此硜硜志詩流孰相知遙憐供  
吐棄他日堪覆瓿兩賢忝同好浣花結夢思苦心  
必深造鍼灸定不欺未敢辭氣索特以謁大巫勿

爲謬獎許封已豈所期

齒落和韓昌黎

我年踰強仕脫落已四齒一齒近動搖不落勢不  
已齒落何足惜落盡亦應止獨憐衰老端對客殊  
可耻身名未成立豈得草草死盛壯駒隙過其咎  
實在已世人熱炙手我心冷於水迂疎多齟齬棄  
捐誰數比窮愁無好懷煎熬略相似蒲柳望秋凋  
嗚呼竟老矣浮生甲子週奢望餘兩紀已苦來無  
多何堪細屈指感此齒之落餘存總難恃想見落  
一空銷磨亦只爾有耳未重聽有目未短視視聽  
苟不衰轉憂反成喜無齒妨食物吞燕同甘美功  
名收桑榆且用慰妻子

漳州寄友篁

人生若飄蓬隨風各南北子先登長途我亦去故  
國開州賢主人相見歡相得準比擁生徒捉刀借  
翰墨旅懷當愜適略可以意測新詩咏停雲曾否  
辱記憶我來瘴海邊舊好亦不忒設醴禮分崇荔  
枝快飽食祇覺閒無事素餐有媿色讀律非不能

七十二峯

東山  
翁氏合編

卷六十三

奈非我輩職悶理叢殘業風雅頗肆力杜詩細抄  
撮硬句愛奇特陳子寄一言管見不敢匿他時還  
取觀折衷待卓識鵬飛志翱翔去以六月息銜齋  
滯孤踪樊籠仍委異高堂念垂白倚閭淚痕拭疲  
夢輒見之覺來心惻惻遠遊豈所樂實惟菽水逼  
歸興已浩然免使吧空陟炎歊畏長征聊用忍簡  
默晝永半眠坐消磨五十刻秋爽易轉瞬還轅謝  
異域子歸卜何時川原渺無極迢迢三千里幸不  
憂梗塞明年春水生淮濟如弦直輕船須定省莫  
七十二峯

足徵集

東山  
翁氏合編

卷六十三  
九

貢柑行用杜病橘韻

柑名不一種產此亦奚為物希競珍貴誇美同交  
梨玉食豈貴備職貢沿其宜裂牙餘甘味香氣或  
以皮每當霜落初按戶空繁枝承筐促馳驛常畏  
風日吹亞歲備裸獻丹黃羅奇姿詎真上帝欲用  
藉俎豆輝夏燠結實小輸將恐後時輟撻等催科  
辛苦煩有司苛聞軫民累尚方罷荔枝誰為繼入

告永免誅求悲

和歐陽公班班林間鳩示內子

班班林間鳩鸞鳳非爾匹托身在山谷幸勿憂相  
失齊聲喚陰雨同調呼晴日此侶而彼和亦自應  
呂律人生稻粱謀安棲腹須實勢迫各分飛無以  
為家室越鳥依壯風我勞子不佚回首三十年辛  
勤正非一歷歷數征途飢驅受鞭挾渾如未泊舟  
駭浪中夜颶累子屢播遷何計出沉沒安穩茅三  
間庶免俗詬嫉自茲矢黽勉靜好御琴瑟伏憂豈

七十二峯

東山  
翁氏合編

卷六十三  
十

懷安歲月去忽忽中年痛無子笑獨撫我姪慰藉  
情有加感嘆淚欲溢高堂戀慈母甘旨未備物空  
困慳玉粒况遭鼠聲取我時輒仰屋午膳辦嗟咄  
檢子舊箱匱裙釵傾倒畢艱危釀沉疴卧牀廢盥  
櫛湯藥煩調護積憂亦成疾蘋蘩托婦順所欠孫  
遶膝天又奪之去飛蓬首不髻淒涼兩人影相顧  
徒壹鬱准擬候春和標梅叶迨吉新人拜堂前苦  
語勿輕述家事付仔肩閒身許我乞我生賦命薄  
骨肉誰見卹惟恐隋家聲念之每股慄隻手費支

撐端賴子輔弼四時并八節有禮還秩秩衰年閑  
門坐小窓弄詩筆叢殘堆滿案丹黃塗甲乙才不  
為世用稽古司褒劾毫釐得失間一字嚴斧鑕自  
謂擅微權樂事破啾唧以此消晝永安我微賤質  
子性素靜默空房閤幽密萬事如空花死生絕怖  
怵問心一無媿驚嶺返可必他生償夙願我貴子  
佩紱皆鸞鳳鳴例為明時出林鳩且息羽相將  
守蓬華

外孫信兒至

七十二峯

東山

翁氏合編

卷六十一

七年依我住晨夕不暫離三月不得見惓惓繫我  
思歡呼入門來一笑舒雙眉登我所坐榻弄我所  
吟詩我吟三十載苦心實在茲名山傳絕業回首  
當付誰數篇乞記誦授之復何私他時曉人事應  
識此言悲

田家語用梅聖俞韻

太湖設兵防護者憂未足兵添官亦添山村地頗  
促扼要何所取相度依厦屋港深路紆迴蟻旋轉  
芻粟緬思舊防兵選擇乃登錄巡湖久曠廢曷貴

負弓韞道遙恣盜橫曾不警鞭朴倘令踵前弊添  
兵亦名目建牙遠湖濱劫舟那聞哭內地雜民居  
牧馬擾耕犢焚田田數頃歲入充饘粥自茲苦蹂  
躪驅死溝壑速謀事須竭忠伊誰食君祿豈有防  
湖兵置之在山谷

夢遊依綠園東友簞用東坡李氏園韻

昨宵過名園入門一叢竹迤邐轉迴廊徑造讀書  
屋花閒石並逸窈窕疑盤谷抱膝坐移時悅耳亦  
娛目佳卉頗多種好鳥不一族迎風若促舞噪晴

七十二峯

東山

翁氏合編

卷六十二

如度曲茲園師題額即景曰依綠虞山陶師所題吾輩時從  
游高騫志鴻鵠存歿痛隔世回首歲月盛後賢得  
吾子藏脩抱影獨撫枕驚夢醒猶若見喬木虛堂  
臨廣池活水容萬斛垂竿昔嬉戲中有魴鯉蓄其  
南跨略約欄楯守野鷺升高蓋飛霞亭名秋老巖桂  
散童心折插帽香氣青髯撲境盡架小閣展眺俯  
平陸高柳蔭簷端亦既枝條禿歷歷在我眼似為  
我卜築一住四五年忘形爾父叔風月洗樽罍朝  
夕供餽粥故情等骨肉月振觸欲慟哭生者老漸

令死先尊者身莫贖人空餘獨夜魂循繞山之麓每  
懷訪戴念病苦劍韜韜倦步限脩途無舟又無轂  
誰為費長房妙術使地縮及茲夏景深池荷雨新  
沐逝將鼓清興與子良會卜臺榭幸依然曩遊恣  
追逐

織錦詞次溫飛卿韻

寒夜機絲拋錦瑟散花巧樣心縷出水紋暖護彩  
鴛眠雌雄交頸雙雙匹停梭掩淚忽傷心人事乖  
違感物深離鸞別鶴易失偶賸儲哀怨傳幽琴長  
七十二峯  
足徵集  
東山  
翁氏合編  
卷六十三  
十三  
情灰冷擁繡被劈破兩當人萬里縱然錦段織還  
成何處因風寄蕩子

惜春詞和溫飛卿

殘花帶淚愁無語芳姿斷送蕙纖雨朝來小閣捲  
簾看賸有垂楊千萬縷垂楊莫便逞妖嬈拂水臨  
池影動搖落盡殘紅又飛絮天涯芳草綠迢迢

春愁曲和溫飛卿

花明柳暗空房冷消息天涯成斷綆羞將憔悴對  
東風簾底避人窺瘦影睡思膏騰春晝重蕩子無

心來入夢錦衾反側淚沈瀾枕函壓函金釵鳳欠  
伸強起眉倦揚篆烟初燼日方長惱殺綠窗風啓  
露鴛鴦兩兩泛池塘

夜晏謠次溫飛卿

新粧髮髻盤蜻蜓金釵十二圍雲屏虎鬚手捋主  
高坐長鯨瀉酒勢建瓴釀王自署醉無節嬌絲脆  
竹翻白雪是鄉足老殉溫柔不解人生有離別香  
濃寶鼎駐春殘燭焰華燈欺夜寒參差喝盞狂未  
歇玉輪直隕相風竿隔牆誰許偷仙曲况復衝筵  
七十二峯  
足徵集  
東山  
翁氏合編  
卷六十三  
十四  
巧醺醺花遮門戶柳遮樓腸斷曉風空佇目

日高次李義山韻

細帷斜露雲錦袍葯房靜掩金蟬鎖昨宵被酒侍  
荆王夢遠巫山高駭駭無情百舌絮訴哀迷離秋  
水風吹開乍迴香頸繡檀望翔陽卻照果愚上

和張籍古釵嘆

古釵爛斑好顏色百兩黃金折猶得簪向高冠作  
羽儀可惜樸拙難逢時粧臺棄置祕篋衍膏沐黯  
淡無光輝回思督井久摧折待用不用虛歲月豫

樟老死深山中不逢匠石將毋同

酒狂歌贈楊漁山用舅氏鐵筆行韻

人生不得酒盈斛瀕死何須金滿籠得錢沽酒未  
是癡千載高陽真面目每見君從華屋游口如懸  
河氣吞牛使酒罵坐衆皆怵指陳當世敢捫蝨擎  
杯客喚頭不回一石笑口臣能開主人投轄稱解  
事怒叱街鼓聲相催有時索居夜寂靜月白風清  
觸佳景邨醪市釀膏典衣燈下傳空勸孤影朝飧  
羞問米價高但問有酒足自豪東隣富家既齷齪

七十二峯

東山  
翁氏合編

卷六十三  
十五

西隣達官亦腥臊如君高致誠寡偶眼底曾有幾  
人否興來得句屑珠璣醉後揮毫狀蝌蚪予雖小  
戶頗嗜酒痛飲猶能作雷吼願從荷插畫圖中白  
骨空山誰不朽

漁山寫荷  
棟小影

苦旱行用錢塘吳志行韻

皇帝御宇正三辰餘火枝金次丙申一龍治水勢  
孤立元旦為  
壬辰日驕陽肆焰踰決旬漳南匪遠瀕大海海  
氣決滌雲鱗鱗乖龍蟄處似可問喚起其奈無通  
津四郊黎首恐失業向晚卓立還自晨甘霖望

力難致乘耒陌上徒逡巡食為民天民邦本勤民

職係守土臣昨者牒投冥府主幽明分理非瀆陳  
事無響應捷如此民愚蒿目龍江潯豈惜人力補  
造化桔槔圓轉排車輪塘坳龜坼盡焦土運車邨  
得聲麟麟竊謂上帝極仁愛群生樂育荷化鈞况  
有賢宰倍軫恤散衙默坐眉常顰齋心屠沽嚴禁  
飭肥甘幾見私沾唇賓館方嗤戲彈缺牀頭蜀燒  
快飲醇周子以火酒入  
藥每夕飲此胡為膏澤不下逮忍使蒼赤罹

七十二峯

東山  
翁氏合編

卷六十三  
十六

笑意轉拙老大稷契愚許身亦從當事共嘆息目  
擊慘惻民遭迍鞭巫暴疋有何濟搔首問天天可  
嗔願駕大海探龍窟披鱗手把垂龍馭驅龍立起  
為行雨羈懷鬱勃庶一伸頓使漳南變樂土沃野  
千里良苗新更聞輦轂亦亢旱哀嗷不獨東南民  
鮮衣怒馬公卿盛編戶却有什九貧平時米價本  
高貴一斛奚啻錢一緡群工禱祀習泄泄直將  
宵旰貽一人近奉 詔自被切責在位何得多因  
循從來民困最足患珠比粒米桂比薪化僞倘非

早為所挺而走險成黃巾西山迤邐接邊鄙潼關  
以外白草鄰 天子尤念荷戈士斯時觸熱堪悲  
辛萬幾一日周廟算震怒亦倭憂勤頻事見我并  
語龍爾莫懶重以正命敢不遵風伯前導雲師逐  
蜿蜒天矯騰高受鱗甲原藏萬斛水借取一滴便  
有因始自南荒暨朔服滂沱要使八表均為霖妙  
手蚤舒展全憑回轡世運屯勿云未得風雲便漫  
隨魚鼈卧海濱遙空宛睹龍奮躍晴光激射潛青  
燐上原下隰雨沾足萬里有脚馳陽春

七十二峯

東山  
翁氏合編

卷十三  
十七

月夜用吳志行上元大雪韻

長門咫尺隔萬里美人賦命薄於紙羿妻竊藥奔  
上天廣寒願守蟾蜍死銀河烏鵲罷填橋風細轂  
紋吹不起織女同心嘆七襄駕機血染纖纖指人  
間天上總傷心誤坐明眸與皓齒參旗漸轉孤影  
沉羞說焚香擁繡被

道逢行

道逢苦啼小兒女驅向誰家寧失所女癡哀乞緩  
須火父母鬻錢那肯許我聞疾走心暗悲却恨囊

空難救汝漸遠帝聲慘未休風飄絃管來何處

答女口號

左家嬌女稟夙慧把卷問爺欲學吟爺窮正坐耽  
吟誤爾吟不知尚苦心況不聞郝鍾禮法重大義  
婦德何嘗在識字

七月十九日

七月十九是何日曉起忽忽心旌懸先子下世不  
忍憶夢魂若失已十年空堂繡帷多零落窀穸未  
得歸牛眠偷生天地芒負背蹉跎人事絕可憐今

七十二峯

東山  
翁氏合編

卷十三  
十八

朝盡室哭改歲禮缺與祭親几筵安得奮飛伸一  
慟足繭城闔空泫然

舊藏端溪硯託聖謨覓售詩以副之用東坡

龍尾硯歌韻

鳳味龍尾世爭惜琉璃裝匣等拱壁赤文綠字揮  
灑成擲地鏗鏘響金石我藏敝硯閱歲時磨礪不  
吐幼婦辭才分工拙信天賦落筆豈關硯所知寶  
泓枯涸久蒙垢一室長物夫何有棄置難邀九錫  
封用非名手誰傳後隄糜偶試起層雲沉碧晶瑩

絕點塵居默虛中可觀德驅使還須奇俊人憑將  
子墨請決擇陸海潘江隨指畫我自才華老就衰  
物因人貴天淵別

閒中靜坐追憶灘行之險補題此詩用綿津  
集舟過彭蠡湖韻

南來諸山矗石筍山脚狼籍抽龍孫激湍旋繞莫  
可狀彌陀菡萏尤稱尊自落三板浦城發乘危幾  
震搖心魂盤渦舟壓躍馬過劃若天地俱崩奔竭  
來建寧更險絕石柱林立標龍門上刻彌陀徑尺

七十二峯

東山  
翁氏合編

卷十三  
十九

字遙矚不沒蒼苔痕長年鐵鑄色亦變有紙船鐵毫  
稍公之號

苦巧避群鴟蹲蓬窗堅坐心膽落忍飢卻飯忘朝  
昏行行菡萏又在目如涉大海觸崑崙犯險屢矣  
惜遺體空中那得來飛軒昔聞崎嶇頃目擊行路  
之難誰與論累日作惡廢吟詠蕭蕭短髯霜華繁  
至今回首悸成疾夢魂常見驚濤翻

眼暗自悼

廣陵旅舍三年餘初驚雲霧遮清廬楊雄謂腫  
為清廬長安  
達官奉箋奏挑燈難辨蠅頭書精力向衰日老醜

近來老態無不有齒牙缺落耳模糊只有張儀舌  
在口西窓剪燭愛蟲鐫眼暗奚啻三年前昔苦難  
書今難讀丈夫至此絕可憐君不見同學玉堂多  
視草青雲得意顏色好又不見後生捷足快逢時  
紛紛腦滿癡腸肥鄙夫屈首困場屋五十潦倒顛  
毛禿腕力雖雄不讓人風簷燭底愁雙目天平殘  
忍豈爾心願假稍遲衰邁侵萬一末路逢知音平  
生胸次吐寄欽便當老死入山林閉曉何妨爾所  
任

七十二峯

東山  
翁氏合編

卷十三  
二十

讀曹能始題石師巖長句次韻和之

昔聞道力虎受羈阿師至今何所之縱虎接跡擾  
城郭郭外人愁療虎飢頃來虎噬心竊駭馴虎阿  
師宛然在不類五陵年少弓腦滿腸肥鑿石趺坐  
弓具體而微豈知仁勇者當年即此石貌取定失  
神塵埃暗金碧噫我欲喚師重奮發象王威震天  
地抗虓虎之皮今而膏虎之骨城郭秋風靜夜月  
戶絕悲啼淚汨汨何妨功成拜手答天闕欽神高  
卧烟霞窟豈忍斯人困顛蹶爾聞不聞聽我吟但

見石如有靈笑口吐氣香秘辭

讀翁山詩集即用集中放歌行韻

君詩自許壑太白盛名流傳亦可惜方袍圓相走  
天涯豈願江湖號詩客丈夫龍蛇會有時寶劍出  
匣光遲遲智深勇沉別有托心事難許幽并兒歸  
從塞外理舊業詞壇且與名流接具區携棹記曾  
來當年誰識布衣俠可憐踪跡逐浮雲栖栖衰鳳  
求其群神仙荒誕昧衆目寄泪杜鵑哭故君貌為  
詩人奚不可能知君詩亦惟我青蓮之才浣花法

七十二事

東山  
翁氏合編

卷六十三  
二十一

俯視詩家笑螺贏

望嶽

岱宗忽在望幾度欲停鞭突兀低紅日嶙峋破碧  
天心飛飛鳥外目斷斷雲邊未遂登峰志胸懷亦  
曠然

開山道中夜行

屈指前途遠嚴裝去歷城長空懸月影古樹出風  
聲倉卒行人急崎嶇山路生欲投何處宿始覺怯  
宵征

雨夜

微雨滌煩暑宵來枕簟清最憐孤客醒偏對短檠  
明鄉思催人切名心閱世輕淚珠方寸落欲和滴  
簷聲

連夜夢歸故鄉醒後偶成

夢境原虛幻情真夢亦真身嘗為客苦心戀在家  
貧衣食憐嬌女憂勞慰老親不知閨閣裏曾否見  
歸人

觀劇

七十二事

東山  
翁氏合編

卷六十三  
二十二

絲竹何無賴當場欲惱人少年行樂地故國可憐  
春聚散事非偶悲歡話更新誰能待終曲風起落  
梁塵

瓶花

惟爾堪知我幽窓許暫親共尋閒處樂聊慰客中  
貧快意逢良友消魂當美人相看莫相厭容易送  
殘春

春夜用杜少陵客夜韻

春宵那肯短為問可還明鼠響昏燈影雞啼亂雨

聲長征心就道短計口謀生時欲西遊撫枕依然在空嗤  
輾轉情

揚州紅橋同止庵分得八庚

廿四橋何處茲橋獨擅名芳園皆負郭流水半圍  
城錦纜春風棹紅牙夜月聲瑯琊高會歇猶許續  
詩盟王阮亭先生有紅橋倡和詩

憶聖謨渡湖

風色雜陰晴思君放棹行天低萬頃濶雲斷一山  
橫帆落隨燈影人歸帶雁聲客心書並到歷歷見

七十二峯

東山翁氏合編

卷六十三

分明

蟲詩十章

元微之有七蟲詩凡二十有一章自以為備  
璣細之形狀而盡藥石之所宜錢牧齋讀譚  
梁生雕蟲賦三十七篇亦以為原本荀子請  
陳詭詩之意作蟲詩十二章以貽之然其間  
有三蟲者如蛔蜣穢濁不足吟咏米蟲耗蝕  
世所共知蜂能釀蜜猶堪利用予因削去惟  
蠹之為害最深而錢詩未及特為補入足成

十章各有指切不在徵實博洽意取明白曉  
暢庶使聞者足戒君子用心應如是爾

蠹

食字無聊賴何堪許作仙縹緲容占據細帙漫貪  
緣亥豕訛難辨烏焉信莫傳急須芸閣內驅遣遠

陳編

螢

托生依腐草輒敢刺天飛亂月隨金輦乘風坐玉  
衣流光繞咫尺燭物正依稀莫道燃藜閣抽書擬

七十二峯

東山翁氏合編

卷六十三

借輝

蜘蛛

吐絲知扼要周匝爾多才不放重圍出寧教一面  
開觸來殃在睫著露毒盈胎跼蹐乾坤內微生盡  
可哀

蟋蟀

金秋應肅殺振羽發聲長選將窮頑瓦微兵出敗  
墻賈似道賦選蟲如選將養蟲如養兵可憐憑口捷輒敢鬪身強烽火裏

陽急終成一哄堂

水心洲夜泊和田華容韻

葭菼春方盛蕭蕭響一洲孤燈愁作伴冷枕夢為仇  
蓬濕漬殘雨崖崩瀉急流深宵誰耐此寂寞宿江頭

蘆軒老伯偶過東山敬呈三十二韻

吾族隨南渡華宗自大梁吳山遺澤淺越水孕靈長  
地著光延宅風高道政坊一門成獨貴五世卜其昌  
碩望標臺閣清班列廟廊承恩簪彩筆循例佩青囊  
風士過三水掄才出五羊六經資羽翼八

七十二峯

東山翁氏合編

卷六十五

代起文章俎豆留荒徼琴書返故鄉閒尋石屋洞

重闢午橋莊東郭常開驛西園每舉觴賓朋追燕

笑絲竹寄徜徉秋老楓林緬霜柑橘柚黃滕遊期

汗漫盡舫問蒼茫風景鄉村改衰微門緒傷山園

久傾廢老輩半淪亡

謂心齋養濟詩也

地主逢迎寡郎君款

洽忙笙歌紛盛宴角觥佐歡場藝器呈清玩丹青

發舊藏綠尊消永夜紅燭爛華堂邂逅瞻尊範留

連廁末行分能容放誕禮宥恕疎狂願曲頻移坐

分曹儼畫疆高懷勇可賈小戶敵難當濟也才華

謝咸乎學植荒聲名同畫餅詩格類寒蟬枯木煩

雕斲泥塗眈激揚鹽車淹遠駕螢火借餘光侍坐

情方愜從遊樂未央西風迴去旆落日照高檣雲

樹人千里蕪葭水一方遙知長者意沉仄未應忘

拙詩懇友篁鑒定用李義山謝先輩防記念

拙詩韻

垂髫知學語織錦慕成篇取義真徒爾摘華或斐

然巧多嗤縛繭恨費陋鳴蟬始覺前言謬聊增所

得偏星河窮派別粉繪掃雲烟企彼高標在從之

七十二峯

東山翁氏合編

卷六十六

遠道綿如人自飲水斯道若登天不遇夫君賞騷

詞誰與傳

燕臺春雪

春寒漠漠雪爭飛薄暮空齋警客衣清影獨憐擁

萬卷孤踪聊喜掩雙扉湖山凍合梅應瘦澤國晴

開草正肥三月行人歸未得夢魂空繞釣魚磯

答寄楚山并東山中諸同學

秋風瑟瑟雨絲絲正是勞人悵望時寒北雁聲空

有淚江南鱸膾香無期蒼茫世事三年夢珍重交

情一卷詩客況近來都似此憑君傳語數相知

八月十四夜同徐竺村李敬佩元齊翼氏分  
得九青

碧空無際隱疎星明月孤圓浸一庭不省他鄉頭  
盡白恰逢狂客眼俱青題詩莫忘連宵約鬪酒難  
容此夜醒瞬息廣寒天路近霓裳仙樂試偷聽

檢亡友倪漱文遺書感賦

生死殊途夢亦疎今朝忽檢讀殘書故人飲恨留

餘草行路傷心見倚閭塵世暫來空若此夜臺長

七十二峯

東山  
翁氏合編

卷三十三  
二十七

去竟何如才高造物原無忌誰敢名心不早除

和長慶集放言

鸞斯笑爾黨頻頻誰是乾坤獨立身俗客儘教遭

白眼虛聲未便奉清塵丹山久已無威鳳錦水從

來有涸鱗位置吾徒在天外知他蟻陣是何人

幾欲凌風掉臂行丹臺曾註謫仙名寒松共爾千

年節朝槿由他一日榮識得死時方不死尋來生

處便長生箇中兀自騰騰醉誰要冰漿玉椀盛

長沙清明

誰言今日是清明似聽晨鐘夢亦驚失意桃花和

淚落無情楊柳傷愁生春光刺眼詩難就客况撐

腸酒漫傾曾記故山山下路年年芳草踏青行

讀滄洲公鷗盟詩

使君拂袖出危城虎阜春深放浪行石上置身千

尺峻池邊洗眼一泓清江湖誰識匡時畧邱壑猶

疑避世情伏獵侍郎真解事巧將蜚語摘鷗盟

讀三山唱和詩愛其爭妍鬪巧工力悉敵因

次原韻特東友篁聖謨兩君子

七十二峯

東山  
翁氏合編

卷三十三  
二十八

聲氣相投非易事銅山那便應鳴鐘忘形近喜稱

一友同調終羞號一龍玩世澹逾秋曉月守身貞

比歲寒松莫辭遺興頻酬倡笑口人生幾度逢

窮通爾我誰能主位置由天莫問渠秦缶總工復

何益齊竿偏好竟焉如快心覓醉黃壚酒得意傳

鈔鼎架書知己相期循分定羞言戴笠與乘車

經旬不見便如失落莫聊為擁鼻吟漸改牢騷緣

習久欲臻蘊藉待年深眼光差詡高千古腕力難

教副寸心幸有嗜痴同好在枯桐肯作錦囊琴

莫以雕蟲嗤小技等閒心力瘁於斯淺深欲向何  
人問得失惟憑吾輩知洗髓伐毛塵務去稟經酌  
雅古為期請看一卷三山詠駛絕人間有好詩

奉訪聖謨古雪山居即事索和疊前韻

故人高卧知何處空谷雲深杳杳鐘石磴千盤亭  
控鶴澗泉百道井藏龍雙扉翠鎖依新竹斗室青  
圍蔭古松散帙焚香愜幽趣翛然物外此相逢  
山房靜對便終日心境雙清孰似渠煩惱盡除空  
我相虛靈不得契真如口無世上曾聞語胸有人

七十二峯

東山  
翁氏合編

卷六  
二十九

間未見書同志得君何可捨頻來豈必命巾車

几淨窗明好筆硯也應興發到豪吟詩傳六義陶

鎔久派別諸家穿穴深脫挾風生扛有力思隨雲

出妙無心鍾期料是難輕許流水高山新鼓琴

風景山房隨日換驚看逝者又如斯陰陰密樹容

鶯坐寂寂孤花許蝶知破曉遠尋樵子路探幽忍

負酒人期祇緣險韻邀君和莫讓三山獨擅詩

友篁聖謨各枉和章再賦奉答疊前韻

錚錚細響何堪聽報我嘈吟萬石鐘老大真牽荀

息馬神奇豈畫葉公龍漫誇耐久邀盟石轉愧忘

年托友松白雪迭歌驚快事麻姑仙爪一時逢

蝌蚪爭奇蟠綠字芙蓉吐艷出清渠博聞季子驚

無敵豪氣元龍謝不如墨審量來堪痛飲筆花夢

去可中書嗟余謬許空群目自分無材駕鼓車

捧得新詩撫身世一回長嘆一回吟運斤難削愁

峰峻啣石寧填恨海深燭武精亡空有淚盧蒲髮

短更何心紛紛箏笛聽忘倦誓不王門辱鼓琴

安道

七十二峯

東山  
翁氏合編

卷六  
三十

落落青衫三十載天心早已示諸斯忍教淺水窮

魚困羞說長途老馬知肆力典墳深屬望策勲翰

墨遠為期他年聯轡看花候畫壁風流羨賸詩

七里瀧

重巒疊嶂束江流十五年來此再遊綠壁錦攤花

躑躅隔林曲度鳥鉤輶披裘人往孤亭在垂釣臺

荒片石留俯仰高風三歎息天涯行役欲何求

蘭溪道中

湍急縈迴春水生上游取次礙舟行斷崖懸纜驚

心過亂石投篙盡力爭村僻衡茅多小聚城荒睥  
睨只空名夕陽欲沒征帆落江路崎嶇又一程

度仙霞嶺

峻嶺週遭列戟攢先登有客嘯雲端漫思策杖真  
無奈因恤肩輿自不堪踞石聳身天一握攀蘿仄  
足路千盤人間險阻都如此何必區區蜀道難

安仁溪對月

險絕驚湍強自支蓬窓抱膝罷吟詩豈知浪靜波  
平處仍有風清月白時弱纜依沙窺洞壑遠燈隔

卷六十三

東山翁氏合編

三十一

水露茅茨賞心選石披襟坐只欠狂呼酒一卮

湖上晚歸促漱霜和東坡會客泛湖韻

明霞天半翳輕雲疑是紅粧漾碧裙無緒送歸山  
歛黛多情惜別水迴紋鶯花一任攀他手詩酒聊  
堪張吾軍古錦奚囊莫空負西湖春色待平分

讀有學詩集

尋源彷彿浣花溪回互阡東與陌西故實博該商  
隱顯玄言精邃處宗雞義垂構杭詩傳妙興托恢  
諧志續齊鯨吼鼉呿都口噤未應無緒野鷗啼

芳洲不蒙和詩戲但之

墨兵騰飽鏃堂溪督名議割鴻溝漢以西共返元音  
刑白馬別裁偽體矢丹鷄敢誇霞蔚濤箋麗實愛  
花開珽管齊信宿竟虛聞浩唱豈羞鸞嘯伴猿啼  
芳洲和章繼至予亦角勝興闌賦此以報解

園

崎嶇間道出瀘溪未肯騷壇轍便西盛氣逼將同  
躍馬壯心激起頻聞鷄歌傳折柳餘三疊韻苦抽  
蕉限八齊相約與君翻破陣鵲絃鐵撥洗哀啼

卷六十三

東山翁氏合編

三十二

賦得山意衝寒欲放梅次席誦先韻

仄纔遣冱寒回梅信旋從淑氣催數顆香沉殘  
雪窖一枝影破亂雲堆未堪客泛金樽賞早有人  
披鶴氅來何遜待將聯好咏東風傳語盡吹開

山居晤載雪長老出示和章奉酬

隋地原能澹世緣葛藤斬絕仗龍泉隨堂啜月龕  
三日面壁吟風坐十年法省衆流俱斷後道窺萬  
象未形先分明直下無回互識得西來上乘禪  
選錄葛髯近體詩東示貢珍用集中送曾伯

升入蜀韻

矮窻眼暗趁新曦愛寫蠅頭老不辭人自愛才多  
伎獐詩還刻意砭平夷鍾譚以後誰孤立魔第之  
間我獨知持向騷壇叅尚論髯翁應有降心時

寓感和李義山漢南書事

十載西師去不迴轉輸旁午簡書裁望夫草沒山  
頭石思子雲逃塞上臺仗馬鬣翻終少角羝羊骨  
立那生胎何常階羽從容舞飲至齊傾萬壽杯

雨夜有懷吳七兄卧病用朱子夢山中故人

七十二峯

東山  
翁氏合編

卷六十三  
三十三

韻

閱盡艱危耐盡愁憐君不比採薪憂冰天雪窖十  
年淚馬角烏頭兩髻秋遺卵僅存誰覆翼破巢雖  
在費綢繆遙知此夜呻吟意四壁燈昏兩未休

贈劉梧岡

自甘樗櫟閱烟蘿日薄虞淵馬下坡病態飛龍驚  
出骨名心枯井愧生波白門重到孤踪冷青眼相  
逢一老多詩酒願申耐久約長江天塹欲如何

夜窻孤坐

一編相對古為儔契濶曾無千歲憂月沒不教窻  
去網風侵常遣慢垂鈎雁聲遠帶新來冷菊影閒  
留老去秋丈室行吟差足樂肯將清況換豪遊

宴罷仿李義山

燈燼香銷知幾迴銅龍漏點獸頭催雲屏高敞當  
風靜繡幙斜鈎待月來促舞花枝春繞座徵歌松  
葉冷凝盃襄王晏罷無消息宋玉悲秋枉費才

偶遊仿溫飛卿

桃源猶自在人間洞口雙扉鎮日閑春暖肯教歌

七十二峯

東山  
翁氏合編

卷六十三  
三十四

扇掩花殘不放舞衣閒窺簾細語偷新燕對鏡脩  
眉遠山慚媿片時相近分劉郎腸斷等閒還

病疾

禪味叅三乘詩工咏四愁孤眠偏聽雨多病易驚  
秋

白髮

朝來攬明鏡白髮感蹉跎畢竟無公道愁入髻畔  
多

酒後贈瞿端叔

端叔生粵東每述稼軒  
先生時事輒為扼腕

高人豈必老漁樵  
溷跡塵埃興未消  
世上只今無信史  
好憑醉裡話前朝

管鮑分金處

人生何處見交深  
貧賤相知在寸心  
縱使贈金猶細事  
路人枉是豔分金

淇縣

斯脛河連剖心墓  
特留遺蹟感懷多  
朝歌宮闕知何處  
不忍重吟麥秀歌

田氏紫荊里

七十二峯

東山

翁氏合編

卷六十三  
三十五

田氏遺墟沒草萊  
春風猶見紫荊開  
願移當日連枝種  
分與人間處處栽

荊鄉故里

獨提匕首去咸陽  
環柱秦王膽亦亡  
豈為酬恩燕太子  
捐軀難得報田光

白堤

堤傳白傅想風流  
小隊油幢愛冶遊  
一水空明山四遶  
十年直得為勾留

東孟直

西抹東塗不偶然  
美人香草祖前賢  
豎壇他日誰知己  
擬倩吳郎作鄭箋